





John Carter Brown
Library
Brown University



Malinge Claude

DEVXIESME TOME
DE LA
REBELLION
EXCITE'E EN FRANCE
PAR LES REBELLES DE LA
Religion pretenduë Reformée.

OV CONTINAVATION DE LA GVERRE
contre eux par Messieurs les Ducs, d'Elbeuf en la basse
Guyenne, de Mont-morency en Languedoc, & de l'Estdi-
guieres en Viurets.

LE DERNIER VOYAGE DV ROY, LA
deffaicte de l'armée Rocheloise & du sieur de Soubise, Siège
de Royan, la Reduction de la haute & basse Guyenne, du Duc
de Suilly & du sieur de la Force: du Duc de Rohan, siege &
reduction de Mont-pellierr & de tout le Languedoc.

EXPLOICTS DE GVERRE VERS LA ROCHELLE
tant sur mer que sur terre, par Messieurs les Comte
de Soissons & Duc de Guise.

LA PRVDENTE CONDVITE DE MONSIEVR DE
Neuers contre les desseins du Comte de Mansfeld.

ENSEMBLE CE QVI S'EST PASSE' DE
memorable en France, dans l'Empire, Turquie, Espagne,
Anglèterre, Pays bas, & Grisons, depuis le commencement
de l'année 1622; iusques à present.

AVEC L'ESTAT DES PRINCES, SEIGNEVRS ET
Gentils-hommes decedez en France, dans les guerres de la Rebellion.



A PARIS.

Chez JEAN PETIT-PAS, rue saint Iacques à l'Esku
de Venise près les Mathurins.

M. DC. XXIII.
AVEC PRIVILEGE DV ROY.

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY

RECEIVED
JAN 10 1903
FROM THE
LIBRARY OF THE
MUSEUM OF
COMPARATIVE ZOOLOGY
AT HARVARD UNIVERSITY

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY



A HAVT ET ILLVSTRE
PRINCE, MONSEIGNEVR
Charles de Lorraine, Duc d'El-
beuf, Pair de France, Cheualier
des ordres du Roy, Capitaine
de cent hommes d'armes & de
cent cheuaux legers de ses or-
donnances, Comte d'Harcourt
del'Islebonne & de Bazançois,
Seigneur de Rieux, de Ro-
chefort, &c.



ONSEIGNEVR,

*Ce seroit vn blasme
tres-grand à l'Histoi-
re de ce temps de celer
à la posterité les a-
ctions glorieuses que vostre grandeur
a exercées en la basse Guyenne, pendant
à ij*

EPISTRE.

que vous y auez commandé en qualité de General aux armées du Roy, & encore de ne pas faire cognoistre l'esperance que tous les gens de bien de la France ont de vostre generosité, & de l'assistance que le Roy & cet Estat se promettent par vostre valeur & bonne conduite, aux occurrences qui se presenteront, à l'exemple de vos Illustres ayeuls, comme vous l'avez desjà tesmoigné en seruant le Roy, avec vne passion & affection si grande, que l'on peut à bon droit dire que la Guyenne vous reſere tout son repos, benissant sa Majesté d'auoir fait choix d'un Prince si iudicieux & courageux pour commander en la Prouince de son Royaume la plus broüillée & desploree, où les Autels ont esté reſtablis en leur lustre, la Iustice en son trosne, & l'autorité du Roy conseruee, en un mot les rebelles seuerement chastiez, & les bons seruiteurs de sa Maieſté main-

EPISTRE.

tenus & fauorablement traictéz.
 (Le ne reciteray point ce que vostre
 vertu, bonne conduite & generosité a
 profité en Normandie l'an 1620. que
 vous y fustes estably General d'armée
 par sa Maiesté, par ce que ie ne trait-
 te pas en ceste histoire ce qui arriva en
 ce Royaume en ladicte année.) C'est
 pourquoy, MONSEIGNEVR,
 puis que cy deuant i'ay enuoyé au pu-
 blic autant de fueilles de papier, que
 le bon-heur des armes vous a acquis de
 palmes contre les rebelles. I'ay aussi
 estimé, mettant ce liure en lumiere,
 qu'il ne se pourroit mieux defendre
 contre la malice du temps, que sous les
 auspices fauorables de vostre Illustre
 grandeur, ny estre plus humainement
 receu d'aucune autre main que de la
 vostre; puis-qu'en iceluy, vostre veüe
 repassera s'il luy plaist, par dessus les
 combats & victoires que vous auez
 remportées dans le champ de bataille,

EPISTRE.

près la maison de la Force, dans les ruines de Mont-rauel, au haut & bas Tonneins, dans les plaines de Clerac, battant & chassant les ennemis du Roy, & entant d'autres manieres que les cendres qui restent dans les places & mesures de ces villes rebelles, par vous courageusement debellees, serviront de trophées & de monuments eternels à vos gloires: En suite de cecy vous trouuerrez encore la loüable & fidele conduite des armes de sa Majesté dans le Languedoc, dans le Dauphiné, Viualets & Quercy, par Messieurs les Ducs de Mont-morency, de l'Esdi-guieres & Mareschal de Themines, contre les rebelles de ces Prouinces: la resolution genereuse du Roy à un nouveau voyage: ses victoires glorieuses contre les Rochelois, la terreur de ses armes, sous lesquelles les plus orgueilleuses testes de cet Hydre de rebellion, ont esté abbaissees, contraintes de se sous-

ÉPISTRE.

mettre à ses loix, & flechir le genoüil
 sous l'esper d'une grace & misericor-
 de, qu'ils ont finalement requise aux
 pieds de sa Maiesté. Et comme nos
 voisins n'ont demeuré en repos, pen-
 dant nos guerres ciuiles: aussi verrez
 vous icy, apres le cours de nos troubles,
 ce qui est arriué aux guerres d'Allema-
 gne, Pays-bas & Grisons & par tou-
 te l'Europe, tant sur mer que sur terre,
 le long de la presente année, le plus au
 vray qu'il m'a esté possible. Ce que j'ay
 fait avec double respect; l'un, pour con-
 tinuer mon Histoire premiere de la re-
 bellion excitée en France, par les rebel-
 les de la Religion pret. refor. depuis le
 reſtabliſſement des Ecclesiastiques au
 pays de Bearn, és années 1620. & 1621.
 l'autre, pour, par ce moyen, pouuoir ser-
 uir à vos gloires, donnant à la poster-
 ité ce riche monument de vostre loüable
 courage, & par cela mesme vous tes-
 moigner, MONSEIGNEVR,

EPISTRE.

qu'entre tant de loüanges que vous auez
acquises en la reputation de vos pre-
mieres armes, ie seray du nombre de
ceux qui offrent iournellement leurs
vœux pour la prosperité de vostre per-
sonne, puis que de toute mon affection
i'ose me qualifier

De vostre grandeur,

MONSEIGNEVR,

Tres-humble, & tres-
obeyssant seruiteur,

C. MALINGRE. H.



TABLE
DES CHOSES PLUS
memorables contenuës en ce
second Tome de l'Histoire de
la Rebellion excitée en France,
&c.

M. DC. XXII.

Responce au Manifeste de la Rochelle.

5-

Serment d'vnion fait aux assemblees mixtes de ceux de la Religion : Malices des Ministres. Ruy-
nes incroyables pour les guerres de la Religion.
Religion Catholique troublee en leurs villes d'o-
stage. Les nouveaux conuertis à l'Eglise sont per-
secutez par les Huguenots. Ministre Ferrier perse-
cuté à Mont-pellier s'estant conuertey Assassin du
sieur de Boisse Pardaillan avec vn Prestre. Chirur-
gien massacré à Lauerdac pres Nérac par les hu-
guenots pour s'estre conuertey. Ministres menacés
leur troupeau, leur deffendant par mille sorte d'in-
timidations de se rendre Catholique. Ministres de
France pratiquent des forces en Allemagne. Para-
olestres impudentes des rebelles. Ieunes de ceux
de la Religion sont prestiges à la France : Effronte-
rie nompareille du Manifeste des rebelles. Henry
III. quand la premiere fois introduit à la Cour du
Roy, Charles IX. Bonté du feu Roy fit obtenir

• Tome II.

†

TABLE

l'Edit de Nantes. Edit de Ianuier. Reistres appelez en France par les Heretiques contre le Roy Charles IX. Heretiques se sont aduancez dans les miseres de la France Ville & Chasteau de Sancerre pris par les rebelles en plaine paix. Declaration du Roy pour l'explication du serment de son sacre. Hayne des Heretiques contre les Iesuites d'où procede. Bien-veillance du Roy generale à toute la Compagnie de Iesus.

Abbrege de l'affaire de Bearn.

21.

Dessein des Ministres pour maintenir leur autorité absoluë en Bearn. Blasme pour Monsieur de la Force. Voyage du Roy en Bearn. Sa responce au sieur de la Force & à son Aduocat general au Conseil du pays deputez de Bearn enuoyez au Roy à Marfac pour sçauoir l'ordre de son entrée à Pau. Eglise de Pau reconciliee. Procession solennelle du Saint Sacrement à Pau. Entreprise des Bearnois au retour du Roy de Bearn. Duc d'Esperson enuoyé par le Roy en Bearn contre les rebelles du pays.

Plainte de l'assemblée Rocheloise contre

les fauoris du Roy.

29.

Se plaignent à faux qu'ils ne sont admis aux charges publiques de leurs assemblees mixtes. Bonté du Roy trop grande envers eux : leur mauuais dessein à l'assemblée de Saumur l'an 1611. Pretention des rebelles de l'assemblée de la Rochelle. Places commandees par Gouverneurs Catholiques en Dauphiné. Commissaires du Roy menacez du peuple en Bearn.

Plaintes des rebelles sur le bruslement du

Temple de Charenton.

39.

La responce. Rebelles de l'assemblée resoudent à voller les biens des Ecclesiastiques pour l'entretien des ministres. Villes d'ostages à quelle fin octroyée & à quelle fin retenues par les rebelles. Places de seureté octroyees au feu Roy lors Roy de Nauarre l'an 1570. Demolition des Eglises defendue aux

M. DC. XXII.

heretiques par la conference de Nerac. Saumur donné au Roy Henry IIII pour son passage de Loire Baye sur Bay seule ville de Filiolage ou d'ostage en Viarets. Abbrege de la rebellion de Prunas. Bagage du Nonce du Pape pris par les rebelles Combat entre les rebelles & les troupes du Duc de Vantadour. Siege & prise de Ville-neufue le Berg. Dessein des rebelles en Languedoc. Ingratitude de Monsieur de la Force.

Subiect de la sedition de Tours.

51.

Temple des huguenots de Tours basti pres de la maison du Roy au Pleffis les Tours Dessein & pratique du sieur du Pleffis pour garder Saumur contre les armes du Roy. Sa recompense pour la demission de la charge. Catholiques sont sans armes es villes d'ostages parmy ceux de la Religion. Plusieurs de la Religion detestent la rebellion des autres. Personnages de qualite de la Religion pret. morts & tuez aux sieges des villes.

Reduction de Monsieur de Chastillon au service du Roy.

57.

Le fils & la belle mere de Monsieur de Chastillon retenus prisonniers par les rebelles de Montpellier.

Apologie de Monsieur de Chastillon contre l'acte de l'assemblee de Nismes publiee contre luy.

59.

Sa prudence respondant aux Rebelles du Languedoc. Party des grands de la Religion ont quitté le party des rebelles. Le sieur de Chastillon armé pour empêcher le siege de Vals inuesty par Monsieur de Montmorency. Il fait veoir qui a affectionné le party des rebelles. L'assemblee de Nismes se veut autoriser sur luy. Menaces d'icelles. Billets scandaleux femez contre luy par Oliuier President à Nismes. Son but tousiours à la paix. Maxime par luy fort pratiquée. Emotion de Mont-pellier contre le sieur de la Tour, y enuoye de la part du Roy.

T A B L E

Declaration de l'assemblée de Nismes portée au
 sieur de Chastillon pour le faire declarer. Rentés du
 Chapitre de Mont pellier saisies par les rebelles.
 Deputez du Duc de Rohan vers le sieur de Chastil-
 lon pour luy demander secours Venturin à luy en-
 uoyé pour le conuier a prendre la conduicte du par-
 ty. Pratique d'Oliuier seditieux du Languedoc.
 Monsieur de Chastillon se plaint de luy. Libelle
 diffamatoire fait par les rebelles du Languedoc cõ-
 tre le sieur de Chastillon : Est des authorisé par l'as-
 semblée de Nismes Ses intentions. Son ouuerture
 aux deputez du Languedoc enuoyez à la Rochelle.
 Les longues assemblees luy ont tousiours despleu :
 impostures à luy imputees On traicte avec luy pour
 l'attirer au seruice du Roy. President de Genoudan
 enuoyé au Roy par Monsieur de Chastillon pour
 la paix: enuoye ses deputez à Nismes, Mont-pellier
 & Vsez: Les rebelles refusent la paix qu'il leur pro-
 pose. Nouuelles impostures contre luy. Disent
 qu'il a empesché le secours de Saint Iean d'Ange-
 ly & celuy de Montauban. Qu'il a armé leurs enne-
 mis à leurs despens. benefices par luy receus par les
 rebelles. Aiguemorte mise à l'interdit pour estre
 obeissante a Monsieur de Chastillon. Questions
 faites aux rebelles par Monsieur de Chastillon.

Seconde rebellion en Guyenne.

86.

Reprises en icelle paries rebelles.

Fortifications des Villes du Languedoc.
ibid.

Premiere cause de la permission diuine sur la re-
 bellion des rebelles. Seconde cause. Troiesieme
 cause.

Pratiques du sieur de la Force.

94.

Il se retire dans sainte Foy. L'assemblée de la Ro-
 chelle luy enuoye commission. Mandemēt du sieur
 de la Force à la ville de Libourne. Salut huguenot
 pour trois cens mille liures Crimes contenus en la
 commission enuoyee au sieur de la Force par les
 rebelles del'assemblée. Fautes de ladite commissiõ.

M. DC. XXII.

villes d'ostages accordees pour six ans seulement. Les Ministres appellent ennemis de l'Estat, le Roy, les Catholiques & ses fidels seruiteurs Le Pere Veron enuoyé par le Roy dans sainte Foy. Le Docteur de l'Arche fait prisonnier par ceux de sainte Foy.

Armement & resolution du Sieur de la Force en la basse Guyenne. 103.

Les soldats & les troupes qu'il y fait entrer.

Troubles de Languedoc. 105.

Duc de Rohan recogneu chef des Eglises du Languedoc Persecution des Ecclesiastiques & des Catholiques avec la ruine des Eglises à Nismes. Dans Vlez : Bourgs & villages ruinez au Languedoc Mauuaise volonté des habitans d'Aiguemorte. Persecution des Catholiques dans Castres & Lunel.

Persecutions furieuses des rebelles de Mont pellier contre les Catholiques de la Ville & diocese. 107.

Lierent les mains aux Magistrats Catholiques emprisonnez à Mont-pellier : Leur bien butiné : on les oblige aux fortifications : on les menace d'un massacre : Morts deterréz & traînez à Mont-pellier : Corps mort d'une Religieuse deterré & deschiré par les rebelles. Emprisonnent les Ecclesiastiques : Crucifix traînez par les ruës avec un licol : ont contraint les Catholiques d'abiurer leur creance. Duc de Rohan receu comme un Roy dans Mont-pellier.

Assasinar du sieur de Croc dans Mont-pellier. 116.

Ceste action desplait aux plus sages de la ville & au Duc de Rohan. Le Roy proteste de vanger ceste action si barbare. Lettre du Duc l'Esdiguieré à ceux de Mont-pellier sur cet assasinar : les exhorte

T A B L E

à la paix.	
<i>Actes d'hostilité commis en Dauphiné par les Rebelles.</i>	125.
Leur assemblée à Dye. Ordonnance de paix publiée en Dauphiné par commandement du Duc de l'Es-diguieres.	
<i>Monsieur le Prince fait Lieutenant general du Roy.</i>	131.
<i>Bien-veillance du Roy enuers le Duc d'Espernon.</i>	ibid.
<i>Nouvelles garnisons enuoyées à Saumur.</i>	132.
<i>Preparatif de Paris pour la reception du Roy.</i>	133.
Entree de sa Majesté dans Paris. Allegresses publiques.	
<i>Gouvernement d'Amiens rendu au fils du feu Connestable de Luynes.</i>	135.
<i>Rebellion de Bourniquel en Quercy.</i>	136.
<i>Deffaite d'un conuoey de Montauban par le Marquis d'Ambre.</i>	137.
Nombre des morts & prisonniers.	
<i>Resolution par la demolition de Quillebeuf.</i>	138.
<i>Duc de l'Esdiguieres moyenne la paix.</i>	139.
Raisons de ceux qui la proposent. Les rebelles demandent la paix & non pardon de leurs crimes: Proposition de paix changée en resolution de guerre sur la continuation de l'insolence des rebelles.	
<i>Assassinat du sieur de Boisse Pardail.</i>	

Jan.

151.

Sac de Montheur.

152.

Rebelles de Montheur se iettent de rechef dans sainte Foy.

Le Duc d'Elbeuf fait general del'armée du Roy en la basse Guyenne.

152.

Deffaite des troupes sorties de sainte Foy par M. du Hallier Vitry.

Arrivée du Roy à Bordeaux.

153.

Le Duc d'Elbeuf prend possession de l'armée du Roy en la basse Guyenne, a la charge de General.

154.

Forces attirées en Guyenne par le sieur de la Force. Siege de Gensac leué par le Duc d'Elbeuf, & met le feu aux faulxbourgs. Forces du Duc d'Elbeuf. Alarmes des ennemis, Regimēt de roquelaure cassé. Le Duc d'Elbeuf arrivé à Monsegut: Les rebelles pratiquent de se rendre maistres de Duras Le Duc d'Elbeuf les deuance & y met garnison: Les habitants ne la reçoient qu'à regret. Rauages des rebelles en basse Guyenne. Le Duc d'Elbeuf va à Bergerac. Fait monter du canon. Veut assieger la maison de la Force. Menace audacieuse du sieur de la Force. Le Duc d'Elbeuf assemble des troupes pour assieger sa maison: fait attaquer le chasteau où les ennemis fuyent. Gaigne les barricades & enferme les ennemis au Chasteau. Le Marquis de la Force vient pour secourir sa maison. Le Duc d'Elbeuf choisit le champ de bataille pour l'attendre. Le fait reconnoistre. Change son champ de bataille. Range son armée en bataille. Soupe à la campagne sous un noyer attendant l'ennemy: Disposition des ennemis pour le combat: Chantent les Pseaumes, puis marchent en bataille, Combat Engagement du sieur de Bordeille avec les ennemis: ennemis fuyent. On les poursuit. Retraicte du Duc d'Elbeuf à Bergerac.

T A B L E

Mont-rauel assiegé par le Duc d'Elbeuf.

170.

Surprise de Mont-flanquin par le sieur de la Force.
 Surprise de Clerac par les rebelles Le Pere Herué
 Mauuet tué d'as Clerac par les rebelles faulxbourgs
 de Mont-rauel gaignez par le Duc d'Elbeuf qui at-
 taque le Chasteau, Fait donner assaut à la ville, qui
 est gaignée, & les contraint de fuir, & se sauuer dans
 vn fort, où il les assiege: Luy demandent compo-
 sition, Fort gaigné par luy Nombre des ennemis
 tuez, prisonniers & pendus. Nombre des Capitaines
 pris. Drappeaux enuoyez au Roy.

*Surprise du haut & bas Tonneins par le
 sieur de la Force.*

177.

*Resolution du Duc d'Elbeuf pourr' assieger
 Tonneins.*

178.

Adionctiō du Marechal de Themines avec le Duc
 d'Elbeuf d'as Marmande Attaque au bas Tonneins
 pris & gaigné par le Duc d'Elbeuf Nombre des en-
 nemis y tuez. Trenches commandez par luy au
 haut Tonneins où les ennemis se retirent Secours
 du sieur de la Force deffait & luy poursuiuy battant
 iusques aux portes de Clerac. Blessure du sieur de
 Theobon. Assaut au haut Tonneins par le Duc
 d'Elbeuf qui y fut repoullé avec perte & blessure
 de quelques siens Capitaines. Attaques des ennemis
 sur le quartier de monsieur de Bourg Forts faits de-
 uant Tonneins attaque à vne maison: Blessure du
 sieur de Montpoüillan. Pataches enuoyees de Bor-
 deaux pour empescher le raitaillement aux assie-
 gez: Bastion gaigné sur les ennemis par le Duc
 d'Elbeuf: Ils demandent à parlementer: Enuoyent
 deputez audit Duc, qui ne les veut receuoir qu'à
 discretion. Entreprise du sieur de la Force sur Ber-
 getac mais en vain. Dessein du mesme pour secou-
 rir Tonneins. Allarmes frequentees au camp du
 Duc d'Elbeuf. Armée dudit sieur de la Force veut
 surprendre celle dudit Duc: Ennemis decoquerts:

M. DC. XXII.

Vigilance admirable du Duc d'Elbeuf. Liurée des ennemis, vne seruiette en manteau de Pelerin : Ils ont peur & fuyent à l'aspect des armes dudit sieur Duc. Ledit Duc est fort chery des soldats. Ordre de son armée pour combattre les ennemis : nombre des tuez. Drappeaux gaignez par ledit Duc : Sa valeur admirable. Courage du Marechal de Themines. Sortie des assiegez pendant le combat : Perte du costé du Roy. Viuandiers de l'armée fuyent à la sortie des ennemis. Seigneurs, Capitaines & soldats tuez en ce combat du costé du Roy.

Montauban pressé par le Duc d'Angoulesme & Marechal de Themines. 195.

Sieges de Negrepelisse & de Bourniquel. 196.

Peuple de Negrepelisse traistre & desloyal. Résistance de Bourniquel : Endure le canon. Réduction de la ville à composition & du chasteau. Retour du Duc d'Angoulesme en Cour.

Pretension du Duc de Rohan sur la ville de Caussade en Querey. 197.

Enuoye vn Capitaine avec lettres aux habitans pour les faire rebeller. S'approche avec troupes pour l'escalader : son dessein est detourné par le Comte de Vaillac. Ordre donné par le Marechal de Themines pour empescher l'entreprise du Duc de Rohan. Enuoye secours à la place, Duc de Rohan vient à l'escalade, jette des hommes dans le Temple. Les aduenus des rues barricadees contre luy. Combat & deffaicte des gens du Duc de Rohan à l'exécution de l'entreprise. Nombre de leurs morts & prisonniers. Tuez & blesez du costé du Roy. Le Duc de Rohan est poursuivy par l'Euesque d'Alby & le Comte d'Aubiioux, se sauue dans Briteste : où il leue nouvelles troupes.

Deffaicte du secours leué en la principauté d'Orange pour le Duc de Rohan par le Gon-

TABLE

Gouverneur du S. Esprit. 202.
Sont attaquez par l'embuscade mise dans vne Ile
par le sieur d'Anthomarie Capitaine du Sieur de
Malarques Gouverneur du Pont S. Esprit.

Coureur d'Vse des faits par ceux de Ro-
quemaure. 203.

Valeur du sieur de Vernet en ceste charge.
Rebellion de Poufis & de Bays sur Bay par
le sieur de Blacon. 204.

Resolution du Duc de l'Esdiguieres pour les assie-
ger. Son arriuee avec son armée deuant la ville de
Poufis: les priue du secours du Languedoc, lequel
il enuoya desfaire par le Comte de Plaisan, qui en
fait pendre plusieurs aux arbres. Batteries continues
contre la ville & chasteau de Poufis. Assault donné,
mais soutenu & repoullé avec perte du costé du
Roy. Fort construit deuant la place. Les assiegez
demandent composition au Duc: qui leur est con-
cettée: puis accordée, avec articles: y comprenant la
reduction de Bays sur Bay.

Troubles en Rouergue & Quercy. 209.

Guerre entre les garnisons & habitans des villes de
Figeac, Cadillac, Cariac, Cadenac Lettre du Roy
escrite au Duc de Sully pour empescher ce desor-
dre. Lettre du Duc de Sully au sieur de Pybrac sur la
commission que le Roy luy enuoyoit. Ledit sieur
de Pybrac se fortifie contre la garnison de Figeac.
Va attaquer le fort du Duc de Sully à Cadenac qui
est gaigné avec perte des ennemis. Là fut tué le sieur
de l'ustaret fort regretté. Signal des assiegez fuyans
Offre du sieur de Pybrac au Comte d'Ayen pour
la garde du fort: Funerailles dudit sieur de l'us-
taret.

Rauages des Rochelois en Xaintonge &
Poitou. 219.

M. DC. XXII.

Surprise de Royan & de l'Isle d'Argenton par le
sieur de Fauas. Son entrée au pays de Medoc. Y at-
taque & surprend Soulac. Court insques aux portes
de Bordeaux. Armement des Bordelois pour em-
pescher les courses dudit sieur de Fauas. Arrest du
Parlemēt de Bordeaux contre les Gentils-hommes
refugiez à la Rochelle Surprise du sieur de Humie-
res mené prisonnier à Royan: qui en sortit sur la foy
Courses du sieur de Soubise dans la Xaintonge
poursuiuy par le Duc d'Espèrnon & monsieur de S.
Luc Defaïcte du Regiment de Champagne par le
sieur de Soubise.

*Ranages du sieur de Soubise au bas Poictou
& aux Sables d'Oloné.* 224.

Attaque & prend les Sables d'Oloné. Ses demandes
insolentes faïctes aux Olonois. Sacrileges des siens
en Oloné. Le Comte de la Rochefoucault armé
pour leur courir sus. Combat fort rude entre quel-
ques caualiers dudit sieur Comte & des Rochelois
pour sauuer Tallemont menacé de siege par le sieur
de Soubise. Morts & blesez de part & d'autre. Le
sieur de Soubise chassé de S. Gilles.

*Deffaïctes des troupes du sieur de Fa-
uas au pays de Medoc par les Bordelois.*

231.

Nombre des Rochelois tuez & prisonniers.

Dessein du second Voyage du Roy. 232.

*Demolition de Quillebœuf en Norman-
die.* *ibid.*

Basty à diuerses fois. Les Habitans ne veulent offrir
cette demolition. Monsieur de Longueville la faict
faire par force.

*Gouuerneurs changez es villes de Picar-
die.* 233.

Calais, Bologne, à la Fere.

Retour de l'Ambassadeur extra-ordinaire

T A B L E

<i>d'Angleterre à Londres.</i>	234.
<i>Va ſçauoir la reſolution de ſon Roy touchant la paix avec les rebelles de la France</i>	
<i>Seance au Roy en ſon Parlement de Pa- ris.</i>	234.
<i>Où ſe veriſient pluſieurs Edits de nouvelle crea- tion d'offices.</i>	
<i>Leues d'Allemands faiçte pour le Roy par le Duc d'Aluin.</i>	236.
<i>Regiment de Champagne remis ſus.</i>	
<i>Voyage de Bretagne conclud.</i>	237.
<i>Accord fait par le Roy entre le Duc de Ne- uers & le Prince de Joinuille.</i>	237.
<i>Paroles tenuës en cët accord.</i>	
<i>Nouveau Voyage du Roy Vers Breta- gne.</i>	240.
<i>Ordre donnë à Saumur par le Roy. ibid.</i>	
<i>Mariage du Prince de Joinuille avec la veſue Con- neſtable de Luÿne. Deſſein des rebelles ſur Saumur.</i>	
<i>Pratique du ſieur de Soubiſe pour Saumur Arriuée du Roy à ſaumur Reſolution pour la demolition des fortifications de la place. Arriuée du Roy à Ancenis.</i>	
<i>Arriuée du Roy à Nantes.</i>	247.
<i>Conſeil de guerre tenu à Nantes. Reſolution pour aller attaquer le ſieur de Soubiſe. Eſtat de l'armée du Roy à Nantes</i>	
<i>Deſſaiçte du ſieur de Soubiſe & de ſon armée en l'Iſle de Rié par l'armée du Roy.</i>	249.
<i>Attaques du Roy à l'Iſle de Rié. Ordre donnë par ſa Majeſté auant le Combat. Son travail indefatiga- ble. Sa generoſité admirable. Danger extrême de l'armée du Roy. Deſſaiçte des ennemis, bagage ga-</i>	

M. DC. XXII.

gné. Fuite du sieur de Soubise. Chevaux pris dans les mares Relation veritable de tout le combat. Disposition de l'armée du Roy pour attaquer l'Isle de Rié. Le Roy fait donner du pain à ses soldats. Fidelité du Marechal de Vitry, qui attaque courageusement les ennemis. Nombre des morts. Courage admirable du Roy, de failly aux ennemis. Canon & munitions gaignées : Valeur de la noblesse en ce combat : Resistance d'aucuns chefs du sieur de Soubise. Ordre donné par le Roy avant le combat. Premier choc donné par les sieurs de Vitry, de Bassompierre & de Praslin Prise du sieur de la Motte. Prise de tous les Officiers de l'armée ennemie. Poursuite des paysans Quatre effets de la providence divine en ceste entreprise Royale.

Prise du Chasteau de la Chaume par le Comte de la Rochefoucault. 266.

Nombre des ennemis y tuez. Grand coup empêché par vne femme. Bien veillance du Roy enuers le Comte de la Rochefoucault.

Voyage du Roy à Niort. 269.

Prisonniers enuoyez à Nantes, où aucuns se convertissent.

Sieur de Marsillac enuoyé à Saint Malo. 270.

Poursuite faite au sieur de Soubise qui se sauue à la Rochelle. *ibid.*

Congé donné par le Roy aux Officiers de la Religion, suivans ses armées. *ibid.*

Motif de ce fait. Dessin du Roy.

Sieur de Buillon enuoyé au Roy avec les Deputez de la Religion par le Duc de l'Esdi- guieres pour la paix. 272.

Ses remonstrances.

Hayne des Rochelois contre le sieur de

T A B L E

Soubise.

274.

Conseil tenu à la Rochelle pour faire nouvelles levées. Prise de l'Escun sorty de la Rochelle par les gens du Roy.

Sainct Iean d'Angely acheué de desmolir en presence du Roy.

277.

Arrivée du Roy à Xaintes.

ibid.

Force du Chasteau de Taillebourg Le sieur du Halier s'en saisit pour le Roy.

Perfidie de Royan.

281.

Surpris l'an passé par le sieur de Soubise. Est fortifié de gens de guerre par le sieur de Fauas.

Resolution du Roy pour assieger Royan.

282.

Duc d'Espéron gaigne les fauxbourgs. Perfidie du sieur de Fauas. Afflictie de Royan. Ses fortifications. Arrivée de l'armée du Roy devant Royan. Tranchées gaignez. Mine des ennemis domageable à ceux du Roy: Les ennemis demandent à fortir. Articles à eux accordez par le Roy. Reduction de Royan & la sortie des garnisons.

Saincte Foy investie par Monsieur le Prince.

286.

Articles accordez à ceux de Saincte Foy. Entree de monsieur le Prince dans Saincte Foy. Du garde des Seaux. Puis du Roy. Procession du S. Sacrement faite à sainte Foy. Sa Majesté assistant. Ordre donné pour la demolition des fortifications de la place.

Seconde reduction de Clerac.

296.

Insolence grande des rebelles de Chastel-moron.

297.

Arrest du Parlement de Bordeaux donné contre eux. Cause notable d'iceluy.

Deffaite de la Canallerie du Duc de Rohan

M. DC. XXII.

- par le Comte de Vieule.* 300
Les plus signalez de la ville tuez.
Ordre pour le blocquement de la Rochelle. 301.
Rauage des Rochelois en l'Isle d'Oleron : & sur la mer.
Vaisseaux Hollandois attaquez par M. le Prince à Bordeaux. 303.
Histoire d'un signalé voleur appelé la Chaufraye & de ses associez. 304.
Voleurs sous le nom de rougets & grisons : leur subtilité en matiere de vol. Leur prise & execution à Verneuil.
Reduction de la Ville de Thonneins au Roy par le Duc d'Elbeuf. 311.
Articles de la capitulation de Thonneins. Mort du sieur de Montpouillan. La resolution & protestation de la garnison sortant de Thonneins. Thonneins & Mont-rauel rasez.
Reduction de Montflanquin. 316.
Arrivee du Roy à Agen. *ibid.*
Là le Duc de Sully va trouver sa Majesté. Ordre pour Montauban. Monsieur Zamet enuoyé en Languedoc Albiac obéit par crainte.
Rebellion de Negrepelisse. 317.
Desloyauté de ses habitans. Recherchent à se rebeller de rechef, resoudent de massacrer la garnison du Roy.
Cruauté des femmes de Negrepelisse. 321.
Contraignent ceux du Chasteau à sortir. Refusent les portes au Roy. Siege & batterie contre la place. Courage des soldats du Roy fort animez. Charité memorable de monsieur de Vicgarde des Seaux, & de plusieurs autres Seigneurs. Prise du Chasteau de Negrepelisse apres le sac de la ville par les gens du.

TABLE

Roy. Vn Prestre massacré pris pour vn Ministre.	326.
<i>Siege de saint Anthoin.</i>	
Nombre des soldats de la garnison. Ses aduenues difficiles. Grande tuerie de part & d'autre aux approches. Assauts furieux, fort soustenu. Blessure du Duc de Rets. Mort de plusieurs Capitaines. Capitulation pour la reduction de la place. Sortie de la garnison. Nombre des habitans pendus.	
<i>Declaration du Roy contre le Duc de Rohan.</i>	328.
<i>Siege de Carmail, qui se rendit sans force.</i>	333.
<i>Arrivee du Roy à Thoulouse.</i>	ibid.
Harangue qui luy fut faite.	
<i>Deffaite de 500. hommes sortis de Mont-pellier par monsieur Zamer.</i>	340.
Reduction de Carmail, Cadenac, Figeac & Cariac.	
<i>Retraicte du Duc de Rohan dans Castres à l'arrinée du Roy en Languedoc.</i>	342.
<i>Reduction du Mas sainte Puelle.</i>	ibid.
<i>Depute du Duc de Rohan au Roy.</i>	ibid.
Seiour du Roy à Castelnò d'arris. Allemâds arriuez vers Mont-pellier. Arriuee de l'Ambassadeur extraordinaire d'Angleterre à Londres.	
<i>Voyage du sieur de Soubise en Angleterre.</i>	344.
Y pratique quelque secours mais en vain. Six cens Anglois entrez dans la Rochelle.	
<i>Retention de madame de Rohan au chasteau d'Angers.</i>	346.
<i>Harangue faite au Roy dans Beziers par Monsieur Fenoüillet Euesque de Mont-pellier.</i>	

pellier.

327.

Où il exagere les cruautéz des rebelles dudit Mont
pellier contre le Roy & les Catholiques.

*Conuersion du Duc de l'Esdaiguieres à la
Foy Catholique.*

367.

Promesse qu'il en fit au Pape en Piedmont lors
qu'il n'estoit que Cardinal. Euesques & Seigneurs
presens à sa conuersion. Paroles qu'il dist aux Mi-
nistres. Le Roy luy enuoyé ses delpesches pour l'E-
stat de Connestable. Resiouissance à Grenoble sur
sa conuersion. Reçoit l'Ordre du S. Esprit. Etton-
nement des huguenors sur sa conuersion. Fait con-
sacrer le Temple de son Chasteau de Vizile.

*Trouble en France pour l'arriuée du Comte
de Mansfeld sur la frontiere.*

385.

Son extremité au Palatinat & sa necessité le chasse
del' Empire & l'enuoye vers nous. Vient aux semô-
ces du Duc de Bouillon : Promesses qu'il luy fit.
l'Euesque d'Alberstat seioint à Mansfeld. Force de
leur armée.

Leur arriuée en Lorraine.

386.

Le Duc de Lorraine leur fait donner des viures pour
quelques iours pour éuiter le degast de son pays.
Licence des gens de Mansfeld en Lorraine Son ar-
riuée és enuirs de Mets & Verdun. Bleds des
pays Messin & Verdunois enleuez par le Duc de
Bouillon.

Pratiques du Duc de Bouillon.

387.

Donne mauuais odeur des bons desseins du Roy.
Reçoit le Prince Palatin dans Sedan, les moyens
pour surprendre des places & auoir de l'argent

Apprehension du Comte de Grand-pré.

388.

Est mal asseuré dans Mouson contre les armes E-
strangeres. Inimitié ancienne queluy porte le Duc
de Bouillon. Prie monsieur de Neuers de l'assister.
Fait reparer les defauts de Mouson.

T A B L E

Monsieur de Neuers enuoyé vers Mansfeld, le sieur de Montereau pour le faire retarder.

389.

Visite les principales villes de Champagne. Enuoye secours à Mouton.

Mansfeld s'approche de Mouson pour l'assiéger.

390.

Le fait inueltir avec la caualerie, passe la meuse avec son infanterie. Escarmouche entre luy & quelques caualiers de Mouson.

Division entre Mansfeld & Alberstat.

391.

Alberstat veut servir le Duc de Bonillon, & Mansfeld le Roy. Alberstat entre à Sedan, ses gens rauagent les terres des environs de Mouson. Caualerie de Mansfeld se mutine faute d'argent & de viures. demande retraicte pour sa personne & pour son canon au Comte de Grand pré

Armement de Monsieur de Neuers pour empêcher l'entre de Mansfeld en France.

393.

Offre de Dom Gonçales de Cordoua de son armée au Duc de Neuers pour l'ayder à deffaire celle de Mansfeld. Gens de la religion pret. quittent les villes de leur demeure pour se rendre à Sedan.

Arrest & detention de la personne du Duc de Sully passant par Moulins.

395.

Le Comte de Charlus luy demande passeport: ce qu'il refuse est conduit au Chasteau du Roy dans Moulins. Le Comte de Charlus en donne aduis à sa Majesté laquelle commande qu'il soit deliuré, aggree neantmoins l'action dudit Comte.

Comte de la Suse arresté à Lyon.

395.

S'en alloit à Sedan. A la ville de Lyon pour prison.

M. DC. XXII.

*Particuliers amis du Duc de Boüillon ar-
restez à Paris & ailleurs.* 396.

Vn Capitaine és fauxbourgs S. Germain des prés
lez Paris ayant commission pour leuer des gens de
guerre. Vn nommé de la Haye agent des affaires
du Duc de Boüillon pris à Daumartin, par les gar-
des de monsieur le Duc de Montbason.

*Baron de Danenal emprisonné à la Ba-
stille.* 397.

*Declaration du Roy contre ceux de la re-
ligion, quittans les lieux de leurs demeu-
res.* 397.

Arrest de la Cour de Parlement sur icelle.

*Declaration du Roy contre le sieur de Sou-
bise.* 402.

Arrest de la Cour de Parlement sur icelle.

*Reprise de l'affaire du Comte de Mans-
feld.* 405.

Le Roy ne veut accepter son seruice. Les Hollan-
dois l'attirent à leur seruice. Commance yn traité
auec l'Infante Archiduchesse de Flandres, mais il
ne le conclud pas. Laisse son canon au Palatin dans
Sedan. Quitte la frontiere de France & entre aux
Pays-bas. Dom Gonçales l'anticipe pour luy cou-
per son chemin: Mansfeld luy rompt sa caualerie,
& gaigne son bagage. Mansfeld rompu par l'infan-
terie Vvalonne commandee de Dom Guillaume
Verdugo. Perte pour les gens de l'Infante. Perte
pour Mansfeld: blessure de l'Euesque d'Alberstat.
Grand nombre de morts du costé de Mansfeld. Il
continuë son voyage: son infanterie deffaicte par le
Colonel Gauchy: son arriuee à Breda.

*Monstre & estat de l'armee du Roy leuee
contre le Comte de Mansfeld par le Duc de*

T A B L E

Neuers & d'Angoulesme. 415.

Dessain du Roy pour reduire le Languedoc. 416.

Confrairie des Penitents bleuds dans la ville de Thoulouse. *ibid.*

Procession solennelle desdits Penitens y faicte, où assisterent Messieurs le Prince & le Cheualier de Vendolme.

Prisonniers de la religion executez dans Thoulouse. 417.

L'un d'eux estoit Ministre, Espagnol de nation, conuerty à la potence. L'autre mourut huguenot & fut traîné par le peuple. Furent accusez d'espionnage & de trahison contre le Roy.

Voyage du Roy au bas Languedoc. 418.

Passé les iours caniculaires sans attaquer aucune place: Fait aduancer les troupes vers Mont-pellier pour leur empescher les viures.

Stratageme de monsieur Zamet pour surprendre la garnison de Mont-pellier. L'ordre qu'il establit pour dresser vne embuscade aux ennemis. La perte qu'ils firent.

Arrivee des Reistres & Allemands en Languedoc. 421.

Ce que font les rebelles sentans venir ces forces du Roy, iettent garnison dans S. Gilles.

Combat entre les Reistres Allemands, & les rebelles de S. Gilles. 422.

S. Gilles & son importance Les garnisons d'icelle appellent secours de Mont-pellier qui fut deffait par lesdits Reistres: Habitans & garnisons de S. Gilles s'enfuyent nuictamment.

Siege de Berderine en Languedoc. 424.

L'armee du Roy commandee de monsieur le Prince deueuant icelle. Est batruë quelques iours. Est

M. DC. XXII.

furieusement assaillie: contrainte de se rendre au Roy. 40. de pendus en icelle. Les fortifications & murailles rasées.

Siege & reduction de Ginacen Langue-
doc. 425.

Elle ne fait aucune resistance, ains se rend au Roy par composition. souffre la demolition de ses murs & fortifications.

Siege de Lunel par Monsieur le Princee.
426.

sa situation: sa garnison. Attaques de la place. Sortie des assiegez. Bruslent quelques fermes & maisons proches pour incommoder l'armée du Roy. Sont deffaiçtes par monsieur Zamet. Demandēt composition. Articles que le Roy leur accorde. Leurs garnisons sorties sont deffaiçtes pour auoir enfreint le traité.

Siege de Sommieres par monsieur le Princee. 429.

Sommieres doublement rebelle. Son assiette & sa force. Approches faictes au deuant. Batterie d'icelle. Sortie des assiegez. Seigneurs & Gentils-hommes blesez du costé du Roy: Breche faicte à la place: Capitulation demandee. Aucuns mutins ne se veulent rendre. Capitulation & articles accordez. Passe: port à ceux qui se veulent retirer.

Charge donnee au Duc de Vendos-
me pour la reduction de l'Albigeois.

433.
Siege de Lombers par le Duc de Ven-
dosme. 434.

Sortie des assiegez avec vn combat fort aspre. Secours qui leur vient, mais empesché par le Duc de Vendosme. Escarmouche avec eux. Les assiegez abandonnent nuictamment la place. Pillage de Lombets. Demolition de ses murs.

TABLE

Siege de Briteste desseigné par le Duc de Vendosme.

437.
Les ennemis veulent surprendre son bagage, mais le sieur du Halier Vitry les empesche. Combat avec eux.

Troupes de Montauban chassées par le Duc de Vendosme.

438.
Fuite du sieur de Montbrun à son arriuee: L'assiege dans le Chasteau de Villebruniers, d'où il se sauue promptemēt. Fait abādōner Reniers par les rebelles. Contraint le sieur de Montbrun & les siens de se sauuer dans Montauban. Fait garder les aduenues de la place. Surprend leurs messagers avec leurs pacquets.

Le Duc de Rohan prie monsieur le Connestable de faire entamer son traité.

443.
Le va trouuer au Pont S. Esprit.

Armee du Roy deuant la Rochelle, sous la charge de monsieur le Comte de Soissons.

444.

Pompeius Targon ingenieur Italien employé pour fermer le canal aux Rochelois. Chefs & Officiers de guerre de ladite armée. La place d'armes.

Ordre pour l'armee nauale du Roy deuant la Rochelle.

445.
Equipage de S. Malo. Galleres de Marseille équipées pour ce dessein. Nombre des vaisseaux de ladite armée, offerts au Roy par les estrangers.

Arrivée des Galleres de Marseille à la riuiere de Bordeaux.

446.
Les Rochelois les veulent empescher d'auancer, mais en vain. Elles marchent vers la riuiere de Nantes, apres auoir repris l'Isle d'Argenton sur les Rochelois.

M. DC. XXII.

Progrez de l'armee de monsieur le Comte de Soissons deuant la Rochelle. 447.

Estat de l'armee Royale dudit Seigneur Comte. *ibid.*

Estat des gens de guerre de la Rochelle 448.

Jalousie à la Rochelle entre les sieurs de Fauas & la Nouë touchant le Gouuernement. Fort cõstruit par monsieur le Comte deuant la Rochelle. Foings coupez par les gens du Roy. Stratageme iouié aux Rochelois. Bon port Capitaine Hollandois de la Rochelle pris par les Olonois. Rochelois defaits par la Compagnie du Duc de Neuers. Salignan d'Enesse, Assassin du feu sieur de Boisse l'ardailan pris deuant la Rochelle par les gens du Roy. Autre defaict des Rochelois par le sieur de Courbouzõ. Marquis de Beuueron enuoyé au Roy pour luy donner aduis de l'arriué des Galleres. Nauires Rochelois pris par le Cheualier de la Valette. Batterie en ruine sur la Rochelle. Linge des Rochelois pris par les gens du Roy. Trompette du sieur de Soubise demande à monsieur le Comte les Gentilshommes Normands pris par les Galleres du Roy. Dissensio grande à la Rochelle sur le faict des chefs Rochelois attrapez à la picorée par la caualerie du Roy. Canonades furieuses de la Rochelle sur les gens du Roy. Sortie des Rochelois par eau Nouuelles forces arriuées à monsieur le Comte. Arriué de la chaisne pour fermer le canal de la Rochelle Nombre des vaisseaux Rochelois.

Voyage du sieur de Soubise en Angleterre. 462.

Bruit mauuais qu'il y seme. Ne peut gaigner le Roy d'Angleterre Responce de sa Majesté serenissime aux demandes dudit sieur de Soubise. Fait des pratiques avec les grands d'Angleterre. Defenses de leur ny d'armer publice en Angleterre. Retour

TABLE

udit sieur de Soubise en France, avec quelques vaisseaux, qui furent submergez au passage.

Resolution prise à la Rochelle apres la deffaitte du sieur de Soubise en l'Isle de Rié.

469

Leurs pratiques en Normandie: Factieux surpris dans Alençon. Vigilance du sieur de Matignon. Ordre donné en Normandie par M. de Longue-villa. Mandemens des Rochelois pour tenir leurs vaisseaux prests pour empescher l'abord des galeres du Roy.

Arrivée des galleres de Marseille à la riviere de Nantes.

476.

Armée navale de S. Malo de l'Isle de combien de vaisseaux.

Arrivée du Duc de Guise à Nantes.

477.

Galleres de Marseilles font mine de ne vouloir obeyraü Duc de Guise.

Suite du traité de la paix.

478.

Mareschal de Crequy enuoyé à Mont pellier pour disposer les habitans à la paix.

Mort de M. le Cardinal de Retz.

479.

Articles de la paix proposez au Roy.

480.

Projets du traité de Mont. pellier. Bruit de paix.

Trahison de Mont- pellier.

431.

Rebellions seulement punies. Celle de Soissons en l'an 1414. Celle d'Arras. Celle Montheur & de Negrepelisse. Celle de Mont- pellier en l'an 1380.

Perfidie de ceux de Mont- pellier.

487.

Resolution de sa Majesté pour les assieger. On gaigne la bûte où ils estoient logez au dehors. Blessure du Duc de Mont- morency. Mort du Duc de Fron- sac. Trouble à Orleans pour la mort dudit Duc de Fron- sac.

Sedition arrivée à Lyon.

491.

M. DC. XXII.

Injure de la populace Lyonnoise contre ceux de la
religiō pret. Parole insolēte cōtre M. d'Alincourt.
Sorties nouvelles de ceux de Mōnt-pellier,

mais à leur perte. 493.

Batteries dressées deuant la place, Bresches y faites
par le canon du Roy.

*Conversion de 112. heretiques en la ville de
Foix par le Pere Villate Cordelier.* 495.

Temple des huguenots desmoly dans Foix Atte-
station des Magistrats Officiers & Bourgeois Ca-
tholiques de Foix pour la conuersion que dessus.

*Continuation de la seditiō de Lyon par
vne multitude de lacquais.* 502.

Gens de la religion pret. desarmez à Lyon.

Arriuée du Prince Thomas à Lyon. 503.

*Entreprise sur le Chasteau de Negrepe-
lisse par ceux de Montauban.* 504.

Empeschée par le Duc de Vantadour: qui les char-
ge & met en fuite, Dessein de ceux dudit Montau-
ban sur ledit chasteau.

*Mutinerie des gens de guerre à la Ro-
chelle.* 506.

Plusieurs soldats d'icelle quittent la ville & se vien-
nent rendre aux armées du Roy.

*Combat naval fait sous l'Isle d'Oleron en-
tre l'armee nauale de Broüage conduite par
le Marquis de Rouillac, & 14. Vaisseaux
Rochelois.* 507.

Ils s'approchent de Broüage avec leurs nauires
viennent au combat avec ledit sieur Marquis, où
ils eurent du pire.

*Lettre de M. Barentin intendant de la ju-
stice du Roy en l'armée de M. le Comte de*

T A B L E

Soissons escrite au premier President de Bordeaux.

509.

Forts faits par m^{rs}ieur le Comte du costé de Laleu deuant la Rochelle. Necessité d'argent dans la ville. Les Rochelois ne veulent bourfifier que par contrainte. Deffaicte des Picoueurs de la Rochelle, par la garnison que monsieur le Comte auoit mise dans la Iarrie. Exploits de Sauteron Pilote de Brouage

Arriuée du grand Gallion de Malte, de M. de Guise & autres nouveaux Vaisseaux au port de Blauet.

511.

Monsieur de S. Luc en donne aduis à monsieur le Comte de Soissons: Exploits que lesdits Gallions ont fait en passant és costes de Barbarie. Prise d'une quantité d'esclaves vendus aux Espagnols. Adionction des galleres de Marseilleja arriuée à Nantes avec lesdits gallions à Blauet: Nombre de tous les vaisseaux composans toute l'armée nauale du Roy.

Prisonniers de guerre emmenez à Nismes par les coureurs d'icelle.

512.

Le Vicelegat qui fut pris, relasché sans rançon M. des Portes Baudouin relasché par argent.

Commandement du Pape au Vicelegat d'Auignon de faire assister le Roy de ce qu'il auoit besoin; le receuoir & traicter toute sa Cour en la ville, s'il plaisoit à sa Majesté y aller.

512.

Marsiliens font offre de traicter & medecamentier les malades de l'armée du Roy.

ibid.
Sa Majesté louë leur bonne affection.
Necessitez & incommoditez en l'armee

du Roy deuant Mont-pellier.

513.

Difette de foing & fourage.

Espion de Mont-pellier surpris par les
gens du Roy. *ibid.*

Il estoit cordonnier de son estat : lettres luy furent
trouuees, adressantes au Duc de Rohan pour leur
enuoyer secours en diligence. Femmes habillees en
hommes dans Mont-pellier pour paroistre en
plus grande quantité de gens de guerre.

Mort de monsieur Zamet deuant-Mont-
pellier. *ibid.*

Il fut blessé d'un coup de Fauconneau à la cuisse.
Est regretté du Roy. Son corps amené à Paris &
enseuely au sepulchre de son Pere aux Celestins.
Le sieur de Roquelaure General des Venitiens mis
en sa place.

Estat de garde des Seaux donné à
monsieur de Caumartin Conseiller d'Estat.

514.

Sorties dernieres des rebelles de Mont-
pellier. *ibid.*

Gens du Roy logez sur la contr'escarpe du fossé de
la ville.

Dessain du Roy pour faite attaquer la
corne d'un bastion des ennemis, decouvert
par les assiegez. *515.*

Leur sortie à l'exécution de ce dessain : mais furieu-
sement repoussez par les gens du Roy : qui gaigne-
rent ledit bastion.

Mort du sieur de Tarault, Lieutenant
de Monsieur le Duc de Luxembourg à
Blaye, tué au combat deuant Mont-pel-
lier. *516.*

T A B L E

Mort du sieur de Lago Capitaine aux Gardes tué là mesme. ibid.

Et du sieur de Miraudel, Le sieur de Labene Capitaine aux Gardes blessé. Perte grande des soldats de Mont-pellier.

Retranchemens des rebelles de Mont-pellier au dedans de la place. ibid.

Font travailler les Catholiques ausdits retranchemens.

Bresches faictes aux murailles de Mont-pellier.

517.
Assault differé par le Roy pour quelques considerations. Mine de decoüverte sous ladite bresche.

Mort des sieurs de Castelnau Capitaine aux gardes, & du sieur de Roquelauve General des Venitiens deuant Mont-pellier. ibid.

Arriuee des troupes de Bourgongne au camp de l'armée du Roy deuant Mont-pellier. ibid.

Arriüée de Monseigneur le Duc de Vendosme avec ses troupes deuant Mont-pellier. 518.

Quitte le siege de Bristeste pour se rendre aupres du Roy: Laiséés enuiron de Montauban & Thouloise les sieurs Duc de Vantadour, mareschal de Themines & le Comte de Carman.

Voyage de monsieur le Connestable à Mont-pellier pourquoy differé iusques sur la my Octobre. 518.

Est arresté à dissiper les troubles du Viuarets.

Secours des Seuenes empesché d'ailer à

M. DC. XXII.

Mont-pellier par la vigilance du Roy,

§19.

Sa Majesté en eust aduis par les espions de Mont-pellier. Ordre que le Roy donne pour les empêcher de passer. Diuise tous les volontaires de son armée en 4. escadrons pour aller au deuant dudit secours.

Arrivée de monsieur le Conestable au camp du Roy deuant la ville de Mont-pellier.

§20.

Commencement du traité de la paix au pres du Roy.

ibid.

Voyage de monsieur le Prince en Italie.

ibid.

Nesetrouue à la closture du traité de la paix.

Sedan inuist par monsieur le Duc de Neuers.

§21.

Ses gens logez és enuiron de la place. Deffences de porter bleds ny viures dans Sedan. Fait approcher le sieur de Vaubecourt avec son Regiment. Grand nombre de familles de la religion dans Sedan. Necessité de viures extremes dans la place. Le Duc de Bouillon escrit au Conseil pour sçauoir ce que l'on veut faire. Monsieur de Neuers despesche en Cour pour sçauoir la volonté du Roy. Sa M. enuoye le marquis de la Vieuille à monsieur de Neuers pour le faire desarmer.

Canon de Mansfeld laissé au Roy & retenu par le Duc de boüillon.

§22.

Monsieur de Neuers fait instance au nom du Roy pour le retirer. Refusé par le Duc de Bouillon.

Dessein de monsieur de Guise avec l'armée navale du Roy.

§22.

TABLE

Somme les Anglois & Flamands qui estoient à la Rochelle.

Mort du Duc de Rethelois fils aîné de Monseigneur le Duc de Nevers dans Mezieres.

523.
Regrets incroyables du pere pour ceste mort. Son corps porté à Nevers.

Rauages de l'armée de Champagne en Basigny & Bourgogne.

523.
Arrivée de l'armée du Duc d'Angoulême à Lyon.

ibid.
Viures & quantité de munitions qui luy estoit fournie par chaque iour.

Conclusion de la paix devant Mont-pellier.

524.
Soumissions rendues au Roy par le Duc de Rohan.

ibid.
Se met à genoux devant sa majesté. Entre dans la ville de Mont pellier pour disposer les habitans à la reduction.

Harangue du sieur de Callogne Gouverneur de Mont-pellier faite au Roy au nom des deputez des gens de la religion pret. refor.

525.
Responce du Roy faite aux susdits deputez apres leur Harangue estant tous à genoux.

Entrée de monsieur le Connestable dans Mont-pellier.

526.
Gardes du roy establies & posées par tous les lieux & magasins de la ville.

Ordonnance de paix publiee dans Mont-pellier.

ibid.

M. DC. XXII.

Entree du Roy en sa Ville de Mont-
pellier. 527.

Sortie des garnisons de la place. Triomphes faicts
au Roy à son entree Acclamation des habi-
tans. Requierent misericorde à sa Majesté tous à
genoux.

Declaration ou Edit du Roy touchant la
paix. 528.

Articles de la paix generale en suite de la
susdite declaration du Roy. 557.

Commissaires deputez par les Prouinces
pour la publication de la paix. 559.

Bataille gaignee sur l'armee naualle de
la Rochelle par monsieur le Duc de Guise.
545.

Nombre des soldats & vaisseaux Rochelois perdus
en icelle. Mort du sieur de Vinceguerre grand Pi-
rate de mer Adionction des nauires de Brouage.

Trauaul de monsieur le Comte de Soissons
deuant la Rochelle. 555.

Son dessein pour l'Hyuer.

Rebellion & reduction de Prinas au ser-
uice du Roy. 558.

Leurs rauages en Dauphiné: portent les clefs de
leur ville au Duc d'Angoulesme.

Declaration du Roy publiée dans Montau-
ban. 558.

Commissaires du Parlement de Thoulouse y en-
uoyez expres. Leur obeissance promise au Roy Ac-
clamations & feux de ioye faits en icelle.

Entreprise faicte sur la personne de mon-
sieur de Rambures dans Bergerac. *ibid.*

T A B L E

La punition qu'il en fait faire.	
Sédition arrivée à Fronsac à l'arrivée du corps du Duc de Fronsac.	556.
Gens de la religion pret. refor. en danger en icelle.	
Trouble apaisé par monsieur le Comte de saint Paul.	
Voyage du Roy en Prouence.	
A la sainte Baume, son entree dans Marseille. Son retour par le pays de Dauphiné.	
Reduction d'Vsez.	529.
Reduction de Nismes.	ibid.
Seconde deffaiete des vaisseaux Rochelois par monsieur de Guise.	
Deputez du Parlement de Bordeaux enuoyez à monsieur de Guise pour le loier de ses victoires	
Deputez de la Rochelle audit sieur Duc pour luy demander la paix. Leurs submissions. Leur pavillon & commission apportez par eux audit Duc. La paix qu'il leur accorde.	
Submissions des Rochelois faietes à mon- sieur le Comte de Soissons.	
Paix publiee à la Rochelle avec feux de ioye.	
Ordre pour les armées du Roy deuant la Rochelle.	
Entree magnifique du Roy à Lyon.	

*Fin de la Table du second volume
de l'Histoire de la Rebellion
de France.*



SVITE DE
L'HISTOIRE
DE LA REBELLION
excitée en France par les Re-
belles de la Religion preten-
duë Reformée.

*Contenant ce qui s'est passé en l'an
1622. iusques à present.*



Lors la playe est presque
incurable quand le patient
s'irrite par vne opiniafre-
té à se mal faire, & à se
prouoquer la perte de ses
membres : ainsi par le re-
but de tous bons remedes

Rebellessem-
blables à vn
malade impa-
tient & opinia-
stre.

les rebelles de la religion pretenduë reformée
font (peu s'en faut) reduits en cette perilleu-
se condition , leur corps n'est pas seulement
blessé en vn endroit, mais percé en plusieurs
par les armes du Roy , & bien loin de souffrir
le medicamens qui pourroient addoucir la

Tome II.

A

1622.

Armes non
moins viles
en vn Estat
troublé que
la saignée en
vn corps ca
cochyme.

violence du mal, par l'obeïssance, ils les déchirent & enfoncent leurs mains dans la bleffure, le plus auant qu'ils peuuent, affin d'y irriter la gangrene: ils sont en pire Estat que celui d'un homme qui veut mourir pour faire despit à son medecin: & si ce mal arriuoit seulement à ceux là qui le causent, il seroit aisé de s'accômoder à la patience; mais c'est vne contagion si subtile qu'elle se glisse imperceptiblement dans l'Estat, & est besoin d'apliquer le cautere pour empescher la fluxion d'un si virulent poison dans les membres plus sains, à ce sujet on n'aduouiera tousiours que les armes sont non moins viles en vn Estat troublé (quand la raison ne peut rien sur des ames qui ont pris l'effor de la liberté à mal faire) que les saignées en vn corps cacochyme: par celles cy, on preuient les pleuresies, on ramene les esprits vitaux prez du cœur, & chaque partie interieure est remise en son assiette; & par celles là les monopoles cessent, les rebellions finissent & l'obeïssance due au Prince regaigne sa premiere place. Il est bié vray que la paix estant vn tres-grand bien, la guerre son contraire ne peut estre que la source d'une extreme misere, mais entre les maux en est vn necessaire, si qu'on est assez souuent cōtraint, de deux inuitables, choisir le moindre pour enruer le plus grand.

Or que la guerre ou la rebellion fussent en cette saïson en tel équilibre quel vn ou l'autre alloit balancer à nostre ruine, on l'a veu au commencement de l'année d'où nous venôs

de la Rebellion de France. 3

1622.

de sortir, de maniere qu'il a fallu de toute necessité que le Roy ait tiré son espée iusticiere pour couper chemin au sinistre euenemēt, dont la Couronne estoit menacée; car non seulement en France, mais le complot estoit general par tout où l'Europe se void peuplée d'habitans, qui en diuersité de religion, recoiuent Loy d'un mesme Prince, n'y ayant que là où preside l'vnité de la Foy, qu'ait residé l'vnion des sujets à l'obeïssance de leurs Souuerains.

On n'oyoit parler que du degel des trefues des païs bas, par ceux de Hollande, de la manutention du Comte Palatin du Rhin en son Election à la Royauté de Boheme, de ses prentensions à l'Empire, de l'homage que Bethleen Gabor Caluiniste, auoit presté au Turc pour la destruction de la Foy Catholique; & pour n'aller chercher des exēples si loïn, ayās dequoy payer comptant chez nous, on n'entend que des violentes resolutions de toutes les Prouinces infectées de rebelles, qui autorisoient la substance d'une assemblée generale de leur party tenue à la Rochelle au mespris de l'autorité Royale, & avec vne manifeste contrauention aux Edicts de pacification, qui fit, qu'avec l'aduis qui fut rendu du sousleuement des armes en diuers endroiets, en mesme temps, que sadite Majesté se resolut non seulement de repousser la force iniuste de ses subiects par la iuste force de ses armes, mais aussi d'aller es-

Ils menaçoient qu'avec l'ayde du Comte Palatin deuenu Roy de Boheme, & les protestans ils passeroient les Alpes, asseroient leurs patins sur le mont Palatin & ietteroient le Pape hors de son siege.

1622.

Exemple in-
signe de la
bonté du Roy
enuers ceux
de la Religio
pretendüe
reformee.

Les seuls a-
mateurs de
rebellion ap-
prouent
l'Assemblée
de la Rochel-
le.

Afin d'y par-
ler absolu-
ment & d'y
resoudre en
assurance.

clairer des rayons de sa presence les pais infe-
ctez de ces broüillards; afin d'attirer par
la douceur de ses declarations, les vrayes
plantes au ressentiment de ses influences, &
frapper d'une eternelle secheresse les mau-
uaises herbes qui croissent dans les parterres
de sa domination, tenant, comme vn autre
Alexandre, les obeïssans Caluinistes, pour pa-
triotres, & les rebelles pour barbares, selon la
distinction que cet ancien Monarque mettoit
entre les Perses & les Macedoniens: l'Assem-
blée Rocheloise seruoit de pierre de touche
à cette difference, & ny auoit que les es-
prits broüillons, qui en approuassent la
tenuë, combien que les compagnies de cet-
te nature là, lors qu'elles estoient fondées en
breuet, fussent les principaux moyens dõt les
eglises pretendües reformées, se seruoient pour
l'aduancement de leur condition: car dès que
Dieu eut retiré quelques Princes que les inte-
rests particuliers de leurs maisons auoient vnies
auec eux, se voyans denuéz de Chefs, ils attri-
buerent tous leurs auantages à la vigueur de leurs
assemblées, qu'ils ont de long temps proietté
de rendre perpetuelles dans cette ville là, afin
d'y ietter insensiblement les fondemens d'une
republicque; mais cela leur estant difficile à
cause des deffences qui leur en estoient faictes,
ils se sont aduisez d'une ruse, & resolu de cõ-
uoyer leurs deputez sans permission du Roy
comme ils le pratiquerent le 25. Nouembre
l'an 1620. se rendans en ladite ville de tous les
prouinces de ce Royaume (excepté de celle

du Dauphiné) l'estimans la plus forte de toutes leurs villes de seureté & la plus susceptible de Rebellion. Et delà ayans dressé vn cahyer de plaintes, se sont efforcez de donner de la peur, & ce par menaces, de ne se separer, qu'ô n'eust satisfait de tout point à leurs demandes qui sont comprises en diuers escrits par eux publiez notâment en vne declaration qu'ils dresserent en suite desdits cahyers au mois de May de l'an 1621. & qui depuis à esté suiuite d'un reglement militaire (l'une & l'autre inserez au 1. tome de cette Histoire) auquel ils distribuent les Gouverneméts de cet estat; comme ils feroient d'un païs de conqueste.

Mais d'autant que toutes leurs pretensions sont amplement declarées audit manifeste, & qu'il ny a point esté repôdu en mon premier tome, j'en tireray, au commencement de cetuy cy, les articles principaux sur lesquels ils ont fondé la temerité de leurs desseins, pour en faire voir la fin pernicieuse, les notables pertes qu'ils en ont receuës dans l'année presente & celles qu'il ont soufferte encore en la presente, sujet capable de grossir ce volume à la suite du premier.

Or leur principale esperance estoit fondée, non tant sur le nombre de leurs adherans, que sur l'attête du secours des Princes estrangers, & qu'ils croyoient si sensibles à leurs mouuemés, que des quel'Assemblée auroit proposé ses interests, ils couvriroient toute la terre de soldats Anglois, Allemands, Hollandois & Suisses: & pour monstrier que c'estoit à la sa-

A iij

Le Roy n'est
sujet de re-
pondre aux
plaintes &
propositions
d'une assem-
blee qu'il a
desaduouee
par declara-
tion publique

Voy ladite de-
claration ou
manifeste de
la Rochelle
en nostre 1.
tome de la
rebellion.

Reponce au-
dit manifeste
par les
Raisons qui
suiuent.

Le Roy ne
leur permet-
tra pas que
sous pretexte
de seureté de
religion &
conscience ils
attaquent son
authorité.

créée personne du Roy à qui ils en auoient, & comme ainsi soit que toute la France le reconnoisse sous l'equitable surnom de LOYAL, ils ont violemment declamé contre celuy à qui la parole de Dieu veut qu'on obeisse, puis que leur Roy legitime, & naturel, mesme à present que l'Estat est dans la religion & non la religion dans l'Estat, comme elle estoit sous les Empereurs payens, au mespris de tout droit diuin & humain; ils declament contre sa puïssance, appellans ses armes iniques, & persécution le chastiment qu'on veut faire de quelques rebelles d'entr'eux (sans toucher à ceux qui demeurent dans les loix & viuent sous la foy publique) qui prirét les armes sous pretexte qu'au voyage du Roy en Poictou, Xaintonge & Guyennel'an passé, ils disoient qu'on alloit oprimer la liberté de conscience, qui leur est conseruée en tous ses points, suiuant les Edicts, sans toutefois leur vouloir permettre que leur religion soit vn Azyle de seditieux, que leur assemblée contreluitte l'authorité Royale, & s'emâcpe de limiter le train de son Prince à l'entrée de ses villes qui sont en leur garde, la parole de Dieu de laquelle ils semblent faire leur bouclier, ne leur en donnant aucun passedroit; au contraire quand mesme ils seroiét poursuiuis & examinez pour leur creance (dont il n'est icy question) Iesus. Ch. veut que ses disciples persecutez en vne ville, fuyent en vne autre, nō qu'ils s'assemblent, qu'on appelle les Roys voisins contre le sien naturel: le Sauueur permet biē qu'on face des Sermons, mais non des bouleuards

de l'Euangile, comme ils en ont qualifié vn de ce nom blasphematoire à la Rochelle: Ce neantmoins ils appellerent la prise de leurs armes, *Moyens naturels & legitimes*, & par consequent celles du Roy & autres à eux cōtraires, iniustes & illegitimes; & bien qu'en apparence ils protestent de leur affection & à son seruice, c'est tousiours avec cette retétion cōtenuë au serment d'vniō qu'ils prestēt à la fin de leurs assemblées mixtes; qu'ils obeiront, *Pour uen que l'Empire de Dieu demeure en son entier*, dōt l'expositiō est, moyennant que leurs Communautéz prosperent, ce qui ne se peut faire, cōme ils entendent, qu'au detrimēt de l'estat, ils sont bons sujets à leurs Princes.

Entr'eux les Ministres ont voulu couvrir leur crime, & de ceux qu'ils ont rendu criminels, d'vn pretexte mal tissū de iustice, disans que leur faiēt n'est pas rebellion: mais *inſte deffence de Religion*: & sont si puissamment charmez, qu'ils croyent ou veulent faire croire que leurs reuoltes sont seruites faiēts à sa Majesté, & disent fort impudemment qu'ils seruent le Roy, luy faisant la guerre, & par tel langage ils font & enseignent d'estre, non seulement rebelles, mais encore moqueurs: car quelles excuses sont cecy, mais plustost bouffonneries mocqueuses, pour faire indigner les sages, & emplastres de paut pour endormir les fols; estant tres euidēt qu'ils n'ont eu aucune cause de prendre les armes pour se defendre contre sa Majesté veu qu'elle les protegeoit & conseruoit en leur liberté, s'estant comportē en leur endroit comme vn Pere

1622.

Serment d'vniō fait aux assemblées mixtes de ceux de la religion pretendue reformée.

Malice des Ministres.

Bonté & patience du Roy incomparable

Ruines in-
croyables
pour les guer-
res de la reli-
gion.

tresbenin dissimulant leurs mauuais deportemens, & attendant avec vne extreme patiëce quelque effect de bonne volonté de leur part.

Mais quoy, qu'ils se souuiennët que tous les troubles ont esté par eux suscitées & pratiquées en France depuis l'an 1560. sous le non & pretexte de rebellion, 4. batailles sanglâtes données, plus d'un milion de François mis à la boucherie, plus de 4. mille riches sacristies volées, plus de 5. cens Eglises demolies, bref toute la France mise à sang & à sac & donnée en proye à l'estranger, qui s'en retourna en Allemagne menât en triôphe la Frâce destruite & captiue, les chariots chargés de pretieuses despoüilles & les bœufs aux cornes dorées del'or de la maison de dieu & des Catholiques.

L'an 1576. fut verifié aux Estats de Blois que la guerre pour le fait de la religion auoit cousté plus de 150. millions pour le payement seul de la gendarmerie, Les deputés de chaque Gouuernement y presenterent les procès verbaux des officiers par lesquels il paroissoit prez de 20. milles femmes & filles auoir esté forcees durant ce temps en diuers endroits. 9. villes 400. villages & dix mille maisons tout à fait bruslees ou rasees, sans les autres à demy minées en nôbre de plus de 2. cens mille.

Or s'ils ont pensé se deuoir rebeller & faire ces exploits contre leur Prince & leur patrie sous pretexte de maintenir leur nouuelle reformation, doiuent ils estimer mauuais que le Prince deffende par iustice, par pieté & religion, la Loy de Dieu & la Foy de ses ancestres, preschée par les Apostres, laissée par

Iesus-Christ, és lieux d'où l'heresie la vou-
droit bannir & en effacer les marques pour s'y
rendre absolu? mais s'ils ne veulent estre tou-
chez en leur liberté de conscience, dont ils ne
se peuuent plaindre, & de laquelle ils ne sont
en possession que depuis qu'ils ont quitté l'E-
glise de Dieu, pourquoy ont ils trouble és vil-
les d'ostages le cours de la foy Catholique &
empesché ceux qui se vouloient conuertir, &
persecuté ceux qui estoient cōuertis, tesmoin
de verité patente vn sur tous, le sieur Ferrier,
Ministre iadis à Nismes, le plus pertinent
qu'ils eussent & conuertý à la foy Catholique
à tres-bonnes enseignes & avec euidente co-
gnouissance de cause, qu'ils deuoient imiter,
mais au contraire l'ont persecuté iusques à la
mort en sa mesme ville & patrie, suscitans la
populace à le massacrer & piller sa maison: ce
qu'ils eussent accomplý, si par prouidence di-
uine & au moyen de quelques amis, il n'eust
eschappé leur furie. De mesme charité ils se
sont portez à Mōtpellier & autres lieux:
& de recente felonnie, n'ont ils pas assassiné le
sieur Pardaillan de Boësse à Genfac près de
Sainte Foy, avec vn Prestre qui l'accompa-
gnoit, homme docte & de bonne vie, appellé
saint Martin, Curé d'Allemans, qu'on disoit
estre natif de Bearn, sur la fin de l'an dernier
1621. estant chef de la mencee, Sauvignac d'Ei-
nessé, & consentans le sieur Theobon gendre
& le fils de l'assassiné, non seulement par ce
qu'ils auoient eü le vent, qu'il vouloit obeir
au Roy, mais estimans qu'apres il se voudroit

1622.

Dans leurs
villes d'osta-
ges, ils ont
troubé l'exer-
cice de la Re-
ligion Ca-
tholique.
Les conuertis
a la foy Ca-
tholique sont
persecutez
pareux, tes-
moing Fer-
rier Ministre
de Montpel-
lier.

Assassinat du
sieur Pardaill-
lan de Boisse,
avec vn Pre-
stre.

1622.

Vn Chirurgien
massacré
à Lauerdac
près Nerac,
par les hugue-
nots pour s'e-
stre conuertty.

Ministres
menacent
leur troupeau,
leur desfen-
dant par mille
sortes d'inti-
midations de
se rendre
Catholiques.

reduire à la foy Catholique. Mais qui est vn fait d'intolérable malice, à Lauerdac près de Nerac s'estoit conuertty à la Religion Catholique vn nommé Isaac Castàder Chirurgien, ayant mené depuis sa conuersion vne vie exéplaire, cettuy-cy fut tué par vn huguenot, qui la nuict d'après la Châdeleur dernière, luy perça le gosier d'un coup d'espee, comme il faisoit la ronde, on a dissimulé tout cecy : & neantmoins les Ministres crient & font crier qu'on en veut à leur Religion, pour faire entendre cōtre la verité, qu'ils ont iuste cause de se rebeller, & ont tousiours donné ordre par menaces & intimidations, qu'aucun ne se cōuertit à la foy Catholique, que s'il le faisoit, il estoit cottisé à mille persecutions & affronts, qu'ils leur faisoient endurer : pour monstrier comme ce sont gens aspres à demander pour eux liberté de conscience, afin de conuoler à l'erreur, & iniquement retreffis à la permettre aux Catholiques, pour se maintenir en la possession de leur foy : on a veu cecy en toutes les villes où ils sont les maistres, comme il est notoire à tous.

Orayans ja exercé ceste domination l'espace de 25. ans & voyans que tout leur succedoit à souhait, ils espierent pendât leurs prosperitez, les appoinctés de toucher le haut point de leur pretention, & se faire maistres absolus : Ce fut lors que commencerent les dernières guerres d'Allemagne, esperans que toutes leurs affaires auroient semblable issuë que l'inuasion de Prague au Royaume de Boheme.

Pourquoy plusieurs Ministres de France se porterent alors en ce pays là pour s'asseurer quand besoing seroit, des forces estrangeres comme ils auoient faict autrefois, euoquans comme des enfers les Casimirs & les Reistres aux armes noires & noirs marteaux en France pour la remettre au sac & à la boucherie. Tandis que ceux là pratiquoient l'Allemagne, les autres faisoient en France leurs efforts à prescher & preparer les cœurs, à faire Cercles à la façon des impies, qui vont tousiours tournoyans, & assemblees illicites à Loudun, à la Rochelle & ailleurs, quelque deffence que sa Maiesté leur en fit, & n'auoit on veu en plusieurs années tant de Synodes & de Parlemēs qu'alors se firent, non pour conferer des poincts de la foy, mais pour minuter des articles d'Estat, pour aduiser à fortifier d'armes, de munitions, de gens & de murailles les villes d'ostage. Ce qu'ils firent d'une diligence & animosité incroyable d'hommes & de fēmes & de tous estats, avec plusieurs mots de gueule jettez parmy leurs trauaux contre sa Maiesté, qu'ils appelloient par sobriquet, *Louys*, & deschargeans la hotte sur les fossez disoient, *voyla pour Louys*, avec plusieurs blasphemes proferez contre l'Oinct de Dieu, que ie n'ose mettre au papier, rougissant de leur impudence, & fortifioient ces villes en intention, sans doute, de ne les rendre iamais, sinon au temps de contrainte, entre les mains de la force, commel'experience l'a monstré.

A tous ces appareils les Ministres adiouste-

1622.

Ministres de France pratiquent des forces en Allemagne.

Paroles tres-imprudentes des Rebelles.

1622.
3. des Roys.
ch. 27. 10.

Voy Montluc
en ses commets.

Ieufnes de
ceux de la
Religion pre-
tendue refor-
mée, sont
prestiges à la
France.

rent la cruelle & hypocrite ceremonie de la
jadis Royné Iefabel: laquelle ayant arresté par
malice de faire mourir Nabot innocent, com-
me blasphemateur, fit cōmander le ieufne au
preallable: ils firent donc publier le ieufne par
toutes leurs Eglises & Consistoires, comme
auparauant ils auoient faiēt plusieurs fois &
nōmmément l'an 1567. quand ils tramerent
la coniuration funeste contre Charles IX. &
toutela maison de Valois, & le font en toutes
leurs grandes entreprises. De maniere que
deslors fut formé le prouerbe qui continuē
iusques icy, *les huguenots ieufnent, ils ont donc
quelque grand & mal-heureux dessein contre
les Catholiques.* Et voyla la vraye cause pour-
quoy les Ministres ont mis les orties de reuol-
te dans l'esprit de leurs disciples & aux flancs
des mutins, & n'en faut chercher d'autre,
quelque pretexte qu'ils alleguent de leur Re-
bellion, en laquelle s'ils eussent esté moins to-
lererz, ils en seroient possible moins mauuais:
car (& est vn poinct à noter) bien qu'ils se
donnent la gloire de se vouloir oppoier aux
entreprises estrangeres, si ne laissent ils pas de
recourir à leur puissance & les requerir de
secours en cette presente necessité, par où il
est aisé à iuger qu'ils estiment amis de cette
Couronne les Roys, Estats & Republicues de
leur religion, & ennemis generalement tous
les Princes Catholiques, comparans ceux qui
ne veulent souffrir leurs sousleuemens, à des
Nerons & Diocletians, eux au contraire aux
premiers Chrestiens, desquels on sçait que

la plus grande force estoit leur souffrance, ne se proposans pour but que la Couronne de martyre, comme salaire de pieté.

Mais leurdit Manifeste contient vne effronterie sans exemple quand ils se donnent la gloire d'auoir conduit le feu Roy *Henry le Grand*, de memoire immortelle, *iusques sur le throne de cette Monarchie*, car il est vray qu'en l'annee 1568. Ieanne d'Albret Royne de Nauarre Princeesse facile, s'estant laissée emporter aux persuasions de son beau frere le Prince de Condé, qui soustenoit le party de la religion, amena en leur armee le Prince Henry son fils lors fort ieune, peu auparauant la bataille de Montcontour, & de cette presence leurs troupes se firent appeller l'armee des Princes: il est vray aussi que le deffunct Roy gaigha plusieurs batailles auant que se declarer Catholique: mais il est faux qu'il soit paruenue à la Couronne de France, non plus qu'à celle de Nauarre par leur moyen, car combien de Princes & de Seigneurs Catholiques l'ont ils assisté sans adherer à leur creance, à laquelle cest inuincible Prince n'auoit iamais adiousté beaucoup de foy, comme le temps de son regne le verifie assez. Anthoine de Bourbon, Roy de Nauarre, tué par eux deuant Roüen, luy auoit seruy de trop bon exemple de pieté, si que les lauriers par luy acquis, sont deus à sa valeur & à sa conuersion, a quoy Dieu le reseruoit & non aux debiles armes d'une troupe des leurs qui l'accompagnoient en ses guerres, & neantmoins la cle-

Effronterie
nompareille
du Manifeste
des rebelles.

Henry IV.
quand la pre-
miere fois in-
troduit à la
Cour du Roy
Charles 9.

1622.

Bonté du feu
Roy fit obte-
nir l'Edict de
Nantes.
Edict de
Janvier.

Article 7. de
celuy de Jan-
vier.

mence, vertu naturelle à ce Prince leut fit ob-
tenir le principal moyen de tolerance qu'ils
ayent eu dans ce Royaume, qui fut l'Edict de
Nantes plus ample que les precedés faicts en
leur faueur : le premier desquels leur accorda
Charles IX. en l'année 1561. surnommé de
Janvier, par ce qu'il fut dressé le 17. de ce mois
à S. Germain en Laye, & ce durant sa mino-
rité, d'autant qu'on craignoit en ces ieunes
ans du Roy, de le ietter en vne guerre, à quoy
ces peuples là s'estoient preparez dès la mort
de François II. Edict toutefois qui leur fut ac-
cordé par prouisiō, & iusques à ce qu'il y fust
autremēt pourueu par ledit Seigneur Roy, &
auec ces conditions fut verifié en Parlement,
sans approbation de la nouuelle Religion: peu
de Priuileges leur furent lors accordez, non
plus qu'és autres Edicts de Mars, de Decēbre
& d'Aoust: Et de fait tant s'en faut qu'ils osas-
sent tenir des assemblees politiques contre la
volonté du Roy, ainsi qu'à present, que mes-
me le Magistrat Catholique deuoit assister à
leurs assemblees Ecclesiastiques qu'ils appel-
lent Colloques & Synodes. Quelque temps
apres Louys de Bourbon Prince de Condé,
l'Admiral de Chastillon & autres, s'estans en-
ueloppez dans leurs pretensions, leur firent
obtenir confirmation desdits priuileges: mais
comme ils proiettoient de nouueaux desseins
apres la bataille de Dreux qu'il perdirent, cō-
me ils auoient fait celle de Montcōtour, non
contens d'auoir des Princes François de leur
costé, ils appellerent le secours estranger, &

sous la charge du Prince Casimir, du Comte de Mansfeld, du Duc des deux Ponts firent venir à diuerses fois des armées d'Allemagne pour exposer la France en proye, qui fit, avec le bas aage de Charles, que l'Edict qui n'estoit que prouisionnel, deuint comme perpetuel durant son regne.

1622.
Reistres appeliez en France par les heretiques contre le Roy Charles.

La Popeliniere remarque lin. 36. de son hist. fueil. 186. qu'en Aoust 1573. ceux de la Religion furent si osés de presenter requeste au Roy Charles 9. qu'il au eut autres à establir de nouveaux iuges moitié Catholiques & moitié pretendus, autres que tous les Parlemens, & autres Juges Royaux pour faire le procez des massacreurs de l'Admiral. 2. qu'il ait à absoudre ceux qui ont conspiré contre sa Maiesté & les tenir pour fidelles & innocens, mesme le dit deffunct Admiral & ses complices mesme recompenser, & que insieurement & pour bone occasion ils ont pris les armes & fait ce qu'ils ont fait 3. qu'ils auront libre exercice de leur Religion, & qu'il y aura des Regens des deux Religions, & que les mariages des Prestres reuoltez & leurs enfans seront legitimez, bref que tout ce qu'ils ont fait soit approuué. 4. que le Roy se ligue avec les Protestans estrangers: qu'il se deportera de toute ligue contre eux & de toutes promesses: 5. que toutes les villes qu'ils tiennent à present leurs demeureront entre leurs mains pour leur seureté, & outre encore quelques villes en chacune Prouince qui seront arbitrees par 8. dont sa Maiesté en nommera deux, & eux le reste. 6. que sa Maiesté ne tiendra garnison qu'aux villes

frontieres ou fort eſloignee d'eux, & qu'il ne paſſera gendarmerie en gros par les terres qu'ils tiendront, ſans leur conſentement. Que les Gouverneurs & Lieutenans Generaux n'entreront dans leur ville, ſi non avec leur train ordinaire en tēps de paix, qu'il ne ſera rien adiouſté ny diminué aux villes qu'ils tiendront, ſi non autant qu'il ſera beſoin pour leur ſeuſeté. Ces choſes pour eſtre trop inſolentes ne leur furent pas accordees.

Ce Prince decedé, & Henry 3. eſtant lors en ſon Royaume de Polongne, pendant cet interregne, ils ſe fortifierent plus que iamais, mais ſur tout la neceſſité qu'eut le nouveau Roy, d'eſtre aſſiſté du Roy de Nauarre leur chef, contre la Ligue, fut le plus grand point de leur auancement, car la Couronne preſte de changer de famille, toute la France troublée, il leur fut aiſé de trouuer lieu à leurs demandes, bien entendu qu'il y a grande difference entre les aduantages que le Roy concedoit à ſon beau frere, & les faueurs qui portoient ſur leur party : ils obtindrent donc de luy quelque ſomme d'argent pour l'entretien de leurs Miniſtres, & quelques places de ſeuſeté, diſtinctes toutefois de celles qui furent laiſſées au feu Roy en propre. Finalement Dieu ayant appellé ce grand Monarque à la Couronne & à ſon Eglīſe, l'Edict dernier de Nantes leur fut accordé, avec des articles particuliers l'an 1598. & leur a eſté inuiolablement maintenu iuſques à preſent, qu'ils s'en ſont rendus inſtracteurs, par où il eſt aiſé à

Ils ne ſont
aduancez que
dans les mi-
ſeres de la
France.

iuger

Juger que ne s'estas promeus que dans les miseres de la France, ny aduancez que de son reculement, & n'ayans basti leur fortune que dans ses ruines, à present qu'elle iouit d'une parfaicte vnion de ses Princes & de ses grands, ils sont pour esprouuer la puissance du Roy à present regnant, si la paix n'arreste le cours des armes du Prince, contre lequel les Rebelles se sont tousiours esleuez depuis son aduenement à la Royauté, se li-guans & prenans apertement les armes contre luy au voyage de Bayonne en l'an 1615. pour empescher son mariage avec vne si grande Royne que Dieu nous a donnée en sa benediction : s'estans mesme en plaine paix emparez de la ville & Chasteau de Sancerre, & chassé hors de cette place leur legitime Seigneur & Comte : & toutefois le Ciel a permis qu'elle a esté reprise par Monsieur le Prince de Condé, pendant la detention duquel ils s'en estoient saisis en l'année 1616. & l'auoient gardee en leur pouuoir nonobstant les iussions & commandemens du Roy, iusques en l'année 1621.

Pour le sacre de nos Roys, qui ne sçait que la coustume s'obserue depuis Clouis premier Roy Chrestien de prester le serment de l'extirpation des heresies tousiours ruineuses en vn Estat, & speciallement de celles qui heurtent la Royauté, vont à la faction populaire, & se conuertissent peu à peu en Republiques, à raison de laquelle quelques vns de ses fauteurs Rebelles s'approprient l'hypothese

ville & Chasteau de Sancerre renoltee par les Rebelles en plaine paix.

Le Roy a fait vne declaratiō pour l'explication du serment de son sacre où sont exceptez ceux de la Religion pretendue reformee, demeureans en son obeyssance.

de ce serment & se recognoissent pour schismatiques quoy qu'on ait souuent esclaircy de ce doute ceux de la Religion pretendue, & faict voir que le serment des sacres ne va point à eux s'ils demeurent dans l'obeissance des Edicts : en quoy l'on n'imite pas leurs procedez, car dans leurs villes ils ne souffrent aucune diuersité de Religion, & punissent par feu & par glaive ceux qu'ils tiennent errer en la foy, ce qui faict qu'ils nous interdisent par tout où ils sont les maistres, & ne nous permettent l'exercice de nostre Religion qu'avec le danger de martyre, à Geneue Michel Seruet fut bruslé comme heretique du temps de Caluin, Barnauel a esprouué avec les Armeniens la rigueur des Estats de Hollande, & bref par tout où ils sont absolus, ils ne tolerent l'exercice que de leur creance. Qu'on aille parler de liberte de conscience, en Angleterre, en Escosse, en Hollande, à Geneue, & sans aller plus loing és villes mesme de Frâce où ils sont les plus forts, cōme à Anduze, aux Seuennes, à Liuron en Dauphiné & autres semblables où la Messe est interdite, nonobstant & au mespris de tous les Edicts faicts en leur faueur, par lesquels la Religio Catholique doit estre reestablie par tout le Royaume.

Luther deuant l'auoue la diuersité de Religions en vn Estat, Beze en son Epistre quatriesme, comme aussi en sa premiere, Luther sur la premiere Epistre aux Galates & Sleidan liure cinquiesme assurent qu'il faut bannir les heretiques, & que la liberte de conscience est diabolique, est hoc

merè diabolicum dogma, sinendum esse
vnumquemque vt si volet, peccat. paroles
de Beze rapportees par Monsieur de Luçon en
sa response à l'Epistre des quatre Ministres de
Charanton.

Mais sur tous ils en veulent aux Peres Iesu-
tes, & avec quelque raison: car comme saint
Dominique fut miraculeusement suscité pour
s'opposer à la secte des Albigeois: de mesme
saint Ignace & ses successeurs pour contre-
lutter celle de Caluin, de qui les adherans ne
peuvent souffrir tels Religieux: leur pieté
les estonne, leur vigilance les esuente, & leur
doctrine les perd, aussi le meschant s'enteste
d'ordinaire de l'odeur de la vertu des bons:
c'est pourquoy en leur Assemblée generale
de Saumur tenuë l'an 1611. article cinquante-
troisiesme de leurs cahyers, ils demandent
au Roy, qu'il ne soit permis aux Iesuites de
dresser Collège, seminaire, maison Professe,
prescher, enseigner, confesser ny mesme fai-
re aucune residence aux places de seureté te-
nuës par ceux de la Religion: à quoy bon,
en auoir contr'eux plustost que contre les
autre Docteurs Catholiques: si ce n'est d'au-
tant que ce sont des vigoureux ennemis de
leurs enseignemens, qu'ils destruisent leurs
maximes, & agissent puissamment contre leur
promotion. Quant au R. P. Arnoux, l'un
des plus clairs flambeaux de cette societé,
c'est à tort qu'ils s'en prennent à luy: car
puis que sa Maiesté aggree d'auoir pour
son Confesseur & Predicateur ordinaire,

1622,

Hayne im-
mortelle des
heretiques
contre les Pe-
res Iesuites
d'où procede

Expedit impro-
bis neminem
videri bonum
quasi aliena
virtus suarum
delictorum sit
exprobatio. Se-
neca lib. de vita
beata.

Touchant ie
Pere Arnoux,

1622.

Bien-vueillā-
ce du Roy, ge-
nerale à toute
la compagnie
de Iesus.

Abbrege de
l'affaire de
Bearn.

vn de cet ordre, ce n'est pas à eux d'en cognoi-
stre, moins encore de le trouuer mauuais: puis
que c'est douter de la pieté du Prince que de
censurer l'affection qu'il porte à celuy sur le-
quel il repose sa conscience, ayant mesme de-
puis peu appellé prés de sa sacrée personne ce
docte, & eloquent & iudicieux personnage
le R. P. Seguerand pour môstrer que sa bien-
vueillance est generale à tout l'ordre & non
particuliere à quelquesvns d'entr'eux. Et pour
leur corps n'est-ce pas bien fait à eux d'auoir
recherché le reſtabliſſement de leur Scolarité
au College de Clermont, que s'il y a du crime
aux Iesuites de vouloir instruire la ieunesse,
criminels ſeront ils en leur Religion preten-
due reformee d'auoir desiré & obtenu des
grandes Escolles à Montauban, Saumur
& Nismes, & des petites à Bergerac & à Dye:
mais tirons hors de pair ceux qui debitent l'v-
tilité de leurs labeurs, non en France seule-
ment, ny en l'Europe Chrestienne, mais par
toute la terre habitable, qui vont chercher la
gloire des souffrances dans les troupes infi-
delles d'avec ceux qui n'exercent leur mini-
stere, qu'és lieux où leurs armes ont precedé,
& où ils ont peu faire abbatre les Autels, Ima-
ges, Eglises & autres marques de la saincte
foy Catholique.

Pour l'affaire de Bearn mentionné audict
Manifeste, la source en est assez declaree
aux histoires precedentes, sans qu'il soit be-
soin d'en faire icy vn plus long narré: seu-
lement pour descouurir la malice des Mini-

stres, en cet affaire, ie diray en peu de mots
quela Royne Ieanne s'estant portee à donner
ce qu'elle auoit de plus pretieux aux hugue-
nots, qui fut son fils, les Ministres qui
luy preoccupoient l'esprit, la persuaderent
aisement d'employer les biens des Ecclesia-
stiques chassez de ses terres pour leur entre-
tien & des garnisons du pays, & du surplus
à consentir qu'on en payast les gages de
quelques officiers de son Parlement de Pau,
qui facilement verifia cette diuersion de de-
niers: ayant vescu en cette sorte, iusques à
ce que cette Couronne fut vnüe & an-
nexee avec celle de France en la personne
du feu Roy, qui fut supplié par les Prelats
de Bearn de leur accorder l'exercice de leur
Religion & main leuee de leurs biens: le
premier fut accomply & le second diffé-
ré, sur les violentes oppositions des deten-
teurs: iusques à ce que finalement Arrest
s'en ensuiuit le vingt-cinquesme Iuin de l'an
mil six cens dix-sept, contre lequel toute-
fois on trouua tant de resistance que quoy qu'on
sceut faire, aucune execution ne s'en peut
ensuyure: car quoy que le Roy enuoyast en
Bearn l'an 1618. Monsieur Renar Maistre
des Requestes de son hostel comme Com-
missaire pour sommer le Gouverneur &
Magistrat à executer le susdit Arrest donné
par la Majesté en son Conseil sur le restablis-
sement des Ecclesiastiques, & rendre ce qu'ils
auoient iniquement vsurpé & iouy, & de-
mãdoit ce deuoir du tout equitable avec vne

Sa Maiesté
leur eust assi-
gné vne nota-
ble somme

1622.
d'argent pour
les desdom-
mager à pren-
dre annuelle-
ment sur les
plus clairs de-
niers de son
espargne, qui
leur seroient
payez dans la
ville de la Ro-
schelle.

Royale liberalité, offrant de recompenser la perte de cette priuation des propres reuenus de ses Domaines Royaux, tant & si liberalement se comporta sa Maieité en leur endroit, n'estant aucunement obligee à leur donner recompense, ains à demander restitution de ce qu'ils auoient tenu & tenoient contre leur conscience, s'ils en auoient, & contre la Iustice, dont ils ne faisoient conte.

Or on scait que leur obeissance fut de charger d'iniures & d'affronts ledit Commissaire le siffiant & bassouiant, & sous main donnans charge de Capitaine à vn maistre d'escole, pour armer, conduire & pousser les escoliers d'Orthez à toute sorte de petulance contre luy, ce qui fut executé à bonne mesure par cette folle ieunesse: En fin sa Maieité, s'estant approchée de la Guyenne l'an 1620. pour autres affaires concernans le bien general de son Royaume, & desirant mettre à chef ce qu'elle auoit proieté, & soulager les pauvres Catholiques oppressez sous la tyrannie des Ministres & non Ministres, depuis l'an 1569. elle voulut executer son dessein.

Il est à noter de combien d'artifices ils se sont seruis pour eluder ledit Arrest: car en l'an 1612. à vn Synode national tenu à Prinas, ils s'unirent avec les Eglises pretendues de France en mesme discipline & confession de foy, & en l'an mil six cens dix-sept, voyans l'Arrest donné, & que cette union tiroit en consequence pour les assuiettir aux Edicts, & partans obligés à se vuidier les mains des biens Ecclesiastiques,

ils s'en separerent en un autre Synode national tenu à Vitray en Bretagne, ils n'ignorent pas aussi que le feu Roy à l'eschange qu'il fit en l'annee mil six cens du Marquisat de Salusses avec le Bailliage de Gex & autres terres du Duc de Savoie, traicta de mesme sorte ces peuples là qu'on a fait: ceux cy moyennant douze cens escus de pension qui furent ordonnez pour douze Ministres dudit pays, il leur osta les biens Ecclesiastiques qu'ils s'estoient appropriez depuis le temps qu'ils auoient esté en la subiection du Canton de Berne.

Le Roy enuoya donc en Bearn les Commissaires, & vid qu'il ny eust sorte de ruses que le Gouverneur & les Magistrats n'employassent pour semocquer courtoisement d'eux, & eluder les commandemens de sa Majesté, tousiours promesses de fidelité & d'obeissance en parolles, iamais execution en effect, ains tousiours delais & refus: estant donc sa Maieité avec son armée en Guyenne, elle estoit, selon l'aduis de quelques vns conseillée de n'aller encore en Bearn & de temporiser: mais Dieu luy inspira vn Conseil du cabinet de son sanctuaire & de sa iustice, & a depuis monstre par les victoires qu'il luy a donnees, que c'est luy qui est l'auteur de ses entreprises & qu'il les veut mettre à chef.

On auoit temporisé cinquanteans pour le pays de Bearn, le terme iuste estoit ja de long temps expiré pour aller secourir ses

1622.

Dessein des
Ministres
pour mainte-
nir leur au-
thorité abso-
lue en Bearn.

subiets : mais les Ministres ne vouloient que gagner temps, & faisoient des cordes aussi longues que l'éternité, pretendans par longueurs & langueurs, faire plier les reins au sceptre de sa Majesté, ferrer sa main de Justice, & forcer sa constance de s'en retourner à Paris, sans entrer en Bearn, qu'ils tenoient par ferme esperance, tiltre de souveraineté. Sa Majesté auoit enuoyé lesdits Commissaires pour voir la disposition des volontez, & les attendoit à Preignac lez Bourdeaux avec grande incommodité de sa Cour. Les Commissaires furent receus, comme le premier es precedentes annees 1618. & 1619. mespriez, intimidez & basfoïez.

Les Partisans de Poictou & de Languedoc furent sollicitez avec ceux de Guyenne de faire vn gros & vne meute des meilleurs leuriers & limiers, de se ioindre à la chasse de la Rebellion encore sourde. On accusoit les coupables deuant sa Majesté, chacun se faisoit innocent, & personne n'estoit coupable. Les Ministres glapissoient en leurs glapiers, & faisoient le personnage des Renards : le Parlement de Pau les dilayans & refusans : les mutins des Trons sonnans l'alarme, le Gouverneur du seignant & dissimulant. Ceux qui estoient obligez comme officiers publics, à deffendre l'autorité du Roy, estoient les plus laches & les plus infideles, mettans en hazard tout le Royaume en la partie d'une petite frontiere.

Le 8. d'Octobre la Majesté entendit nouvelles remises des deux Parlemens de Bearn, qui auoient charges de luy faire croire, qu'ils n'auroient esté libres pour deliberer sur la verification del'Edict de mainleuée, ains empeschez par les gens de guerre introduicts à Pau par le Baron de Benac, & qu'ils n'auroient peu signer cette verification, sans peril de leur vie, que possible ils auoient plus chere que l'encre & le papier de l'Arrest. Le Seigneur de la Force Gouverneur, qui pouuoit & debuoit assister les Parlemens, & avec eux ioindre son aduis & donner bon exemple d'obeïssance pour le seruice du Roy, & reprimer l'insolence des mutins, comme il pouuoit faire, ayant les soldats & les armes en main, ne voulut non pas mesme comparoistre, disant qu'il n'auoit peu empescher, encore que tout puissant, que les estrangers n'accourussent à Pau, afin d'arrester avec le bruit des armes cette verification: Et les Bearnois pretendus reformez s'opiniastroient encore plus à refuser, dilayer & faire mines, ayans entendu que plusieurs de la suite du Roy n'estoient d'auis que la Majesté passast en Bearn pour ne s'engager en temps d'hyuer, en vn país fascheux & en vne affaire perilleuse. Sa Majesté voyât tant de collusions & souplesses de tant de parts, print vne mire de singuliere prudence, & assistée du Conseil de Dieu, le lendemain Vendredy 9. Octobre, iour de S. Denys Apostre de la France, se resolut de passer outre, nonobstant tous les aduis cōtraires & oppo-

Blasme pour
Monsieur de
la Force.

1622.

Voyage du
Roy en Bearn

Sa responce
au sieur de la
Force & Ad-
uocat du Roy
à Pau.

On veut dis-
suader sa Ma.
d'y aller.

sitions du chemin, des viures, des perils & au-
tres difficultez qu'on luy obiectoit. Elle par-
tit donc le Dimanche xi. du mesme mois.
Le Mardy suiuant le sieur de la Force la fut
trouuer à Grenade, l'asseurant que son Edict
estoit verifié selon son desir & l'Aduocat du
Roy venu en mesme temps, luy presenta
l'Arrest, & tous deux coniueroient sadiète
Majesté avec tres humbles requestes de ne
prendre la peine de faire ce voyage avec tant
d'incommoditez: sa M. leur respondit, *Il est
nécessaire que j'alle en Bearn, pour appuyer vo-
stre foiblesse.* De Grenade elle tira à Arzac au
14. Octobre, où les Cōsuls d'Orthez vindrēt
presenter les clefs de la ville, que sa Majesté
refusa, disant qu'elle les verroit bien tost:
elle arriua donc à Pau le quinziesme Octo-
bre, où ses viuandiers trouuerent de prime
abord les viures soustraicts; car en plusieurs
relaiz on auoit stationné des chiens de haut
nez, affin de les sentir & surprendre au pas-
sage, & par ce moyen obliger le Roy & sa
Cour de partir vistement, mais toutes leurs
finesses ne seruirent qu'à descouurir leur peu
de bonne volonté, & ne peurent empescher
que sa Majesté ne vistast ce pays desolé & ne
consolast les bons Catholiques reduits de-
puis long temps à la faim spirituelle des Sa-
cremens, de la parole de Dieu & de toutes
viandes salutaires, gemissans oppressez sous
la tyrānie des Ministres depuis l'ā 1569. Ce fut
l'apareil avec lequel les Ministres procurerēt
d'inuiter sa Ma. & par telles ceremonies l'ac-

cueillir la premiere fois en son domaine, qui au dire du sieur du Pleffis ne luy vouloient opposer que larmes, submissions & obeissance, & ne faut pas douter que s'ils eussent pensé ne luy pouuoir dissuader le voyage par ruses & remises, ils luy eussent empesché par armes; ce que pouuoit faire le sieur de la Force, par les Colonels de la milice de Bearn dits les Persans, qui luy pouuoient en vn clin d'œil mettre en pied 6. à 7. mil cōbatans: mais ils pensoient la chose estre plus seure de proceder par stratagemes & finesses que par force, & furēt surpris en leurs pensées. Le plus grād accueil que firent ceux de Pau à sa Majesté, fut qu'à cinq lieues deuant, ils luy enuoyerent des deputez à Marsac, pour sçauoir cōment elle vouloit entrer, avec poëlle ou autre façon, sous cet ombre de deuotion; à quoy elle respōdit, que son entrée seroit en Souuerain de Bearn, & s'il n'y auoit aucune Eglise Catholique à Pau elle ne vouloit ny Poëlle, ny aucun appareil d'entrer, n'estant, disoit elle conuenable de receuoir des honneurs en vn lieu qu'elle n'auoit iamais veu, & les receuoir de la main des hommes auāt qu'auoir honoré & remercié le Seigneur, duquel avec ses majeurs, elle le tenoit en heritage. Le Roy fit donc recōcilier l'Eglise de Pau profanée par les ministres, qui auoient chassé les Catholiques de leur paroisse ioignant le chasteau, les cōfinans en vne chapelette de my couuerte au bout des fauxbourgs: En cete Eglise reconciliée, sa M. y fit dire la Messe, & remit les Ecclesiastiques en leur dignité,

1622.

Voy la lettre dudit sieur du Pleffis Mor-nay au 1. tome de cete Histoire.

Deputez en-
uoyez au Roy
à Marsac pour
sçauoir l'or-
dre de son en-
trée à Pau.

Eglise de Pau
reconciliée.

1622.

Leuistic. 25. 10.

Procession
solemnelle du
S. Sacrement
à Pau.

Entreprises
des Bernois
en Bearn au
retour du Roy

prefage de bon-heur ; car la Messe en auoit esté bannie avec les officiers de la maison de Dieu en mesme iour cinquante ans auparavant, tenuë d'un Iubilé accompli & an sacré, auquel chacun rentroit en la possession de ses biens alienez, selon la Loy de Dieu. De l'Eglise elle fit vne procession solemnelle tout le long de la ville de Pau accompagnée des Princes & officiers de sa Couronne & de toute la Cour, & des principaux Chefs de l'armee, iusques à la susdite Chapelle où re-
posoit le S. Sacrement, qui fut porté sous le Dais, que sa Majesté auoit vn peu auparavant refusé, par les Ducs & Princes, qui lors se trouuerent là en compagnie des Cardinaux, Prelats & Abbez, & mis en l'Eglise reconciliée. Ce fut vn spectacle agreable aux bien-heureux esprits du Ciel : & de telle consolation en terre, que chacun peut penser : aux Catholiques, qui la larme à l'œil rendoient graces à Dieu, & benissât sa Majesté faisoient retentir, *Vive le Roy*, par les ruës. Ceux qui auoient voulu empescher sa venuë, gémissoient sans mot dire, retenans leur dueil dans le sein, avec l'esperance, qu'ils auoient de ren-
uerfer, apres son depart, tout ce qu'elle au-
roit ordonné. Ce qu'ils publioient assez hau-
tement, & la coniuration qui se brassa peu de
iours apres par ceux de Nauarrins & autres,
d'egorger leurs gardes Catholiques, & le peu
de conte que fit le sieur de la Force de rendre
le canon qui estoit à Pau, & executer sur cela
les mandemens & ordonnances du Roy, &

sur les autres choses, la faisie des tours de Mongiscard, & les autres menées tant fourdes que manifestes, monstrent ce qu'ils eussent fait si Dieu les eust laissé faire, & n'eust mis au iour le cruel assassin de Nauarrins, & toutes leurs fineses; & si la vaillance, fidelité & sage vigilance du sieur de Poyanne estably Gouverneur de la ville par sa Majesté n'eust rompu leurs efforts: mais avec toutes ces executions & cautions, ne se pouuoit on asseurer de la Foy des Magistrats, & moins de celle des Ministres des mutins.

Parquoy sa Majesté enuoya le Duc d'Espernon pour les combattre & mettre fin aux affaires, & la bride au licol aux rebelles ne cessans d'entreprendre & broüiller: Mais ils gagnèrent le deuant, & ne l'attendirent point: s'ils eussent voulu l'attendre, ils eussent eu leurs estreines: car celuy qu'ils appellent le Loup-gris, leur amenoit des tailleurs pour leur faire des chausses & des casaques rouges: & voyla pour l'action du Bearn descrite en peu de lignes, contre les plainctes qu'ils font en leur Manifeste.

Duc d'Espernon enuoyé par le Roy en Bearn avec troupes contre les rebelles du pays.

De non moindre temerité est la licéce qu'ils se donnent de calculer en iceluy le conseil & bon plaisir du Roy, trouuans à redire sur ses liberalitez, & impropereans, que sa Majesté par une abondante faueur, donne toute l'autorité au gouvernement à ceux qui resident près sa personne, & ailleurs en ce mesme escrit à feu Monsieur le Connestable, que sa parole vaudra breuets & quelque chose d'auantage, pour le

Autre plainte de l'assemblée generale sur les fauoris du Roy.

rendre autant odieux à leur party, comme s'il bon heur le rendoit agreable à la France, puis qu'il auoit durant sa vie, cōme vn autre He-
phestio d'Alexandre si iuste & si bōne part aux
bonnes graces du roy, de qui les actions doi-
uent plustost estre sincerement admirées, que
curieusement censurées: Mais sans exemple,
comme sans religion est ce blasme dont ils
veulent noircir les paroles de sa Majesté tres-
Chrestienne, luy attribuant à vice ce qui est
d'indubitable vertu.

Se plaignent à
faux qu'ils ne
sont admis
aux charges
publiques.

Quant à la plainte qu'ils font de n'auoir au-
cune portion aux charges, c'est ignorer mali-
cieusement le grand nombre de Pairs & Ma-
reschaux de France, de Conseillers d'Estat &
Gouuerneurs de Prouinces & autres officiers
qui ont esté choisis dans leur party, & sont en-
core en reelle & actuelle fonction & iouissan-
ce des dignitez à eux octroyée: quoy que
pour leur regard ils ne facent nul Catholique
participant de leurs honneurs, ny ayāt iamais
esleu aucun, Maire de la Rochelle, Viguiier de
Montpelier ou Consul de Nismes, & cepen-
dant ils veulent auoir entrée iusques dans la
grand' Chambre du Parlement.

Touchant
leurs assem-
bles mixtes.

Pour leurs assemblées mixtes, le Roy def-
funt leur ayant gratuitement accordé d'auoir
en Cour ordinairement deux de leur corps
qui residassent près de sa personne, tant pour
receuoir ses commandemens pour tout leur
party, que pour représenter à Messieurs de s^c
Conseil les plaintes dont ils ne sont iamais de-
pourueus: l'vn d'iceux estant tiré de la No-

1622.

blesse, & l'autre du tiers Estat, par mesmes cō-
descendans leur fut accordé de s'assembler à
certain temps, qui toutesfois leur seroit limi-
té par le breuet du Roy: lequel à cet effect
leur deuoit estre expedie de trois en trois ans
pour la nomination de leurs deputez Gene-
raux, ausquels ils ont donné depuis le nom
d'Agens, pour tenir en quelque sorte du stile
des Prouinces vnies, des pais bas; & par ce
priuilege ils nommoient dans les Prouinces
particulieres, qu'ils ont estably au nombre
de seize, non plus de cinq, ny moins de trois
deputez, pour se rendre à la conuocation
generale, où estant il leur estoit loisible de
dresser leurs cahiers de tres-humbles remon-
strances, & iceux remettre entre les mains
desdicts deputez, & se retirer en leurs Pro-
uinces, pour ausquelles rendre compte de
leur deputation, le mesme breuet par fois
autorisoit les assemblées Prouinciales, an-
tecedentes & subsequentes, & pour plus
grand tesmoignage de bienueillance, le Roy
leur donnoit vne notable somme d'argent
pour subuenir aux fraiz de leur voyage: Se
pouuoit il desirer & pour leur satisfaction
rien plus que cela? ce neantmoins pour con-
tre-carrer la volonté du Roy & faire des Sou-
uerains & des Maistres, ils ont tasché à ren-
dre ces assemblées là perpetuelles, & au
lieu de se contenter de la grace de nom-
mer six Deputez, desquels sa Maje-
sté en eliroit deux, ils ont contesté à Sau-
mur, où estoient tous leurs grands, de n'en

Bonté du Roy
trop grande
enuers eux.

Leur preten-
tion mauuaise
à l'Assemblée
de Saumur
l'an 1621.

1622.

nommer que deux, que le Roy par ce moy^e auroit esté contraint d'aggreer sans aucun choix. De plus, au lieu de se tenir à cette dépendance de breuets, ils ont de leurs mouemens estably des Conseils Politiques en chaque Prouince, des Cercles, demy Cercles & autres compagnies illegitimes qu'ils se sont donnez la licence de conuoquer sans aucune permission du Prince, l'ayant ainsi pratiqué quelques années, ont voulu finalement faire valoir cette introduction en cette assemblée de la Rochelle au mespris de l'autorité Royale, mesme estans tombez en crime l'an 1611. pour s'estre assemblez sans licence, & ayans obtenu à la sollicitation d'aucuns de leurs grands lettres d'abolition, ils furent si temeraires de les refuser, non seulement, mais aussi de les tenir pour nulles par vne declaration qu'ils firent imprimer en vn National tenu à Priuas l'an 1612.

Leur temerité

Mais pour couvrir tous ces deffaults de leurs procedures, ils font icy vne grande liste de leurs doleances de faicts particuliers, pour raison desquels, puis qu'ils y pretendent contrauention à l'Edict, ils deuoient auoir recouru à la iustice qui leur est administrée par tout le Royaume, mesme par Chambres my-parties qu'il leur ont esté concedées par l'Edict de Septembre 1577. du regne de Henry 3. sans se resoudre à cet attentat, que de se ietter dans la Rochelle & de faire des absolus ayans dès quelques mois auparauant menacé par leurs Deputez, *que si on leur donnoit la*
peu.

peine de se rassembler, que &c. car ils taisent la fin de leurs menaces : cette compagnie devoit esmouvoir les Roys estrangers, appeler tous les voisins à leur secours, & renverser l'Estat : ils se donnoient mesme tant de vanité, que de persuader qu'à leur semonce grand nombre de Catholiques se ietteroient de leur costé, du moins attireroient tous les mescontens, & sous ces esperances, ils ont fait des Seaux, donné des Commissions de guerre, estably des Regleméts militaires, pour la distribution des Prouinces de ce Royaume à leurs partisans, prononcé des sentences de quelques barques de sel par eux volées, & qu'ils ont iugé de bonne prise, & en somme cōuert y le repos public dont nous iouissions tous, en vn trouble tel que nous le voyons, & si bien, ou plustost si mal operé, qu'en moins de trois mois ils ont perdu tout ce qui estoit pour eux sur la riuere de Loire & au deçà, tout le Poictou, Guyenne, Gasçogne & autres Prouinces, ne leur restant de ce costé la que la Rochelle seule, desia tellement incommodée qu'elle espreuue à son 'dam la punitiō de son peché, Dieu conduisant par la main la Sacrée personne du Roy dans les Prouinces, d'où iadis Charles Martel auoit chassé les Sarrafins, & le Côte de Montfort les Albigeois, avec tant de victoires, qu'il à semblé mettre moins de temps à subiuguer ces rebelles, qu'il ne luy en faudroit à visiter ces places de seureté qu'on nous dépeignoit si impre- nables, & à raison desquelles ils se vantoient

1622.

Protection
des rebelles
par l'Assem-
blée générale
de la Rochelle

Voyez le 1^{er} to-
me de cette
histoire où se
voyét tous ces
beaux regle-
ments de la
Rochelle.

1622.

Veni, vidi, vici
dire de Cesar
conuenable
au Roy.

Année 1621.

est vne année
climaterique.

de ne pouuoir estre surpris sans attirer quant
& eux la subuersion de cet Estat, ces villes
d'ostages, fortresses de mariage, citadelles de
filiolage, chasteaux de garde, n'ont d'ors qu'il qual-
fient les places qui sont en leur pouuoir,
tout cela iusques à Montauban n'a donné au
Roy que la peine de venir, le plaisir de voir, &
la gloire de vaincre, & eut de mesme facilité
passé sur le ventre au Languedoc & Dauphi-
né si sa Ma. eust esté bien seruie durant le peu
de temps qui luy restoit de l'année precedente,
année climacterique pour tenir vne armée
Royale sus pieds, climacterique, l'appellay-je
non eu regard au nombre impar composé de
3. fois 7. selon la doctrine des Pythagoriciens,
mais d'autant que Dieu a retiré du milieu de
nous tant de grands & genereux Caualliers,
qui par leur vertu sur la terre se sont fabri-
quez de glorieux sieges au Ciel; & ne faut
que les rebelles se meconnoissent pour cet-
te seule prosperité qui leur est suruenue du
leuement de ce siege de Montauban, causé
de la rigueur du temps & de l'abondance
des maladies des assiegeans: car si sa Maje-
sté, selon sa naturelle bonté, vsant de par-
don enuers les delinquans, ne leur accor-
de vne paix desirée de tous les bons Fran-
çois, Montauban aura à son tour le iuste
chastiment de son obstination. Les Roys
ont les mains longues, Pauc le cogneust,
qui euita bien le siege de François premier,
mais non sa destruction quelque temps apres
sous les armes de Monsieur de Lautrec: &

Monheur qui sembloit deuoir couvrir les parricides du sieur de Boisse a esté contraint d'esprouuer combien c'est chose perilleuse de tomber entre les mains d'un grand Roy courroucé, & a fait la 73. des places acquises dans l'année passée au seruice de sa Majesté.

1622.

Exemples dignes de mémoire immortelle.

Mais puis qu'ils disent auoir fondé le droit de leur assemblée sur la parole de Monsieur le Prince de Condé & du feu Connestable de Luynes, il faut prendre la chose à sa source pour les rendre sans repliche.

Malicieux pretexte.

Presupposé que toutes ces promesses (qui ne furent iamais) leur ayent esté faites par les Seigneurs qu'ils nomment, encore deuoient ils auant se rassembler demander vn nouueau breuet pour en auoir la permission, puis que l'assemblée qu'ils tiennent est autre que celle de Loudun, & ayant changé toutes les circonstances, du temps, du lieu & des personnes & mesme les modérateurs. Or est à noter que se rendans difficiles à se separer du dict Loudun l'an 1620. Le Roy fit vne declaration, par laquelle continuant le cours de ses faueurs sur eux il leur prolongea le temps de leur separation de trois semaines, qui escheoient au 24. Mars, ayant esté donnée le 26. Februrier, verifiée le 27. & signifiée au siege de Loudun & à leur compagnie le 3. Mars, declarant au surplus sa Majesté tous ceux qui subsisteroient audit Loudun passé ce temps descheus du benefice des Edicts & breuets & criminels de leze Ma. au

Voyez icy le mesconte malicieux des rebelles.

1622.

Le Roy auant
son voyage de
Bearn auoit
satisfait à tou-
tes les deman-
des de ceux de
la Religion
pret. Refor.

Places com-
mandées par
Gouuerneurs
Catholiques
en Dauphiné.

premier Chef. Mais pour monstrier l'Estat qu'ils font des Ordonnances du Roy, & des peines portées en ladite declaration, ils ne voulurent se retirer que le 13. & 14. Aueil, & c'est aussi la source de leur mesconte: car prenants les 6. mois à eux pretendus promis dudit iour & non du 24. Mars, auquel ils se deuoiét separer pour le plus tard, comme terminant les trois sepmaines de la significatiõ du commandement du Roy, ils trouuent du manque à son voyage de Bearn, qui se fit au mois d'Octobre, & declament comme s'ils auoiét esté surpris, quoy que neantmoins auant ledit temps toutes les demandes qu'ils auoient faictes leurs fussent oestroyées: deux Conseillers de leur religion furent receuz au grand Conseil, pour le Parlement de Paris, le Gouverneur de Lectoure fut chargé, & le Breuet des places de seureté leur fut exhibé, fors qu'en ce qui regarde le Dauphiné, duquel tant s'en faut qu'ils ayent subiect de se plaindre, qu'au contraire le Duc de l'Esdi- guieres, qui est de leur party, tient plus de villes en cette Prouince là six fois que le Breuet de l'an mil cinq cens nonante huiet ne leur en accorde, ny ayant de places d'importance que Vienne, Romans, Valence, & le Crest qui soient commandées par des Gouverneurs Catholiques, & mesme la Citadelle de Valence est muguetée, tout le reste est en leur pouuoir ou dudit sieur Duc, si que l'entiere execution de leurs demandes demeureit accomplie, restoit que de leur costé

dans les six mois, dont est question, ils satisfissent au Roy pour la Souueraineté de Bearn. Mais par ce qu'il estoit question de demordre des possessions Ecclesiastiques, desquelles ils s'estoient emparés cinquante ans estoient escheuz, à cettuy là ils ne se hastoient que bellement, & ne marchaient qu'à pieds de plomb: l'arrest de mainleuée auoit esté donné le 25. Iuin de l'an 1617. il y auoit plus de trois ans: durant ce temps là ils n'auoient peu se resoudre, il leur falloit encore six mois pour y penser, lesquels leur estant accordez comme lis presupposent, (sans que pourtant ils en eussent aucune preuue) selon la susdicte declaration, escheoient au vingt-quatriesme Septembre: Mais menaçans les Commissaires que le Roy y enuoyoit de souleuement de peuple (tant leur religion est modeste) il a fallu que sa Majesté mesme ait pris le soin de cet affaire, & soit allée dans le mois d'Octobre apres les six, voire sept mois expirez, mettre en possession les Euesques de l'Escar & d'Oleron, & autres Religieux de leurs Eglises & reuenus au mesme iour qu'ils en auoient esté depossedez cinquante ans auparavant: Quoy donc? le Pere commun du peuple qui leur a accompli sa parole, cōme Roy, n'exigera pas de ses sujets l'effect de ses promesses? on leur aura rendu Lectoure, & quand on les oblige à rendre le bien des Prelats, ils apelleront cette procedure, desloyauté, l'obeissance qu'on leur a fait prestercruaute, les raisons qu'on leur a alleguez Ca-

Commissaires
du Roy me-
nacezen Bearn
du souleue-
ment du peu-
ple.

1622.

l'omnies: Et quelle religion est celle là, qui renuerse le droit des gens, rendre à *chacun le sien*; & de l'Evangile, à *Casár*, ce qui est à *Casár*, & à Dieu ce qui est à Dieu: Ils veulent bien qu'on leur rende, mais non pas estre subiects à restituer, qu'on leur face iustice, mais non se remettre à la visée de leur deuoir, lors qu'ils s'en sont desadiustez. Mais sur tout, n'est ce pas impiété d'interpeller à leur secours la Regence de Dieu contre le Roy, & attribuer aux Euesques d'auoir chassé le feu Roy hors de son Royaume de Nauarre en son enfance, & les accuser de perfidie? c'est veritablement tesmoigner vne animosité sans exemple que les Apostres n'ont iamais montrée contre les Nerons, ny les premiers Chrestiens contre aucuns heretiques, & neantmoins voyla des fruiets de la reformation.

Là encore.

Le Roy ne fut point chassé de Bearn par les Euesques du pais.

On sçait assez qu'Henry le grand fut eleué avec les enfans de France dans le bois de Vincennes, & que le seul respect maternel le fist tenir quelque temps dans leur religion, sans que les Ecclesiastiques de Bearn l'ayent chassé de sa terre naturelle, ny mis les Espagnols en France par cette porte, comme ils les en calomnient.

Mais d'où vient qu'ils ont fait difficulté de rendre les Temples Catholiques dudit Bearn qu'ils appellent Synagogues de Sathan, siege d'idolatrie, & vaisseaux destinez à l'Antechrist, ce nonobstant quand on leur laisse faire ils s'y nichent volontiers, comme

à Geneue, en Suisse, & ailleurs: mais cela leur estant impossible en France, non contents de dresser Autel contre Autel, de quitter Hierusalem pour Samarie, & le Temple de Salomon pour celui de Garisi; passans plus outre aux premiers guerres, ayans forcé, pris & saccagé les villes & chasteaux qui tomberent en leur puissance, ils s'adressoient aux anciens edifices des Eglises, aux sacro-saincts Autels, & aux venerables images, qui se refentoient des demolissantes mains de ces nouveaux Iconoclastes, comme les deplorables masures de leurs ruines en font foy en vne infinité de lieux, & pour monstrier qu'ils sont heritiers de l'iniquité de leurs Peres, ils ont depuis peu rasé ces belles Eglises de Montpellier & de Nismes, non seulement celles qui pour estre proches des murailles pouuoient donner de l'ôbrage aux habitâs; mais celles la qui estoient au cœur desdictes villes; à quoy ne leur auoit peu seruir d'exemple le bruslement du Temple de Charenton; car outre la notable difference de celui cy à celles là, cet accident n'est point arriué comme à eux, par vn concert d'vn corps de ville, mais par la chaleur d'vne menuë populace champestre, qui irritez de la perte de quelques Seigneurs de marque, cruellemens tuez & comme de sang froid à Montauban, euapocrent leur colere par tel excez, qui neantmoins fut puny par la deffaicte des complices, qui expierent leur peché en Greue.

Impietez des
heretiques en
France.

Responce à
leur plainte
sur le brusle-
ment du Té-
ple de Cha-
renton.

1622.

Mais reuenans à nostre discours, disons que s'il a pleu au Roy d'auoir pitié des premiers subjects de sa maison, de leur donner la liberté de conscience, & rendre à ce peuple ce qui de temps immemorial estoit sien, y a il du tort en cela? Que Dieu nous preserve de reuoir la France reduicte à la calamité, où ils l'auoient mise lors qu'ils souloient sonner le presche à coups de pistolet, comme ils semblent s'y preparer autant que iamais, si le Roy ne l'empesche, dont fait cy le reglement General de leur assemblée, dressé tant pour la subuention de la guerre, que pour l'ordre des armées & Chefs d'icelles, dans lequel il n'est fait aucune mention du Roy ny de son seruice, sinon en l'article trente cinqiesme où ils arrestent tous derniers Royaux destailles, taillons, creües, aydes, gabelles, domaines, decimes & autres droicts du Prince, & ce outre & pardessus les biens Ecclesiastiques, les plus clairs deniers desquels, ils affectent à l'entretien des Ministres & de ceux que la rigueur des troubles aura contrainct d'abandonner leurs possessions, vacations & charges, art. quarante sept du susdict reglement resolu à la Rochelle le dixiesme May, l'an dernier mil six cens vingt & vn, & pour les fraiz des armées estrangeres, qu'ils se resolurent d'appeller en France à leurs secours, seront (disoient ils) tous pais d'ennemy, c'est à dire Catholiques de bonne prise par leur gendarmerie, come il se void en l'article quarante dudit Ordre,

Voy ce reglement au r. tome de cette histoire.

Se resoudent à voler les biens ecclesiastiques pour l'entretien de leurs Ministres.

ou plustost desordre, qui ne trouua iamais son pareil dans les desseins des precedens perturbateurs de la tranquillité publique, qu'une petite poignée de telles gens distribue ainsi les Princes, les deniers & le Domaine du Roy, ô Dieu iusques à quand!

Mais il est temps que nous disions vn mot de leurs villes d'ostages, desquelles ils ferment les portes à sa Majesté, ils les ont obtenues de la clemence de nos Roys pour certain temps, qu'ils ont neantmoins sceu prolonger si à propos que iusques à present ils s'en sont couverts, non contre l'iniure de leurs ennemis, comme en estoit l'establissement, mais contre l'obeissance à leurs superieurs, ainsi que la resistance des villes à present rebelles le monstre, ayans abusé d'un si grand bien duquel par ce moyen ils se rendent indignes.

Or pour bien entendre l'affaire, se faut souuenir que lors que Monsieur d'Anjou ioinoit ses armes avec ceux de la Religion pretendue reformée, en l'Edict de l'an 1570. article trente-neufiesme qui suiuit, on octroya au feu Roy, lors Prince de Nauarre, quatre villes pour sa seureté & des siens, qui furent la Rochelle, Montauban, Coignac & la Charité, à condition de les rendre dans deux ans à Charles IX. durant lequel temps le mariage d'Henry de Bourbon se proiea avec Marguerite de Valois, & s'accomplit lors : mais depuis ceux de la dite Religion enorgueillis de ce support, ayans donné de la peur au Roy

1622.

Villes d'ostages à quelle fin octroyées & à quelle fin retenues par les rebelles.

Places de seureté octroyées au feu Roy, lors Roy de Nauarre, en l'an 1570.

1622.

Demolitions
des Eglises
defendue à
ceux de la
Religion pre-
tendue en la
Conference
de Nerac.

Charles à meaux en Brie, l'obligerent à souffrir qu'il leur fut fait du mal en l'an 1572. au iour de saint Barthelmy, où la querelle de deux grandes maisons esclatta, mais à leur perte, tellement que de cette heure là viuant en perpetuelle crainte, Charles IX. decedé, ils poursuivirent enuers Henry III. l'augmentation desdites places, ce qui leur fut accordé l'an mil cinq cens septante six par l'Edict de May, car s'estans saisis durant les troubles de plusieurs villes, chasteaux & forteresses appartenans aux Ecclesiastiques, pour les leur faire rendre, on leur donna les huit suivantes, Aiguemorte & Beaucaire en Languedoc, Perigueux & le Mas de Verdun en Guyenne, Nions & Serres en Dauphiné, Issoire en Auvergne, & Seine la grand Tour en Prouence, de la garde desquelles fut encore chargé le feu Roy, & en l'an mil cinq cens septante sept, Beaucaire fut osté du roole, & Montpellier mis en sa place, & au lieu d'Issoire fut baillee la Reole en Guyenne, le nombre de huit demeurant tant seulement, lesquelles deuoient estre rendues par le Roy de Navarre & le Prince de Condé dans six ans au mesme estat qu'elles estoient, sans qu'il se parlast lors de fortifications contre les armes du Roy, comme on fait aujourd'huy, ny demolitions d'Eglises, cela leur estant expressement defendu par l'article dix-huictiesme de la Conference de Nerac en l'an 1579. auquel quelques Bicocques, qui estoient en la bienveillance desdicts Prin-

ces, furent adioustées au roolle sous les mesmes conditions, & cela pour sept mois & non plus, mais la necessité des affaires engageant le Roy à s'ayder de toutes sortes de moyens contre la Ligue, & le Roy de Nauarre estant accouru à son secours, il luy bailla en particulier la ville & Chasteau de Saumur, afin qu'il eust vne place pour son passage sur Loire, & vne place en chaque Bailliage à mesure que ses troupes la conquerroient, pourueu qu'elle ne fust Euesché ny chef de Bailliage.

De tout cecy il est aisé à recueillir que ces places leur estoient octroyées pour la consideration des grands de leur party : & d'ailleurs que le temps qu'on leur limitoit à les rendre leur lioit les mains à se les attribuer, & que mesme tous les ombrages d'alors ayans cessé, ils ne doivent plus recourir à ces remedes, ains se remettre sous la protection du Prince, & viure dans la foy publique : mais tout au contraire, plus ils se voyoient dans la paix plus ils vouloient augmenter le nombre de leurs places, dans lesquelles aux plus grands calmes, ils faisoient des gardes extraordinaires & y logeoient des Gouverneurs seditionieux, & monstroient par leurs deportemens qu'ils se preparent à se fortifier cōtre la puissance Royale, cōme ils ont fait esclatter en ladite assēblee, tirant des deniers de l'espargne plus de deux cens mille escus pour les garnisons desdites places annuellement : & le feu Roy leur ayant de

1622.

Saumur baillé
au feu Roy
pour son passage de Loÿre,

Voy la somme de deniers qui tiroient cy-deuant des finances du Roy pour payer leurs garnisons, en nostre premier tome au catalogue des places ou ils mettent garnison.

beaucoup augmenté leurs aduantages meritoit plus d'obeissance d'eux pour son fils, qu'ils ne luy monstrent aujourd'huy, quoy que ce Prince leur ait prolongé à diuerses fois le temps de la restitution desdites places, qui ne leur seruent que de subiet de Rebelion, comme le discours de Viuretz en faiet foy par eux au long recité en leur Manifeste, a cause de l'heureux succez de Monsieur de Montmorency.

Bays sur Bay
seule ville de
filiolage ou
d'ostage en
Viuretz.

Mais auant qu'entrer en ce discours, soit dit en passant qu'il ny a en tout ledit pays que la seule ville de Bais sur Bay qui soit ville, non proprement d'ostage, mais de filiolage dependante de la garnison de Sommieres au bas Languedoc: cependant ils tiennent vne vingtaine de villes, bourgs & chasteaux audit pays, à tous lesquels ils donnent le nom de places de seureté, affin que rien n'y soit innoué à leur preiudice, qui se monstrent si sensibles à la perte de Villeneuve de Berg, de Vals & Valon, qui leurs furent ostées l'an passé: mais se taillent de la surprise & rase-ment du Chasteau de Priuas, fait par eux au grand preiudice de leur Seigneur Vicomte.

Affaire de la
Rebellion de
Priuas abbre-
gee en ce lieu
pour responce
à la plainte
dudit Mani-
feste.

Mais pour bien respondre à leurs plaintes il faut icy représenter la chose comme elle est.

Paule de Chambaud, Dame dudit Priuas, s'estât mariee en secondes nopces avec le sieur Vicomte de Chaillane, aîné de la maison de l'Estrange, luy Catholique, elle de la Reli-

gion pretenduë reformée, le mariage se celebrant le vingt-huictiesme Mars 1620. par vn Prestre, eux & leurs amis furent assiegez par les habitans & autres circonuoisins de leur faction rebelle, dans le Chasteau de ladicte ville, disans pour toute raison qu'ils ne supporteroient iamais qu'un Papisste espousast leur Dame, ny fust leur Seigneur: Monsieur de Montmorency en ayant l'aduis vint sur les lieux, comme Gouverneur de la Prouince, avec quelques troupes faictes à la haste. Sur la nouuelle de son arriuee tout ce peuple disparoist, ne restant que les habitans qui demanderent pardon audict Seigneur, ce qu'il leur accorda, logeant dans le Chasteau vne vingtaine deses carabins, la ville demeurant libre, & cette petite garnison y fut laissée, iusques à ce que dans le Conseil du Roy on eust iugé le differend d'une Tour dudit Chasteau que les habitans disoient leur appartenir, mais au lieu d'attendre en patience l'effect de la Iustice, eux mesmes deciderent l'affaire, car ayans appellé le sieur de Bufon au commandement de l'annee passée, r'assiegent la place, & fauorisez de la rigueur du temps, firent sauter deux Tours dudit Chasteau, au moyen d'une mine de longuemain & fort secrettement preparée par vn Hollandois que la ville de Geneue leur auoit enuoyé à cet effect, comme ils asseurent, d'où s'ensuiuit l'espouuante du sieur de S. Palaix, & de la garnison qui sortit par composition avec les siens. Le Chasteau pris de cette sorte au

Traict de perfidie notable.

Dame de
Chambault
renduë Ca-
tholique.

Bagage du
Nonce du Pa-
pe pris par les
rebelles, allât
d'Auignon à
Bruxelles.

mespris de deux Conseillers, vn de chaque Religion qui leur furent enuoyez, & puis du Senechal de Nismes par M. de Vantadour Lieutenant General du Roy au Gouuernement de Languedoc, croyant que l'assemblée de la Rochelle les couueroit de son aduë, comme elle a fait, passant plus outre à leur dessein, ils s'apprent les murailles dudit Chasteau & le renuerlent, ayās au prealable pillé tous les papiers, meubles & vaisselle d'argent, qu'ils trouuent dedans appartenāt à ladite Dame, qui peu auparauant cognoissant la felonnie de ce peuple s'estoit retirée au Puy en Velay, d'où le sieur Vicomte estoit Gouverneur, où s'estant fait instruire, selon la capacité de son esprit, elle s'est réduë Catholique, avec cognoissance de cause. Ce qu'estant venu à la notice de ses sujets, ils abbatent ses moulins & pigeonniers, arrachent ses vignes, & labourēt ses prez, tout cela en plaine & profonde paix, & auant qu'il se parlast du voyage du Roy: chassent en suite de cela tous les Catholiques du milieu d'eux, & s'estant fortifiez dans cette ville de Priuas, ont exercé depuis mille brigandages, cōme de forcer & saccager la Chartreuse de Bōne foy, piller la vaisselle d'argēt du Nonce de sa Sainteté, qui s'en allant d'Auignon à Bruxelles en Ambassade, auoit pris son chemin par le Dauphiné, iusques où les courses s'estendent sous la cōduite dudit Buson & du sieur de Blacons esleu Gouverneur des rebelles au Viuairetz, au mespris de M. de Chastillon, que neantmoins la Rochelle auoit fait Gouverneur de tout le

bas Languedoc, Viuaretz Geuoudan, & Seuenes au 1. article du reglemét de leur assemblee: le quel depuis au 2. d'Octobre, comme i'ay dit en mon premier Tome, ils ont desauthorisé & destitué desdites charges & gouuernemens en vne assemblee du Cercle tenuë à Nismes, l'ayans soupçonné d'estre seruiteur du Roy.

Or auant ces derniers actes d'hostilité, M. le Duc de Vantadour auoit assemblé quelques troupes en sa ville de Chomerac distât d'une lieuë de Priuas, & attendant l'arriuée de M. de Montmorency, pour chastier cette Rebellion, mais eux s'estans fortifiez par tranchées & fossiez, sur les chemins dudit Chomerac à Priuas, les vindrēt attaquer le 25. Feurier d'où estans genereusement repoussez, leurs tranchées mesmes gaignées, & le village d'Allifas pris sur eux, avec la perte de plusieurs de leurs chefs & soldats, en presence de trois de leurs Ministres, qui assistoient au combat avec armes offensiuës, & qui eurent part à la fuite, au lieu de se remettre à leur deuë obeïssance, à quoy on les auoit tousiours inuitez, ils ont perseueré en leurs insolences, tant que ledit Seigneur Duc prepara du canon & vne armée de six mille hommes à Monsieur de Montmorency, qui s'y achemina vers le commandemēt de Mars, mais ne pouuāt en seureté approcher dudit Priuas à cause de la resistance qu'il trouua par tout le pays, il fallut commencer à Villeneuue de Berg, siege du Bailliage, & retraictel'annee pastee de 12. cens Seuenaux de leur Religion: les faux-bourgs estans pris de force & la ville rendue par

1622.

Combat entre les rebelles & les troupes de M. le Duc de Vātadour.

Siege & prise de Villeneuue de Berg.

1622.

composition, comme ledit Seigneur y faisoit son entrée, vn des habitans ietta par malice vne pierre du haut de la muraille de laquelle il tua vn des domestiques de sa maison, ce neantmoins par l'entremise de Monsieur de Reaux Lieutenant des Gardes du corps de sa Majesté, quia grandement bien seruy le Roy en ces quartierslà, la ville n'eust autre chastiment que de recevoir garnison Catholique pour quelquetemps.

de Vals.

Cela fait, Monsieur de Mazargues, frere de monsieur le Colonel d'Ornano, qui auoit charge en l'armee, voulut faire rafraischir ses troupes dans le bourg de Vals appartenant audit sieur Colonel, mais les habitans luy refuserent ce debuoir avec mespris, & se fortifierent iusques à soustenir le siege, & soixante-sept volees de canon, apres lesquelles finalement ils se rendirent, & furent pris à mercy, forçans la sainte messe dans leur lieu d'où ils l'auoient chassée soixante ans auparauant, mesmes Madamela Contesse de mauleurier y estant allée il y a quelque temps, pour certains bains proches dudit Vals, quelque priere qu'elle fit aux Consuls ne peut obtenir d'eux ny du Consistoire d'y faire dire la messe, ayans esgallement chassé du milieu d'eux le seruice de Dieu, l'honneur de leur Roy & le respect d'un seruiteur & accomply Seigneur le Colonel d'Ornano. mais auparauant ledict siege monsieur de Montmorency ayant voulu loger garnison à Vallon, autre bourg du Viuairetz pour s'asseurer le passage du Languedoc, ils
supplie-

& de Vallon.

supplient sa grandeur de les en exempter, promettans toute fidelité qu'ils violerent peu de temps apres: car ayans sceu l'armement que faisoit Monsieur de Chastillon, ils receurent 800. hommes des siens conduits par le sieur d'Autiege son Lieutenant: ledict sieur de Chastillon estant à Bergerac distant trois lieues dudit Vallon, avec 4000. hommes, & toute cette preparatiue se faisoit tādīs que l'armee estoit occupée au siege de Vals: mais Vals rendu, & M. de Mōtmorency approchant avec ses troupes & son canon, apres deux rudes attaques, ledit sieur d'Autiege fit sa composition, & abandonna ledit bourg, qui ressentit la iuste colere d'un si grād chef irrité: Du depuis ledit Seigneur Duc s'approcha de Nismes & de Montpellier pour s'opposer aux remuēmens qu'on suscitoit par là où ils faisoient leur gros, & se vantoient à la faueur de 8. ou dix villes fort proches, qu'ils y tenoient d'attēdre l'armée du Roy, & donner bataille: par ainsi iuge lecteur, si l'assemblée de la Rochelle a raison de soustenir les proceddures du Viuaretz, au lōg designées en leur declaratiō.

Dessein des
rebelles en
Languedoc.

Mais passons outre, disons que la medecine nous apprend que les recheutes sōt tousiours plus dangereuses que les premieres maladies. Le sieur de la Force, creature du feu Roy, & qui en tenoit tous ses aduancemēs, auoit assez recogneu sa foiblesse, lors qu'il auoit l'année precedēte suscitē des oppositiōs aux volōtez du Roy en l'affaire de Bearn, cela luy estāt pardonné il ne deuoit iamais reprendre les armes

Ingratitude
de Monsieur
de la Force.

1622.

Sa mauuaise
intention.

Plutarque.

contre son Prince, faire nouuelle leuee de soldats, & troubler derechef le calme que le Roy y auoit apporté par sa presence, sans fomentier la Rebellion, que M. le Duc d'Espernon par commandement du Roy, a du depuis esteinte: & perseuerât ledit sieur de la Force en son mal-heur, ne s'estant recogneu à la perte d'un pays où il auoit l'honneur d'estre Viceroy, s'est ietté en des nouueaux labyrinthes de mal-heur, s'offrant aux villes de Bergerac, Clerac & Montauban pour fortifier les rebelles contre le seruice de s^{on} souuerain Seigneur, crimes qui meritent, non seulement vne destitution des charges que le feu Roy luy auoit liberalement commises, & le Roy de present gratuitemét continuées: mais quelque chose de pis, ny ayant vie plus infame aux hommes esleuez en dignité, que l'ingratitude: de sorte que tout bien deuient mal acquis, quelque force qu'il possède, qui mesconnoist ses aduâcemens & son origine: bien mieux Agathocles deuenu Roy de Sicile, faisoit parmy sa vaisselle d'or placer des pots de terre, pour se ressouuenir qu'il estoit fils d'un potier: les subiets sont en la distribution des Princes comme les jets entre les mains d'un banquier, tel est au rang des millenaires d'escus, qui d'un coup de main redescend en la ligne des deniers: exemple aux plus fauoris de deuëment considerer le peu d'instabilité de la fortune, qui souuent dans sa rouë, sans arrest, esleue les foibles & depri-me les grands, & par fois aussi tourne tout au contraire.

Quant à ce qui regarde la sedition arriüée en
la ville de Tours qui ne scait, la iustice exem-
plaire que le Roy en a fait rendre en son passa-
ge: cinq des plus coupables ont expié par leur
mort sur le gibet, le crime commis, estant cer-
tain neantmoins qu'il y auoit au fait principal
du tort de ceux de ladite Religion: car prome-
nant comme en triomphe en plein iour & à
heures inaccoustumées le corps d'un, qui du-
rât la maladie, par la suggestion des Ministres,
s'estoit rendu des leurs: un jeune enfant estô-
né de la nouueauté du fait, s'escrie par admira-
tion, & faisant plus de bruit que cette troupe
n'en voulut souffrir, l'un d'eux le pousse & le
jette dans le fossé: à la douleur de ses playes,
& à ses cris redoublez, ses parens accourent, &
poussiez d'un ressentiment domestique, exci-
tent le menu peuple, qui porté d'impetuosité
passant aux Faux-bourgs de la Riche, & ayât
deuant ses yeux cette eminente pile qui se

1622.

Suiet de la
sedition de
Tours.

void encore restée d'une tres-belle Eglise, au-
trefois ruinée par les heretiques, sa colere aug-
mentee de ce spectacle, l'emporte iusques au
Plessis, où les Religionnaires sans respect de
la maison royale, auoient fait bastir leur Tem-
ple si prez que les courtisans estoient obligez
à ouyr le chant importun de leurs Pseaumes
durant le seiour de la Cour: cela fit que la po-
pulace y mit le feu, pour esloigner du
Palais de nos Roys de si dangereux voi-
sins: mais neantmoins quelque excuse
qui semblast addoucir l'affaire, le roy en fit
faire punition pour monstrier qu'il est iuste,

Temple des
huguenots de
Tours, basti
prez la maison
du Roy au
Plessis lez
Tours.

& veut maintenir ceux de la dite Religion qui demeureront dans l'obeïſſance requiſe : que ſ'il eſtoit queſtion de recriminer, en combien d'endroiçts de ce Royaume trouueroit-on des leurs qui ſans aucun chatiment encore aduenu, ont briſé les venerables Croix, chaffé les Preſtres de leur habitation contre l'article 55. des particuliers de Nantes, & recherché à tuer les Peres Ieſuites, comme il eſt arriué depuis naguieres en la ville de Cheilar au Viuaretz : en laquelle le 6. Iuillet ils pillerent les maiſons Catholiques, abbatu les Autels, & briſé les images, penſans auſſi de forcer le Chateau, duquel ils furent courageuſement repouſſez.

Deſſein & pratique de M. du Pleſſis pour garder Saumur cõtre les armes du Roy.

Pour Saumur, la ſuitte de pluſieurs voyages que le Roy y a faiçts ſans aucun changement iuſtifie aſſez qu'on n'auoit non plus de deſſein ſur cette place que ſur les autres de meſme nature : mais on a ſceu que le ſieur Pleſſis Mor nay, ſur l'aduis qu'il euſt du depart du Roy de Fontainebleau l'an 1621. au mois d'Auril pour aller en Poictou, enuoya demander aduis à l'Assemblée de la Rochelle, cõme quoy il auroit a ſe conduire, d'où il luy fut reſpondu par l'oracle de cette nouuelle deité, qu'il tint bon, & qu'on fortifieroit ſa garniſon de deux mille hommes conduits par Mõſieur de Soubiſe, & que pour ſupporter les fraiz qu'il conuiendroit faire, qu'il leuaſt quatre mille eſcus ſur les cottifations des Eglifès d'Anjou : mais ſe voyant ſi près d'un ſiege & deſtitué de moyens ſuffiſans pour le ſouſtenir, il a ouuert

ses portes de gré, qu'on luy eust bien tost fait ouvrir de force: cette sienne correspondance avec les factieux n'est elle pas assez capable de luy faire oster sa charge, qui toutefois luy a esté recompensée de quatre vingts dix mille escus, & ce gouuernemēt a esté donné du Roy à vn Seigneur de leur Religion monstrant cōbien il vise au soulagemēt de son peuple, quoy que cette ville, comme il a esté dit, fust du feu Roy, & non des Eglises prétēduēs reformées, & comme aussi ils le confessent: & bien que le sieur du Plessis y eust esté logé, ou pour recompense de ses seruices (qu'il a grandement ternis par ses disputes & par ses escrits) ou, car autrement ainsi auoit il pleu à sa Majesté, & qu'on l'en peust retirer sans luy faire tort, il a pourtant esté suffisamment remplacé.

Recompense
donnée au
sieur du Plessis
Mornay pour
la demission
de sa charge.

Quāt aux autres villes obeïssātes de Toïars, S. Maixant, Bergueuil & semblables: le Roy a fait voir que ses armes cōme nouueaux foudres brisent ce qui resiste, mais passent sans nuisance au trauers des corps foibles, aussi dompte il les superbes à mesure qu'il pardonne aux obeïssans.

Et pour ce qui touche le defarmement de ceux de leur Religion és villes de Normandie, cela est fōdé en exemple, car par toutes leurs places de seureté, ils ne souffrēt pas qu'un Catholique ait vn fer plus long qu'un couteau, & que durant ce temps là où l'on apprenoit que par tous les endroicts du Royaume, ils se souleuoient pour se mutiner, seroit-ce prudence de leur laisser les armes, avec lesquelles ils

Les Catholiques sont sans armes és villes d'ostage & de seureté, parmy ceux de la Religion prétendūe.

s'empareroient de quelques villes comme ils firent de Sully, & d'où il a fallu que Monsieur le Prince les ait deslinchez pour empescher vn plus dangereux progrez : qu'ils se mesurent donc à leur aulne, & se souuiennent de cette maxime qu'il ne faut rien faire à autrui qu'on ne vueille souffrir soy mesme.

Mais sur tout la fin de leur Manifeste est remarquable, car l'ayant concerté long temps dans leur Assemblée, il ne pouuoit qu'il ne portast la moitielle de leurs intentions, qu'ils desguisent si bien, qu'à les ouyr protester de leur innocence, de leur fidelité & affection au seruice du Roy, on seroit obligé d'en croire quelque chose, si on ne les cognoissoit : car parmy tout ce miel de complimens, ils ne laissent pas de semer le fiel de leur courroux qu'ad ils appellent la declaration du Roy faite en faueur de ceux qui se contiendroient dans l'obeissance, *Declaration trompense* au fueillet 37. dudit Manifeste, dictes, ie vous prie, quelque chose de pis contre les parolles d'un Prince Souuerain, ie laisse iuge vn chacun de cette temerité.

Pour le regard de n'auoir iamais trempé leur couteau dans le sang de leurs Roys, ils n'ont fait que leur deuoir en cela, & à ceux qui l'ont fait, le suplice a suiuy la coulpe.

Les François ne sont point estrangers en France, ie veux dire ignorans de ce qui s'y est passé, il ny a personne quelques bons yeux qu'il aye & quelque soigneux qu'il soit de feuilleter l'histoire,

qui puisse remarquer les services que ceux de la Religion pretenduë reformee ont rendus à cette Couronne sous François I. François II. Charles IX. & Henry III. ven que si sous les regnes des deux premiers, combien qu'ils eussent la volonté assez bonne pour nuire, leur enfance ne leur permettoit pas de l'exécuter, & ce qu'ils n'oi peu faire sous ceux cy, ils l'ont seu faire sous le regne de François II. & Charles IX. ils ont attenté sur la vie & personne dudit François II. de Messieurs ses freres, Princes du sang, & de la Roynie leur mere, dont fait foy la lettre d'abolition publiée en leur faueur par la clemence dudit Roy, inserée au corps des ordonnances Royaux. Car ce fut en cetemps qu'ils allumerent le feu aux quatre coings du Royaume, dressé party contre leurs Roys, & fait la guerre à leur propre patrie.

Mais si les actes particuliers portoiét sur le general, la resistance qu'ils font de present aux armes du Roy, les rendroit tous criminels: & l'assassinat ou plustost parricide commis en la personne du sieur de Boësse Pardaillan rendroient leur party plus que barbare, mais ce sont meschancetez qui doiuent estre en horreur à tous fidelles subiets de Roy de quelque Religion qu'ils soient. Nous auons desia veu que c'est en vain qu'ils se vantét d'auoir eleué en dignité le feu Roy, aussi faussement que temerairement; ils s'offrent à sa M. de le seruir & se glorifient de vouloir emporter la palme de toutes ses victoires: qu'ils apprennét premier à receuoir ses commandemens comme font bon nombre de Capitaines & de braues

Plusieurs de la Religion detestent la procedure des rebelles.

1622.

Cavaliers de leur creance, qui sont à la suite du Roy, & detestent autant cette perniciose coniuration des Rochelois, comme ils en approuuent le digne & meritoire chastiment.

Reste à représenter que de tous les événements de cette guerre les rebelles n'ont eu autre avantage, qu'en faisant voir la foiblesse de leurs forces, d'apprendre que leur assemblée a mal pris ses mesures, de vouloir donner le deffuy à vn Prince si sage en Conseil, & si vaillant en combat, qui fait que les moins mal aduisez d'entr'eux abhorrent les perniciox Conseils de leurs Deputez, qui sans raison, sans hommes & sans argent ont ietté leur party en vne reuolte capable d'attirer leur ruine, si le Roy par la surabondance de son affection n'a pitié d'eux.

Personnages
de qualité
de la Religion
pretendüe re-
formee morts
& tuez aux
sieges des vil-
les.

Et ne sert à leur cause le grand nombre de ceux qui sont morts en cette occasion, car outre ce que les armes sont subiectes à tels accidens, on pourroit aussi faire voir la multitude de leurs tuez en diuers lieux, comme de Haute Fontaine Durand, tué à S. Iean d'Angely, de Chamier Ministre de Montauban emporté sur le rempart d'une vollee de canon, du sieur de Montpouillan, fils du sieur de la Force, blessé à Tonins qui du depuis en est mort, & autres infinis qu'ils estiment entr'eux considerables, quoy que ce fussent de petites gens, pour ce qu'au royaume des aueugles les borgnes y sont Roys.

Voilà donc la responce au Manifeste de la Rochelle, que j'ay icy proposée de mettre en

auant au commencement de ce volume, qui
seruira cy apres de deffence contre tous ceux
qui seroient si insolens que de blasmer les ius-
tes procedures de sa Majesté: c'est comme
vne vraye Apologie de ses armes, & vn mi-
roir à deux faces qui del'vne fera voir la mali-
ce, & le tort des rebelles, & de l'autre, la
iustice du Roy, & la prudente conduicte de
toutes ses affaires.

Et auparauant que d'entrer en l'histoire de
la continuation de la guerre, sur les progresz
de la mauuaise volonté des factieux: faut se
ressouuenir que l'année precedente, Mon-
sieur de Chastillon voyant le peu d'assurance
qui estoit à manier les affaires d'un party re-
belles, lequel engageoit la pluspart de leurs
grands dans la deffaueur & indignation de sa
Majesté, & d'ailleurs le subiet irraisonnable
qu'ils auoient de prendre les armes pour se
dispenser de l'obeissance qu'ils doiuent, re-
solut d'abandonner leur party, & se remet-
tre au seruice du Roy, ce qu'il fit l'an dernier,
& auparauant mesme le siege de saint Iean
d'Angely, il en donna des assurances si grâdes
que dez lors il s'abstint des armes, se retira
dans Aiguemorte, donna librement aux re-
belles les sentimens qu'il auoit de la mauuaise
proceddure qu'ils tenoient, & fit assurer sa
Majesté par Monsieur le Duc de Montmo-
rency, qu'il luy estoit tresobeissant seruiteur,
& le feroit paroistre aux effects, sur laquelle
resolution sadite Majesté pour luy témoi-
gner le contentement qu'elle en auoit, luy en-

Reduction de
M. de Cha-
stillon au ser-
uice du Roy.

Le fils & la
belle mere de
M. de Cha-
stillon rete-
nus par les re-
belles de
Montpellier.

Voy cet acte
de l'assem-
blée de Nis-
mes sur la fin
de nostre 1.
tome.

uooya vn breuet de Marechal de France : Ce fut alors que le party des rebelles commença à declamer impudemment contre luy toute sorte d'iniures, resolurent à Montpellier & Lunel de le tenir pour public ennemy des Eglises, traistre & perfide au party, se reuolterent de son obeïssance, & s'arment de conseils & desseins contre luy, ce qu'ils auoient pratiqué de faire encore à Aiguemorte, si la prudence de ce Seigneur n'eust preu leur mauuaïse volonté, & ne se fust assuré de la place par le réfort d'une garnison Catholique qu'il a mise dedans pour y entretenir l'autorité du Roy : & en mesme temps les rebelles depitez retindrent son fils aîné avec sa belle-mere prisonniers audict Mōtpellier, & non contens de ce mauuais procedé, assemblerent le Cercle de la Prouince de Languedoc par commandement de l'Assemblée de la Rochelle qui fut conuquée à Nismes au mois de Nouembre 1621. où se fit la defauration dudit sieur de Chastillon, & la degradation de ses charges, le declarant notoirement perfide & traistre aux Eglises, avec mille calomnies à tous contre l'honneur & reputation dudit sieur, qui n'a peu supporter l'insolence desdits rebelles, sans se purger de diuerfes impostures, qu'ils ont fait inserer dans l'acte solennel de ladite assemblée de Nismes, & ce par vne telle apologie qu'il a faite par laquelle leur faisant connoistre la trop grande fidelité qu'il leur a gardé, & la trop passionnée affection qu'il

a eu au party, qui a paru en mille sorte d'effets & tesmoignages de seances qu'il leur a rendus, conduisant leurs armées & leurs affaires, contre les armes mesmes de sa Majesté en Languedoc, Viuarets, Guyenne & autres lieux: voicy l'apologie dudit sieur & parle ainsi.

Ie ne veux point mettre en auant les effects merueilleux de la prouidence de Dieu, ny les corps de sa iustice animée contre nous par nos pechez, mais non ennemie de ceux qui s'y soumettent; ie l'appelle & l'atteste icy pour me faire souffrir sa seuerité, s'il est ainsi que mon dessein és actions passées ait eu iamais autre bec que sa gloire & nostre bien general, l'apprehension où me iettent nos diuisions (seuls causes des maux qui nous menacent) & le desir de voir toutes nos deprauations arrestées pour conspirer vnanimement nostre conseruation, me poussent à ce discours, pour dire franchement la verité de nostre cōduicte depuis huit mois, à ce que tout estant cogneu de tous, le serpent ne puisse point surprendre la femme, & celle là l'homme.

Nonobstant donc la secrette ioye qu'engendroient l'heureux succez du Bearn en l'ame de tous ceux qui ayment le desordre dans l'Estat pour y profiter, il paroissoit parmy tout cela quantité de gens de bien & de qualité, bons Catholiques & fideles seruiteurs du Roy, qui craignant que le Royaume ne tombast dans les symptomes de l'an mil

Apologie de
M. de Cha-
stillon contre
l'acte del'As-
semblée de
Nismes pu-
blié contre
luy.

cinq cens octante deux & voyans que malgré les deffences on ne laissoit pas de s'assembler à la Rochelle, se rendoient sollicités de plusieurs sortes d'accommodemens quand voicy tout à coup pour leur fermer la bouche qu'on porta à sa Majesté la verité du salut de Priuas.

A l'oïye de ceste nouvelle tout s'esbranla contrenous, les plus sages en furent esmeus, il n'y eust Predicateur qui ne nous liurast à la furie de ses auditeurs, ny courtisan qui n'accusast les peuples de tendre à mesme but que les Suisses du passé, ainsi cet accident nous acheua de jeter dans la hayne publique, & donna occasion à Monsieur de Montmorency d'armer à bon escient pour venger l'injure qu'on luy auoit faite en la personne du Capitaine de ses gardes; sur quoy la conference des trois villes s'estant assemblée, elle pria instamment Monsieur de Chastillon d'opposer la force à la force; Il resista longuement à ceste resolution, remonstrant qu'il ne falloit se mouuoir si tost pour ne ruyner la Prouince par le rauagement des gens de guerre, lesquels pouuans estre mis sur pied en peu de temps, il ne les falloit faire sortir qu'on ne vit l'ennemy attaché à quelque chose, que lors il iroit droit cōbatre avec des soldats frais des troupes fatiguées dont il asseuroit de rendre bon compte; qu'il falloit cependant songer de travailler à se munir de toutes choses necessaires de la guerre, ce dont il auoit continuellement sollicité depuis cinq ou six ans les trois villes

Prudence de
M. de Cha-
stillon respō-
dant aux re-
belles du Lan-
guedoc.

sur les preuoyances de l'orage present: que sçachant le deffaut qu'on auoit des munitiôs, il se faloit contenir à n'entreprendre que la conseruation de Priuas, Baye & le Poufin dans le Viarets, de peur que le Roy, dont Monsieur de Montmorency auoit le nom, ne fut attiré en ceste Prouince, & qu'estans surpris & de sa presence & de ses forces nous ne fussions assailliez d'un tel fardeau, & qu'en suite le reste de la France ne souffrist vn pareil ou pire mal'heur, estant tres-euident que ces Prouinces fortes estans abbatnës, ce qui resteroit ne feroit pas grande resistance, qu'ainfi il estoit plus à propos de se tenir sur la defensiue iusques à la necessité, & pendant cela se premunir, que non pas se mettre en campagne, pour nostre reputation & rendre nostre seureté douteuse, veu mesme que l'Assemblée generale auoit ses députez en Cour qui traittoient, & qu'il auoit des aduistres-certain des froideurs qu'un chacun a veu d'une partie de nos grands, & de la pluspart des hommes qualifiez.

Partie des
grands de la
religion ont
quitté le party
des rebelles.

A toutes ces contestations il s'y passa quelques sepmaines, neantmoins Villeneufue pris en la façon que tout le monde sçait; il fut pressé d'armes, ce qu'il fait, mais il n'eust pas si tost donné rendez-vous à ses troupes que le sieur de Reaux arriua pres de luy de la part de S. M. qui luy porta commandement de desarmer avec serment que Monsieur de Montmorency desarmeroit, que Villeneufue de Berg seroit remis en l'estat precedent,

que l'affaire de Priuas seroit renuoyé à la justice par ordonnance du Roy en la Chambre de Castres, & que le tout seroit executé de bonne foy sur ce traitéil desarme, lors il ny eust personne fors ceux qui n'aimét le public que pour en posseder le bien, qui ne chantast, qui ne loiaist, qui n'esleuaist la prudence & son affection enuers ceste Prouince iusques au 3. Ciel sans qu'il se puisse trouuer assez de voix & de mains pour l'extoller.

Il arme pour
empescher la
prise de Valz
assiégée par
M. de Mont-
morency.

Il part donc de Lunel pour prendre le chemin d'Alez, & faire desarmer ce qui restoit, arriué qu'il y fust, il y a aduis que M. de Montmorency s'estoit aduancé avec son armée vers Valz, & le menaçoit de siege, ce qu'il croit difficilement, appuyé sur le traité cy dessus.

Se plaint de
ce siege au
sieur de Reaux

Là dessus il enuoye vers ledit sieur des Reaux pour se plaindre de ce nouuel attentat, & d'une si extraordinaire contrauention, & ne laisse pas d'armer de rechef le plus promptement qu'il peut. Mais qui ne iugera que n'ayant demeuré armé que trois iours il n'est pas facile de remettre si tost sur pieds des soldats scandalisez d'une si courte guerre ainsi Valz fut pris dans cinq iours sans moyen ny apparence de le pouoir secourir, & quinze iours de plus s'escoulerent à attendre que les troupes se peussent remettre à un mesme rendez-vous, cependant les Sieurs d'Autiege & Valescure battoient la campagne avec sept ou huit cens hommes de pied, & leurs soldats viuoient sous la mesme licence que font ceux qui ne reçoient ny argent

ny pain de munition, & qui pourtant s'offroient de camper dans les champs d'Alez, pourueu qu'on leur distribuast du pain & de l'eau iusques à ce que tout fut sur pied : Voyant qu'on reculoit cest offre il les enuoye vers Sainct Ambrois & Barjac avec adresse aux Consuls de leur administrer viures iusques à ce que toutes les troupes fussent vnies, à quoy ils pretendent de grandes difficultez, & pour s'en soulager les presserent, voire forcerent de s'aller jeter dans Valons, village sans fossez ny muraille à demy lieuë de Monsieur de Montmorency, & la riuere d'Ardeche fort grosse entre luy & nous.

Ceste nouuelle apportée à Monsieur de Chastillon l'offensa d'autant plus que l'on s'estoit engagé sans son ordre & hors d'apparence de les pouoir secourir, neantmoins il s'efforça de le faire, & disposa son dessein en la sorte que les Consuls de Barjac & le sieur du Lac deputéz d'Vsez le virent par les billets qu'il leur adressa pour faire tenir seulement au Sieur d'Autiege & à Monsieur de Blacon à Priuas, lesquels ils ouurirent & en prindrent coppie, mais le mal'heur fust tel que la veille de l'execution ce qui estoit dans Vvalons sortit, & est à noter qu'il auoit trouué le moyen (vne voye ne cessant pour l'autre) de les sortir honorablement le iour precedent par vn commandement fait avec Messieurs de Faure & de Reaux si le Conseil abbregé des Prouinces estant pres de luy l'eust trouué bon.

M. de Chastillon
faict voir qu'il a trop affecté le party de ses ennemis.

1622.

L'assemblée
de Nismes se
veut autori-
ser sur M. de
Chastillon.

Menaces de
ladite assem-
blée de Nis-
mes.

Cet accident aduenü lors qu'il y songeoit le moins, & se voyant hors de moyen de pouuoir passer la riuiere d'Ardeche, il se resolut d'aller entreprendre sur Bagnols ou autre place pour la prendre, ou attirer pardeça la riuiere le Duc de Montmorency par ceste diuersion & le combattre, mais comme ils sont tousiours industrieux à se procurer du mal, voicy arriuer des deputez du Synode conuoqué lors à Nismes qui apres beaucoup de belles paroles luy font entendre que ladite Assemblée vouloit qu'il allast droit en Viua-rets, sans plus differer ny entreprendre de diuision, que le mal y estoit par ainsi qu'il falloit passer la riuiere, il leur allegua l'impetuosité de ce torrent qui n'estoit point gayable, & mesmes que quand il le seroit le peril euidét auquel il se voyoit d'entreprendre de passer en desordre (cela ne se pouuoit autrement) en vn lieu où l'on l'attendoit de pied ferme, que dix en battroient mille, & cent autres raisons valables & veritables, à quoy lesdits deputez n'opposèrent qu'une instance à le prier de passer, & prenans congé de luy donnerent vn billet, le priant de le lire à part, par lequel ladite assemblée protestoit de se pouruoir par autre voye & d'autres personnes en cas qu'il n'excutast ce dont on le requeroit, ce memoire estoit *signé Olinier* President, voyla le commencement de leux maux.

Si ceste actiō est audelà des bornes de ce que l'on doit à ses superieurs, & s'il n'est pas monstrueux de voir des personnes de ceste condition

tion parmy eux qui font profession de reformation d'vser de telles entreprises, ie le laisse à iuger aux non passionnez, neantmoins ie n'entends point enuelopper avec les fautes des particuliers tant de sages & iudicieux personages qui composent ou les Synodes ou les autres Assemblées, ainsi ceux qui auront sceu quels *scandaleux billets* Olivier semoit & de quels *insolens discours* il vfa à *vne pourmenade* de qu'il fist en Alez, ne douteroit point de son audace, mais aussi quiconque aura voulu se prendre garde de ses longues conferences avec vn sien proche allié qui fist vne pourmenade l'année passée de Bourdeaux en ceste Prouince, ne differera plus de croire le dessein pourpensé de faire perdre par irritation à sa partie ce Seigneur dont la conseruation leur deuoit estre si chere. La dessus i'ay à prier tous ceux qui ietteront l'œil sur ce discours de se souuenir que *Mosoyer qu'on fist pendre à Nismes* auoit le discours & l'emotion aussi militante queluy, & que pas vn autre de ses comforts, & toutesfois il trompoit.

Or le pain, les munitions & l'occasion manquant de pouuoir exercer quelque chose à Bariac il salut reuenir à Vsez, où cest emissaire de diuision auoit trauaillé de tout son pouuoir à beaucoup de changemens durant son seiour de 6. iours à Vsez, Il vit au Pin M. de Vantadour, & Messieurs de Faure & de Reaux pour tascher de remettre les affaires en leur premier estat, ne niât point que son principal but n'ait tousiours esté la paix & le re-

1622.

Burdeu de
Chastillon
tousiours à la
paix.

pos general sur tout de ceste Prouince) mais l'opiniastreté de ceux qu'il ot fait armer hors de temps l'ot plus ruynée que leurs ennemis: en ceste entretenue, il fut resolu que le traité fait à Lunel touchant Priuas & Villeneuve de Berg s'excuteroit de bonne foy, & que Valz qu'il auoit destruit, seroit pareillement remis en sa premiere liberté, sauf le bon plaisir du Roy vers lequel on despatcheroit promptement pour sçauoir sa volonté, que cependant il ne s'y comettoit nul acte d'hostilité; reuenu du Pin il arriue vers luy, quelques Deputez de la conference que le Sinode auoit conuoquée pour parler d'affaire & le prier de passer à Nismes, où ils estoient tous, il y va avec vn esprit fort tranquille, quoy qu'il eust eu aduis des menées & factions où s'employoient volontairement ces bons Conseillers pour rayner son zeile & son autorité, ou plustost leur vnion & subsistance: de représenter icy ny les parolles, ny les actions, ny les propositions qui furent traitées & dites là & à Lunel iusques à ce que la responce de la Cour touchant le fait cy dessus arriuaist, il y a tant de circonstances & de diuersitez (pour ne dire de confusion & de honte) qu'il vaut mieux le couurir de silence que s'y attacher.

La responce de la Cour venue il falloir par necessité qu'il vid celuy qui la portoit, & qu'il debatist avec luy les manquemens qu'il pouuoit auoir pour les amender, car il le dit tousiours, il fuyoit du tout son pouuoir d'en.

trer dans la desolatiō & rauage où les gēs de guerre ont ietté ceste Prouince, tres-experimenté en ceste maxime qu'il est impossible de cōtenir des soldats non payez d'une discipline necessaire, ny de faire la guerre avec ses seules mains, sur tout en ce quartier où il faut du canon pour loger dās les moindres villages des ennemis.

Ce fust donc sur ce sujet que les plus dange-reux reuers commencerent à se donner, on prend occasion pour cause, il ny eust droit aucun qu'on ne s'efforçast de violer, & de tāt delicences & menées nasquist l'emotion de Montpellier sur le sieur de la Tour enuoyé du Roy, ce qui me fait hardiment dire que les grands pechent plus souuent voulant estre gracieux que seueres.

Pendant ce conflit la despeche & commission de la Rochelle luy furent portés, lesquelles il communiqua incōtinent à l'Assemblée, ce fut lors que ces bons esprits se frotoiēt les mains l'un à l'autre, & leur demangeaison estoit si chatouilleuse, qu'ils n'en pouuoient taire le plaisir, extreme insensibilité née dans les vaines imaginations d'une ame oyseuse. Voila donc deormais leurs courages tous dans les ardeurs martialles, il n'y a plus de moyen de reculer desir oient ils, il faut que Monsieur de Chastillon se declare, & là dessus on luy porta vne declaration à signer, il la leut, la considera, & en trouua le stil si delicat qu'il pria ceux qui la luy

1622.

Maxime fort
pratiquée de
M. de Cha-
stillon.

Emotion à
Montpellier
contre M. de
la Tour en-
uoyé du Roy.
l'an 1621.

1622.

Declaration
del'Assemblée
de Nismes
portée à M. de
Chastillon,
pour le faire
declarer.

Rentes du
Chapitre de
Montpellier
saïfies par eux.

portèrent de differer cet acte pour quelque heure, qu'il en feroit dresser vne à son Secre-
taire de pareil sens, dont ils seroient fort con-
tens, mais à toutes ces raisons, point d'oreilles,
on le presse, on le tourmente, & en fin on ga-
gne, on emporté sur son iugement & sur sa
iustice tout ce qu'on desira: ceste action ainsi
passée, il salut traualier à l'establissement d'un
bon ordre, & à l'execution entiere de celuy
quel l'Assemblée de la Rochelle auoit fait: on
faisoit sous son nō toutes sortes de deniers du
Roy, on y nōme des Receueurs, on ordonne
des Cōmissaires pour la vente des benefices
qui s'en sont acquittez en liurant ce qui est du
Chapitre de Montpellier affermé de tout tēps
55. mil l. par an, pour 11. mil l. ou enuiron plu-
sieurs demandent & prennent celuy qui a plus
d'inuention pour en arracher bec ou aile qui
est estimé zelé en la place Si M. de Chastillon
en refuse les mandemens il est declaré deser-
teur de la foy, mais luy seul demeuré au croc,
son nō & sō autorité ne sōt que pour les au-
tres, & ne se peut verifïer qu'il s'en soit preualu
en façō quelcōque, ainsi estimant que le pas-
sage de ce Rubicon offroit la hayne de ses ca-
lōniateurs il ne tarda point à s'aprester pour
aller rédre à ceux de Nismes qui les premiers
l'ont offensé le bié pour le mal, en les deliurāt
d'une oppression d'une armée plus forte que
la sienne logée & retrāchée dans Marguerites
auec canon. Ne trouuant point de resistance
il s'aduance plus auant prest à passer outre:
ou si on ne l'eust prié devenir à Vauuert pour.

fautoriser les maisons & de là fit rēdre à Mōtpellier les mesmes offices de deliurance contre les courſes de leurs ennemis.

Sur ces occurrences arriuent des Deputez de M. de Rohā & du Lāguedoc pour demander le secours & à luy & à la Prouince, au lieu d'y cōtredire comme on a voulu publier, son consentement preuint les dernieres paroles de leur Harāgue, offrant outre plus de le cōduire en personne. Pour cest effect il enuoye M. de Briquemōt à Millhaud vers M. de Rohā, M. de Chauagniac fut aussi de sa part à l'assēblée qui estoit à Mōtpellier leur faire entendre sa volōté & sa resolution d'accompagner ce secours, mais c'est icy que les grands coups se dōnerent pour priuer Mōtauban de ce salut, le general du bien que tout le monde en attēdoit, & ce Seigneur de ceste gloire: on bat directement contre de si bonnes intentions, & il n'y a cauteleuse malice qui n'y soit employée. Par les lettres interceptes du sieur Oliuier à plusieurs de ses cōfidens, il n'y a esprit si grossier qui ne voye vne cabale toute formée pour les diuiser, & telles que leurs ennemis n'en pourroient faire vne meilleure. La modestie de M. de Chāstillon priue le public de ces belles œuures, voila cōment le zele de la maison de Dieu les ronge & cōment Hierusalem fust mise en cendres, ie suis bien aise d'entrer en ceste verité, pour desabuser les infirmes, neantmoins voyant vne grāde fermeté en M. de Chastillon à faire ce voyage, on despescha vers ce bon reformé le sieur Ven-

Deputez du
Duc de Rohā
pour luy de-
mander se-
cours.

Venturin en-
uoyé à M. de
Chastillon
pour le flechir
à prendre la
conduite du
party.

Pratique &
malice du
sieur Oliuier
seditieux du
Languedoc.

turin pour le faire flechir par ses remonstra-
ces, que ceste Prouince ne pouuoit estre sans
vn chef, qu'il ne pouuoit ny deuoir l'esloi-
gner, que sa presence y estoit reclamée de
tous, & en vn mot que si on alloit on ne luy
donneroit ny argent ny munitions, il se laissa
done vaincre au regret, & de luy & de tous
les gens de bien qui ne cessent encores de
crier que s'il y fust allé ils iouyroient desia d'v-
ne bonne & seure paix, que ceux qui ne trou-
uent d'employ que dans la confusion esloi-
gneront tant qu'ils pourront.

Mais voicy que voulât employer les troup-
pes qu'il auoit sur pied pour chasser quelques
picoreurs qui incommodoient Montpellier,
on luy impute que c'est pour d'autant affoi-
blir ce secours, là dessus il les licentie, & pro-
cure vne trefue pour le labourage, afin que les
terres ne demeuraissent pas incultes, on tour-
ne encores cela à mauvais sens, Cependant la
Conference, le Synode & le cercle estans cō-
uoquez à Montpellier, & ledit sieur Oliuier
deputé aux trois s'aduisé de faire la ronde &
des prieres à chasque corps de garde d'vn stil
seditieusement guerrier, cela sceu on l'en re-
prit fort doucement dans l'Assemblée auéc
clausé de ne le souffrir plus, il s'abstint de ses
rondes, mais il attire sur pretexte de prier
Dieu en son logis quantité de menu peuple,
lesquels il endoctrine selô la Theologie qu'il
sçait. M. de Chastillon appelle le Consistoire
pour se plaindre ciuilement à eux de la conti-
nuation de ces malices, ie ne veux point dire

que si M. de Chastillon eust voulu permettre qu'on denonçast au Synode toutes les actions il y eust plusieurs Ministres qui souffrirent de le faire remarquer plus noir qu'un more, & que par ce moyen estant jugé équitablement il n'y alloit pas moins que d'une suspension: neantmoins il voulut de rechef tolerer tout cela. Mais voyant que l'on commençoit dans Montpellier à le descouvrir en sa bonne vie & mœurs, il impatient de'en sortir sur des vains & friuols pretextes, il suscite le peu de deputez qu'il y auoit pour le Cercle qui n'estoit point encore formé de iouer au pis, & de disposer des affaires publiques comme des choux de leur jardin.

M. de Chastillon se plaint de luy.

Ils se retirent donc à Anduze d'où ils escriuent les friuoles excuses de leur depart à Messieurs les Consuls de Montpellier, qui leur firent une responce, à laquelle il ne se pouuoit trouuer de raison pour replique, en suite de cela ils cōposent un libelle le plus souuerain & scelerat cōtre M. de Chastillon que l'enfer ait iamais produit, lequel ils adressēt aux villes & Cōsistoires pour le faire courir par tous leurs Collegues, ce qui ne fust point obserué, tant on y trouua d'impostures & d'iniustice. Dés qu'ils eurent acheué de iouer les jeux en Anduze ils descendent à Nismes où ayans les coudées franches apres 2. ou 3. iours de repos ils establisent une Chambre qui decrete contre 30. ou 40. gens de bien & d'honneur, ordonnent que la Messe sera chassée des villes où s'estendoit leur pouuoir vsurpé, Que les Eglises

Libelle diffamatoire fait par les rebelles du Languedoc contre M. de Chastillon.

1622.
M. de Chastillon
désau-
thorisé par
l'Assemblée
d'Anduse.

ses feroient abattues, & pour remarquable catastrophe désauthoriser M. de Chastillon le declarant decheu de ses Gouvernemens qu'ils donnent au premier occupant, confisquent ses biens, detiennent prisonnier Monsieur son fils, & Madame sa belle mere. Bref promettant recompense à ceux qui entreprendront sur sa vie, proscriuent tous ses amis & domestiques, & publient leur decret farcy de toutes les malices que l'humaine nature peut inuenter.

Pour ne m'amuser pas à clabauder contre des chiens qui abayent, ie ne respondray à toutes ces folles mesdisances que ces mots. Que si c'estoit Caton ou les 2. Scipions qui escriuissent ou parlassent ainsi on s'en deuroit esmerueiller, mais que de desplaire aux meschans c'est louange, ainsi ie ne prendray que les poincts essentiels qu'ils luy imputét, dont voicy le premier.

Intentions de
M. de Chastillon.

Les rebelles
disoient qu'il
portoit vne
croix sous sa
chemise.

Qu'il n'auoit autre but que de procurer ses aduantages particuliers au preiudice de leurs Eglises par ce qu'ayât fait paroistre des vifs ressentimens sur les affaires de Bearn, & approuué la cōuocation de l'Assëblée generale, il a depuis (disent ils) relasché tout à fait. Par ceste accusation il se void que Dieu tire tousiours verité de la bouche des meschans, car au lieu de porter vne croix sous sa chemise, cōme ils l'ont voulu publier, ils n'ont peu taire qu'il n'ayt esté esmeu des mal'heurs de nos voisins, & qu'il n'eust donné à leur soulagement tout ce qu'il eust peu; mais voicy le poison, il

a depuis tout à fait relasché sans y adiouster autre raison. Calomnie atroce, qui estoit donc à Marguerite, à Manduel, à S. Gilles, & par tout ailleurs & si ces gétils circulaires n'eussent empesché par leurs menees, mis les trou-pes sur pied apres l'esloignement de Mōsieur de Montmorency & de tous ses gens de guerre qu'il auoit doucement mesnagé, chacun eust veul l'effect de ses bons desseins.

D'ailleurs s'il est permis parler politique-ment des affaires, il faut considerer que les grands qui scauent mieux le secret des choses que nous, ont aussi des prudences plus viles, & que souuent faut qu'ils adioustent, changent ou diminuent selon l'instabilité des occasions, à ce où mesmes il auroit vne derniere resolution.

Qui plus est, voicy ce que ie luy ay ouy dire, qui est hors de toute censure & replique, c'est que son intention n'a iamais esté autre, & il en préd à tesmoin messieurs les Deputez de cette Prouince qui sont à la Rochelle ausquels il s'ouurit auant son depart, sinon que l'Assemblée ayant fait à S. M. les supplications & remonstrances qu'ils voulurent, & ne pouuant obtenir audience, on se contentast de faire des reglemens & ordres generaux pour pouruoir à ce qui estoit necessaire à chaque Prouince, puis se separer promptement, afin qu'en cas de nouueaux changemens en leurs places ou infractions & alterations de leurs Edicts, chacun agist pour sa deffence, generale & particuliere d'une commune liaison & bonne cor-

Son ouuertu-
re aux Depu-
tez du Lan-
guedoc en-
uoyez à la Ro-
chelle.

1622.
Les longues
assemblees
luy ont tou-
siours des-
pleu.

respondance, ayant tousiours desapprouué la longueur de leurs Assemblees, l'experience luy ayât appris que toutes celles où l'on s'est voulu opiniâster contre le gré du Roy se sont terminees à leur honte par corruption, foiblesse & diuisions.

Or combien que lors de la nouuelle du relaschement de toutes les Prouinces de là Loyre, tous les sages fussent marris & luy avec eux quel'Assemblée se fust engagée aux extremes sans auoir pourueu à l'union tant necessaire, mesmes en ses principaux chefs, si n'a-il pourtant deffailly en chose qui ait dependu de luy, & a surmonté toutes difficultez & necessitez en beaucoup d'occasions.

Impostures
imputées à M.
de Chastillon.

Ils disent qu'il a armé en diuerses fois puissamment, espargnant cependant les ennemis, laissant perdre des occasions de prendre des aduantages sur eux, & attiedissant le courage de ceux qui auoient des desseins: sans doute ces messieurs les souuerains sont possedez de l'esprit du Cordonnier qui reprenoit le tableau d'Apelles, ils estiment que c'est armer puissamment que d'auoir quantité d'hommes sans argent pour les payer, ny viures pour les nourrir, munitiōs de guerre pour les employer; apres cela encores il veulent que ce soit estouffer des desseins que de ne lascher la bride à des gens qui se vouloient perdre, entreprenât des choses impossibles & qui se païssoient de vent & se figuroient des chimeres: de fait depuis que l'importunité luy fist donner permissiō à tous ces entrepreneurs leur ayant accordé des ad-

teus generaux & particuliers & offert homes, quelles entreprises a on executées, quels desfeins ont ils fait reüssir, & neantmoins personne n'estoit demeuré dans la Prouince, toutes les forces s'éstoient esloignées, qui estoient leur faire beau jeu, voyla comment ces bons maistres paissent le peuple de mesonges & farfanteries. Qui ne void encores que ceste accusation est contraire à la precedente, car s'il ne tendoit qu'à s'agrandir en particulier, pourquoy auroit il mesprisé les occasiōs qu'ils publient eux mesmes. Que faisant ce qu'il pouuoit il se fust rendu plus cōsiderable à la Cour, & eust mieux estably sa conditiō que homme du Royaume de sa qualité, mais Dieu luy en est tesmoin, & le Roy le sçait qui ne l'en estime pas moins s'il n'a tousiours postposé son particulier à la paix publique.

Ils luy imputent d'auoir conferé d'ordinai- Autres accusations.
re & pris conseil de personnes suspectes, qu'il

rapporte tous ses desseins à la Cour, y enuoyant de quinze en quinze iours des Courriers pour entretenir ses intelligēces, il est tresvray que depuis Saumur il n'y a eu ny enuoyé personne du mode à la Cour, & est aussi tresvray que depuis la prise de Clerac, de la Cour on depeſcha vers luy pour l'attirer à quelques accommodēs, ce qu'il cōmuniqua à quelques vns du Cercle qui n'estoit encores formé, au premier Consul, & aux plus apparens Magistrats & honorables habitans de Montpellier, qui tous vnanimement le prierent d'enuoyer en Cour, & ne rompre

On traitte avec luy pour l'attirer au service du Roy.

President de
Genoudan
enuoyé au
Roy par M.
de Chastillon
pour la paix.

Deputez de
M. de Cha-
stillon enuoyez
à Nismes,
Montpellier
& à Vſez.

point ceste ouuerture, ains l'entretenir pour mieux mesnager selon sa prudence vne bonne paix, de sorte qu'il y enuoya deux fois, l'effect desquels voyages causa l'enuoy de Monsieur le President de Genoudan depeſché exprès par le Roy pour nous donner toutes assurances, que sa Majesté considerant les troubles que ses subiects de la Prouince de Languedoc & autres auoient souffert par ces mouuemens desreglez, leur vouloit faire cette grace de n'y passer ny avec armée ny avec sa personne, qui de sa Cour ordinaire a vne grande & ombrageuse suite, s'ils se remettoient dans le deuoir auquel ils sont obligez, & que mesmes ce faisant sa Majesté trouueroit bon qu'ils appellassent à semblables reconciliations leurs voisins & amis qui auroient volenté de viure sous les Edicts, desquels il protestoit la ferme & libre obseruation permettant que durant le traité on continuast toutes actions seruans à la defensue ou offensue tant dans la Prouince que dehors, ces mots ostoient toutes cauteles & occasion de surprise.

A l'arriuée donc dudit sieur President, Monsieur de Chastillon depeſcha Messieurs de Briquemaut à Montpellier, d'Aubays à Nismes, & de Clerans à Vſez, pour leur faire entendre les nouuelles qu'il portoit, qu'en aduint il, le premier fut ouy doucement en la maison de ville de Montpellier, qui depeſcha six personnes bien choisies vers le Cercle pour inciter à ouïr pour le moins vn personnage de sa qualité, mais ils furent rabroiez si barbare-

ment que presque tous eux firent serment de n'accepter iamais d'enuoy vers eux, lesquels se porterent à ceste extremité de susciter le peuple pour leur faire desplaisir. Quant à Messieurs d'Aubay ils se defendirent de l'ouïr avec menaces, & si Monsieur de Claprans n'eust eu de bons aduis, Monsieur le Cercle l'auoit liuré au peuple d'Vsez pour le destruire.

Voicy les belles raisons dont ils se sont seruis pour refuser ceste paix qui se deuoit faire generale. C'est vne paix d'enfer (disent-ils) forgee par les diables sous pretexte calónieux, sur quel fondement tout cela, car s'il est ainsi qu'ils soient pires que Demons pour sçauoir des choses qu'ils n'ont pas voulu ouïr. Mais qui a iamais veu vn tel excez d'impieté & de furie. L'Euangile nous enseigne & on nous presche, bien heureux sont les pieds de ceux qui nous annoncent la paix, & ils chassent avec imprecation ceux qui leur offrent de la part du Roy sans leur daigner prester l'oreille, que dira la posterité?

D'ailleurs les guerres quelles qu'elles soient n'ont pour but que la paix, & est impossible qu'on repete à crime de la desirer, voire de la rechercher enuers le Prince & legitime souverain, où peut on la rejeter leur estant offerte tres-honorable & seure, mais ces esprits malins ayât la teste remplie d'empires ne veulent ouïr parler de se remettre sous vn bon ordre, prenans leurs esbats aux bruslemens, faccagemens & à tous actes d'hostilité & d'im-

Les rebelles
refusent l'ouverture de la
paix que leur
propose M.
de Chastillon.

Impietez des
rebelles.

pieté, ayans pour but le renuersement de la Monarchie & la ruine de l'Estat, trenchant desia des souuerains, ostans & donnans les Gouuernemens, cōfisqueans les biens, proscriuans les personnes, parlans comme les Senateurs ou plus puissantes republiques, fomentās la Democratie, & le Gouuernemēt populaire que les sages ont tousiours plus craint & detesté que la plus inique tyrannie, tellement qu'ils ont odieux ceux qui aiment la Iustice & domination, & qui procurent des accōmodemens, & à la verité s'il le faut prendre en particulier ie ne le trouue pas estrange, car il y a grāde differēce de viure chez soy au pain & à l'eau māque d'autres facultez, & estre payé les vns à quatre, les autres à trois escus par iour selon l'acte de leurs cottisations, sans oublier le profit des reliques des comptables.

Ils disent aussi que ceste paix n'estoit que particuliere pour ceste Prouince laissant l'assemblée de la Rochelle, & toutes les autres villes qu'on a perduës, cela est faux. Car il leur estoit permis de requerrir sa Majesté de l'accommodement general pour la seureté des Eglises de tout le Royaume. Ledit sieur President les asseurant que le Roy estoit en volonté de la leur accorder. Quel honneur inesperé aux Eglises du bas Languedoc si elles l'eussent voulu comprendre, d'auoir l'ouuerture pour procurer la paix generale, eux qui s'estoient d'eux mesmes si auant rendus criminels par leurs excez & par leurs violens & precipitez deportemens aggrauans

vne si grossiere faute en refusans vn tel bien, la posterité lisant l'histoire ne remarquera cela que comme vn prodige.

Ils le chargent d'auoir estably au Gouvernemēt des places les charges les plus importantes ceux qui ont maluerfē cy-deuant es affaires de leurs Eglises & permis à des Gouverneurs des places de seureté de faire le desauē de l'assemblée generale, pour les derniers c'est vne tres-notoire imposture, aussi se font ils bien gardez de rien particulariser de peur d'en estre conuaincus, & quand la malice y est manifeste & sçue de tous. Car on a assemblé expres des Synodes & des Assemblées Prouinciales pour luy faire voir ceux qu'ils marquent dans leur libelle à quoy il luy a falu forcenement cōsentir, & s'en seruir par leur continuelle sollicitation, mais que peuuent ils dire de ce que depuis leur vsurpation ils ont confirmé les commissions qu'il leur auoit données, & qu'ils se seruent iournellement de ces mesmes personnes. Ils sçauent bien aussi qu'ils ont fait menacer de mort tous ceux qui n'estoient pas de leur faction, & qui venoient à Montpellier nō pour cōseiller M. de Chastillō, mais pour assister aux assemblées ausquelles ils auoient vocation legitime, l'ayant pressé & violēté d'admettre en les Conseils des plus suspects & dangereux esprits qui n'auoient pour but que de les faire chopper, de sorte que pour leur complaire il falut qu'il receut ces personnes dans son sein avec toute franchise n'ayant rien fait ny geré qu'avec leur cognoissance, receuant

1623.

Nouvelles
impostures
contre M. de
Chastillon.

Ceux qui n'estoient de leur faction ont esté menacez de mort.

1622.

fouuent leurs aduis, tellement que s'il est coupable de quelque faute de ce costé là, c'est seulement de celles où ils l'ont porté par leurs artifices & inductions.

De plus ils disent qu'ils mesprisé l'Assemblée generale en supprimant ses commissions & esbranchant ses reglemens. Sur ce point celuy qui doit nous demande, dès que Monsieur de Chastillon eust receu les commissions de l'Assemblée generale, illes executa courageusement sans sortir de nul des ordres compris dans les reglemens qui luy furent enuoyez, & Monsieur le Cercle tout au contraire contre les mesmes reglemens, sort de Montpellier sans auoir formé l'Assemblée, & dit qu'il ne veut pas que Monsieur de Chastillon President n'ay dans toutes Prouinces de sa qualité par lesdits reglemens y preside, & ainsi s'vsurper impudemment l'autorité afin d'auoir la bourse comme le principal gibier où ils visent.

Disent que
Monsieur de
Chastillon a
empesché le
secours de S.
Iean d'An-
gely.

Or voicy vne asnerie feriale au possible. Il a empesché, disent-ils, le secours de saint Iean. Quoy S. Iean fust assiégué vers le 26. ou 27. de May, temps notable, capitula vers la fin de Iuin, & ces grands personages voudroient que Monsieur de Chastillon qui ne sceut la nouuelle que le neuuesme ou dixiesme de Iuin, & qui estoit esloigné de quatre vingts dix lieues pour le moins le secourut. Admirables hommes que vous estes à louer de faire voler ainsi les armées, ceste action certes & sans plus rire estoit propre à Monsieur de Rohan.

Rohan. Premièrement le Gouuernement estoit à luy avec toutes sortes de iustes titres. 2. Il se pourmenoit en la basse & haute Guyenne où est la pepiniere des soldats 3. Il y auoit prudemment laissé son frere vnique, dont l'ombre le deuoit tousiours suiure pour le coniuurer à le tirer de peine. Quel donc des deux deuoit il abandonner pour ne vacquer qu'à ce seul point. Que s'il m'estoit permis d'entrer dans toutes les autres Prouinces, que n'y a il pas à dire sur la perte de tout le Poictou, de toute la Xaintôge, & des deux Guyennes ornées de tant de places fortes, est-ce Monsieur de Chastillon qui les a liurées ou abandonnées, car il faut consentir à vn de ces deux mots?

Je trouue encores qu'on luy reproche d'auoir en tant qu'il a peu destourné le secours de Montauban. Il m'est dur de représenter partie de ce que i'en ay dit cy-dessus, certes ils le disent contre leur cōscience. Car qui ignore qu'il ne se soit offert d'y aller en personne, & la pouuât plus puissamment & plus à propos qu'aucun. Ils disent qu'ils ne doutent de son pouuoir & de sō experience, ains de sa volōté. O ames sans zele, auoir sous vn simple soupçon reietté ses offres sans daigner prendre des asseurāces nécessaires pour procurer vn si grād bien à toutes leurs Eglises, de quoy deuiendrez vous quand Dieu fera rendre compte aux imposteurs & impies, compte de vos actions; au lieu de trauailler à bien ioindre les intentions & les forces de M. de Rohan & les siennes

Comme aussi
celuy de
Montauban,

1622.

(la cause leur estant commune) afin de travailler d'un mesme pied & d'un mesme cœur à procurer la paix du Royaume & reestablishement des Edicts, vous auez semé des jalousies & planté la diuision entr'eux par cabales & monopoles inexprimables, & pour faire voir clairement que le refus qu'on luy en fist, est procedé seulement de l'envie qu'ils portoient à la gloire qu'il eust acquis en ce voyage de deslallier Montauban en procurant vne paix generale, on remarquera qu'ils n'ont voulu seulement qu'il choisist quelque'un pour commander en son absence les troupes de son departement, afin d'y maintenir un bon ordre, ny qu'aucun de ceux qu'il auoit élus particulierement se soient allez ietter dans la place, de peur que s'aduouians estre ses amis, on ne creust qu'il auoit contribué quelque chose au secours.

Disent qu'il a
armé leurs en-
nemis à leurs
despens.

Pour conclusion, ils disent qu'il a armé les ennemis à nos despens, comme s'il pouuoit faire eschoüier à dessein un nauire ny estant pas, & s'il auoit instruit le pilote qu'il n'a iamais veu, à faire le sot, c'est vne si noire & extravagante calomnie qu'elle ne merite response. Que si ces calomniateurs auoient tant de regret de la perte de leurs Eglises qu'il brassent de toute leur force, comme il a receu d'amer-tume par ces deux accidens, ils ne bouffonneroient pas comme ils font dans les cabarets, mais Dieu qui preside aux œuvres des hommes, & qui fonde les plus profondes pensées iugera entr'eux & luy.

Donques que void-on en toutes ces accusations qu'ignorance & malice; Que s'il falloit opposer à ces pretendus crimes les bienfaits qu'ils ont tous receu de luy depuis douze ans, & mesmes tout fraichement, de quelle honteuse ingratitude ne seroiët ils pas coupables? Mais l'humeur de M. de Chastillon estant toute contraire aux reproches & à parler aduantageusement de soy, me ferme à grand regret la bouche, & i reserve ma plume à dire seulement qu'en recôpense de tant de bien-faits, vne Assemblée qu'il auoit fait conuoquer pour prendre auec elle des resolutiôs necessaires pour lebié de leurs affaires, & estre tesmoin de ses deportemens, en laquelle par le reglement de l'Assemblée generale il deuoit presider, ie ne diray pas auant qu'estre formee, mais auant qu'estre assemblée, a procedé contre luy sans l'oüyr ny sans le citer, contre toutes sortes d'ordre & de Iustice, a priué & spolié des charges qu'il n'auoit receuës d'icelle & qui ne sont ny ne seront point en leur disposition, & a exercé cõtre luy & tous les siens tous actes d'hostilité, & pis quel'ëny le plus decouuert, iusques à retenir M. son fils prisonnier qui est encores au berceau, & madame de S. Germain sa belle mere, action que les barbares n'ont iamais exercee, à proscrire ses amis & seruiteurs, mettre à l'interdit la ville d'Aiguemorte, & la liurer au premier occupant, & pour dernier acte de leur tragedie ont desauoué le sieur Alard premier Consul & Viguier de Montpellier par ce qu'il ne vou-

1622.

Benefices recus de M. Chastillon par les rebelles.

Aiguemorte mise à l'interdit pour estre obeysante à Monsieur de Chastillon.

lut monter à cheual pour aller au deuât de ses graues Seigneurs, & qu'ils ne l'ont iugé capable de soustenir leur tyrannique & furieuse conduite, violenté le second Consul pour luy faire bailler les deniers des tailles dont il est comptable, & autorisé ceux qui ont rompu les prisons, les ouurant aux prisonniers qui auoient commis toutes sortes de voleries & d'excez, & par ce moyen lié les mains à la Iustice qui s'est resoluë de ne s'assembler plus voyant leur dignité foulée aux pieds par la lie du peuple que le Cercle a rendu executeur de leur haute Iustice.

La violence donc & l'iniustice de leurs calomnies & actions estant toute notoire, qui est-ce qui n'accusera pas plustost M^{rsieur} de Chastillon de trop de modestie & de prudence que de desertiō ou delusion, car quoy qu'ils veuillent autoriser leurs procedures de quelques articles de l'Assemblée des 14. & 18. Iuin 1621. par lesquels ils pretendent ce pouuoir leur estre donné, si est-ce qu'il n'a esté ouy en iceux non plus qu'en la Prouince du Viuairetz & des Seuenes qu'ils ne luy ont iamais inthimez ny signifiez, & qu'il appert notoirement que lesdits actes sont defectueux en la forme & en la matiere, veu qu'ils ont esté faicts en mesme temps qu'il trauailloit avec l'Assemblée prouinciale de Montpellier à l'execution du reglement de ladite assemblée, & par consequent auant toutes causes par eux pretextées & pretenduës.

Ainsi leur malice, impieté & impudence

n'estant ignorée de personne, ie n'ay plus
qu'à leur faire ces questions, premierement, *Questions*
combien est-ce que Venturin, Suffren, Oli- *faictes aux*
uier & Paulet ont eu pour leur part desd ouze *rebelles.*
mille escus empruntez à millar le mois d'Aoust
1621. 2. pourquoy est-ce qu'ils ont engagé
treize Ministres dans leurs Cercles, & point
de Noblesse, veu mesmes qu'il ny auoit que
deux Gentils hommes 3. à quoy l'on a em-
ployé les six mille bons hommes (c'estoit ce
quela Rouuecyrete conduisit sans escorte à
Montauban) qui sont sortis de ces Prouinces,
& quels exploicts ont ils fait. 4. sous combien
de clefs ont ils ferré les deniers publics qu'ils
ont mis à leur espargne. 5. combien de rames
de papier faut il pour escrire leurs conquestes,
& principalement celles de Pignan, Mon-
tagnac & Agnano. 6. sur quel maxime ou ex-
emple, si ce n'est afin de rédre tout irrecōcilia-
ble, & se sauuer là dedans, ont ils ordonné &
fait executer le rasement des Eglises, & plu-
sieurs telles ou pires meschancetez, puis que
l'Angleterre, l'Allemagne, la Hollande, Ge-
neue, la Rochelle, & mesme Montauban les
ont voulu conseruer. 7. pourquoy ont ils sup-
posé & publié tant de lettres qu'ils disoient auoir
receuës del'Assemblée generale où l'on
leur donnoit aduis de l'arriuée de 14. mille An-
glois qui auoient desia prins Angoulesme, &
voyla les raisons qu'on peut alleguer aux re-
belles pour la defence de Monsieur de Cha-
stillon, contre leurs calomnies & menaces, no-
noblant lesquelles il s'est entieremēt remis au

1622.

Seconde Re-
bellion en
Guyenne.

seruice du Roy, & fera voir cy-apres de belles preuues de ses fidelitez: entrons dans le narré del'histoire où nous verrons la vengeance poursuiuie contre la rebellion continuée.

Le Roy n'eust pas plustost quitté la Guyenne pour retourner à Paris au commencement de l'an present 1622 que les rebelles de la Religion pretenduë reformee, appellent de Montauban le Seigneur de la Force avec ses enfans, pour luy donner entree és places de Sainte Foy, Montflanquin, Monsecuq, Marmande & autres où la rebellion fumante encore en son mal esteint attendoit, impatiente, l'arriuee de ces chefs, pour derechef allumer la guerre en la basse Guyenne: les commissions de la Rochelle vollent des lors, plus librement que deuant, & la faction de tous ces bons François, esclattant par toutes les places, où les freres mesnageoient le temps & les occasions fauorables aux nouuelles entreprises, accueille les aduis de l'Assemblée generale, & s'assurant sur les promesses & belles esperances dudit sieur de la Force, se resoudent vnanimement de bien tost renuerser tout l'ordre estably par le Roy, l'an passé, és lieux où il auoit restably son seruice & son autorité à la pointe del'espee: voyla donc qu'en l'absence de ce brillant Soleil, les ombres recommencent, & ceux qui à la presence de sa Majesté auoient paru souples à l'obeissance, & cedé à l'effort de ses armes, se rebellent encore vne autrefois, de sorte qu'en Guyenne haute & basse on

ne void que des souleuemens, des villes fortifiées, des nouuelles garnisons accueillies, des forts & forteresses nouuellement basties, & le flambeau de reuolte, courir en feu gregeois, de Montauban à Sainte Foy, Montflanquin, Montrauel, Tonins, Clerac, Figeac, Cadenac, Cariac & autres lieux, & eust gaigné plus auant sans doute, s'il n'eust esté promptement esteint & arresté en sa course par la valeur de ce genereux Prince Monsieur le Duc d'Elbœuf, ainsi que nous verrons cy-apres,

1622.

D'un mesme pas allons en Languedoc, nous y verrons iusques aux monts Pyrenées, ny auoir si petite place en cette grande Province, où les rebelles ont quelque peule des-fus, où l'on ne face de grandes & extraordinaires fortifications.

A Nismes & Montpellier, on renuerse & desmolit les Temples & les Eglises, pour dresser bouleuards & bastions de defence: on abbat les faux-bourgs & maisons proches des murs, pour faire iour au canon, on y eleue tranches, retranchemens & plates formes, avec vne diligence & trauail si extraordinaire, que quand ils seroient menacés des approches du Turc ils ne pourroient se preparer dauantage à la defence contre les armes de leur Prince Souuerain: Et c'est en quoy l'histoire, registre de memoire, où s'enrollent à l'eternité, les deportemens des Princes & des peuples, ne doit faillir de coucher à loisir & mettre au iour

Fortifications
de villes en
Languedoc.

1622.

avec les lumieres requises, la verité de toutes ces reuoltes faictes, sans subiet, contre la personne d'un grand Roy, qui ne demande des siens, que l'amour, le respect, le seruice, & l'obeïssance qu'ils luy doiuent, pour en donner aduis à ceux qui viuent & ne le scauent pas, & à ceux qui viuront apres, & feront la posterité des siecles à venir.

Premiere cause de la permission diuine sur la rebellion des rebelles.

Je noteray seulement icy, que la diuine prouidence soigneuse à proteger les Roys & à descouurir les hypocrisies & entreprises dressees contre eux, a permis, pour trois causes, que les rebelles auuglez de leur malice fortifiassent les villes, au lieu de les rendre en fideles subiets, & en Citoyens sages, s'ils vouloient pouruoir à leur honneur & profit.

La premiere afin que l'on fut bien esclaircy de leur volonté, iusques là couuerte de plusieurs pretextes & protestations de vouloir obeyr, & que tout le monde vit, que leur manifeste rebellion auoit forcé la patience du roy à prendre les armes, pour faire iustice & se faire obeyr. Donc aussi tost qu'ils soubçonnerent, que sa Majesté estoit resoluë d'auoir ce que iustement luy estoit deu, & que iustement elle demandoit, ils commencerent à montrer à cœur ouuert & à main leuée leur volonté, & à bon escient auancer les preparatifs de guerre, & fortifier les villes d'ostage avec telle diligence, que s'ils eussent attendu quelque Tamberlan au siege, & non le

Roy de France leur Prince tres-Chrestien, leur bien facteur, & fils de celuy par qui ils respiroient en France, jamais la Rochelle, S. Iean d'Angely, Clerac, Montauban, & les autres de ce rolle n'eussent resisté avec plus grâds efforts contrel' Anglois oul'Espagnol en temps des grandes guerres, qu'ils ont fait à sa Majesté.

1622.

Et voila leur bonne volonté manifestée en leurs propres œuvres ; s'ils eussent sans rien bouger seulement refusé en dilayant, & qu'à leur refus sadite Majesté les eut attaqués, ils eussent fait retentir le Ciel & la terre de plaintes : maintenant le Ciel & la terre avec leur rebellion les accuse, & rend conuaincus de leur mauuaise volonté, & monstre quelle estoit leur intention, quand ils demanderent des villes d'ostage, & de seureté au grand Henry son pere tres-honnoré, il y a plus de 25. ans Mais qui eut dit alors, qui eut soubçonné, que c'estoit pour en faire des retraites de rebellion, des republicues & des Geneues? pour en bannir les Sacremens, & oppresser les enfans de l'Eglise Catholique, en se reuoltant contre leur Roy, tuant sa Noblesse, ses Princes, & ses fidelles seruiteurs? Leur rebellion donc manifeste accuse manifestement leur mauuaise intention, & iustifie les armes du Roy.

La seconde cause de la permission diuine a esté, afin qu'ils fussent plus rigoureusement punis de leurs pechez precedens, & de ceux, qu'ils commettroient encore abusans de leur

Leur mauuaise volonté est
descouuerte
par ses propres actions.

Seconde fin
de la permission diuine,
sur la rebellio

liberté, & irritans la clemence du Roy. Car s'ils eussent obey, leurs villes seroient entieres, leurs Citoyens en vie, leurs biens sans intersts, leur reputation sans blasme; & n'eussent pas donné occasion à tant de maux aduenus, de deniers dependus à la foule des peuples, de forfaits perpetrez, d'oppression & de cruauté, de tant de vaillans guerriers ravis en la fleur de leurs ans: de tous lesquels crimes ils sont responsables & punissables deuant Dieu, & deuant les hommes: responsables de la mort de plus de cinq cens Gentils-hommes de marque occis en cette factiō, non par vostre vaillance, messieurs les rebelles, mais par vostre crime, comme jadis vos deuanciers aux premiers troubles de la France furent coupables de la mort de six mille guerriers tous capables de commander aux armées: Et que pourrez vous donner pour satisfaction de la mort de tant de braues Seigneurs? de ce valeureux Prince Héry de Lorraine la terreur des rebelles, qui en la meslée des combats aduertty de s'espargner, respondit qu'encor qu'il donnât cent vies, il ne scauroit assez donner pour le seruice de son Dieu, & de son Roy? De la mort du Seigneur de Termes parangon de vaillance & pieté en vostre armée, SIRE, qui aux assauts foudroyoit à guise d'un Iosué les ennemis de Dieu, & qui au lit d'honneur rendit l'esprit à Dieu à guise d'un Religieux; deux Mars Chrestiens dont sa Majesté cherissoit la vie tendrement, & honora la mort de ses larmes; pour satisfaction de la perte

des deux Marquis de Themines deux fils d'un vaillant Marefchal, & deux fleurons de vertu, la ioye de leur pere & patrie viuans, & mourans l'honneur de la Guyenne? Pour la mort de tant d'autres, le nom defquels i'ay me mieux eſtre eſcrit au liure de vie & d'immortalité, qu'inſerez en mes eſcrits? mais ils n'attendent pas ſatisfaction de leur mort, ny recompenſe de leur valeur de la main des hommes, & tels hommes que leurs ennemis, ils ſont morts pour celuy qui les a rachetez par ſa mort, combatans ſous la banniere des fleurs delys: de ſa grandeur ils ont receu & receuront la recompenſe immortelle, & de ſa Maieſté l'honneur de ſon ſouuenir. Ils ont donc eſté laiſſez par prouidence diuine en leur volonté & liberté de ſe fortifier, de ſe rebeller, & tenir bon contre ſadite Maieſté, & luy faire la guerre, & commettre ces maux pour eſtre plus rigoureusement punis, ſelon leurs plus grands demerites, & endurer les fleaux qu'ils ont enduré, & ſont pour endurer encores, s'ils continuent d'eſtre obſtinez, & en meriter dauantage. Pharaon s'endurcit à la premiere & ſeconde playe, il fut puny encor de huit ſuyuantes; & à la fin, luy & ſon armée fut fait le butin des ondes & des poiſſons, & leurs ames furent la proye aux enfers & à l'eternelle mort.

La troiſieſme cauſe a eſté afin que la gloire de Dieu fut agrandie, & celle des victoires du Roy illuſtrée: car tant pour le regard de Dieu

Meſſieurs les
Marquis de
Themines &
de Lozieres
morts au ſer-
uice du Roy.

Troiſieſme
cauſe de la
permiſſion di-
uine ſur la ſuſ-
dite rebellion

1622.

que de celuy de sa Majesté elle a esté de tant plus noble, que les difficultez ont esté fortes à vaincre. Dieu s'est fait voir glorieux en monstrant qu'il est aussi puissant à venir à bout des grandes puissances & grandes forces, comme des petites; & qu'il combattoit avec sa Majesté, fortifioit son bras & ses gendarmes, pour prendre tant de villes fortifiées à tous engins & machines, & defenduës de tant de mutins furieusement animez, estrangers & François, & prises en cinq ou six mois, que les ennemis & tous hommes de guerre jugeoient ne pouvoir estre prises dans six ans. Les cayers volans Calvinistes, qui se sont fait ouyr en ces iours là sous le nom *d'ombres, de Chroniques des fauoris*, & semblables titres, & par risées ridicules raualent le merite des exploits du Roy; s'ils estoient sages pour bien juger de la vertu & du vray honneur, ils prefereroient, voire vne seule victoire de Louys 13. gagnée en l'aage de vingt ans pour le Royaume de Dieu, & bien de son peuple, & la gloire immortelle, aux victoires des Alexandres & des Césars emportées pour la vanité & gloire passagere du monde; mais estans eux juges incompetens des choses belles, & nays à boufonner sur des ombres, ils mesprisent ce qui est prisable, & sa Majesté a plus d'honneur de leur mespris, que si elle en estoit bien prisee, & la France est des-honorée d'auoir éclos ces Perroquets halbrenez, qui par leurs plumes & bec, se sont marqués infames de deux vfc es

notables. En l'un recogneus sans conscience ; en l'autre sans ceruelle : sans conscience en Lucianisant & discourant des ames des trespassez plus profanement que les plus grands Athées, & pour faire rire seulement ; ne se prenans garde que leurs compagnons de religion ne rient point là bas aux champs Eliens où ils les ont logez : sans ceruelle en ayant tiré matiere de farces & risées sur les miseres & tragedies de la France leur patrie, pour laquelle il faudroit prier & gémir & nō boufonner. Le sage dit ; *Le risen dueil narrative importune.*

Or comme telles guerres sont œuures de Dieu pour sa gloire : aussi ont esté les victoires qui suivront cy apres, où l'on verra que l'Eternel a tellement conduit les armes de sa Majesté qu'elles ont contraint les rebelles de changer de dessein, & de venir l'Oliue à la main implorer pardon & demander la paix au Roy.

Et afin que tout le monde sache par raisons palpables que ce que ie dis de leurs desseins est veritable, & se verifie par les effects, venons au narré de l'histoire.

Monsieur de la Force estant donc sorty de Montauban sur la fin de Decembre l'an passé avec ses enfans, tira avec luy tous les meilleurs Capitaines & les plus courageux soldats qui fussent là dedans, ny pouuans plus viure tant à raison des viures qui estoient rares, que de la maladie qui ne diminuoit point en cette place rebelle, infectée de mille miseres &

Dieu fait co-
gnoistre sa
grandeur aux
victoires en
plusieurs fa-
çons.

1622.

pauvrez : plus de douze cens hommes de guerre des plus determinez font escorte audit sieur de la Force au sortir dudit Montauban, & se retirent avec luy dans la basse Guyenne, dans S. Foy & autres ia nouvellement reuoltez cõtre le Roy depuis son depart de Bordeaux.

Le sieur de la Force se iette dans S. Foy.

L'Assemblée de la Rochelle luy enuoye Commission.

Ledit sieur de la Force, ayant esté accueilly comme vn Prince en Sainte Foy, par les sieur Marquis de Mirambeau, Theobon, Vicomte de Castets & autres rebelles, proietans leur desseins sur les villes conquises par le Roy en la Prouince dans les six mois de l'année precedente, reçoit vne specieuse commission de la Rochelle pour agir selon la teneur d'icelle par toute la Guyenne, & iusques dans le Bearn, tant en la leuée de deniers du Roy, contribution des places, par la conduicte des armes & des desseins, en qualite de Chef & General par eux estably en ladite Prouince de la basse Guyenne. Suyuant laquelle Commission, il escriuit à la ville de Libourne le 2. Ianuier vne lettre en forme de mandement pour asseoir en la iurisdiction d'icelle vne imposition de deniers qu'il vouloit estre promptement leuez pour le faict de la guerre laquelle lettre i'ay bien voulu inserer au cõmencement de ce narré, afin qu'vn chacun apprenne les mauuais desseins des rebelles, le peu d'honneur qui reuiet audit sieur de la Force, de se rendre executeur des passions d'vne assemblée de rebelles, & la iustification des armes de sa M. continuant la guerre le long de cette année contre lesdits rebelles.

de la Rebellion de France. 95

Iacques Nompar de Caumont Marquis des
Marquisats de la Force & de la Freix, Bar-
ron de Castelnau & autres places, Gouverneur
& Lieutenant pour le Roy en ses Royaumes &
Souveraineté de Bearn, Chef & General en la
Prouince de la basse Guyenne, sous l'autorité
de sa Majesté, & de l'Assemblée generale
des Eglises de France, aux Scindics, Consuls,
cottisateurs, manans & habitans de la ville &
iurisdiction de Libourne, Salut. Ven par nous
la Commission à nous enuoyée par les deputez
de ladicte assemblee generale des Eglises refor-
mées de France, & Souueraineté de Bearn, te-
nant à la Rochelle: par laquelle nous est mandé,
qu'ayans esté contraincts avec un indissoluble regret
de recourir aux moyens naturels & legitimes,
pour les opposer à la violence & oppression des
ennemis de l'estat, & conseruer en tant qu'elle est,
l'autorité du Roy & de ses Edits, la liberté de leurs
cōsciences, seureté des villes accordées, il est requis
& necessaire faire une leuée de gēs de guerre, pour
establir des garnisons es villes, places, & fortifef-
ses estans de l'estendüe & dependance de nostre
Gouuernement & desdictes Eglises reformées, sol-
de & entretenement desdictes garnisons, & pour
cet effet imposer sur les contribuables aux tailles
de la Prouince de la basse Guyenne, telle somme
de deniers, que iugerez avec le Conseil de ladicte
Prouince estre suffisans, tant pour la solde & en-
tretenement desdictes garnisons, que pour subuenir
aux frais desdictes fortifications desdictes places,
& munitions necessaires à leur conseruation, &
defense. A ces causes en vertu du pouuoir à

1622.

Mandemens
du sieur de la
Force à la vil-
le de Libour-
ne.

salut hugue-
not pour trois
cens milles
liures.

nous donné, de l'aduis du Conseil de ladicte Province, auons fait proceder à l'assiete & departement de la somme de trois cens mille liures: de laquelle vous estescheu pour vostre part & portion la somme de mille six cens liures: laquelle nous vous mandons & commettons incontinent & sans delay assoir & imposer, sur tous & chacun les habitans de vostre iurisdiction & Paroisse. Le reste est minuté à l'instar des mandemens ordinaires donnez en tel cas de la part de vostre Majesté, & la fin. *Donné à Sainte-Foy, le second de Iannier mil six cens vingt. 2. Ainsi signé Caumon, Et plus bas, Seguelas.*

Crimes contenus en la Commission enuoyée à M. de la Force.

Chacun controllera plus exactement les crimes contenus en ceste commission contre sa Majesté: ie note en icelle ces fautes. Premièrement, qu'elle est faicte en forme de Republique desia establie au mespris de sa Couronne, & contre son autorité Royale, & donne euidente preuue, quel'intention & dessein des Ministres & supposts des Rebelles, estoit celle que i'ay dict: sçauoir est, de serendre maistres absolus des villes d'ostage, d'engaigner d'autres, d'establis des Republiques en France, bannir & chasser petit à petit la Religion Catholique, & d'opprimer sur tout l'autorité Royale. Car si maintenant, qu'ils panthelent à grosse haleine, & sont aux abbois, ayant esté battus dos & ventre, & perdu soixante & quatorze villes fortes, que la main victorieuse du Roy leur a osté dans six mois: ils osent neantmoins leuer les cornes si haut, & estans valets

lets faire les maistres, & commander en souverains, & estans criminels se porter comme meuges, & accuser leur Prince, tuer & rançonner ses subiects, imposer deniers à ses villes Catholiques, qu'eussent ils fait, si sa Majesté leur eust laissé vne plus longue possession de ces villes entieres, & n'eust preuenu leurs attentats de bonne heure? Ne verrions nous pas desiales cantons huguenots dressez parmy la France? & ce noble Royaume reduict en vn amas roturier de republiques insolentes? La foy Catholique bannie, les Ecclesiastiques massacrez & pilliez, la Noblesse Françoisé assujettie & captiuée à la dominatiō roturiere d'une ville talon de France? Les Marquis, Comtes & Barons, plier le genouil comme à present Monsieur de la Force, à l'assemblée des Ministres & mercadans de la Rochelle, & sous leur auctorité leuer deniers, & tourmenter les peuples des fleurs de lys? Les marchans volez par impositions, concussions, & rançonnemens, & par toute sorte de voleries.

Secondement ie note, que Monsieur de la Force n'a pas honorablement fait, ny pour foy, ny pour Messieurs ses enfans, de quitter le seruice des Roys de France, & ravalant son grade de Noblesse, se soubmettre & s'aillir à vne assemblée republicaire, de laquelle il ne scauroit tirer aucun honneur, qui pesast vn grain de l'or de la fleur de lys. Certes, les Ministres voyent par dessus eux aussi mal volontiers les Gentils-hommes

Autres fautes
de ladite Commission.

1622.

Titres de bien-
faits & de me-
cognoissance.

Titres vains.

L'Assemblée
de la Rochelle
criminelle de
la grande Majesté.

que les Roys, en auront triomphé, & me suis estonné de voir tant de beaux titres en teste de la Cômmission, aboutir à la queue d'un rat, & l'autorité de certaines Eglises forgées en l'air. *Jacques Nôpar de Caumô, Marquis des Marquisats de la Force & de la Frete, Baro de Castelnau & autres places.* Ces titres au reste marquent nô tât le Seigneur, qui se les donne, que les bien-faits du Roy Héry 4. ou de ses predecesseurs, à raison desquels titres le Seigneur de la Force estoit obligé côme vassal lige & hōmagier de le defédreluy & les siés enuers tous & cōtre tous. Cōbien plus honorable luy estoit-il de s'aquiter de sa foy, & acquérir de l'honneur deuant Dieu & les hommes en la Cour & seruice des Roys ses maistres? *Gouverneur & Lieutenant pour le Roy en ses Royanne & Souueraineté de Bearn, chef & General en la Prouince de la basse Guienne sous l'autorité de sa M. & de l'assemblée generale de France.* Ces dignitez ons esté vrayes, tant que le sieur de la Force les a tenuës sous l'autorité du Roy: maintenans sont titres mēsongers & mocqueurs, estant notoire, que faisant la guerre à son Roy, il est decheu de tous ses honneurs, & rendu rebelle au Roy, pour lequel il se dit estre Lieutenent, *sous l'autorité de l'Assemblée generale des Eglises de France, se tenant à la Rochelle.*

Ceste clause aggrauē son crime: la Rochelle est declarée rebelle & criminelle de leze M. & quand elle seroit innocente, & au plein de sa grande puissance, elle n'a pas le pouuoir

qu'elle s'aroge; non plus que ces Eglises monopo-
les de rebellion: & le Sieur de la Force
fait tort à sa reputation, laquelle ne se peut
prendre que du Roy. Il sçait qu'establi des
Gouuerneurs, faire leuée d'armes & de de-
niers, sont droits de Majesté & nō de l'Assē-
blée de la Rochelle, & n'a non plus esté bien
conseillé de porter ceste commission, & sa-
luer le peuple Catholique de Libourne de la
part d'une populace rebelle d'un salut impor-
tun, pour en tirer 3. cens mille liures. *Avec un
indicable regret*, si M. de la Force dit ces paro-
les, il parle raisonnablement: car il doit auoir
un indicible regret d'auoir quitté le seruice
d'un Roy de France, son Roy & son bien fa-
cteur, pour subir le ioug d'une faction inique
& rebelle; si c'est l'assemblée des Ministres
qui dit auoir ce regret *indicable*, elle l'auroit en
verité, si elle auoit quelque peu de bonne cō-
science. Car elle auoit scrupule de cōmettre
tel crime de leuer deniers pour les rebelles, sur
les Catholiques, afin d'en faire la guerre à la
religion Catholique, & au Roy. Mais parce
qu'ils sont sans conscience, malins & hypo-
crites, ils n'ont aucun regret de mal faire: &
leur protestation est un indicible mensonge:
car leur cōscience leur dit, qu'ils en voudroient
tirer non 3. cens mille l. mais trois cens mil-
lions.

Pour conseruer la liberté de leurs consciences, s'ils veulent dire (liberté de suyure la pernicieuse doctrine de Caluin, personne

1622.

Salut Hugues?
not.

Indicable re-
gret.

Mauuaise li-
berté de cons-
cience.

Villes d'ostage accordées pour six ans seulement

Les Ministres appellent ennemis de l'estat les Catholiques, le Roy & ses fideles seruiteurs.

ne la leur debatoit, puis qu'à escient ils se vouloient perdre; s'ils entendent par liberté de conscience, liberté de mal faire, de retenir le bien d'autrui, de se rebeller, de piller, & faire le reste qu'ils ont fait cōtre iustice & pieté, cela leur estoit defendu: & c'est ce que le Roy ne leur a voulu permettre. *Seureté des villes accordées*, non pas pour se reuolter; & accordées pour six ans seulement, qui sont expirez il y a plus de vingt ans. *Il est requis & necessaire de faire vne leuée de gens de guerre, establir des garnisons, & pour cet effect imposer deniers.* Et qui donne à la Rochelle autorité de ce faire ou le commander? les Ministres peuuent ils ignorer, que ces actes sont droits Royaux, & que quiconque les entreprend sās l'autorité du Prince souuerain, il encourt crime de leze M. Mais qui a si funestement peruertuy l'entendement de cette belle assemblée, de ne voir les impertinences de son escrit: ou si elle les voit, d'estre si hardie, que de les mettre en auant, pour pallier & auetoriser vne manifeste rebellion, non pas raisons de droit; mais par des crimes de leze M. comme par des moyens legitimes? *Pour les opposer à la violence des ennemis de l'Estat.* Qui sont ces ennemis de l'Estat? est-ce le Roy, & ses fideles seruiteurs? Ces gens ne se mocquent-il pas de dieu & du mode, & ne fōt ils pas ce que l'Escriture nous aduise estre propre des heretiques, qui se vantent de seruir Dieu, & s'en mocquent? ruynent ses loix, ses Autels & sa religion, & s'appellent Eglises reformées: qui

se disent servir le Roy, & renuerfent son Roy-
aume? maintenir son autorité, & luy font
la guerre?

*Au dernier temps se leuont, dit l'Apostre,
des contempteurs de domination, & blasphema-
teurs de Majesté, hypocrites & moqueurs.*

Ne sont-ce pas les heretiques? Car scauroit
on plus iniurieusement se moquer de Dieu,
que de blasphemer sō nō par fausse doctrine
& œuures impies, & avec cela se dire seuls
fidelles promoteurs de sa gloire? De se vâter
de tenir & suiure la pure parole & loy de Dieu
& corrompre la parole, sa loy & ses escritures,
ce que les heretiques ont tousiours fait? Et
peut-on se moquer plus derisoirement de sō
Roy, que de luy estre ennemy, rebelle, & ré-
uerfent son Estat, & neantmoins professer de
chercher le bien de son Estat contre les enne-
mis de l'Estat? Ainsi les Iuifs infidelles flagel-
lans & crachâs sur Iesus-Christ, luy faisoient
la reuerce, l'appelloient, & le saluoyēt, Roy,
Ainsi ces rebelles font seruice à Iesus-Christ
par blasphemes, & au Roy par crimes de re-
bellion: & sont non seulement criminels à
outrance: mais encor impudens moqueurs:
& au feu de leur rebellion n'ont pas honte de
se dire vrais seruiteurs du Roy.

19. *Donné à sainte Foy.* Cette ville, laissa
la foy de ses ancestres, dont elle ne porte que
le nom, dès les premiers troubles quand elle
fut occupée du tout par les heretiques l'an
1562. & 1563. où les Ministres multiplians
leur yuroye à leur aise au sōmeil des pasteurs

1622.

Les Hereti-
ques contē-
pteurs de do-
mination, blas-
phemateurs de
Majesté. Iude
8. moqueurs
ibi. 18. 2. Pe.
3 1 Tim. 4.
2. Timot. 2. 2.

1622.

Le pere Ve-
on enuoyé
par le Roy
dans S. Foy.

Al le Docteur
d'Arche pris
prisonnier
par ceux de
S. Foy.

& des chiens, y ont estouffé tout le bon grain de la vraye religion, & n'y ont laissé que le nô feint de la foy, comme presque en toutes les autres villes où ils commandent, si bien que la Messe ne s'y disoit point depuis quelques années. Il faut se souuenir que le sieur Pardail- lan qui en estoit Gouverneur & de Môt-heur auoit promis au Roy de la rendre à son obeis- sance, qui fut cause que la Ma. ne l'attaqua point, cōme les autres villes de Gascongne en son voyage, & qu'elle permit aux Ministres y faire leurs assëblées, & y auoit enuoyé quel- ques Docteurs Theologiens, entre au- tres le Sieur Verō pour y ayder ceux qui vou- droiēt estre aydez : mais les Ministres & ha- bitans pensoient à autre chose qu'à se corri- ger & se rendre dignes du benefice de la cle- mence royale, & vouloient estre republiquai- res, & cōmander à leur tour, parquoy ayant fait sous main plusieurs assëblées & mena- ces contre les Catholiques, aussi tost que le siege de Montaubā fut leué, & qu'ils espere- rēt de pouoir seurement reprēdre la calaque de rebellion, & battre la cāpagne, eux & ceux de Môt-heur cōmencerent à faire tous actes d'hostilité aux enuiron de leur ville de Bour- deaux; les Ministres tenoiēt cōseil dedans, & bonne mine dehors, laissāns au reste tout faire. Ils rançonnerent plusieurs personnes, entre autres le sieur d'Arche Docteur regent és droitz, renommé en ces pays, aagé de plus de 65. ans, prins sans defense en sa maison champestre, & racheté avec cinq mil escus: laissant à dire les insolences & indignitez

qu'ils luy firent endurer, & à plusieurs autres à moindre prix, & aussi à grande malice. Ils assassinerent de plus, comme j'ay dit ledit sieur Pardaillan reuenant de la Cour à S. Foy, pour traicter de leur paix. C'est la foy de ceux qui s'appellent fidelles reformez, s'ils croyēt que Dieu est iuste vengeur, ils doiuent craindre vn seuer chastiment de leur rebellion & de leurs infidelitez; & encore qu'ils ne le croient pas, il est assez puissant pour le leur faire toucher par rude experience, qu'ils ont adiousté sur leurs forfaits passez cettē dernière faute de n'auoir accepté le biēfait de la clemēce du Roy, choisissans la voye qui leur fera payer les arrerages & le principal de leur malices anciennes & recentes.

Voilà la vraye cause pourquoy les rebelles ont mis les orties de reuolte dans l'esprit de leurs disciples & aux flancs des mutins, & n'est faut chercher d'autre, quelque pretexte qu'ils alleguent de leur religion.

Or le Seigneur de la Force, ayant acquis grād credit parmy les rebelles de l'assēblée generale, & sur l'esperance qu'il donnoit de son courage & de son experience au fait des armes, n'eust pas beaucoup de peine à faire boursailer les freres de Guyenne & Bearn, sur l'assurance qu'il donnoit aux premiers de reprendre les places que le Roy auoit prises l'an passé en son voyage de Guyenne, & le projet qu'il se figuroit, apres ceste conqueste d'entrer dās le Bearn les armes à la main pour y reſtablir l'autorité de ceux qui en auoient

Armement &
resolution du
sieur de la
Force en la
basse Guyenne

esté depossédez par la Ma. en l'année 1620. si tost qu'il a l'argent des Eglises en main, il fait vne leuée de plus de deux mil hommes tant de pied, que de cheual, outre plus de deux mille qui sont dans Sainte Foy & autres places rebelles; il taille la Noblesse qui la pluspart auoit ja protesté l'an dernier de son obeissance au seruice du Roy, fait vn gros de plus de mil à 12. cens cheuaux, & employe les Capitaines tirez de Montauban à la garde des places nouuellement reprises & surprises sur les garnisons Catholiques, & du reste des forces tient la cāpagne, où il fait tel degast & rauage que les plus cōiurez ennemis du Royaume ne pourroient faire pis, ny luy ny aucun autre excogiter dauantage de barbarie & cruauté en vn païs de conqveste: il est assisté en ses entreprises de ses trois fils, le Marquis de la Force, le sieur de Mōtpouïllan, retourné pour lors de la Rochelle, du sieur de Castelnau, son cadet, du Vicomte de Castets, Marquis de Boursoles, Baron de Lusignan, des sieurs de Theobō, Marquis de Mirabeau, de la Motte Gachō, de S. Orse, de la Serue, de Grād-maison, de Gratteloup, Sauignac d'Ei- nesse & autres Capitaines, doublemēt rebelles & qui l'an passé auoient la pluspart protesté de ne prendre les armes contre le seruice de sa M. & avec cette assistance toute la basse Guyenne ressent les effets de la desloyale liberté qu'il dōne aux siens de voler, piller, brusler, & faire des degasts & des actes du tout barbares & indignes du nom de subiects, au commencement de cette année.

D'autre costé le Duc de Rohan s'engage bien auant avec les rebelles du Languedoc, qui apres auoir desauthorisé Monsieur de Chastillon par acte solennel donné en plaine assemblee du Cercle de la Prouince, tenu tant en la ville d'Anbusé aux Seuennes, que dans celles de Nismes, ainsi qu'il se void cy-deuant, ils recogneurent ledit sieur Duc pour Chef dudit Cercle & des Eglises pretenduës reformées de ladite Prouince: il s'approche avec ce qu'il auoit de troupes dans l'Albigois, & s'aduance du costé de Seuennes, où quantité de gens de guerre se ioingnent encore à luy: & les rebelles renforcez de courage & d'audace par la presence dudit Duc, estably Chef general & protecteur de leurs Eglises, se resoudent à persecuter les Ecclesiastiques & les Catholiques avec toute espee d'inhumanité.

Duc de Rohā
recogneu
Chef des E-
glises du
Languedoc.

Dans Nismes on acheue d'abattre les gros murs des Eglises à coups de canon: qui auoient ja resté ruinées, il y a ia nombre d'annees, & s'employent les pierres & les demolitions à la fortification nouuelle de leur ville, ils en chassent & bannissent les Prestres & gens d'Eglise, contraignent les Catholiques aux contributions, au logement & entretien des soldats estrangers qu'ils y ont appelez en garnison, sans qu'il leur reste aucun moyen de se defendre contre vn traictement si barbare & cruel.

Persecution
des Catholi-
ques, des Ec-
clesiastiques
avec la ruine
des Eglises à
Nismes.

Dans Vfez ils ont fait mesme violence aux Catholiques, & y ont de mesme rage &

Dans Vfez.

1622.

Bourgs & villages ruinez en Languedoc.

furie sur les Temples sacrez, qu'ils ont aussi ruinez, interdit la Messe & le seruice diuin aux Catholiques.

Par tout le pays du bas Languedoc, il ny a bourgs ny villages qui ne portent les marques de la tyrannie endiablee desdits rebelles, on compte cent quatre gros bourgs & bourgades dans lesquels ils n'ont l'aissé aucune Eglise, ny Temple, oratoire ny Chappelle, qu'ils n'ayent ruiné & reduit en cédre: Ils ont forcé les Monasteres & Conuents des Religieux & religieuses, attenté à la pudicité & virginité de ces ames dediees & consacrées à Dieu, avec d'autres impietez & sacrileges qui ont passé au delà de tout ce qui se peut imaginer d'inhumain & barbare.

Mauuaise volonté des habitants d'Aiguemorte.

Dans Aiguemorte, ils ont failly vne infinité de fois d'y massacrer la garnison que Monsieur de Chastilló y entretenoit pour y maintenir le seruice du Roy: ce que voyant ledit sieur a esté contraint de la renforcer de quelques compagnies de gens de guerre qui luy ont esté enuoyez de Prouence, tant ils sont transportez de depit & de hayne de ce que ce grand Capitaine a quitté leur party pour se reduire au seruice de sa Majesté.

Persecution des Catholiques dans Castres & Lunel.

Dans Lunel & dans Castres ils n'ont pas mieux traité lesdits Ecclesiastiques & Catholiques, puis qu'on leur a en ces lieux interdit l'exercice de la vraye religion, & contraint la pluspart d'abandonner leurs maisons.

Il reste donc à parler briuevement de ce qui a esté fait parmy eux dans la ville & Dio-

cese de Montpellier, contre les Ecclesiastiques, contre leurs biens, leur liberté, leurs vies, leurs Autels & Religion, & de commencer par des actions de graces à Dieu, de ce que le Roy a permis que l'on luy en fai& les mesmes plaintes, que nous verrons icy: car encore que cette liberté soit naturellement acquise aux affligez, & que les plus cruels ennemis la laissēt à ceux qu'ils ont rendus miserables, neantmoins elle a esté refusee par les rebelles aux pauvres Ecclesiastiques & Catholiques, avec vne extreme rigueur, voire mesme la plainte d'estre perdus entre leurs mains, estoit vn crime nouveau, capable de les perdre. Mais qui a il de plus iniuste au monde & de plus outrageux à la nature que cela? ou quelle est cette haine qu'on leur porte qui s'allume de leurs souspirs, & s'entretient de leurs larmes? Certes tout ainsi que l'eclipse du Soleil n'arriue point que ce monde inferieur ne se ressent de dangereusement de la perte qu'il a fai& pour vn tēps, de la lumiere de ce bel astre, les corps elementaires en sont alterez, & plusieurs de faillances, & langueurs arriuent generallement à la nature; de mesme la desobeissance, & rebellion des subiets contre leur Prince souverain, qui est cōme vne eclipse du Soleil de la royauté, n'arriue point aux Estats, qu'ils n'en ressentent de perilleux effects de cest accidet: & c'est aujour-d'huy cette eclipse funeste qui est la cause de to^s les maux qui no^s sōt arriuez.

Premierement les rebelles fermerent la bouche, & lierent les mains aux Magistrats, afin

1622.

Catholiques
emprisonnez
à Môtpellier.

Leur bien
butiné.

On les oblige
aux fortifica-
tions.

que la reuerence des loix estant violee, & la Iustice renduë captiue par l'insolence des factieux, l'audace en vint au peuple, pour le faire forcener sans crainte, & seruir d'instrument enragé à leurs mauvais desseins. Apres cela on arresta les Catholiques prisonniers dedans les villes; & sur tout dedans Montpellier, & pour leur faire cognoistre à quelle condition ils estoient reduicts, en commença d'imposer sur leurs testes plusieurs sommes de deniers, dont le peuple estoit exacteur, les Catholiques furent soudain remplis de frayeur par les alarmes qu'on leur donnoit à tout moment d'une generale proscription de leurs biens. Les sediteux faisoient ouuertemēt le partage de leurs maisons pour les butiner. Il n'y auoit famille qui n'attendit d'heure à autre d'estre saccagee, & plusieurs ont esté abandonnees au rauage de ces brigands. Cependant on exerceoit leur patience en plusieurs façons. Dehors la ville on pilloit les metairies, on ruinoit les maisons, on rasoit les Chasteaux, on demanteloit les places fermées de murailles, attendāt apres ces actes d'hostilité, de mettre le feu par tout pour l'embraser, comme ils ont fait, & pour faire paroistre à la lueur de ces flammes, leur rage, & leur desespoir. Le mesme esprit agissoit dedans la ville contre eux, on les obligeoit aux fortifications des rampars, au logement des estrangers, aux contributions ordinaires, & extraordinaires, pour l'appareil de la guerre, pour la fonte des canons, pour la lueur des soldats, pour les frais des assemblees,

& pour donner pointe à la douleur, on leur renouuelloit tous les iours les menaces d'un massacre general, ce n'est pas auoir vesçu, d'a-
uoir languy de la sorte l'espace de tant de cre.
temps, sous la domination de ce peuple, duquel on attend tousiours toutes choses extremes, dont il est capable, puis qu'on ne peut iamais mesurer l'estenduë du desbordement de son esprit.

1622.

On les mena-
ced d'un massa-

Nous scauons bien que cecy est vn effect ordinaire del'heresie, commel'auons appris de l'histoire des troubles passez, aussi nous ne l'aduançons point pour chose nouuelle; mais pour faire remarquer deux choses en passant. La premiere, que les heresies, qui ont de téps entemps affligé l'Eglise, estant toutes differentes les vnes des autres, & diuisees en elles mesmes, pour estre naturellement ennemies de l'vnité, & par consequent de la paix; se treuuent neantmoins vniformes, tousiours semblables à elles mesmes, & tousiours poussees d'un mesme esprit, quand il est question de rauager, & destruire & apporter vne generale desolation aux Estats qui les ont receuës. La seconde, combien celle cy est inexorable, & cruelle, puisque rien au monde ne la peut fleschir, ny l'oubly de ses crimes passez, ny la tolerance des loix, ny l'indulgence des Roys, ny la distribution des charges, & honneurs dedans le Rnyaume, ny la reputation de la Couronne, ny les alliances contractees, rien dis-ie de tout cela ne luy a peu gaigner le cœur, afin quel à dessus on se souuienne d'une sentence

1622.

doree d'un S. Pere de l'Eglise. *Que la malice peut estre confondue, mais non conuertie, & que desormais on ne doit rien craindre de ce costé, puis qu'on n'en peut rien esperer.*

Si les morts pouuoient rendre tesmoignage, ils confirmeroyent ceste verité. Car la fureur des rebelles, est allée sous terre pour les chercher, combattre leurs ombres, & porter la guerre en cette region des tenebres, & toutesfois les nations plus barbares ont porté quelque reuerence aux sepulchres, & quelques vns d'entr'elles ont voulu qu'ils fussent choisis entre des Oliuiers, pour marque & symbole de la paix, qui estoit acquise aux morts, voire mesme à l'endroit de leurs ennemis, la haine desquels alors estoit morte, ou s'arrestoit au Marbre du Tombeau: mais celle que l'heresie nous porte est mortelle, & immortelle, elle s'estend aux viuans & aux morts, les cendres desquels elle a violé d'une main prophane & cruelle, afin que ce Dragon & cette maudite beste de l'Apocalypse puisse porter à bon droit sur sa teste les diademes de tous les crimes qu'on peut commettre, & que l'Enfer peut conseiller à des ames damnees. Car il est vray, que la manie de ce peuple a deterré les morts, les vns par l'infame auarice de profiter des suaires dont ils estoient enuoloppez, & des caisses où ils estoient enfermez: les autres en haine de ce qu'auant le trespas ils auoient abiuré l'heresie, contre les os desquels traînez par les ruës, ils ont forcené en plu-

Morts deterréz & traînez à Montpellier.

seurs façons, apportant aux gens de bien qui ont veu ces tragedies, la honte d'estre naiz parmy ces barbares, & le desir de viure plustost dedans les forests profondes, en la compagnie des bestes farouches, que parmy eux. Mais la cruauté seule n'auroit pas contenté l'heresie, si elle n'y eust adiousté l'impieté & le sacrilege pour l'enrichir, comme elle a faict à l'endroit du corps d'une Religieuse, lequel fut deterré avec les habits de son Ordre, dont il estoit encore reuestu, & porté de la sorte sur vn bastion, afin que ce que la terre & la corruption auoit espargné, fust proposé en spectacle de moquerie, & depuis percé & deschiré à la veüe de plusieurs habitans.

Nous lisons sur le visage du public, que le discours de ces choses luy fait horreur: nous luy en ferons vn autre qui luy fera pitié. L'ordre des Ecclesiastiques est le premier de ce Royaume, cōme ce Royaume est le premier de la Chrestienté. Aussi par vn cōsentemēt vniuersel de toutes les nations qui ont recogneu quelque deité, on a porté vn honneur particulier aux Prestres employez au seruice & aux mysteres de la Religion. En la Loy de nature le Sacerdoce estoit vny au droict d'ainesse, & presque tousiours à la Royauté. Depuis sous la Loy escrite il fut attaché à vne Tribu avec de singulieres prerogatiues d'autorité, & de pouoir; de sorte qu'en ce temps-là les Roys furent donnez au peuple d'Israël pour la protectiō des Prestres, comme saint

Corps d'une
Religieuse
deterre &
deschiré.

1622.

Ecclesiasti-
ques emprison-
nez à M^ot
pellier.

Cyprian le dict *Epist.* 65. qui remarque que Dieu crea Saül premier Roy, pour chastier les Iuifs du peu de respect qu'ils auoient porté au Prestre Samuel, contre lequel ils auoient murmuré. En fin le Fils de Dieu a consacré cét Ordre en son Euangile, & l'a ennobly de tels priuileges que les Anges se trouuent quelques fois inferieurs à la dignité des Prestres. Mais tous ces aduantages que les Ecclesiastiques possèdent à cause de leur grade & de leurs Offices, ont aigry l'heresie contr'eux, laquelle se plaist de renuerfer les ordres establis, & des'attacher à tout ce qui est eminent dedans vn Estat, pour l'appplanir au niueau d'vne confusion populaire. Et de fait ce sont leurs personnes qui ont esté designées & destinées les premières à la fureur du peuple. Ce sont les Prestres qu'on a retenus prisonniers dedans la ville, cependant qu'on a saisi tout le reuenü de leurs benefices, pillé, bruslé, & razé toutes les maisons qu'ils auoient aux champs: c'est là où elle a aiguisé sa rage, contenté son auarice, satisfait à sa haine, triomphant de nostre perte, & de nostre confusion.

Toutesfois, ie me desdits, l'heresie s'est repentie de cét emprisonnement, elle a gardé seulement quelques Chanoines dedans la ville pour entretenir son humeur, & a donné la liberté aux autres Prestres, & à tous les Religieux de diuers Ordres, ausquels elle a fait ouurir les portes, & a mis dehors, ô maudite courtoisie? ô de plorable liberté, que tu merites le nom de funeste bannissement? C'est icy
où la

où la douleur presse le cœur, quand on repense au iour mal-heureux auquel on fist cesser le seruice Diuin dedans Montpellier, & en tous les lieux du Diocèse, où les heretiques auoient le pouuoir. Les Eglises furent sans Prestres, les Autels sans sacrifice, les Chaires muettes, les peuples sans consolation. Ceste solitude des lieux sacrez, ceste interdiction des prieres publiques a esté mille fois plus fascheuse aux Catholiques que la mort : car les Catholiques abandonnez de toutes choses, se trouuoient encore assez forts, quand ils pouuoient verser quelques larmes au pied des Autels. Ils entroient espleurez dedans les Eglises, ils en sortoient contens, par ce que la consolation qu'ils receuoient en ces lieux où les rayons de la misericorde de Dieu s'assembloit & s'vnissent, leur desfroboit le sentiment de leurs calamitez. Mais les ennemis leur ont enuié ce remede precieux, & pires que les tyrans qui les ont deuancez, ont frappé l'Eglise de cette horrible playe, qui est reseruee au regne, & à la finale persecution de l'Antechrist.

Helas que l'impieté est seconde en malheurs, qu'elle est ingenieuse à nos douleurs: Les rebelles ont pésé que les lieux d'Oraison, & les maisons sacrees aux Mysteres Diuins, conseruoient aux Catholiques la memoire & le desir du seruice Religieux qu'ils doiuent à Dieu, & que ces marques augustes de la pieté ancienne demurant debout deuant leurs yeux, leur reprocheroient eternellement

1622.

Crucifix traif-
né par les ruës
avec vn licol.

leurs sacrileges. C'est pourquoy pour leur re-
trancher toute esperance, leur fureur s'est
portée à les saccager & demolir, à renuerser
les Chaires, abattre les Images, traifner vn
Crucifix par les ruës avec vn licol, briser les
Autels, violer les saintes Reliques, & de ra-
ser tout à fait les Eglises, dedans lesquelles le
nom de Dieu estoit adoré. Mais en ces actiōs
d'Enfer, ô Dieu que de crimes, & de sacrile-
ges entassez contre les choses Saintes, con-
tre les Sacremens, & le Soleil des Sacremens:
Tout ce que la pieté rend venerable, tout
ce que la Religion rend sacré, tout ce que
la foy rend adorable, a esté foulé sous les
pieds. O douleur! ô vengeance que tu tar-
des, & que le Ciel & la terre demandent
au Roy: mais encore, quelles seront les pen-
sées, quelle sera nostre honte, quelle la con-
fusion de la Cour, quand dedans Montpel-
lier, où la Iustice de cette cause appelle sa
Majesté, ne trouuera pas vne seule Eglise,
vn seul oratoire, vn seul Autel, deuant le-
quelle elle puisse fieschir les genoux pour
rendre graces à Dieu de ses victoires? Qui
croira que le bas Languedoc soit vne Pro-
vince de France; qui ne croira plustost que
c'est vne contree de Payens, ennemis du nom
Chrestien? Mais avec tout cela, l'heresie
n'est pas satisfaite: Elle s'est donc aduisee
d'une detestable inuention pour acheuer son
œuvre & couronner sa malice. Elle n'ignore
point que la cause des Roys est inseparable de
celle de Dieu; elle a pensé toutesfois subtille-

ment la diuifer; car demoliffant les Eglifes, & faifant porter les pierres & materiaux pour baftir les bafions & rempars, & les oppofer à fa Majesté, qu'a-elle voulu faire autre chose que d'oppofer les Eglifes à ses armes, & par ce moyè rédre les choses saintes cōplices de sa rebellion? Bref pour passer les diables en meschanceté, apres auoir interdit, & fait cesser le seruice Diuin, apres auoir demoly les Eglifes, apres auoir chassé & persecuté les Prestres à la mort & aboly les marques & memoriaux de toute pieté, les ennemis ont contrainct les peuples Catholiques d'abiurer leur creance, & nous scauons & gemiffons que plusieurs milliers d'ames ont ployé sous la violence de cette persecution. Voyla l'esprit de l'heresie qui a esté si longuement toleree en cet Estat. Voyla celle qui soufpiroit si tendrement la liberté de conscience, combien est elle deuenue fiere, outrageuse & cruelle, & que feroit du reste du Royaume si elle y eust peu affermir son Empire, ou exercer sa tyrannie.

Or maintenāt Dieu parle en sa cause, on luy a rauy son honneur, on a violé son Espouse, on a rauagé, & renuerfé ses maisons, apres auoir refusé le seruice, les prieres publiques & le sacrifice à sa Diuine Majesté. Il oblige sa Majesté par le Sceptre qu'il a mis en ses mains, lequel puisse tousiours fleurir à la veuë des rebelles, par le throsne de tant de Roys, sur lequel elle est assise, par le nom sacré de saint Louys, par les larmes de son Eglise, par les graces miraculeuses qu'il luy a departies,

Ils ont contrainct les Catholiques d'abiurer leur creance.

1622.

par la benedictiõ de ses armes, avec lesquelles il se rend triomphant, & redoutable, qu'il defende sa cause, & vengeles iniures qu'on a faites à son honneur en cette miserable ville de Montpellier.

Duc de Rohan receu comme Roy à Montpellier.

Après tous ces sacrileges & tous ces actes d'impieté, le Duc de Rohan est resoud de s'acheminer en icelle, ils y recoiuent deux mille Seuenois, & enuoyent au deuant de sa personne iusques à Nismes, on luy prepare vne entree solemnelle, il y est receu comme vn Roy, on crie, *Vive Rohan*, au mespris du respect qui est deu à sa Majesté & au scandale indicible de tous les gens debien, qui souspiroient doucement & en secret leur miserable infortune, mais regrettoient entre mille miseres l'autorité du Roy mesprisée en l'une des premieres villes Royales de la Prouince.

Sa Majesté iustement irritée de tous ces sacrileges & mauuais traitemens faicts contre ses subiets par les rebelles du Languedoc, proteste d'en prendre vne seuerre vengeance.

Assassinat du sieur de Cros dans Montpellier.

Qui est cause que le Duc de l'Escliguières estant de retour à Grenoble depuis le siege de Montauban, apprehendant le iuste chastimét de sa Majesté sur lesdits rebelles de Montpellier, coupables de tant de crimes, leur enuoya le sieur de Cros President au Parlement de Grenoble, personnage de la Religion pretenduë, mais capable d'arraisonner ce peuple farouche & furibond, par des raisons tirées du fond de sa prudence, ledit sieur s'y ache-

mine sur la parole dudit Seigneur Duc, assisté d'un des siens, & croit que cette negotiation pourra arrester les ardeurs d'une si furieuse reuolte & appaiser les humeurs differentes de ce peuple, contre lequel toute la France alloit unanimement conspirant la ruine & le supplice qu'il auoit merité. mais au lieu de recevoir ledit sieur du Cros & les siens au moins pour le respect du Seigneur duquel il portoit les lettres & le pouuoir, luy qui iamais n'auoit butté qu'à leur bien & repos & auoit trauaillé le plus soigneusement pour l'es reduire dās les limites du deuoir: il n'est si tost arriué à Montpellier qu'il y est cruellemēt massacré avec l'un des siés, à coups de dagues & d'espees, par vne multitude de mutins, qui ne luy donnerent le temps, ny de leur declarer le subiet de sō ambassade, exhiber les pouuoirs qu'il auoit de Monsieur l'Esdignieres, l'entendre en ses raisons, ny se donner loisir de recevoir de luy les remedes suffisans pour mesnager leur salut, recognoistre leurs fautes, & appaiser pour eux la colere du Roy: les plus iudicieux de la Religion mesme estonnez d'une action si brutale, en blasmoient les auteurs, mais parmy la furie populaire les plus autorisez coururent risque de la vie, & les menaces cruelles qu'on leur faict les faict rentrer promptement chacun en sa maison, apprehendans la vengeance du Ciel sur vne si miserable commune.

L'action de-
plaist aux plus
sages & au
Duc de Ro-
han.

Le Seigneur Duc de Rohan, qui y estoit entré si ioyeux, eust vn grand deplaisir

1622.

d'une telle action faicte durant son seiour en la place, qu'il fut contraint de se mettre au liect malade du deplaisir extreme en ceste felonnie exercee en la personne d'un deputé de si haute qualité, & enuoyé de la part d'un Seigneur auquel ils auoient de tres-grandes & memorables obligations.

Cette fureur enragee quelque peu attiedie, les esprits se reprennent, & les plus scele-rats rebelles ruminent doucement les fautes qu'ils ont faictes: ils recognoissent combien ceste action posterieure à tant d'autres, estoit à contrecœur au Seigneur Duc de Rohan, ils se representent la colere qui aninera d'autant plus le courage du Duc l'Esdiguieres à exciter le Roy à vne iuste vëgeance, que iusques à lors il auoit tesmoigné d'ardeur à poursuire le repos & le salut de toute la Prouince: les moins en colere si rudement susceptibles de raison & du Conseil des plus sages, qui pour appaiser le Duc de Rohan, qui demâdoit Iustice d'un tel acte, & tesmoigner quelque forme de satisfaction au Roy & audit Seigneur l'Esdiguieres, se saisirent de quelques vns de ceux qui auoient massacré ledit sieur de Cros, qui furent à l'instant executez à mort à la veuë du public.

Sa Majesté sur l'aduis qu'elle eust de ces assassinats commis contre le droit des gens & des nations, mesme plus barbares, à l'endroit des personnes deputez: non satisfait de ceux qui auoient espie leurs crimes sur les rouës & gibets, resout luy mesme d'en faire Iustice, & se ressentir de telles cruantez, exercees ainsi

Le Roy pro-
teste vanger
& chassier des
actions si bar-
bares.

en diuers lieux & pays de son Royaume par
lesdits rebelles.

1622.

Surquoy le Duc l'Esdiguieres, qui sçait
l'inconuenient qui resulte du courroux d'un
grand Roy, duquel on meſcognoist les graces
& la clemence, escrit en diuers lieux aux
rebelles du Languedoc, Montauban, Guyen-
ne & la Rochelle, les conjurant sur l'amour
& le zeſe qu'il a à leur ſalut, d'expier leurs
crimes & leur rebellions par vne prompte
reſolution à l'obeiſſance, & leur parle en ces
termes.

Meſſieurs, mon nom vous ſera peut eſtre
ſuſpect pour n'auoir voulu tremper dans les
meſmes reuoltes où voſtre rebellion vous à
ſubmergez depuis 18. mois, toutesſois l'affe-
ction que ie vous ay touſiours teſmoignée &
le ſoing que i'ay eu de vous depuis 50. ans (le
ſeruice du Roy ſauue) dōnera peut eſtre quel-
que force à mes remonſtrances qui ne but-
tent qu'à voſtre bié, & au ſouſtié de vos affai-
res. Vous ſçauiez cōbien ie me ſuis ſety offeſé
de l'aſſaſinat de M. du Cros qui a eſté traitre-
ment traicté à Montpellier : vous ne pouuez
ignorer combien cette mort m'a apporté de
triſteſſe, voyant que cette homme que i'hon-
norois fort, & que ie tenois en grande eſtime
parmy nous, auoit eſté ainſi cruellement oc-
cis : cela touteſois ne me peut enflammer tel-
lement au courroux, que l'affection que ie
vous porte n'ait laiſſé quelque tendreſſe en
mon cœur pour vous donner les aduis qu'un
amy peut donner à celuy qu'il chertit : Ce

Lettre du
Duc l'Eſdi-
guieres eſcri-
te aux rebel-
les ſur leurs
inſolences &
inhumanitez
exercees con-
tre les ſerui-
teurs du Roy.

Sur l'aſſaſinat
que deſſus.

1622.

n'est pas d'aujourd'huy que ie vous ay faict preue de l'amitié que ie vous ay consacré, le regne heureux d'Henry le grand en porte des marques plus qu'admirables sur le front. Je vous fis les mesmes remonstrances l'an passé croyant pouoir brider ce cheual de rebellion qui s'estoit eschappé parmy vous, mais comme il escumoit desia de rage, & qu'il auoit franchy cette malheureuse resolution d'entrer en cette carriere de reuolte, pour courre la bague de mutinerie aussi ne le peus- ie iamais retenir, tant la gangrene s'estoit desia insinué dans ce corps cacochime, vous auez veu avec combien de regrets & de compassion j'ay peu voir vos villes renuersees par cette seule faute, & combien il eut esté plus expedient d'ouurer les portes à ce grand Roy, dont la iustice anime le courage, que d'attendre la fureur de son courroux, qui ne s'esclattera en fin qu'à la ruine de ceux qui partialisent avec vous: ie me suis employé cent fois pour vous pratiquer vne paix, mais le iuste armement du Roy, l'autorité qu'il a sur ces villes, la puissance de son bras foudroyant, qui moissonne desia des triomphes, qui ne trouueront iamais des lauriers assez verts par les Couronnes, bref ces iustes demandes m'ont autant de fois fermé la bouche que j'auois la langue sur les leures pour en parler: chacun scait que le Roy ne veut aucunement troubler le repos de nos Eglises, ny mettre en

debat nos consciences, mais sa iustice veut estre satisfaiete d'une infinité d'opprobres & mutineries qui se sont souleuées parmyvous, car ainsi qu'il est le plus iuste Roy de l'univers, aussi veut il que l'équité soit également requerrée en son Royaume: le nom glorieux luy empesche de composer ny de pactonner aucunement avec ceux qui luy sont subalternes & dependans, & certes il ny a nation si barbare par tout l'univers qui approuve les armes que vous leuez contre vostre Prince tres iuste.

Pour moy si ma memoire a encore quelque vigueur parmy vous, & si les bien-faits que ie vous ay tesmoignez ne sont encor du tout esteints & enseuelis de l'oubliace, ie vous coniure de rechef & vous prie de vous departir de vos partialitez, & de suiure le conseil d'un qui vous est & a tousiours esté tres-affectionné. Un sujet ne se peut iamais assez humilier devant son Prince, Les droits diuins & humains requierent & demãdent cela de vous: vostre nature propre vous y doit inuiter, mieux vaut tard que iamais, le Roy est si debonnaire que la moindre submission que vous luy ferez, il vous remettra vos fautes, c'est un lion en courage qui voyant son ennemy à ses pieds se mettre à son deuoir, il ne luy touche point, mais si on s'obstine contre luy, il sçait bien rompre & renuerfer toutes les embusches & machines qu'on luy dresse, & les faire tourner au desauantage de ses ennemis, vous vous deuez conseiller, &

1622.

Iuste & sincere intention
du Roy.

Les coniure
au deuoir de
l'obeissance.

1622.

Q Curse en
la vie de ce
Prince.

n'attendre pas qu'il soit deuât vos villes pour luy offrir l'entrée. La gloire & l'honneur que vous remporterez sur vous mesmes en luy pliant le genouil sera d'autant plus grande qu'elle sera hastée. Le renom que peut acquérir vn sujet quand il se mutine contre son Prince est plus grand en s'humiliant genereusement & domptant son orgueil propre, que de contester & s'opposer droitement à son Roy. Porus Roy des Indes eut plus d'honneur d'auoir porté les clefs de sa ville au grâd Alexandre, que s'il se fust en vains bastionné contre luy.

Sila clemence, la bonté, & la douceur du Roy n'est capable de vous ramener au vray chemin, & que cette pieté naturelle qu'elle a pour ses fiers sujets n'est suffisante d'atterrer vn courage à son seruice, que ses armes, au moins & les puissantes forces (qui semblent desia foudroyer sur vous,) vous puissent esmouuoir, que son autorité puissante, que ses troupes genereuses, que son Sceptre glorieux & florissant serue d'aimant pour attirer vos cœurs enferrez à son seruice.

Considerez ie vous supplie, & vous remettez en la memoire ce que ce Roy inuincible a pratiqué l'an passé contre vous: ressouue-
nez-vous des villes & des places qu'il vous a rauies de vos mains: representez à vostre esprit les forteresses qu'il vous a fait rendre, & apprehendez la fureur de ses armes. Iamais le tonnerre n'esclatte qu'il ne tombe sur les

montagnes, ou qu'il ne se darde contre le Ciel. Les nuës de discorde se creueront enfin à vostre dam, & ces broüillars de rebellion seront dissipéz par la chaleur d'un soleil, j'entens de Louys le Iuste qui a tousiours esté nostre protecteur és affaires où nous sômes humiliéz à ses pieds. Vous ne pouuez pas dire que vous ne soiez ses sujets: cela est clair, vous & moy & tous les François luy deuons le tribut del'obeïssance: c'est vn commandement de Dieu, & faut honnorer son Prince & ne luy point contester en ses volonte, que si iusques icy vous auez fait monstre de vostre rebellion, faictes paroistre desormais que vous estes vrais seruiteurs de sa Majesté, & effacez cettetache de vostre renommée par vne submission volontaire, vous gaignerez plus par douceur que par force.

Vous n'auiez aucune occasiõ de vous mescontenter, car depuis que le Roy est venu à la courõne, quels priuileges, quelles immunitéz ou droits nous ont esté desniez & abolis? au contraire ne les a on point veu augmentez & acrez de nouueaux Edits en nostre faueur. C'est à iniuste tiltre que vous auez entrepris ceste guerre, & n'y a personne tant soit peu zelé au seruice de sa M. qui ne desaduoué vostre rebelliõ, & ceux mesmes qui versent d'ordinaire avec vous, condamnent vos reuoltes comme crimes capitaux contre les loix diuines, naturelles & humaines.

Plusieurs seditieux qui n'ont autre enuie que de brouiller & remuer les cartes, se sont

*Deum time
regem honorifica
te dit l'Apo
stre.*

Autheurs des
rebellions.

meslez parmy vous, de qui l'absence vous deuroit estre aussi souhaitable, que leur presence vous semble promettre de faueurs, & taschent à vous animer contre le Roy afin de pescher en eau trouble avec plus de conduite, & ne se seruent que de vostre presence pour autoriser leurs desseins, vous les devez banir & exiler de vos villes, vous ne verrez la ruine que vous verrez si vous ne prenez autre aduis, il ne s'agit pas icy de peu de chose, l'autorité royale y est la plus interessée.

Pour mon regard ce que ie vous en remontre, ce n'est que d'une pure & sincere volonté que j'ay de vostre bien, ie serois marry si ceste rebelliõ estoit cause de vostre mal-heur, ie vous en aduertis selon le peu de iugement qui respire encor en mon ame.

Quand vne heureuse Paix nous feroit encor vn coup gouter les fruiçts de ses faueurs, & que vous vous presenteriez au Roy avec les clefs & de vos villes, & de vostre cœur, ce ne seroit pas le pis que vous pourriez faire, au contraire cela vous donneroit plus de repos & en vos affaires & en vostre conscience: puis que le Roy ne veut aucunement alterer ny rompre les Edits qu'il a fait en vostre faueur: vous y penserez, ie prie Dieu qu'il vous esclarcisse dauantage, & que vous puissiez terminer tout le differend par vne longue & heureuse Paix. Adieu.

Or pendant que tout cecy se passe en Languedoc en reuanche du iuste chastiment que le Roy auoit fait à Mont-heur, les rebelles

du Dauphiné qui s'estoiét aussi esleuez en armes en la Prouince, sous la conduicte de Mont-brun, du sieur de Blaçon, & autres Chefs, irritez de l'emprisonnement du Cōte de la Suse & de ses complices, dans la ville de Grenoble, se porterent à des actions du tout tyranniques contre les Catholiques du païs; ils se faisoient hostilement des villes & chasteaux de Molans, Raillanette, Puigeron, la Baulme, Cornillane, Chasteau-neuf, de Mazene, Poët-lauval, Roc de Crapies, le Pilon en Dyois & autres places, destruisent les Eglises du plat pays, dependent les cloches des Tours & Clochers, pour fondre des canons; se rendent maistres des villes de Poussin & de Bays sur Bay, où estant ledit sieur de Blaçon, ils y empeschent la liberté du commerce, le train du manigage, & tiennent les grands chemins suspects, detroussent & pillent les marchands, rançonnent & prennent prisonniers, leuent les deniers du Roy, imposent des contributions & gabelles sur le peuple, se fortifient en leurs places & commencent vn tel desordre dans la Prouince & dans le Viuairetz, qu'il s'en alloit rendre general, si le Duc del'Esdaiguières ne fust promptement retourné en la Prouince sur la fin de l'an dernier par commandemēt du Roy, s'asseurant assez que la presence de ce Chef, qui a tousiours maintenu cette Prouince en repos, au seruice de sa Majesté estant retourné sur les lieux, où il commande, pourroit aisement dissiper tout ce trouble, y restablir la

Actes d'hostilité en Dauphiné pour les rebelles.

1622.

paix, ramener les plus determinez au deuoir par son pouuoir. & contraindre les plus authorisez en ce party rebelle à quitter les armes, & se retirer dans leurs maisons.

Ledit Duc par commandement du Roy s'achemine donc en Dauphiné, où estant, commande au sieur de Mont-brun son gendre, de metre bas les armes, si micux il n'ayme s'y voir contraint par les armes du Roy, qu'il fera leuer contre luy: ce Seigneur opiniastre, trouuant l'obeissance de mauuaise digestion à son humeur, ne s'y resoult pas au premier mandement; mais comme il void que le Duc son beau-Pere, assemble des gens de guerre pour l'aller trouuer, & que sans esgard à l'alliance de luy qui est son gendre, il veut que le Roy soit obey, il le contraint de se retirer en ses maisons & licentier ses troupes.

Assemblée
des pretendus
du Dauphiné
à Dye.

Quant aux Eglises pretenduës reformées du Dauphiné, dont quelques vnes auoient autorisé ce trouble & cette Rebellion, elles s'assemblerent toutes en la ville de Dye, où d'un commun consentement elles desaduouerent la desobeissance des autres Eglises rebelles du Royaume, protesterent n'adherer aux conseils ny aux resolutions funestes de l'Assemblée de la Rochelle, ains se vou-lans maintenir en leur deuoir, enuoyerent audit sieur Duc de l'Esdiguieres leurs protestations d'obeissance & de fidelité au seruice du roy, par gens par eux deputez à Grenoble. Ce que voyant ledit sieur Duc que tout le

general de la Prouince se soufmettoit à l'obeïſſance du Roy, & quittoit le party des rebelles, & que neantmoins il y auoit encore quelques particuliers qui ne vouloient quitter les places & les lieux deſquels ils s'eſtoient ſaiſis pendant ce dernier trouble, reſtituer les choſes priſes, ny mettre en liberté ſans rançon les perſonnes qu'ils detenoient priſonniers en des chasteaux & maiſons fortes, fit publier contr'eux la ſubſequentę ordonnance de paix par toute la Prouince du Dauphiné, avec inionctions auſdits particuliers de vuidę deſdits lieux occupez, relascher les priſonniers, ſans rançon, & reſtituer les choſes priſes qui eſtoient encore en nature, afin de reſtablir la paix en ladite Prouince : voicy la teneur de ladite ordonnance dudit ſieur Duc del'Eſdiguieres, publiée le 9. Ianuier de la preſente année.

Ayant ſoigneuſement tranaiillé, depuis noſtre retour en ceſte Prouince, à y reſtablir l'autorité du Roy, & faiſant ceſſer les deſordres arriuez en icelle par le ſouſleuement de pluſieurs gës de guerre que nous y auons trouuë ſur pied, pour redonner la paix à ſes ſuiets: Apres auoir ouy les deputez de ceux de la Religion, aſſemblez à Dye, ſur toutes leurs remonſtrâces; & receu les proteſtatiōs qu'ils nous ont faiſtes d'obeïſſance & fidelité au ſeruiſſe du Roy, ſâs adherer à aucuns deſſeins ou intelligence au preiudice de ſa M. & biē de ſon Eſtat, ſçachâs quel'intention de ſadite M. eſt de faire iouyr du benefice de ſes Edicts tous

Ordonnance
de paix pu-
bliée en Dau-
phiné par cō-
mandement
du Duc de
l'Eſdiguieres.

1622.

ceux qui se rendent dignes de sa grace. Nous auons ordonné & ordonnons à tous Chefs & Capitaines de gens de guerre, tant de pied que de cheual, Gouverneurs des places & chasteaux, & tous autres de ladite Religion qu'il appartiendra, chacun endroit soy, de congédier & licentier promptement, & (pour le plus tard) dans huit iours apres la datte des presentes, toutes les troupes qu'ils auroient cy-deuant mises sur pied; ausquelles nous enioignons de se retirer en leurs maisons, sans porter aucune surcharge au peuple, passé ledit delay, ny faire, dès à present, aucun acte d'hostilité, ou exactiõ d'aucune imposition tant en denrées que deniers ou metal, à peine de la vie: Auec commandement aux Capitaines, Receueurs & leurs commis, chacun en ce qui le concerne, d'y prendre garde, à peine d'en respondre en leur propre & priué nom. Ordonnons que tous ceux qui ont esté faits prisonniers par eux, sous quelque pretexte que ce soit, seront mis en liberté dans ledit delay, sans payer aucune rançon, ny qu'ils puissent estre retenus pour leur despense, laquelle sera par nous taxée apres leur eslargissement. Seront aussi les cloches des Eglises qui se trouueront en nature, rendües; & les lieux & chasteaux de Molans, Raillanette, Puigeron, la Baulme, Cornillane, seront rendus es mains & au pouuoir des propriétaires d'iceux, en l'estat qu'ils sont à present; à la charge toutesfois que les nouuelles fortifications qui pourroient auoir esté faites depuis

depuis la prise de sdits lieux & chasteaux serōt
desmolies, ensemble celle de Chasteauneuf de
Mazene, Poët-laual, Roc de Crupies, & le
Pillon en Dyois, entendant qu'il soit com-
mencé à proceder à ladite demolition par les
Commisaires qui seront par nous à cet ef-
fect deputez dès le iour de la signification de
la presente ordonnance pour y estre trauaillé
sans interruption: Et rendans cette obeïssan-
ce, ils ne pourront estre recherchez ny in-
quietez pour les choses faites & aduenues en
suite dudit souleuement, lesquelles demeureront
esteintes & assoupies, comme non ad-
uenues & lesdits chefs, Capitaines, gouver-
neurs, gens de guerre, & tous autres qui leur
ont assisté en corps de communauté & en par-
ticulier de ladite Prouince Catholiques, leurs
biens & familles sont mis en la protection &
sauuegarde du Roy & la nostre, faisans tres-
expresses inhibitiōs & defenses à toutes per-
sones de quelque estat & qualité qu'elles soiēt
de rien entreprendre ou faire cōtre leurs per-
sones & biēs sous pretexte de iustice, ou au-
trement, nonobstāt tous decrets & iugemens
qui pourroïēt auoir esté faits au contraire, &
notāmēt cōtre le sieur de marādō de Baumes,
lesquels demeurerōt sans effet; ains au cōtrai-
re, est enioint les laisser paisibles en leurs mai-
sons & en la possessiō de leurs biēs, charges &
hōneurs, avec faculté d'aller, venir & seiourner
librement par tous les lieux & endroits où le
bien de leurs affaires le requerra, le tout sous
peine de desobeïssance, & punition exem-

1622.

plaire sous le bon plaisir de sa M. laquelle sera tres-humblemēt suppliée de leur accorder ses lettres de declaratiō necessaire pour leur seurété, & afin que nul n'en pretende cause d'ignorāce, sera la presente publiée par tous les bailliages, Seneschauſſées & sieges Royaux de cette Prouince, à iour d'audience, & les copies d'icelles affichées ez lieux publics par, tout où il appartiendra, à la diligence des officiers de sa M. fait à Grenoble le 9. Ianuier 1622. signé l'Esdiguieres, & plus bas, par mondit Seigneur. Bremond.

Ces defences & menaces ployent tous les Rebelles du Daulphiné, & renuoyent le sieur de Montbrun en sa maison, excepté le sieur de Blaçon qui s'estant saisy du Pouſin & de Bays sur Bey place sur le Rhosne, proteste de ne les rendre, ce qui obligea ledit Seigneur d'armer pour le contraindre d'obeir, ainsi quil se verra cy apres.

Ce pendant ledit Seigneur Duc del'Esdiguieres & autres notables personnes de qualité s'entremettent de la paix, & en font porter paroles à sa Majesté dans Blaye, Poictiers, & du depuis à Paris apres son retour.

Plusieurs choses se passerent entre les Conſeils & pour parler de cette paix.

Sa Majesté ayant passé de Guyenne en Poitou y trouua Messieurs le Prince de Condé, Ducs de Vendosme & d'Espèrnon, le Comte de la Rochefoucault, & quantité de Noblesse, qui se conioyrēt avec elle de l'heureux succez de ses voyages de Guyenne.

Des lors mesmes fut crée Mondit sieur le Prince Lieutenant General des armées de sa Majesté, ce qu'il accepta d'autant plus volontiers qu'il promit au Roy de s'en rendre tres-digne, par la protestation de son affection à son seruice.

1622.

M. le Prince
fait Lieutenant
general du
Roy.

Ainsi sa Majesté quittant la Guyenne apres auoir apris la perfidie des rebelles de Royan, l'insolence du sieur de Fauas, & fait mettre le sieur de la Chaisnée sorty dudit Royan dans la ville de Blaye, cōme il sera dit en son lieu.

Estant arriuée à Poictiers, elle y fut saluée par les Ducs d'Espèrnon & le Comte de la Rochefoucaut que sa Majesté fit Gouverneur de tout le Poictou en la place du Duc de Rohan, qui auoit esté degradé & priué de ses charges & pensions, par lettres patentes de sadite M. données trois sepmaines auparavant dans sa ville de Bordeaux.

Sadite Majesté monstra tout plein de bonne affection à Poictiers audit Duc d'Espèrnon, loüa dignement son courage, sa prudence, & le soing qu'il auoit pris en la conduite de son armée deuant la Rochelle, & luy commanda de continuer son seruice en la mesme façon: à quoy le Duc d'Espèrnon protesta qu'il n'auoit fait que son deuoir, mais qu'il pouuoit assurer sa Majesté, que si l'on donnoit aussi bon ordre du costé de la mer comme il feroit du costé de la terre, il n'y auroit pas pour 4. mois de travail au siege de la place: il receut aussi nouveau cōmandement du Roy de leuer encore 2. Regimens de gens

Bienueillance
du Roy en-
uers le Duc
d'Espèrnon.

1622.

de pied pour rafraischir les troupes, ce qu'il executa aussi tost, & en donna la charge & commission pour ce faire à son fils le Marquis de la Valette.

Sa Majesté ne demeura que fort peu de iours à Poictiers, elle en partit le 13. Ianuier pour s'enaller à Tours.

Nouvelles
garnisons en-
uoyées a Sau-
mur.

Et se ressouuenât des articles que luy auoiét présenté deuant Mōtauban, au mois d'Aoust dernier, les Catholiques de Saumur par leurs Deputez enuoyez en Cour cōme j'ay remarqué en mon 1. tome, se complaignant à sa M. des menaces publiques que ceux de la religion pretenduēt dudit Saumur faisoient à l'encontre d'eux, & au preiudice de son seruice, pour empescher leurs mauuais desseins, sadite Majesté outre les garnisōs qu'elle y auoit laissées l'an passé, y enuoya encore le regimēt de Nauarre, auquel elle commanda expressement se loger dans la ville.

Après quelque seiour à Tours, où se firent les funerailles du feu Connestable de Luynes, qui fut porté en sa Duché de Maillé assisté de trois cens Gentils-hommes & de tous les ordres & Clergé de Tours, avec cierges & flambeaux ardans en main, sa Majesté s'advance deuers Blois, & arriua à Orleans le Lundy 24. Ianuier, & le Vendredy 28. ensuiuant en sa bonne ville de Paris. L'entrée quel'on luy fit en ceste sienne ville capitale, merite d'estre descrite en peu de mots.

Ce iour parurent au deuant de sa Majesté à vne demi lieue de la ville proche le village

de Mont-rouge, enuiron douze mille hommes d'infanterie autant bien vestus & armez quel'on en puisse voir, aussi estoit-ce l'élite de Paris, tous gens de bonne mine & bien faicts, qui apres quelque peu d'exercice pourroient effronter vn ennemy aussi fort & possible plus puissant.

L'ordre que tenoient les Colonelles au marcher fut tellement conduit, qu'il n'y eut aucun desordre tout le long du chemin. Elles furent toutes receuës & disposées en leur rãg dans le champ de bataille par de vieux Capitaines de guerre, nourris aux exercices des guerres de France, d'Allemagne & d'Hollande: les seize Colonelles furent reduites en six bataillons, qui paroissoient tellement gros & puissãs, que vous eussiez iugé qu'il y auoit là dedans plus de vingt mil soldats.

Sa Majesté qui auoit disné au Bourg la Royne, arriue en carosse aupres de ceste armée, quitte le carosse & monte à cheual, elle entre dans le champ de bataille, admire la bonne mine de ceste infanterie, passe de bataillon en autre, les visite tous fix, & ayant pris vn grand contentement à voir l'ordre & les rangs d'vn chacun, s'achemine à cheual à Paris.

Les Preuost des Marchands, & Escheuins de la ville avec leurs Archers & plus de trois cens bourgeois à cheual furent au deuant de sa Majesté en la plaine, où par vne briefue harangue que luy fit Monsieur le President de Mesmes Preuost des Marchands, tesmoi-

Preparatifs de
Paris pour la
reception du
Roy.

1622.

gna à sa Majesté Pallegresse publique de ceste sienne bonne ville de Paris pour son heureux retour, aprestant de victoires & de Palmes que Dieu luy auoit données en son voyage.

Sur les remparts du faux-bourg S. Iacques trente pieces d'Artillerie, avec vne quantité de bouiettes, saluerent sa Majesté avec vn bruit si grand qu'il sembloit que ce fussent coups de tonnerre & esclairs.

A la porte S. Iacques se presentent les armes de sa Majesté à ses yeux dans vn Tableau posé au dessus du Pont-leuis d'icelle, pendât quelà mesme vne douce & agreable musique chanta quelques motets sur les loüanges de ce victorieux Monarque.

Il entre dans Paris assisté de Monseigneur sô frere vnique, de Messieurs les Princes de Condé, Comte de Soissons, Princes du sang, les Ducs de Cheureuse, de Vendosme, de Montbason, & vne infinité de Seigneurs & Gentils-hommes.

Entrée de sa
M. dans Paris

Allegresses
publiques.

Le peuple infiny qui remplissoit les ruës, les boutiques & les fenestres accueille sa M. cōme vne Diuinité Tutelaire du bon-heur de la France, avec vn million de voix & de cris de *Vive le Roy*, iusques dans l'Eglise de Nostre Dame, où Messieurs les Cardinaux de Rets, & de la Rochefoucault, & tout le Clergé reçurent sa Majesté, & la conduirent au chœur y rendre graces à Dieu & à la Vierge de tant d'heureux succez qu'il auoit donnez à ses affaires, & de son retour fortuné dās

la ville capitale, sain & gaillard, victorieux d'une partie de ses rebelles ennemis. Toutes les compagnies Souueraines saluèrent sa Majesté en ceste Eglise, où elles s'estoient rendus auparavant.

En cest ordre entra sa Majesté dans Paris sur les quatre heures de releuée dudit iour. Et apres le *Te Deum laudamus* chanté avec les voix de musique, sa Majesté s'en alla en carrosse en son Louure par dessus le Pont de Nostre Dame, où il n'y auoit boutique ny fenestre iusques aux aduenus dudit Louure, qui ne fust garnie d'un flambeau ardant & d'une infinité de Laternes allumées, mais sur tout d'une incroyable multitude de peuple.

Sa Majesté arriuée à Paris le Vendredy 28. Ianuier comme dit est, le Dimanche ensuyuant elle conféra au fils du Connestable defunct le Gouvernement de la citadelle d'Amiens, souz la Lieutenance du Marechal de Cadenet, son Oncle.

Pour Amboise, elle y pourueut d'une autre Gouverneur, changea le Gouverneur & la garnison de Calais & Boulogne, mit dans Calais le sieur de Palaiseau ancien seruiteur de ceste Couronne, la fidelité duquel merite bien que le Roy luy confie une place de grande importance, & dans Bologne mit Monsieur d'Aumont, dans la Fere elle y met le sieur de Beaumont qui estoit à Quilleboeuf.

Ainsi apres la mort du Connestable il y eut de grands changemens aux places qu'il tenoit.

1622.

Gouvernement d'Amiens rendu au fils du feu Connestable de Luynes.

1622.
Rebellion de
Borniquet en
Quercy.

Le long de ce premier mois de l'année les rebelles respandus par les places de la Guyenne, se iettent vne partie dans la ville du Borniquet, petite place dans le Quercy, foible & sans resistance: les habitans la plupart de la Religion pretendue se laisserent aisement surprendre, & n'y eurent que le chateau qui fit quelque defense: mais de peu d'effect, car incontinent apres il se rendit entre les mains de ceux qui estoient ja maistres de la ville.

Le Duc d'Angoulesme & Mareschal de Themines, ayans eu aduis de la prise & rebellion de ceste place, qui pouuoit causer de grandes incommoditez au pays, prirent resolution de la reprendre, & la vont assieger avec vne partie de leurs troupes, y font conduire le canon, la battent quelques iours & la bloquent de telle façon qu'elle ne peut estre secourue de personnes. Ce que voyant les ennemis qui estoient dedans, & qui l'auoient eue en leur possession l'espace de plus de trois semaines, demandent composition honorable qui leur fut accordée par le dict sieur Duc d'Angoulesme, le Samedi 22. Ianuier, sçauoir qu'ils sortiroient armes & bagage saufs, la mesche allumée, tambour battant, & la balle en bouche, ce qui fut executé le lendemain Dimanche 23. du dit mois.

Ce mesme iour de Dimanche vingt-troisiesme Ianuier, vn autre exploict de guerre fut fait, aupres de Montauban, par M. le Marquis d'Ambre nepueu de feu Monsieur

le Cardinal de Ioyeuse, en cette forte.

Environ trois cens soldats qui estoient en garnison en la vielle ville de Montauban se vouloient retirer avec leurs armes & bagages, pour ne pouuoir subsister là dedans parmy la faim & la peste, & pour s'eschapper en Languedoc ou à Castres par la riuere du Gour marcherent à la faueur de la brune iusques dans vn bois proche de Montauban où ils firent leur premier giste, craignans que prenant la campagne, ils ne fussent descouuerts par les gens du Roy qui sont és enuirs.

Lors le froid extremé qui regnoit durant ces iours là, les force de faire quelques feux là dedans pour se chauffer, ne leur estant pas possible de subsister autrement à la rigueur du temps. Ces feux sont recogneus & aduisez par quelques paylans, qui s'estas aprochez de prez, & ayans apperceu que c'estoient des troupes qui estoient sorties de Montauban, courent aussi tost en donner aduis à monsieur le Marquis d'Ambre qui estoit à Lauaut, petite bourgade du pays d'Albigois, faisant vne masquarade avec ses amis, selon que la saison des iours gras le requeroit. A l'instant ledict sieur Marquis d'Ambre laissant sa masquarade imparfaicte, fait assembler ses amis, fait prendre les armes aux habitans de Lauaut, & des lieux plus proches: fait equipper chacun le mieux qu'il peut de mousquets, harquebuses, hallebardes, espieux, fleaux de grange, espees & autres bastons, iusques au nombre d'environ cinq cens hommes, desquels il en

1622.

Deffaite d'un
conuoy de
Montauban
par le Marquis
d'Ambre.

1622.

Nombre des
morts & pri-
sonniers.

enuoye vne partie au bout du pont pour les empescher de passer la riuere de Gout, cōme ils esperoient faire, pendant que luy avec le reste de ses gens va attaquer lesdites troupes rebelles reformees dans vn bois, à demy mortes de froid, lesquelles il charge & deffait avec tant de bonheur, que de 300. qu'ils estoient, il n'en resta de vifs que 40. ou enuiron que l'on prit prisonniers, dont le moindre offroit pour sa rançon 8. ou dix mille francs, & fut conquis en la valeur du bagage qu'ils trouuerent sur des charrettes la valeur de plus de cent mille francs, & est chose estrange que le froid les auoit tellement engourdis que l'on trouuoit le lendemain des soldats morts sur la terre, qui auoient la main à leurs espées, comme n'ayans eu la force de les tirer hors du fourreau, tant ils auoient les mains & les membres empeschez par le froid, & ne s'en sauua aucun qui ne fust ou tué ou prisonnier,

Resolution
pour la demo-
lition de
Quillebœuf.

Peu de iours apres le retour de sa Majesté dans Paris les Deputez de Roüen se presenterent au Conseil requerans qu'il pleust au Roy resoudre de la demolition de Quillebœuf, place dont la fortification estant parfaicte, estoit pour incommoder vn iour grandement non seulement la ville de Roüen, mais aussi celle de Paris, pouuans arrester toute sorte de marchandises venant par eaux & de la mer audit Roüen: sa Majesté ayant apri la perilleuse consequence de cette place que l'on auoit voulu rendre imprenable & l'inutilité d'icelle que pour faire du mal, resolut

en son Conseil que les fortifications dudit Quillebœuf seroient entierement demolies & rasees, & en donna charge & commission de ce faire au Parlement de Rouën, qui deslors commit personnes expressees pour faire ladite demolition, à quoy il y eust de grands contredits & beaucoup de resistance de la part des habitâs dudit Quillebœuf, comme il sera rapporté cy-apres en son lieu.

Pendant cecy on proposa diuers moyens au Roy pour resoudre à la paix. Le Duc de l'Es-
diguieres supplie sa Majesté de la donner à son peuple, se promettant de la faire obeir par ses subiets rebelles : le Roy qui ne demande que cette obeissance, & rien autre chose que le cœur des ses subiets, avec la conseruation de son autorité fait dire audit Duc que s'ils se veulent resoudre à l'obeissance & se remettre au deuoir, ils la trouueroient tousiours preste & disposée pour les recevoir au pardon.

Duc de l'Es-
diguieres
moyenne la
paix.

Ceux qui contribuent encore pour la paix proposent diuers moyens de la faire, pourueu que ce soit à l'honneur du Roy.

On fait vne proposition ou de continuer la guerre avec les rebelles, ou de leur donner la paix, proposition qui partit les esprits & des vns & des autres, pour estre l'une des deux creüe bonne & expediente.

De la part de ceux qui conseillent la paix & moyennent le pardon des rebelles, il y en a quelques vns qui ont dit qu'elle se peut faire en cette sorte.

1622.
Raisons de
ceux qui la
proposent.

1. Que demeurans dans l'entiere subiection & obeissance, on leur laisse leurs villes entre leurs mains, chacune iouyssante des anciens priuileges qu'elle auoit, desquelles villes ils respondront au Roy, & s'en rendront depositaires, à peine de confiscation de tous leurs biens, à laquelle ils se soubmettront volontairement & par traité.
2. Dedans y obeiront au Roy en toutes choses, ausquelles celles de la mesme Prouince, & de leur voisinage obeissent.
3. Payeront mesmes tributs & charges, garderont mesmes loix; le tout s'ils n'ont anciennes exemptions tousiours continuées au contraire.
4. Entretiendront les Edicts, n'auront nulle garnison dans les villes. Dans les anciennes forteresses, les anciens mortepayes seulement.
5. Demoliront les nouuelles fortifications de chasteaux, & petites places par eux occupées: Les grandes villes seulement demeureront fortes, & fortes des fortifications faictes deuant la mort du feu Roy, car ils n'ont que faire de villes si fortes dans le Royaume, s'ils ne veulent point rebeller. Pour les mouuemens des peuples seditieux qu'il leur pourroient courir sus, des simples murailles suffiront, & le Roy les tiendra en protection de ses Edicts, & de sa parolle, tant qu'ils seront obeyssans. Les chambres de l'Edict mises & reiglees le plus commodement qu'il se pourra.
6. Commandement estroict de rendre iu-

lice sans distinction de religion, & d'empescher tous scandales & actes qui peuuent esmouuoir plainte & sedition.

7. Leurs assemblees permises de temps en temps, mais point ailleurs que dedans Paris, afin qu'il soit sçeu du Roy, & de toute la France, qu'il ne s'y traicte rien que suivant leur deuoir de subiets, & que ce n'est l'assemblee d'un party, mais d'une secte & sorte d'hommes separez du reste du corps, non quant à la subiection, commerce ou mœurs exterieures, & politiques, mais quant à la croyance & forme de seruice diuin seulement.

8. Les assemblees particulieres pour deputer se feront sur les lieux, par le congé des Gouverneurs ou des Parlemens.

Tout le reste des differens sera aisé à accorder. Quand ils demanderont moins, ils témoigneronnt au Roy plus de respect & d'obeissance qui meritera de luy plus de bienveillance & de gratuité. Quand le Roy leur donnera plus, ils deuront se sentir plus obligez à sa bonté, & luy en demeurer plus fideles: ainsi de nul costé on ne se pourra plaindre, & tousiours faut qu'ils recognoissent que ce qu'ils obtiendront du Roy leur sera octroyé par concession pour en iouir tant qu'ils seront obeyssans, non pour en faire loy ou consequence.

A toutes les raisons cy-dessus, se peuuent adiouster celles-cy. Elles sont de longue main cogneuës, & toutes claires.

1. Dans la paix le Roy est seul Roy dans son

Royaume de nom & deffect. Dans la guerre ciuile il y a plusieurs Chefs, non de tiltre ou de droict, mais d'effect.

2. Dans la guerre ciuile tout ce qui s'y ruine, soit par la mort des hommes, qui sont ordinairement les meilleurs, soit par la perte des biens d'une part, & d'autre, tombe tousiours au dommage du Roy & du Royaume.

3. Les estrangers en font leur profit, & y prennent leur mire pour nous coucher en jouë.

Les raisons sont considerables, mais il y en a d'autres qui soustiennent.

1. Que le Roy ne doit pas ployer à tesmoigner qu'il vueille la paix.

2. Que s'il s'y laisse entendre, cela rendra les rebelles plus orgueilleux & plus opiniastrés.

3. Que c'est faire tort à son autorité.

4. Qu'il ne doit seulement ouyr parler de traicter avec des subiects, tout ce qu'il peut faire est de les recevoir, sans autre capitulation à simple pardon, & à nuë obeïssance, laquelle s'ils n'enuoyent purement offrir, il ne doit les escouter.

5. Qu'il ne doit traicter avec eux comme avec vn corps, attendu qu'il y a distinction expresse entre les huguenots obeïssans, qui vivent sous la protection du Roy, & desaduouient les autres, & les huguenots rebelans.

6. Qu'encores parmy les huguenots rebelans il y a distinction; car l'un peut pretendre

des priuileges particuliers, comme la Rochelle; l'autre des iustes craintes, comme les villes non fortes, l'autre des intereſts d'accords, de conſeſſions, de Chambres de Parlemens, & autres choſes: Partant pour toutes ces raiſons ils ne doiuent traicter en corps, mais chaque ville en particulier.

7. Que nul de leurs chefs n'eſt capable de traicter pour autre que pour luy meſme, parce qu'il ne peut auoir pouuoir de tous les autres. Ainſi donc qu'il ne ſe peut traicter valablement. Car de reduire les choſes de traicter avec chaque perſonne, ou avec chaque ville ſeparement, ſera reduire les choſes à ne traicter iamais. Ce ſeroit vne conſuſion & vne longueur trop grande. D'ailleurs traictant avec vne partie, ne faudroit laiſſer de contraindre l'autre par les armes: ce qu'eux preuoyans, ne voudront iamais traicter que vnis. Ce qui ne ſe pouuant faire pour les raiſons que deſſus, qu'il vaut donc mieux n'entendre à aucun traicté, mais ſuyre ſa poincte.

8. Qu'ils ſe veulent ſeruir du pretexte du traicté pour prendre lanque des intentions & forces du Roy, pour ſuyuant cela prendre leur party. Au lieu de traicter, qu'il faut aller à eux.

9. Que le traicté ne ſeruira qu'à leur donner temps de ſe mieux munir de fortifications, d'hommes, viures, armes, munitions.

10. Qu'ils ont ſollicité les eſtrangers de ſe joindre à eux, & les aſſiſter en leur cauſe;

partant ne doiuent estre receus à traicter avec leur Roy.

II. Qu'ils n'ont gardé les promesses qu'ils auoient faiçtes, telmoïn Soubize, ceux de Monheur, Clairac, Sainte-foy, les entreprises sur Nauarrins, Bergerac, & beaucoup d'autres qui se peuuent rapporter.

Desorte que pour ceux qui approuuent les iustes armes du Roy, maintiennent que cette guerre est honorable, vtile, iuste & necessaire, vtile non seulement en sa fin, mais aussi en son entreprise presente.

Les raisons alleguees pour monstrier qu'elle est honorable sont.

1. Parce qu'il s'agit del'honneur de Dieu, de la defense del'Eglise, de laquelle le Roy comme Roy tres-Chrestien, est le fils aisné, protecteur de ses droicts par succession, dignité, & serment.

2. L'exemple des bons Roys ses predecesseurs, qui ont heureusement & glorieusement estouffé dans leur Estat la rebellion des Albigeois, & autres naissantes.

3. Honorable à vn ieune Prince qui n'a aucune guerre avec ses voisins, n'en peut auoir contre les infidelles, desquels il est si esloigné, que pour n'auoir ny le temps ny les lieux propres pour leur faire la guerre, il s'en dispense aussi avec honneur, pour le moins sans blasme.

4. Qu'il doit commencer d'esteindre le vol de sa renommee debellant vne rebellion, qui s'esleue non seulement contre Dieu, mais

mais aussi contre l'autorité Royale.

1622.

5. Honorable encores à ceste heure, & par exemple d'un costé, & quasi par nécessité de l'autre, parce que depuis deux ans il a eu & de l'advantage en ses desseins & du desadvantage, & tous les deux l'obligent esgalement d'honneur à recommencer la guerre. L'advantage qu'il a eu par l'esperance du pareil, le desadvantage par le dessein du chastiment & de la vengeance.

6. Honorable en ce qu'il ne peut quasi s'en empescher sans blâme, ou de peu de pieté, ou de peu de ressentiment de l'offense, ou de peu de forces & de puissance pour s'en pouvoir venger, chacune desquelles reproches seroit capable de toucher son ieune & magnanime cœur d'une vifue at-tainte.

7. Honorable pour un fils aîné du Grand Henry IV. qui par malheur nay, nourry, & esleué dans l'herésie, eut neantmoins la grace de Dieu, de s'affermir sur sa teste avec sa valeur & avec son espee la couronne de tout son Royaume, que la perfidie de la pluspart des François, ou esblouis, ou abusans du pretexte de la religion Catholique, luy vouloit arracher. A plus forte raison son fils aîné sorty de S. Louys, nay & nourry dans la Religion Catholique, aujourd'huy semble obligé de reconquerir une petite partie de son Royaume, qui sous pretexte de Religion luy desnie la iuste obeïssance qu'elle luy doit.

Elle est aussi vtile.

1. Premièrement en sa fin, en ce que si le Roy peut oster vn chancre de rebellion qui a prins racine dans son Estat, il se descharge d'infinies despences qu'il faut qu'il soustienne par eux, ou pour eux.
2. Qu' alors n'y ayant plus nulle teste de rebellion de party formé, ny par consequent nul pretexte à personne de se pouuoir rebeller, chacun obeira par tout à ses loix & à ses commandemens.
3. Qu'il pourra d'oresnauant avec petite despence gouverner de grandes affaires de son Royaume, retranchant toutes excessiues qui ont pour pretexte qu'il faut estre tousiours préparé en cas qu'il arriuaist quelque sousleuement qui ne peut arriuer que par eux.
4. Qu'on ne craindra plus que les estrangers qui ont eu par eux quelquefois entree en ce Royaume, y puissent sous leur pretexte y mettre le pied à l'aduenir.
5. Vtile en son dessein & en son entreprise presente, par ce qu'estans aujourd'huy les rebelles dissipés & mal vnis, n'ayans point de chef general, & n'en pouuans auoir vn assez puissant, il semble impossible qu'ils puissent resister au party Catholique beaucoup plus grand & plus fort, commandé par vn chef vigoureux, présent en personne, assisté d'hommes, d'armes, de moyens, d'equipage, de suite digne de luy, & proportionnée à sa grandeur, qui a eu d'heureux augures &

commencemens de ses victoires les années passées ! ha la faueur de Dieu visible & apparente, les vœux du Royaume, l'amour de tous, & l'obeïssance prompte de ceux qu'il y voudra employer.

6. Que les deux plus signalez & estimez chefs qu'ils ayent, sont iusques icy demeurez fideles ; l'un seruant actuellement le Roy contre eux mesmes, l'autre viuant dans sa maison retiré : leurs autres chefs sont encore peu experimentez, ou ont si peu de creance generale, qu'il ne faut pas craindre qu'ils puissent resusciter les cendres d'un Admiral de Colligny.

Cette guerre est aussi iuste.

1. Premièrement en ce qu'elle est honorable & vtile, car toutes choses qui ont ces deux qualitez ensemble, ne peuuent estre que tres-iustes.

2. En ce que contre toute raison les rebelles veulent estre deschargez en beaucoup de choses de l'obeïssance entiere & absoluë, à laquelle comme subiects ils sont tenus, & que les subiects Catholiques rendent ; & auoir des priuileges particuliers que les Catholiques n'ont pas.

3. Car encores que le Roy comme Roy puisse donner des priuileges & libertez à quelques vns, & les deniers aux autres ; si est-ce qu'il ne le peut faire s'il n'y a raison apparente de le faire.

4. Pour les villes de seureté ou de mariage, lesquelles n'ayans esté donnees qu'à

1622.

temps, il est raisonnable qu'elles soient remises entre les mains du Roy, neantmoins sont par eux retenuës de force & d'autorité.

5. Qu'il est iuste qu'ils dependent de la foy & parolle du Roy, non le Roy de la leur: car bien qu'ils pretextent la seureté de leurs vies, premierement leur vie ne leur peut estre plus chere, & ne doit estre par eux tenuë plus chere qu'est au Roy sa parolle & son autorité, secondement leur seureté sera plus grande quand le Roy sera caution de leur seureté, que s'ils le sont eux mesmes, puis qu'il n'y a rien en France de seur à qui n'est pas sous la protection du Roy.

1. Des trois preuues qu'elle est honorable, vtile, & iuste, resulte la quatriesme, qu'elle est necessaire: Car c'est vne espee de necessité de suiure par dessein formé ce qu'on cognoist apparemment honorable, vtile, & iuste.

2. Necessaire, par ce que si à cette heure qu'on a apparent aduantage sur eux, on n'essayé de leur oster tout moyen de pouuoir iamais se rebeller, ils se tireront à la longue de l'obeïssance dans laquelle on ne les pourra plus remettre.

3. Et selon les occasions entreprendront de nous venir eux mesmes attaquer & chercher à nous accabler.

Il est bien vray que la paix seroit le bien le plus desirable qu'il fust: & possible que l'on alloit l'establir en quelque sorte: mais la cōti-

nuation des desordres desdits rebelles contraignirent sa Majesté de se refoudre à les poursuiure derechef par la force des armes, puis que ny le chastiment du passé, sur aucuns d'eux, nyles effects de la bonté du Roy parut avec excez sur les autres, n'ont peu ramener les partisans au debvoir.

Voicy les actions insolentes desdits rebelles qui ont resoult le Roy à la continuation de la guerre.

Il n'est pas icy question de faire la paix avec l'estranger, laquelle est quelque fois necessaire encore qu'inique, par ce quel'ennemy est trop puïssât: mais avec des suiets quidoiuent obeïssance, & y peuuent estre forcez: s'ils obeïssent & rendent ce qu'ils doiuent, la paix est faicte, s'ils veulent perseuerer endurcis en leur malice, avec qui conclura on la paix, avec gens obstinement rebelles, & non seulement indignes de la paix, mais encore incapables: car si on leur accorde la paix, il faut pardonner leurs crimes, il faut donc qu'ils requierent mercy: or est il qu'ils requierent non mercy, mais la paix, c'est à dire pardon sans le demander & sans confesser leurs fautes: fera on donc pardon à ceux qui ne le veulent demander, nouïera on la paix avec la superbe & l'iniquité, avec l'obstination, mesme contre l'ordre de toute bonne Iustice: ils sont non seulement obstinez, mais vont tousiours empirans en obstinatio, ils surprennent les villes du Roy, aussi bien cette année que l'autre, courent les champs, volent les deniers royaux, pillét ses suiets, rançonnét ses

Les rebelles demandent la paix & non pardon de leurs crimes.

seruiteurs, tuent & massacrent les Prestres, lemoquent des Edicts & des Parlemens, ordonnent de la guerre, font des mandemens en Monarques, & ces actes font ils, en mesme temps qu'ils font demander la paix, & disent faire tout cecy pour le seruice du roy & bien de cet Estat, & cette paix qu'ils demandēt est possible à mesme fin, que celle qu'ils obtindrent sous les regnes des Roy Charles IX. & Henry IV. de memoire immortelle.

Proposition de paix changee en resolution de guerre sur la continuation de l'insolence des rebelles.

Ainsi donc toutes ces belles propositions de paix, furent changees en conclusiō de guerre que ceux mesmes qui les auoient faictes approuuerent, sur la continuation des desordres particulierement du costē du Languedoc, de la basse Guyenne & de la Rochelle, dans les trois premiers mois de la presente annee.

Je commenceray dōc l'histoire de cette rebellion continuee & la conduite des armes de sa Majestē pour le chastiment d'icelle & auant toute autre par celle de Monsieur de la Force en la basse Guyenne, debellee par la generosité de Monsieur le Duc d'Elbœuf.

Et pour la prendre en son origine, faut scauoir quel an passé le Seigneur de Boisse Par-daillan, ayant tousiours paru affectionné au seruice du Roy, sage, discret, & ennemy des factions & reuoltes, le tesmoigna par effect, lors que dēs le siege de S. Iean d'Angely, il fit hōmage de sa personne & de son espee au roy & remit entre les mains de sa Majestē toutes les places sur lesquelles il auoit pouuoir de commander dans la basse Guyenne, cōme Sainte-Foy, Genzac, Monheur & autres, sadite Ma-

jesté les luy ayant reconfeies en son passage de Guyenne ny voulut faire aucune alteration, & pour acte de bienveillance voulut que ledict sieur l'accompagnast en ses voyages, & le mena au siege de Montauban : pendant lequel, le sieur de Theobon s^o Gendre Gouverneur en son absence en la ville de Sainte Foy du consentement mesme du Marquis de Mirambeau son fils, du Vicomte de Castetz & autres rebelles, depitez du service que ce grand homme de bien auoit rendu au Roy en cette acti^o, & s'estoit dispensé des armes, resolurent de se rendre maistres desdites places & les faire reuolter contre sa Ma. ce qu'ils firent sur la fin dudit siege de Montauban, & començans à outrager les subiets du Roy, attirans en ces places quantité de gens de guerre, les fortifiâs & outrageans en icelles les officiers du Roy & les seruiteurs de sa M. ledit sieur de Boisse par cōgé de sadite M. y accourut en diligence pour arrester ce desordre, chastier les insolences, & remettre les siens en leur deuoir. Mais au lieu d'y trouuer de l'obeissance & du respect pour le moins enuers luy, il trouue les siens propres liguez contre luy, & dissimulâs leur mauuaise cōspiration, se decoururent finalement à Gensac y faisans massacrer ce Seigneur, qui au lieu de les chastier pour leur rebellion estoit arriué de la se cantōnerent dâs ledit Gensac, S. Foy & Monheur, vîât de tous actes d'hostilité dâs la Prouince, & tenât la riuere de la Garonne suspecte aux marchands allans de Tholouse à Bordeaux par l'entremise de Monheur : insolence & cruauté

Le sieur de Boisse est assassiné par les siens.

1622.

Sac de Mon-
heur.

Rebelles de
Monheur se
tettent dere-
chef dans
Sainte-Foy.

Le Duc d'El-
boeuf créé
general de
l'armée du
Roy en la bas-
se Guyenne.

nôpareille que sa M. desira seueremēt chastier & en faire ressentir sô indignatiô aux despens des auteurs : pour ce subiet apres la leuée du siege de Montauban, apres auoir fait quelque seiour à Tholouse, & cōmandé au Mareschal de Roquelaure de faire inuestir Môheur, elle s'achemina en personne avec son armee deuâr cette place, qui ayant soustenu quelques iours fut finalement forcee de se rendre, & à discretion à sa Majesté qui donna le pillage aux soldats, fit mettre le feu aux quatre coings, & la fit reduire en cendre, cela se void en mon I. volume sur la fin de Decembre dernier. Les Chefs liberez de cette place par la misericorde du Roy s'allèrent ietter dans S. Foy donnee & promise, acceptans la grace de sa Majesté.

Après le sac de cette place, qui fut le 12. dudit mois de Decēbre 1621. le Roy estât encore deuant Monheur, & preuoyant le mal qu'alloiēt faire lesdits rebelles en la basse Guyenne, & le besoing que sa Majesté auoit de retourner à Paris pour donner autre ordre à ses affaires, fit venir Môsieur le Duc d'Elbœuf, & recognoissant le courage & la fidelité de ce genereux Prince, resolut de le laisser general de son armee dans ladite Prouince, pour pour-
suiure les rebelles à force ouuerte, assieger, donner bataille, & faire tout ce qui depend de la charge d'un Lieutenant general, qui n'a de superieur que Dieu & le Roy.

Le Ieudy 16. sa Majesté seiourna encore à son camp près Monheur, la mort de Monsieur le Connestable ayant esté cause de ce seiour: ioint aussi qu'auât que de partir de là elle

establit vn ordre & commit Monsieur du Hallié, Capitaine de ses gardes, avec quantité de caualerie, pour courir sus aux rebelles de sainte Foy.

Le Vendredy 17. ensuiuant, elle commença à s'acheminer vers Bourdeaux, & ce iour là alla coucher à Castel-Ialoux.

Le Samedy 18. elle arriua à Basac, où sa M. sejourna tout le Dimanche ensuyuant, pendant quoy ledit sieur du Hallié fut, avec vne partie de l'armée du Roy assieger la ville de Genzac, où estant le sieur Theobon gendre du feu sieur de Boisse, Gouverneur de sainte Foy ayant assemblé quelque nombre de Caualerie & gens de pied, sortit dudit sainte Foy, en intention de faire leuer le siege de Genzac, ce qu'ayant sceu ledit sieur du Hallié, monte promptement à cheual & avec 4. cens cheuaux alla au deuant des ennemis, & pour les releuer de peine les combatit si genereusement, que plus de deux cens resterēt couchez bas, quantité de prisonniers luy demurerent, & le reste qui peut se sauuerent le plus diligemment qu'il leur fut possible avec leur Chef Theobon dans sainte Foy.

Le Lundy 20. dudit mois sa Majesté ayât eu ce seruice dudit sieur du Hallié agreable, partit de Basas, & s'en alla coucher à Preignac.

Le Mardy 21. ensuyuant, elle arriua à Bourdeaux, où s'estoient rendus pour la receuoir Monsieur le Marechal de Roquelaure, M. de sainte Croix frere de Monsieur le Colo-

1622.

Deffaite des
troupes sor-
ties de sainte
Foy par M.
du Hallié.

Arriuee du
Roy à Bor-
deaux.

1622.

nel d'Ornano & plusieurs Seigneurs : elle y sejourna iusques au Ieudy trentiesme Decembre, à cause des festes de Noel qu'elle y voulut passer, comme aussi pour plusieurs affaires de consequence qui s'y traicterent, comme de la creation de Monsieur de Vic Garde des Seaux de France, de l'ordre estably pour le Gouuernement de Guyenne & Bordeaux; mais sur tout de celuy qui fut donné audit Seigneur Duc d'Elbœuf pour la conduicte de ses armes.

Le Duc d'Elbœuf prend possession de l'armée & de la charge de general.

Cedit iour 30. Decembre sadite Majesté partit de Bordeaux pour continuer son chemin à Paris, M. le Duc d'Elbœuf, prit lors congé de sa Majesté & alla entrer en possession de ladite armée, que commandoit ledit sieur du Hallié deuant ladite place de Gensac qu'il tenoit assiegé. Le soir mesme de ce iour, ledit Seigneur Duc accompagné des sieurs de la Motte Gondrin & de quelques Gentilshommes Gascons volontaires & son train ordinaire alla coucher à Preignac.

Le Vendredy dernier iour de l'an, au matin, il partit de Preignac, passe la Garonna vis à vis dudit Preignac, & s'en alla coucher à Sauueterre.

Forces attirées en Guyenne par le sieur de la Force.

Pendant cecy il est à remarquer que le Roy ne fut si tost party de Guyenné que le Seigneur de la Force tira tout ce qu'il y auoit de bon tant Capitaines que soldats, de Montauban, contraincts de sortir delà, tant pour la maladie contagieuse que pour la famine qui regnoit dedans, & avec d'autres

troupes qui se ioignirent à luy r'entre en Guyenne, & iette encore quelques gens de guerre, dans Sainte-foy, & luy avec le sieur de Montpouillan & ses autres enfans, tiennent la campagne avec le reste desdites troupes, tant pour empescher le siege qui menaçoit S. Foy où il alloit & venoit, que pour diuertir celui de Genfac, & surprendre nouvelles places.

1622.

Ainsi donc le Samedi premier iour de Ian-
uier 1622. Monsieur le Duc d'Elbœuf, par-
tit de Sauueterre, où l'estoient venus trou-
uer, Messieurs les Comtes de Riberac, Bar-
on de Siurac, & Monsieur de Signan Ca-
pitaine d'une compagnie de chevaux legers,
qui pour lors estoit au siege de Genfac: &
tous ensemblement arriuerent au cāp deuant
ladite place, & entrāt en l'un des faux-bourgs
gagné, où s'estoit logée l'armée du Roy, le-
dit Seigneur Duc auparauant que s'engager à
la poursuite & continuation de ce siege, cō-
mencé par ledit sieur du Hallié, enuoya reco-
gnoistre cette place par le sieur Bertranete
Ingenieur du Roy, & par monsieur le Com-
te de Riberac, & particulièrement le fossé
d'icelle place, ayant esté recogneu par eux,
& en ayans fait leur rapport audit Seigneur
Duc, voyant le peu de munitions qui estoient
en l'armée, & le peu de gens qu'il auoit pour
attaquer cette place & pour s'opposer au
secours que l'on disoit deuoir arriuer en bref,
conduit par le Seigneur de la force en per-
sonne, resolut de desloger le lendemain

Siege de Gen-
fac.

1622.

Leué par le
Duc d'El-
bœuf.

Qui met le
feu aux faux-
bourgs.

deuxiesme iour de Ianuier, auquel, apres auoir ouy la messe, fit battre aux champs, & s'en allant commanda que l'on mist le feu audit faux-bourg, ce qui fut fait: Ceux de la ville voyant le departement de l'armée, & la leuée dudit siege, voulurent sortir pour luy donner en queüe, & defaict se mirent en deuoir de le faire, mais ils furent repoussez iusques dedans leurs portes par monsieur le Comte de riberac, & furent tuez quelques vns de leurs hommes, & du costé du Roy y demeura vn Sergent d'vne compagnie du Regiment de Piedmont.

Le soir de ce mesme iour monsieur le Duc d'Elbœuf, s'en alla coucher à vn village nommé Pellegreüe, où il arriua fort tard, à cause qu'il ne voulut iamais abandonner son canon & ses munitions qui eurent de la peine à arriuer à cause des mauuais chemins, y ayans mesmes beaucoup de Gentils-hommes qui trauaillerent pour le faire auancer, stimulez en cecy par l'exemple honorable que leur en donnoit ledit Seigneur Duc.

Audit village de Pellegreüe se logea l'armée du Roy composée des Regiments de Piedmont de quinze compagnies seulement, du Regiment de monsieur le Marechal de Roquelaure, de celui de monsieur le Comte de Riberac, celui de monsieur de Grignaud, de monsieur le Comte de Louzun, cinq compagnies de cheuaux legers, scauoir celles de monsieur le Prince de Joinuille, de messieurs de la motte Hautefort, de Cambray, de Bussi

Forces du
Duc d'El-
bœuf.

& Designan, le tout pouuant faire cent ou six yingts cheuaux au plus, & les Regiments susdits mille ou douze cens hommes de pied, avec deux couleurines, dans l'Eglise fortifiée dudit Pellegreüe estoit Monsieur de Madailan avec la compagnie de son fils, Capitaine au Regiment du sieur de Lofun.

Le Lundy 3. Ianuier, les ennemis n'estoient Allarmes des ennemis.

logez qu'à demie lieüe proche de l'armée Royale, qui d'abord donnerent quelques alarmes assez chaudes; & sur ces entrefaictes, voyla le Regiment de Roquelaure, que sa majesté auoit osté de l'Estat de l'armée auant que de partir, qui leuerent les drapeaux pour s'en aller; Ce que voyant Monsieur le Duc d'Elbœuf, les pria de demeurer encore quelque peu, iusques à ce qu'on eust veu la contenance des ennemis, ce qu'ils luy refuserent tout à plat, dequoy ledit Seigneur irrité, commande à la mesme heure au Regiment de Piedmont des'aduancer pour les charger, & luy en colere, marchant à la teste de sa cavalerie, va courageusement à eux pour les deffaire dequoy ayans peur & voyant sa resolution, retournerét poser les drapeaux, au lieu d'où ils les auoient leuez & à l'instât ledit Seigneur Duc leur fit faire commandement de s'en aller, ce qu'ils firent tous, exceptez deux Capitaines, scauoir le Baron de marselus, & le sieur de sainte Gemene, qui quitterent leurs compagnies, pour suyure ledit Seigneur Duc, & ne le voulurent point abandonner.

Regiment de
Roquelaure
cassé.

1622.

Le Duc d'El-
beufarriva à
Montségut.

Le Mardy 4. dudit mois le dit Seigneur Duc demeura encore tout le iour audit village de Pellegrèue, où Monsieur le Marquis de la Douze levint ioindre avec son Regiment composé de cinq cens hommes de pied, qui se logerent au quartier qu'auoit quitté le Regiment de Rocquelaure.

Le soir de ce mesme iour le dit Seigneur Duc general fit commandement aux Regiment de Piedmont & dudit sieur de la Douze, comme aussi aux cheuaux legers, de se tenir prests à partir le lendemain à 7. heures précises, pour s'en aller avec luy à Montségut où fut mené le canon & tout l'équipage, & commandant aussi à mesme temps au Regiment de Grignaud de s'en aller à Castelmarrond.

Et pour le Regiment de Riberac il receut ordre des'en aller en garnison à Sauueterre.

Le Mardy 5. Ianuier chacun selon l'ordre & commandement donné s'achemina ez lieux de son departement; Monsieur le Duc d'Elbeufarriva le soir audit Montségut, où il se logea avec son artillerie & le regiment de Piedmont, & commanda à la cavallerie & au regiment de la Douze de se loger près de luy aux enuirs.

Les ennemis
pratiquent de
se rendre Mai-
stres de Duras

Monsieur d'Elbeuf estant à Montségut, eut auis que les ennemis auoient intelligence dans Duras, & qu'en moins de quatre iours le sieur de Montpouillan s'en debuoit saisir.

Le lendemain 6. dudit mois Monsieur le

Comte de Lozun par commandement de M. d'Elbœuf, fut voir monsieur le Marquis de Duras, & mena avec luy le sieur de Clairay ayde de camp: ce iour se passa en comprimés, & rien autre chose.

1622.

Le Vendredy 7. ensuyuant, apres le disner, ledit sieur de Lozun alla encore audit Duras, & Monsieur d'Elbœuf, accompagné seulement de sept ou huit cheuaux legers volontaires & de quelques vns de sa maison, le suivit, & vn peu apres que ledit sieur de Lozun Le Duc d'El-
eust donné aduis au marquis de Duras, que beufles deuā-
M. d'Elbœufle venoit voir, on le vid paroistre ce & y met
en la plaine, & les habitans cependant estoient garnison.
sur les murailles de la ville, aux portes d'icelle, & dans la place tous en armes, comme aussi estoient 40. hommes au chasteau, qui tous se deffioient de M. d'Elbœuf, & furent en doute s'ils le laisseroient entrer, ou s'ils luy refuseroient les portes: en fin leur estant représenté par ledit sieur de Clairay, ayde de camp, la faute que ledit marquis de Duras feroit, de luy empêcher l'entrée, ils le laisserent entrer incontinent, apres fermerent leurs portes.

Cependant le regiment de Piedmont, ayant receu commandement d'enuoyer 9. compagnies apres ledit Seigneur Duc, en estoient pourtāt bien esloignées, & ne parurent qu'au commandement qu'on leur fist d'auancer en diligence. Cependant M. d'Elbœuf ayant représenté au marquis de Duras que l'intention du roy estoit qu'il s'assurast de la place pour l'aseurance de son seruice au moyē d'une garnison

1622.

Les habitans
ne le receuient
qu'à regret.

qu'il auoit charge d'y mettre, de laquelle il ne receuroit que toute sorte de courtoisie, apres vne longue contestation dudit sieur marquis, finalement cōsentit & promit receuoir la garnison du Roy : alors du commandement dudit marquis les principaux du peuple furent appelez; pendant quoy les neuf compagnies dudit Regiment de Piedmont s'estoient aduancées & se tenoient proches de la porte du chasteau de Duras, resolu de s'en saisir en cas de rumeur dans la ville, & de tuer les soldats qui estoient dedans: Le peuple ainsi donc assemblé, monsieur d'Elbœuf parla aux Consuls & Magistrats de Duras, & les exhorta de se soumettre au bon plaisir du Roy, & receuoir garnison; à quoy finalement ils se resolurent tant de gré que de force; au mesme temps parurent & se presenterent lesdits neuf compagnies du Regiment de piedmôt, deuant la porte, & entrerent dans la place le Samedi 8. Ianvier, & le Dimanche 9. iusques au Lundy x. auquel iour ledit Seigneur Duc en partit & s'en alla coucher à Montsegut; où il se iourna iusques au mercredi 12. pendant quoy on luy dit que toutes les troupes du marquis de la Force, qui estoient à sainte Foy, auoient passé la riuere de Dordogne pour aller ravager le pais d'entre ladite riuere de Dordogne & la riuere de l'Isle, & toutesfois ledit sieur Duc fut contraint de laisser la poursuite desdits ennemis, pour ce qu'il falloit qu'il mist les Regiments de Ribesac & de Grignauld en garnison pour se rafraichir

fraichir vn peu d'autant qu'ils estoient fatiguez, las & recrüz & partit dudit Montsegut auec ses cheuaux legers & le Regiment de la Douze, qui estoient logez és enuiron, laissant 5. compagnies dudit Regiment de Piedmont à Montsegut auec ses 2. couleurines, & n'emmena auec luy quelque sept ou huict charrettes de munitions, & le soir de ce mesme iour, alla coucher à Elmet.

Le Ieudy 13. Ianuier il arriua à Bergerac, fit passer sa caualerie au delà, & fit loger le Regiment de la Douze à vn pont, sur le chemin & à demi lieue de la maison de la Force.

Monsieur d'Elbœuf estant à Bergerac, où il demeura depuis le iour cy dessus iusques au Ieudy 27. Ianuier, qui furent quinze iours, durant quoy il fit venir deux cens hommes du Regiment de Piedmont, tirés de la garnison de Montsegut, ausquels ils donna 2. cens escuz de son argent, qui estoit à chaque soldat vn escu: Et deux iours auparauant, scauoir le Mardy 25. estoit arriué près de luy, le Regiment de Bordeilles, qui estoit fort beau, & lequel il y auoit neuf cens hommes bien armez, sans les officiers.

Pendant le sejour que fit M. d'Elbœuf à Bergerac, il s'employa à faire monter quelques pieces de canon, qui estoient là dedans attendant ledit Regiment de Bordeilles, & celui du Comte de Curson qu'il pensoit trouuer à son arriuée dans Bergerac, ce qu'il ne fit pas.

En celieu ledit Seigneur Duc ayant eu aduis que quelques gens de guerre des troupes

1622.

Rauages des ennemis.

Le Duc d'Elbœuf va à Bergerac.

Fait monter du canon.

1622.

Le Duc d'Elbeuf veut assiéger cette place.

Menace audacieuse du Seigneur de la Force.

Le Duc d'Elbeuf assemble ses troupes pour l'aller assiéger.

udit sieur de la Force se retiroient en sa maison de la Force, & faisoient de grands degasts en la compagnie, assuré d'une telle retraite, se resolut de les desfricher de là, si M. de la Force ne les faisoit retirer, à faute de quoy mençoit d'assiéger & forcer sa maison, sur ces menaces ledit sieur de la Force enuoya vn gentilhomme de sa part qui dit que le sieur remettoit sa maison entre les mains de M. de Bordeilles, qui en respondroit; M. d'Elbeuf dit qu'il vouloit auoir cela par escrit, tant y a que ledit sieur de la Force voyant que mōdit sieur d'Elbeuf faisoit quelque difficulté sur sa proposition, commença à tenir ces propos, *que si M. d'Elbeuf tournoit la teste du costé de sa maison de la Force pour l'assiéger, il s'y trouueroit le flambeau en vne main, & l'espée en l'autre pour l'en empescher.* Cela toucha vn peu l'esprit dudit Seigneur Duc d'Elbeuf & dès lors se resolut de voir si M. de la Force seroit homme de promesse & de courage pour faire ce qu'il dist, & empescher l'effect de l'entreprise, & là dessus delibera d'aller assiéger ladite maison.

Donc ce mesme iour 27. dudit mois de Ianuier ledit Seigneur Duc partit de Bergerac, enuoya chercher tous ses amis qu'il peut trouuer à propos, & accōpagné de M. le Cōte de Losun Marechal de camp, de M. de Rambur, de trois cens soldats de la garnison de Bergerac, ioint avec luy 6. compagnies du Regiment du Comte de Curson, & 5. autres compagnies du Regiment de Losun, fait venir 2. cens hommes du Regiment de Piedmont,

avec commandement au reste de ses troupes de le venir trouuer, toutes lesquelles faisant ensemble enuiron trois mille hommes de pied, avec sa cauallerie & autres compagnies de cauallerie de ses amis, avec cette armée il s'approche du bourg de la Force, il enuoye ses enfans perdus qui donnēt dās vne barricade proche du chasteau, monsieur de Rambure estant à la teste, & M. le Duc d'Elbœuf fort prez de luy; apres grande quantité de mousquetades tirées de part & d'autre, les gens du Roy aduançans tousiours, & prenans auantage sur les ennemis, apres auoir gagné sur eux ladite barricade, les contraignirent de fuir, quitter le bourg, & se retirer au chasteau; & apres auoir demeuré vne bonne heure on s'en retourna, & sur le chemin fut rencontrée vne partie du Regiment de Bordeilles qui s'aduançoit pour aller à la feste, mais on le fit retourner, n'en estant besoing.

1622.
Attaques au
dit chasteau,
où les enne-
mis fuyent.

Le lendemain 28. Ianuier monsieur le Duc d'Elbœuf, Messieurs de Lozun & de Rambure, avec vn canon, deux petites pieces de capagne & vne couleurine, le tout pris à Bergerac, ensemble les deux cens hommes du Regiment de Piedmont, & quatre cens du Regiment de Rambure, le Regiment de la Douze, celuy de Bordeilles, 5. compagnies du Regiment du Vicomte de Lozun cōmandées par M. de Loudren r. Capitaine dudit Regiment, vindrent au deuant des autres en chemin, avec encore 5. cōpagies du Regiment du

1622.

Comte de Flaix : sur ce mesme chemin arriua encore le sieur de la Motte Hautefort avec quatre vingts maistres de ses amis, & Monsieur de Bordeilles vn peu plus haut avec cens cinquante Maistres aussi de ses amis, & cinquante Dragons ou mousquetaires à cheual.

Barricades
gagnées & les
ennemis ren-
fermez audict
chasteau.

Toute cette armée estant arriuée à vn Pré tout deuant ledit chasteau de la Force, les enfans perdus furent commandez, chaque Regiment donnant les siens, selon l'ordre, de donner en mesme temps, on s'approche, on enuoye l'Infanterie pour faire les approches ce qu'ils font, & avec tant de courage & de furie, qu'ils forcēt & gagnēt les barricades qui estoient au deuant, & renfermēt les ennemis dās le chasteau, sās perdre à cette fois que 5. ou 6. soldats tāt tuez que blessez; ledit sieur de Lōdres y receut vne mousquetade dans le corps, mais non pas mortelle, cela fait on se logea au mesme endroit.

Champ de ba-
taille choisi
par M. d'El-
beuf.

M. le Duc d'Elbœuf & les Marefchaux de camp au nōbre de 3. scauoir M. le Comte de Curfon, Messieurs de Bordeilles & de Lozun, choisirent le chāp de bataille à la teste du logement dudit Seigneur Duc, qui estoit logé plus près du chasteau que la portee d'vn mousquet, par apres Messieurs de Monts & de Clairry firent applanir ledit chāp de bataille, & le soir mesme dudit Vendredy il y eut forces allarmes mais toutes sans effect.

Le Samedy 29. le canon estant en batterie dans vne grange vis à vis de la porte dudit

chasteau de la Force, la batterie commença à vne tour : & arriua de mal-heur que l'vne desdites pieces amenées de Bergerac se trouua vn peu euentée, qui fut causé qu'on ne batit pas comme on se l'estoit promis.

Le Dimanche 30. Ianuier, la batterie fut recommencée contre ledit chasteau.

Le mesme iour sur les 4. heures du soir on eut aduis que l'armée du Seigneur de la Force estoit fort proche, & qu'elle s'aduançoit tousiours, que mesme les coureurs d'icelle auoiēt donné dans vn quartier des cheuaux legers de M. le Duc d'Elbœuf logez, & auoient pris quelque bagage, c'estoient 50. cheuaux & enuiron 2. cens homes de pied ennemis, qui auoient passé à la faueur d'un ruisseau, qui trauerse à vn petit village appellé Brun, & firent ceste course pour donner seulement ialousie audit Seigneur Duc, & se retirerent aussi tost dans le gros de leurs troupes sans auancer dauantage.

Ledit Seigneur les enuoye recognoistre, & trouue qu'ils n'estoient pas qu'à vn quart de lieuë loing de luy, & qu'ils s'acheminoient par la pleine avec mine de le venir combattre, & considerant le chemin que ledit sieur de la Force & ses troupes pouuoient & vouloient tenir, qui estoit par la plaine, se resolut de leur aller au deuant, & disposa son armée en l'ordre qui suit.

Monsieur de Rambure ayāt cōmandement dudit Seigneur Duc, fait tirer le canon des batteries deuant ledit chasteau de la Force cō-

1622.

Il change son
champ de ba-
taille.

me aussi celuy qui estoit au 1. champ de bataille sur vne colline pour les descendre dans la plaine, où ledit Seigneur vouloit prendre vn autre champ de bataille: les Regimens de Piedmont, & les compagnies du Regiment de Rambure, de ceux de la Douze, de Lozun & le Regiment de Flaix y descendent aussi: on laisse seulement où estoit la batterie deux cens hommes de pied aupres dudit chasteau, & sur la colline au 1. champ de bataille fut laissé le Regiment de Bordesilles avec la cōpagnie de chevaux legers de M. de Signan, & commandement à eux faict de ne bouger de là, & de n'en partir que lors qu'on leur manderoit.

Armée dudit
Seigneur ran-
gée en bataille

Monsieur le Duc d'Elbœuf avec le reste de sa caualerie descend dans la plaine, où il trouue son infanterie en bataille en 5. bataillons, sçauoir le Regiment de Piedmōt à main droite à costé du chasteau, proche de luy estoient les compagnies de M. de Rambure: à sa gauche & entre les distances de ces 2. bataillons, deuoit passer vn escadron de caualerie cōmandé par M. de Buffi, ayant à sa droite & derriere le Regiment de Piedmont, la cōpagnie du Prince de Joinuille: à gauche des compagnies du Regiment de Rambure, estoit le canon vn peu reculé des Regiments, où commandoit Saint Iacques Commissaire de l'artillerie: à costé de la compagnie de Buffi, & à sa gauche estoit la compagnie du sieur de Chābray qui deuoit donner avec ses chevaux legers entre les cōpagnies du Regiment de Rambure & le canon: dans vn interualle derriere le canon &

vn peu à gauche estoit monsieur le Duc d'Elbeuf avec Messieurs de Lozun & de Curson à droit & à gauche, & dans son escadron estoient quelques volontaires & de ceux de sa maison: deuant luy estoient ses gardes: & deuoit donner entre le canon & le Regiment de Lozun, qui estoit en vn bataillon à sa gauche. En suite de celuy là vn peu plus haut à gauche estoit le Regiment du Comte de Flaix: & plus sur la gauche & sur les ailes du costé du bois estoit celuy du Marquis de la Douze, qui y estoit en personne à la teste à la gauche de monsieur d'Elbeuf, & vn peu reculé estoit vn escadron de cent cinquante Maistres où estoit à la teste monsieur de Bourdeilles qui deuoit donner dans l'interualle du Regiment de Lozun & de celuy de Flaix: à gauche dudit sieur de Bourdeilles estoit vn escadron où commandoit le sieur de la Motte de Hautefort, qui deuoit donner entre les Regimens de Flaix & de la Douze.

Tout l'armée ainsi ordonnée en bataille, on procedde à l'ordre du ralliement, & pour la garde de tous les bataillons, escadrons & sur les armes.

Ce soir mesme dudit iour attendant l'ennemy, monsieur le Duc d'Elbeuf soupa avec plusieurs autres Seigneurs de son armée au milieu de la campagne sous vn noyer, où mesme il coucha, iusques sur les deux heures après minuit, que les ennemis parurent, & les entendoit on chanter quelques pseumes de

Le Duc d'Elbeuf soupa à la campagne sous vn noyer attendant l'ennemy.

1622.

Marot, comme se disposans au combat; sur les 10. heures du mesme soir monsieur le Duc les auoit enuoyez recognoistre, & auoit on rapporté, qu'ils auoient la mine de gens qui vouloient descendre pour combattre.

Ainsi donc leurs prieres & pseumes acheuez, & les ennemis s'apochâs de nostre châp de bataille, l'escarmouche cōmença par les enfans perdus de l'armée dudit Seigneur Duc & du costé des Regimēs de Piedmōt & des cōpagnies de celuy de Râbure, & par les ennemis laquelle fut fort furieuse, suyue de quelques volées de canon du costé de mondit sieur le Duc, quileur donna vn peu d'effroy.

Vn peu apres ils recommencerent de part & d'autre fort & ferme, & parmy cela volloient tousiours quelques canonades au trauers des bandes ennemies.

Sur les 4. heures du matin le Regiment de monsieur de Bourdeilles fut commâdé de dōner sur l'ennemy, qui ne voyant pas le chemin qu'il auoit entrepris de prendre aisé, vouloit gagner vn autre costé, pour aller droict au Chasteau ce que ledit Regiment, fit d'où s'ensuiuit vn fort grand combat qui dura fort lōg temps: le sieur de Signan donna sur le milieu du combat, où il fit tout ce que le lieu luy pouuoit permettre estant tout a faict desauantageux pour la Cauallerie, Monsieur de Bourdeilles fit instante priere qu'il luy fust permis de secourir son Regimēt qui estoit pesse mesle l'espée à la main avec l'ennemy, fort eschauffé au combat, mais on ne luy per-

Dans quelques exemplaires le combat est autrement qu'icy pour auoir esté du commencement mal informé de la verité.

mit pas de ce faire & garde on la caualerie pour le iour, ce que le sieur de la Force n'attendit, gagnant dez la pointe du iour ses barricades dás ledit bourg, & dela à sainte Foy. Dudit Regimét de Bourdeilles furét tuez vn Lieutenant nommé saint Priuat, vn enseigne, & le sieur du Challard frere du premier capitaine nommé monsieur de Lamberty, lequel sieur de Lamberty fut blessé d'un coup de mousquet dans le bras. Plus monsieur du Pouzet y reçeut aussi trois mousquetades scavoit vnemenant les enfans perdus audit cōbat qui luy rompit l'espaule gauche, nonobstant mettant l'espee à la main suiuit tout le reste du combat; au milieu il reçeut vn coup de mousquet au gras du bras droict, ce qu'il ne l'arresta pas que sur la fin du combat il n'en receut encore vn autre qui luy rōpit l'os du bras droict, le sieur de la Barde Capitaine eust vn coup de mousquet dans la jambe, le sieur de Margnac lieutenant receut vn coup dans le genoüil dōt il mourut quelques iours apres, le sieur du Bouchet y fut blessé aussi.

Monsieur le Duc d'Elbeuf avec l'armée du Roy ayant demeuré vne heure & demie dans le champ de bataille, s'en retourna en haut dans le bourg de la Force, pour apres son dîner donner l'assaut au Chasteau, ce qu'il ne fit pas toutefois à l'instance priere de Monsieur de Bourdeilles & de forces autres gens de cette condition, qui le supplierent de se contenter de l'offre que faisoit Monsieur de la Force de remettre sa maison entre les mains

dudict sieur de Bourdeilles Gouverneur du pays, qui en respondroit: ce qu'il accepta se contentant de l'aduantage qu'il auoit eu du combat, ce qu'il promit faire à vn Gentilhomme que ledit sieur de la Force luy auoit enuoyé exprez.

En mesme temps monsieur d'Elbeuf faict desloger l'armee pour s'acheminer aux enuiron de Bergerac, où il trouua encore 200. hommes du Regiment de Piedmont.

Le soir il coucha à Bergerac, & le lendemain 1. iour de Feburier il y seiourna tout le iour, & cependant messieurs de Bourdeilles & de la Motte Hautefort se retirerent avec leurs amis par son commandement.

Le lendemain deuxiesme iour de Feburier l'armee du Roy fut commandée de passer la Dordogne sur le pont de Bergerac, mais le Regiment de Bourdeilles ayant perdu quantité de leurs mousquets en mettant l'espee à la main, ne peurent passer si tost, fors deux compagnies, qui n'auoient combatu ayant esté commandées de demeurer au Chasteau, sçauoir vne commandee par le sieur de la Belleye, & l'autre par le sieur de Clermont auxquelles on donna deux monstres.

Le Vendredy dixiesme on seiourna tout le iour.

Le Samedy douziesme du mesme mois ensuiuant monsieur le Duc d'Elbeuf en partit avec 15. compagnies du Regiment de Piedmont, tirant la garnison de Duras & y laissant le Regiment de Loussin commandé par

monſieur de Londre premier Capitaine dudit Regiment : le Regiment de la Douſe les ſuiuit, avec celui du Comte de Flaix, deux compagnies du Regiment de Bordeilles, & deux du Regiment de Chasteau, avec les chevaux legers & deux couleurines. Entre Moriac & Duras les vindrent encore joindre ſix compagnies du Regiment de Suſe.

Le ſoir de ce meſme iour on coucha à Moriac, & le lendemain à Rozan. Le Lundy 14. Fevrier, on paſſa la riuere à S. Iean de Belongnac, & l'ayant paſſée, l'armée coucha ſur le bord d'icelle.

Le Mardy quinziefme, on alla coucher à ſainct Marne, & le Mercredy 16. à S. Million, où l'on ſejourna iuſques au Lundy 21. dudit mois, attendant deux canons de Bordeaux & mille hommes des communes : le ſoir monſieur d'Elbœuf coucha à la Motte ſous Montrauel.

Cependant le Seigneur de la Force qui ne s'endort point, voyant que monſieur le Duc d'Elbœuf alloit aſſieger Montrauel, taſche de le diuertir de ce deſſein, par la ſurpriſe de quelques places plus importantes que celle-là. Il ſe ſaiſit premierement de Montflanquin, place ſituee ſur la croupe d'une montagne, la quelle l'an paſſé auoit eſté reduite à l'obeiſſance du Roy par feu monſieur le Duc de Mayenne, qui y enuoya le mareſchal de Roquelaure pour ce faire, & deſſors la fit demanteler pour la garantir de

Prife de Mont-
flanquin par
le ſieur de la
Force.

1622.

rebellion à l'aduenir, pour ce que dès ce temps là le Seigneur de la Force auoit eu dessein pour cette place qui estoit à la bienseance des autres places rebelles, particulièrement de Clerac.

Cependant ledit sieur de la Force s'en estant emparé de nouveau releue ses murailles & la fortifie, iugeant qu'estant forte d'affiette il en pourroit faire vn azyle de rebelles.

Surprise de
Clerac par les
rebelles.

Le Dimanche vingtiesme Feburier lesdicts ennemis surprirent derechef la ville de Clerac, où ils taillèrent en pieces toute la garnison que le Roy y auoit laissée l'an passé, y traictèrent cruellement tous les Ecclesiastiques, firent prisonnier monsieur le Duc Conseiller au Parlement de Bordeaux, enuoyé là en cette ville de Clerac comme Commissaire de sa Majesté, ils prirent aussi monsieur l'Abbé de Clerac, qui auoit conuersé avec les Citoyens

Le Pere Her-
né Mauuet
Iesuite tué
dans Clerac.

en pere: mirent plusieurs Prestres & Ecclesiastiques à mort: entr'autres vn Iesuite appelé, le Pere Herué Mauuet, qu'ils massacrerent avec grande animosité à coups de mousquet, d'espée & de pertuisane: & n'en falloit pas tant pour oster la vie à vn pauure vieillard de l'age de soixante & cinq ans, qui auoit traouaillé l'espace de plus de vingt ans en Gasconne, en Bearn & par toute la Guyenne pour la reduction des esgaréz, s'estant trouué, comme le Roy mesme scait, aux sieges des principales villes, attaquées par sa Majesté, instruisant les soldats, les secourant vifs par charitables seruices & les enseuelissant morts, & à cette

de la Rebellion de France. 173

fois rendu l'ame à Dieu au liê d'honneur par le glaive de ceux dont il cherchoit le salut & la vie éternelle.

Pour reuenir aux exploits de monsieur le Duc d'Elbœuf, estant ledit Seigneur à la motte, fut informé des rauages que faisoient les rebelles fortifiez dans Montrauel, se resolut de les desnichier de là, & de forcer la place : il fait aduancer ses troupes de ce costé, & quoy qu'on luy eust dit que la ville fust grandement retranchée & les ennemis opiniaâtres, ne laissa pas de se resoudre à l'attaquer.

Siege de
Montrauel.

Le Mercredy vingt-troisiesme Feburier le sieur de Madaillan est commandé de donner dans le faux-bourg de Montrauel avec les enfans perdus, conduits par le sieur du Val Lieutenant d'une compagnie du Regiment de Piedmont où apres auoir gaigné les barricades & de grands retranchemens, où les ennemis firent quelque perte, on se logea dans ledit faux-bourg sans perte pour le Roy que de deux soldats, & contraint-on les ennemis de se retirer en la ville.

Faux-bourg
gaigné par le
Duc d'El-
bœuf.

Le faux-bourg & les barricades gaignees, Monsieur d'Elbœuf aduance avec le reste de l'armée qu'on met en ordre de bataille au milieu de la plaine : on fait monter le canon avec beaucoup de peine & de trauail.

On loge vne piece au deuant du Chasteau, & neantmoins fort esloignée, qu'on fit tirer quelques coups dans les defences, & y fit quelques ruines.

Attaque au
Chasteau.

Le Ieudy 24. Feburier on travaille à la bat-

terie qu'on fit auprès d'un colombier & à 20. pas du fossé, où le sieur de madaillan ayde de camp reçeut un coup de mousquet dans le corps, dont il mourut le soir mesme, avec luy fut aussi tué un autre Capitaine du Regiment de Flaix, & quelques soldats.

Le Vendredy 25. on tire cette batterie, laquelle ne fit pas grand effect.

Le Samedy vingt-sixiesme fut aduisé pour quelques bonnes & raisonnables considerations de chager de batterie, & pointer le canon en lieu plus defauantageux aux ennemis, & comme monsieur d'Elbœuf estoit occupé à faire remplir les gabios, & faire les embraseures du canon, le sieur de saint Jacques Commissaire de l'artillerie receut proche de luy un coup de mousquet dans le corps, dont il mourut pareillement le soir, & fut fort regretté en l'armée, pour estre tres-habile homme de son Estat.

Le Dimanche vingt-septiesme les tranches estans aduancées, & le canon ayant ioué tout cedit iour, & le lendemain vingt-huictiesme, le mardy ensuiuant premier mars monsieur le Duc d'Elbœuf ayant fait recognoistre la breche, fit donner l'assaut à la ville qui fut emportee sans perte que de fort peu des gés du Roy, bien que la breche fust viuement defendue par les ennemis.

Fort des ennemis assiegé.

Lesdits ennemis s'estans retirez dans le fort, on fait passer le canon dans la ville pour battre ledict fort, ce que voyans, ils demandent à parlementer & à se rendre à

composition, on ne les veut recevoir qu'à discretion.

1622.

Le lendemain mercredy deuxiesme Mars le canon ayant ioüé contre vne tour, ils demanderent encore composition, monsieur le Duc d'Elbœuf se relaschant promettre aux chefs & aux Gentils-hommes de sortir avec leurs armes, les soldats sans espees, & les habitans à discretion: les soldats refusent cette grace, & veulent sortir avec leurs espees, & sur ce refus les gens du Roy s'estans disposez pour l'assaut, il se donna avec grande furie audit fort, & apres auoir longuement combatu, les ennemis furent emportez, le sieur de la Motte Gachon qui estoit tres-habile homme, Gouverneur de la place, fut tué sur la breche d'un coup de picque qu'il receut dans la bouche, & qui luy perça outre: trois ou quatre autres Capitaines furent aussi tuez dans le fort à la prise duquel moururent plus de trois cens soldats que Capitaines, que femmes, & enfans, le reste qui peust se sauua dans la tour, aupres de laquelle les gens du Roy se logent.

Demandent composition.

Fort gagné.

Prisonniers & tuez.

La nuit estant venue on prepare le canon pour battre cette tour: à laquelle on donna l'assault où les ennemis se defendirent furieusement, & y furent tuez du costé du Roy quelques quinze soldats, vn Capitaine du Regiment de Flaix, vn Enseigne du Regiment de Piedmont, vn Lieutenant du Regiment de Suse, saint Iean premier Capitaine du Regiment de Flaix blessé, le sieur de Clairv

1622.

Nombre des
prisonniers &
des pendus.

Noms des
Capitaines
ennemis pri-
sonniers.

Drapeaux
enuoyez au
Roy.

ayde de camp y receut trois mousquetades & le fils de Monsieur de Seuaize ayant vne compagnie en cet assaut, y fut tué.

Le Ieudy 3. mars les ennemis n'en pouuans plus, se rendirent à la discretion dudit Seigneur Duc d'Elbœuf, tous leurs Chefs demeurèrent prisonniers de guerre, les femmes & les filles furent conduites en seureté, pour empescher l'insolence du soldat, quinze ou vingts soldats qu'estrangers qu'habitans furent pendus & estranglez, & le reste laissez prisonniers aux gens de guerre: Dans la Tour furent trouuez & pris quelques cent ou six vingts hommes.

Les Capitaines ennemis qui furent pris prisonniers en ce fort sont les sieurs de Sainte Ourse, de la Faye, de grand maison, de Gratteloup, & l'enseigne du sieur de Montpouillan, fils du Seigneur de la Force. Entre lesquels on choisit, la Faye, Sainct Ourse & Grand maison que l'on enuoya prisonniers à Bordeaux pour seruir à la deliurance de monsieur le Duc Conseiller du Parlement que les rebelles auoient retenu prisonnier à la surprise de Clerac.

A la prise de cette place deux drapeaux furent pris, dont l'un fut bruslé dans la ville, & l'autre fut enuoyé au Roy à Paris. Tout ce que dessus estant fait, monsieur le Duc d'Elbœuf, fit traualier les Vendredy, Samedy & Dimanche quatriesme, cinquiesme & sixiesme. Mars ensuiuiât à la demolition tant dudit fort que de ladite ville de Montrauel, & fit-on sauter

fauter la tour, ny laissant aucune fortification qui puisse donner enuie aux rebelles de se seruir vne autrefois de cette place.

Cedit iour Dimanche sixiesme Mars apres disner monsieur le Duc d'Elbœuf partit de Montrauel, & alla coucher à S. Mane, pour delà s'acheminer à Tonins, pris par les gens du sieur de la Force conduits par le sieur de Montpouillan son fils, les sieurs de Theobon, Vicomte de Castets & autres chefs, ainsi qu'il s'ensuit.

Après la surprise de Clerac, pendant que ce fidelle & magnanime Prince le Duc d'Elbœuf battoit Montrauel, retraicte des plus mauuais garnimens du pays, est ensuiuite celle du haut & bas Tonins, où monsieur le Comte de la Vauguyon Seigneur du lieu se monstra valeureux, tenant bon sept iours durant au Chasteau dudit haut Tonins, qui selon le iugement des bons guerriers ne pouuoit estre gardé quatre heures: à la fin estant contraint de cedder à la force, comme il capituloit, les ennemis contre leur foy donnée, entrerent par escalade dans ledit Chasteau, où ils mirent au fil de l'espée presque toute la garnison du Roy, & ledit sieur Comte de Vauguyon eschappé à grand peine du fer, fut retenu prisonnier avec le sieur Dondas hardy & vaillant Cavalier, venu vn peu deuant au secours.

Tonins ainsi repris par les rebelles du Seigneur de la Force, monsieur le Duc d'Elbœuf se resolut aussi tost de vanger ce tort fait au Roy, reprimer par ses armes l'insolence de

Surprise du
haut & bas
Tonins par
le sieur de la
Force.

1622.

Le Duc d'El-
bœuf refout
d'assiéger
Tonnins.

ces rebelles & reconquirit Tonnins à quelque sorte de prix. Resolution qu'il prit estant encore à Montrauel.

De Montrauel estant allé coucher à S. Mane il licentia toutes les communes qui l'auoient assisté en ce siege, puis en partit le Lundy 7. Mars & alla au giste au port de S. Iean de Belongnac.

Le Mardy 8. l'armée du Roy passa l'eau avec deux couleurines, & renuoya le canon par eau, & le soir on coucha à Rozan, le lendemain à Sauueterre, le leudy 10. à la Reolle, où l'on seiourna iusques au Samedy 12. Mars pour aller coucher à Marmande, ainsi il passa en diligence les riuieres de Dordogne & le Drot avec tel courage, que ce qu'il n'esperoit faire qu'en huit iours, à cause des mauuais chemins, il le fit en deux iours tant le bon heur l'accompagnoit en cet affaire.

Adionction
du Marechal
de Themines
avec le Duc
d'Elbœuf avec
ses troupes à
Marmande.

Estant donc à Marmande monsieur le Marechal de Themines le vint ioindre le mesme iour 12. Mars avec ses troupes où se firent de grandes caresses de part & d'autre. Incontinent fut tenu Conseil au logis de monsieur le Duc d'Elbœuf, où fut resolu que sans plus retarder on iroit assiéger Tonnins, qui estoit distant de là de deux lieus.

On seiourna à Marmande iusques au 15. Mars, d'où l'on partit ce mesme iour au matin pour aller à Tonnins.

Le rendez vous de toute l'armée de monsieur le Duc d'Elbœuf & de celle du Marechal de Themines, fut aupres de Fouiillet à la

veü de Tonnins à huiët heures du matin, où ledit Seigneur Duc se trouua pour donner l'ordre, qui fut tel.

Que les Regimens de Picardie, de Chappe, de Beaumont & du Marquis de Villeroy amenez par ledit sieur Marechal de Themines, auroient la droicte, & donneroient sur le bord de l'eau droict au bas Tonnins.

Que les Regimens de Piedmont, soustenus des Regimens de la Suse, de la Douze, de Grinaud arriués cedit iour en l'armee, de ceux de Fleix des compagnies de Bordeilles, & de celles du Regiment de Chasteau, les suiuroiët & donneroient à gauche entre les deux villes de Tonnins.

Le commandement estant faict, on aduan-
ce vers les ennemis qui paroissoient au dehors
leurs retranchemens, mais qui peu apres se re-
tirerent dans leurs barricades, que l'on gai-
gna d'abord. Le Regiment de Piedmont
emporte le Chasteau à la premiere attaque,
les Regimens de Suse & de Picardie se ren-
dent maistres de la basse ville, où furent dedans
de la part des ennemis plus de trois cens per-
sonnes: le reste se retirerent dans le bourg de
sainct Spé, où estoient les sieurs de Mont-
pouillâ fils du sieur de la Force, le Vicomte de
Castetz, Theobô, & toute leur armée: les gar-
des dudit Seigneur Duc estans assiste, luy &
M. le Marechal de Themines coucherent à
la maison de
& en tout le combat
qui se fit en cette prise du bas Tonnins, ne fu-
rent tuez que trois soldats du costé du Roy,

1622.

Attaque au
bas Tonnins,
pris & gaigné
par le Duc
d'Elbeuf.

Nombre des
ennemis tuez.

1622.

Tranchees
commandez
au haut To-
nins.

Le sieur de la
Force perd
ses barricades
& est mené
battant ius-
ques aux por-
tes de Clerac.

Le sieur de
Theobon y
fut blessé.

vn Gentil-homme & monsieur de Castelnau de Marmande blessé d'un coup de mousquet dans le costé.

Le lendemain seiziesme on trauailla aux tranchees à placer le canon & à battre ledict bourg de S. Spé que les ennemis auoient fortifié, iusques au Dimanche 20. Mars iour des Rameaux, qu'on se resolut d'empescher ceux de Clerac & de Tonins d'auoir le chemin libre pour s'entrefecourir.

A cet effect monsieur le Duc d'Elbœuf & le Marechal de Themines prennent douze cens hommes de pied partie du Regiment de Picardie & d'autres Regimens, avec toute la Caualerie au nombre de quatre à cinq cens cheuaux & deux pieces de campagnes, & vôt attaquer les ennemis, avec telle furie, mais avec tant de bon-heur pour le Roy, qu'on leur fit quitter vne barricade qu'ils auoient faite sur le bord d'un ruisseau dans vn chemin creux. Cette barricade gaignee, on poussa les ennemis plus outre, & leur faict on encore abandonner cinq ou six autres barricades, & meine on le Seigneur de la Force tousiours battant iusques aupres de Clerac, de leur costé le sieur Theobon Gouverneur de Sainte-Foy fut blessé d'un coup de pistolet & d'un coup d'espee au bras gauche: on gaigna trois drappeaux sur les ennemis, avec la Cornette du dit sieur de la Force, & tout son equipage. Du costé du Roy y fut tué le sieur de Minaumont, fils de feu monsieur de Castelnau, le sieur de Chalosse, & quelques autres.

Gentils-hommes & soldats.

1622.

On ne s'arresta pas là, ains l'armée du Roy poursuivant viuement les ennemis gaignerent encore sur eux vn moulin, où ils s'estoient fortifiez, duquel on les desnicha au moyen d'vne piece de campagne que monsieur d'Elbœuf fit amener pour les forcer.

Moulin gaigné sur les ennemis.

Or pendant que ce combat se fait à la campagne à la poursuite des ennemis, de l'autre costé l'assaut se donna à la haute ville de Tonins, par les Regimens de Picardie & de Piedmont, & quoy quel'on y allast de courage, neantmoins les gens de guerre y furent repoussez assez furieusement par les sostenans, qui n'esperoient plus aucune sorte de salut qu'en leurs armes & resistance, à cet assaut, du costé du Roy furent tuez deux Capitaines du Regiment de Piedmont & deux Lieutenans, sçauoir les sieurs du Vernay & de Belongnac, de Saucourt & le Comte, quelques vingts soldats, deux Sergents & force blesez.

Assaut au haut Tonins par les gens du Duc d'Elbœuf qui furent repoussez.

Capitaines tuez & blesez.

Cela fait, monsieur du Bourg Mareschal de camp prit son poste au quartier du costé de Clerac, avec le Regiment du Marquis de Villeroy, & la moitié de celui de Picardie & de celui de Chasteau. Quatre iours apres arriua le Regiment de Losun en suite, cinq compagnies du Regiment de Bordeilles, qui y prirent pareillement leur poste: ledict sieur du Bourg fit faire vn fort à vn colombier où il se logea avec le regimēt de Villeroy:

1622.

Attaque des
ennemis sur le
quartier de
monsieur du
Bourg

& à vne maison proche d'eux se logea aussi le Regiment du sieur de Pompadour.

Le mesme soir que le fort dudit sieur du Bourg fut en deffence qui fut le huitiesme Aupil deux heures auant le iour, les ennemis qui estoient partis de Clairac, le vindrent attaquer, mais ils furent contrains, trouuans vne forte resistance, de se retirer apres auoir perdu force gens, entre lesquels resterent sur le bord du fossé dudit fort sept hommes morts, tous gens de bonne mine, & n'y eut de la part du roy, qu'un Segent du Regiment de Villeroy, qui y fut tué.

Forts faits de-
uant Tonnins.

On fit encore vn autre fort autour de la place assiegee, où se logea le Regiment du sieur de Beaumont, & deux compagnies du Regiment de Chasteau.

Plus encore vn autre, au milieu de celui de monsieur du Bourg & de monsieur de Chasteau, où furent mises six compagnies du Regiment de Suse.

Attaque à vne
maison.

Le dix-huitiesme Aupil se fit vn attaque à vne maison que les ennemis tenoient du costé dudit sieur du Bourg, & apres auoir faict iouer sur ladicte maison, on vint au combat qui fut fort opiniastre de part & d'autre : ce fut en ce confit que monsieur de Montpouillan, fils du Seigneur de la Force & chef des rebelles de Tonnins, receut vn coup d'une mousquetade dans la teste, & force des siens tuez & blesez par les gens du Roy qui tiroient sur eux à leur aise du

Blessure du
sieur de Mōt-
pouillan.

haut d'une masure, & furent grandement endommagés par le canon : qui fut cause que nos soldats se logerent au large, & ainsi qu'ils desiroient, douze ou quinze des nôtres y furent tuez avec un des gardes de monsieur d'Elbœuf, & un Gentil-homme nommé de Piedgouffré, y eut un bras cassé d'une mousquetade, & le nepveu de monsieur du Bourg aussi blessé d'une autre mousquetade, dont il mourut.

Le vingt-troisième dudit mois on fit un logement de l'autre côté de la place à la poste du Regiment de Picardie, sur le bord du fossé, où fut tué par hazard un nommé Bertranet ingenieur, fort habile homme & regretté.

En mesme temps arriva le Regiment du sieur Riberac qui estoit fort beau, & prist son poste au quartier de monsieur le Duc d'Elbœuf.

Cependant cinq Pataches arriuerent de Bordeaux, pour tenir la riuere en bride, & empêcher le raiuaillement des assiégés par eau, ce qu'ils eussent peu faire aisément, s'ils ne se fussent laissé corrompre, & laisserent passer quantité de farines, qui firent subsister encore plus long temps les assiégés, qui autrement eussent esté contraints de se rendre faute de viures. Monsieur le Duc d'Elbœuf fut grandement indigné de cette trahison, fit prendre les chefs qui commandoient lesdictes Pataches, & les enuoya prisonnier à Bordeaux, & cependant

Pataches en-
uoyees de
Bordeaux
pour empê-
cher le rai-
uaillement aux
assiégés.

1622.

ledit Seigneur Duc fit mettre du costé de la riuere le Regiment du commandeur de Môtmorency, avec deux pieces de canon, pour empescher l'arriuee de tout autre raitaillement.

Bastion gagné
sur les ennemis,
sur lequel
quel on loge
vn Regiment
& du canon.

Le vingt-septiesme Aupil apres qu e monsieur le Duc d'Elbœuf eut fait rompre vn coffre des ennemis dans le fossé, vn sien soldat estant monté sur vn bastion des assiegez, dist audit Seigneur Duc qu'on s'y pourroit loger, ce que ledit Seigneur commanda estre aussi tost fait, & fut executé à mesme temps, & si logea-on malgré les efforts des ennemis, apres vn fort rude combat, vn page dudit Seigneur Duc appellé Derine, y fut blessé d'une mousquetade dans vn bras, & le sieur de Chairbois son Escuyer bruslé d'une grenade, & cinq ou six de ses gardes.

La nuit suyuant on aggrandit ce logement sur ledit bastion, & trauailla-on à remplir le fossé, qui fut acheué de combler le lendemain vingt-huictiesme au soir, & logea on le canon dessus, qui incommodoit grandement les assiegez: & ce iour mesme fut pris vn homme fortant de la ville avec la iument du sieur de Montpouïllan qui s'en alloit trouuer le Seigneur de la Force.

La prise de ce bastion, où l'on logea le Regiment de Picardie & l'incommodité que le canon faisoit aux assiegez, les contraignit de demander à parlementer & pour cet effect le sieur de Montpouïllan, chef des assiegez, escriuit à monsieur le Duc d'Elbœuf & à

Monſieur le Mareſchal de Themines vne let-
tre grandement pleine de compliments & de
ſubmiſſions, le ſuppliant de luy vouloir ac-
corder vn paſſeport pour quatre ou cinq Gé-
tils-hommes qu'il vouloit enuoyer vers luy
& ledit Mareſchal, ce qui fut accordé, & fut
enuoyé le ſieur de Flamarins Gentil-homme
de qualité pour les conduire en ſeureté, &
empêcher que les ſoldats ne iettaſſent ſur eux,
& eſtans arriuez ils propoſerent vne forme de
Capitulation, promettans rendre la place
entre les mains de mondit ſieur, mais avec
des conditions fort auantageuſes pour eux,
& trop deſauantageuſes pour le ſeruite du
Roy, que ledit Seigneur ne voulut accorder
qu'en la maniere ſuiuante, ſçauoir, Quel'on
receuroit les Chefs priſonniers de guerre pour
les mettre à telle rançon qu'il plairoit au Roy,
& les ſoldats à diſcretion, la vie ſauue toutes-
fois pour les retenir priſonniers pendant les
mouuemens, ainſi quel'on l'eult iugé pour le
mieux.

Les Deputez s'en retournerent là deſſus,
conduicts par ledit ſieur de Flamarins, ſans
rien reſoudre avec ledit Seigneur Duc, qui
receut le lendemain vne autre priere de mon-
ſieur de la Force pere, de luy accorder ſauf-
conduit pour deux autres gentils-hommes
qu'il deſiroit enuoyer vers luy pour le meſme
ſuiet, ce que ledit Seigneur luy accorda, mais
il ne les voulut ouyr qu'en preſence de mon-
ſieur le Mareſchal de Themines, qui eſtoit au
liet malade: les demandes dudit ſieur de la

1622.

Les aſſiegez
demandent à
parlementer.

Deputez en-
uoyez de leur
part au Duc
d'Elbeuf.

qui ne les veut
receuoir qu'à
diſcretion.

1622.

Force furent moindres que celles de son fils, mais estans & les vnes & les autres desauantageuses pour le seruice du Roy, ledit Seigneur ne leur voulut accorder avec autre condition que celle cy dessus, & se resolut de les rendre tous en estat de ne pouuoir plus desseruir doresnauant sa Majesté en autres lieux.

Ils s'en retournerent encore pour la secōde fois, & cependant ledit Seigneur Duc fait faire bonne garde, & fait recommencer la batterie contre la ville, de sorte que lesdits rebelles estonnez renuoyerent encore le Vendredy 29. apres disné vers ledit Seigneur, auquel ils tesmoignerent qu'ils eussent biē voulu retrancher quelque chose de leur demande, mais ne s'en expliquant point ils furent renuoyez comme auparauant, & en prenant cōgé dudit Seigneur Duc ils demanderent tēps de se refoudre iusques au samedy matin 30. Auril, ce qu'il leur accorda: mais pourtant il ne laissa de continuer la batterie qu'il ne leur auoit pas promis de faire cesser, & de faire garde avec deux cens 50. cheuaux iusques à deux heures apres minuit dans le champ de bataille, sur l'aduis qu'il auoit du secours qui deuoit arriuer, en suite de quoy se passa l'action qui suit, & projecta le sieur de la Force secourir Tonnins en ceste sorte.

Après donc que ledit sieur de la Force eust failly sa dernière entreprise sur Bergerac, y ayans laissé les eschelles & six basteaux, qui auoient porté ses troupes, tira hors tous

Entreprise des
ennemis sur
Bergerac mais
en vain.

les hommes qu'il peut de sainte Foy, Montflanquin, & de la campagne, & se rendit à Clerac, conjurant tous les amis de l'assister à faire un effort, pour secourir le sieur de Montpoullan son cher fils, le Vicomte de Castets, & ceux qui les assistent dans les villes de Tonnins, au nombre de douze cents, les meilleurs hommes qu'ayent les rebelles en Guyenne, la plupart sortis de Montauban, soit en levant quelque quartier de l'armée royale luy donnant d'un costé, & les assiegez d'un autre: soit faisant voye pour se retirer en seureté à Clerac, ou en tout cas leur donner quelque rafraischissement de viures & munitions.

Durant quatre ou cinq heures les nostres eurent à toute heure des allarmes, voyant paroistre quelque troupe des ennemis, & des signaux de leur costé au dedans la ville, de sorte que ledit Seigneur Duc passa toutes les nuicts & bonne partie du iour iusques à la nuict du Vendredy au Samedy vingt neuf & trentiesme Auil en armes dans le champ de bataille, en ne prenant que quelque heure de iour pour le soulager, estant le plus assidu de toute l'armée, mesme monsieur le Marechal de Themines tant que la santé luy permit.

Le Vendredy 29. les ennemis parurent tout le iour sur la montaigne du costé de Clerac, ce qui, ioint aux diuers aduis de leur dessein, & des incommoditez des assiegez, qui auoient parlementé les iours precedens, fit passer

1622.

Dessein du
sieur de la
Force pour
secourir Ton-
nins.

Allarmes fre-
quentes au
camp.

1622.

aux nostres tout le iour & la nuit en armes pour les recevoir n'ayant pas esté iugé à propos de s'esloigner du siege pour les attaquer, & sur les deux à trois heures du matin du samedi, chacun alla chercher du repos en son logement, laissant la garde ordinaire dans le champ de bataille, ledit Seigneur Duc se retira au sien où il se reposa iusques environ sur les quatre à cinq heures.

Armée du
sieur de la
Force veut
surprendre
Monsieur
d'Elbœuf.

Cependant monsieur de la Force estoit party de Clerac sur les 9. heures du soir dudit vèdredy avec toutes ses forces composées de huit cens chevaux, & quinze cens hommes de pied, & au lieu de tenir le chemin de Clerac à Tonins, ils firent vn grand circuit pour se rendre dans le chemin qui vient de Gontauld à Tonins, trauesant le bois de la Gauterenque distant d'une volée de canon du bas Tonins, leur infanterie marchant la premiere, suiue de leur Cavalerie, diuisée en 3. escadrons: celui de la droite commandé par le jeune Marquis de la Force: celui de la gauche par le marquis de Boursoles: & le troisieme du milieu par Monsieur de la Force pere, marcherent en tres-bon ordre s'aduançans en diligence vers le champ de bataille dudit Duc avec mine de vouloir combattre.

Ils sont de-
couverts.

Sur les 4. à 5. heures du matin du Samedi 30. lesdits ennemis furent apperceus, ainsi qu'ils faisoient alte, logeans leur infanterie dans vn chemin qui respond à la pointe du bastion de Tonins, au dessous du costé de Marmande, qui est tellement enfoncé, que

le Soldat y estoit presque à couuert saufla teste : quelques-vns des Soldats dudit Duc les ayans veus vinrent crier l'alarme dans le quartier : aussitost chacun s'esueilla sans auoir la peine de demander bottes ny esperons, que l'on ne quitte point en tel lieu, & regardans par les fenestres, on voir les ennemis s'aduançans du costé dudit bastion.

Monsieur le Duc d'Elbœuf esueillé, se leue sur cest aduis, queluy donna mesme vn de ses cheuaux legers, mer la teste à la fenestre, les void, monte incontinent à cheval sans esperons ny cuirasse, avec sa camifole & son bonnet de nuit, va dans le champ de bataille avec cinq ou six de sa maison, sans prendre le téps de s'armer auparauant que partir, afin d'auoir plus de temps pour donner l'ordre necessaire aux gens de guerre, & pendant qu'un chacun s'assembloit, il ordonnoit ses bataillons, exhortant tout le monde à bien faire, à quoy veritablement il donnoit exemple à tous.

Quelques coureurs ennemis s'aduancerent asses prez dudit bastion, où ils rencontrent monsieur le Vicomte d'Arpajoux, assisté des sieurs S. Chamaran, Perdigal, Lefartas, Brigantin & autres volontaires en nombre de dix à douze, lesquels de prime abord les croyoient des nostres, mais ayant apperceu la liurée ennemie vne seruiette en manteau de Pellerin, les chargerent si rudement qu'ils en estendirent trois sur la place, & contraignirent les autres de se retirer dans le gros.

1622.

Vigilance admirable du
Duc d'Elbeuf

Liurée des
ennemis vne
seruiette en
manteau de
Pelerin.

1622.

Dans le champ de bataille estoient re-
stez deux bataillons de gens de pied, qui y
auoient passé la nuit, avec lesquels on fit
bonne mine, & demurerent en presence de
l'ennemy plus d'vne heure tousiours escar-
mouchans, & à moins de 50. pas les vns des
autres.

La pluspart de nostre armée s'estant rangée
dans le champ, fut mise en ordre de combat
à 60. pas desdits ennemis.

Les ennemis
ont peur &
veulent fuir.

Monsieur le Duc d'Elbœuf vouloit atta-
quer leur gros, mais quelque Capitaine luy
representa qu'il y auoit à craindre que s'esloi-
gnant du siege, les assiegez fissent quelque
effort, ce qu'ayant vn peu fait subsister ledit
Seigneur, on iugea à la contenance des enne-
mis qui se rallioient & se retiroient, qu'ils n'a-
uoient enuie de venir aux mains, ains de faire
retraite: ce qu'ayât veu ledit Seigneur prit re-
solution de les attaquer, & alors monsieur de
Vignoles mareschal de camp, tres sage &
courageux Cheualier cria hautement qu'il
estoit temps de donner pendant que ledit Sei-
gneur, qui s'estoit le plus aduancé au champ,
donnoit ordre à faire rafraichir & combattre
sa Caualerie & son infanterie, & luy mesme
au premier signal s'estoit desia meslé & auoit
essuyé sans armes toutes les mousquetades
des ennemis, & estoit comme à propos qu'il
en vlast de la façon, à cause que les soldats &
gens de guerre demandoient à le voir à toute
heure.

Le Duc d'El-
bœuf fort che-
ry de ses sol-
dats.

C'est ordre ainsi donné, ledit Seigneur s'ad-

de la Rebellion de France. 191

uança, encore plus auant vers la cauelerie ennemie, & commanda au sieur de la Poyade, Lieutenant de la compagnie de M. le Marechal d'Aubeterre, & au Lieutenant de M. de Vernueil d'attaquer l'Infanterie, laquelle leur fit vne saluë de bien pres : & de plus faisant marcher quelque 4. à 5. cens mousquetaires & piquiers soustenus de quelque caualerie, contraignirent ladite infanterie de reculer, qui augmenta le courage aux nostres, qui les repousserent si vaillamment qu'ils leur firent quitter le champ de bataille, & poursuiuyrēt iusques dans ledit bois de Gauterenque : il en demeura des leur plus de 400. cens 50. sur la place tant en la campagne en se retirant & combattant que dans ledit bois, plusieurs furent arrestez prisonniers, entr'autres 4. Capitaines 4. de leurs drapeaux pris, & le reste de leur armée se retira en tres-grand desordre.

1622.

Ordre en l'armée du Roy pour combattre les ennemis.

Nombre des tuez.

Drapeaux pris.

Voilà l'ordre de la bataille qui fut gagnée, & le champ d'icelle demeuré au roy, en laquelle on a perdu peu d'hommes, le nombre n'en est que de 14. à 15. personnes de qualité tant tuez que blesez.

Entre ceux qui se signalerent en ce combat, sur tous fut à loier la valeur & vigilance de Monsieur le Duc d'Elbœuf, qui fut des premiers à cheual, animant vn chacun plus par son exemple, que par sa voix se meslant fort auant parmy les ennemis.

Valeur de Monsieur le Duc d'Elbœuf.

Monsieur le Marechal de Themines, son courage & son ardeur à combattre surmōtant sa debilité & l'ardeur de sa sieure, poursuiuit

1622.

Courage du
Mareschal de
Themines.

les ennemis iusques dans le bois, où il fut surpris d'une defaillance, qui contraignit de le coucher à terre pour prendre quelque repos. Monsieur de Vignoles mareschal de camp, & Messieurs d'Ambre oncle & nepueu, signalerent leur courage & leur conduite en vne action si importante.

Sortie des assiege
pendant
le combat.

Perte des
nostres.

Les assiegez croyans que les leurs eussent quelque grand aduantage sur les nostres qu'ils voyoient esloignez du siege, firent vne sortie vers le quartier de Monsieur du Bourg Mareschal de camp, tres experimenté Chef de guerre resté pour la garde dudit siege; où ils furent repoussez fort rudement par luy, & sortirent enuiron 400. des plus lestes mieux armez, du costé des tranchées & du bastion gardé par les compagnies des Regiments de Piedmont & de Picardie: d'abord ayant porté quelques vnes des nostres par terre, le reste des soldats prenans l'effroy, abandonnerent leurs Chefs, qui furent tuez combattans vaillamment: les ennemis cependant demeurent maistres de la tranchée & du bastion fors ce que ledit sieur du Bourg gardoit qu'il n'abandonna iamais, se doutans qu'ils ne le garderoient guere, bruslerent tout ce qu'ils trouuerent en celieu, & despecerent les affuts de trois pieces d'artillerie, en ietterent deux dans le fossé, & vne dans la riuere.

Soudain Monsieur le Duc d'Elbeuf retourna de la poursuite des ennemis, & alors avec bon nombre de gentils-hommes volontaires, Capitaines & soldats, regagna les tranchées

chées qui auoient esté prises, excepté le bastion, mais reprenant ses postes le soir du mesme iour, ille regagna où des ennemis furent encore tuez quelques six vingts, & des nostres quelques 25. ou 30.

Ce soir mesme dudit Samedy parut encore ledit sieur de la Force entre Clerac & ledit Tonnins faisant contenance de reuenir au secours des assiegez, & pour ce suiet ledit Seigneur Duc d'Elbœuf, monta à cheual, & enuoya aduertir tous les gens de guerre de se trouuer au champ de bataille pour attédre, ce que voyant les ennemis, ils changerent de dessein & se retirerent.

Et ainsi voyla ce qui se passa de memorable en ce combat, qui dura depuis le matin trentiesme Aueil que les troupes furent en presence iusques à ce que l'on fust de retour pour regagner les postes, qui dura trois heures.

Où est à remarquer que l'abandonnement fait par les soldats dudit Seigneur Duc à la sortie des ennemis, qui regagnerent ledit bastion, enhardit lesdits assiegez de donner dans le bas Tonnins, que ledit Seigneur Duc tenoit, & fort proche de son logis; & de plus la fuite desdits soldats causa celle des marchands viuandiers & officiers de l'armée, qui remplirent les villes prochaines du bruit que le siege de Tonnins estoit leué, & l'armée dudit Seigneur Duc deffaicte: mais le mesme iour la pluspart y retournerent, s'estans rassurez du contraire.

Viandiers de
l'armée du
Roy fuyent &
prennent l'es-
pouuente sur
vn faux bruit.

1622.

Seigneurs Capitaines & soldats tuez du costé du Roy en ce combat.

Entre ceux qui perirent du costé du Roy en ce combat contre les ennemis rebelles, furent monsieur d'Ambre Marechal de camp de Monsieur de Themines, & vn sien nepueu, tuez en poursuiuant genereusement la troupe du sieur de Basoles, vn frere du sieur de Hautefort y fut aussi tué, le Marquis de la Douze grieuement blessé, le sieur de Bôneual Capitaine d'une compagnie au Regiment de Picardie, deux Lieutenans du regiment de Cursion, scauoir les sieurs de Belhade & Plainpoing, & le sieur de Casans furent tuez combattans fort vaillamment, le sieur de Clairry ayde de camp y receut vn coup de mousquet dans le corps, & outre iceux quelques soixante soldats au plus de tuez & autres blesez: c'est succinctement ce qui s'est passé au siege de Tonnins, iusques à sa reduction, dont nous parlerons cy apres, & de toute la guerre qu'a mené ledit sieur de la Force contre monsieur le Duc d'Elbœuf en la basse Guyenne. Voyons cependant ce que les rebelles font ailleurs, & l'ordre que l'on donne pour en reprimer l'insolence.

Pendant que ces exploits se font ainsi en la basse Guyenne par M. le Duc d'Elbœuf contre le sieur de la Force & les rebelles durant ces quatre premiers mois de l'année presente (guerre que j'ay poursuiue sans interruption iusques à sa fin, pour faire voir la belle conduite des armes du Roy par ledit seigneur Duc) comme la rebellion parut aussi en mesme temps prodigieuse en diuers autres lieux de ce Royaume; aussi contre les excez & desseins des

auteurs & entrepreneurs se sont trouuez des Chefs & Capitaines affectionnez au seruice du Roy, qui ont empesché leurs entreprises, & beaucoup rabatu del'audace de ceux qui se promettoient grandemēt profiter de l'absence du Roy en la haute Guyenne & dans le Languedoc. De sorte que si dans la basse Guyenne le Seigneur de la Force surprend, rauage, assemble gens de guerre & execute les Commissions de l'assemblée de la Rochelle, dans la haute, le Duc de Rohan ne proiette pas de faire moins d'exploits si le pouuoir esgale sō dessein & sa bonne volonté.

Durant le premier mois de Ianuier il ne se peut dire avec combien de prudence Messieurs le Duc d'Angoulesme & Marechal de Themines referrent les Rebelles dans les campagnes de Montauban & autres lieux, sans qu'ils osent paroistre qu'avec le peril d'estre pris ou d'estre massacrez & par les gés de guerre & par les payfans: les petites villes voisines de cette mere rebelle Montauban, seruent de logement à l'armée de sa Majesté laissée en ce pais pour l'incōmodité de ses ennemis. Quelques vnes plus opiniastrs que les autres ne se voulurēt rendre des premieres susceptibles, des graces & misericordes du Roy, & voulurent disputer l'ouuerture de leurs portes, & voir quātité des murailles reuerfées à leurs pieds auant que de se rendre: ainsi se voulurēt faire chatoïller les rebelles de Borniquet & de Negrepelisse qui faisoient minē ne vouloir obeir aux menaces desdits Seigneurs Duc

Montauban
presté par le
Duc d'An-
goulesme &
Marechal de
Themines.

1622.

Siege de Negreplisse par le Duc d'Angoulesme.

Siege de Bourniquet.

Sa reduction.

& Marechal, en telle sorte qu'ils furent contraincts d'y aller en personne avec le canon.

Negreplisse, perd le courage de se mettre en defence, sur la meffiance qu'elle a de la foiblesse de ses murs, se rend & obeit, mais en dissimulée, n'estant pas possible de voir vn peuple plus traistre & desloyal que les habitans de cette place, ils se rendent donc par apprehension du chastiment que dès lors ils eussent hazardé en leur subsistance trop folle, & reçoient trois cens hommes de garnison Royale, ausquels ils feront chèrement payer leur giste, comme il se verra cy-apres.

Bourniquet, plus asseuré que Negreplisse, se fiant à la force de son chasteau, & à l'ayde d'une petite garnison promet de la resistance, mais qui ne dura guiere, lesdits Seigneurs la font inuestir de 2. mil hommes de pied, y font mener le canon, & la font battre l'espace de quelques iours que ceux de dedans se defendirét d'une assez bone sorte, les breches faites les estonnent pourtât & la disposition que l'ô fait pour y donner l'assaut les resoult bien tost à demander pardon de leurs fautes, & à chercher la forme la plus honorable de sortir de là & en ceder la possession au roy: on les reçoit à vuidier de la place armes & bagage sauues, la meche esteinte toutefois & en persônes vaincues, la ville ainsi renduë, le chasteau qui faisoit encore mine de se faire battre, suivit incontinēt apres: la garnison du roy y establie, M. le Duc d'Angoulesme recognoissant que tout estoit asseuré contre Montauban, laissé la

garde de l'armée & du païs entre les mains du mareschal de Themines, & retourne en Cour à paris, pour y receuoir les nouueaux commandemens du roy.

En mesme temps toutefois le Duc de Rohan, ne dort point, fait ses retraites en Renard, & voudroit bien conquerir quelques places qui peussét recôpenser la perte de celles qu'il auoit nouuellement reprises sur les siens.

Et de fait de pité de l'affection & fidelité de ceux de la ville de Caussade en Quercy, qui faisâs de bôseruices au Roy, auoiét esté cause en partie de la reductiô de la ville de Negrepelisse s'efforce d'en tirer vengeance, proiette le moyen de surprêdreladite ville de Caussade pour y traiter les habitans à sa discretion.

Pour venir à bout de ce dessein il delibera de leur enuoyer le sieur de la Gasquerie, Capitaine, de Castres, avec lettres missiues adressantes aux Cōsuls de la ville, leur remōstrant que ce n'estoit la promesse qu'ils auoiét faite, lors del'assemblée de la Rochelle, que s'ils auoiét esté les motifs de leur reduction, que pour cela il n'en estoit pas irrité, ny mesmes n'auoit aucune dêt de lait cōtre eux: Mais qu'il y auoit encor bon remede, les supplians de vouloir parler à plusieurs de la ville, afin de leur faire recognoistre leur faute, au grand regret dudit sieur de Rohan, remonstrant qu'ils se pourroyent aisément deffaire de la garnison, laquelle estoit demembrée d'un bon nôbre de soldats. Et que ce seroit vn affaire pour y acquerir de l'honneur. Les Consuls firent

Pretention du
Duc de Rohan
sur Caussade en Quercy.

1622.

la sourde oreille aux sermons dudit Duc, tellement que cela l'irrita plus que iamais, delibérant de les aller attaquer à cette occasion. Surquoy il resolut de s'acheminer du costé de S. Antonin, avec sept cens hommes tant Caualerie, qu'Infanterie. Estant arriué à ladite ville de S. Antonin, il fit vn gros de 16. cents hommes, ayant choisi les meilleurs soldats des troupes qui estoient dans ladite ville, pour aller surprendre, escallader, & petarder ladite ville de Caussade, seldites trouppes commandées par les sieurs de Ballaguiet, Gouverneur dudit S. Antonin, de Montbetou, de Regniez, de Berlhac, & autres.

son dessein est
decoquert.

Ordre donné
pour les em-
pescher.

Le Comte de Vaillac, estant à la ville de Queillus de Bonnette, fust aduertý par certain de ladite ville de S. Antonin, que le sieur de Rohan auoit fait leuée d'vn grand nombre de gendarmeries, se doutant aucunement que c'estoit pour aller attaquer ladite ville de Caussade. Ce qui occasionna ledit sieur Côte de Vaillac, d'en donner aduis au sieur du Pignet, Gouverneur de ladite ville de Caussade, afin de les aller receuoir, & que pour luy il se rendroit avec son Regiment à Sept-fonts, pour leur donner en queue.

Le 7. Ianuier le sieur de Rohan sortit dudit Sainct Antonin, avec le gros de sa gendarmerie, pour s'acheminer vers ladite ville de Caussade, y emmenant quant & luy, eschelles, & petards, afin de pouuoir effectuer son dessein.

Le sieur du Pignet, ayant receu la depeche

du sieur de Vaillac, en aduertit promptement Monsieur le Marechal de Themines qui estoit pour lors à Cahors. Ledit sieur Marechal escriuit aussitost aux Capitaines, qui estoient en garnison, ez villes de Montpezat, Monricouz, Bourniquel, & Negrepelisse, leur commandant de prester ayde, & faueur à ceux de Caussade, & que le Comte de Cabrairets conduiroit les leuées qui seroient faites à cet effect.

Le nombre du secours que l'on enuoyoit pour la ville estoit de dix sept à dix-huict cents hommes tant Caualerie, qu'Infanterie, lesquels se camperent, partie au bois du Duc de Sully, distant de ladite ville vn demy quart de lieuë: & le reste au long de la riuiera.

Ledit sieur du Pagnet, fit entrer de nouuelles forces dans Caussade pour le bien preparer, afin de les receuoir. Le neufiesme Ianuier, entre deux & trois heures de matin les ennemis firent les aproches: dresserent leurs eschelles vers la porte du Temple, & entrerent dans le Temple, enuiron trois cens hommes, & enuiron deux cents qui estoient dessus les murailles, attendant que les petards eussent ioué.

Les Capitaines de la place ayans fait barricader toutes les aduenues des ruës, & braqué plusieurs pieces de campagne, entendant crier *Vive Rohan*, ville gaignée, tuë, tuë, firent iouer leurs pieces, se ruèrent sus, & en mirent par terre plus de deux cens: le reste se sauua,

Gens du Duc de Rohan defaits dedans & dehors Caussade.

1622.

& se jettent du haut des murailles en bas.

Le secours de dehors entendant les moufquetades qu'on tiroit dans la ville, s'approchèrent, & rencontrant l'ennemy dehors, se ruèrent sus, & les mirent en desroute, en coucherent près de six cents par terre, prirent prisonniers plusieurs Capitaines, & Genti's-hommes, & vn bon nombre de soldats. Entre ceux qui y furent tuez, sont les sieurs de Berlhac, de Cauagnac, de la Gasquerie, de Landes, son frere, de Raymond Capitaine, de Salignac, & plusieurs autres.

Le nombre des prisonniers furent les sieurs de Ballaguietz Gouverneur dudit S. Antonin, de S. Amans, de Rouïre. Les Capitaines furent, de Iourde, Thomas, du Mas, la Bergantiere, & du Puys.

Il fut tué des nostres enuiron quelques 60. & quelques vns qui furent blesez assez legerement.

Le sieur de Vaillac fust bleffé à la cuisse gauche, d'vn coup de Carabine, le Baron de Saint Scirc, d'vn coup d'hallebarde au deffaut de la cuirasse, & le Marquis Capitaine, d'vn coup de coustelas sur la teste.

Les nostres poursuuirent l'ennemy plus d'vne grandelieuë tousiours tuans & abbattans.

Les prisonniers furent menez partie à Cahors, & le reste à Queillus de Bonnette.

Nombre des
morts & pri-
sonniers.

tuez & blesez
du costé du
Roy.

Et ainsi l'entreprise du sieur de Rohan estant mal fondée & iniuste, a tourné à sa confusion & à la ruine totale de ceux qui l'assistèrent en ce dessein: sa fuite fut déplorable entre ceux de son party, mesmes es familles dequelles il auoit enleué les chefs, les ayans amorcéz de vaines esperances, ayant fait quitter à vne partie de la Noblesse qui l'assistoit en cet affaire, le seruice du Roy, pour suivre les passions.

En ceste desroute, ceux du pays de Quercy & d'Albigeois, furēt si encouragez à la poursuite dudit Duc de Rohan, qu'avec peine il passa la riuere du Tarn pour se ietter dans Bristeste, estant suiuy & galoppé par Monsieur l'Euesque d'Alby & le Comte d'Aubijoux, accompagnés de force caualerie & Infanterie, qui luy taillerent en pieces bonne partie de ses gens, & du depuis n'a plus rien voulu entreprendre sur le Quercy.

Cette deffaiſte diminua grandement les troupes dudit Duc de Rohan: c'est pourquoy apres cecy sa principale pensèe fut de solliciter ses amis pour luy enuoyer des troupes, & ietteles yeux de toutes parts sur ceux qu'il croit luy prester faueur pour sesdites leuees: mais il est si malheureux en tous ses desseins, que la pluspart de ses leuees sont defaites auant qu'elles soient arriuees iusques à luy.

Duc de Rohan fait de nouvelles leuees.

En ce temps là monsieur de Masargues Gouverneur de la ville & Citadelle du Pont du sainct Esprit, estât aduertý que les rebelles

1622

De Faite de
six cens hom-
mes leuez
pour luy en la
principauté
d'Orange par
le Gouver-
neur du Pont
du S. Esprit.

de la Religion pretendue reformée enuoyoiēt six cens hommes d'armes aud it sieur Duc de Rohan, qu'ils auoient leuez en la principauté d'Orange, afin de les faire ioindre & mener audit Seigneur qui les attendoit en la ville d'Alez és Seuenes, où il faisoit amas de nouuelles forces, tous lesquels six cens hommes, ainsi comme ils tiroient au port de Bouretsar, qui despend de ladite principauté d'Orange & de la riuere du Rhosne, ledit sieur de Malarques en donna prompt aduis au sieur d'Anthomarie, sien Capitaine le priant de faire tenir prests deux cens mousquetaires, pour aller attendre ces troupes dans vne Isle qui est de là la riuere, & sur les terres du Languedoc, avec vne freguatte garnie de cinquatre hommes d'armes pour leur donner en queue.

Ce commandement fait, ledit sieur d'Anthomarie se met en deuoir de l'executer avec vne industrie & prudence telle que les ennemis ne s'en peurent iamais douter, de maniere qu'allans pour passer ledit port pour s'acheminer en Alez, furent receuz & sauez d'une telle façon tant par lesdits deux cēs mousquetaires logez en l'Isle que dessus, que par ceux qui les suiuiot en queue dās ladite freguatte, que de six cens hommes de guerre qu'ils estoient il n'en resta aucun qui ne fust ou tué, ou blessé, ou prisonnier, la charge fust faite le 10. Feurier au soir bien tard, rien n'estant plus favorable aux vainqueurs que le Ciel.

Cela donna vne telle alarme aux villes &

bourgs voisins de là ; notamment à la ville de Roquemaure, queles troupes qui estoient dedans en garnison, firent vne sortie sous la conduite d'un Capitaine nommé monsieur Rigaud qui ne se fust si tost mis en chemin pour secourir les nostres qu'il fit rencontre de quelques coureurs, qui venoient du costé d'Vfiez, lesquels croyans euter les dangers qu'ils couroient, s'aduiferent de crier *Vive le Roy*, Mais ce Capitaine autant expetimenté au fait des armes qu'aucun autre qui se puisse presenter, scachant queles rebelles vsent ordinairement de cette ruse, lors qu'ils se voyét surpris & les plus foibles, nonobstât leurs cris encouragea ses soldats, leur disant, compagnons, tue, tue, ce sont des ennemis du Roy, alors l'on tira force mousquetades sur eux, & les mit on en tel desordre, qu'ils se rendirent à discretion, crians misericorde.

Sur ces entrefaites & sur cette allarme arriva le sieur de Vernet, autrement dit le Capitaine de la Casa Conaria natif de Bolene, dependant du Comtad d'Auignon, qui estoit dans vn batteau assisté de cinquante mousquetaires & de quarante piquiers, qui en cette occasion voulut faire preuve de son courage pour le service du Roy, car ayant mis pied à terre il passa sur le ventre de tous ceux qui se rencontrerent deuant luy, & non content de ce, ayant eu aduis que trois cens hommes estoient sortis d'Vfiez, pour recevoir lesdits six cens hommes leuez en la principauté d'Orange,

1622.

Coureurs
d'Vfiez dé-
faits par ceux
de Roque-
maure.

Ardeur du
sieur de Ver-
net.

pour le Duc de Rohan, & lesquels ils ne scauoient pas qu'ils auoient esté deffaits, ledict sieur de Vernet delibera de les attaquer, mais ledit sieur d'Anthomarie qui cognoissoit les dangers qu'il eust peu encourir, courut apres luy, & fit tant qu'il le fit retourner & l'empescha de se perdre.

Or pendant ce temps la paix n'est point tellement establie en Dauphiné, que plusieurs rebelles du pays, ne se ioignent à la faction du sieur de Blaçon, & ne se iettent avec luy dans les villes du Pousin & de Bays sur Bay, sur le Rhosne au pays de Valentinois, ce qui fit prendre promptement les armes au Duc l'Esdiguieres pour contraindre lesdits rebelles d'obeir au Roy, & remettre ces places en l'obeissance de sa Majesté.

Rebellion de
Pousin & de
Bais sur Bay
par le sieur de
Blaçon.

Ledit sieur de Blaçon qui s'estoit enfermé dans le Pousin avec d'autres rebelles, & qui y vouloient maintenir vne faction contraire au service du Roy, & repos de ses subiects, endommagerent grandement le pays, & ne voulans receuoir les commandemens dudit sieur Duc de l'Esdiguieres, disoient qu'ils ne dependoient de son Gouuernement de Dauphiné, mais plustost du Viuaretz, & partant du Languedoc, & ne rendroient les places que selon la deliberation des Eglises pretendues de Nismes, Montpellier, & d'Vfez.

Le Duc de l'Esdiguieres irrité de cette insolence, prenant ces termes de leur responce pour suiet de refus, se resolut de les aller assie-

ger, ioint que tenant par icelle le passage du Rhosne, ils empeschoient le commerce de Lyon & de tout le pays.

Il part donc sur la fin du mois de Feurier pour aller mettre le siege deuant la ville du Poufin, dedans lequel les ennemis s'estoient grandement retranchez & fortifiez; il y arriue avec six mille hommes de guerre, se fournit de canons & de munitions necessaires dans Valence, & inuestit la place en sorte qu'il leur oste le moyen d'estre secourus du Languedoc comme ils esperoient. La batterie fut promptement dressee sur vne colline que ledict sieur Duc gaigna sur les ennemis, & laquelle commande grandement à la place.

Pendant ce siege, les rebelles suscitez à ce faire par pratiques dudit sieur de Blacon, & par le Cercle du Languedoc proiettoient secourir cette place, & venoient en nombre de quatre à cinq cens hommes pour se ietter dans le Poufin, mais le Duc l'Esdiguières ayât eu aduis de leur arriuee, enuoya au deuant d'eux quelques compagnies de Caualerie & quelque nombre d'Infanterie conduits par le sieur Comte de Plaisan qui les alla rencontrer dans vn petit vallon fort estroict trauersans le Viuaretz, les chargea si furieusement qu'il les mit tous à vauderoute & en desordre apres auoir couché bas près d'vn cét, bien autant de bleffez, quantité de prisonniers pris & deux pieces de canon, & leurs drapeaux portez audit Duc l'Esdiguières, le reste de celdites

1622.

Duc de l'Es-
diguières va
assiéger le
Poufin.

Secours y ve-
nant du costé
du Langue-
doc deffait.

1622.

Plusieurs pen-
dus aux ar-
bres.

Batteries re-
doublées à la
ville & Cha-
steau de Pou-
sin.

troupes rebelles ainsi leuées pour le secours du Poustin és enuirs de Nismes, Aiguemorte & Lunel par les pratiques dudit sieur de Blacon & du sieur de Concoules, ainsi rompuës, le reste qui demeura se sauuerent dans le Comté Venaissin, auquel lieu ils se rallierent, pour volder & rauager presséz par la famine & necessité, qui fut cause que les Preuosts faisans leurs courses & cheuauchees sur eux, en surprirent iusques au nombre de 24. qu'ils pendirent sur le champ aux branches des arbres, beaux fruits d'exemple pour seruir de memorial à semblables rebelles.

Durant cecy on ne laissë pas de poursuire le siege dudit Poustin : la seconde iournee de la batterie, les canons dudit sieur Duc commencerent à donner plus furieusement que le iour precedent, trois desquels tirerent furieusement sur le Chasteau, & trois autres sur la ville qui firent de grandes ruines aux bastions, & breches raisonnables pour donner vn assaut, les batteries contre le Chasteau firent aussi de tres-grands effects, car ils rompirent le pauillon & deux tours qui en estoiet fort proches, la demolition desquelles, remplirent & comblèrent presque de leurs ruines les fossez qui estoient autour dudit Chasteau.

Ainsi donc la ville fort furieusement battüe par le canon dudit sieur Duc, breche s'en ensuiuit, comme dit est, laquelle fut iugée aucunement raisonnable & capable de donner vn assaut.

Cest assaut fut donné par ordonnance dudit sieur Duc General, le sieur de la Grange l'entreprit courageusement, & donna tout le premier avec son Regiment de gens de pied : les ennemis furieusement assaillis, se defendent comme gens pour lesquels il ny alloit que de leur vie & s'opiniastrent de telle sorte à la resistance & avec tant de rage qu'ils repoussent ledict sieur de la Grange avec perte de beaucoup de leurs gens, & de quelque nombre des nostres, entre lesquels fut blessé d'une moulquetade ledict sieur de la Grange, ce qui le retint grandement en son courage : l'assaut fut continué & soustenu par monsieur le Comte de Tallard, qui fit certes fort valeureusement en ceste occasion, car il contraignit les ennemis de se retirer, & gagna par trois fois la muraille, suiuy qu'il estoit d'un sien braue Sergent qui monta trois fois sur la bresche, il fut finalement tué, & ne fut possible de passer plus outre pour la grande resistance des assiegez qui retournerent avec toute furie à la defence de leur bresche qui fut cause que l'on se retira, d'autant que la bresche n'estoit assez ouuerte pour s'opiniastrer davantage à un nouuel assaut.

En fin la batterie estant prestee de iouir de rechef, & ledit sieur Duc ayant fait construire un fort, le sieur de Blacon avec les siens demanderent à rendre la place sous quelque composition : apres plusieurs sortes de refus & beaucoup de contestation, estant la

1622.

Assaut donné
mais repoussé
avec perte
des nostres.

1622.

ville importante & forte, leur a esté accordé ce qui suit.

1. Que ledit sieur de Blacon sortiroit de ladite ville de Poussin armes & bagages sauves, & auroit la ville de Bays sur Bay en Gouvernement.
2. Que les Gouverneurs de ladite ville & Chasteau dudit Poussin chagez par ledit sieur Duc de l'Esdaiguieres, seroient neantmoins de la Religion pretenduë reformee.
3. Comme aussi que les garnisons qui seroient establie esdits lieux, ne seroient d'autre religion que de la religion pretenduë reformee.
4. Que pour le Bays sur Bay pareilles conditions seroient obseruees en la reddition d'icelle.
5. Et finalement qu'il ne seroit fait aucun tort ny dommage aux habitans desdites places tant en leurs personnes qu'en leurs biens & familles.

Ainsi le Poussin fut rendu de la sorte le Ieudy dix-septiesme Mars dernier sous les conditions que dessus accordées sous le bon plaisir du Roy, & mit ledit sieur Duc de l'Esdaiguieres pour Gouverneur du Chasteau dudit Poussin, le sieur d'Allons Gouverneur de Serres en Dauphiné, qui est de la religion pretenduë reformee, & pour Gouverneur de la ville le sieur de la Roche de Grane, aussi de la religion pretenduë, avec des garnisons de mesme, toutesfois sous le bon plaisir du Roy.

Pour le fort que ledit sieur Duc a fait bastir au Poussin, il resta gardé par le Régiment de Moncha.

Quant au Bays sur Bay il fut rendu à mesme condition que Poussin, aussi ne pouuoit-il pas tenir apres la reddition dudit Poussin, le Duc de l'Eldiguieres y mit ledit sieur de Blacon pour Gouverneur, l'indulgence & courtoisie dudit sieur Duc enuers cet homme sera cause qu'il en abusera, & fera derechef du rodomôt en ces places, qu'il fera reuolter encore vne autre fois, & en fin en sera deposseédé par ledit sieur Duc, cela se verra cy-apres en son lieu.

Pour retourner aux affaires de la haute Guyenne, les extremes rigueurs de l'hyuer ayant esté incommodés aux armées, monsieur le Duc d'Angoulesme retournant à Paris laissa les troupes qu'il auoit és enuiron de Montauban, entre les mains de monsieur le Marechal de Themines, qui en prit vne partie, & s'en alla ioindre monsieur le Duc d'Elbœuf en la basse Guyenne, & ne fut pas ledit sieur Marechal si tost hors du Quercy, que ceux qui estoient és villes de Figéac, Cadillac, Cariac, Cadénac & autres lieux dans Rouergue, commencerent à s'entrecourir sus, tant Catholiques qu'autres de la Religion pretendue, de quoy le Roy ayant eü aduis escriuit au Duc de Sully la lettre qui s'ensuit à luy enuoyee par le sieur de Morillon.

Tome II.

1622.

Reduction de
Bays sur Bay.

Troubles en
Rouergue &
Quercy.

1622.
Lettre du
Roy, enuoyée
au Duc de
Sully, à Ca-
denac.

Mon Cousin l'affection que ie porte au repos & soulagement de mes subiects, me donne occasion de vous escrire ceste cy, pour vous dire qu'ayant du desplaisir des ruines & desolations que les habitans Catholiques de ma ville de Figeac, comme aussi ceux de la Religion pretendüe reformee de ladite ville, & des enuirs, recoiuent des gens de guerre; l'auray bien agreable que vous y apportiez ce qui sera de vostre authorité pour les faire viure en paix & tranquillité les uns parmy les autres, comme ils ont cy deuant fait, suivant mes Edicts. En quoy vous employant avec soing & sincerité, comme ie desire, ie donneray ordre à mon Cousin le Marechal de Themines d'y contribuer de sa part ce qui dependra de luy, en sorte que mes subiects en recoiuent du soulagement, & que mon autorité y soit maintenüe. & n'estant ceste cy pour autre subiet, ie prie Dieu, mon Cousin, vous auoir en sa sainte garde. Escript à Paris, le 6. Mars 1622.

Signé,

LOVYS.

Et plus bas

PHÉLIPEAUX.

Ledit sieur Duc de Sully ayant receu cette lettre du Roy, & veu la commission que sa Ma. esté luy donne par icelle pour empêcher ce desordre des gens de guerre & soulager les peuples de Cadenac & Figeac, en escrit aussi tost au sieur de Pibrac que monsieur le Marechal de Themines auoit laissé au pays avec vn Regiment, lors qu'il s'alla

joindre à l'armée de monsieur le Duc d'Elbœuf en la basse Guyenne, & luy escriuant luy enuoye aussi copie de la lettre que le Roy luy auoit écrite, afin que sur icelle, il luy enuoye ses bons aduis & conseils : il luy dit donc.

Monsieur, encore que vostre deuotion du iour de Pasques aye fait gaigner Paradis à quelques vns de cette garnison & de celle de Figeac, que contre mon aduis l'on auoit mis dans ce mal-heureux fort qu'on auoit fait à l'aduenné du port de Cadenac du costé de Roërgue, neantmoins regardant plus au bien general qu'à quelque particulière passion d'aucuns particuliers, à satisfaire aux volontés du Roy qu'à toute autre chose, & afin qu'il ne me puisse pas imputer qu'il y ait eu du marquement de mon costé, j'ay estimé estre à propos de vous enuoyer coppie des lettres que sa Majesté m'a écrites par le sieur de Morillon, expressement enuoyé vers moy pour le subiect desdites lettres, afin que vous me mandiez quels sont vos sentimens & résolutions là dessus. Si ie sçauois où est monsieur le Comte d'Ayen, ie luy donnerois semblable aduis, pour sçauoir aussi son intention : Et attendant la vostre ie vous baisseray les mains. De Cadenac, ce vingt-huitiesme de Mars l'an mil six cens vingt deux. C'est, Monsieur, vostre plus affectionné seruiteur signé, Sully, & au bas de la lettre à costé est écrit ; le sieur de Morillon est allé trouuer Monsieur de Themines, avec semblables lettres que les miennes, duquel j'attens la réponse.

1622.

Lettre du
Duc de Sully
au sieur de
Pibrac.

Et pour ce que cette lettre dudit Duc de Sully traite de quelques differents arriuez esdits lieux à l'occasion dudit fort, faut sçavoir l'histoire comme elle se passa.

La reprise de Tonnins & de Clairac, & les forces que les rebelles assembloient en la basse Guyenne, obligerent monsieur le Mareschal de Themines, Lieutenant general, d'aller à eux pour chastier leur temerité, & de laisser ce pays où il estoit, comme le lieu où les ennemis estoient les plus forts. Il se ioignist donc avec Monsieur le Duc d'Elbœuf pour reprendre Tonnins, & laisser en garnison és environs de Figeac, Cadeilhac, Cadenac & Cajarc, le sieur Pybrac avec son Regiment de dix compagnies, en huit lieux, les trois estant en Roüergue de delà l'eau, & le reste en Quercy.

Le sieur de
Pybrac se for-
tifie contre la
garnison de
Figeac.

Ledit sieur se voyant seul en ce pays, & foible, au regard des ennemis qu'il auoit en teste, qui estoient mille hommes de pied à Figeac, & deux cens chevaux avec les sieurs Comte d'Orual, & Vicomte de Charlus: & à Cadenac le sieur Duc de Sully, se resolut de fortifier vn moulin au dessous de la garnison de Faicelle, où il est au milieu des autres, & y fit mener tous les batteaux de la riuere de Lolt, pour fauoriser le passage de ses garnisons, & la communication du Roüergue avec le Quercy: tellement que les ennemis ne pouuant aller ne courir en aucun lieu sans passer pres de luy, l'alloient voir souvent, & ont tasché de l'attirer & le mettre dans

leurs embuscades, mais ils n'y trouuerent leur conte, & s'en retournerent sans effect avec perte: cependant il ne perdoit temps, & fit dessein de les voir de plus pres: & ayant fait recognoistre toutes leurs places, par ses Capitaines, & par luy mesme, se resolut d'entreprendre sur le fort que le Duc de Sully auoit fait faire au port de Cadenac.

Il se resolut donc aussi de le prendre ou d'y mourir, & perdre son Regiment: de sorte qu'ayant esté trouuer à cest effect le Comte d'Ayen, Seneschal du Rouerge; & l'ayant asseuré qu'il l'aduertiroit quand il voudroit executer son dessein, apres auoir fait charger quatre petards, & fait faire sept ou huit échelles, il donna à ses gens rendez-vous le iour de Pasques sur l'entrée de la nuit audict moulin & passage de la riuiere du Lolt, & pria le sieur de Moncla, Marechal de logis des cheuaux legers de la compagnie de monsieur le Marquis de Meruille, de venir avec le sieur de Saint Amans de Ribonnet, vn de ses Capitaines, qui luy emmena trente hommes choisis de chasque compagnie, suivant l'ordre qu'il en auoit donné.

Estans donc tous assemblez, sur la minuit ils s'y acheminerent, & ayant pris pour leur mot saint Pierre, & pour celuy de campagne Noailhes; d'autant qu'il auoit donné aduis au sieur Côte de s'y trouuer par le sieur Duchans, vn de ses Gentils hommes qu'il luy auoit enuoyé pour l'accompagner au rendez-vous qu'il luy auoit donné, le sieur

1622.

Veut attaquer
le fort du Duc
de Sully à
Cadenac.

Fort de Ca-
denac atta-
qué.

Comte se trouua deux heures plustost audit rendez-vous, & lassé d'attendre, voyant que le iour s'approchoit, & qu'il pourroit estre descouuert, laissa ledict sieur Duchams, & six des siens pour l'aduertir quand le sieur de Pibrac seroit arriué: mais la guide l'ayant fait passer vn get d'arbaleste plus bas, n'ayant rencontré ledit sieur Comte, ny les autres qu'il auoit laissez, il fit son ordre pour faire l'attaque, & ayant commandé au sieur de Marnac, Capitaine, avec ses gens, & le sieur de Carrey, enseigne de la compagnie de monsieur de Saubeterre, d'attaquer le flanc du fort de main gauche du costé de la descente de la riuere, aux sieurs de Iustarret, & de Gargas, Capitaines: Marguestaud, Lieutenant du sieur de Iustarret, Decrofes, du sieur de Gargas, & Dufaut, du sieur de saint Saluadou, d'attaquer l'autre costé du second fort vers la main droite sur le hauid de la riuere; au sieur de saint Amans, d'attaquer avec le sieur de Beray son Lieutenant, la teste du fort de main droite, que les susdits sieurs de Gargas & Iustarret, attaqueroient en flanc, & ledict sieur de Pibrac & le sieur Baron son fils, & le sieur de saint Pierre Lieutenant de la compagnie du maistre de Camp attaquent la teste du fort du costé gauche, que le sieur de Marnac attaquoit en flanc, apres auoir laissé ledict sieur de Moncla, avec les quinze chevaux legers, sur les aduenües, & dix mousquetaires de chaque costé de la riuere en gros, conduits

par vn Sergent chacun : & du costé d'où il donnoit, le sieur de la Rochette, enseigne du sieur de saint Amans, pour garder son dernier, & recevoir les ennemis, au cas qu'ils eussent esté aduertis (comme ils estoiet) & qu'ils fussent venus à eux. Car bien que l'assemblée eust esté secrette, si en auoient-ils eu le vent, & des petards & eschelles que l'on auoit fait faire, par quelques vns, mesmes de ceux qui auoient assisté au Conseil, où cette resolution fut prise de les aller surprendre (ny ayant ainsi si secrette compagnie, où il ne se trouue tousiours quelqu'un qui rompe la foy & la fidelité) & sur cet aduis qu'il leur en fut ainsi donné, par quelqu'un qui leur estoit affectionné, ce qui fut causé que deuant ils se mirent sur leurs gardes, redoublerent les sentinelles, & espies, & particulièrement és lieux où l'on proposoit appliquer & faire iouer lesdits petards, & outre ceste deffians de leurs forces ils renforcerent le soir ladite garnison de 40. des meilleurs hommes qu'ils eussent, lesquels faisoient cent ou plus, ayant charge de ne tirer ny parler, quel on ne fust sur le bord du fossé: ce qu'ils firent.

Comme vn signal fut fait, tous donnerent à la fois de tous costez, & receurent aussi tost le salut, sans s'arrester, y posant les eschelles, & montant & grim pant sur le parapets, sans perte que de quelques blesez : & à l'abord en tuerent trente-cinq ou quarante à coups d'armes de main, &

1622.

Mort du sieur
de Iustarret
fort regretté.

quelques vns en sauterent dans la riuere, dont la pluspart se noyerent, ou furent tuez : les autres se ietterent dans trois maisons de pierre, où ils auoient guerites & flancs, dont ils commencerent à tirer fort & ferme : aussi tost enuironnez de tous costez, l'on y fit iouer les petards : mais bien que les portes fussent à bas, ce ne fut rien, car ils s'opiniastrent : quoy que cefoit, les nostres crians de tous costez, *Vive le Roy* les tambours sonnans, ils ne voulurent iamais se rendre, ains crioient tousiours, *Vive Rohan*, & ceux de la ville, *Courage*, & faisoient tirer en salué sur le bord de la riuere perpetuellement : tellement que de tous costez tout estoit en feu, & cela dura plus de demi-heure, & iusques à ce que le sieur de Pibrac voyant que le sieur de Iustarret, vn deses Capitaines tué, qui estoit vn des plus acomplis & courageux, & qui auoit au siege d^e Borniquel grimpe par le rocher inaccessible ; & conduit cinquante soldats, & des viures pour le secours, contre toute apparence humaine, commanda pour ne les pouuoir auoir sans plus grande perte des siens, d'y mettre le feu avec quelque paille & bois qui se trouua là : ce qui fut fait, mais cela ne les peust mouuoir à se rendre, & à l'extremité entre le feu & le fer se iettoient parmy eux, se faisans tuer genereusement : de sorte que de cent n'en eschappa que cinq, lesquels ayant remarqué que le signal estoit d'auoir tiré la chemise hors des chausses deuant & derriere, ils en firent de mesme,

& se meslerent parmy les soldats, sans estre
recogneus qu'à vnelieu de là dans les trou-
pes: & ainsi se garentirent de leur mort cer-
taine.

1622.

signal desaf-
siegez fuyans.

Le Comte d'Ayen estoit sur vne colline à
vn quart de lieuë de là, qui cuida mourir de
desplaisir, & haïta à toute course ses gens:
voyant ce qui se faisoit par la clarté des mouf-
quetades, & du bruit des petards, & des cris
de ceux qui se brusloient dans les maisons, ne
peust y arriuer avec deux ces hommes de pied
qu'il auoit, que tout ne fust tout entierement
fait; & que le sieur de Pibrac n'eust fait son-
ner la retraïcte: & soixante ou quatre-vingts
Gentils-hommes du Rouergue, qui estoient
avec ledit Comte furent aussi frustrez de leur
esperance, & avec grand desplaisir.

Le sieur de Pibrac offrit au sieur Comte
d'Ayen, que s'il le vouloit garder en l'estat
qu'il estoit, qu'il luy donneroit deux iours,
quoy qu'il fust obligé à garder ses garnisons,
& luy fourniroit mille pains de munition,
qu'il auoit fait faire: Il luy dist, que s'il n'eust
esté bruslé, il le feroit garder, mais qu'estant
en cest estat, il ne le pouuoit faire, ne s'y estât
preparé, n'yle pays de sorte qu'ils s'en retour-
nerent. Et le sieur de Pibrac, fort harassé, &
ses gens, & d'autant plus que le sieur Comte
d'Ayen luy ayant donné le departement à
Peyrusse pour repaistre, l'on ne luy voulut
donner viures: de sorte qu'ils n'arriuerent
que de nuit à Faicelle demy-morts, & allan-
guis de faim, & leurs chevaux aussi, pour auoir

Offre du sieur
de Pibrac au
sieur Comte
d'Ayen.

demeuré deux iours & vne nuit sans manger ny dormir.

Cette action, outre qu'elle est des plus importantes pour le bien du pais de Rouergue, comme seruant de leur retraite pour les courtes ordinaires qu'ils y faisoient, est aussi glorieuse & hardie qu'il s'en soit faite de nostre temps. Je ne dis que partie des particularitez, & les plus remarquables & l'on a allégué que la Noblesse, qui accompagnoit Monsieur le Comte d'Ayen, & son infanterie, qui vit tout ce qui se passa avec regret, disoit, n'auoir iamais veu plus belle attaque pour trois quarts d'heure qu'elle dura. Le contentement en eust esté entier pour tous, sans la perte du sieur de Iustarret, que tout le monde pleura: il fut porté à Camboly qui estoit à la garnison, où les chefs se trouuerent à son enterrement, & les enseignes trainantes firent tirer sur son tombeau cinq ou six cens moulquetades, pour avec le feu & leur esclat accompagner son ame de leurs vœux & de leurs prieres au Paradis.

Funerailles du
sieur de Iustarret.

Cela espouuanta le sieur de Sully, qui faisoit crier à ses gens qu'ils prissent courage, car ils auoient du secours, mais ils n'osèrent passer la riuere: vn seul batteau parut, dont l'on tira, mais il fut si bien receu, que la plus grande haste qu'il eut, fut de s'en retourner à son bord. Voila commela chose s'est passée, avec grand applaudissement du pais, d'autant plus qu'ils n'auoient encor esté entamez, & qu'ils n'auoient aucun eschet de ce

costé là, & estoient pleins de vanité, & de presumption, quel'on ne les oseroit attaquer, veu qu'ils estoient forts, & tenoient la campagne par tous les costez.

Monsieur de Sully escriuit le lendemain à Monsieur de Pibrac la lettre que dessus.

Monsieur de Pibrac luy fit respõce, qui respondoit au long à ce qu'il luy falloit : & entre autres, que s'il auoit enuoyé ses gens en Paradis, il auoit plus fait que ses ministres n'auoient iamais peu faire.

Depuis ceste action, les Catholiques de Figeac ont esté plus mal traittez qu'ils n'estoient, & tellement tourmẽtez, que la plus part ont quitté leurs moyens, & ne s'est iamais veu une telle desolation des hommes & des femmes de toutes ces garnisons de Cadillac, Cajarc, Figeac, & Cadenac.

Si maintenant de la Guyenne nous descendons en Xaintõge, pais d'Aulnix & Poictou, nous y verrons certes de tristes marques de la tyrannie cruelle des rebelles de la Rochelle.

Nous auons traité sur la fin de l'an dernier de la trahison & surprise de Royan liuré entre les mains du Seigneur de Soubise par la malice & desloyauté des habitãs pendant que le Roy tenoit Monheur assiegé : & cõme les Rochelois portoiẽt leurs desseins ailleurs, & auoient affaire de la personne dudit sieur de Soubise, qu'ils recognoissoiẽt capable de toute sorte d'entreprise mauuaise, ils enuoyerent en sa place le sieur de Fauas l'un des plus estimez de leurs chefs, avec nõbre de soldats, vaisseaux & munitions tant pour la garde & assésurãce

Au tome 1. de
cette histoire
sur la fin.

1622.

de Royan, que pour tenter de nouvelles conquestes, & planter les armes & les enseignes de la rebellion Rocheloise, le plus auant qu'il pourroit au pais de Xaintonge, & en celuy du Medoc, assisté par fois du secours dudit sieur de Soubise, qui faisoit ses iſſuës & retraictes, de la mer sur la terre, & de la terre sur la mer par la commodité du port dudit Royan.

Surprise de
l'Isle d'Argen-
ton par les
Rochelois.

Ainsi donc ledit sieur de Fauas s'estant grâdement fortifié dans Royan, apres auoir rauagé tout l'isle d'Olerons & butiné tout ce qu'il peut y trouuer: trouua encore inuention de se saisir de celle d'Argenton scise à l'emboucheure de la riuere de Bordeaux en l'Océan, & ny ayant personne qui luy en peust disputer l'entrée, s'y iette facilement avec nombre de soldats qui disposent à discretion de tout ce qu'ils y trouuent, emmènent la plupart des Insulaires prisonniers à la Rochelle & Royan, ils y batissent deux forts, & y tiennent à l'abry quantité de vaisseaux avec lesquels ils courent iusques aux portes de Bordeaux & de Blaye, rauagent les costes du Bordelois, & se rendēt maistres de la mer Aquitaine iusques à Bayonne, surprennent marchands, marchandises & vaisseaux & se comportent en vrais Pyrates & escumeurs de mer.

Par apres ledit sieur de Fauas entre à main armée dans le pais de Medoc: il attaque Soulac place scise sur le riuage de la riuere de Bordeaux vis à vis de Royan, il en trouue les aduénës faciles, la place mal fortifiée & gardée, ce qui luy donne d'autant plus de sujet d'en-

treprendre dessus, qu'il y rencontra de facilité pour l'auoir, ce qu'il fit, entre dedans, met tous les habitans à rançon, donne la liberté à ses troupes d'y viure à discretion, mais avec des indignitez & insolences si grandes, qu'il m'est impossible les pouuoir descrire: ayant ainsi cette entrée & cette porte ouuerte dans le Medoc, il court tout le pais, se va pourmener iusques aux portes de Bourdeaux, prend & emmene dans Soulac & de Soulac à Royâ tout ce qu'il peut descoler à la campagne, soient hommes ou bestes, & y fait vn tel degast que les pauures paysans sont contrains deluy quitter la plaine, abandonner leurs maisons, & fuir dans les villes, chasteaux & maiſons fortes, où ils sauuent le meilleur de leur bien, & vne partie de leur bestail; craintes, effroys, rauages & pillages qui eurent cours dans ce pais tout le long presque du mois de Ianuier iusques à ce que le Parlement de Bourdeaux y eust donné ordre.

Il se fit donc deux choses à Bordeaux pour obuier à tant de fortes de desordres que les Rochelois mettoient dans les pais que dessus. La premiere fut vn arrest que ledit Parlement donna contre les Gentils-hommes & autres personnes de la religion pretendue reformée des pais de Xaintonge & de Medoc, qui s'estoient refugiez à la Rochelle, par lequel ladite cour declaroit lesdits Gentils-hommes & autres personnes criminels de leze Majesté, leurs bois coupez, leurs maisons rasées, & leurs biens confisquezz & affectez aux profit

de ceux qui auroient esté volez & ruinez par lesdits Rochelois.

L'autre fut, que pour empescher les progresz insolens desdicts rochelois dans le Medoc, on fit à Bordeaux choix & election de la personne de Monsieur de Sainte Croix frere de Monsieur le Colonel d'Ornano, pour la conduite des gens de guerre que l'on leuoit contre ledit sieur de Fauas pour la conseruation dudit pais de Medoc, & subuention du pauvre peuple ruiné par les ennemis.

Ces venerables Seigneurs & peres du Senat & du peuple de Bordeaux qui ietterent les yeux sur ce vaillant Seigneur fils du feu Marechal d'Ornano se contribuerent liberalement pour soudoyer ses troupes ayans desia escrit sur le cahier secret & sacré de leur registre, les glorieux tesmoignages de sa vertu, que la posterité conseruera comme vne merueille heroïque: le peuple qui est si estrâge & inconsideré, si procline au blasme & si tardif à louer estoit neantmoins du tout à sa deuotion, il s'attendoit de voir des miracles de sa vaillance, aussi en fit il plus qu'ils ne s'en promettoient contre ledit sieur de Fauas.

Le sieur de Taraud Lieutenant pour sa Majesté à Blaye le deuoit seconder par mer, ayant ja baillé de belles preuues de son courage: car vn peu deuant il suiuit avec quelques fregattes les grands vaisseaux des ennemis qui n'eurent plus prompt remede pour euitter ses armes, que le vent & les voiles qui les emporterent bien loin dans la mer: il promit

dés lors emporter l'Isle d'Argenton, dont les rebelles s'estoient emparez, apres la surpris de Royá, & veulét ainsi ces 2. chefs chasser l'ennemy des terres de Medoc, & des enuiron de Bordeaux; vn chacun assiste leur genereux dessein, & se trouuent grande quantité de peuple qui veulent employer leurs vies & leurs moyés pour le Roy, leur loy & patrie, croyans qu'il est plus expediet de mourir que souffrir ainsi honteusement la tyrannie des ennemis de Dieu & de l'Estat.

Par les courtes diuerfes que faisoient les ennemis du Roy par Royá dans le pais de Xaintonge, ils surprirent & emmenerent prisonnier le sieur de Humieres, Gentil-homme de la chambre du Roy, qui ne fut si tost arriué dans la place qu'ils le condamnerent à cent mil francs de rançon, mais en fin ils le laisserét aller sur sa foy, par l'entremise de quelques amis qu'il trouua aupres d'eux, qui eurent bien de la peine à leur faire accepter cet accord, car leur dessein estoit de le retenir en ostage, au lieu du sieur de la Chaisnaye prisonnier à Blaye pour le fait de la susdite rebellion de Royan.

*Prise du sieur
de Humieres
par les rebel-
les de Royan.*

Le sieur de Soubise préd terre dans le Xaintonge avec douze cens hommes de pied, & quatre à cinq cens chevaux il a toutes les enuies du monde de faire quelques surprises sur la ville & port de Brouage, mais la vigilance de Monsieur d'Espèrnon & de Monsieur de S. Luc, empeschent les desseins, toutes-fois, la quantité des troupes qu'il falloit

1622.

Defaïcte du
Regiment de
Champagne
par les rebel-
les de la Ro-
chelle.

auoir pour empescher toutes les courses des Rochelois en diuers endroicts de Xaintonge, d'Aulnix & bas Poiçtou, de la mes-intelligence qui estoit entre Messieurs le Duc d'Espèrnon & le Comte de la Rochefoucault, dont le sujet des franchises coudées que se donnoit cependant ledit sieur de Soubise dans la Xaintonge, quis'estant approché de Brouage & trouuant le sieur de Saint Luc en teste avec quantité de cheuaux & le Regiment de Champagne composé de cinq cens hommes, lesattaquer avec telauantage de forces, qu'il luy futaisé de defaire la plus grande partie dudit regiment: mais neluy estant expedient de se tenir plus long temps à la campagne il la fallut quitter, par la reconciliation deledits sieurs d'Espèrnon & de la Rochefoucault, que ioignans leurs forces ensembles, & se mettant à la conduite le Seigneur Marquis de la Vallette avec quantité de bonne caualerie poursuinrent leldit sieur de Soubise & le firent sortir hois de Xaintonge & le contrainquirent de regagner la mer.

Peu de temps apres ledit sieur de Soubise ayant de rechef mis pied à terre à Saint Benoist en bas Poiçtou, enuiron la my Feurier avec trois mil hommes de pied & quelques 4. cens cheuaux, commencerent à exercer leur cruauté, tout le long des costes de la mer iusqu'à marceil où ils se logent.

Ledit sieur de Soubise cependant mande tous les rebelles de Poiçtou afin de l'assister en son dessein qui y courent comme au feu,
parie

partie desquels se rendent à Mareil pendant quoy il attaque les Sables & Ollonne qu'il prend facilement au moyen de la trahison & intelligence qu'il y auoit, où quelques Gentils-hommes Catholiques qui s'estoient iettez dedans pour les secourir furent miserablement tuez, entr'autres Monsieur de la Roche S. André & son frere qui se cōporterent fort vaillamment & en tuerent grand nōbre auant que mourir; ce que voyans les habitans dudit lieu, trop foibles pour resister à vne si grande violence demanderēt compositiō audit sieur de Soubise, auquel il respondit arrogāment & impudemment qu'on luy choisist les plus belles filles qui fussēt entr'eux pour en bailler la curée à ses fauoris, apres s'en estre prealablement saoulé, ou qu'on luy baillast cent mil escuz, luxure abominable & brutale concupiscence, mais nouuelle, luctueuse & desplorabile pour les pauures Olonnois qui ne pouuoient se soumettre à la premiere demande, ny encore moins satisfaire à la seconde, en quoy ne pouuans que respondre aymèrent mieux offrir leurs vies que de promettre ces choses impossibles & hors le droit de raisō en fin il les prend à vne autre composition, & leur promet que moyennant vingt mil escuz, 80. pieces de canon de mer, & 3. vaisseaux qu'ils luy deliurerent, ils seroient point priuez; les Olonnois tiennent leur promesse, mais le sieur de Soubise ne veut tenir la sienne: car si tost qu'il eust touché l'argent & receu les canons & vaisseaux susdits, au prei-

1622.

Demandes insolentes du sieur de Soubise aux Olonnois.

1622.

dice de la composition, il donne & permet le pillage deux heures durant à ses soldats, disant qu'il leur auoit demandé cette chose la premiere, & qu'elle deuoit aussi par consequent tenir la premiere.

Rauages &
sacrilèges des
Rochelois & s
Olonnois.

En ce pillage, c'est chose incroyable du ravage que firent ces cruels, particulièrement dans les Eglises & lieux sacrez, ils emporterent tous les Calices & Ornaments, firent des guidons & drappeaux des bannieres & parement d'autels, briserent les Images, profanerent tout ce qu'il y auoit de plus saint & sacré là dedans, volerent entierement les pauvres Olonnois, qu'ils rendirent tous nuds en chemises, & exposez à la plus grande misere qu'il se puisse excogiter.

Monsieur de
la Rochefou
cault assem-
ble les
amis pour
courir sus au
sieur de Sou-
bise.

Pendant que tout ce que dessus se passe, Monsieur le Comte de la Rochefoucault mède aussi tost tout ce qu'il peut de la Noblesse Catholique de Poictou, & entre autres Messieurs des Roches Baritaud, & de l'Eschasserie ausques il mande luy amener le plus grand nombre de leurs amis qu'ils pourront assembler & se tenir prest aux Roches iusques à ce qu'ils sçachent de ses nouuelles: Monsieur de l'Eschasserie ayant receu ce commandement fait assemblée de ses amis particuliers de sa maison le Ieudy 24. Feburier dernier en nombre de trente Cheuaux, & ledit iour se rend aux Roches où Monsieur des Roches auoit aussi assemblé nôbre de Gentils-hommes & autres de ses amis & furent là attendâts le commandement de Monsieur le Com-

de la Rochefoucault iusques au Dimanche au soir ensuiuant qu'ils receurent commandement de s'aller ietter dans Tallemond que le sieur de Soubize menassoit d'assiéger, sa resolution fut donc prise de partir le lendemain de bon matin, pendant quoy ceux qui estoient à Mareil sçachans bien l'assemblée que faisoit M. des Roches pour aller à Tallemond font partie pour les aller charger.

Monsieur des Roches partit donc de sa maison le Lundy matin dernier de Feurier au nombre de quelque quatre-vingts chevaux au plus, Maistres & valets, & 30. mousquetaires, ceux de mareil tenans pour ledit sieur de Soubise partent en mesme temps en nombre de quatre, entre lesquels cent Carabins pensans estre les premiers sur le chemin des autres pour les attendre, trouuerent qu'ils estoient desja passez; les suiuent en queue longtems & armes en main, en fin il sont descouverts par quelques vns dudit sieur des Roches qui s'estoient retardés, quiapperceurent la lueur de leurs armes au trauers des arbres à la lueur du Soleil qui estoit fort clair ce iour là, en donnent aduis audit sieur des Roches qui tourne teste vers eux, les considere, void qu'ils sont grand nombre, & que la partie n'est esgalle, est conseillé de faire retraicte: mais luy braue & valeureux quil est, & qui ne sçait que c'est de fuyr, considere que sa querelle est iuste, & que trauaillant pour Dieu que Dieu trauaillera aussi pour luy, se resoud de les attendre, dit

1612.

Le sieur de la
Roche Bari
eust encoura-
ge les siens.

tout haut aux siens, il faut mourir & se battre pour maintenir l'autorité du Roy, tout redouble en courage, il loge promptement ses mousquetaires, met sa Cavallerie en ordre, paroist à la teste de sa troupe le pistolet en la main, sans salade pour estre plus libre à commander & faire entendre sa voix courageuse aux siens, lesquels il anime de redoubler leur valeur, pour maintenir la querelle de Dieu & du Roy, leur remonstre que ce n'est rien de mourir en ce monde pour acquérir vne vie perdurable en l'autre: En fin l'on resoud avec luy d'attendre la furie de ceste grande troupe, laquelle voyant vne si petite poignée de peuple auoir le courage d'attendre de pied ferme vne grãde multitude craignant les attaquer demurerent court, les considerer long temps, aussi auoient ils raisõ de ce faire, car Dieu n'estoit pas de leur costé comme il monstra par apres: En fin ayant esté long-téps de part & d'autre à se regarder de cent cinquante pas pres, ledit sieur des Roches voyant que cette grosse troupe n'auoit l'assurance de les attaquer, part & s'auance cinquante pas, & les appellant au combat, leur crie plusieurs fois tout haut, *aduanee poltron, aduanee*, ce que voyant l'ennemy, & qu'il y alloit du sien s'il ne combattoit pas le premier, se resolurent d'attaquer, cõduits par le sieur de la Cressonniere Lieutenant de M. de Soubise, qui paroist à la teste de sa troupe, ils viennent donc à attaquer Monsieur des Roches & les siens qui les reçoient courageu-

fement, le combat fut grand l'espace d'une heure & demie iusques apres soleil couché, & sans pouuoir iuger qui auoit du meilleur, & fut remarqué que Monsieur des Roches ayât perdu son Cheual qui luy fut tué entre les iambes, combatit vne heure durant à pied armé de toutes pieces, excepté de sa sallade, contre vn nombre infiny d'ennemis, son chapeau tout couppé, sa cazaque toute hachée, vn nombre infiny de coups de toutes sortes sur ses armes, engagé plusieurs fois, & autant de fois libéré; est vne merueille grande comme il a peu eschaper ce peril sans y estre tué, & en tout cela ne fut blessé que de deux petits coups d'espée, l'un en la teste, l'autre au visage, de fort legere importance: Monsieur le Comte de Grassay son fils, fut vn peu effleuré sur vne main, Monsieur de Mōtorgueil Lieutenant de Monsieur des Roches fut aussi remarqué pour auoir fait vaillamment, en ce combat, iusque là mesme qu'ayant rallié quelque douzaine des siens, il fut fort longtemps sur le champ de bataille, d'où les ennemis s'en estoient fuy, à crier *Vive le Roy*, sans que iamais personne vint à eux: en fin ils se rallierent quelque vingt-cinq ou trente de leur troupe, avec Monsieur des Roches son fils, & se retirerent à la Vergne Greffeu avec quatre Gentils-hommes des rebelles prisonniers.

Monsieur de l'Eschasserie apres auoir long téps cōbattu son cheual tué entre ses jambes fut blessé d'un coup de carabine par derriere

1622.

Combat avec
les ennemis.

Morts & blef-
sez de part &
d'autre.

1622.

au deffaut de sa cuirasse, puis se retira en vn village proche de là où il mourut la nuit suivante, monsieur de Logerie y fut aussy tué d'abort, par ce qu'il estoit des premiers, & n'auoit point de cuirasse: il en fut tué trois du costé de monsieur des roches que l'on n'a peu nommer, & 8. ou neuf mousquetaires: bresle nombre de ceux qui ont esté tuez du costé de monsieur des Roches est de quinze ou seize, plusieurs blesez desquels fut le plus jeune des Cheualiers Daffon, qui se retirerēt en des maisons proches de là, d'où ils retournerent depuis; autres furent pris & menez prisonniers aux Sables qui furent taxez à peu de rançon, desquelz monsieur de l'Escorce estoit vn qui se porte bien, & monsieur de la Forte-Escuiere.

Le nombre des morts du costé des rebelles fut de 60. ou 80. au moins, desquels il y en eut dix-huict ou vingt de remarque, & entre autres le sieur de la Cressonniere Lieutenant dudit sieur de Soubise fort regretté de luy, son filz le Baron de petit Chasteau blessé à mort, vn des freres du Baron de la Greue mort & luy blessé, & vn autre de ses freres: Monsieur de la Chastaigneray de Montaigu mort, le filz de monsieur de la Maison-neufue montournois. monsieur de Mermande & son fils tous tuez avec encore les sieurs de Beaupré & de la Chassellendiere, tous les iours suyuant on en trouua quelques vns de morts, lesquels estans blesez auoient suy se cacher en des pastis & buissons & autres endroicts là à

l'entour du pais pendant le combat: on en trouua sept en vn fossé, tant y a qu'il faut croire veritablement que Dieu opera grandemēt en cet affaire.

Du depuis ledit sieur de Soubise estant allé à Saint Gilles pour le prendre, les habitans s'y defendirent fort bien, & en tuerent cinquante ou soixante de ceux dudit sieur de Soubise, lequel n'y pouuant entrer, s'en alla assieger Talmond, où il fut tellement repoussé qu'il fut contrainct d'en leuer le siege: alla pour attaquer l'Isle de Narmontier, mais il ny peust rien faire: d'autant que monsieur le Côte de la Rochefoucault qui estoit à sainte Ermine avec huit cens cheuaux, quatre mil hommes de pied & six canons, le poursuuāt de pres, le fit incontinent retirer.

Le Roy ayant eu aduis de ce combat, & irrité del'insolence desdits rebelles, fort faché de la perte qu'auoit faite ledit sieur de la Roche Baritaut, luy enuoya pour recompense tout le bien qui appartenoit audit sieur de la Greue, qui auoit esté tué & deffait en cette charge.

D'autre costé le Parlement de Bordeaux ayant choisi la personne du sieur de S. Croix frere du Colonel d'Ornano cōme a esté dit cy deuāt pour enuoyer en medoc avec nōbre de gens de guerre & capitaines, pour empescher les courses du sieur de Fauas, qui tenant Soulac rauageoit tout le pays lequel sieur de S. Croix s'estant logé à l'Esparre proche ladicte place de Soulac, a deffait en deux diuerses

1622.

Le sieur de
Soubise chassé
des Gilles

Deffait des
troupes du
sieur de Fauas
par les Roche-
lois au pais de
Medoc.

1622.

rencontres ledit sieur de Fauas, tué plus de cent cinquante rochelais, & pris plusieurs prisonniers qui ont esté enuoyez à Bordeaux.

Cependant sur tant de sortes de progres des rebelles, le Roy voyant comme ils massacroient ses subiects, renuersoient les Temples & lieux sacrez, violoient son peuple, marchoient en corps d'armées sur la mer & sur terre, & que mesme les Rochelais auoient desir d'entreprendre sur quelques places de la basse Normandie & de la haute Bretagne, ainsi qu'ils s'en promettoient vn heureux succez par les pratiques de leurs partisans, recogneust alors sa Majesté qu'il estoit temps de partir pour vn second voyage, & d'aller au deuant des desseins du Seigneur de Soubise.

Dessein pour
vn second
voyage.

Demolition
de Quillebeuf

Auant que se resfoudre à ce second voyage, sadite majesté expedia quelques affaires de consequence: elle ouyt les Deputez de Roüen qui demandoient la demolition des fortifications de Quillebeuf, qui ne donneroient pas moins d'incommodité à la ville de Paris, que de dommage & de perte à celle de Rouë, elles auoient esté grandement commencées, du temps du feu Duc de Montpensier Gouverneur de la Prouince, grandement accrûës durant la vie du feu mareschal d'Ancre, & presque reduictes à leur perfection par le feu Seigneur Connestable de Luynes, non obstant les plaintes & remonstrances du Parlement de Roüen, ouurage qui auoit

cousté plus de six cens mille escus : En fin sa Majesté considerant l'importance de cette place , & l'inutilité d'icelle que pour la ruine du pays, en cas que quelque ennemy du Roy & del'Estat s'en fahit : ordonna en son Conseil que lesdites fortifications seroient entierement demolies, les fosséz rasez & comblez, & en fit expedier commissiõ suffisante ausdits Deputez de Rouen, qui fut aussi tost signifiee aux habitãs de Quillebœuf, lesquels croyans deuenir riches & profiter à l'aduenir par ladite fortification, & entreprise qui eust contraint toute sorte de marchandises, à passer pardeuant la place & y payer le peage, ne peurent se refoudre à souffrir la susdite demolition, & dirent hautement qu'ils ne le permettroiét point, voire s'y opposerét formellement menaçans mesme de tuer & noyer tout autant d'ouuiers que l'on y enuoyeroit pour ce faire : de sorte qu'il fallut finalement que Messieurs le Duc de Longueuille Gouverneur de la Prouince, & le premier President de Rouen s'y transportassent avec quatre Compagnies de gens de pied, pour faire faire la susdite demolition, qui fut ainsi commencee & paracheuee avec la force & les armes, au grand regret des habitans, au grand contentement du pays, & extreme soulagement de ladite ville de Rouen.

Par apres le Roy changea quelques Gouverneurs de villes & Prouinces, separa le Gouvernement du pays Boulenois d'avec celui de Picardie, auquel il auoit esté revny

Gouverneurs
changez en
Picardie.

1622.

du viuant du feu Conneſtable de Luynes, donna le Gouuernement de la ville de Bologne & du pays circonuoisin à monſieur d'Aumont fils du feu ſieur Mareſchal d'Aumont, celuy de la ville & Citadelle de Calais au ſieur de Palaifeau tres-ancien & tres-fidelle ſeruiteur de ceſte Couronne, ne pouuant tomber en meilleure main que la ſienne, & en quoy ſa Maieſté fit voir ſa iudicieuſe prudence au choix d'vn tel homme de bien pour la garde d'vne ſi importante place, & mit le ſieur de Beaumont Gouverneur en la Fere: & quant au Gouuernement de Picardie, ville & Citadelle d'Amiens, ſa Maieſté le continua au fils du feu Conneſtable de Luynes, ſous la tutele & Lieutenâce de ſon oncle le Duc de Chauſne.

Ambaſſadeur
extraordinaire
d'Angleterre
retourne à
Londres.

Le Roy ouit par apres la harangue du ſieur Baron de Haye Ambaſſadeur extraordinaire d'Angleterre, qui fit à ſa Maieſté pluſieurs inſtances pour la paix au nom du Sereniſſime Roy de la grande Bretagne ſon maiſtre, & ſur quelque propoſition qu'il fit, & que l'on luy fit au Conſeil, il repaſſa en Angleterre pour auoir reſolution dudit Seigneur roy ſon maiſtre, ſur icelles, avec promeſſe de retourner en France en peu de iours.

Et pour ce que le nerf de la guerre eſt l'argent & la finance ſans lequel les armes & les armées ne peuuent ſubſiſter, ſa Maieſté qui preuoit les grandes affaires qu'il auroit à deſmeſſer le long de cette annee, & la neceſſité du grand nombre de gens de guerre qu'il luy conuenoit faire, pour reſtablir la paix &

maintenir son autorité, auoit fait aduiser en son Conseil des moyens les moins dommageables, & les moins à la foule & surcharge de son peuple pour faire vn fond de deniers capable de subuenir aux fraiz & despenſe de la guerre qu'il alloit recommencer pour chaſtier les rebelles de son Royaume, & pour ce ſubieſt ayans fait quelques Edicts en son Conseil, ſa Maieſté le tranſporta en son Parlement pour les faire veriſier en ſa preſence, pour ce qu'autrement il y en auoit aucuns ſur leſquels la Cour auoit fait inſtance, & apportoit quelques difficultez à la veriſication d'iceux.

Le Roy fut donc au Palais le Vendredy 18. Mars aſſiſté de Monsieur ſon frere, de Meſſieurs le Prince de Condé & Comte de Soiſſons Princes du ſang, du Prince de Ioinuille, Duc de Vendosme, autres Princes, Ducs, Pairs & officiers de la Couronne, où eſtant M. le Chancelier, ayant remonſtré au Parlement l'importance des affaires du Roy, qu'il eſtoit beſoin de ſecourir par vn prompt remede & ſecours de finance, à ce ſubieſt ſa Maieſté ayant fait quelques Edicts, qui vont le moins qu'elle a peu à la foule de ſes ſubieſts, elle eſtoit venuë en son Parlement pour les faire veriſier en ſa preſence : Meſſieurs le premier Preſident & Aduocat du Roy haranguerent en ſuite de Monsieur le Chancelier, puis ledit Seigneur ayant recueilly les voix, prononça Arreſt de veriſication deſdits

1622.

Edicts du
Roy portans
nouuelles
creations
d'offices.

Seance du
Roy au Par-
lement de Pa-
ris.

1622.

Lenees de
Reistres &
Lanfquenets
pour le Roy
en Allema-
gne.

Edits, dont lecture auoit esté faicte aupara-
uant.

Cet ordre ainsi donné pour le fait des finan-
ces, le Duc d'Aluin fils du Comte de Schom-
berg, fut enuoyé par commandement du
Roy avec commissions pour faire quelques
lenees de Reistres & Lanfquenets en Alle-
magne avec charge de les faire passer par la
Bourgongne pour les enuoyer en Languedoc.

On remet fus le Regiment de Champagne
au lieu de celuy qui auoit esté deffait par le
sieur de Soubise, aussi se leuent en mesme
temps quantité d'autres compagnies de gens
de pied & de cheual, que l'on enuoye toutes
du costé de la Beaulle, attendant nouveau
commandement d'aduancer au rendez-vous
des troupes.

On parle cependant diuersement en Cour
du voyage du Roy, & croyoit on celuy de
Lyon pour le plus assuré, comme à la verité il
estoit le premier en l'intention de sa Majesté
pour s'acheminer droit en Languedoc &
voir en passant l'Estat du Dauphiné, confe-
rer de la paix avec le Duc de l'Escliguières, &
ouyr les Deputez des gens de la Religion pre-
tendue reformée qui se deuoient trouuer a-
uecledit Seigneur Duc à l'arriuee de sa Ma-
jesté en Dauphiné.

Mais les desseins & progresz de l'armée Ro-
cheloise & les pretentions mauuaises du sieur
de Soubise, furent le subiet de la rupture du
voyage de Lyon, & conclud on au Conseil

Voyage de
Bretagne
conclud.

que le plus expedient estoit d'aller droit en Bretagne pour rompre les pratiques & desseins dudit sieur de Soubise.

Le Roy auant que partir voulut reconcilier le Duc de Neuers avec le Prince de Ioinuille animez encore l'un contre l'autre pour la querelle qui s'esmeut l'an passé entre ledict sieur Duc & deffunct le Cardinal de Guise en l'hostel du sieur Guinet Maistre des Requestes, pour la disquisition de la quelle querelle, lesdits Seigneurs Duc de Neuers & Prince de Ioinuille s'estoient maintefois prouquez au combat singulier pour en vider par les armes si le Roy ne les eust empeschez par son autorité; l'accord en fut donc fait par le Roy en presence de Messieurs les Princes du sang, autres Princes, Cardinaux, Ducs, Pairs & Officiers de la Couronne, au Chasteau du Louvre à Paris le dix-neufiesme Mars, où sa Majesté adressant sa parole au Duc de Neuers luy dit.

Monsieur de Neuers, ie suis deuëment informé & satisfait de vostre obeïssance à mes commandemens, en ce qu'en sollicitant le procez d'entre vous & le deffunct Cardinal de Guise, vous ne vous estes accompagné en vostre carrossé que du nombre de Gentilshommes que ie vous auois limité, sur ce qui s'est passé en la maison du Rapporteur, où ledit Cardinal & le Prince de Ioinuille son frere vous allerent chercher, croyant ledit Cardinal qu'en quelques escritures du procez il auoit esté par vous offensé: il se transporta de

1622.

Accord fait
entre le Duc
de Neuers &
le Prince de
Ioinuille.

1622.

colere & vous donna vn coup de sa main sur la teste, que vous luy auriez rendu en le repoussant d'un pareil coup. Laquelle offense ledit Cardinal ayant recogneüe à sa mort, il vous en auroit demandé pardon, duquel vous seriez demeuré satisfait, d'autant neantmoins que vostre ressentiment continuë contre le Prince de Ioinuille qui l'auoit accompagné, il vous dit & assure, que s'il eust sceu l'intention dudit Cardinal son frere, il auroit essayé del'en destourner, ou au moins ne l'auoit accompagné pour cet effect, recognoissant que eette action s'est faicte avec surprise & aduantage, & que vous n'auiez point vostre espée lors que vous fustes attaqué, & qu'aussi tost qu'elle vous fust donnée par vostre Escuyer, vous vous mistes en debuoir de tesmoigner le ressentiment qu'un Prince genereux peut faire paroistre en telle occasion d'offense, comme encore ledit Prince de Ioinuille assure que lors qu'il mit l'espée à la main, s'interposant entre vous & ledit Cardinal, son dessein ne fut que pour empescher vn plus grand accident, qui auroit peu rendre vos maisons irreconciliables, aduouant que depuis par plusieurs fois vous auez recherché toutes sortes de voyes honorables pour vous satisfaire avec luy, & que ma seule preuoyance & autorité ont empesché la decision de ce faict par les armes. Et quant à ce qui concerne le sieur de Marefcot, ledit Prince de Ioinuille declare que l'opinion qu'il auoit conçue que ledit Marefcot nourrissoit ladi-

raison entre vous, l'a poussé de colere en le voyant present, à le frapper de son espee, & pour ce qu'il a l'honneur d'estre de mon Conseil & maistre des Requestes de mon Hostel, & que vous en tesmoignez du ressentiment, à cause que par ma permission, il s'entremet de vos affaires, ledit Prince de Ioinuille it qu'il en est tres-mary, & recognoist qu'il nel'eust peu faire sans qu'il eust eu fortune à courre, n'estoit les causes iusdictes, surquoy ne voulant rien obmettre de ce qui vous peut contenter, il luy donnera quand il vous plaira, & maintenant mesme tel contentement que vous & luy en demeurerez satisfaiets. En tout ce que dessus vos genereux deportemens estans recogneus d'un chacun, & de luy en particulier, les soupçons que vous auiez de son intention entierement luez par la declaratiõ, l'offre de contenter pour l'amour de vous Marefcot, & le desir qu'il tesmoigne auoir de rentrer en la bonne intelligence qui se doit nourrir entre Cousins germains, j'ay iugé que cela vous doit rendre tres-content & satisfait, & par tant par raison & de mon autorité, ie desire & vous commande d'oublier de part & d'autre les choses passées, vous embrasser & demeurer amis.

Ie veux aussi qu'en suite de vostre accord ceux qui vous ont accompagné de part & d'autre perdent la souuenance de ce qui s'est passé en leur particulier.

Cela fait le Prince de Ioinuille s'adressant au sieur de Marefcot luy dit,

1622.

Monsieur Marefcot, ie suis tres-marry pour l'amour de monsieur de Neuers de vous auoir frappé, ie vous prie l'oublier, & ne vous en vouloir iamais souuenir, & pour l'amour de luy ie seray de vos amis.

Ledit sieur de Marefcot respondit, monsieur, puis que monsieur de Neuers est content, ie suis aussi vostre seruiteur.

Aujour-d'huy dix-neufiesme iour de mars l'an 1622. le present escrit & accordé à esté leu en presence du Roy, par moy Conseiller & Secretaire d'Estat & des commandemens de sa Majesté.

Signé,

BRVSLART.

Voyage du
Roy.

Après cette reconciliation ainsi faite le Roy partit le lendemain vingtiesme Mars iour des Rameaux après vespres, pour commencer son voyage de Bretagne, passe le barc vis à vis le iardin des Thuilleries, se rend à l'autre riué de la riuere, où quantité de Seigneurs, Gentils-hommes & Caualliers l'attendoient, alla coucher à Berny, & de là tire drôit à Orleans, où sa Majesté arriva le Mardy vingt-deuxiesme, & sans seiour passe iusques à Blois où elle passa les festes de Pasques, pendant quoy on ne voyoit que gens de guerre aualer la Loire nuit & iour, & gaigner le deuant iusques à Nantes.

Le Prince de Ioinuille fut trouuer le Roy audit Blois pour luy demander congé & permission d'espouser feu Madame la Connestable

stable de Luynes, qui ia luy estoit accordée, sa Majesté consentit volontiers qu'il l'épousast, & que l'on passast outre à la célébrité de leurs nopces, pourueu que ledit sieur Prince se rendit incontinent auprès de sadite Majesté : ledit sieur Prince de Joinville étant de retour à Paris, alla espouser ladite Dame Connestable au Chasteau de Lusigny, où se firent les nopces avec grâde magnificéce, où furent conuiez Monsieur le Prince de Condé, toute la maison de Lorraine, Monsieur de Neuers, Monsieur de Montbason, le Duc de Chaufne, & plusieurs grands.

Le Roy ayant seiourné quelques iours à Blois & Tours s'achemina à Saumur, tant pour y tenir conseil que pour quelques affaires dignes d'expédition touchant cette place.

Il y auoit ja pres d'un an que le bruit du voyage du Roy en Poictou mit la puce à l'oreille à ceux de la Religion pretendüe Reformée de la ville de Saumur, quoy que la suite de plusieurs autres voyages que sa Majesté y a faict, iustificient assez qu'on n'auoit non plus de dessein sur cette place, que sur les autres de mesme nature. Mais comme le Roy eust esté diuersement aduerty que lesdits de la Religion de Saumur sur l'aduis qu'ils eurent du depart de sa Majesté de Fontainebleau l'an passé pour aller en Poictou, enuoyerent demander aduis à l'assamblee de la Rochelle, comme quoy ils auroient à se conduire : d'où il leur fut respondu par l'oracle de cette nouuelle Deité, qu'ils

Ordre donné
à Saumur par
le Roy.

1622.

Deſſein des
Rebelles ſur
Saumur.

tinſſent bon & qu'on leur fourniroit garniſon de deux mille hommes conduits par le ſieur de Soubiſe, & que pour ſupporter les frais qu'il conuiendrait faire qu'ils leuaſſent quatre mille eſcus ſur les cottisations des Eglises pretenduës d'Anjou, comme il a eſté dit cy-deuant, mais ſe voyans ſi pres d'un ſiege, & deſtituez de moyens ſuffiſans, Saumur ouurit ſes portes de gré, qu'on luy cuſt bien toſt faiët ouvrir de force ; cette correfpondance des factieux de Saumur avec les rebelles de la Rochelle, fut aſſez capable de faire oſter la charge au Gouverneur, qui toutefois luy fut recompenſée, & ce Gouvernement fut donné du Roy à un Seigneur de leur religion, montrant combien ſa Majeſté a l'œil au ſoulagement de ſon peuple, quoy que cette ville fuſt du feu Roy, & non des Eglises pretenduës Reformees, comme auſſi ils le confeſſent : avec ce nouveau Gouverneur fut eſtablie vne garniſon de quatre cens hommes ſous la Lieutenance du ſieur d'Egbonne, pour empêcher les mauuais deſſeins deſdits factieux de la religion pretenduë Reformee, & aſſeurer parmy eux les habitans Catholiques.

Ces remuans ainſi bridez par l'eſtabliſſement de cet ordre, & ſe voyans les mains liees, il ne leur reſta que la liberté de la langue pour vomir mille execrations contre les bons deſſeins du Roy & de ſes fideles ſeruiteurs en icelle, diſans que quoy qu'il tarde ils ſeroient derechef les maîtres de leur ville (ainſi qu'ils

pappellent) que s'ils ne le pouuoient estre, ils mettroient le feu dedans: que si les Iuges & autres officiers du Roy les vouloient empescher, ils leur feroient porter le chaperon verd, & les pourmeneroient sur des asnes: mille autres impudences declamerent-ils impudemment selon que le despit & la rage leur peurent suggerer, dont y eut plaintes tres-grandes parmy les Catholiques de Saumur, qui mesmes deputerent en Cour au camp deuant Montauban, pour les représenter au Roy.

Sa Majesté estant ainsi deuément informée de la mauuaise volonté de ces factieux, n'oublie à son retour à Paris, de redoubler les feuretez de Saumur, par vn nouveau renfort de garnisons, iusques à ce qu'elle eust aduisé vn autre moyen d'y pouruoir.

Sur le bruit de son voyage, le sieur de Soubise avec lesdicts factieux machinent vn autre moyen de surprendre cette place par le moyen de quelques soldats de la garnison Pratique du sieur de Soubise pour Saumur. gaignez: le Roy forty de Paris le iour des Rameaux dernier, n'est si tost arriué à Orleans, quel'on luy donne aduis de ce dessein, comme aussi de plusieurs autres menées du sieur de Soubise, ce qui l'obligea d'aduancer son voyage, & se porter sur les lieux, & arriua audit Saumur, en la forme & maniere qu'il s'ensuit.

Monsieur du Bellay qui estoit en la ville auparauant cette arriuee pour diligenter l'ordre requis pour le salut & defence de la place,

1622.

Arriuee du
Roy à Sau-
mur.

assisté de Monsieur d'Egbonne Lieutenant en icelle, & suiuis d'un bon nombre de belle Noblesse, furent le cinquiesme Aueil receuoir sa Majesté à la Chappelle des Arduilliers, auquel lieu il presenta au Roy tout le corps de la Iustice de Saumur, entre lesquels estoit le Seneschal de la ville, qui fit vne belle harangue à sa Majesté. Apres elle fut saluée par le corps de l'Eglise, avec l'honneur & le respect qui luy appartient. Et delà ayant sadite Majesté esté conduite dans la ville, au logis qui luy estoit préparé, elle fut derechef saluée par le corps de la ville présenté par ledit sieur du Bellay.

Sans perdre aucun temps ce mesme iour cinquiesme Aueil le Roy entra en Conseil, où estoient les Princes de Condé, Comte de Soissons, le Prince de Ioinuille, le Duc de Vandosme, & autres grands, & y ayant esté representee la charge que souffroit la ville de Saumur, par vne si puissante garnison, la consequence de la place, la perte de laquelle est tant regrettee des rebelles, qu'ils ont incessamment l'œil ouuert pour trouuer inuention de la recouurer, & la perilleuse consequence qui en arriueroit estant reprise, pour estre vn tres-important passage sur la riuere de Loire, ne leur en restant aucun, & les grands frais qu'il conuient faire pour l'entretien d'une telle garnison, qui donnoit toutes les incommoditez du monde aux habitans si on la laissoit ainsi fortifier, & capable de soustenir vn rude siege: fut resolu ce mesme

iour cinquiesme Auri la Conseil du Roy, de reunir le Gouvernement de Saumur à celuy d'Anjou, qui appartient à la Royne mere du Roy, & que sous son autorité y commanderoient pour le Roy lesdits sieurs du Bellay & d'Egbonne : & dauantage que toutes les nouuelles fortifications faictes en icelle, singulierement celles que le sieur du Plessis Mor-nay auoit fait faire aux faux-bourg de la Croix verte, seroient entierement desmolies & rafées, & en ce faisant retirant le Regiment de Nauarre qui y estoit en garnison, sa Majesté sortant de Saumur le 8. Auri s'en alla à Ancen-mis, & de la à Nantes, laissa à Saumur M. du Bellay avec une compagnie de cheuaux legers, & le sieur d'Egbonne avec 300. hommes de pied, & disposerat del'ordre des gardes, & fut ledit sieur du Bellay commandé du Roy d'ex-cuter sa volonté & faire trauailler aux demoli-tions à quoy on trauailla depuis le quin-ziesme May iusques à la perfection d'icelles, quoy que ce fust avec beaucoup de regret pour les huguenots, qui regardoient ce tra-uail d'un mauuais œil, ne pouuans plus en ce faisant menacer les Catholiques leurs conci-toyens, ainsi qu'ils souloient faire au prece-dent, ny se preualoir de cette place pour au-thoriser la rebellion de leurs confreres, ainsi que les desseins en auoient esté de longue-main proiettez.

Resolution
pour la demo-
lition de ses
fortifica-
tions.

Au moyen de cet ordre que le Roy establit dans Saumur, il soulage les habitans tant de la ville que dudit faux-bourg de la Croix verte

1622.

de garnison puissante qu'il leur couenoit souffrir, retire de là le Regiment de Nauarre que sa Majesté y auoit enuoyé à son retour de Guyenne au mois de Ianuier dernier : le fait auancer avec ses troupes du costé de Bretagne.

Arrivée du
Roy à Ancenis.

Sa Majesté estant passée en Anjou avec sa Cour elle arriva audit Ancenis, place appartenante au Duc de Vendosme qui donna ordre qu'elle y fust receuë avec le respect & l'honneur conuenable, & la traicta avec les Princes & Seigneurs de sa suite.

Cependant M. le Comte de la Rochefoucault qui poursuivoit le sieur de Soubise, & l'armée de la Rochelle avec beaucoup de peine & de risque dans le Poictou, aux sables d'Olonne, n'estât assez puissant pour empêcher les rauages qu'ils faisoient tant sur mer que sur terre, bruslant & pillant par tout, avec des plaintes & cris extremes du pauvre peuple, oppressé par vne telle tyrannie : enuoye promptement supplier sa Majesté de faire aduancer ses troupes, & que sadite Majesté diligentast son voyage, l'asseurant qu'en bres les ennemis pourroient estre ioints & deffaicts par la terreur de sa presence & de ses armes.

D'ailleurs sa Majesté auoit aduis, comme les Rochelois pratiquoient de ietter quelques troupes dans la basse Normandie, pour mettre la reuolte dans cette grande Prouince au moyen de leurs Agens & partisans qu'ils y auoient, ioints à cecy plusieurs mauuais desseins qu'auoit le sieur de Soubise de surprendre quelques ports & places maritimes en Breta-

gne, que dás Fougieres, Vitré & autres places où y a exercice de la religion pretendüe, se faisoient des pratiques pour s'en rendre les maistres, & mettre les habitans Catholiques tributaires & subiets à leurs loix, au mespris & prejudice de l'autorité du Roy.

Pour ce subiet sa Majesté fit peu de seiour audit lieu d'Ancenis, & s'en alla en diligence en la ville de Nantes, apres auoir commandé l'ordre necessaire tant pour la conseruatiõ de Vitré, Fougieres, qu'autres places maritimes de Bretagne, & basse Normandie.

Dans Nantes où sa Majesté arriua le 10. Arriuee du
uril avec la Royne sa Mere, Messieurs les Roy à Nan-
Prince de Condé, le Comte de Soissons, les tes.
Ducs de Vendosme, Cheualier de Vendosme,
de Retz, Marechal de Vitry & autres Seigneurs, où elle attedit l'arriuee de ses troupes, qui descendoient à la file audit Nantes, sa M. se trouua incontinét assistée de plus de 6000. hommes de pied & de plus de mille à 12. cens cheuaux, outre ses gardes ordinaires, & les troupes du Comte de la Rochefoucault qui deuoient venir joindre l'armée Royale deux iours apres, & celles que conduisoit M. le Duc d'Espèrnon, qui aduançoient aussi vers le bas Poictou, toutes en dessein de charger ledict sieur de Soubise, & l'armée Rocheloise qu'il auoit en main.

Dans Nantes sa Ma. se fait informer des des- Conseil tenu
seins des ennemis, des chemins qu'ils deuoient à Nantes.
prendre pour venir en Bretagne, les forces
qu'ils auoient, la quantité des vaisseaux

1622.

qu'ils auoiét amenez de la Rochelle, pour les entreprises que dessus : & les moyens de leur pouuoir couper chemin & deles attaquer & defaire par terre, resolut de les aller trouuer avec s^{on} armée, sur l'aduis dudit sieur Comte de la Rochefoucault, qui trouuoit cette armee ennemie tres-facile à defaire, s'il plaisoit à sa Majesté prendre le temps à propos, & faire aduancer la sienne en diligence.

Resolution
pour aller at-
taquer le sieur
de Soubise.

Ce fut donc sur cet aduis & plusieurs autres que sadite Majesté se resolut de partir de Nantes pour aller trouuer ledit sieur de Soubise, & luy faire ressentir la peine de sa temerité: ayant donc disposé de l'ordre de son armee qu'il se deuoit conduire aux costes du bas Poictou pour affronter celle de la Rochelle, & donner tout soulagement à ses pauures sujets que la tyrânie & la cruauté de ces rebelles inhumains auoit mis en chemise, apres le sac & la ruine de leurs familles qu'ils leurs auoient fait souffrir par la desloyauté de leurs soldats: sadite Majesté partit de Nantes avec son armee le 12. Aueil, laquelle armee estoit composée des troupes qui suiuent.

Premierement pour l'Infanterie.

Le Regiment des Gardes du Roy composé de vingt enseignes, chacune de deux cens hommes.

Le Regiment de Normandie de douze enseignes chacune de 60. hommes.

Le Regiment de Nauarre de douze enseignes chacune de 60. hommes.

Le Regiment du sieur de la Bergerie, de dix

enseignes chacune de 50. hommes.

Le Regiment de Champagne de dix enseignes chacune de 50. hommes.

Pour la caualerie estoient.

Les trois Compagnies de cheuaux legers & de Gendarmes de sa Majesté faifans cens 50. maistres.

La compagnie de Monsieur frere du Roy 50. Maistres.

La compagnie de la Royne mere du Roy 50. hommes.

La compagnie de Monsieur le Prince de Condé. 50. hommes.

La compagnie de Monsieur le Comte de Soissons 50. hommes.

La compagnie de Monsieur le Duc de Vendosme.

La compagnie de Monsieur le Cheualier de Vendosme.

La compagnie de Monsieur de Courtenaut, & autres cheuaux legers ioints à l'armée du roy, avec toutes lesquelles troupes sa Majesté alla loger de Nantes à Vicille vigne distant de cinq lieuës de ladite ville: le lendemain sa Majesté se logea à trois lieuës près des ennemis, le quatorziesme donna le rendez-vous general à toute son armée, & mesmes aux troupes du Comte de la Roche-foucault pour ioindre sadite armée entre Aspremont & Comminquiers: mais sa Majesté estant aduertie que ledict sieur de Soubize se retiroit avec ses troupes en nombre de cinq à six mil hommes de pied, cinq à six cens cheuaux

1622.

Estat de l'armée du Roy à Nantes.

Description
de la defaïcte
du Sieur de
Soubize en
l'Isle de Rié
par l'armée du
Roy.

Attaques du
Royal'Isle
de Rié.

trois pieces de fonte, & quatre pieces de fer, pleine d'ardeur de les combattre, au lieu d'aller au rendez-vous d'Aspremont, s'auança iusques ausdits ennemis, à vn bourg nommé Chalans, où elle eut aduis par le Prince de Condé, que sa Majesté auoit enuoyé pour ioindre les troupes du Comte la Roche-foucault, que le sieur de Soubise & son armée estoient entrez dans l'Isle de Rié, de tres difficile accèz, n'y ayant que trois ou quatre aduenues estroittes, où il ne peut passer que deux ou trois hommes de front: le quinzième May le Roy partit à trois heures du matin avec toute sa caualerie, & s'aduança au lieu où estoient les troupes du Comte de la Roche-foucault, avec lesquelles sa Majesté fist faire en sa presence trois fortes attaques en ladicte Isle, où les ennemis se defendirent mesmes avec leur canon, sadite Majesté n'en ayant point, laquelle estoit en lieu où ledit canon luy pouuoit donner, & enuoya Monsieur le Prince avec tout le reste de son infanterie pour entrer dans ladicte Isle, ayant ladicte Majesté enuoyé le Marechal de Vitry deuant ledit sieur Prince de Condé avec le Regiment des Gardes, où estoient les sieurs Zamet & de Marillac Marechaux de Camp, estant lors près dudit marechal de Vitry, lequel sieur de Vitry entroit dans ladicte Isle, & y faisoit son logement: & incontinent apres ledit sieur Prince de Condé & le marechal de Praslin, & de Bassompierre premier Marechal de Camp, firent diligemment

commander au reste de l'Infanterie de venir
ioindre ledit regiment des gardes qui seule-
stoit logé dans ladicte Isle de venir promptement
les reioindre : ce qui ne peut estre sitost
faict que les ennemis ne parussent avec quatre
cens cheuaux en estat de combattre ledict
Seigneur Prince de Condé deuant que le reste
des forces du Roy le peust ioindre : &
eux voyans qu'ils estoient resolu au combat,
ils se retirerent, & iceluy Seigneur enuoya en
diligence aduertir sa Majesté qu'elle s'avan-
cast avec sa Caualerie dans ladicte Isle, ce
qu'elle fist avec telle diligence qu'il aborda
où estoit ledict Seigneur Prince, & y arriua
aussi tost que le reste de l'Infanterie; où sadite
Majesté estant, mist deux ordres, l'un de
donner du pain à ses soldats, qu'elle fist de-
partir du boulanger de sa bouche à ceux qui
estoit plus proches de sa personne, & re-
paistre promptement sa Caualerie dans le
bourg de saint Iean de Mons à demie
lieuë de là, & elle eut tel iugement & preuoy-
ance, qu'elle enuoya à toute bride audit Côte
de la rochefoucault pour quitter vne par-
tie des postes qu'il auoit pris le mesme iour
en presence de sa Majesté, & fait quitter aux
ennemis pour aller occuper le bourg de S.
Gilles, lieu que dès lors elle preueut que
les ennemis prendroient pour se retirer par
mer : auquel lieu sa Majesté auoit faict met-
tre cinq cens hommes du regimēt de la Ber-
gerie pour garder ledict lieu commandé par
le Capitaine d'Escars. Est à noter que le Roy

Ordre donné
par le Roy
auant le com-
bat.

1622.

Trauaillinfatigable du Roy.

Sa generosité admirable.

fut à cheual depuis les trois heures du matin iusques à six heures du soir, sans descendre: Et pource qu'il y auoit vn petit traject de mer à passer, lequel on ne pouuoit passer qu'en basse mer. Sa majesté fut contrainte d'attendre la basse mer iusques à neuf heures du soir, à laquelle heure elle donna le rendez-vous à son Infanterie & à sa Caualerie pour passer sur le bord dudit bras de mer. Et d'autant que ledit lieu où deuoit passer l'Infanterie, estoit distant d'un quart de lieuë de celuy où pouuoit passer la Caualerie, sadite Majesté estant sur le bord de l'eau, eut aduis que son Infanterie ne pouuoit passer à cause qu'il y auoit de l'eau iusques au col: Elle fut conseillée par plusieurs de ne passer avec sa Caualerie seule, de peur que les ennemis ne vinsent à la charger à demy passée. Sadiçte Majesté neantmoins eut telle resolution & generosité, que se trouuant sur la minuiçt fort obscure, ne voulut laisser de passer avec sa Caualerie seule, qui consistoit en cinq cens cheuaux, tant volontaires qu'autres, d'autant qu'elle auoit laissé trois cens cheuaux, & 50. Carabins au Comte de la Roche-foucault. L'Infanterie ayant sceu qu'elle estoit de là l'eau, fit telle diligence que les Sieur de Bassompierre, & le Sieur de Pallua, Fontenac, Maistre de Cáp du Regiment de Nauarre, passerent avec tous leurs Capitaines, & pareillement aussi tout le Regiment des Gardes & de Normandie, ayant l'eau iusques à la ceinture, & en moins de demie heure furent tous proches de sa Majesté,

ayans passé l'eau qui auoit plus de cinq cens pas de large, & à la main droicte de la M. estoit la mer, & derriere elle estoit ledit bras d'eau qu'elle venoit de passer, n'estant plus au pouuoir de sadite majesté de repasser, à cause que la mer remontoit: en quoy on doit admirer sa generosité, n'y ayant que ce seul moyen de vaincre ses ennemis: & sa majesté se trouuoit si peu fatiguée, que veillant toute la nuit, elle la passa à mettre son armée en ordre pour combattre son ennemy, & au point du iour sixiesme may fit battre aux champs droit à la Croix de Vyé seulement distant de saint Gilles d'un bras de mer, auquel lieu sa Majesté deffit toutel' Infanterie, partie de ladicte Infanteries'estant jettée desia dás des vaisseaux pour s'enfuir à la Rochelle: mais la mer estât basse, les soldats se ietterent pêle mesle dans les vaisseaux, autant là que sur terre en furent tuez 1500. cés; le reste se voulát sauuer par les maretz fut aussi tué par les soldats & paylés: on receut plus de mil prisonniers de leurs gens, tous les maistres de camp, Capitaines & officiers & aucuns de leurs enseignes prises & déchirerent les autres, plus trois pieces de fonte & quatre de fer, tout leur bagage, mesme celui du sieur de Soubise, pris par le Comte de la Rochefoucault & ledit sieur de Soubise se sauua à la nage avec 100. ou six vingts cheuaux seulement.

Danger extreme de l'armée du Roy.

Deffaicte des ennemis.

Bagage gaigné.

Le sieur de Soubise se sauua à la nage.

Ce mesme iour sa majesté venant loger à Aspremont on luy vint dire qu'il y auoit 50. cheuaux qui paroissoient sur le bord du ma-

Cheuaux pris
dans les ma-
retz.

raiz, & aussi tost fist aduancer douze desdicts Carabins, soustenus par ses Cheuaux Legers, fuiuis de ses gens d'armes, à la teste desquels elle estoit, les poussa à bride abattue dans lesdits marais, où en fut pris dix, & les autres se sauans à nage, furent aussi attrappez par les paysans & tuez. Voyla les particularitez de la bataille selon la relation qu'en apporta à la Roynelle sieur du Buissón par commandement du Roy. Voicy celle qu'enuoya le mareschal de Vitry à vn de ses amis.

Monsieur le fait s'est passé de cette façon. Que le Roy depuis Nantes, d'où il partit mardy douzième d'Auril, ayant tousiours cherché de ioindre à grandes traites, l'armée de monsieur de Soubise, & le combattre, bien que sans canon, & pas deux cens cheuaux en tout, ledit sieur de Soubise, s'estant fait passage par force dans l'Isle de Rié, en s'éloignant de nous: Je fus tousiours d'auis de nous en approcher, & l'à recognoissant bien faire voir que ce n'estoit chose impossible de forcer les ennemis de venir aux mains avec nous, bien que ladicte Isle fust d'accès tres-difficile, comme scauent ceux qui la connoissent. Le moyen, en fin, fut tel: Monsieur le Prince s'estant porté à ceste resolution auac fermeté que nous ferions avec toute nostre armée, trois attaques differentes, chacune à plus d'un lieu l'une de l'autre: Et que dès leudy dernier au soir ie partirois deuant, comme ie fis, avec quatorze Compagnies du Regiment des Gardes pour cet ef-

fect, & meloger, s'il se pouuoit, dans l'Isle du Perié, au bourd'vne Digue quiauoit deux lieues de long, sur quatre pieds de largeur, à fond de cuue. Que si ladicte Digue estoit retranchée, comme toutes apparences y estoient, que ie donnasse aduis au Roy de ce qui se feroit passé, & que selon mon progres & mon attaque, il y viendrait en personne avec la meilleure partie de nostre armée: ou iroit aux autres endroicts, si ie ne m'estois peu faire passage: Je mis pied à terre à minuit à la teste des Troupes, & renuoyay tous les chevaux, marchans quatre lieues ainsi en bon ordre le long de la Digue: Apres quoy ayans trouué la terre ferme, ie melogeay beaucoup plus auant que l'on ne m'auoit prescrit, en gagnant le Terrain, & donnay aduis au Roy de faire marcher ses Troupes apres moy, & l'assuray de la possession de l'Isle du Perié, par laquelle ie voulois mourir, si ie ne le mettois dans celle de Rié incontinent, & qu'il marchast hardimét sur ma parole: Ce qu'il fist avec allegresse: estant tres-douteux que i'eusse peu faire ce logement: Et Monsieur le Prince s'en estant venu deuant au galop à la teste où i'estois, m'aduançant tousiours vers les ennemis, avec sept compagnies, les sept autres s'estant fouruoyées dans les autres Dignes des Marais, m'arresta pour attendre le reste de nos troupes, qui venoiet: Et arriuez, attaquer vn pont que gardoient les ennemis pour leur dernier retranchement de l'Isle de Rié, lequel forcé, nous eussions esté à eux dás demy-heure,

en raze campagne, ils firent feinte en ce tēps, de nous attaquer à la teste par leur Infanterie; & au dos par leur Cauallerie, bien de six cens Cheuaux, qui marcha vne lieuë & demie deuers nous en ordre, avec dessein apparent de nous vouloir combattre. Le iour se passa pour nos troupes non arriuées, & la difficulté des lieux dont chacun ne vouloit perdrel'auantage sans venir aux mains, & campasmes à la nuit dans S. Iean de Montz, & trois heures apres sur les dix heures du soir: Vëndredynous passâmes la Cheuale de S. Gilles ou autrement de Bessé de Basse marée, pour aller sans ruisseau ny riuiera aux ennemis, avec vn fort bel ordre & marchasmes depuis les dix heures du soir, iusques à six heures du matin tousiours en bataille droict à Rié où logeoit le corps des ennemis avec leur Canon: Et par les chemins ayant pris langue qu'ils s'embarquoient diligemment au Port de saint Gilles, ou de Croix de Vié, pour se retirer ie m'aduançay diligemment avec l'auant-garde que ie commandois: De façon qu'arriuant le premier sur le haure, les Nauires desia tous chargez de leur infanterie, sans pouuoir sortir du port, ils se rendirent à moy à la mercy du Roy, emmenans vn Gentil-homme des miens, dans leurs vaisseaux avec vne chaloupe, pour accepter ceste condition, & pour recevoir le reste de leurs drappeaux qui n'estoient bruslez qu'ils m'enuoyerent en terre. Monsieur le Prince arriua incontinent apres, & le Roy à l'instant au galop, à la venue duquel tout cecy se passa avec

auec grand courage, & estime de toute l'armée. Il est demeuré en possession par cet effect, de douze Vaisseaux, de trois Canons de Fonte, & quatre de Fer, posez en terre, & plus de deux mil cinq cens prisonniers, plus de six cens tuez ou noyez : & de telle deffaite que ledit sieur de Soubise se sauua à trauers la riuiera à cheual si legerement, quittant toute l'Infanterie de son armée qu'on ne sçauoit quasi par où il s'estoit retiré. De toute sa Cauallerie, il ne s'en est sauué que 2. cens Cheuaux: tout le reste ayant esté tué, pris ou rompu & en fuite à trauers les Marais ou la Campagne, auec vn desordre le plus grand qui se vid iamais : Et ainsi le Roy demeure Victorieux & Glorieux parfaictemēt en ceste actiō, ayant vaincu dans vne Isle & des marais, vne armée logée auec sept pieces d'Artillerie, à la teste de cinq mil hommes de pied, & six cens Cheuaux, vne riuiera où le flot venoit apres nous, qui ne se pouuoit plus rapasser, & la pleine Mer à la main droicte, & ainsi ne peut trouuer salut qu'à ses armes, & point d'espoir du tout en sa retraite: de sorte que vous pouuez sçauoir la situation du lieu d'où nous estions passez pour donner la bataille.

Bref voicy le veritable narré de ce qui s'est passé selon les memoires les plus asseurez.

Le Roy ayant eu aduis que le Sieur de Soubise faisoit des courses extraordinaires dans le Poictou, & qu'il persistoit tousiours en ses premiers reuoltes, resolut auecques son armée de r'approcher de luy & de luy

Relation veritable de tout le combat.

1622.

luy rompre ses desseins, il partit de Nantes pour entrer dans le Poictou, & costoyer la mer où ledit sieur auoit mis le principal de ses forces, principalement en l'Isle de Rié, il auoit cinq mille hommes tant de pied que de cheual.

Disposition
de l'armée du
Roy pour at-
taquer l'Isle
de Rié.

Sa Majesté fit ses aproches, & fit boucher toutes les auenues par où ledit sieur de Soubise se pouuoit sauuer, il dépescha vne partie de ses troupes au port de S. Giles, l'une à la Barre, l'autre à Monts, & quelques compagnies à S. Jean qui sont les 4. ports qui sembloient fauoriser dauantage à la fuitte des ennemis, & par où ils pouuoient esperer quelque retraicte.

Cependant sa Majesté entra avec toute sa Caualerie, & les trois mil cinq cens hommes de Monsieur de la Rochefoucault dans l'Isle, où il fit mesme porter son liét & son souper à l'imitation de François premier, qui n'eust en pareil cas durant les guerres qu'il faisoit en Italie, que le timon d'un chariot pour son oreiller.

Le Roy faict
donner du
pain à ses sol-
dats.

Il y fit porter quantité de pain & de viure pour les gens de guerre avec resolution de forcer le lendemain les ennemis au point du iour, & leur donner vn assaut general par cinq endroits avec toute l'Infanterie qui (comprise toutes les troupes de monsieur de la Rochefoucault) estoit de dix mil hommes.

Sa Majesté voulut recognoistre la force & l'estat où estoient les ennemis, pour à quoy aboutir il commanda au Marechal de Vitry de prendre six cens cheuaux & onze cens

hommes de pied pour les aller visiter ledict sieur, comme il est tres-affectionné au service de son Prince, voulut aussi prendre l'occasion par les cheueux, & tesmoigner avec quelle ardeur il cherit l'heureux succès de sa M.

1622.

Fidelité du
Mareschal de
Vitry.

Il prit les six cens cheuaux & les vnz e cens hommes de pied qui luy furent donnez, & alla sous la conduite des payfans du païs qui luy seruoient de guide en ce lieu, & qui brusloient de desir qu'ils auoient de voir ces rebelles deffaits qui leur auoient fait souffrir mille maux & miseres: ils l'accompagnerent iusques au bord de la mer, où il eut aduis que les trouppes dudit sieur de Soubise s'embarquoient au port de S. Gilles, pour s'en aller à la rochelle.

Il en fit promptement aduertir sa M. qui aussitost prit ses armes, & endossa sa cuirasse: & bien qu'il ne fut que deux heures apres minuit, il quitta toutes fois son repos pour embrasser la fatigue d'un furieux & aspre combat, & se porter valeureusement en la meslée.

Ce genereux courage qui brule d'un ardent desir, d'engraver son nom sur l'airain de l'immortalité, les assaillit avec tant de furie, que les ayans pris à depourueu il lestailla tous en pieces, la mer ne fut empourprée que de leur sang, ils n'eurent pas le loisir de s'armer, car l'industrie de sa Majesté les desarma de courage deuant qu'ils se fussent armez & endossiez de leur harnois.

Attaque courageusement
les ennemis.

La deffaire fut de plus de deux mil hommes de pied, dont la pluspart se precipita dans l'onde, iamaïs on ne vist un tel desordre, &

Nombre des
morts.

1622.

fut impossible au Sieur de Soubise de rallier pas un de ses gens tât leur sens leur estoit troublé.

Le mareschal de Vitry qui auoit commencé le choc, fit paroistre aux rebelles & partialistes de ce Royaume, de quel bras il estoit armé pour le seruice d'un Roy, qui sous les drapeaux de sa Iustice se fait place parmy les dangers les plus hazardeux.

Monsieur le Prince de Condé avec ses chevaux legers tesmoigna aussi en ceste rencontre combien il est porté au seruice de son Roy, tranchant au fil des armes tous ceux qui pensoient eschaper sa furie.

Courage admirable de sa Majesté.

Mais ce qui est plus à admirer, ce fut de voir sa Majesté d'un courage hardy & d'une ame genereuse se porter aux coups en la meslée à la teste de son escadron, ne s'estant nullement soucié des canonades de l'ennemy qui auoient donné iusques dans son quartier, cela animoit le courage & enflammoit la fureur des soldats à sa suite.

Les ennemis perdent courage.

L'espouuante & le desordre qui se mit dans les ennemis en mesme temps avec la fureur des assaillans qui moissonnoient desia la victoire, les mit generalement en desroute, plusieurs tenderent en vain d'eschaper le peril qui leur panchoit sur la teste, mais la charge furieuse qui leur battoit en flanc & en dos les ruina entierement.

Nombre des prisonniers.

Outre les deux mille hommes qui ont esté defaicts, il y eut pour le moins deux mille qui furent prisonniers, tout leur canon demeura au Roy avec quatorze vaisseaux de

batterie.

1622.

Le bagage & toute la pillerie que ces mutinez auoient fait dans le Poictou demeura aux foldats de l'armée du Roy qui butinerent entierement leurs vaisseaux, où plusieurs de ces fuyards s'estoient ietté avec leur butin pour s'eschapper & se sauuer du hazard où leur imprudence les auoit fait tomber.

Le sieur de Soubise apres auoir en vain fai& ses efforts pour s'opposer à vne telle inondation de troupes qu'il voyoit grossir de plus en plus, comme desesperé de ne pouuoir rien gagner par terre, puis qu'elle luy manquoit, se precipita à la nage dedans l'eau avec quelques vns de sa Cauallerie.

Fuite du
sieur de Sou-
bise.

Outre le butin que i'ay remarqué cy dessus, les Soldats de sa Majesté prirent & firent entre les despoüilles des ennemis tout l'attirail qui conduisoit & menoit le Canon desdits rebelles avec les poudres, balles & munitions qu'ils auoient preparez pour contester l'entrée de ceste Isle à sa majesté.

Canon & mu-
nitions gai-
gnez.

La Noblesse de France fit paroistre en ceste furieuse charge avec combien d'ardeur & de courage elle embrasse le party de son Prince, & avec quelle generosité elle est animée pour son seruice; il n'y eut personne des principaux de l'armée qui n'eust trempé ses armes victorieuses dans le sang de ces Aquilons reuoltez.

Valeur de la
Noblesse en
ce combat.

Le roy ioyeux de tant de Lauriers verdoyans qui luy ombrageoient la teste, pour vne tant signalée deffaite, apres le combat

R iij

1622.

Resistance
d'aucuns
chefs du sieur
de Soubise.

Ordre donné
par le Roy
avant le com-
bat.

rendit graces solempnelles à Dieu de tant de fa-
ueurs qu'il luy prodigeoit, & bien-veigna avec
vne allegresse plus qu'admirable, & vn fauo-
rable accueil tous les Capitaines en general,
qui tous remercieraient humblement sa Ma-
d'auoir conduit si genereusemēt ses troupes.

Il est icy à remarquer que le sieur de Sou-
bise auoit commandé en cet accident au
Comte de Marans qui estoit le principal a-
gent, & le premier moteur de ses affaires,
de s'opposer entierement aux desseins du
Roy, & de faire en sorte qu'il n'eust le dessus,
cependant que de l'autre costé avec le Sieur
de la Motte, il commandoit à vne autre
troupe de caualerie qui deuoit se joindre &
faire vn gros pour enclorre l'armée du Roy:
Mais toute leur mine fut esuentée, & n'eur-
rent pas le loisir de ralier vne de leurs troup-
pes.

Le Comte de Marans disputa quelque
temps l'entrée de l'Isle à Monsieur le mares-
chal de Vitry & le Sieur de la Motte qui auoit
autresfois tenté le sort contre Monsieur de
Humieres, de l'autre costé faisoit ses efforts
d'empescher la furie des soldats.

Deuant que commencer le combat, sa ma-
jesté auoit donné ordre à tout ce qui estoit
nécessaire tant pour ce qui concernoit les vi-
ures que ce qui regardoit la façon de marcher
les troupes qu'il fit tourner du costé du bourg
de S. Gilles qui est vn des Haures de l'Isle de
Rié seruirent grandement à l'expédition de
ce combat, car les ennemis ne voyant aucune

forte de retraite, & toutes les aduenües bou-
chées par où ils se pouuoient sauuer, perdi-
rent le courage, & ne songerēt qu'à vne hon-
teuse fuite.

Le sieur de Bassompierre, & le Marechal de
Prallin qui accompagnoient le marechal de
Vitry, & infinie Noblesse volontaire qui es-
toient entrez dans l'Isle donnerent le pre-
mier choc, où comme i'ay dit le Comte de
Marans se presenta avec la plus part de ses
troupes.

Le sieur de la Motte cōduisoit vn autre cor-
nette, & auoit enuie de faire quelque surprise,
mais il fut surpris par les troupes de Monsieur
le Prince qui se vinrent rallier & ioindre avec
le gros de sa Majesté.

Ainsi le Comte de Marans fut pris le pre-
mier comme il estoit des plus auancez dans le
combat, vn Capitaine des gardes l'emmena
au Marechal de Vitry, qui depuis le conduit à
sa Majesté en toute seureté.

Le sieur de la Motte se rendit apres quelque
peu de resistance entre les mains d'un des Ca-
pitaines des troupes de Monsieur le Prince
qui l'emmena au Roy, & fut mis en depost cō-
me le premier: toute leur infanterie & plusieurs
de leur Cauallerie qui n'eurent pas le loisir de
prendre la mesme route que le sieur de Sou-
oise, furēt taillés en pieces iusques au nombre
de 16. ou 18. cens, & ne s'en faut beaucoup es-
merueiller, puis qu'ils furent pris tous à des-
pourueu.

Tous leurs Maistres de Camp, Enseignes,

R. iiij

1622.

Premier choc
donné par les
sieurs de Vi-
try, de Bas-
sompierre &
de Prallin.

Prise du sieur
de la Motte.

1622.

Tous les officiers de l'armée ennemie pris.

Capitaines & Officiers se voulans engager trop auant en la meslée y demeurèrent avec vn grand nombre de Noblesse qui auoit fuiuy volontairemēt les troupes du sieur de Soubise.

Les drapeaux & enseignes qu'on apporta à la Reine de la part de sa Majesté firent foy de ce que ie dis, & peuuent authoriser ces lignes.

Poursuite
par les Paysans

Les paisans des demeurans de l'Isle de Rié acheuerent de tuer plusieurs des fuiars qui se sauuoient secrettement du danger où estoient leurs compagnons.

Le nombre des prisonniers signalés fut grand, & il y eut plus de deux cens hommes de remarque, qui furent pris sans ceux qui y ont esté tués; toute la Noblesse qui auoit fuiuy le sieur de Soubise au pillage qu'il auoit fait dans ses courtes de Poictou y fut generallyment laissée: le butin enflâma beaucoup les soldats du Roy qui dès lors parurent animez & encouragez à la charge plus qu'au parauant: car ils se ietterent dans les vaisseaux où les rebelles se pouuoient sauuer, & pillerent generallyment ce qu'ils y trouuerent (si pillerie se peut dire ce qui vient de ce pillage.)

Le nombre des prisonniers esgala ceux qui furent tuez, car on ne pardonna à personne de ces reuoltes, puisque l'occasion estoit si fauorable pour sa majesté.

Ce furent des commencemens & des premisses de ceste année qui ne nous fournira pas moins d'occasion de celebrer les hauts & ad-

mirables faits de l'Inuincible que l'â passé, où il fit paroistre les marques de sa valeur aux despens des rebelles.

Quatre grands effectz de la prouidence de Dieu, ont paru en cette occasion en faueur du Roy.

La premiere la disposition del'air, qui auparavant estoit nubileux & pluuiieux, ne fut iamais plus net & plus serain qu'il fut le long de cette nuit & du iour ensuiuant, iour de la bataille.

La seconde que le flux de la mer retarda de deux heures plus que l'ordinaire, pendant lequel parut le 3. effect qui fut que les vaisseaux des ennemis ne peurent iamais partir de dessus l'arcine dans laquelle ils estoient engruez pour porter les fuyards en pleine mer, & se sauuer de la poursuite des gens de guerre de sa Majesté.

Le quatriesme fut que les ennemis à l'aspect de sa Majesté furent frappez d'un tel effroy & d'une telle crainte, qu'il leur estoit impossible de se defendre, Dieu le permettant ainsi, afin que là mesme ils endurassent le châtiment de leurs crimes en la presence du Prince le quel ils auoient si licentieusement offensé.

Parmy le butin qui fut donné aux soldats victorieux, furent trouuez quantité de cloches, & orneimens d'Eglise, forces calices, reliques & argenteries volles dans le pays des pauvres Olonois, qui estans apportees en la

1622.

quatre effectz
de la proui-
dence en cet-
te entreprise
Royale.

1622.

Prise du Cha-
steau de la
Chaume par
le Comte de
la Rochefou-
cault.

présence du Roy, sa Majesté pour sa pieté cō-
manda que le tout fut renuoyé és lieux d'où il
y auoit apparence qu'ils auoient esté desfro-
bees: on trouua force housses, harnois & ban-
dolliers faictes de chappes & chasubles & or-
nemens sacrez, qui monstroient combien
ces miserables sacrileges auoient esté insolens
en leurs rauages sur les pauvres suiets du Roy:
aussi Dieu permit il qu'ils ne iouerent pas lon-
guement de ce larcin, & qu'en moins de six
heures ils le payarent cherement au prix du sãg
& de la vie d'un bon nombre des leurs.

En mesme temps le Roy enuoya le Comte
de la Rochefoucault pour inuestir le Cha-
steau de la Chaume, avec trois mil hommes,
lequel fut prins par luy le 18. dudit mois, &
cent cinquante des ennemis y furent tuez, &
quatre cens pris prisonniers.

Et est à remarquer qu'apres que ledit Cha-
steau de la Chaume fut pris aux sables d'Olo-
ne, les Rochelois venoient avec vingt Naui-
res chargez de munitions & soldats, croyans
qu'il ne fut pris pour le secourir: le Comte
de la Rochefoucault ayant eu aduis de leur ar-
riuee, enuoye quelques soldats au bord de la
mer avec enseignes des ennemis qu'il auoit
gaignees, & les fait presenter à la veuë de ce se-
cours pour les faire aduancer, & leur donner
assurance de s'approcher, estimans que ce
fussent les leurs qui les attendoient; & de faict
lesdits vingt Nauires approchent du port, &
estans prests du riuage, font descendre vn Ca-
pitaine auec quelques six vingts mousquetai-

res, qui entrent dans la place, où ils ne sont si tost arriuez qu'on les met en pieces, ce que voyant vne femme, sort sur le riuage de la mer, & cria à ceux qui estoient encore aux Nauires, leur disant, *sauee vous mes amis, vous en nemis sont maistres du Chasteau*: ce qu'ils firent, & en la plus grâde diligence que faire se put.

En mesme temps que le Chasteau de la Chaume fut rendu, le sieur de Bazey, Lieutenant dudit sieur Comte de la Rochefoucault rencontra le sieur de Soubise avec 60. cheuaux qui s'estoiēt sauuez avec luy, les chargea avec 30. Maistres seulement, les desfit, & prit 30. de ses gens prisonniers.

Sa Majesté seiourna le 17. May aulieu de la deffaicte dudit sieur de Soubise, & fit faire monstre à son armee fort deliberee pour la seruir. Proche d'elle estoient tousiours les Prince de Condé, & Comte de Soissons, le Duc Vendosme, le Cheualier de Védosme, le Duc de Fronfac, le Duc de Rets, les Mareschaux de Vitry & de Praslin, le Comte de Schomberg, les Marquis de Courtenau & de Nesle, avec autres Seigneurs qui firent tres-bien leur deuoir en cette occasion.

De là sa Majesté s'en alla au bas Poictou à la Roche sur Yon où ledit sieur Comte de la Rochefoucault la vint aduertir de cette prise du Chasteau de la Chaume, & de la quantité des prisonniers qu'il y auoit, le Roy le receut avec toutes sortes d'applaudissemens & marques de bienveillance, tesmoignant en l'exterieur le ressentiment de ioye qu'il auoit

1622.

Cette femme fut mise en pieces par les soldats, puis ietee en la mer.

1622.

Bienveillance
du Roy en-
uers le Com-
te de la Ro-
chefoucault.

en l'intérieur pour tant d'heureux succez qui l'accompagnoient de iour à autre, il dit au Comte qu'il retint les prisonniers iusques à ce, qu'il auroit donné ordre à les punir selon leurs demerites, & pour signe de bien-veillance, sa Majesté, en recompense de ses fidelitez, luy donna vn breuet de Duc & Pair de France.

Cependant on fit vne exacte perquisition de tous ceux qui estoient pris, de leurs noms, surnoms, pays, ville, & autres particularitez qu'on a accoustumé de rechercher en pareil cas.

On trouua que la plus part des rebelles qui estoient prisonniers dans le Chasteau, estoient sortis de S. Iean d'Angely, & autres villes reuoltees, & s'estoient retranchez dans ceste forteresse de la Chaume.

Le Roy ordonna que ceux qui estans sortis de saint Iean, & auroient pour la seconde fois porté les armes contre le deuoir & la reuerence qu'ils deuoient porter à ses loix, seroient enuoyez aux galleres pour seruir sa Majesté aux occurrences : plusieurs furent menez & conduits liez & garrottez à Marseille, pour apprendre à mesurer l'Océan, puis qu'ils auoient mesuré leur imprudence à l'aune de leur mutinerie.

Ceux qui ont esté trouuez sortis de la ville de Clerac, & qui contre le respect qu'ils deuoient porter au commandement de leur Souuerain, auoient derechef suivy les mesmes brisées, & executé les mesmes desseins, furent,

enuoyez en la ville de Nante, pour estre chastiez selon leur merite, puis qu'ils ne vouloient aucunement despendre de sa Majesté, ains vouloient suiure vn conseil à part.

On fut d'opinion que ceux qui comme vagabons (soit qu'ils fussent sortis des regimens & des troupes du sieur de Soubise, ou du sieur de Rohan) s'estoient enclos & enfermez dans ceste place, fussent condamnez de porter pour marque de leur rebellion la fleur delys grauce au font, avec defences tres-expresses de ne porter d'oresnauant les armes contre sa Majesté sur peine de la vie, & d'encourir le mesme danger que les autres qui auoient esté repris pour la seconde fois : mais on se contenta de les enuoyer aux Galeres.

Delà le Roy s'en alla à Niort, où il seiourna quelque temps, il fit mener toute la Noblesse qui fut prise au combat de l'Isle de Rié prisonniers à Poictiers & à Niort, les vns estans mis à la garde des Bourgeois, & les autres ayans la ville pour prison.

Là sa Majesté fit vn Edict, par lequel elle declaroit criminels de leze Majesté tous ceux qui auoient suiuy le sieur de Soubise. Les autres prisonniers en nombre de sept cens furent enuoyez à Nantes, où quelques iours apres y en eust treize de pendus : les autres condamnez aux Galeres, plusieurs se sont conuertis à la Religion Catholique par la peine. & trauail de l'Euesque de Nantes & de son Clergé.

1622.

Voyage du
Roy à Niort.

Prisonniers
enuoyez à
Nantes où
aucuns se
conuertissent.

1622.

Sieur de Mar.
 illac enuoyé
 à S. Malo par
 le Roy.

Pendant encore que sa Majesté estoit à Niort, elle enuoya le sieur de Marillac à S. Malo de l'Isle, pour faire entendre aux habitans que sadite Majesté auoit fait choix de quatre Cheualiers de Malte pour prendre la conduite de leurs vaisseaux prestes à partir pour aller faire escorte à son armée nauale partie de Lisbonne en Portugal pour venir sur les costes de France, mais lesdits habitans de S. Malo firent responce, qu'ils respondroient de leur fidelité & de leurs vaisseaux à sa Majesté, desquels ils prendroient librement la conduite comme ils ont accoustumé de faire, & ne pouuoient en permettre la conduite à d'autres.

Ceste deffaiete n'empescha point que l'on ne poursuiuit viuement le sieur de Soubise par quelque troupe de Cavalerie l'espace de deux ou trois iours, mais il se sauua finalement à la Rochelle à la faueur de la nuict & de la forest de Benon à quatre lieuës proche de la ville.

Sa Majesté desirant estre seruie comme il appartient, & sans soubçon en ce voyage, congédia tous les Officiers de la Religion pretenduë Reformee suyuant ses armées.

Il est vray que la fidelité de plusieurs de la Religion pretenduë reformee est grandement à louer : car depuis que le Roy a commencé la guerre, plusieurs de leur party & des plus crestez se sont mis à l'abry des coups sous l'estendard de sa Majesté, & aussi ne pourroient-ils trouuer lieu de refuge plus asseuré. Le Roy leur a tesmoigné avec quel

Congé donné aux Officiers de la Religion dans l'armée du Roy.

visage il reçoit ceux qui se iettent de son costé, & combien il chérit ceux qui luy sont fidelles subiects. Mais comme il voyoit que quelques vns abusoient de cecy, & que sous couleur de se ranger sous le joug de l'obeyssance, ils venoient effleurer ce qui se pratiquoit au Conseil pour en donner aduis aux ennemis, se resolut de ne les tenir dauantage, aussi estoit-ce assez pour eux d'estre enrrollez au nombre de ses subiects, sans s'insinuer si auant dans ses affaires.

Toutesfois ce que le Roy a faict, n'est pas venu par aucune rigueur ou inimitié qu'il eut contre eux, car il les affectionne en tant que ses subjects, mais la principale cause a esté *Motif de ce finist.* pour s'oster de soubçon & de la deffiance, où telles gens le pouuoient embarquer s'il les eust tenus plus long temps près de luy.

Il en congedia quelques vns pour vn temps seulement (car sa Majesté entend tousiours les maintenir en leurs charges, Offices & immunitéz) ce qu'il en a faict, ce n'est que pendant qu'il poursuura les Rebelles qu'il leur a voulu interdire sa suite : aussi n'est il pas raisonnable qu'un Roy se serue de ceux qui peuuent descouurir ses secrets à ses ennemis. Entre ceux qu'il a voulu congedier il bailla le passeport à ses seruiteurs & domestiques, promettant les tenir tousiours au mesme rang qu'ils auoient tenu en sa Cour, mais qu'il ne vouloit nullement se seruir d'eux en ceste guerre presente. A ce commandement tous ceux qui

Dessain de sa Majesté.

1622.

estoyent au camp sortirent avec esperāce toutesfois de retourner, & d'estre reintegrez en leur premiere charge, s'ils persistoient en leur deuoir. Plusieurs de Paris qui estoient allez à Nantes pour suiure le voyage de sa Majesté, retournerent, & mesme de ceux qui estoient les plus aduancez aux affaires.

Le Duc de l'Esclignieres enuoye le sieur de Buillon au Roy pour la paix.

Au mesme temps le Duc de l'Esclignieres voyant que le Roy estoit resolu de dissiper toutes les pretentions des rebelles, enuoya le sieur de Buillon intendant de sa maison, trouuer sa Majesté dans Niort, pour luy faire ses submissions, & desaduouier toutes les reuoltes qui s'estoient souleuees contre elle depuis ces derniers troubles : Il croioit venir trouuer sa dite Majesté à Paris, mais il eut aduis de son depart : cela luy fit tourner bride droict à Nantes, & delà à Niort, où il alla saluer sa Majesté de sa part avec toutes les offres qu'un bon subiet peut faire à son Prince, aussi ne pouuoit il se mettre à l'abry de tant de foudres qui menacent les partisans des rebelles, que de venir mettre son assurance aux pieds du Roy. Ses lauriers luy seruiron de boucliers tant contre les ianelines des furieux de son party, & de la religion pretendue qui digèrent fort cruement cette submission. Cela leur semble bien dur, que leurs plus grands amis les quittent au besoin, & se retirent de leurs monopoles, pour suiure celuy que la victoire accompagne, & suit par tout.

Le Roy receut ledit sieur de Buillon d'un agreable visage, & luy tesmoigna qu'il ne luy portoit

portoit pas moins d'affection qu'à monsieur del'Esdiguieres duquel il fait les affaires.

1622.

Ledit sieur luy remonstra comme plusieurs
des villes pour lesquelles il auoit esté enuoyé
supplioient sa Majesté de les recevoir en sa
protection, & d'accepter le bon tesmoigna-
ge du service qu'elles luy presentoient, se
soubsmettans de n'embrasser d'oresnauant
autre party que le sien.

Remontran-
ce dudit sieur
de Buillon
faicte au Roy.

Montauban qui est vne des forteresses où
la rebellion a estably son siege, n'a pas suiuy
ce bon conseil, ains elle persiste tousiours en
ceste action, & deliberation mauuaise, d'at-
tendre les armes du Roy, aussi ses citoyens,
receurent-ils la peine condigne à leur merite
s'ils continuent.

Monsieur de Montmorancy qui est pour
le service du Roy dans le pais du Languedoc,
eut aduis que quelques villes de ceste Prouin-
ce auoient enuoyé ledit Sieur de Buillon, &
ses deputez pour parler à sa Majesté. Cela luy
donna autant de contentement, qu'il auoit
esté auparauant fasché de leur reuolte.

La fureur & la crainte de ses armes, qui le
rendent à l'egal d'un des premiers Capitaines
de France, a contraint lesdites villes, & leur
a seruy comme de planche pour franchir ce
coup. Ledit Sieur de Buillon eut audience à
diuerse fois, où le Roy fit paroistre avec quel-
le ardeur il embrasse ceux qui d'une ame ge-
nereuse se viennent de leur plein gré soubf-
mettre à ses loix, & combien il ayme mieux
reduire ses subjets par douceur & clemence

1622.

qu'il a eue en partage du Grand Henry auf-
si bien que son Sceptre, que de ruiner & re-
mettre son peuple à son seruice par force &
rigueur des armes.

Les deputez de chaque ville, qui estoient
venus particulièrement au cledit Sieur de Buil-
lon, furent bien veuz & bien venus de sa ma-
jesté, & remporterent toute sorte d'assuran-
ce de sa bonne intention.

Hayne des
Rochelois
contre le sieur
de Soubise.

Le retour dudit sieur de Soubise a la Ro-
chelle d'une hayne generale de tout le peuple,
chacun luy reprochoit sa lascheté, on le blas-
moit d'une si pauvre conduicte, & d'une per-
te si grande pour tout le corps des rebelles, &
ne peut viure avec ce peuple en assurance, on
le regarde de trauers, on desdaigne de le voir,
on ne luy donne aucune charge, bref se voyât
si mesprisé & si peu estimé à la Rochelle il se
dispêse de soy mesme, & pèse de faire vn voy-
age en Angleterre y pour pratiquer quelques
leuées pour amener au secours des rebelles, &
reparer la faute qu'il a faicte, mais tout cela
luy reuint à fort peu de profit & d'honneur:
nous en parlerons cy apres.

Conseil tenu
à la Rochelle
pour faire
nouuelles le-
uées.

Cependant les Rochelois apres la perte de
leur armée en quoy consistoit leur meilleure
esperance, resoudent en leur assemblée d'a-
noir quelque nouveau secours, & employer
le Duc de Rohan pour leuer nouuelles trou-
pes, bien qu'il fust assez empesché de se defen-
dre en Languedoc, où pour lors, le Duc de
Montmorency le presse & le poursuit en flac
& en dos; sur ceste resolution ils conuoque-

Cent nouveaux deputez de chaque ville dont ils peuuent tirer quelque ayde pour deliberer ce qui estoit à faire en vne chose si importâte.

Et entr'autres qui se trouuerent en leur assemblée fut le sieur del'Escun cy deuant Conseil-ler à Pau en Bearn, & du depuis vn des premiers Presidents de la Chambre de l'Edit de Nerac, & avec luy 2. Ministres qui estoient sortis de ladite ville. pour luy seruir d'escorte, s'y acheminerent, où ayans distribué les aduis de leur resolution, & deliberé sur ce qui estoit de plus necessaire en ce cas, on arreste qu'il falloit leuer des troupes, & qu'autrement leurs affaires tireroiét grandement au declin; ils voyent comme le Roy s'aduançoit de iour à autre de leur ville, & qu'en bref il la pourroit inuestir si on ne soignoit de se bien defendre : mais les pauures gens auoient plus de commissiōs que de monnoye pour soudoyer leurs troupes, leur magasin est tantost à sec, tous ceux du Languedoc, Viualetz & autres villes rebelles ne se plaignent que des daces, tribus, imposts & leuées de deniers qui se prennent sur eux par les Rochelois, dont pour se fortifier firent & despecherent vingt-cinq Commissiōs pour leuer vingt-cinq Regiments, chacun de mille hommes & ainsi ce seroient vingt-cinq mille hommes qu'ils auroient sur pied; mais cela ne se peut executer en deux iours, ce n'est pas tout de les leuer, il les faut nourrir & certes, ou prendroient ils vingt-cinq mil hommes qu'ils sont bien empeschez d'en entretenir quatre mil.

1622.

Le Duc de rohan, comme le plus cresté des rebelles, fut choisi par eux pour faire ceste leuée, on deputa aussi tost vers luy ledit l'Escun President, & les Ministres de Nerac avec les memoires chifrés, paquetz & commissions pour faire ces leuées: mais ils ne les porterent pas loing, cela estoit de trop difficile charge pour eux, on les deschargea en chemin.

Prise de l'Escun fort de la Rochelle par les gens du Roy.

Car à peine furent ils à dix ou douze lieues de la Rochelle que vingt-cinq ou trente chevaliers de la part du Roy, de ceux qui voltigent aux environs de ladite ville, les apperceuans se iettent sur eux, recogneurent les papiers & commissions pour leuer gens de guerre qu'ils portoient toutes signées du mois de Ianuier dernier, le nō des capitaines en blanc, & pour les oster hors de peine d'aller si loing trouuer monsieur de Rohan, ils les amenèrent pieds & mains liez à sa Majesté qui les fit mener prisonnier à Bordeaux, par lequel emprisonnement Dieu permit que l'on ayt recogneu les plus secretes entreprises de ceux de la Religion pretendue reformée tant par les memoires & papiers, dont ce President & ces ministres estoient saisis, que par d'autres moyens inuentez & recherchéz par des plus fidelles seruiteurs du Roy.

Ce qui estant venu à la cognoissance de sa Majesté cela seruit d'occasion d'esmouuoir son iuste courroux, & d'en promettre les punitions telles que l'importance du crime le requiert, ne desirant les moins espargner

que ceux qui ont esté pris dans le Chasteau de la Chaume, apres la deffaiëte des troupes du sieur de Soubise.

Aussi quelle apparence de voir vn peuple rebelles s'armer d'audace contre son roy, & tenter iournellement les occasions pour diminuer son autorité, sans les presser de la punition de leur forfait: aptes quelque tēps de l'emprisonnement desdits prisonniers le Parlement de Bordeaux suyuant la commission du Roy trouailla au procès dudit l'Escun, & par arrest fut condamné à la mort, & executé audit Bordeaux.

Le Roy ayant ainsi seiourné quelque temps à Niort descendant son armée en Xaintonge, passa par S. Iean d'Angely pour voir le traual que l'on fit l'an passé à la demolition de la place, & trouuant n'estre encore bien demolie, fit acheuer d'abatre & raser ce qui restoit.

S. Iean d'Angely acheué de demolir en la presence du Roy.

Vn Ministre seditieux preschant quelques iours auparauant la rebellion à ses auditeurs en cette ville, gaigna au pied si tost qu'il ouyt parler de l'arriuée de sa Majesté en Xaintonge.

Le Duc d'Espéron qui s'estoit rendu à Niort aupres de sa majesté luy fit assistance iusques dedans Nantes, où fut seiourné quelques iours, tant pour y tenir conseil sur le fait de Royan que pour le blocquement de la Rochelle.

Arriuée du Roy à Xaintes.

Pendant que le Roy est à Xaintes on luy dōne ialousie du fort chasteau de raillebourg, place trop importante pour estre laissée en

1622.

Sagesse du
Duc de la Tri-
moüille.

d'autres mains que celles de sa Majesté, quoy qu'elle appartient au Duc de la Trimoüille.

Il est vray que iusques à present ledit Duc de la Trimoüille est demeuré tousiours dans les limites de la neutralité, & ne s'est voulu embarquer avec les Rochelois, preuoyant assez l'orage qui les menaçoit & les escueils qu'ils pourront rencontrer, ny aussi se mettre du costé du Roy, pour ne donner aux rebelles vn mauvais soubçon de soy, ains il s'est tousiours tenu neutre (reseruant toutesfois à sa Majesté l'entrée de ses villes quand il luy plairoit yaller.

Le Roy passant l'an passé en Poictou & Xaintonge, les villes des environs luy vindrent protester leur seruice & luy faire la reuerence, sa Majesté se contenta de les voir rangez à leur deuoir sans autrement leur donner de garnisons, ny les charger de soldats: mais comme il vit que quelques vns ont abusé de ceste douceur, & que la clemence ne pouuoit effectuer ce que sa rigueur pratiqueroit, si ils le pressoient de faire par force ce qu'il ne pouuoit auoir d'amitié, se resolut en passant de voir s'il y auoit quelques villes de ceux qui l'an passé luy auoient voué toute sorte d'obeïssance, qui voulut se mutiner contre ses armes.

Force du cha-
teau de Tail-
lebourg.

Taillebourg est vne forte place erigée en Duché, bien garnie & munitionnée de tout ce qui est necessaire à vne forteresse, & qui eust peu contester quelque temps l'entrée, defenduë de bastions, redoutes, bouleuars, & approches; elle appartient à M. de la Tri-

meüille qui en est Gouverneur, il n'y demeure pas pourtant, mais y a son Lieutenant qui en prend le gouvernement & le soing.

Ledit gouverneur ou Lieutenant voyant le Roy proche de soy, resolut comme vn de ses fidels subjects de luy offrir son seruice, ainsi qu'il auoit fait l'an passé, croyant que sa Majesté se contenteroit de ses offres, & qu'elle ne passeroit plus auant.

Il vint trouuer sa Majesté, & se voia entierement à elle, palliant par ce deuoir exterieur ce que ses Citoyens prattiquoient sourdement au dedans. Le Roy le receut avec toute sorte de courtoisie, & le bien-veignit d'un visage assez satisfait de le voir reduit à son deuoir. Il commanda aussi tost à Monsieur du Halier, frere de Monsieur le Marechal de Vitry, de prendre quelques troupes de cheuaux & de pied, & d'aller visiter ladite place pour voir s'il verroit les effets des promesses dudit Gouverneur ou Lieutenant.

Monsieur du Halier aussi prompt que son frere à executer les commandemens du Roy, prit quelques troupes de caualerie, & quelques gés de pied, & se porta aussi tost deuant la ville; les poudres, balles, canons & munitions, qu'on auoit dit au Roy, estre dans le chasteau de ladite ville, l'enflamoier à s'en saisir promptement deuant que la rebellio y eust estably son siege, & qu'elle eust pied dedans ceste forteresse.

Il ne fut plustost arriué deuant ladite place que les Citoyens s'esmeurent, vn tumulte se leua entre eux, les vns veulent ouvrir les portes, les autres les veulent fermer, la dissension

Le sieur du
Halier va se
saisir dudit
chasteau.

1622.

Le sieur du
Halier en ad-
uertit le Roy.

Lientent le
chasteau au-
dit sieur du
Halier.

qui s'insinue dans leurs cœurs, enflamme aux vns le courage, & aux autres attiedit le leur, il craignent la Iustice des armes Royales qui les foudroyeront s'ils se rebellent, en fin la rebellion qui s'estoit desia enracinée en leurs esprits les fit resoudre à fermer leur portes aux troupes du Roy, on refuse l'entrée à Monsieur du Halier qui à ce refus en enuoye promptement aduertir sa Majesté qui tenoit le Gouverneur de ladite place pres de soy pour voir l'euement de ses promesses.

Pendant ceste contestation le sieur du Halier Capitaine des gardes, enuoye quelques vns des siés pour aduertir les Citoyens qu'infailiblement s'ils ne se rendoyent il alloit faire dresser vn eschaffaut deuant leur porte, sur lequel il feroit decapiter leur Gouverneur. Cela ne les émeut pourtant, & firent voir aux troupes du Roy que si leur Gouverneur eust esté avec eux qu'ils eussent resisté plus long temps. Mais ils virent que les menaces estoient suivies des effects, & que ledit sieur du Halier faisoit dresser l'eschaffaut, craignans que leur Gouverneur n'encourut le danger de mort, & qu'on ne l'accusast de perfidie, ils ouurirent les portes du Chasteau aux troupes du Roy, où ledit sieur du Halier mit des garnisons propres & bastantes de defendre la place, contre le sousleuement que pourroient faire les Citoyens.

On y trouua quantité d'armes & de munitions de guerre, pour armer plus de six mille hommes, & vingt-cinq pieces de canon : la

nouvelle fut apportée à sa Majesté à Xaintes, qui renuoya ledit Gouverneur en sa place avec commandement de ne rien attirer dans le Chasteau.

La ville de Royan estoit vne porte de derriere pour les rebelles de la Rochelle, par laquelle ils s'alloient pourmenans dans les plaines de Xainctonge, & rendoient presque du tout inutile le port de Blaye, au dessouz duquel cette place est située : & de là mesme, au moyen de l'Isle d'Argenton, qu'ils ont surprise à l'emboucheure de la Garonne dans l'Ocean, couroient iusques aux portes de Bordeaux, surprirent Soulac, & rauageoient le pays de Medoc.

La surprise de Royan fut facile au sieur de Soubise, puis que les mesmes habitans conspirerent cette perfidie cõtre le respect de l'obeissance & seruice du Roy, ils l'y appellerent comme voulans se donner à luy, quitter la subiection de leur Prince, & accueillir les loix de la Rochelle.

L'ayant ainsi occupee sans aucune violence, arriue le sieur de Fauas, autre chef des rebelles Rochelois, avec quelques soldats qu'il amena là dedans par mer pour s'asseurer de ceste place, qui luy sembloit fort à sa bien-seance pour faire du cheual eschappé (asseuré de cette retraicte & sur mer & sur terre.

Le Roy qui auoit dissimulé cette perfidie en auoit patienté le chastiment iusques au retour du Printemps que sa Majesté recommençant vn nouveau voyage, proietta en

1622.

Perfidie de
Royan.

La surprise
faicte par le
sieur de Sou-
bise.

Est fortifiée
de gens de
guerre par le
sieur de Fauas
sorty de la
Rochelle.

1622.

passant reprendre cette place, & y punir les rebelles en cas d'une résistance opiniastre aux armes de sadite Majesté: le bon heur de ses armées qui luy mist en main la victoire memorable du sieur de Soubise & des siés dans l'Isle de Rié, affoiblit d'autant plus le party des rebelles & de la Rochelle & de Royan, qu'elle fit naistre au Roy le desir de poursuiure sa pointe, & de visiter ses ennemis, puis qu'il se trouuoit sur les lieux.

Resolution
du Roy pour
assiéger Royā

Ce fut deslors que sa Majesté resolut le sieur de Royan, voulant reduire cette place auāt que de passer en Guyenne, & empescher d'autant plus en ce faisant la liberté que se donnoient les Rebelles de rauager ses suiets de Xainctonge & medoc.

Duc d'Esper-
non gaigne
les faux-
bourgs.

La resolution en ayant esté prise des Niort, sa Majesté estant à Xaintes l'enuoya bloquer avec quatre milie hommes par le Duc d'Espérnon, qui en bien peu de iours se rendit maistre des Faux-bourgs: & y logea les Regimens de Champagne & de Bury, & sur le bruit del'arriué de sadite M. en personne, & du Canō qui marchoit pour la battre, celui qui cōmandoit là dedans en l'absence dudit sieur de Fauas, marchandant le salut tant de luy que des siens avec la misericorde du Roy, fit cognoistre audit Duc d'Espérnō, que luy enuoyant quelques vns de sa part il se disposeroit à l'obeissance & reddition de la place. Ceste affaire mesnagée avec industrie & prudence, abboutissoit à vne fin honorable, quand ledit sieur de Fauas arriuant audit

Perfidie du
sieur de Fa-
uas.

Royanauec nouveau secours, rompit tout le traicté, & deschargea son courroux sur ce Capitaine: Ainsi Royan fortifié en sa Rebellion par la presence de ce chef pretendu, se resout d'attendre & endurer le canon du Roy.

La ville de Royan est assise sur l'embou- Assiette de
cheure de la Garonne au dessous de Blaye: Royan.
elle est enuironnee d'un bon fossé taillé de-
dans un Roc large de 40. pieds & profond
de vingt: le Chasteau est situé entre la ville
& le port, au milieu d'une grande place ap-
pellée Sarazine, dans laquelle se void un puits
taillé dans le Roc par lequel on descend dedas Les fortifica-
les barques qui viennent par un conduit qui tions.
est taillé dans ledit Roc. Outre les vieilles

fortifications qui entourent cette ville, il y en
a d'autres nouvelles plus au dehors, consi-
stants en deux demie-lunes destachées, & d'une
longue trenchée, garnie de bastions, de gue-
rites & redoutes conduits, depuis le port ius-
ques à l'autre costé de la ville, du costé des Ro-
chers, deffenduë d'un grand fossé large de
trente pieds, & profond de douze.

L'armée du Roy approchant pour assieger
Royan, on logea les Regiments des Gardes de Arrivée de
Nauarre, & de Castel Bayart, à un lieu distant l'armée du
un quart de lieuë de la ville appelé Fossillon, Roy deuant
où ils commencerét leur attaque & l'ouuer- Royan.
ture des trenchées.

De l'autre costé du Faulx-bourg gaigné
on fit d'autres trenchées à la teste dudit Faulx-
bourg, puis on dressa une platte forme sur la-
quelle on logea trois canons, qui donnerent

1622.
Tranchées
gaignées.

Bastions gai-
gnez.

Mine des en-
nemis dom-
mageable aux
nostres.

Demandent
à sortir.

droit dans vn bastion, vn peu plus haut furēt dressées deux autres batteries, tirans l'une dās leur fort, & l'autre aux deffences du chasteau.

Le 9. May le bastion du nom de Soubise fut attaqué par le Regiment de Navarre, lequel se logea la nuit suivante dedans le Prin, & continuant d'abatre la terre, fit vne ouuerture à la pointe dudit bastion, où on logea quantité de Mousquetaires, ce que voyans les ennemis ils se retirerent dedans leurs retranchemens qu'ils auoient fait à la gorge dudit bastion, où ils ne firent pas long sejour, à cause d'une ouuerture que l'on fit à l'opposite, où se logerent des Mousquetaires qui leur firent ledit retranchement, & le gaignerent : la mine que les ennemis y auoient faite, fut aussi trouuée avec quantité de poudre.

Ledit bastion estant entierement gaigné, l'on fit les logemens necessaires, & la nuit ensuiuant les gardes entrans en garde, se logerent dedans la fosse où estoit vne pallissade, qui donna occasion aux assiegez de quitter lesdits bastions, & d'auoir recours à la mine qu'ils auoient faite au dessous, où il y eut quantité de Seigneurs & Gentils-hommes tuez, entr'autres le sieur de Humieres fort regretté, quelques 80. Soldats, & des ennemis bien autant au combat fait sur lesdits bastions.

En fin les ennemis voyās qu'il leur estoit impossible de garder dauantage la place, apres les deux bastions gaignez, firent sortir vn tambour l'vnziesme May, demandant à sortir à

composition, avec pardon, sa Majesté par sa bonté leur accorda vne partie de leurs demandes, & entr'autres les articles qui suivent.

I. Premierement, sa Majesté donne la vie & la liberté à ses sujets de quelque qualité & condition qu'ils soient, estans à present dans Royan.

Articles accordez par le Royaux re- belles de Royan.

II. Sadiète Majesté leur permet se retirer par mer ou par terre en toute seurété, la part où ils voudront aller, excepté en l'Isle d'Argenton & Medoc, & d'emporter ce qu'ils pourront charger de leurs armes & bagages, excepté le Canon & munitions de guerre, & de viures.

III. Rendront tout ce qui appartient au sieur de saint Surin, & à ceux qui sont sortis avec luy, mesmes leurs Nauires, ou la valeur d'iceux.

IV. Veut aussi sadiète Majesté qu'ils remettent en liberté le sieur de Pouzac & autres prisonniers prins dans Royan, en quelque lieu qu'ils ayent esté conduits, & pour seurété de parole donneront des ostages.

V. Sadiète Majesté permet à ses sujets dudit Royan de viure en liberté de conscience suiuant les Edits.

VI. Permet aussi sadiète Majesté à tous ceux qui se voudront retirer chez eux, de viure souz le benefice de ses Edicts, apres en auoir fait la declaration necessaire; & pour ce leur sera donné passeport: & ceux qui ne voudront se seruir de cette grace, prometttront de ne plus porter les armes cõtre sadiète Majesté.

1622.

VII. Remettront la place dans cinq heures du soir entre les mains de ceux qu'il plaira au Roy ordonner pour ce suiet, & dès ceste heure en donneront des ostages.

Fait au Camp deuant Royan le vniesme iour de May, mil six cens vingt-deux.

Reduction de
la place, & la
sortie des
Garnisons.

Après ces articles accordez, le soir du mesme iour sur les cinq heures, les Garnisons sortiront de la ville & Chasteau de Royan, & se retireront par mer sans canon avec les armes & bagage sauue, apres serment fait de ne porter iamais les armes contre le seruice du Roy; le Roy s'en alla de là à Blaye, puis à Bordeaux, apres auoir laissé audit Royan le sieur Drouiet, Capitaine au regiment de ses Gardes avec trois cens hommes de Garnison, pour y faire raser les nouuelles fortifications, & garder la place.

Saincte Foy
inuestie par
Monsieur le
Prince.

Ainsi donc apres la reduction de la ville de Royan, qui fut le 11. May, le Roy s'estant arresté quelques iours en son cāp pour delibérer & resoudre ce qui estoit necessaire pour la conseruatiō des Prouinces de Poictou, Xaintonge, & Aulnis, il partit le 16. dudit mois de deuant Royan, pour s'acheminer vers la basse Guyenne, ayant en mesme tēps donné ordre à Monsieur le Prince, qui s'estoit acheminé avec vne partie de ses troupes à Bordeaux, de s'auancer en la Prouince vers la ville de S. Foy, & traouiller à l'accomplissement des traictés de Clerac, & du mont de marsan qui auoient esté commencez, ce qu'il fit conduire si à propos, quel vn & l'autre furent resolus.

En fuite de ce, il s'approcha de ladite ville de S. Foy, & s'estât, en chemin faisant, affeuré, des villes de Monsecuq, Genfac & Esmet où les rebelles auoient cy deuant pris retraitte, il auroit inuesty auec lesdites troupes, tât deçà que de là la riuere de Dordongne, ladite ville de S. Foy, attendant que sa Majesté y estant arriuee, fit commencer le siege de ceste place.

Cependât le Sieur de la Force ayât en suite de la reduction de Tonnins, dont sera parlé incontinent, tesmoigné de se vouloir remettre en l'obeissance du Roy, voyant S. Foy inuesti, le Roy logé à S. Aulaye, il eut recours à la clemence de sa Majesté, & disposa les habitans de S. Foy, & Montflanquin de faire le semblable. Et bien qu'il fust tres-facile à sadite M. de les rager à leur deuoir par l'effort de ses armes, au lieu des punitions & chastiemens meritez, elle voulut les attacher à sô seruice, leur accordant des amplex abolitions, & en outre vne charge de Marechal de France audit sieur de la Force, & quelque somme de deniers pour le des-interesser des pertes passées, & recognoitre le grand zele qu'il tesmoigne de bien seruir à l'aduenir.

Les articles furent donc accordez en ceste sorte, tât pour ledit sieur de la Force que pour S. Foy, & autres places.

Les tres-humbles, & tres-obeissâs subjets de sa M. faisât profession de la Religio en la ville de S. Foy la suppliét tres-hüblemét de croire, qu'apres ce qu'ils doiuent à Dieu, ils n'ont rien au mōde en plus grande ny en plus singuliere recommandation que de luy rendre

Articles accordez à ceux de S. Foy.

1622.

L'article suivant accordé par la Majesté.

tres-humble service & parfaicte obeysſſance qu'ilſuy doiuent, en ſe ſoumettant à ſa clemence & bonté.

L'article ſuivant accordé par la Majesté.

Et pour pouoir plus commodément viure ſoubs le benefice de ſes Ediks, la ſupplie tres-humblement leur donner vne abolition generale de toutes les choſes faiçtes & paffees depuis le premier Feburier 1620. ſoit pour la priſe des armes, actes d'hoſtilitez, demolitiõs & degats des baſtimens, leuees des deniers royaux, & particuliers, fonte d'artillerie, conſiſcation des poudres & ſalpeſtres, priſes de biens appartenans aux perſonnes de quelque qualite & condition qu'ilſoient.

Sera auſſi ſa dite Majesté ſuppliee avec toute humilité, vouloir donner adueu des nouuelles fortificatiõs, de tous iugemens, & condamnations faiçts & executez d'autorité des Conſuls de Sainte Foy, & autres officiers de iuſtice eſtablis audit effect: & generalemēt de toutes autres choſes faiçtes & commiſes depuis ledit iour premier Feburier 1620. meſmes des differends & diſputes interuenues entre leſdits Conſuls, officiers & habitans dudit S. Foy: meſmemēt pour le particulier de Cezeſis premier Conſul.

Que l'exercice de la dite Religion ſera libre comme il eſt à preſent, & ce ſuiuant & cõformément aux Ediçts de pacification, articles ſecrets, & conçeſſions, ſuiuant les Ediçts de pacification, & comme il en a eſté cy deuant vze: & ſeront tous leſdits habitans de quelque qualite & condition qu'ilſoient conſtituez

constituez & entretenus en leurs personnes, biens & dignitez, aux mesmes immunitéz & priuileges dont ils iouyssent, & que sous la grace du Roy ils iouyssent auant les troubles.

Tous iugemens & arrests de mort, & confiscations, & autres donnez entre les habitans & biens tenans dudit sainte Foy, sans legitimes deffences, depuis ledit premier Feurier 1620. seront nuls & de nul effect & valeur, & seront lesdites parties remises en l'estat qu'elles estoient auparauant iceux.

Le Roy leur accorde vne vieille muraille, & pour le surplus contenu au present article, sa Ma-iesté estant à sainte Foy en disposera à sa volonté, à la moindre incommodité qui se pourra pour les habitans.

Et pour tesmoignage à la royale Majesté, de l'extreme desir que les habitans de ladite ville ont que leur obeysance & fidelité luy soit tres-plus cogneuë, se soubmettent à executer de point en point, & fort exactement tout ce qu'il plaira à sadite Majesté ordonner pour la demolition de leurs fortifications, avec tels Commissaires qu'il luy plaira commettre: & la supplie toutesfois de leur accorder leur muraille & vieux fossez, pont-leuis, ruelins, & autres choses viles à leur conseruation, & souhaitteroient volontiers d'estre si heureux, que sa Maiesté print en eux vne entiere confiance pour lesdites desmolitions, se remettât neantmoins à ce qu'il luy plaira en ordonner, ny ayant rien à dire: sauf à la supplier tres-affectionnément y employer des moyens doux,

A l'article sui-
uant accordée
par sadite Ma-
jesté.

A l'article sui-
uant.

1622.

& les plus legers que faire se pourra, & pour ladite demolitiõ la Maiesté ordonne quelque nombre de gens de guerre, icelle faicte ils en feront deschargez.

L'article suivant accordé par la Majesté.

Attendu aussi les grandes & immenses despenses qu'il a conuenu souffrir ausdits Cõsuls & habitans depuis ledit iour premier Feurier, sera le bon plaisir de sa M. faire expedier gratuitement, & sans pour ce payer aucune finance, lettres d'affiette à l'effect d'imposer sur ladite ville & iurisdiction d'icelle la somme de six milliures, qui sera leuee en deux ans prochains.

Pour l'article suivant, le Roy en disposera à sa volonté.

Et ne sera rien alteré en leur artillerie & munitiõs, ains leur serõt laissees entre leurs mains comme auparauant.

L'article suivant accordé par sa Majesté.

Et finalement supplient tres-humblement sa Majesté les descharger du passage de son armee attendul'extreme necessité.

Suppliét aussi Mõsieur de la ville aux Clercs leur vouloir apporter assurance de ce que dessus en bonne forme, & que leurs declarations qu'il leur en apportera seront verifiees au Parlement de l'autorité du Roy, sans que lesdits habitans s'en meslent. Signé, I. La Coste Consul. Du Puy Consul. I. Bejon. Consul. I. Bonnet, & autres Habitans.

Pour l'article suivant.

Tous ceux qui sont dans S. Foy, ou ailleurs, desquels le sieur de la Force baillera presentement les noms, iouyront des benefices contenus au present article, pouruen que dans six iours ils l'acceptent, & fassent vn autre serment de bien & fidelement seruir le Roy.

Tous Seigneurs, Gentils-hommes, Capitaines, soldats, & autres de quelque qualité & condition qu'ils soient, promettront & iureront de bien & fidelemēt seruir le Roy souz le benefice de ses Edicts, & iouyront paisiblement de leur bien.

Sa M. accorde vn Estat de Marechal de Frã. Pour l'article
ce audir sieur de la Force, & la somme de 200. mil suiuant.
escus, pour recompence, tant de ses charges, que de
ses enfans, dont la moitié sera payée estant à Paris
la lettre venē: & le surplus dās la fin de l'an: cōme
aussi les pensions cy-deuant accordees aux enfans
dudit sieur de la Force seront continuees,

Sa Majesté est tres-humblement suppliee de
remettre Monsieur de la Force, & Messieurs
ses enfans en leurs charges & dignitez, & pen-
sions, ou leur en donner recompence, & auoir
esgard aux grandes pertes que ledit sieur
a souffertes.

Et remettra sa Maiesté, s'il luy plaist, le sieur
de Constenant en sa charge de Gouverneur
de Bergerac.

Accorde suiuant le premier article, & à cest Pour l'article
effect sera deliuré passeport à ceux qui se vaudront suiuant.
retirer chez eux.

Sera permis à tous Seigneurs, Gentils-hommes, Capitaines, Soldats, & autres de quelque
Prouince, qualité & conditiō qu'ils soiēt qui
ont assisté Monsieur de la Force, & Messieurs
ses enfans, depuis le premier Feburier 1620. se
retireront en toute seureté où bon leur sem-
blera, avec leurs armes, cheuaux & bagages.

Supplient humblement sa majesté, leur dō- L'article sui-
uant accordé.

1622.

ner vne abolition generale de toutes choses faictes & passees depuis ledit iour premier Feurier mil six cens vingt, soit pour la prise des armes, actes d'hostilitez, demolitions & degasts de bastimens, leuees de deniers royaux, & particuliers.

Pour l'article
suiuant.

Le Roy fera executer ses Edits.

Iouyront du libre exercice de leur religion en tous les lieux où ils estoient establis auant lesdits mouuemens.

Tous iugemens & arrests donnez contre lesdits gens de guerre ou autres qui ont assisté lesdits Seigneurs, sans auoir esté ouys, & legitiment deffendus, seront nuls & de nul effect & valeur, & les condânez remis & reintegrez en tous leurs biens, & en l'estat qu'ils estoient auparauât iceux, & toutes condânationes pour faict de guerre de nul effect & valeur.

Pour l'article
suiuant.

Accordé. Et à Bacallon vne charge de Capitaine entretenu.

Le sieur de Boniolle, de Thianbon, du Baignac, de S. Leger, de Brecquepignot, de la Mothe, de Baccalon, de Beauville, seront restablis en leurs estats, offices & dignitez, pensions & concessions, ou seront payez des recompenses accordees, & iouyront à l'aduénir des pensions, & autres gratifications à eux accordees des arrerages de leurs garnisons.

Pour l'article
suiuant.

Ceux de Montflanquin auoient abolition des choses commises iusques à ce iour d'hy.

La ville de Montflanquin, & les habitans iouyront du mesme benefice & abolition qui est contenu en l'article de ceux de S. Foy & les

courtines quel'on a commécees à y faire pour renforcer la ville pourrônt y estre continuees sur les anciens fondemens.

1622.

Accordé, pouruen qu'ils se retirent en villes de l'obeyssance de sa Maieité, ou en leurs maisons. Pour l'article suiuant.

Tous refugiez en la ville de S.Foy pourrônt, & leur sera permis retirer leurs biës & cômôditez, & les transporter où bon leur semblera.

Accordé suiuant l'article cy dessus.

Plaira à sa Maieité faire consideratiô de ceux qui ont esté nommez à Monsieur de la Ville aux Clercs pour les gratifications accordees. Pour l'article suiuant.

Le sieur Comte de la Vauguion, & tous autres persônes de guerre qui sont à S.Foy serôt deliurez, & au semblable sa Maieité fera deliurer ceux qui sont prisonniers en l'armee, cy deuant commandee par Monsieur d'Elbœuf, prins depuis le premier Feurier 1620. en la basse Guyenne, soient Catholiques, ou de la Religion pretenduë reformée.

Après les susdits articles signez de part & d'autre, Monsieur le Prince de Condé, & M. le Duc d'Elbœuf fraichement retournes du siege de Tonnins, dès le 14. May, entrèrent en ladite ville de S. Foy, pour s'asseurer de la place, & en faire sortir la garnison. M. Le Prince entre dans S. Foy.

M. le Garde des sceaux y fut aussi pour recevoir le serment de fidelité des Officiers & Magistrats. Sa M. y entra le 25. visita soigneusement la place & fortifications d'icelle. Comme aussi M. le Garde des sceaux.

Le Ieudy ensuiuant iour de la Feste Dieu, toutes les ruës de la ville furent tenduës, & vn couuert dressé pres le clocher de Puis sa Maieité.

1622.

Procession du
S Sacrement
à S. Foy la M.
y assistant.

l'Eglise qui a esté desmolie, & sous iceluy plusieurs Autels dressez. Sa Majesté ayant ouy la Messe & communié, assista à la procession du Saint Sacrement, qui fut autant solemnelle, que le lieu & le temps le pouvoit permettre. Monsieur l'Archevesque de Tours (faisant la charge de grand Aumosnier) porta le Saint Sacrement, assisté d'une grande partie du Clergé de Perigueux, mandé pour cet effect, & de nombre d'autres Ecclesiastiques. Monsieur le Prince, Messieurs les Duc d'Ulez, de Rets, Marechal de Praslin, porterent le poisse, les cent Suisses de la Garde marchant deuant la procession, avec Cierges allumez de cire blanche. Sa maiesté aussi suivie de Monsieur le Cardinal de Rets, & autres Princes & grands Seigneurs, portant aussi les Cierges allumez, & tous les Cheualiers avec leur grand ordre.

L'apresdinee, sa Majesté ouyt le Sermon du R. P. Segueran: & à Vespres, sadite Majesté ayant receu quelques plaintes du Sieur de Chabot, commandant dans Mucidan, place tres-forte, & de grand passage, elle auroit ordonné au sieur de Chabans, d'entrer dans le Chasteau avec cent hommes. Aquoy ledit sieur de Chabot auroit tres-volontiers obey, & se seroit rendu pres sa Majesté, pour se justifier des accusations à luy mises sus deuant les Iuges.

Sadite majesté voulant partir de sainte Foy, le vingt-huictiesme may, pour la feueré de la place, attendant la démolition

des fortifications, y laissa le sieur de Beaumôt avec son Regimēt, & le sieur d'Andrault Cōseiller du Roy au Parlement de Bourdeaux, pour intendant de la Iustice, attendant autre ordre de sa Majesté.

Faut aussi remarquer que le 25. auparavant les deux compagnies de gens de pied logees à l'Esparre, pour empescher les rebelles de la Rochelle, qui occupoient Soulac, & s'y estoient fortifiez depuis trois mois, s'allèrent loger dans le Bourg, pour recognoistre l'estat des ennemis, & veoir le moyē d'entreprendre sur eux : & à mesme tēps M. le premier President de Bourdeaux, avec l'assistance de M. l'Abbé de Verteuil, & du sieur de Volusan, donna ordre d'y faire conduire deux pieces & munitions necessaires pour forcer la place, ou reduire les ennemis à vne honneste capitulation. Ce qu'ils auroient choisi, & la capitulation faite, remis la place le 29. & le sieur d'Espalais y auroit mis 25. soldats de sa compagnie. Ainsi cette guerre de Medoca esté commencee & heureusement acheuee sans perte d'un seul homme de la part du Roy, grand nombre de la part des rebelles, sans autre aduantage, que d'auoir enleue quelque quantite de bestail.

Dés l'instant que cette place fut prise par le sieur de Fauas, ce venerable parlement icetterēt les yeux sur le frere de Monsieur le Colonel d'Ornano, qu'ils esleurent pour opposer auxdits rebelles, & audit sieur de Fauas, & se contribuer pour soudoyer ses troupes, desquelles il desfit, ledit sieur, en deux diuer-

1622.

Ordre donné
pour la demo-
stration des for-
tifications de
S. Foy.

162. 2.

ses routes, & empeschas es progresz au Medoc, & les reserra de si pres dans Soulac, qu'ils ne pouuoient sortir sur la terre. Cecy est pour monstrel' affectiō qu'a eu ce digne Parlemēt au seruice du Roy contre les rebelles de sa Majesté.

Demolition
des fortifica-
tiōs de S. Foy.

Aussi tost que le Roy fut sorty de Sainte Foy on commença à trauailler aux demolitions & fortifications de la ville, le Seigneur de la Force se retira en sa maison de la Force, avec aucuns de ses enfans, Monflanquin fut rendu, comme aussi le Baron de Lusignan qui estoit dans Clerac, le remit en l'obeissance du Roy, entre les mains de M. le Duc de Vendosme, qui y laissa gens pour le rasement des murs, & fortifications de la place, par commandement de sa Majesté.

Secōde redu-
ctiō de Clerac

Vn peu auparauant que le Roy entrast en la basse Guyenne, les rebelles de la Religion pretenduë reformée, croyans que tous leur estoit licite de faire & d'entreprendre, se mirēt à persecuter les Catholiques & Officiers du Roy és lieux où ils estoient les plus forts, sans respect ny égard à aucune sorte de deuoir.

Dans Castel moron, ville où se tient le siege Royal de la Seneschauffee d'Albert, furent si osez & impudens que de despendre le tableau du Crucifix, qui estoit attaché au dessus du siege de l'Auditoire Royal, profaner ce lieu destiné pour rendre au peuple les oracles de Iustice, pour y faire leur presche, ce qui fut executé avec grād mespris de l'autorité royale, & dont il ny eust pas faute de beaucoup

de gens de bien & pacifiques qui en formerent plaintes tresgrandes à Messieurs du Parlement de Bordeaux; qui ayans ouy les parties complaignantes, veu & examiné les proces verbaux & informations sur ce faictes par les iuges & officiers Catholiques dudit Castelnorô, donnerent arrest cõtre les auteurs de cette insolente entreprise en ceste sorte.

La Cour veu la Requête du Procureur general, contenant que l'on auoit apposé vne Image & Tableau du Crucifix sur le siege de l'Auditoire & parquet Royal de la Seneschaussée d'Albert, en la ville de Castelmoron en la presence de Maistre Henry de la Lanne Lieutenant general en ladicte Seneschaussée par le commandement de ladite Cour conformément aux anciennes coustumes & observations des Officiers du Roy, & de la Iustice de France és autres Parquets & Auditoires Royaux, & la sommation faicte en ladicte ville audit la Lune, par Balgerault Lieutenant du Iuge de Castelmoron, pour & au nom de ceux de la Religion pretendue reformée dudit lieu, receuë par Denyau Notaire Royal, le douziesme Aupil dernier, aux fins de faire oster dudit Parquet par ledit de la Lanne ledit Tableau & Image de Crucifix, tât pour le lendemain que pour autre iour de l'exercice de la Religion pretendue reformée, & responçe dudit la Lanne audit acte de sommation, & de procedure par luy faicte sur la rupture & fracture dudit Tableau trouuë dans ledit Parquet, le vingt-troisiesme du

1622.

Insolence
grande des
Rebelles à
Castelmoron

Arrest notable de la cour de Parlement de Bordeaux, donné contre les habitans de Castelmoron, de la Religion pretendue reformée

1622.

Cause notable de l'arrest.

dit mois, lesdicts actes signez par ledict de la Lanne, & Bargeraut, Deyau Notaire & Pel-lé Greffier, & veu lesdicts actes & procedu-res: ouy sur ce du Sault pour le Procureur ge-neral du Roy, a ordonné que ledict Balge-rault comparoistra en icelle Cour pour res-pondre à certaines interrogations que la cour luy entend faire d'Office, & permis audit Procureur general d'informer plus ample-ment desdicts excez & fracture dudit Ta-bleau, & à ces fins proceder par censure Ec-clesiastique, en forme de droit; pour ladi-cte information faicte & rapportee, estre or-donné, ce qu'il appartiendra, & neantmoins ordonné qu'un Tableau de la passion figurée sur un autre Tableau, sera mis & affiché au premier iour en l'auditoire de ladite Senef-chaussée: enioinct audit Lieutenant gene-ral, comme autrefois de l'y faire voir prom-ptement mettre, à peine de suspension de son office, fait inhibitions & defences tant audit Bargeraut qu'à tous autres Officiers & habitans de Castelmoron, estant de ladi-cte Religion pretendue reformée qu'à tous autres de briser ou oster dudit Parquet ledit Tableau, à peine d'estre punis comme per-turbateurs du repos public, sans que pour-tant lesdits habitans & Officiers de ladite re-ligion pretendue reformée soient tenus de prester autre serment que celuy qu'ils ont ac-coustumé de faire en consequence des Edicts du Roy: & pour obuier à plus grand trouble & scandale, Ordonne ladicte Cour que,

ceux deladicte religion pretenduë reformée se pouruoiront d'un lieu commode pour l'exercice de leurdicté Religion autre que dudict Parquet & Auditoire royal, suyuant l'Edict de Nantes, & leur inhibe & defend sur ces peines de faire ledit exercice dans ledit Parquet, comme aussi ladicte Cour leur fait pareilles inhibitions & defences de prendre autre qualité que celle qui est portée, & leur est donnée par les Edicts, ny de mettre simplement ausdits actes publics les mots de reformée, ains les mots de religion pretenduë reformée, & enioint audit Seneschal, ou son Lieutenant audit Castelmoron, & autres Officiers du Roy, de tenir la main à l'exécution dudit Arrest, & sera iceluy leu & publié en l'audience dudit Auditoire, à fin qu'aucun n'en pretende cause d'ignorance. Faict en Parlement de Bordeaux le 12. Avril 1622. Signé de Pontac: cependant le Duc de Rohã persiste en ses leuées, & pratique gens de guerre par tout.

Nous apprenons du costé du Languedoc, que le Comte de Vieule ayant receu commandement du Duc de Montmorency de se rendre auprès de luy en la ville de Beziers, partit le Lundy 25. d'Auril de la ville de la Bruguerie, dont il est Seigneur, suivi de sa compagnie composée de soixante maistres qui sont de ces ames genereuses qui n'attendent point autre fruit de leurs travaux que l'honneur de pouuoir fidelement seruir leur Prince aux plus hazardeuses occasions.

1622.

Deffaite de la
Caualerie du
Duc de Roha
par le Com-
te de Vieule.

Les rebelles de Puylaurens, Reuel & Soureze, qui sous la conduite du sieur de Tanus s'estoient ramassez en nombre de 80. hommes de cheual, où il y auoit quarante cuirasses, ayans eu aduis du depart dudit Seigneur Comte, & de sa compagnie, & ayans esté informiez du chemin qu'il deuoit tenir, luy vont dresser vne embuscade au pas de Campy près de Saissac sur la montagne. A peine les Coureurs que le Comte de Vieule faisoit marcher deuant, en nombre de dix, sous la conduite de Monsieur de Montbrun son frere, & du sieur de Glaissac, furent paruenus au pas de Campy que les Rebelles sortirent de leur embusche, & allerent fondre sur eux avec non moins de force que de hardiesse; mais les Coureurs soustindrent courageusement leur effort, & les receurent avec telle resistance, qu'ils leur firent sentir que dix hommes bien resolus peuuent quelquefois arrester la furie de toute vne compagnie.

Ledit sieur Comte qui marchoit à la teste de sa troupe voyant comme ces coureurs estoient aux prises avec l'ennemy, fist sonner la charge, & animant ses gens par son exemple, donna dans le milieu de la meslée que ses coureurs auoient commencée. En ceste rencontre les rebelles furent choqués si rudement & chargés avec tant de courage que les coups d'espée & de pistolet en firent d'abord vuidier les arçons à plusieurs: Si bien qu'en moins de demye heure on en vist quarante cinq estendus morts sur la terre, & si le reste avec le Ca-

pitaine Tannus, ne se fut sauué à la faueur des bois, il est incroyable que tous y seroient demeurez, & eussent receu par la main de ces braues gendarmes le chastiment de leur rebellion, qui sans doute les attend plein de honte & d'ignominie, s'ils n'ayment mieux esprouuer la misericorde que la Iustice de leur Roy.

On a recogneu entre les morts les Capitaines Chamayon, Busquet pere & fils, Dumas, Daues & Sales qui se faisoient estimer des plus hardis & des plus redoutables de leur party, outre cinq prisonniers : les vainqueurs gagnerent en ce combat 40. chevaux, & les armes des morts, ledit Comte de Vieule n'y perdit qu'un de ses gendarmes, le fils de Monsieur de la Gardet tué d'un coup de carabine aux reins au deffault de la cuirasse.

Le Roy voulant penetrer iusques en la haute Guyenne pour de là aller au bas Languedoc suyuant le cours de ses affaires, donna ordre pour le faict de la Rochelle, & destina Monsieur le Comte de Soissons avec monsieur le Marechal de Vitry, le marquis de Nesle, plusieurs chefs, & dix mille hommes tant de pied que de cheval pour inuestir la place, & y faire des forts pendant l'arrivée de l'armée Nauale de sa Majesté & de cecy, ie descriray l'histoire cy apres.

Pendant cecy faut sçauoir qu'en ce mesme temps, le Roy ne fut si tost passé en Guyenne, & môdit Seigneur le Comte de Soissons choisi pour le dessein du blocquement de la

Les plus
gnales de la
troupe tuez.

Ordre donné
pour le blo-
quement de
la Rochelle.

1622.

Ravage des
Rochelois en
l'Isle d'Ole-
ron.

Rochelle, que les Rochelois executerent d'estranges stratagemes sur les habitans Catholiques de l'Isle d'Oleron, desquels ils enleuerent generalemēt tous leurs biens, & emmenerent les hommes & les femmes iusques aux enfans, mesmes ce qu'ils trouuerent dans l'Isle d'Argenton par eux surprise au mesme temps que Royan, dans l'Isle de Rié, disans que le traictement que l'on feroit aux leurs prisonniers à Nantes, Niort & Poictiers, ils executeroient le mesme contre les Catholiques qu'ils detenoient esclaves entre leurs mains.

Et sur la mer.

Ils deschargent vne partie de leur colere sur la mer ne le pouuans plus faire aisement par terre: selon la prescription des loix de leur pretenduē Admirauté ils font partir quantité de vaisseaux de mer, qu'ils enuoyent sur les costes d'Espagne, Bayonne & Medoc pour espier & surprendre toute sorte d'autres vaisseaux fors & excepté ceux des païs qui en sont exemptez par leur pretendu reglement d'Admirauté, par lequel tous marchandises & marchands trouuez ez vaisseaux de mer & surpris sur l'Ocean, appartenans aux Estats huguenots ou leurs amis & aliez seroient exempts de Pyraterie, mais sans exception tous vaisseaux marchands & marchandises Catholiques seroient declarez de bonne prise: sur cet ordre ou plustost desordre les Pyrates de la rochelle se iettent en plaine mer, surprennent quantité de vaisseaux de Bretagne & Normandie, attaquent & emmenent

vn vaisseau d'Espagne entr'autres remply de marchands & marchandises qu'ils emmenent à la Rochelle, & apres leur auoir faißt perdre tout ce qu'ils auoient, les mirent hors encore avec peine, le baston blanc en main: i'ay veu lesdits marchands à Paris requerir les bien-faißt de la Royne, des Ambassadeurs d'Espagne & de Flandres pour regagner les pais bas, d'où ils estoient partis.

Il arriua vn affaire estrange, remarquable pourtant en la ville de Bordeaux, auant que le Roy fut party de Blaye pour passer en basse Guyenne; certains vaisseaux Hollandois estans venus à Bordeaux pour enleuer des vins & des bleds, Monsieur le Prince se trouuant sur les lieux, ainsi que le Roy luy auoit commandé pour s'acheminer du costé de sainte Foy; & voyant ces vaisseaux chargez de vins & de bleds, estimant possible que cette munition alloit à la Rochelle, leur commanda d'amener lesdits vaisseaux à bord, ce qu'ils ne voulurent faire, ce que voyant mondit sieur le Prince commanda que l'on tirast, comme de faißt l'on tira sur leldits vaisseaux, & eux aussi tirerent contre la ville de maniere qu'il y eut vn de leursdicts vaisseaux coulé à fôd à coups de canon, dont lesdits marchands eurent vne perte notable; & en firent de grandes plaintes en Hollande.

Le Roy ayant sceul l'affaire ainsi qu'elle estoit passée, fit asseurer l'Ambassadeur de Hollande, que cela n'auoit esté faißt par aucun mauuais dessein dudit Prince & qu'il estoit

Vaisseaux
Hollandois
attaquez par
M. le Prince
à Bordeaux.

1622.

prest d'en reparer le dommage, desaduouiant l'action, comme faicte contre son sceu & commandement.

D'ailleurs comme en la saison de trouble c'est lors que les meschans se donnent autorité de mal faire: aussi en ce temps mesme, certains garnemens sortis & desbauchez des armées, s'atrouperent par bandes & compagnies pour piller & voler les passans sur les chemins en plusieurs & diuers païs de ce royaume.

Histoire
d'un signalé
voleur appelé
le la Chesnay
& de ses asso-
ciez.

Comme d'ordinaire, en quelque siecle que ce soit, ceux qui veulent introduire quelque nouuelle secte, quelque nouuelle façon de viure, recherchent des moyens pour donner du lustre à leurs mauuaises intentions: ainsi depuis que les rebelles ont esté si audacieux que de contrecarrer les iustes desseins du roy, s'y insinua parmy le peuple cette nouuelle bande de voleurs, les vns nommez les Rougets & les autres les Grisons, sous la damnable & maudite conduite d'un qui se faisoit nommer le sieur de la Chesnay, homme de basse & vile exaction, & qui iamais n'a fait gueres d'autre profession que de viure licentieusement, & parmy toutes sortes de voluptez, & desbauches; depuis laquelle institution, il s'est fait vne caballe entr'eux pour regner en voleries & brigandages, couuerte d'un moyen que l'on estimeroit estre plus d'esprit que de mauuaise volonté, n'estoit que la fin de leurs oeures est du tout condamnable: tant y a que ceste bande estant complete, comme vne
compagnie

compagnie de gens d'armes enrollez sous la charge d'un honneste Capitaine, il fut resolu entr'eux de se separer en deux brigades: en l'une desquelles seroient ceux du nom de Rougets, & en l'autre ceux du nom de Grisons: comme de fait, ces maistres voleurs estoient vestus de gris & de rouge, en tres-bon ordre; & tres honneste equipage, à dessein que la populace n'eust aucun soupçon de leurs personnes.

Ceste caballe composée de la façon, ils inuenterent plusieurs sortes de moyens, pour voler & brigander le peuple, sans en pouuoir estre repris.

Premierement en la ville de Paris, quand qu'elqu'un deus sçauoit au vray qu'il y auoit quelqu'un qui se deuoit retirer tard en son logis, & qui portoit d'ordinaire quelque argent sur luy, ou qu'il estoit bien monté, il en aduertissoit quelques uns de sa bande; & d'un commun accord faisoient en sorte que par composition ils tiroient de l'argent de luy, sans aucun bruit: puis s'estans resolus de battre la campagne, ils tindrent un conseil general, pour paruenir au but de leurs intentions, par lequel il fut resolu qu'il estoit tres à propos, pour n'estre point repris ny blasmez en leurs voleries, d'introduire une honneste façon de voler, qui estoit, que le cas aduenant qu'ils rencontraissent par la campagne quelque honneste personne qu'ils les feroient dâcer, puis qu'ils le feroient payer, ainsi que si c'estoient des menestriers qui l'eussent fait

1622.

Voleurs sous
le nom de
Rougets &
Grisons.

Leur subtilité
en matiere de
Vol.

1622.

dancer : Ce qui ne fut pas plustost resolu, qu'il fut executé à l'endroit de plusieurs honnestes hommes de la ville de Paris, le nom desquels sera teu en ce recit, pour éviter la risée du menu peuple, & de plusieurs autres, qui n'estans asseurez de ces stratagemes, pourroient imputer cecy à quelque supposition, dont neantmoins le Lecteur sera prié de le croire, car aussi bien le bruit en est assez commun.

Leur vol sur
hommes de
Paris.

Stratageme
de voler.

Cette forme de voler estant recogneuë entre ces voleurs pour vn statut, & pour vne règle infailible, suivant laquelle ils ne pouuoient courir aucun risque; quatre d'entr'eux, & des principaux, prirent dessein le deuxiesme iour d'Auril dernier, d'aller par la campagne, aduertis qu'ils estoient que trois honnestes hommes de ceste ville de Paris s'en alloient à sept lieues d'icy pour quelque affaire; si bien qu'ils firent en sorte de les rencontrer sur le chemin, pour faire des espreuues notifiées de leurs volleries; comme en effect, ils firent en cette rencontre, afin de feindre par eux que leur intention n'estoit point portée au vol, ny au brigandage, ils accosterent ces Messieurs, l'un d'eux disant, *Messieurs, voyez auç là un cheual qui nous a esté vole*: à raison dequoy il se peust esmouuoir quelques paroles; mais la force estant de leur costé, ce fut la cause que ces voleurs eurent le temps & l'occasion propre pour accomplir entierement leur vol; aussi démonterent ils ces trois Messieurs, & leur osterent tout ce qu'ils a-

uoient d'or & d'argent sur eux, sans leur faire autre tort.

1622.

Cela faict, vn d'entr'eux nommé la Fontaine, leur donna aduis, qu'au pays du Perche il se tenoit vne foire, où il y auoit moyen de faire fortune, & qu'à cette fin il estoit besoin de s'acheminer à Vernueil, comme estant lieu plus proche de ladite foire, & plus commode pour s'y retirer, en cas de nécessité: suivant lequel aduis, trois d'entr'eux s'y acheminent, où estant, s'allèrent loger en vne hostellerie, en laquelle ils firent courir le bruit qu'ils estoient venus à dessein, pour vne querelle qu'auoit vn de leurs amis, & qu'ils le cherchoient pour le secourir.

Vont espier
les passans
prez Vernueil
au Perche.

Cependant vn des leurs, nommé la Fauerie, estoit à la foire, que ledit la Fontaine leur auoit proposée, où il faisoit tres-bonne mine; & en apparence croyoit on que ce fust vn homme qui eust enuie de faire quelque emplette, & neantmoins ce n'estoit que pour recognoistre le cours du marché, & la bource de ceux qui pouoient debiter beaucoup de marchandise: & de faict, ayant apperceu & recogneu qu'un marchand auoit vendu pour quinze ou seize cens liures de bestail; en mesme temps il partit de la susdite foire, & vint trouuer ses compagnons en l'hostellerie où ils l'attendoient; leur disant à haute voix, *A cheual, le Genil-homme est aux champs*, qui estoit leur signal, & leur façon de parler, quand ils auoient dessein d'aller faire quelque vol. Ces mots estant

Signal desdits
voleurs.

1622.

Attendent &
espient vn
marchant de
bestail.

Sont descou-
verts.

Sont pour sui-
uis par la Ju-
stice de Ver-
neuil.

dicts, ils payerent leur despence à l'Hostesse, & s'allèrent cacher en vne garenne, à demy lieuë dudit Vernueil, espérant d'attraper & de voler le marchand, qui auoit esté descouuert par la Fauerie: Mais comme és entreprises minutées contre les reigles establies par la Iustice Diuine, Dieu luy-mesme interuient le plus souuent, afin d'abolir en la naissance tels effects pernicioeux; aussi permit-il qu'aucuns habitans du pays descouurent la caballe de ces voleurs; si bien qu'ils s'aduiferent d'aller à Vernueil aduertir les Magistrats, qu'il estoit sorty de leur ville assez matin quatre hommes de cheval bien montez lesquels s'estoient retirez dás la garenne qu'ils nommerent: Ces magistrats, tant de la Iustice, que ceux qui ont charge dans ladicte ville s'assemblerent, & furent à l'hostellerie d'où estoient sortis ces voleurs, pour descourir si en leur parler ou autrement l'hoste n'auoit pas recogneu quelles gens ce pouuoient estre, & s'ils n'estoient pas venus pour espier, & recognoistre les aduenus de leur ville, pour y dresser quelque embusche, afin de la surprendre: à quoy cest hostellier respondit, qu'il n'auoit rien sceu de leurs affaires; au moyen dequoy ces magistrats trouuerent bon d'aller apres, & d'essayer de les prendre; pourquoy faire, ils se firent assister de trente hommes bien armez, tant de pied que de cheval, & s'en allerent tous en ladicte garenne, par des lieux destournez: ce qu'aperceuant ces voleurs prindrent l'espouuen-

te, & la fuite tout ensemble, iusques à trois grandes lieues delà ; où estant, & pensant estre eschapez, ils se jetterent dans vne hostellerie, où à peine estoient ils arriuez, qu'ils y furent inuestis, & d'abord en fut pris deux dans l'escurie, à sçauoir les nommez la Fauerie, & la Fontaine : quant à la Chesnay, & la Pointe, ils se barricaderent dans vne chambre haute, & tirerent force coups de carabines, & de pistolets, sans toutesfois blesser personne des assaillans, qui auoient pris resolution de gagner au dessus d'eux pour les accabler. Vn Gentil-homme du pays nommé Monsieur de Montigny, qui se tient là auprès entendit de son Chasteau ces harquebusades, & coups de carabines, lequel monta à cheual, avec quelqu'un des siens, & vint voir ce que c'estoit, & à quelle fin ce bruit se faisoit : estant arriué, il recogneut ces Messieurs de Vernueil, & s'informa de tout, & fist en sorte de parler à ces maistres voleurs, qui entendant sa qualité, luy parlent & le prient de croire qu'ils sont Gentils-hommes de bons lieux, & le prient de les vouloir tirer des mains de ce peuple mutiné, qui les vouloient assassiner, & ne sçauoient pourquoy. Ce Gentil-homme les voyant habillez de la sorte, couuerts de clinquans d'or & d'argent, les creut, & pria le Iuge de Vernueil de luy permettre recevoir ces gens là en sa garde, veu qu'ils promettoient se iustifier : ce que ledit Iuge luy accorde, à condition que ce seroit par

Deux sont surpris en vne escurie d'hostellerie.

Vn Gentil-homme du Perche parle à eux à trauers d'une chambre barricadée.

1622.

Il les prend
en la prote-
ction, & les
mène en son
château.

vn procez verbal: Le Gentil-homme y con-
sent, & s'en charge, les mène en son Cha-
teau, & y estant les fist bien garder en vne
chambre: ces maistres voleurs escriuent à
vn braue Gentil-homme du pays, pour se
faire auoier de luy, par l'entremise de la
Chesnay, qui disoit le bien cognoistre: Ce
braue Gentil-homme escrit audit sieur de
Montigny, qu'il se descharge de telles gens,
& qu'il ne les cognoist point, sinon que pour
en auoir oüy faire de mauuais recit.

Sont conduits
à Vernueil
avec 3000.
hommes ar-
mez.

Ledit sieur de Montigny enuoye donc ad-
uertir le Iuge de Vernueil, de venir requerrir
les prisonniers, & qu'ils s'en veut deschar-
ger, & qu'il estoit besoin de venir en bonne
compagnie, pour les mener audit Vernueil,
parce qu'il y auoit apparence que c'estoient
gens de mauuaise vie, & qu'il se pouuoit faire
qu'ils n'estoient pas seuls à Paris, ou és enui-
rons, de leur caballe, & qu'ils pourroient e-
stre recous en chemin: si bien que le Lieute-
nant y vint, accompagné de pres de trois cés
hommes, bien armez. En les menant, ils fai-
soient des rodemontades, menassant vn cha-
cun des assistans, leur disans tousiours, nous
sommes Gentils-hommes, & de bons lieux,
vous en mordrez vos poulces: & cependant,
Dieu auteur de tout bien, fait à la file arri-
uer plusieurs plaintes contre eux, & mesme
de Paris, & des environs: Bref les voila re-
cognez pour estre de tres gands voleurs, &
des chefs.

Le Preuost des Mareschaux de Morta-

gne, & celui de Paris y viennent, chacun d'eux les demande; En fin par arrest du Conseil, celui de Montagne leur faict & parfaict leur procez, & tous quatre firent amende honorable, nuds en chemise, & la torche au poing deuant la grande Eglise dudit Vernueil & puis furent rompus sur la rouë audit lieu de Vernueil, le 19. iour d'Auril. La Pointe, la Faterie, & la Fontaine reprocherent à la Chesnay, que c'estoit luy qui les auoit desbauchez de l'armée où ils estoient honorablement, & qu'il estoit cause de tant de meurtres & vols qu'ils auoient commis, & spécialement de deux Gentils-hommes, qu'ils tuerent miserablement, en reuenant du siege de Montauban, qui estoient de leur cognoissance, & estoient tous deux blesez, en attaquant lesdits Gentils-hommes pour auoir leur équipage. Lesdits trois nommez firent tout plein d'autres plaintes, excepté ledit la Chesnay, qui ne se voulut recognoistre, & mourut en cest estat ledit iour que dessus.

Sur le commencement du mois de may, le Roy estant encore à Royan, Monsieur le Duc d'Elbeuf, ayant resserre de prez les rebelles de Tonnins & reduicts en tel estat qu'ils ne pouuoient plus tenir, ny esperer aucun secours d'hommes ny de viures, en fin le 4. du mois de may, sous le bon plaisir de sa Majesté ledit Seigneur Duc, octroya misericorde & pardon aux assiegez, & les prenant à la composition que de longue-main ils luy auoient faict demander, leur accorda les articles

Reduction de
la ville de Ton-
nins au Roy,
par le Duc
d'Elbeuf.

1622.

suivant, moyennant lesquels ils sortirent du haut Tonnins, & rendirent la place au Roy.

Articles de la capitulation.

1. Qu'ils demanderoient pardon general de tout ce qu'ils auoient fait & entrepris contre le seruice du Roy.

2. Qu'ils iureroient, promettroient & protesteroient sur peine de la vie de ne porter de six mois les armes contre le seruice de sa majesté pour quelque cause ou pretexte que ce soit.

3. Que moyennant les choses & protestations que dessus, ils sortiroient de ladite place de Tonnins avec les armes & bagages sauues la meche allumée.

4. Qu'ils laisseroient en ladite place tout le canon qu'ils y auoient trouué avec toutes les munitions qui y estoient sans en distraire ny emporter aucunes.

5. Qu'il leur seroit pourueu de basteaux, ou chariots pour emmener leurs malades par eau & par terre, & iceux conduicts en assurance es lieux où ils se voudroient retirer, ou bien iceux estre pensez s'ils vouloient demeurer sur les lieux.

6. Qu'ils leur seroient fournis de sauf conduits & passeports valables pour se retirer la part où bon leur sembleroit.

Fait & passé au Camp deuant Tonnins le

4. May 1622.

Cela fait les rebelles au nom de douze cens hommes sont sortis dudit Tonnins, & l'armée du Roy s'est saisie de ladicte place dont

ledit sieur Duc d'Elbeuf, donna incontinent auis à sa Majesté. & procedda en outre aux rasemens & demolitions de ses murs, retranschemens & fortifications, puis alla trouver Monsieur le Prince à Bourdeaux, & eux deux ensemble avec lesdites troupes inuestirent S. Foy, ainsi que dita esté.

Le Sieur de Montpouillan, fils du Seigneur de la Force, qui s'estoit enfermé là dedans avec le Vicomte de Castets, quantité de Capitaines de Montauban, receut vne blessure quelques iours auparavant, ainsi qu'il combattoit aux breches, & n'ayant eu moyen de se faire penser & medicamenter, il en mourut incontinent apres qu'il fut sorty de Tonnins.

Mort du sieur
de Mōtpouil-
lan.

Ce fut chose estrange de veoir apres la reduction de cette place, le peu de lieu que tenoient les rebelles renfermez dans ce bourg Saint Spey, qu'on appelle haut Tonnins, douze cens hommes neantmoins avec tout leur bagage & attirail, où trois cens seulement ne pouuoient estre à leur aise.

Cependāt ils ont paty en cette misere l'espace pres de deux mois, parmy les charongnes & corps morts des hommes & des chevaux, enterrez là dedans, dans vn pied de terre, ny ayant eu terrasse, ny terre, ny rocher, qu'ils n'ayent remué, iusques aux corps propres de leurs tuez, qu'ils auoient fait seruir aux retranchemens, ausquels ils trauailloient iour & nuict, resolu de se defendre iusques à la mort, contre les efforts de Monsieur le Duc

d'Elbeuf, qui les approchoit à la longueur de la pique : de sorte que l'infectiō grande que rendoient lesdits charongnes & corps morts, en si peu de lieu, parmy vn si grand peuple, pressé d'ailleurs d'extreme necessité & famine, cauſoit vne contagion grande parmy eux, & plus moururent de ceste pauureté là dedans, qu'il ny en eust de tuez par le fer & le plomb des soldats assiegeans, & endurerent toute ceste misere par force, puis que ledit Seigneur Duc auoit protesté iusques à lors, de ne les prendre qu'à discretion, aymans mieux mourir en combattant vaillamment l'espee à la main sur vne breche, que le licol au col au bout d'vn gibet.

Leur resolutiō Ils furent heureux de receuoir la grace que leur fit ledit Seigneur Duc d'Elbeuf, ainsi que dessus, & quoy qu'il les eust grandement trauallez, pressez & deffaict tous leurs secours, & les eust reduict en grande extremité, si ne laisserent ils pas au sortir, de louer sa vertu, son courage, sa valeur, & luy donner ce tiltre de Prince de Foy.

Et protestatiō Mais pourtant protesterent estans hors, que iamais ils ne s'enfermeroient en place, pour y souffrir siege, ayant eu maintefois la peur bien grande d'estre tous massacrez & perdus en celle cy, par les furieuses attaques qui y ont esté faictes par les gens du Roy, & l'eussent veritablement esté, si pour le salut de leur vie, ils n'eussent faict des merueilles & choses extraordinaires à

la defense.

1622.

Sa Majesté ayant esté quelques iours dans Sainte Foy, & donné l'ordre pour le rasement & demolition des fortifications de la place, partit pour s'en aller à Agen, prit son chemin par Monsegut, Marmande, & Aiguillon : elle passa par Montrauel, place que Monsieur le Duc d'Elbeuf auoit assiegee & forcee au mois de Feburier dernier, & considerant sadite Majesté, que ledit Duc d'Elbeuf ne l'auoit fait que demanteler, & cependant elle estoit vraye retraiete de picoueurs, elle fit mettre le feu par tous les edifices d'icelle, & fut reduicte en cendre, pour ne seruir à l'aduenir de nid ny d'azyle aux rebelles.

Montrauel &
Tonnins rasez
& bruslez.

Pareillement aussi Monsieur le Prince de Condé, quittant Sainte Foy avec l'armée du Roy, & passant par Tonnins, fit mettre le feu aux trois villes, raser & desmolir tous les edifices d'icelles, & reduire tout en cendres, & avec raison, car c'estoit pour la deuxiesme fois que ceste place auoit esté rebelle, elle occupoit en temps de trouble le passage de la Garonne, & incommodoit grandement tout le pays ; pour cette consideration, le Roy en auoit resoulé le rasement, & agreea ce qu'y fit ledit Seigneur Prince.

En mesme temps aussi le Duc de Vendosme alla recevoir Clerac des mains du Baron de Lusignan, & chassa toute la garnison qui estoit dedans ladite ville, & fit en-

1622.

tièrement raser & démolir les murs & fortifications d'icelle, en sorte que ce n'est plus aujourdhuy la ville de Clerac sur le Loth, mais le bourg ou le village de Clerac, qui pour auoir esté deux fois rebelle au Roy, a perdu le nom de ville, & tous ses priuileges.

Au mesme temps encore par ordre dudit Duc de Vendosme, le sieur du Clos, sien Lieutenant, s'empara de la ville de Montflanquin, iuiuant l'exécution du traité de S. Foy: & ainsi toute la basse fut en moins de dix iours entierement reduicte à l'obeissance du Roy, deux villes d'icelles rasees & bruslees, & trois demantelees, S. Foy, Montflanquin & Clerac.

Le dernier iour de May, sa Majesté arriua à Agen, où elle receut les submissions du Duc de Sully, qui se soumit à son obeissance avec tout ce qu'il possédoit de places en ce pays, trois singulièrement, Cadenac, Figeac & Cariac.

D'Agen où il y eut peu de sejour, le Roy alla à Moussac, où l'armée se rendit aussi tost: le Roy y fit le departement de ses troupes, il en enuoya vne partie du costé de Montauban, sous la charge du Duc de Vendosme, pour empescher les sorties des gens de guerre, que les rebelles soudoyoient là dedans: il enuoya aussi Monsieur Zamet, avec cinq cens Maistres au bas Languedoc, ioindre Messieurs de Montmorency & de Chastillon, avec charge de faire le degast és enuirs de Nismes & de Montpellier, couper & enleuer les bleds &

Le Roy va à
Agen, où le
Duc de Sully
le va trouuer.

Ordre pour
Montauban.

M. Zamet en-
uoyé en Lan-
guedoc.

les fourages, pour d'autant plus incommoder les rebelles.

1622.

De Mouillac, la Majesté alla loger à vn bourg nommé Villemade, en intention de tourner les armes du costé de la ville d'Albiac, place que le feu Duc de mayenne, l'an passé auroit fait démanteler, & où il fit dismer les habitans par crainte. Albiac obeit rebelles, pour la perfidie dont ils vserent en son endroit: Or sa Majesté eut aduis queles ennemis l'auoient derechef fortifiée, & y vouloient tenir bon, ce qui luy donna subiet d'y vouloir aller, pour reduire cette place de mesme que Tonnins, & mont-rauel; mais sur la nouuelle qu'eurent les rebelles d'icelle, que le Roy y alloit, quitterent la place, emporterent tout ce qu'ils auoient de bon, & se retirerent: ce qui fut cause que sa Majesté ny alla pas, mais s'achemina du costé de Negrepelisse, pour y chastier la perfidie des habitans, & s'en rendre maistre.

Negrepelisse s'estoit renduë rebelle à sa Majesté, dés l'armee precedente; là y estoit vne garnison qui incommodoit le pays par les pilleries & piccorees continuelles, qu'ils faisoient nuit & iour sur le peuple, iusques aux portes des villes circonuoisines: ce qui obligea Messieurs les Ducs d'Angoulesme & mareschal de Themines, d'assembler leurs troupes, & assieger cette place, qui n'estant forte pour soutenir vn siege, fut facilement reduicte par lesdits Seigneurs à l'obeyssance du Roy, & y mirent trois cens hommes de garnison, pour y entretenir son seruice, & s'asseurer de la place.

Rebellion de
Negrepelisse.

1622.

Desloyauté
des habitans.

Ce peuple meschant & le plus desloyal qui soit en tout le reste du Royaume, ne demeurera longuement en la protestation qu'ils auoient faicte ausdits sieurs, de se maintenir en l'obeissance du Roy, car inspiré des conseils de Montauban & des autres rebelles, proietterent tousiours de rechercher les moyens de se rendre encore vne autrefois libres, secouier le ioug de sa Majesté, pour accueillir les loix de cette mere rebelle Montauban, ce qu'ils ont finalement esclos par vne tragedie & stratageme, le plus atroce & barbare que l'esprit humain peut iamais conceuoir, qui fut de tuer & massacrer la garnison du Roy, & se rendre maistres de la ville, assurez qu'ils estoient des promesses que ceux de Montauban leur auoient faites, de les secourir & fauoriser, aussi tost de secours & de garnisons, contre tout euenement contraire.

Recherchèt à
se rebeller de
rechef.

Il ne falloit pastant de sermones pour porter ce peuple de Negrepelisse à la desloyauté, il y estoit assez enclin de luy mesme, & les regrets qu'ils auoient de se voir reduits par force en leur deuoir, les faisoit incessamment souspirer leur liberté perduë, & mediter des moyens de se pouuoir encore vne autrefois rebeller; ce qu'ils executerent finalement, par vne action du tout esloignee de l'ordinaire & façon de faire des Turcs & des barbares.

Trois cens soldats du Roy estoient assez capables de maistriser ce peuple, qui estoit peu en cette detestable bicoque: mais où est la force que la trahison n'atterre, & ne dis-

lippe au temps que le moins on se deffie de la perfidie des traistres : le pays contagieux & maladis , particulièrement apres le liege de Montauban , causé pour la disette des viures , rendit quantité de soldats de ladite garnison du Roy , malades à Negrepelisse , miserablement traictez entre les mains propres de leurs ennemis : car du depuis il a esté sceu , que les Chirurgiens , Apoticares , & autres personnes dudit Negrepelisse , qui se mesloient de penser & medicamenter ces pauvres soldats malades , au lieu de leur donner les remedes conuenables pour la guerison de leur mal , leur en ordonnoient d'autres qu'ils leur faisoient prendre pour les faire mourir , de sorte qu'en peu de temps , par medecines , clisteres , breuuages , nourritures & medicaments malicieux & empoisonnez , ils firent ainsi miserablement mourir plus de cent soldats de la garnison du Roy.

Ce ne fut pas tout , la malice se decouurit en fin , & la perfidie ioua son personnage tout à faict contre le reste de ladite garnison qu'ils massacrèrent inhumainement en vne belle nuit.

Les logis & maisons sont basties de la sorte à Negrepelisse , & en beaucoup d'autres lieux du pays de Quercy , qu'il n'y a autre escallier pour monter aux chambres hautes que des eschelles , ou foibles escaliers de bois : cecy estant sceu , faut donc noter que ces traistres habitans ayans deliberé de se desfaire de ladite garnison par vn massacre general , resolurent

1622.

Resoluent de
massacrer la
garnison du
Roy.

1622.

d'exécuter ce damnable dessein en la maniere qui s'ensuit : les Soldats estoient logez és maisons des bourgeois, en diuers lieux & quartiers de la ville, chaque compagnie ou escouade, ayant le sien, & alloient aux rôdes & corps de gardes chacun à son tour chaque nuit, aux places & murailles de la ville, pendant que les autres se reposoient, ainsi qu'on est accoustumé de faire és garnisons : le complot fait de les assassiner, fut resolu entre ces maudits habitans, que les hommes s'armeroient de toutes armes propres à l'offensive au deffaut d'espées, de hallebardes & bastons, dont ils auoient desarmez, & qu'au mesme temps qu'ils attaqueroient & surprendroient nuictamment les gardes & soldats qui estoient aux sentinelles, & corps de garde de la ville, les femmes restées aux maisons, couperoient la gorge à leurs hostes, les autres soldats logez és chambres hautes & garniers desdits logis : le stratageme s'exécuta de la sorte dans lesdits logis, car les soldats retirez & endormis chacun en son liect, on coupe les escaliers de bois qui montoient en leurs chambres, & cela fait, on attaque aussi tost les corps de gardes & sentinelles qui estoient par la ville, desquelles ce peuple scelerat eut assez bon marché, les assommans à coups de leuiers, broches, faux, fers, bastons & autres instrumens offensifs, avec lesquels ils firent vn carnage tres-grand, sur les pauvres soldats qui se defendirent autant qu'il leur fut possible, crians & appellans leurs compagnons à leur secours, avec vne al-

arme

alarme tres-grande & pitoyable, qui resueilla en sursaut les autres soldats, qui estoient dispersez par les logis, qui au bruit de cette alarme, se leuant à demy endormis, & se saisissans de leurs armes, sans prédre le loisir de s'habiller, ainsi comme ils vouloient sortir de leurs chambres, & descendre promptement pour aller au secours de leurs compagnons, croyâs que l'ennemy fut entré en la ville, ne trouuans point d'escalier ny d'eschelles pour descendre, leur ayant esté rompuës & ostées, tomboient des chambres en bas sur les carreaux, où tous estourdis ils estoient aussi tost massacrez, poignardez & assommez, par la cruauté endiablee des femmes, qui les attendoient, & furieuses, pour les massacrer de la sorte, & ainsi en vne seule nuit les garnisons du Roy furent toutes massacrées par la desloyauté de ce peuple: qui receuans aussi tost nouueau secours, & nouuelles garnisons de Montauban, contrainrent tost apres ceux qui auoient la garde du Chasteau d'en sortir, ce qu'ils firent, n'ayant pouuoir ny moyen de resister en vne place destituee de munitions, & menacez d'estre forcez & massacrez comme leurs compagnons de la ville.

Et ainsi voyla Negrepelisse renduë libre par vne rebellion, hors de toute humaine consideration, & qui merite vn chastiment conuenable à la felonnie & delict de ses habitans, & tel que Dieu permettra estre executé cy apres.

Le Roy offensé grandement en ceste per-

Cruauté des
femmes de
Negrepelisse.

Contraignent
ceux du cha-
steau a sortir.

1622.

fidie, voulut en faire punition exemplaire, & pour cet effect s'achemine avec vne partie des troupes droit audit Négrepelisse, laquelle il fait sommer de luy ouvrir les portes pour y entrer avec son armee. Les habitants & la garnison de dedans, n'esperas qu'une punition seuer de leurs crimes, se recognoissans indignes de toutes graces, refuserent d'obeir à la sommation qui leur estoit faite de la part de sa Majesté, disans qu'ils vouloiét mourir l'espee à la main, pour la defence de leur ville.

Refusent les
portes à sa
Majesté.

Sur ce refus, l'armée s'approche de la place le 9. Iuin, Monsieur le Prince y commandant comme Lieutenant General de sa M. fait attaquer les baricades qu'il gaigne avec peu de perte pour le Roy, & contraignit les ennemis de se retirer dans la ville & le chasteau, où jà s'estoient retirees quantité de femmes & filles, des bourgs & villages circonuoisins, pour la crainte & apprehension qu'elles auoient de l'armée de sa Majesté.

Siege & batte-
ries contre la
place.

Le Vendredy 10. on dressa vne batterie contre les murs de la ville, & sur le soir du mesme iour, la breche estant faite, fut choisi le premier Sergent de la Compagnie de feu M. du Bordet, Capitaine au Regiment des Gardes de sa Majesté, qui fut enuoyé pour recognoistre la breche, ce qu'ayant fait, il r'apporta auoir recognu les rebelles de dedans tous en desordre dans la place, ce qui fit resoudre le Roy & mondit sieur le Prince, d'y faire donner deux diuers assauts,

L'un par la bresche que le canon auoit faite, & l'autre par l'endroit où l'on les attendoit le moins, les gens du Roy s'y porterent avec tel courage & valeur, qu'ils entrèrent incontinent dans la ville, forcerent les barricades, & passerent par le fil de l'espee tout ce qu'ils rencontrerent là dedans.

Du depuis apres s'estre saisis du principal butin, ils bruslerent & consumerent toutes les maisons & edifices de la ville, par un incendie general sans reserue ny exception, si bien que tout le chastiment que l'esprit de l'homme se peut imaginer pour punir le crime & la rebellion, ces perfides & rebelles le souffrirent, & ceux que le feu & le sang esparagnerent, finirēt leurs vies sur des gibbets, pour seruir d'exemple & d'horreur à ceux qui voudroient cy apres les imiter.

Bref ce que l'en ecris est le moins de ce qui en est, & de ce qui s'y est veu, ne se pouuant ouyr ny voir un plus horrible spectacle que celuy là, car on marchoit sur les corps morts estendus dans les ruës, nuds & cicatricez, en telle sorte que les plus durs en eurent le cœur touché.

Celuy qui ayda à les enterrer, a dit qu'il auoit enterré 363. corps d'habitans tuez. Il y en eut vne grâde quantité de noyez, qui voulās passer à nage vne petite riuere qui est aux pieds de leur muraille, estoient tuez dans l'eau par nos soldats, dont l'on ne vid iamais le courage plus animé cōtre les rebelles pour le seruice du roy, qu'en cette occasion, mesmes qui passerent

Courage des
Soldats fort
animez.

1622.

Memorable
charité de M.
de Vic, Garde
des Sceaux.

iufques au delà du deuoir.

Ne faut oublier à ce fubieét vn traiçt de la charité de M^osieur de Vic, Garde des Sceaux, qui commanda à l'un des fiens, toft apres la prife de la ville, qu'il rachepst les filles & les femmes qu'il trouueroit entre les mains des foldats, afin que par ce moyen leur honneur & leur vie fust conseruee, ce qu'il fit de celles qu'il rencontra, lesquelles il amena audit Seigneur le Garde des Sceaux, iufques au nombre de quinze, qui furent conduictes en son logis, comme en lieu de refuge & d'azile, dont les vnes furent renuoyées avec escorte és lieux, d'où elles s'estoient refugiees dans Negrepelisse sur l'aduenement de l'armée Royale de sa Majesté, & les autres furent conduictes en lieu de feureté, les autres se ietterent entre les mains des Peres Recolez fuiuant l'armée, qui n'en peurent estre maistres, & furent rauies d'entre leurs bras, par la rage des foldats qui s'entretuoient l'un l'autre, à qui en iouyroit, & par despit l'un de l'autre tuoient lesdictes filles & femmes.

et de plusieurs
autres Sei-
gneurs.

Cette charité de M. de Vic, fut imitée aussi par M. le Cardinal de Retz, par M. le Clerc intendant des finances, & plusieurs autres personnes du Conseil, qui auoient compaffion de ces pauvres femmes & filles, qui alloient tomber entre les mains des foldats, pour en fouiller leur furieuse concupiscence, il y en eut plusieurs qui ne peurēt elchapper de leurs mains, & le pire du tout fut, qu'apres s'en estre ainsi fouillez, ils les tuerent inhumainemēt à coups

de poignards & d'espees, & autres plus mal traittees moururent par la violence du feu, de la poudre à cano mise en leur matrice, par vne grande cruauté qui s'y fit, sans y pouuoir donner ordre, & de quoy sa Majesté & les chefs de l'armée furent grandement indignez, ce qui fut executé de la sorte, pour autant que c'estoient ces miserables femmes qui auoient massacré quelques mois auparavant, la garnison du Roy, & qui auoient paru les plus cruelles & inhumaines à la breche, iusques la mesme qu'une fut trouuée armée d'une halebardie prestee à frapper M. le Prince, si elle n'eust esté preuenue d'un soldat, qui luy donna un coup de mousquet en la teste, & la tua.

Pour ce qui est du Chasteau il tint bon iusques au lendemain vnziesme Iuin, iour de S. Barnabé, dix heures du matin, qu'il se rendit à discretion; les hommes qui se trouuoient dedans furent pendus & estranglez sur le champ, & les filles & les femmes qui s'y estoient refugiees, furent conseruees sans aucun mal souffrir, ny à leur vie, ny à leur honneur.

Nous ne perdismes en cette occasion que fort peu d'hommes, & n'y eut que deux ou trois Capitaines de tuez & quelques soldats.

Le combat du premier iour dura iusques à la nuict, où furent tuez plus de sept cens hommes tant de la garnison que des habitans, sans excepter les femmes & enfans, sinon celles qui furent sauuees comme dit est, tout fut generalement passé par le trenchant del'espee.

Vn Prestre fut rencontré au dehors, Curé

Prise du Chasteau.

1622.

Vn Prestre
massacré pris
pour vn Mi-
nistre.

d'un village de Quercy, appartenant à M. le Marechal de Themines, il fut pris pour vn Ministre de Negrepelisse, deux Gentil-hômes voulurent empêcher quel'on ne luy fit aucun tort, mais en vain, car pour sauuer leur vie propre, ils furent cōtraincts de l'abandonner entre les mains des soldats, qui le massacrerent aussi tost sans autre recognoissance: Ainsi Negrepelisse fut payee de la perfidie & desloyale rebellion de ses habitans, ayans esté si temeraires d'attendre vne armée Royale en vne place foible, eux qui n'estoient ny armez ny munis pour se defendre contre vn siege Royal.

Après le sac & la ruine de cette ville, le Roy s'achemina avec son armée vers S. Anthonin, place que le Duc de Rohan auoit fait fortifier, comme estant l'esperance de Montauban, la terreur du pays, & le lieu commode pour tirer & enuoyer secours à ceux de son party, qui en auroient besoin en cette Prouince.

Il auoit fait entrer là dedans douze cens soldats de diuerses nations, François & estrangers, avec armes, canons & munitions, pour la conseruation de ceste place: nonostant que le Roy ne laissa pas de l'enuoyer inuestir, & y alla sa Majesté mesme en personne, pour la faire assieger, resolu d'auoir aussi cette ville aussi bien que Negrepelisse.

Les aduenües de cette place sont tres-difficiles pour estre trop pleines de roches & de buissons fort incommodés à la Caualerie, qui fut cause qu'aux approches il y eut quelque conflit: on fut long temps à amener

le canon, & le monter en lieu propre pour battre la place, à laquelle ayant esté fait breche capable & raisonnable, l'assault y fut donné par le regiment des gardes & celuy de Narre, où il y eut grande tuerie & perte notable de part & d'autre, le Lundy vingt-vniesme Iuin, car bien attaquez, bien defendus, ceux de dedans soustindrent cet assault de toute leur puissance, aussi il y alloit de leurs vies, & ne peut on rien aduancer sur eux, plusieurs soldats & quelques Chefs desdits Regimens y furent tuez, & auparauant cet assault fut tué deuant la place le Baron de Paluau, allant recognoistre vn logement, le sieur de Betencourt y fut aussi tué, M. le Duc de Rets, receut vn coup de Fauconneau au genoüil, assez proche la personne du Roy, & de long temps ne se vid vn siege plus sanglant pour si peu de durée, plusieurs Officiers & soldats du regiment des Gardes y laisserent la vie.

En fin la garnison & la Noblesse qui estoit là dedans, aymans mieux impetrer la misericorde du Roy, que de se perdre avec les habitans miserables qui vouloient perir dans leur ville, s'estans rendus maistres de l'une des portes, rendirent la place à sa M. le lendemain surueille de la S. Iean: sa M. leur permit se retirer la vie sauue, à condition de ne porter iamais les armes contre son seruice: prendre party en ses armées, ou se retirer chez soy.

Quant aux habitans, sa Majesté rendue maistre de la ville ils se racheterent du pillage des soldats, moyennant cent mille

Reduction de
S. Anthonin.

1622.

escus qu'ils donnerent contant aux soldats; dix ou douze des plus mutins furent pendus, a laissé sa Ma. esté le Regiment de Nauarre pour la seureté de la place, sous la charge de Monsieur de Chappes.

Ce pendant il est à noter que sa M. estât l'an passé en la ville de Bordeaux, voyant les rauages & tyrânies que faisoient en Languedoc les troupes du Duc de Rohan, afin de l'attirer à quelque sorte d'apprehension & deuoir, fit expedier ses lettres patentes au mois de Decembre dernier, par laquelle sadite M. le declara criminel de leze Majesté & descheu de toutes charges: mais pour voir si ledit Duc se pourroit ranger à la raison, de son propre mouuement sans crainte, sa Majesté patienta quelque temps la verification desdites lettres, tant sa bonté est grâde; de laquelle abusât toutefois les rebelles, ledit sieur Duc de Rohan continuant ses leuees, & la conduite de ses troupes, contre l'autorité de sa M. en ses Prouinces du Languedoc, iussions ont esté enuoyées aux Parlemens pour verifiser lesdites lettres, & icelles executer: les voicy en leur forme, avec l'arrest de verification du Parlement de Paris en suite d'icelles.

Lettres patē.
tes du Roy
côte le sieur
de Rohan.

Louys par la grace de Dieu, Roy de Frâce & de Nauarre, A tous ceux qui ces presentes lettres verront, Salut. Encores que les assurances que nous auons cy deuant données par nos lettres de declaration du vingt-septiesme du mois de May dernier, & autres precedentes, de proteger & maintenir ceux de nos

subiects de ladite religion pretenduë reformée, qui se contiendroient en leur deuoir, nous deussent faire esperer que les principaux, & la pluspart d'entr'eux & particulièrement le Duc de Rohan, cognoissant la sincerité de nos intentions, qui n'auoient autre but que de reprimer les rebellions & autres crimes qui se commettoient en aucunes de nos villes contre nostre auctorité, demeureroient dans les termes du respect & obeïssance qu'ils nous doiuent : Neantmoinstant s'en faut que ces iustes considérations, ny celles de sa qualité & naissance, & les graces & faueurs que nous leur auons tant de fois & si abondamment départies, l'ayent peu conuiuer à demeurer en son deuoir, qu'au contraire il se seroit rendu vn des principaux instrumens desdites rebellions, s'estant déclaré contre nous & nostre Estat, par les intelligences, associations & pratiques qu'il a entretenues, & continuë encores d'entretenir avec les assemblées factieuses qui se tiennent en nostre Royaume, & avec les Estrangers, & mesmes s'estant mis en campagne avec des troupes & gens de guerre, pour fauoriser les desseins des rebelles, & entreprendre ainsi qu'il fai&t sur nos villes & places, commettant toutes sortes d'hostilitez, oppressions & outrages contre nos fideles subiects : Ayant aussi ozé ordonner du Gouvernement de nosdites villes & places, & enuoyé des mandemens & commissions pour leuer des deniers sur nosdits subiets.

Ce qui nous donne iuste occasion pour em-

pescher la continuation de semblables crimes dont vne plus longue tolerance nous rendroit responsables deuant Dieu, d'vser & faire proceder contre tous ceux qui se sont souf-leuez contre nostre auctorité, & ledict Duc de rohan en particulier, tant par la force & puissance de nos armes, que par la rigueur de la iustice. Pour ces causes, Sçauoir faisons, qu'apres auoir faict mettre cette affaire en deliberation en nostre Conseil, où estoient aucuns Princes de nostre Sang, Ducs, Pairs & Officiers de nostre Couronne, & principaux de nostre Conseil, Nous auons en consequence de nos susdites Lettres de declaration du vingt-septiesme may dernier, dict & déclaré, Disons & declarons par ces presentes, signées de nostre main, ledit Duc de rohan criminel de leze Majesté, & comme tel descheu de tous honneurs, dignitez, estats & offices, pouuoirs, gouuernemens, charges, pensions, priuileges & prerogatiues qu'il a de nous ou de nos predecesseurs Roys : Auons iceux reuoquez & reuoquons, & notamment sa charge de Gouverneur & nostre Lieutenant general en Poictou, Voulös qu'il soit procedé contre luy, tant en sa personne que biens. mandons à tous Gouverneurs & Lieutenans generaux de nos Prouinces, Capitaines, Chefs & conducteurs de nos gens de guerre, de courir sus audit Duc de Rohan: Et à tous nos Officiers, Maires, Consuls & Escheuins de nos Villes se saisir de sa personne, s'il se trouue en icelles, pour le

mettre en nos mains, & le pourfuiure par les voyes & rigueurs de nos Ordonnances faictes sur semblables crimes. Si donnons en mandement à nos amez & feaux, les gens tenans nos Cours de Parlement, Baillifs, Seneschaux, ou leurs Lieutenans, & tous nos autres Iusticiers & Officiers qu'il appartendra, chacun endroit soy, que ces presentes ils facent enregistrer, lire & publier où besoyn sera: Et le contenu en icelles garder & obseruer, selon leur forme & teneur, Et à nos Procureurs Generaux desdites Cours, faire pour cet effect toutes poursuites & diligences requises & necessaires: Car tel est nostre plaisir.

En tesmoin dequoy, Nous auons faict mettre nostre scel à cesdites presentes.

Donné à Bordeaux, le vingt-septiesme iour de Decembre, l'an de grace, mil six cens vingt-vn. Et de nostre regne le douziesme.

Signé,

LOVYS.

Et sur le reply, Par le Roy,

PHÉLYPEAUX.

Et sceelles du grand sceau de cire iaune sur double queüe. Et sur ledit reply est encores escrit.

Leues, publiées & registrées, Ouy, & ce requerrant le Procureur general du Roy, pour estre executées selon leur forme & teneur: & ordonné quoyes copies collationnées, seront enuoyées aux Bail. &

1622.

Seneschauſſées de ce reſſort, pour y eſtre pareillement leuës, publiées, regiſtrées & exécutées à la diligence des Subſtituts du Procureur general du Roy, Auſquels en ioint de tenir la main à l'exécution d'icelles, & certifier la Cour auoir ce faiſt au mois. A Paris en Parlement le 4. iour de Iuillet mil ſix cens vingt-deux.

Signé,

DV TILLET.

Extrait des
regiſtres de
Parlement.

Veu par la Cour, toutes les chambres aſſemblées, les Lettres Patentes du Roy données à Bourdeaux, le vingt-ſeptieſme Decembre, mil ſix cens vingt-vn, Signées, L O V I S. & ſur le reply, par le Roy Phelipeaux, & ſcellees du grand ſeel de cire iaune, par leſquelles, & pour les cauſes y contenuës ledit Seigneur dit & declare le Duc de Rohan criminel de leze Maieſté: & comme tel, deſcheu de tous honneurs, dignitez, eſtats & offices, pouuoirs, gouuernemens, charges, penſions, priuileges, & prerogatiues qu'il a dudit Seigneur Roy, ou de ſes predeceſſeurs leſquels il a reuoqué & reuoque, Notamment ſa charge de Gouverneur & Lieutenant general en Poictou, Voulant qu'il ſoit procédé contre luy, tant en ſa perſonne que biës, ſelon, & comme plus au long le contiennent leſdites lettres. Veu auſſi les declarations des 14. Nouembre mil ſix cens vingt, vingt ſept Auiil ſix cens vingt-vn, & 7. Iuin audit an, faiſtes en faueur de ceux de la Religion pretenduë reformée qui demeureront en leur

devoir & obeïſſance, & contre ceux qui ſe-
ron rebelles & fauoriſent ceux de la Rochel-
le, & autres villes qui tiennent contre le ſer-
uice du Roy, Concluſions du Procureur ge-
neral du Roy, & la matiere miſe en delibera-
tion, Ladite Cour a ordonné, que leſdites
lettres du vingtſeptieſme Decembre dernier,
ſeront leües, publiées & regiſtrées és regiſtres
d'icelle, Ouy & ce requerant le Procureur
general du Roy, pour eſtre executées ſelon
leur forme & teneur, & que copies collation-
nées ſeront enuoyées aux Bailliages & Senef-
chauffées, pour y eſtre pareillement leües,
publiées & executées, à la diligence des Sub-
ſtituts dudit Procureur general, auxquels en-
joint d'y tenir la main, & certifier la Cour
auoir ce faiët au mois. Faiët en Parlement
le deuxieſme iour de Iuillet, mil ſix cens
vingt-deux.

Signé,

DV TILLET.

Après la priſe & reduëtion de la ville de S.
Anthonin, ſa Maieſté qui y eſtoit en perſon-
ne, ayant donné l'ordre de la garniſon qu'il
falloit laiſſer là dedans, pour l'aſſeurer en l'o-
beïſſance de ſa Maieſté, elle reſout d'enuoyer
vne partie de ſon armée deuant la ville de
Carmail, pendant qu'elle alloit prendre quel-
que peu de repos, & tenir conſeil pour les
affaires du Languedoc à Tholouſe, où ayant
eſté par le corps de la ville on fit cette haran-
gue à ſa Maieſté.

1622.

SIRE, Ceux qui d'un iugement de trempe plus solide que celui du reste des hommes, sçauent priser les conseils par leur propre poids, & non par les euenemens, bien quetres fauorables, confessent ne pouuoir assez hautement estimer la courageuse resolution, qui a fait partir V.M. de sa ville capitale, accompagnée de ses seuls gardes, pour aller esteindre ce grand embrasement, qui s'alloit allumant en la plus part de vos Prouinces de Guyenne & Poictou, & l'estouffer en sa naissance. Les aduis diuers qui nous venoient de la mauuaise intention de vos ennemis, cantonnez dans vos villes, armez dās les Olonnes, en la basse Guyenne, & dans le Languedoc, résolus des'opposer à vous, eussent estonné vn autre cœur que le vostre! mais l'Empereur Auguste se declarant heritier de Cesar voulut que son principal Conseiller fut le genereux mouuement de son courage. Vous en auez fait de mesme, Sire, toutefois en vn plus iuste & plus legitime rencontre: Aussi ce fut à l'heure que veritablement vostre Majesté se declara heritiere des vertus du grand Henry vostre pere, cōme desia vous l'estiez de son sceptre: Ce fut lors que marchant d'un pied ferme sur les pas de ce patron de la vraye valeur, vous temoignastes qu'il ne vous auoit pas en vain laissé pour objet en vos galleries son portrait armé de foudres fulminant sur l'audace des Tyrans: A l'heure vous apristes à vos subiets & à toute l'Europe quelle place tient en vostre ame le puissant Genie des exemples do-

mestiques pour porter vostre M. dans les brisées de ce grand Prince, le miracle des Roys, qui maintenant là haut parmy ses felicitéz iouit du cōtētement de voir, que s'il doit souffrir d'estre vn iour surmonté par les siens, ce sera, Sire, de vous seul qu'il receura ceste douce iniure.

L'vn des riches gages qui l'enasseure est ceste vigilante actiuité, qui tenant en vous ce prodige, semble vouloit enuier à sa renommée la gloire de vous l'auoir laissée hereditaire: Car vous la possédez en si rare perfection, que, comme les Cieux en leur cours, sans peine vostre M. agit d'vn mouuement perpetuel. Et ce qu'on appelle traual, voire qui l'est véritablement aux autres hōmes, ne vous est pas seulement habitude, c'est vostre naturel, qui vous fera tousiours puissamment atteindre d'une extremité de vos Estats à l'autre, pour y maintenir doucement le repos avec le deuoir.

Mais ces trauals infatigables seroient vains si la main toute puissante du Souuerain Arbitre des ouurages, mesme des Souuerains, n'en benissoit les succès: & nous n'en pourrions esperer les benedictions, si l'Innocence de vostre iuste cause, Sire, ne les attiroit du Ciel ainsi qu'une douce & heureuse influence. Car c'est elle qui a forcé les Cieux, contre les apparences de l'humaine presumption, à verser avec leurs faueurs sur vostre chef autant de diuerses couronnes, cōme il y en eut autrefois en celles dont Timoleon fut couuert.

C'est elle qui s'estant vnice aux forces de

vostre courage, vous a si auant inspiré le mespris des dangers que vostre majesté pourroit se voir atainte du bris des ruines del' Vniuers, & ne sentiroit pas la moindre esmotion de crainte, puissante generosité, & d'autant plus rare qu'elle se rencontre sur le glissant de l'age où vous estes! Elle tient en vostre ame la place du plus pur de cest Or diuin, dont vn Ancien disoit auoir esté formez les esprits plus choisis & destinez à commander: C'est pourquoy dedans ce grand Temple consacré à vos louanges, SIRE, elle est au milieu du nombre sans nombre de vos vertus, vantée comme l'or qui sert de relief, forme le brillant, & donne l'esclat à toutes les autres. Elle est en vous mere d'une valeur qui n'a point de pareille, Tutrice de la Foy que vous faictes profession de garder inuiolable; La baze del' Autel que vous auez dès vostre aduenement à la couronne dressé dans vostre cœur à la Justice comme à la Royne de vos actions. Et le flambeau qui ne donne point de faux iour à l'œil clair-voyant de ceste prudence, que vous auez ainsi que les Egyptiens, marice à vostre Sceptre, pour discerner avec sincerité les vrais mouuemens des Conseils, & ne iuger iamais qu'avec candeur des secrets où vostre viuacité penetre: C'est elle qui ne souffre point à vos affections de se porter, sinon où la raison les attire, & qui ne leur a donné la Constance, que pour s'attacher au rare merite d'une probité pleine de courage, & fidelle assiduité d'un zele sans egal au bien
de

de vos affaires. Aussi est-ce à l'abry de ce mur d'airain, Sire, que vostre Majesté a voulu cōseruer le repos de ses peuples. Et la mesme vertu a fait que les confusions preparées pour al-
terer la reputation de vos armes, ont seruy de
suiect pour en releuer la gloire.

Voilà quelles sont les pensées de vosdits su-
iets de vostre ville de Tholose, Sire, au milieu
des images de vos vertus, qu'ils se representēt
en la verité de vos exploits plus qu'heroï-
ques; c'est l'entretien des extases, ausquelles
les esleuent les actions de graces qu'ils vous
doient: Puis prenant pour object quelque
vne des victoires dont vostre voyage est fe-
cond, ils demeurent en peine de trouuer dans
l'Histoire des exemples qui les esgallent; puis
que les plus verds Lauriers des autres Princes
ne sont que fueilles pallissantes aupres des vo-
stres.

Quels Arcs triomphaux n'eussent esleué
les Capitaines de l'Antiquité, pour monu-
ment de la victoire remportée sur l'armée des
rebelles en l'Isle de Rié, où vostre presence
animant la fidelité des siens, veid les eaux de
de la Mer teinctes du sang mutin, combat-
tre pour vostre Majesté?

Quelle vanité n'eust tiré, quel aduantage ne
se fust donné vn autre que vous, Sire, de
tant de morts renuersez à ses pieds, d'un si
grand nōbre d'ennemis prisonniers, des ca-
nons, des armes, & des enseignes gaignées
en ce furieux combat? Vous ne voulustes pas
pour tant triompher de la honte de vos sub-

jects, ce vous fut assez que cette victoire vous eust conduit dans le champ où vostre bonté en pouuoit emporter vne plus glorieuse sur vous mesme.

Ne vantez plus vostre Coriolan, Romains, sa reputation d'auoir esté flechy aux larmes deses vaincus, pour poser les iniustes armes qu'il auoit en main, & dont le succez n'estoit point encore hors la balance du hazard, ne va pas à l'esgal de la gloire de vostre M. d'auoir en la iuste defence de son autorité Royale, & apres tant de victoires, ainsi qu'un autre Coriolan, flechy aux larmes des chefs du party rebelle, implorans le pardon à vos pieds.

Les pieux excès de vostre amour, Sire, ont esté couronnez des plus rares faueurs du Ciel, les flâmes de la guerre allumée en tant de Provinces, ne vous ont pas seulement fait vne estroite voye, elles se sont du tout esteintes à l'obiet de vostre bonté, & vous n'avez trouué par tout à la campagne & dans vos villes, que l'obeïssance miraculeusement produite au milieu des cendres d'un si grand brazier.

Et parmy ces choses, Sire, la celeste prouidence vous a de rechef frayé le chemin iusques en vostre ville de Toulouse, où vous n'avez pas simplement comme Alexandre, d'une main liberale, versé en abondance de l'encens pour un sacrifice, vous y en avez fourny pour tousiours, de sorte qu'autant de cœurs qu'il y en a dans l'enclos de ses murs, sont autant de victimes brulantes & fumantes de zele, en la recognoissance de leur salut & repos,

qu'ils doiuent aux prodigieux travaux courageusement entrepris par vostre Majesté, & poursuivant vos voyages dans le Languedoc, c'est avec intention d'y releuer les ruynes des Sacrez Autels, reestabliir l'honneur des Temples pollus, & assseurer l'entretien des Sacrificateurs ensemble, & des Sacrifices: En quoy la sincerité de vostre zele a esté si heureusement conduite par les sages aduis de vostre Conseil, que sans blesser vos Edicts, on a veu en toutes vos resolutions avec la Pieté d'un pas égal tousiours marcher la Iustice.

Monarque, l'ornement futur de l'histoire de vostre siecle, le reproche & la honte des Heros du passé, & le Patron accomply que l'auenir ne pourra qu'admirer, ainsi qu'inimitable; I V S T E L O V Y S, qui desla fairesse veoir le fondement des Autels qu'un iour vostre Pieté vous promet, ce dernier acte, le Couronnement de travaux de vos voyages sera un coup de vostre courage, qui ne donnera pas seulement sur la terre, mais ira iusques dedans le Ciel, & en sera le merite escript pour trophée eternal, au dessus des cercles où brillent les estoiles.

Vueille la supreme Puissance, dominante sur les Empires, tousiours ainsi pour sa gloire, faire regner & reuerer vostre Sceptre, Sire. Ainsi tousiours les foudres de vostre pouoir, portent la terreur, ou les charmes de vostre douceur feront sans effect: Ainsi tousiours les deuoirs reciproques de bon Roy &

de bons suiets, soient le sacré lien de vostre cœur, avec celuy de l'image parfaite de la vraye subjection. Ainsi puissent tousiours les courageux Conseils de vos iustes intentions reussir à l'vtilité de vostre Estat, & à la seureté du repos de la France.

Cependant ceux de Montpellier voyans qu'on les alloit priuer de la recolte de leurs foins & bleds, se resolurent de preuenir le degast qui s'y alloit faire, & firent sortir huit cens hommes pour assieger ceux qu'ils enuoyèrent pour faucher promptement & les foins & les bleds d'autour Montpellier, ce qu'ayant sceu monsieur de Montmorency qui estoit à Pezenas, enuoya toute sa caualerie pour charger lesdits rebelles sortis à la campagne, les suyuant de prez avec bon nombre d'Infanterie, assisté de messieurs de Chastillon & Zamet: lesquelles troupes dudit sieur Duc rencontrans ainsi lesdits rebelles, les chargerent si rudement que de huit cens qu'ils estoient sortis, cinq cens furent mis & taillez en pieces, beaucoup de prisonniers, & le reste poursuivy chaudement & de prez, iusques dans les portes de ladite ville de Montpellier, qu'ils trouuerent ouuertes fort à propos, pour sauuer leur miserable vie.

Deffaite de
500 hommes
sortis de Mont-
pellier par M.
de Montmo-
rancy.

Cette expedition ainsi faicte, pendant que le Roy estoit à Thoulouse le degast fut faict par tout par les gens de guerre de la maiesté és enuirs dudit Montpellier, on leur enleua tous leurs foins, bleds & fruiets,

si bien que pour cette année la peine de faire la recolte leur est pour leur rebellion toute espargnée.

Retournons en l'armée royale, qui poursuit tousiours la reduction de quelques petites places rebelles és enuirs de Thoulouse.

Ceux de la Religion pretenduë reformée qui estoient dans la ville de Carmail, firent mine & semblant de vouloir attendre les armes du roy, & soustenir le siege, mais comme ils se virent foibles, dans vne place de legere importance, & hors d'esperance de tout secours, ils aduiferent que le meilleur pour eux estoit de rechercher leur salut dans la misericorde du Roy par leur obeïssance: sa Majesté les prit à mercy à condition qu'ils abbatroient toutes les fortifications de la place, qui a esté renduë à sadite Majesté, & y entrerent par son commandement deux cōpagnies du Regiment de ses gardes, pour la conseruation d'icelle, le Mercredy penultiesme de Iuin.

Reduction de
Carmail.

Aussi se rendirent à l'obeïssance de sa majesté Cadenac, Figeac & Cariac, places appartenantes au Duc de Suilly, qui finalement receurent les garnisons de sa majesté, & par ainsi toute la Guyenne haute & basse, avec le Quercy & l'Aginois furent entierelement reduicts à l'obeïssance du Roy.

Le Duc de rohan & son armée ayant sceu & ouy le bruit que le Roys estoit resolu de passer au bas Languedoc, tant pour le

1622.

Retraicte du
Duc de Rohā
dans Castres.

pourſuivre que pour aſſieger la ville de Montpellier, ſadiſte armée fut ſaiſie & eſpouu-
tée de telle eſpouuente & frayeur, qu'ils a-
bandonnerent ledit Duc de Rohan, ayant
mieux ſe retirer de bonne heure que d'atten-
dre vne mauuiſe rencontre. Ce qu'ayant veu
ledit ſieur Duc de Rohan, il ſe retira dans la
ville de Caſtres, avec ſeulement cent cheuaux,
eſtant aſſeuré que ceſte place ſeroit aſſiegée
des dernieres du Languedoc, & que cepen-
dant ſes affaires ſe pourroient accommoder.
Par ainſi le Roy auant que d'entrer en Lan-
guedoc, nettoya entierement toute la Com-
té de Foix, où eſtoient vn grand nombre de
rebelles.

Sa Maieſté eſtant encore à Thoulouſe
où elle arriua le vingt-huitieſme Iuin, le
Mas ſaincte Puelle ſe rendit à ſon obeïſſance,
redoutant le ſiege dont elle eſtoit menacée:
la reſolution eſt priſe pour le raſement de ſes
fortifications comme auſſi eſtoit-il pour celle
de Carmail, mais à l'inſtante priere de mon-
ſieur de Montmorency & du Comte de Car-
mail, on n'y toucha pas.

Deputez du
Duc de Rohā
au Roy.

Delà ſa Maieſté entrant au bas Languedoc
& s'acheminant vers Montpellier, a fait quel-
que ſejour dans Caſtelnadoris à trois lieus
proche de Caſtres, tant pour attendre le ſieur
d'Eſplende qui deuoit rapporter reſponce du
Duc de l'Eſdiguieres, où le roy l'auoit en-
uoyé que pour entendre le Duc Suilly & le
ſieur de Chalonge Deputez du Duc de Ro-
han pour l'accommodement de ſes affaires,

Neantmoins les trouppes s'aduancent iour-
nellement vers Montpellier, les Reistres &
Lanſquenets au nombre de trois mille leuez
en Allemagne par le Duc d'Aluin ſils du
Comte de Schomberg paſſent Lyon, & avec
quinze pieces de canon marchent au bas Lan-
guedoc: monſieur le Duc de Bellegarde,
Gouuerneur de Bourgongne y conduit vn
Regiment de trois mille hommes, & quel-
que Caualerie: Le Duc de Guiſe eſt mandé
en Cour, & toutes choſes s'appreſtent pour
le ſiege de Montpellier.

Le Millord de Haye Ambaſſadeur extra-
ordinaire d'Angleterre eſtant en Cour a eu
diuerſes audiences de ſa Maieſté & s'eſt en-
tremis pluſieurs fois pour la paix & accom-
modement des affaires de ceux de la religion
pretenduë reformée, ſuyuant la charge qu'il
en auoit du Roy de la grande Bretagne ſon
maître: auquel ſa maieſté tres-Chreſtienne a
fait reſponce que plus que nul autre elle eſtoit
deſireuſe de la paix, & la vouloit donner à ſes
ſujets, mais qu'elle vouloit eſtre obeïe & auoir
la clef de ſes villes: poinct ſi iuſte & raiſonna-
ble que cela ne luy peut eſtre diſputé, & de fait
ledit ſieur Ambaſſadeur recognoiſſant l'e-
quité de ceſte procedure Royale, eſt demeu-
ré ſans replique, & par commandement du
Roy ſon Maître eſt rappellé en Angleterre
où il retourne apres auoir pris congé de ſa
maieſté dans Thoulouſe.

Le ſieur de Soubiſe cependant, ayant per-
du tout credit & toute aſſurance en France,

Ambaſſadeur
extraordinaire
d'Angle-
terre rappellé.

1622.

Le sieur de
Soubise prati-
que vn vain
secours en
Angleterre.

passa il y a ja quelque temps en Angleterre, & s'achemina à Londres à la Cour du Serenissime Roy, pour luy desguiser les mauuais desseins des rebelles de France, luy représenter leurs foibleesses & le porter à quelque sorte de compassion, pour en tirer secours.

Le Roy d'Angleterre Prince des plus sages de la terre, tres-bien instruit des pures & bonnes intentions de sa Majesté tres Chrestienne, comme aussi de la fraude & perfidie de ses mauuais subiets rebelles qui luy refusent ses villes & l'obeïssance, preuint ledit sieur de Soubise, & luy dit, que s'il estoit venu pour plaider la cause des rebelles de France, & demander secours en leur faueur, il ne le vouloit entendre, comme Prince ennemy de telles reuoltes & rebellions qui interessent tous Souuerains en la defence de celuy qui en seroit troublé: mais s'il venoit pour le prier des'entremettre de la paix & employer sa faueur enuers sadite Majesté tres-Chrestienne pour leur pardonner en luy obeïssant, que non seulement il auoit ja chargé ses Ambassadeurs de ce faire, mais de recherches y employeroit volontiers, & que pour luy ledit sieur de Soubise, il feroit beaucoup mieux de rechercher la grace & le pardon de son Roy que de courir aux nouueaux moyens de luy faire la guerre: que s'il se vouloit resoudre à ce deuoir il estoit prest d'en escrire au Roy & le prier pour luy. Mais ce n'estoit pas l'intention dudit sieur, il a trop de subiet de se desier de tât de si mauuais desseins decouverts

quoy que sa Maieſté tres-Chreſtienne ſoit incomparable en bonté, n'ayant iamais deſnié grace & pardon, à ceux qui ſe repentent de l'auoir offeencee (traict admirable de la diuinité, qui reluit en ſa ſacrée perſonne) c'eſt pourquoy ne pouuant faire ſes affaires en Angleterre, il tente ſes pratiques en Eſcoſſe, & aupres des Eſtats des Royaumes de ce Sereniſſime Prince, où l'on croit qu'il fait quelques leues.

Depuis qu'il eſt paſſé en Angleterre ſix à ſept cens Anglois ſe ſont iettez dans la Rochelle, non pas qu'ils ſoient ſortis d'Angleterre, comme enuoyez ny pratiquez par ledit ſieur de Soubiſe: mais ce ſont quantité de pirates, voleurs & eſcumeurs de mer, qui volontairement ſe ſont donnez aux Rochelois, la Rochelle eſtant aujourdhuy le rendez-vous de toutes ſortes de mauuais garnemens, puis qu'elle donne à telle maniere de gens la liberté de piller, voller & pirater, ainſi qu'ils pourront.

Cependant en Bretagne, on procede rudement contre les rebelles de la Prouince qui ſe ſont iettez & refugiez dans la Rochelle.

Le Parlement de Rennes a donné Arreſt contre les Gentils-hommes de la religio pretenduë reformée, qui y ſont allez. Entr'autres le ſieur de la Muſe Ponthus, Gentil-homme riche de plus de quinze milles liures de rente, a pris la charge de député pour la Nobleſſe des Eglifeſ pretenduës reformees de Bretagne à l'aſſemblée de la Rochelle, où il s'eſt transpor-

Six cens Anglois entrez dans la ville de la Rochelle.

1622.

té nonobstant les defenes du Roy & du Parlement: à raison dequoy ledit Parlement de Rennes, donne Arrest contre luy par lequel le declarant conuaincu & atteint du crime de leze Majesté, le condamna d'estre tiré à 4. chevaux, ses bois coupez, ses maisons rasces, ses biens acquis & confisque au Roy, & sa posterité declaree roturiere, & mesme ladite Cour deputa Commissaires qui se porterent expressement sur les lieux, pour executer ledit Arrest, faire conper ses bois, & raser ses maisons.

Retention de
Madame de
Rohan, au
Chateau
d'Angers.

Aussi par commandement du Roy, le Côte de Brissac se transporta à Fresnay en basse Bretagne, où il se saisit de la personne de Madame de Rohan, laquelle il mena & conduisit au Chateau de Brissac, & du depuis en celuy d'Angers, où elle demeura quelques mois, pour voir si cette procedure n'attiedroit point le courage du Duc de Rohan, & le resoudre à implorer la misericorde du Roy, par quelque sorte d'obeissance.

Le Roy ayant donc demeuré ainsi quelques iours dans Castelno d'Arris, ou sa Majesté prit le bain, & se purgea par Conseil de ses Medecins sur son arriuée en vn pays mal sain, attendant que les iours caniculaires fussent passez, & que les chaleurs qui sont excessives au bas Languedoc en ceste saison fussent diminuees, elles en alla à Carcassonne, & de là à Beziers où elle fit vn plus long seiour: pendant lequel se rendirent aupres de ladite Majesté, les Ecclesiastiques & Clergé du bas

Languedoc, pour lesquels & en leur nom M. Fenoüillet Euesqué de Mont-pellier, fit cette complainte au Roy, par vne Haranguela plus solennelle que i'aye iamais leuë, & que i'ay icy insérée au long, afin que par icelle on iuge de la souffrance des Catholiques entre les mains des huguenots du bas Languedoc, particulièrement de Mont-pellier, voicy comme il parle.

SIRE, Nous demandons pardon à vostre Majesté, si deuant elle, nous ne tesmoignons assez dignement sur nos visages, & par nostre discours la ioye que nous receuons de son arriuée en ceste Prouince. La douleur des maux que nous auons soufferts en est cause, qui a saisi tellement nos cœurs de tristesse, & accoustumé nos yeux aux larmes sous la tyrannie de l'heresie & rebellion, que maintenant nous sommes en peine de nous asseurer deuant la face de vostre Majesté, & d'empescher que les gemissemens ne nous eschappét, quand nous ouurons la bouche pour luy rendre des actions de graces immortelles pour sa venue. Si ces maux pouuoient estre dissimulez, & couverts, ou qu'il ny eust autre interest, que celuy de nos fortunes, & de nos vies, nous serions contents de nous taire, pour ouyr les acclamations de ioye de tous les ordres du Royaume, qui ont accompagné iusques icy le char de son triomphe, & serions honteux de nous plaindre de tout ce que nous auons souffert en nostre particulier, pour exercer nostre constance, & esprouuer la fidelité que

Harangue au
Roy, par M.
Fenoüillet
Euesque de
Mont-pellier,
le 20. Iuillet
dans Beziers.

1622.

Il prie sa M^e de
luy pardonner
pour les gran
des plaintes
qu'il va faire.

nous deuons à Dieu, & à vostre Majesté qui est son Image. Car encor que l'oppression aye esté grande en soy, ingenieuse en inuention, exquise en cruauté, vniuerselle en rauage, sans que le respect d'une mesme patrie, les droicts de la société ciuile, la consideration des alliances du sang, & de la nature aient peu arrester, ou amoindrir la rage de nos ennemis, neantmoins la Iustice de la cause pour laquelle nous auons souffert, nous a rendus tousiours asseurez, voire mesme glorieux au milieu de nos pertes & de nos souffrances. Mais l'herésie animée de la rebellion, qui est son esprit ordinaire, ne s'est point contentee de cela, elle est montée au comble de tous crimes, & le bas Languedoc (singulierement le Diocèse, & la Ville de mont pellier, avec les Catholiques de trois ordres que nous representons) a seruy de theatre sur lequel elle a fait voir tout ce que l'impieté a iamais osé penser, & executer contre la reuerence des choses saintes. C'est pourquoy vostre Majesté nous pardonnera, s'il luy plaist, si en ceste occasion nous haussions la voix deuant le fils aîné de l'Eglise, pour luy représenter les outrages que sa mere a receus si grands en nombre, si violens en excez, si solempnels en impudence, si horribles en sacrilege, si abominables au Ciel, & à la terre, que nous ne doutôs point que vostre Majesté ne soupire en les oyant, ne gemisse en les voyant, & n'admire que son Royaume aye esté capable de si grandes impietez.

Il est vray que nous auons tant à nous plaindre que nous ne sçauons bonnement par où commencer, estant vn effect ordinaire des grandes afflictions d'estourdir l'esprit, & de confondre le langage des affligez. Nous dirôs pourtant à vostre Majesté les paroles qui nous semblent assez propres, pour exprimer en quelque façon nos sentiments, lesquelles furent dites autrefois au Fils de Dieu sur le subiet de la mort du Lazare, *Veni, & vide*. Ouy, Sire, venez & voyez. C'est le sommaire de nos desirs, l'abregé de nos esperances, & le fondement de la deliurance de nos oppressions. Venez, car ceste playe est fatale à ne receuoir la guerison que de vostre main. Venez, car Dieu a reserué ce chapeau de triomphe à vostre pieté, & à vostre Iustice. Venez, car l'heresie est vne illusion, fauorisee des tenebres, pleine d'artifices, de menees, & de corruptiôs; mais qui s'esuanoüit au jour: c'est vn sortilege de la nuit, qui ne peut estre defait qu'avec la lumiere du Soleil, & deuant la face de vostre Majesté. Venez donc, & voyez. Mais quoy? certes vn tableau confus de malheurs, à la veüe duquel elle sentira son cœur agité de diuers mouuemens à la fois, de compassion, de douleur, de courroux, de haine, & d'un zele sacré d'une haute vengeance.

Mais auant que passer outre, puisque tous les presages du Ciel nous annoncent que ceste annéedoit estre la climacterique del'heresie en son Royaume, nous la supplions tres-humblement de permettre que nous remarquions en

Feinte mode-
stie des Hu-
guenots.

peu de mots, combien son establissement, & tyrannie est differente de sa naissance, & de ce qu'elle promettoit au commencement. Car nous auons apprins de nos Peres qu'il l'ont veüe dedans le berceau, & en sa ieunesse, que ceste maudite creature desguisant de bonne heure son naturel ne respiroit que l'obeissance aux loix, ne souspiroit que la reformation de l'Eglise, n'aspiroit que la liberte de conscience, elle se contentoit des grottes, des caues, & de quelques valons perdus entre des hautes montagnes pour s'assembler de nuit, & protestoit d'une feinte modestie qu'elle ne venoit point pour enfreindre les loix de l'estat, ou pour troubler le repos public; mais seulement pour se cõseruer en sa foiblesse pure, & innocete des abus, & de l'Idolatrie, quelle se figuroit en l'Eglise, & mesloit quelques larmes de tendresse à ses propos, pour endormir les loix, comme elle a faict, & surprendre les Magistrats.

Sire, Pardon à nostre douleur qui nous contraint de crier icy, ô trop grande douceur du premier temps, que tu es deuenuë cruelle pour le nostre: auquel celle qui pleuroit auparavant, nous fait pleurer, & laquelle pour faire payer quelque goutte de larmes, qu'elle auoit versé en son cõmencement, a depuis fait inonder des riuieres de sang par tout vostre Royaume? Car depuis qu'elle commença de plaire, & d'estre caressée par sa nouveauté, soudain elle tascha de profiter de la foiblesse du temps, & des esprits, & de faire seruir

toutes choses à son agrandissement. Elle se glissa doucemēt dedās les chaires des Pasteurs, desquels elle s'empara depuis à descouuert, sans missiō, & osa bien entreprendre de renuerfer l'ordre sacré de la hierarchie del'Eglise: elle degrada tous les ordres de l'estat spirituel, pour introduire vne monstrueuse esgalité & confusion de ministere, à laquelle si les Roys eussent prins garde de bonne heure, ils eussent recogneu ce que l'experience a depuis faiēt voir. Que ceux ne souffrēt point volontiers la monarchie temporelle, qui la destruisēt tāt qu'ils peuuēt au gouuernemēt spirituel; en suite de quoy l'audace croissant avec l'aage, & nos pechez donnant efficace à l'erreur, on ouyt prescher dedans la Frāce vn nouveau Euangile; de nouveaux Sacrements, vne nouvelle creance, nouvelle confession de foy, nouveau salut, Eglise nouvelle, avec ce tilre specieux de reformation. Ce fust alors qu'elle diuīsa aussi tous les cœurs de la croyance de vos subjets, & adioustant la rebellion au schisme, elle fit sousleuer les maisons, les villages, les villes, les prouinces entieres contre la Majesté des Roys, allumant par tout le flambeau de la guerre, qui de son embrasement a pensē reduire en cendres la plus belle, & fleurissante Monarchie de la Chrestienté.

Elle diuīse les cœurs de la croyance des peuples.

Tout le monde tōbe d'accord qu'on deuoit estre mieux sur ses gardes au commencement qu'on n'a pas esté, & qu'il falloit opposer de bonne heure la feuerité des loix à ce mal,

pour l'arrester en sa naissance & preuenir son desbordement: mais depuis qu'il se treuve fortifié par le malheur du temps, les conseils du remede ont esté bien differents, en fin la prudence humaine l'a emporté, & a iugé qu'il estoit necessaire de temporiser avec les heretiques, & de partager avec eux les conditions de la paix. Nous n'auons rien à dire contre les mouuements de ceux qui l'ont ainsi pensé, lesquels nous croyons auoir eu de tres-bonnes, & saintes intentions pour le bien de l'Eglise, & de vostre Estat: mais nous pouuons dire aussi, qu'il semble que Dieu n'a point autorisé au Ciel, ce traité qu'on auoit fait en terre, car en fin qu'en est-il deuenu? L'heresie a elle perdu son venin? la paix de quelques années a elle peu vaincre ou adoucir son mauvais courage? A elle esté plus fidelle au Prince, plus obeyssante aux loix? A elle perdu vn seul moment, vne seule occasion de troubler, & de tirer quelque aduantage de nos desordres? Y a il vne seule place de seurété qui aye cessé d'estre par sa propre demission, pour se contenter de la foy, & protection des Roys, comme le reste du Royaume? Les assemblees de ces reformez ont elles esté moins frequentes, moins turbulentes, & moins à contre-temps pour donner de l'apprehension de nouveaux mouuements? Leurs cahiers ont ils esté plus modestes, leurs remonstrances moins suspectes de menaces? Dehors le Royaume a-on moins practiqué avec les estrangers pour donner de la jalousie, & de la crainte? Dedans a-on moins

ou moins recueilly les esprits mal-côtens pour les desbaucher tout à fait ? La société, les mariages, la parenté mesme la plus proche a elle rendu leur domination plus douce dedans les villes où ils sont les maistres, & la condition des Catholiques moins pitoyable ? Rien moins, au contraire nous sommes contraints de redire à vostre Majesté, la larme à l'œil, Sire, venez & voyez.

Cesont les yeux que nous appellons pour tesmoins des horribles cruantez que nos ennemis ont exercé sur nous, lesquels de leur grace ont vſé de cette courtoisie en nostre endroit, que pour donner creance à nos plaintes, ils ont bien voulu que les marques de leur fureur fussent publiques & eternelles. C'est pourquoy ayant beaucoup de choses à faire voir, nous n'auons pas beaucoup à dire, & ce peu meisme que nous dirons, n'est point pour persuader à vostre Maieſté ce que nos ennemis confessent, & dont ils tirent gloire, mais pour soulager nos cœurs, en souſpirant deuant elle, laquelle nous ſçauons auoir grandement cōpaty à nos afflictions: & partant nous passerōs plusieurs choses ſoubs ſilēce, qui ſont toutesfois des crimes tres-graues, & tres-importans, comme les attentats commis contre vostre authorité, exercer ſouuerainement la Juſtice, ordonner des Finances, creer, & eſtablir des Officiers, vſurper le Secau, battre la Monnoye, conuoquer des aſſembles publiques, qui eſt en vn mot vouloir arracher tous les Fleurons de vostre couronne, à la veue

Ses horribles
cruantez.

Infoiencce des
Huguenots
en leur langa-
ge.

de vostre Frâce, & au sceu des estrâgers. Nous voudrions bien dire vn mot de l'insolence de leur langage, qui nous a fait fremir d'horreur plusieurs fois, quand nos oreilles ont esté contraintes d'ouir les blasphemes de leurs discours, & de leurs chansons contre le nom sacré de L o y s X I I I. son regne, sa pieté, sa iustice: mais le Cielles a ouys, & deffend de nous en plaindre, par vne promesse certaine, qu'il nous faict de vanger promptement de si furieuses outrages commises contre l'Oinct du Seigneur.

Il reste donc à parler briuevement de ce qui a esté faict parmy nous; & contre nous, contre nos biens, nostre liberté, nos vies, nos Autels, nos Eglises, nostre Religion, & de commencer par des actions de grâces à Dieu, de ce que vostre Maiesté nous permet de nous plaindre. Car encor que ceste liberté soit naturellement acquise aux affligez, & que les plus cruels ennemis la laissent à ceux qu'ils ont rendus miserables, neantmoins elle nous a esté refusee par les nostres, avec vne extreme rigueur, voire mesme la plainte d'estre perdus entre leurs mains estoit vn crime nouueau, capable de nous perdre. mais qu'y a-il de plus injuste au monde, & de plus outrageux à la nature que cela? ou quelle est ceste haine qu'ô nous porte qui s'allume de nos souspirs, & s'entretient de nos larmes? Certes tout ainsi que l'eclipse du Soleil n'arriue point que ce monde inferieur ne se ressent de dangereusement de la perte qu'il fait pour vn temps, de la lumie-

te de ce bel astre, les corps elementaires en
s'alterez, & plusieurs defaillâces, & l'agueurs
arriuent generally à la nature. De mesme
la desobeissance, & rebellion des subiects cō-
tre leur Prince souuerain, qui est comme vne
eclipse du Soleil de la royauté, n'arriue point
aux Estats, qu'ils n'en ressentent de perilleux
effets de cet accident: & c'est aujourd'huy
cette Eclipe funeste qui est la cause de tous les
maux qui nous sont arriuez.

Effets dan-
gereux de la
rebellion.

1622.

Premierement les rebelles fermerent la bou-
che, & lierēt les mains aux Magistrats, afin que
la reuerēce des loix estant violee, & la Iustice
réduē captiue par l'insolence des factieux,
l'audace en vint au peuple, pour le faire force-
ner sās crainte, & seruir d'instrument enragē
à leurs mauuais desseins. Apres cela on arre-
sta les Catholiques prisonniers dedans les
villes; & sur tout dedans Montpellier & pour
leur faire cognoistre à quelle condition ils
estoiēt reduits, on commença d'imposer sur
leurs testes plusieurs sommes de deniers, dont
le peuple estoit exacteur. Les Catholiques fu-
rent soudain remplis de frayeur par les alarmes
qu'on leur donnoit à tout moment d'une ge-
nerale proscription de leurs biens. Les seditieux
faisoient ouuertement le partage de leurs mai-
sons pour les butiner. Il n'y auoit famille qui
n'attendit d'heure à autre d'estre saccagée,
& plusieurs ont esté abandonnées au raua-
ge de ces brigands. Ce pendant on exerçoit
leur patience en plusieurs façons. Dehors
la ville on pilloit les metairies, on ruinoit les

maisons, on rasoit les Chasteaux, on demandoit les places fermées de murailles, attendant apres ces actes d'hostilité, de mettre le feu par tout pour l'embraser, comme ils ont fait, & pour faire paroistre à la lueur de ces flammes, leur rage, & leur desespoir. Le mesme esprit agissoit dedans la ville contre eux, on les obligeoit aux fortifications des rāpars, au logement des estrangers, aux contributiōs ordinaires, & extraordinaires, pour l'appareil de la guerre, pour la fōte des canōs, pour la leuee des soldats, pour les frais des assemblées, & pour donner pointe à la douleur, on leur renouvelloit to^u les iours les menaces d'un massacre general. Sire, ce n'est pas auoir vesçu, d'auoir languy de la sorte, l'espace de tāt de tēps, sous la domination de ce peuple, duquel on attend tousiours toutes choses extremes, dont il est capable, puis qu'on ne peut iamais mesurer l'estenduē du desbordement de son esprit.

Nous sçauons bien que cecy est vn effect ordinaire del heresie, commel'auons apprins de l'histoire des troubles passez, aussi nous ne l'aduançons point pour chose nouuelle; mais pour faire remarquer deux choses en passant. La premiere, que les heresies, qui ont de tēps en temps affligé l'Eglise, estāt toutes differētes les vnes des autres, & diuisées en elles mesmes, pour estre naturellement ennemies de l'vnité, & par consequent de la paix; se trouuent neātmoins vniformes, tousiours semblables à elles mesmes, & tousiours poussées d'un mesme esprit, quād il est questiō de rauager, & de destruire

& apporter vne generale desolation aux estats
qui les ont receues. La seconde, combien celle
cy est inexorable, & cruelle, puis que rien au
monde ne la peut fleschir, ny l'oubly de ses cri-
mes passez, ny la tolerance des loix, ny l'indul-
gence des Rois, ny la distribution des charges,
& honneurs dedans vostre Royaume, ny la re-
putation de vostre Couronne, ny les alliances
contractees, rien dis-je de tout cela ne luy a
peu gagner le cœur, afin que là dessus vostre
Majesté se souuienne d'une sentence dorée
d'un S. Pere de l'Eglise. *Que la malice peut estre
confonduë, mais non conuertie*, & que desormais
on ne doit rié craindre de ce costé, puis qu'on
n'en peut rien esperer.

Si les morts pouuoient rendre tesmoigna-
ge, ils cōfirmeroient ceste verité. Car la fureur
de nos rebelles, est allée soubs terre pour les
chercher, combattre leurs ombres, & porter
la guerre en cette region de tenebres, & tou-
tesfois les nations plus barbares ont porté
quelque reuerence aux sepulchres, & quelques
vnes d'entr'elles ont voulu qu'ils fussent choi-
sis entre des Oliuiers, pour marque & symbo-
le de la paix, qui estoit acquise aux morts, voire
mesme à l'endroit de leurs ennemis, la haine
desquels alors estoit morte, ou s'arrestoit au
Marbre du Tombeau : Mais celle que l'here-
resie nous porte est mortelle, & immortelle,
elle s'estend aux viuans & aux morts, les cédres
desquels elle a violé d'une main prophane &
cruelle, afin que ce Dragō & cette maudite be-
ste de l'Apocalypse puisse porter à bō droict

Leur inhu-
manité enuers les
morts.

1622,

Religieuse
traînée dans
Montpellier.

sur sa teste les diademes de tous les crimes qu'on peut commettre, & que l'Enfer peut conseiller à des âmes damnées. Car il est vray, Sire, que la manie de ce peuple a deterré nos morts, les uns par l'infame avarice de profiter des suaires dont ils estoient enveloppez, & des caisses où ils estoient enfermez: les autres en haine de ce qu'auant le trespas ils auoient abiuré l'heresie contre les os desquels traînez par les ruës, ils ont forcé en plusieurs façons, apportant aux gens de bien qui ont veu ces tragedies, la honte d'estre naiz parmy ces barbares, & le desir de viure plustost dedans les forests profondes, en la compagnie des bestes farouches, que parmy eux. Mais la cruauté seule n'auroit pas contenté l'heresie, si elle n'y eust adiousté l'impiété & le sacrilege pour l'enrichir, comme elle a fait à l'endroit du corps d'une Religieuse, lequel fut deterré avec les habits de son Ordre, dont il estoit encor reuestu, & porté de la sorte sur un bastion, afin que ce que la terre & la corruption auoit espargné, fust proposé en spectacle de moquerie, & depuis percé & deschiré à la veüe de plusieurs habitans.

Nous lisons sur le visage de vostre Majesté, que le discours de ces choses luy fait horreur: nous luy en ferons un autre qui luy fera pitié. L'ordre des Ecclesiastiques est le premier de son Royaume, come son Royaume est le premier de la Chrestienté. Aussi par un consentement vniuersel de toutes les nations qui ont reconnu quelque deité, on a porté un honneur particulier aux Prestres employez au service &

aux myſteres de la Religion. En la Loy de nature le Sacerdoce eſtoit vny au droict d'ainefſe, & preſque touſiours à la Royauté. Depuis ſous la Loy eſcrite il fut attaché à vn Tribunal-uec des ſingulieres prerogatiues d'autorité, & de pouuoir; de ſorte qu'en ce temps-là les Roys furēt donnez au peuple d'Iſraël pour la protectiō des Preſtres, cōme S. Cypriā le dit, *Epist. 65.* qui remarque que dieu crea Saül premier roy, pour chaſtier les Iuiſ du peu de reſpect qu'ils auoiēt porté au Preſtre Samuel, cōtre lequel ils auoiēt murmuré. En fin le Fils de Dieu a conſacré cēt Ordre en ſon Euangile, & l'a ennobly de telſ priuileges que les Anges ſe trouuēt quelqueſois inferieurs à la dignité des Preſtres. Mais tous ces aduantages que les Eccleſiaſtiques poſſedēt à cauſe de leur grade & de leurs Offices, ont aigry l'hereſie contr'eux, laquelle ſe plaist de réuerſer les ordres eſtablis, & de ſ'attacher à tout ce qui eſt éminent dedans vn Eſtat, pour l'applanir au niueau d'vne confuſion populaire. Et de fait ce ſont leurs perſonnes qui ont eſté deſignées & deſtinées les premieres à la fureur du peuple. Ce ſont les Preſtres qu'on a retenus priſonniers dedans la ville, cependāt qu'on a ſaiſi tout le reuenu de leurs benefices, pillé, bruſlé, & raſé toutes les maiſons: c'eſt là où elle a aiguifé ſa rage, cōtēté ſon auarice, ſatisfait à ſa haine, triomphant de noſtre perte, & de noſtre confuſion.

Toutesſois, Sire, nous nous deſdiſons, l'hereſie ſ'eſt repentie de cēt empriſonnement, elle a gardé ſeulement quelques Chanoines dedans

Loiange de
l'Ordre Ec-
cleſiaſtique.

1622.

Courtoisie
cruelle fûite
aux Ecclesi-
stiques.

la ville pour entretenir son humeur, & a donné la liberté aux autres Prestres, & à tous les Religieux de diuers Ordres, ausquels elle a fait ouuir les portes, & a mis dehors, ô maudite courtoisie ! ô déplorable liberté, que tu merites le nô de funeste bannissement ! C'est icy où la douleur nous presse le cœur, quand nous repêsons au iour malheureux auquel on fit cesser le seruice diuin dedans Montpellier, & en tous les lieux du Diocèse, où les heretiques auoiēt le pouuoir. Les Eglises furēt sās Prestres, les Autels sās sacrifice, les Chaires muettes, les peuples sās consolatiō. Ceste solitude des lieux sacrez, ceste interdiction des prieres publiques nous a esté mille fois plus fascheuse que la mort: car les Catholiques abandonnez de toutes choses, se trouuoient encore assez forts, quand ils pouuoient verser quelques larmes au pied des Autels. Ils entroient espleurez dedans les Eglises, ils en sortoient contens, par ce que la consolation qu'ils receuoient en ces lieux, où les rayons de la misericorde de Dieu s'assemblent & s'vnissent, leur desfroboit le sentiment de leurs calamitez. Mais nos ennemis nous ont enuié ce remede precieux, & pires que les tyrans qui les ont denancez, ont frappé l'Eglise de cette horrible playe, qui est reseruée au regne, & à la finale persecution de l'Antechrist.

Helas que l'impieté est fecōde en malheurs, qu'elle est ingenieuse à nos douleurs ! Les rebelles ont pensé que les lieux d'Oraison, & les maisons sacrees aux Mysteres Diuins, con-

serueroient en nous la memoire & le desir du seruice religieux que nous deuons à Dieu, & que ces marques augustes de la pieté ancienne demeurant debout deuant leurs yeux, leur reprocheroient eternellemēt leurs sacrileges.

Temples &
Eglises sacca-
gées.

C'est pourquoy pour nous retrancher toute esperance, leur fureur s'est portée à les saccager & démolir, à renuerser les Chaires, abatre les Images, traifner vn Crucifix par les ruës avec vn licol, briser les Autels, violer les saintes Reliques, & de raser tout à fait les Eglises, dedans lesquelles le nom de Dieu estoit adoré. Mais en ces actions d'Enfer, ô bon Dieu que de crimes, & de sacrileges entassez contre les choses Sainctes, contre les Sacremens, & le Soleil des Sacremens! Tout ce que la pieté rend venerable, tout ce que la Religion rend sacré, tout ce que la foy rend adorable, a esté foulé sous les pieds. O douleur! ô vengeance que tu tardes, & que le Ciel & la terre demandent à vostre Majesté! Mais encor, S I R E, quelles seront vos pensées, quelle sera nostre honte, quelle la confusion de vostre Cour, quand dedans Montpellier, où la Iustice de cette cause vous appelle, vous ne trouuerez pas vne seule Eglise, vn seul oratoire, vn seul Autel, deuant lequel vostre Majesté puisse fieschir les genoux pour rendre graces à Dieu de ses victoires? Qui croira que le bas Languedoc soit vne Prouince de vostre France; qui ne croira plustost que c'est vne contrée de Payens, ennemie du nô Chrestien? Mais avec tout cela, l'heresie n'est

Cas estrange.

1622.

Bastions de
Montpellier
bastis des rui-
nes des Egli-
ses.

pas satisfaiçte : Elles s'est donc aduiscée d'une detestable intention pour acheter son œuvre, & couronner sa malice. Elle n'ignore point que la cause des Roys, est inseparable de celle de Dieu; elle a pensé toutesfois subtilement la diuiser; car demolissant les Eglises, & faisât porter les pierres, & materiaux pour bastir les bastions & rampars, & les opposer à vostre M. qu'a-elle voulu faire autre chose que d'opposer nos Eglises à vos armes, & parce moyé rendre les choses saintes cōplices de sa rebellion? Bref pour passer les Diables en meschanceté, apres auoir interdit, & fait cesser le seruice Diuin, apres auoir demoly les Eglises, apres auoir chassé & persecuté les Prestres à la mort, & aboly les marques & memoriaux de toute pieté, nos ennemis ont contrainst les peuples Catholiques d'abiurer leur creance, & nous sçauons, & gemissons que plusieurs milliers d'ames ont ployé sous la violence de cette persecutiō. Voila l'esprit de l'heresie qui a esté si longuement tolerée en vostre Estat. Voila celle qui souspiroit si tendrement la liberté de conscience, combien est-elle deuennüe fiere, outrageuse & cruelle, & que seroit du reste du Royaume si elle y eust peu affermir son Empire, exercer sa tyrannie.

Or maintenant, SIRE, Dieu parle en sa cause, on luy a rauy son honneur, on a violé son Espouse, on a rauagé, & renuersé ses maisons, apres auoir refusé le seruice religieux, les prieres publiques, & le sacrifice à sa Diuine majesté. Il vous oblige parle Sceptre qu'il a

mis en vos mains lequel puisse tousiours fleurir à la veuë des rebelles, par le throsne de tant de Roys, sur lequel vous estes assis, par le serment de vostre sacre, par le nom sacré de S. Louys, par les larmes de s^{on} Eglise, par les graces miraculeuses qu'il vous a departies, par la benediction de vos armes, avec lesquelles il vous rend triomphant, & redoutable, que vous defendiez sa cause, & vengiez les iniures qu'on a faictes à son honneur. Il a defendu la vostre avec des soins, & des tendresses admirables de son amour, & vous a sauué de mille dangers que nous sçaurons au Ciel, & que nous auons bien souuent redouté en terre, choisissant vostre M. pour defédre la gloire de son nom contre ses ennemis, & combattre pour son royaume qui est son Eglise. Il ne faut pas maintenant passer les mers contre les infidelles, pour reculer ses bornes & l'agrâdir. Il faut affranchir celles de l'enclos de vostre royaume, & luy rédre l'honneur de son ancienne pieté. C'est ce que l'Europe regarde, & attend remplie & rauie de la reputation de vos armes; elle sçait le iuste sujet que vostre M. a eu de les prendre, elle en voit le progres heureux, & quelques traueses que la force, que la malice, la conuiuence, la lascheté ayt voulu apporter pour les empescher & diuertir: elle apperçoit visiblement que Dieu fait son œuvre, qu'il conduit vos combats, & preside à vos batailles: elle admire cest honneur reserué à vostre Majesté d'auoir commencé, de continuer & d'acheuer ceste

Remonstrance
à ces belles
au Roy.

guerre sacrée, laquelle ne la fera point triompher que le nom, & la cause de Dieu ne triomphe avec elle, & ne partage en quelque façon le fruit de la victoire.

Imprecations
contre ces sa-
crileges.

Continuez donc, *SIRE*, & si la prudence, ou timidité humaine vouloit parler, commandez luy de se taire pour ouyr la voix du Ciel qui a si bien commencé, & qui promet de continuer & couronner ses miracles en vostre faueur; iusques icy toutes choses conspirent à cela, les insensibles mesmes deuiennent sensibles aux commandements que Dieu leur fait de vous assister: Vos ennemis ont ils recours à la mer? les marées deuiennent propices & fauorables à vostre passage. Ont ils recours aux vaisseaux? les vents obeyssent à vos desirs. Quoy plus? Les feux, & les foudres du Ciel descendent sur leurs magasins de guerre pour les deuorer, afin qu'ils sçachét que Dieu arme toutes les creatures en faueur des Roys qui combattent pour sa gloire. Que pourront ils donc opposer à vne si haute puissance? Leurs bastions & ramparts? au euglement! Le Ciel est contre eux, & la terre ne peut auoir aucune place forte contre luy, puis qu'il les void toutes d'enhaut & leur commande: Le nombre de leurs soldats? Vanité! C'est vne poignée de criminels, qui ne disputent plus de leur mort, mais de la qualité de leurs supplices. Peut estre les chaleurs de la saison? Folie! Elles sont seiches, saines, viues, & trempées de leur rafraichissement, & nous font souuenir de dire à vostre Majesté, que tout

ainsi que le Soleil s'aduançant vers le signe de la Vierge qui signifie la Iustice, passe par celuy du Lyon, où il doit entrer dedans deux ou trois iours, pour paroistre avec l'ardeur & le courage enflammé de ce genereux animal. De mesmes, S I R R, esclattant de gloire & de Majesté, allez vous asseoir dedans le thronne de vostre Iustice pour la faire sentir aux rebelles, mais en Lyon, mais avec le feu du zele que vous avez pour la cause de Dieu, & les ardeurs Royales d'une sainte vengeance.

Vostre majesté ne peut faire autrement, & nous ne croyons iamais, qu'on luy conseille de s'arrester en si beau chemin. Les œuvres consacrées à Dieu, doivent estre parfaites, qui ne les acheue, les destruit & qui s'arreste au chemin de la grace, recule. mais voudroit on bien se fier une autrefois à l'heresie & pactiser iamais plus avec ceste infidelle, qui ne demande la paix, que pour ramasser ses forces, & vanger l'affront qu'elle pense auoir receu, en receuant le chastiment de sa rebellion? vostre majesté n'a point commencé ceste guerre sans le conseil de Dieu, peut-elle recevoir l'ouverture de quelque traitté, sans son consentement? mais comment pourra-il iamais consentir que l'ennemie de son nom, & de ses Autels trouue du support en France, apres auoir foulé son sang, sous les pieds, & triomphé de l'honneur de son épouse? Oserons-nous adiouster les larmes de ceste Prouince du bas Languedoc, qui a si longuement attē-

Persuasion au
Roy de pour-
suyure son
dessein.

du, desiré & esperé vostre venue? maintenant que vostre majesté est arrivée, qu'elle peut voir les rauages qu'on a commis, le sac, l'embrasement, la captivité, les meurtres, les sacrileges, & la face pitoyable de nostre Diocèse, sans Eglise, sans Prestres, sans Sacrements, sans exercice de Religion, ne recevra elle point le remede necessaire pour guerir son affliction? Sifera: car Dieu, qui gouverne les cœurs des Roys, les attendrit sur les mal-heurs des peuples, qui souffrent la tyrannie de ses ennemis. C'est pourquoy nous prions Dieu, qu'il assiste, & fortifie vostre Majesté pour acheuer son œuvre; Qu'il maintienne ses Conseillers, qui de leur conseil ont favorisé vne si glorieuse entreprise; Qu'il benisse la Justice de son regne, & confonde ses ennemis, & qu'il nous fasse la grace de pouvoir bien tost chanter sur le tombeau del'heresie, & rebellion, vn Hymne de victoire à vostre honneur, & vn Cantique de loüanges, & d'actions de graces à sa diuine Majesté.

Maintenant auant que d'entrer sur les affaires du bas Languedoc, & de descrire les places qui y sont reduictes à l'obeissance du Roy depuis son depart de Toulouse, & de plusieurs exploicts de guerre faicts tant audit Languedoc que dans les païs de Roüergue & d'Albigeois; voyons ce qui se passe en ce mois de Iuillet dans le Daulphiné particulièrement à Grenoble sur la conuersion du Duc de l'Esclignieres à la foy Catholique, Apo-

stolique & Romaine.

1622.

Il y auoit long temps que ledit Seigneur Duc auoit resenty en son ame les viues touches de ce diuin Esprit qui le vouloit gagner à son Eglise, quand nonobstant l'enuie & le despit des Ministres, il reueroit les Pasteurs de l'Eglise Romaine, & se seruoit du Conseil des Archeuesque & Euesques d'Ambrun, de Grenoble & de Vienne, en ses plus grandes affaires.

Mais de plus, qui ne sçait que sur la fin du traitté faict en l'année mil six cens seize en la ville d'Ast en Piedmont, entre le Roy d'Espagne & le Duc de Sauoye, ledit Seigneur Duc se trouuant avec le Nonce de la Sainteté en icelle, & autemps mesme que le Pape Paul cinquiesme d'heureuse memoire, enuoya le Chappreau de Cardinal audit Nonce du depuis appellé le Cardinal Ludouisio, en recognoissance du traual qu'il auoit employé en la reconciliation de ces deux grnds Princes; ainsi comme ledit sieur Cardinal coniueroit par prieres ledit Seigneur Duc de l'Esdiguières de se rendre à l'Eglise, & d'abiurer les erreurs, fut par luy respondu audit sieur Cardinal, *Je vous promets, Monsieur que lors que vous serez Pape, ie me feray Catholique.*

Il arriva donc par providence diuine que le Cardinal Ludouisio a esté créé Pape sous le nom de Gregoire quinziésme, & seant ainsi au siege de saint Pierre, enuoya lettre à Monsieur del'Esdiguières par laquelle il

Le Pape Gregoire 15. n'estant que Cardinal le somma de se faire Catholique, responcé que luy fit le Duc

1622.
Ledit Cardinal
Ludouisi
deueni Pape
le somme de
sa promesse.

le sommoit de sa parole, & de se rendre Catholique, puis que Dieu l'auoit appellé au S. siege, & qu'il se resouuint de ce qu'il luy auoit promis en la ville d'Ast, lors qu'ils se lierent d'amitié en leur separation.

Se resoud à se
conuertir.

Depuis le temps de laquelle sommation qui fut l'an passé 1621. s'estant ledit sieur Duc veu en repos apres les pacifications des troubles du Dauphiné, & s'estoit deschargé du soin de ses Gouuernemens sur la personne de Monsieur de Crequy son gendre, Dieu a agy si puissamment en l'ame de ce grand Capitaine que finalement de grand Capitaine, & seruiteur du Roy qu'il est, il l'a fait estre grand protecteur & zelateur de la foy de son Eglise par la resolution qu'il prit de se faire Catholique.

Et pource qu'il voulut faire cet acte avec célébrité, voicy ce qui s'est passé à Grenoble sur ce subiet.

Euesques &
Seigneurs
presens.

Le iour fut pris le Dimanche 24. Iuillet dernier, auquel iour l'acte de sa protestation de foy, & de l'abiuration de ses erreurs se deuoit faire en l'Eglise de saint André de Grenoble, pour la célébrité de quoy, & autres ceremonies suyuantess'estoient rendus audit Grenoble Messieurs l'Archeuesque d'Ambrun, l'Euesque de Grenoble, & autres Prestres du pays, en bon nombre, Monsieur le Marechal de Crequy, sieur d'Alincour, Messieurs de S. Chaulmont, Monsieur de Lomenie Secrétaire des Commandemens, Monsieur de Buillion Conseiller d'Estat, grand nombre d'autres

d'autres Seigneurs & Noblesse, qui tous se rendirent ledit iour 24. Iuillet à l'Hostel dudit Seigneur Duc, pour l'accompagner & assister à la solemnité desdits actes, l'Eglise de S. André fut préparée magnifiquement pour ce subiect.

Cedit iour venu, tout le Parlement de Grenoble se rendit en corps avec leurs robes d'escarlatte rouge.

Monsieur l'Archeuesque d'Ambrun ayant fait assembler tout le Clergé de la ville, assisté de plusieurs Prelats, allerent prendre ledit Seigneur en son hostel, pour le conduire à l'Eglise.

Vne chose est à remarquer sur ceste circonstance que ledit Seigneur Duc étant sur le point de s'en aller à l'Eglise faire la susdite protestation de foy, se présenterent en son hostel les Ministres de la Religion prétendue réformée, qui l'auoient entretenu à l'erreur, & le seruoient d'ordinaire, cōme s'ils eussent voulu l'empescher par quelque remonstration, d'accomplir sa sainte & louable resolution: si tost qu'il les aperceut ployer le genouil pour luy parler, les préuenāt, leur dit de grand courage, & d'un cœur tout réply d'allegresse, *Messieurs me voicy par la grace du Ciel cōme un hōme qui ay fait profession de seruir Dieu & le Roy, le reste de ma vie, instructiō autre que celle que vous m'auiez donnée, si vous venez icy pour m'imiter, & faire la mesme chose, ie suis prest pour vous ouyr: mais sic'est pour me parler d'autre chose, ie ne vous veux entendre: cela dictes ministres se retirerēt, rougissans de honte, & pure confusiō.*

Clergé va
querir ledit
seigneur nouveau
conuey.

Paroles qu'il
leur dit.

1622.

Ledit Seigneur Duc fut conduit en l'Eglise par le corps du Clergé en la compagnie d'une belle quantité de Noblesse, & à la veüe de plus de dix mille personnes, rendans graces à Dieu, de la resolution qu'il luy auoit fait prendre: Il est receu en l'Eglise par le corps du Parlement, au milieu des trompettes & fanfares tant de la ville que de sa maison: & de la mené deuant le grand Autel, & présenté deuant l'Archeuesque d'Ambrun, reueſtu de ſes habits Pontificaux, fait entre ſes mains l'abſiuration del'heresie, & la protestation de foy, cela fait ledit ſieur Archeuesque celebra la meſſe, laquelle il ouyt avec grande deuotion, ce qui rendoit toute l'aſſiſtance merueilleuſement admirée.

La meſſe dictée, ledit Seigneur Duc fut recôduit en ſon hoſtel, où eſtât môté en vne grâde ſale haute, ſe presenta à luy M. le mareſchal de Crequy, qui de la part du Roy luy presenta les depeſches de l'Eſtat de Conneſtable de France, leſquelles ledit Seigneur accepta tresbenignement, remerciant humblement ſa M. de l'affection ſignalée qu'il teſmoignoit luy porter; mondit Seigneur le mareſchal de Crequy luy fit vne harangue autant belle & eloquente qu'il eſt poſſible, ſur le ſubiect deſdites depeſches, & de la charge qu'il auoit receuë du Roy de la luy presenter, puis demanda audit Seigneur Duc, ſ'il n'auoit pas agreable que lecture publique en fut faite, ce qu'il accorda tres volontiers, & ayant eſté leſdites depeſches ainſi hautemēt leuës & remiſes en-

Despeches de
l'Eſtat de Cō-
neſtable pre-
ſentees audit
Duc par M. le
Mareſchal de
Crequy.

tre les mains dudit seigneur Duc, M. le mareschal de Crequy luy presenta autres lettres de sa majesté portant dispense du serment pour ledit Estat de Connestable iusques à ce qu'il fust aupres de sadite majesté.

1622.

Pendant quoy toutesfois ledit sieur mareschal luy dit, Que sa M. tref-assurée de ses fidelitez à son service, vouloit neantmoins, attendant l'acte dudit Serment reserué à la personne, qu'il exerçast ladite charge de Connestable: dont il remercia encore ladicte M. & à l'instant toute la gendarmerie qui estoit es places & diuers endroits de la ville, commença à faire vne escopeterie telle, meslée du bruit foudroyant des Canons, que vous eussiez dit que tout s'alloit renuerfer, tant le bruit esclatoit fort, addoucy toutes fois par le son des trompettes & tabours qui sonnoient de toutes parts, avec les cloches, le Te-Deum aux Eglises, les feux de ioyes, les dances & les acclamations du peuple de Grenoble terminerent la celebrite desdits actes pour ce iour là.

Canons tirez
pour resjouir
lance à Grenoble.
noble.

Le lendemain 25. Iuillet, l'Eglise Cathedrale de nostre Dame de Grenoble fut preparée magnifiquement pour la solemnité de la reception del'ordre du S. Esprit, dont la ceremonie comença cedit iour en ladicte Eglise à vespres où assista ledit Duc avec toute la Noblesse & Prelats que dessus. L'ordre luy fut preseté de la part du Roy par M. de Lomenie, Secretaire des comandemens, & grād Preuost dudit Ordre, le seigneur Duc en presta le sermet accoustumé selo les statuts dudit Ordre, tout vestu

Ceremonie
de l'ordre du
S. Esprit qu'il
reccut.

1622.

de satin blanc, en habit de Cheualier. Lesdits sieurs Marechal de Crequy, d'Halincour, de S. Chaumont, avec leurs grands colliers de l'Ordre.

Le Duc de
l'Esdiquieres
communie.

Lolendemain Mardy, ledit seigneur Duc avec les susdits Seigneurs, se rendirent de rechef à ladite Eglise avec leurs colliers, où Monsieur l'Archeuesque d'Ambrun celebra la Messe, à la fin de laquelle il communia ledit Seigneur Duc & lesdits Seigneurs de son assistance.

Estonnement
des hugue-
nots, sur cette
conuerſion.

C'est vn acte qui a frappé d'un grand estonnement non seulement le corps de ceux de la Religion pretendue, mais aussi toute la France, Car qui eust iamais creu qu'un personnage nourry & esleué dans l'erreur, & y ayant vecu l'espace de plus de septante années, eust ainsi avec tant d'ardeur & de courage: & avec vne si genereuse resolution quitté l'heresie, abiuré & detesté l'erreur, & deuenir bon Catholique? Le peu d'estime qu'il faisoit des Ministres, & la fauorable attention qu'il prestoit aux Prelats & à plusieurs bons Religieux de l'Ordre de S. François & autres, estoient coniectures assez fortes, pour faire croire que ce grand Capitaine auoit de grâds desseins en l'ame, & qu'il ne mourroit pas en cette profession: l'effet l'a fait cognoistre, & par cecy mesme les ministres peuuent voir qu'autres sont les pensées de Dieu, & autres celles des hommes, qu'il fait des œuvres icy bas parmy nous pour en tirer sa gloire, & en la saison, & au temps que moins on y pense,

voire sur les choses desquelles on a moins d'esperance qu'il se serue pour manifester l'excellence de sa toute puissance.

De ceste heureuse resolution de Monsieur le Connestable, toute la Prouince du Dauphiné prit vn raisonnable sujet d'en celebrer l'action, & d'en rendre graces tres-amples à Dieu, principalement toutes les villes & places Catholiques de ladite Prouince; chacune en son particulier, a fait les feux de ioye parmy vne resiouyssance extraordinaire, tiré quantité de pieces de canon, mais singulièrement les villes de Grenoble, Valence, Ambun, Gap, Die, & autres principales places du pays, toutes ont fait deuoir de tesmoigner le contentement general des Catholiques.

Les dernieres paroles que monsieur le Connestable dit aux ministres auant que partir de Grenoble le vingt septiesme Iuillet, lors qu'ils les deputerent de la part de leurs Eglises, pour le feliciter, ou bien plustost pour luy tesmoigner le vif ressentiment qu'ils auoient de son changement, leur deburoyent bien faire ouurir les yeux, & leur seruir de tesmoin irrefragable de sa sincerité: car ce fut alors qu'en presence des principaux de la ville de Grenoble il leur protesta n'auoir eu autre respect, ny motif pour se retirer d'avec eux, que sa propre conscience, laquelle luy auoit dicté de quitter les abus de leur religion pretenduë reformée, mary seulement d'y auoir si long temps demeuré, scachant qu'il n'ya qu'un Dieu, qu'un Roy, & qu'une

Resiouyssance en Dauphiné.

1622.

Resolution
de Monsieur le
Connestable
de faire con-
sacrer le Tem-
ple de son
chateau de
Vizile.

Eglise, qui estoit la Catholique, Apostoli-
que & Romaine: ne diront ils point, peut e-
stre, qu'il parloit contre son sentiment, &
au delà de sa creance? Si cette sole pensée
leur est venuë dans l'ame, elle s'estouffera,
en leur representant non plus des paroles,
mais des œuvres; non plus la bouche, mais
le cœur; non des promesses, mais des effects.
Puis qu'il est tres veritable que Monsieur le
Connestable presque en mesme temps que
le Temple qui estoit renfermé dans son Pa-
lais de Vizile fut renouuellé, & deormais
dedié au vray culte diuin, & qu'à cest ef-
fect on y dresseroit vn Autel pour y cele-
brer la sainte messe, enuoyant prier le Pere
Gardien des Capucins de Grenoble de vou-
loir prendre la peine d'aller sur le lieu en com-
pagnie de Monsieur de la Croix, Capitaine
de son Chateau de Vizile, pour disposer
du tout, à fin qu'à iour prefix, la benediction
du lieu fust faicte, l'Autel posé, & la premiè-
re messe celebrée.

Après donc que Monseigneur le Conne-
stable se fut veu affranchy de la prison d'er-
reur, ne pouuant plus long temps cacher ce
qu'il cognoist sous les replis de sa conscience,
non content d'auoir abiuré & detesté toute
sorte d'heresie, receut le collier du saint Es-
prit, & communié fort deuotement en pre-
sence de plus de 1000. personnes, pour o-
ster toute sorte d'ombrages à ses ennemis,
qui ne pouuans souffrir qu'avec impatience
ce saint changement, le blasmoient de sein-

tise & diffimulation, il declara en presence de Messieurs l'Archeuesque d'Ambrun, d'Hallincourt, de Crequi, Sainct Chaumont, de Lomenie, & plusieurs autres grands Seigneurs, qu'il vouloit & entendoit qu'au plus tost fust dressé vn Autel dans son Temple de Vizile, pour y celebrer desormais la sainte messe; Et afin que toutes choses fussent ordonnées avec les circospections requises, tât pour se conformer entierement aux ceremonies de l'Eglise Romaine, que pour y proceder avec plus de sincerité & deuotion, il enuoya prier, comme a esté dit cy dessus, le Pere Gardien des Capucins de Grenoble, d'aller luy-mesme choisir la place plus conuenable pour placer l'Autel, benir la Chapelle, & y celebrer la premiere messe, laquelle il desiroit estre dediée à la tres sacrée Vierge, Marie mere de Dieu & à saint François son patron, laissant de plus à la volonté du susdit Pere, de donner les desseins, tant pour les tableaux & ornemens d'Autel, que pour toutes autres choses nécessaires au culte & seruice diuin.

Ce qu'acceptant tres-volontiers, il l'al-la remercier de l'honneur qu'il luy faisoit de l'employer en ce qu'il desiroit le plus ardemment au monde, pour la gloire Dieu, & pour l'exemple qu'il donnoit aux autres de l'imiter.

Madame la Conneftable, fit appeller le Pere Gardien pour luy commander de diligenter sa cômmission, afin que desormais tous ceux qui

1622.

Enuoye que-
rir le Pere
Gardien Ca-
pucin pour
dire la Messe.

1622.

passeroient à Vizile, offrans sur cest Autel le saint Sacrifice de la Messe, se souuinssent de prier pour la prospérité & conseruation de Monseigneur, en rendant graces à Dieu de l'auoir ramené au bon chemin, qui estoit la chose qu'elle auoit le plus desiré en ce monde.

Fit dresser 2.
Autels.

Le iour donc arresté, & toutes autres choses bien préparées par le zele & vigilance dudit sieur de la Croix, on fit dresser deux Autels, l'un dans le Temple ou Chapelle du costé du Septentrion, où estoit autrefois la Chaire du Ministre, & l'autre dans la grande galerie ioignante, pour la consolation de tant de peuples qui y abordoyent, & desiroient estre tesmoins d'une action si celebre.

Seigneuries
de M. le Cō-
nestable en
Dauphiné.

Car encore que ceste galerie soit vne des plus grandes & vne des plus belles pieces de France, ayant au moins cent pas de longueur, & quatorze ou quinze de largeur; si est-ce qu'à peine pouuoit-elle comprendre le peuple qui suyuoit les processions, dequoy ne s'estonneront ceux qui sçauront que la pluspart des trois mandemens de Vizile, la Mure, & Doyfans, tous trois sujets de Monseigneur le Connestable, ont desiré de participer à ceste ioye publique, pour rendre graces à Dieu de la conuersion de leur Seigneur; le premier, qui est Vizile, estant composé de quatorze paroisses le bour Doyfans de vingt quatre, & la mure de sept, tous suiets de mondit Seigneur, ne

pouuant icy passer sous silence la deuotion de ceux de la Mure entre les autres, qui ne faifans que sortir d'un incendie si grand, que le feu leur a bruslé dans ce lieu iusques à trois cens maisons, ne laisserent pourtant excitez de leur deuotion, & inuitez par le zele de leur Pasteur, d'oublier vne perte si sensible, pour venir de trois grandes lieuës en procession participer à la resiouissance publique.

Ces deux Autels estans donc ainsi preparez, mais particulierement celuy du Temple, qui reluisoit & esclattoit, non pas tant à raison de ses ornemens, que pour le changement de seruice.

Le premier Dimanche d'Aoust, septiesme du mois 1622. ledit Pere Gardien des Capucins se trouua à Vizile, accompagné de six Religieux de son Conuent, pour suiuant la volonté de mondit Seigneur, & par permission de l'ordinaire, commencer vn si saint œuvre, & renoueller ce Temple en le dediant autrement à Dieu, qu'il n'auoit esté iusques à present.

Le matin donc enuiron les huit heures, il fit la benediction, tandis que les processions s'assembloient dans l'Eglise de Vizile, dediant ce saint lieu à la sacree Vierge, & à sain & François, suiuant l'intention, tant de Monsieur, que de Madame: puis entre neuf & dix, les Processions commencerent de sortir pour aller au Chasteau, entendre la premiere Messe qui se deuoit dire dans ce lieu nouuellement benit, l'ordre de laquelle fut tel. Chasque Par-

1622.

Consecration
du Temple de
Vizile.

1622.

S. Sacrement
porté.

roisse rangée par ordre, la plupart du peuple reuestu de blanc, & pieds nuds, marchans deux à deux, suyuoient les bannieres & les Croix, apres lesquels marchoient bon nombre de Prestres, vne partie reuestus de Chappes, chantans le *Veni Creator*: Puis suiuoit le tres auguste Sacrement, porté sous vn riche poile par Monsieur le Prieur de Vizile, l'un des anciens prieurez de l'Ordre de Clugny, puis que *Petrus Venerabilis*, setreuve y auoir esté autrefois Prieur. Aux quatre coings du Poile marchoient quatre religieux Capucins, chacun portant en main vn flambeau blanc, avec les armes de Monsieur le Cōnestable, releuées de l'espée & du collier de l'Ordre, & deuant le S. Sacrement alloient les instrumens & violons, pour louer Dieu en toute sorte de ioye.

Il laisse à part toute la populace qui suiuoit, pour dire que ce fut vne grande ioye à tous les bons Catholiques de voir ainsi marcher posément ceste belle Procession; mais la ioye fut encore plus grande lors que le Saint & Auguste Sacrement entrant dans le Chasteau à l'aspect de tout le peuple qui entouroit toute ceste belle grande Cour, les trompettes commencerent à resonner en salüant celuy qui venoit prendre possession de ceste maison, que tant de gens auoient desiré si longuement, & tant de saintes ames souhaitté si ardemment.

Toutes les Processions arriuées, & rangées dans la grande galerie, & le saint Sacre-

ment posé sur l'Autel de la Chapelle, dans laquelle les principaux s'arrestèrent, le Pere Gardien des Capucins commença la Messe, tandis que la plupart du peuple iettoit de douces larmes, de voir vn si grand changemēt de lieu, & de personne.

La Messe acheuee, Monsieur le Prieur en commença vne autre sur l'Autel préparé dans la grande galerie, qui fut vne grande Messe solennellement chantée, & ouye de tout le reste du peuple, à la fin de laquelle ledit Pere Gardien fit vne Predication, la Chaire estant posée droit au milieu de la mesme galerie, afin d'estre plus facilement ouy d'vn chacun. Et si ne craignois de faire icy vne trop longue parenthese, ie vous deduirois plus au long le subiect de sa Predication qui fut fort à propos sur les paroles de l'Euangile qui couroit le mesme iour, *Beati oculi qui vident quæ vos videtis, dico enim vobis, quod multi Reges & Prophetae voluerunt videre quæ videtis, & audire quæ auditis, & nō potuerunt.* Bien-heureux sont aujourd'huy les yeux qui voyent ce que vous voyez: car ie vous dis en verité, que plusieurs Roys & Prophetes ont desiré de voir ce que vous voyez, & d'escouter ce que vous entendez, & ne l'ont peu obtenir.

Predication
faicte par le-
dit Gardien.

Ces paroles parlent d'elles mesmes, pour vous faire comprendre ce qui s'est peu dire sur vn si digne subiect; car nous ayant viuement fait voir l'excellence de la nouueauté, & du changement de ceste maison, il monstra que les desirs des Roys & des grands estoient

1622.

accomplis, les souhaits du Pape, & de tant de saintes ames suyuis, si bien qu'en ce iour on descouuroit la nouveauté du lieu, du temps, & de la personne, laquelle Dieu auoit particulièrement aymée & obligée en l'attendant si long temps à resipiscence, estimât que Dieu auoit permis ce retardement pour deux raisons principales, à sçauoir pour sa plus grande gloire, & pour seruir d'exemple aux autres.

Loüange du
leur Cône-
stable.

Il entretint toute ceste grande assemblee sur ces deux poincts, montrant au premier par de belles raisons, comme Dieu ialoux de son honneur, semble auoir recherché sa gloire de siecle en siecle en la conuersion des ames, notamment des personnes releuées, parmy les plus grands troubles, & au milieu des diuisions civiles: il s'arresta particulièrement sur l'exemple de Henry IV. & de François de Bonne Cônestable de France, l'un conuerty au milieu des plus grands troubles de la France, sçauoir le Feu Roy Henry le Grand, & parmy les ligues les plus fortes qui iamais ayent esté en ce Royaume: L'autre au milieu des Rebellions de ceux, qui au lieu d'estayer par leur fidelité la Couronne Royale, taschent ce semble, par tous moyens de l'esbranler, & renuerser s'ils pouuoient par leur desobeyssance.

Ce rapport fut d'autant mieux receu, qu'il preschoit dans ceste grande galerie, où c'est que les glorieuses victoires de ces deux grands Heros marchent en paralelle, môstrant qu'el-

les n'estoient pas dignes d'estre appariées à la moindre des actions entreuenues en leur conuersion: il representa ces deux Estats, à sçauoir ses victoires & sa conuersion, pour sçauoir auquel des deux on attribuerait plustoit la gloire: mais il vuida gracieusement ceste difficulté, par celle qui suruint autrefois parmy les Atheniens, lors qu'ils disputoient entr'eux à qui de tous les Dieux ils rendroient gloire, & lequel ils prendroient pour protecteur de leur Cité. Car Neptune soustenât que c'estoit à luy, Minerue asscuroit du contraire. En fin le tout fut remis au iugement des Atheniens, qui ordonnerent que tous deux feroient paroistre quelque merueille, & que celuy qui en produiroit vne plus agreable, ce seroit à celuy-là mesme qu'ils rendroient plus de gloire. Neptune parut donc le premier, lequel frappant l'eau de son Trident, fit saillir à la pleine deux cheuaux, qui dressans le crin, leuans la teste, & faifans des ruades, se donoient carriere de toutes parts, remplissant les assistans d'admiration, Minerue vint apres de laquelle on attendoit quelque chose encore de plus prodigieux, mais elle print seulement vne verge, frappant la terre, se contentât pour toute merueille d'en faire sortir vn rameau d'Oliuier.

Or combien que les simples & ignorans ne iugeassent pas cela pour vne grande merueille, les plus sages toutesfois considerans la signification des choses, adiugerent à Minerue la gloire, & l'honneur incomparablement plus grand qu'à Neptune. Il monstra comme

Monsieur le Connestable auoit premierement paru sur le Theatre du monde, comme vn Neptune au milieu des eaux de Hierico, avec les ces deux cheuaux combattans, Symbole de la guerre, dedans laquelle s'estant acquis tant de victoires representees par les portraits de sa galerie, plusieurs sebloient luy vouloir attribuer en ce poinct vne parfaite gloire. Mais qu'en ce dernier temps, tenant en main la verge de penitence, en frappant la terre seiche de son cœur endurcy à guise de minerue, en auoit fait sortir l'Oliuier de la paix & misericorde diuine, laquelle luy estât offerte, il auoit acceptée, pour le comble d'une parfaite gloire, la France le choisissant pour le vray Protecteur & defendeur de ce Royaume, en qualité de Connestable. En fin discourant comme Dieu faisoit voir les merueilles d'un si grand changement, pour seruir d'exemple aux autres, dediant désormais les Temples au vray culte diuin, ils'arresta sur la composition, & sur l'embellissement de ce lieu, nouuellement benist, remarquât les Cherubins, les roses, & les Lions qu'on y void, tant pour l'ornement du dome, que pour la beauté du paué, estoient les principales parties parties de ce modele; les Cherubins representans vne plenitude de science, qui ne se trouuoit que dans la vraye Eglise, laquelle plenitude de science il presenta à Messieurs de la Religion pretendue, au nom de M. le Connestable, pour corriger la fausse doctrine enseignée dans leurs temples; & parce que la douceur est plus puissante que la rigueur, il monstra que ledit

Seigneur leur presentoit aussi trois roses, à l'odeur desquelles s'ils vouloient courir, ils participeroient aussi du mesme bien que luy; mais que pour ce faire il falloit courageusement fouler aux pieds les Lions de la resistance, qui par respect humain les empeschoient de courir à l'odeur de ces precieux onguents. Il rapporta diuerses belles conceptions sur les roses à ce mesme subiect, concludant par l'exemple & pieté de Gontran Roy d'Orleans, ensemblement par vne belle priere qu'il fit au nom de tout ce peuple pour la consecratiō du Roy, & perseuerance du Connestable.

En fin il estoit enuiron deux heures apres midy, lors que toute ceste solemnité fut acheuée, suiuite sur les quatre heures d'une autre Procession generale, apres les Vespres dites dans la Chapelle: mais auant que d'en sortir on chanta l'*Exaudiat* pour le Roy, tous retournans en leur ordre, comme le matin, en compagnie du tres-Auguste Sacrement qu'on reportoit dans l'Eglise de Vizile.

Mais ie ne veux icy oublier comme les habitās ayāt dressé vn beau feu de ioye au milieu de la grande place deuant le Chasteau, la Processiō en s'en retournant chanta le *Te Deum laudamus*, & s'arrestant deuant le lieu preparé, en l'entourant & benissant, Monsieur de la Croix Capitaine du Chasteau print le flambeau en main pour y mettre le feu, & en ce mesme temps les trompettes, les tambours, les mousquetades, les petards commençans à resonner iusques à ce que le feu pointant tousiours en haut, arriué qu'il fut à l'artifice

Feux de ioye
en Vizile.

qui estoit preparé, les fusées s'en allans en l'air, les autres en terre, vn chacun de l'abondance du cœur crioit, *Vive le Roy*. Cependât la Procession passant outre, tous se rendirent dans l'Eglise, pour y recevoir la benediction du S. Sacrement, chacun se retirant entre six & sept du soir, que s'acheua la ioye d'une si belle journée, & la recreation spirituelle de tout le peuple, laissant à part comme en suite chacun s'efforça à qui mieux mieux de tesmoigner le contentemēt qu'il receuoit de ceste nouveauté extraordinaire, & de ce changement tant désiré, les hommes faisans gros d'un costé, les femmes del'autre, voire iusques aux petits enfans, tous benissans Dieu, d'un œuvre si merueilleux, vous eussiez entendu iusques à dix heures du soir les trompettes, tambours, & autres instrumens: parmy lesquels vous n'entendiez que des souhaits pour la prosperité du Roy, & conseruation de Monsieur le Conestable.

Si toute la France respire quelque peu pour les nouvelles esperances qu'elle a sur la conuersion du Duc del'Escliguières, sa reception en l'estat de Cōestable de France, & sur les nouvelles protestations qu'il a faictes au Roy de le faire seruir & obeir en ses villes rebelles; vn trouble nouueau arriué en mesme temps, qui met toute la Gaule Celtique & Belgique en grande apprehension, sur le bruit inopiné qui arriua sur le 16. Iuillet, des approches de l'armée du Comte de Mansfeld pour venir au secours des rebelles à sa Majesté.

Et pour ce que peu de personnes en France ignorent la venue du Comte de Mansfeld, & peu en sçauent le motif principal: il est bon que l'histoire en rende compte au public.

Il est donc vtile de sçauoir que l'incommodité quereceuoit le Comte de Mansfeld dans le bas Palatinat en Allemagne avec son armee, & en suite és enuiron de Treues, & dans l'Alsac, l'auoit reduit à de grandes extremitez: Le proche voisinage de trois puissâtes armees, cōmandees par l'Archiduc Leopold, dō Gōçales de Cordouë, & le sieur de Tilly, la perte du Palatinat, deux ou trois meschantes places exceptées, le peu de seureté qu'il y auoit pour luy de traiçter avec l'Empereur, le Roy d'Espagne, & l'Infante du Pays-bas, le firēt resoudre à iouër à quitte ou au double, de tenter vne autre voye qui luy pouuoit mieux reussir.

A cela seruoient deux choses; l'vne l'arriüée del'Euesque d'Alberstat, de la maison de Brūfuiick en son armee, avec septante deux Cornettes de Cauallerie, & six mille hommes de pied; & l'autre les sermonces plusieurs fois reiteres de Monsieur de Bouillon, qui le prioit de venir en France, où il ne trouueroit aucune resistance, ains assistance de dix mille hommes de pied, & deux mille cheuaux, que les sieurs de la Trimouille, de la Suze, de Rouffi, & autres luy fourniroient, avec argent & munitions pour soudoyer son arméeaussi tost qu'elle approcheroit la Meuse: que luy ou le Prince de Sedan son fils se mettroient à leur teste pour les cōduire. Poussé dōc de toutes ces cōsideratiōs,

1622.

Trouble en
France pour
l'arriüee du
Comte de
Mansfeld.

Armée del'E-
uesque d'Al-
berstat iointe
à Mansfeld.

1622.

& plus encores sous l'esperoir de sa condition avec le Roy, pour entrer à s^{on} seruice, s'il voyoit lieu de ce faire, il leu le siege qu'il tenoit deuant Sauerne, tourné la teste de son armée vers la Lorraine, & demâde passage au Duc pour entrer dans la France, menaçant en cas de refus, d'obtenir par la force de ses armes ce que la courtoisie luy auroit denié.

Armée de
Mansfeld en
Lorraine.

Son armée estoit composée de 12. mil hommes de pié, 8. mil chevaux, 4. demy-canons, 2. quarts de canons, 2. coulérines, 6. pieces de campagne, & soixante chariots de munitions, deux mille de bagage, & six mille femmes.

Le Duc de Lorraine qui auoit assez legèrement congedié quelques mois auparavant cinq mil hommes de pié, & deux mil chevaux, qu'il auoit leué, ne trouuant les moyens d'empeschier le passage, luy accorda, à la condition qu'il demandoit, de ne souffrir estre fait aucun desordre, en fournissât des viures pour la nourriture de l'armée, durant quatre iours qu'elle demeura en ses pays, ne laissant cependant de mander sa Noblesse & sa Milice, pour se mettre sur la defensiue en cas de besoin.

Ses degats.

Mansfeld entre dōc dans la Lorraine, où nō seulement ses gens se donnerent la licence du pillage, mais aussi celle des meurtres, violémés, incendies, & autres cruautés si grandes, que les pauvres Lorrains quel'on traittoit, au dire des Allemands, comme amis, n'ont iamais trouué tant de cruauté parmy leurs plusiers ennemis, ayās mesmes seiourné douze ou quinze iours dans le pays de ce Prince, qui a veu de ses yeux

la desolation d'iceux, sans permettre que M. de Vaudemont & le Prince de Falsbourg, qui estoient en extreme diligence amassé quatre mil hommes de pied, 15. cens cheuaux, chargeassent ces fourageurs.

Après auoir rauagé la Lorraine, ceste nuee Son armée és
environs de
Mets & Ver-
dun. vint fondre sur les Eueschez de Mets, & Verdun, n'y laissant que ce qu'ils n'ont peu emporter, par tout où ils passoient.

Le commandeur de Fromagere, & le sieur de Montigny, Gouverneurs de Mets & Verdun, voyās venir ceste orage à eux, se pourueurent de ce qu'il leur estoit necessaire pour attēdre les sieges dont ils estoient, ce sēbloit, menacez : Mesmes ceux de Verdun achepterent quantité de grains, dont M. de Bouillon, peu de semaines auparauant les auoit desgarnis, avec des pistoles qui ne se sont trouuees de si bon alloi que celles qu'il reçoit de ses pensions.

Les raisons qui l'auoient porté à acheter, nō seulement les grains des Verdunois, mais aussi vne tres-grāde quantité du Duc de Lorraine, qu'il auoit payé de mesme monoye que les autres, ie les laisse au iugement des plus aduisez.

Durant les approches de Mansfeld, M. de Bouillon prie tous ses amis, les coniure & prie Pratique du
Duc de Bouil-
lon. d'assister la Religion, dont il disoit la liberté s'estouffer dans le progresz des armes du Roy, que ce n'estoit pas ce qu'on disoit n'auoir dessein que sur les rebelles, mais vn pretexte pour ruiner les vns & les autres, qu'il y alloit de la cause de Dieu, & de plusieurs des fides, qui estoient sur le point d'estre persecutez, qu'ils

1622.

Le Palatin re-
tiré à Sedan.

auoiët pour eux le Roy de Boheme, qui peu
de iours auparauât s'estoit ietté dâs Sedã avec
12. cheuaux, en qualité d'Escuyer du Capitainé
Melin, & finalement ceste grãde armee du Cô-
te de Mansfeld, & del Euesque d'Alberstat, &
que c'estoit à ce coup qu'il falloit par vn grand
effort faire vne bõne guerre, ou vne bõne paix.

Quelques vns des principaux de sa Religion
qui se trouuerët pres de luy, se mirët en deuoir
de satisfaire à son desir, mesmes de surprendre
quelques places, mais ils trouuerët qu'il n'y au-
oit rien à gagner pour eux. Il eut encore re-
cours à vn autre moyen pour auoir de l'argët,
& enuoya quelques vns du pays par toutes les
maisons des Gentils-hommes, aux Bourgs &
communautez, afin de les disposer & induire à
dõner de l'argent pour les garâtir & sauuer de
l'incommodité, que l'armée des Allemands
leur apporteroit. Ce qui a reussi tellement à
son desir, que peu ont refusé de fournir argent
soubz espoir d'estre conseruez.

Le Comte de
Grand-pré
est mal assuré

Parmy tous ceux qui estoïët menacez, & qui
auoient le plus de subiect d'apprehender, il
n'y auoit personne qui eust plus de sujet de pé-
ser à sa conseruation que Monsieur le Côte de
Grand-pré Gouverneur de Mouzô. Il n'auoit
alors que 50. hommes, & deux cens du Regi-
ment du sieur de Vaubecourt. Il ne voyoit au-
cunes troupes en Châpagne pour le secourir.
Dauâtage sa place estoit defectueuse en tous
ses dehors, & en quelque chose au dedâs. L'ini-
mitié inueterée de M. de Bouillon luy faisoit
croire que s'il auoit quelque credit en ceste ar-

nee estrangere, il seroit le premier attaqué: gouslé donc de ces raisons & del'affectiô qu'il a tousiours eu au seruice de sa M. il donne aduis à M. de Neuers de ce qui se passoit en la frontiere, & le supplie de l'assister d'hommes dont il auoit tres-grand besoin.

Il donne ordre cependant de reparer les defauts de sa place, fait faire deux demy-lunes, vn esperon & des coudoirs aux endroits qui se pouuoient disputer par dehors, y logeant au mesme temps des hommes qu'il auoit fait leuer en diligence par le sieur de Cadenet Enseigne de sa compagnie.

Le sieur de S. Simon qui cōmandoit les deux compagnies qui estoient en garnison, eut aussi commandement de les remettre de deux cens hommes chacunes, à quoy il ne perdit aucun temps & seruit sa Majesté en ceste occasion, & en toutes autres qui se sont presentees bien & fidellement.

M. de Neuers qui estoit auolé en Champagne au premier bruit del'approche de Mansfeld, voyant qu'il ne pouuoit en peu de temps luy opposer des forces suffisantes pour l'empescher, enuoye vers luy le sieur de Môtereau, à dessein si on le pouuoit gagner de le faire entrer au seruice du Roy, ou en deffaut de ce auoir le tēps de se fortifier d'hommes, & mettre en campagne vne armee de 12. mil hōmes de pied, & 15. cens cheuaux qu'il auoit charge de leuer, pour s'opposer aux desseings de M. de Bouillon & Mansfeld, & tous autres. Il ne laisse cepédant de visiter les principales villes

1622.

Se fortifie dās
Mouzon.

Le Duc de
Neuers en-
uoye vers
Mansfeld.

1622.

Enuoye se-
cours à Mou-
zon.

de son gouuernemēt, remarquer les choses qui manquoient pour y remedier : & voyant que Mouzō estoit sur le point d'estre assiégé, il commande aux Sieurs de Marcheuille, Haudrecy, Roquan, & Verriere des'y ietter, avec chacun vne cōpagnie de 50. hōmes, qui furent logez dens le petit fauxbourg, outre ce renfort, ledit sieur Côte fit choisir par le sieur de Cumieres son Lieutenant, & Peltier Sergent Major, 4. cens hommes des villages dependans d'iceluy, qu'il diuisa en 4. cōpagnies commādees par les Sieurs de Nouion, Lestanne, Dassy, & la Roché Gétils-hommes du pays, & icelles destinees à garder les dehors, avec les recrues des deux Regimens du sieur de Vaubecourt, laissant pour la garde de la ville, sa Compagnie de deux cens hommes, les deux vieilles cōpagnies dudit sieur de Vaubecourt de chacune cent hommes, & les habitans qui sont de sept à huit cens portans les armes.

Mansfeld
veut attaquer
Mouzon.

Ces choses ainsi ordonnees pour la conseruation de la place, mansfeld qui auoit esté 12. ou 15. iours au delà de la Meuse, attendant l'effect du traité commencé entre M. de Neuers de la part du Roy & luy, & voyant que la chose n'alloit si viste qu'il eust desiré, se resolut d'attaquer mouzon, si M. de Bouillon qui l'en pressoit avec instance, voire avec importunité, luy donnoit subiect de contentement, suivant les promesses qu'il luy en auoit faictes.

Pour cēt effect le Lundy 8. iour du mois d'Aoust, Mansfeld feit inuestir la ville, avec toute la caualerie, & luy avec l'infanterie & ses ca-

nôs passent la riuiere de meuze, & se vint câper à l'Esträge, village distât d'une lieuë de mouzô. A l'aproche dela caualerie, M. le Marquis de Dampierre, ieune Seigneur plein de courage, & de merite, qui s'estoit venu ietter dâs la place, avec dessein d'y rencôtrer occasion de bien seruir le Roy, sortit assisté de dix ou douze des siens, & 80. braues hômes dônant charge à M. de Cadenet de le soustenir avec 50. autres, en cas de besoin, Ordre qui fut si bien obseruée, qu'aux yeux du sieur Côte de Grâd-pré, il fut tué 70. ou 80. soldats des ennemis, plusieurs blesez, 20. chevaux, & deux chariots pris se retirans sans perte, que de deux soldats.

De l'autre costé de la ville, les Capitaines qui y estoient logez, firent aussi vne sortie, où ils tuerent 40. ou 50. hommes, & rétrèrent avec du bagage & grand nombre de prisonniers.

Ces escarmouches furêt cōtinuees les iours suiuaus avec pareil succez, pendât lequel tēps le traitté que M. de Neuers taschoit de faire avec Mansfeld, s'aduançoit, & l'vnion de ce grand corps d'armée cōposée de gens qui viuent sans ordre, sans discipline, sans obeissance, & sans payement, estant venu à terme, la pōme de discorde se messa parmy-eux : Brunswick veut seruir M. de Bouillon, pourueu qu'il luy donne 60. mil escus, & Mansfeld au contraire offre sa vie, son seruice, & celuy de ses troupes au Roy; moyennant certaines condicions que ledit Seigneur Duc de Neuers accepte sous le bon plaisir de sa Maiesté, auquel il assure luy faire entre le tout promptement.

Escarmouche
avec les gens
du Comte de
Grand-pré,

Diuisiō entre
Mansfeld &
Alberstat,

1622.

Rauages des
gens d'Alber-
tar.

Brunswick s'achemine à Sedā pour faire son traicté, pendant que ses troupes brusloient 15. ou 20. vilages, tant de la Preuosté de Mouzon, qu'autres lieux circonuoisins, parmy ces deux diuisions il en parut vne troiesme, le 12. iour d'Aoust, deux ou trois mil cheuaux, sans Colonels, ny Capitaines, vont en troupe trouuer Mansfeld, pour auoir de l'argent, ou se saisir de sa personne, & de son cano au deffaut de payement. Il donne si bon ordre à ses affaires, qu'il les renuoya sans auoir ny l'un ny l'autre, estās si mescontens qu'ils se separent de luy, & s'en vont ayder à ceux de Brunswick à gaster les grains, massäcrer hommes, femmes, & enfans, & mettre le feu par tous les lieux où ils passent, s'approchans d'une lieue de Sedan.

Mansfeld se voyant affoibly des troupes de Brunswick, & d'une partie des siennes qui estoient mutinees, & voyant l'intentiō du Roy, que M. de Neuers luy auoit fait entendre, par laquelle sa M. tesmoigne agréer le seruice qu'il luy veut rendre, il se resolut de demäder retraite pour sa personne, & son canon, dans le petit fauxbourg de Mouzon, & de faire camper son armée au bout du grand fauxbourg.

Le Dimanche 14. Aoust, Mansfeld enuoya le Colonel de Tournon, quia tres-bien & dignement seruy le Roy en ces occasiōs, trouuer M. le Côte de Grand-pré, pour le prier de se voir le mesme iour, ce qu'ils firent au bout du fauxbourg, & là fut cōclud entr'eux que le cano entreroit le lendemain dās le fauxbourg ne reseruant que six petites pieces de campagne

pour la teste de l'armée.

Le quinziesme, huit pièces d'artillerie furent amenées, & furent choisis 2. logis dans ce fauxbourg, l'un pour le logement du General, & l'autre pour le Commissaire de l'artillerie, le tout en la garde de cinq cens hommes des nostres.

La Royne sur les aduis qu'elle auoit eu de tous costez, que ceste armée venoit en France, auoit commandé à monsieur de Neuers de leur vne armée, à laquelle se deuoient ioin- dre Messieurs de Vaudemont, Ducs de Che- ureuse, & d'Angoulesme, le sieur Dancelot, & autres : mais considérant prudemment que ce ne seroit chose si tost preste à marcher pour secourir les places qu'on pourroit assieger, & ne laisser la campagne libre : Sa Majesté auoit par l'aduis de son Conseil conuié par ses let- tres Dom Gonçales de Cordoua, General d'une armée d'Espagnols, & Bourguignons, de suiure Mansfeld, & le combattre en quel- que part qu'il allast.

Dom Gonçales aduertie de la volonté du Roy, trauersâ diligemment le pays de Luxébourg, & vint poser son camp le quinziesme iour d'Aoust à Tetaigne, pres Yuoy, à vn lieu de mouzon, d'où il enuoya vn Gentil-homme de sa part, avec lettres audit sieur Comte de grand-Pré, par lesquelles il le prie luy man- der la contenance de l'ennemy, qu'il est prest à faire ce qu'il aura agreable, & qu'il iugera estre vtile au bien & seruice du Roy tres-Chre- stien, soit de le combattre, ou autrement:

Fait offre au
Roy par Dom
Gôçales pour
charger Mans-
feld.

que son armée est composée de mil hommes de pied, & quatre à cinq mil chevaux, tous résolus à bien faire, & rendre service à sa Majesté, s'ils sont employez.

Ledit sieur Comte de Grand-Pré qui sçait en quels termes sont les accommodations de Mansfeld, qui a son canon & sa personne, s'il veut, en ses mains, qui est assuré par lettres de Monsieur de Neuers, que sa M. a agreable se servir de luy, & de ses troupes, & que mesmes il tient dans mouzō le ieune Duc de Veymer, de la maison de Saxe, que mansfeld luy enuoya dès le douzième Aoust, pour assurance de sa parole, temporise prudemment sans faire vne absoluë responce, remettant à la Roynne, & à Monsieur de Neuers, de la faire. Cependant il le remercie de sa bonne volonté, qu'il luy prie de continuer.

L'on disoit
que M de
Neuers passe-
roit la Meuse.

La creance commencée estoit que l'armée du Roy estant presté, Monsieur de Neuers s'achemineroit dans peu de iours à Mouzon, ou en quelque autre ville proche, tant pour la closture du traité de mansfeld, que pour s'approcher aux mauuais desseins de l'Euesque d'Alberstat, mais les affaires prirent vne autre biais, ainsi qu'il se verra cy apres.

Cependant que Mansfeld estoit demeuré ainsi sur la frontiere, plusieurs de la Religion pretenduë reformée, quittent les villes de leurs demeures, & se retirent qu'à Sedan, & autres lieux on void quantité de caualiers nuictamment courir aux troupes

du Duc de Bouillon, ce qui donne de grandes ialousies a la France, & fut cause que plusieurs furent arrestez & retenus en passant par les Gouverneurs des villes & Provinces.

Entr'autres le Duc de Sully passant sous les ponts de la ville de moulins le Mardy vingt - sixiesme Iuillet sur les neuf à dix heures du soir avec quatre batteaux chargez d'armes, meubles, & argent, alla coucher à la Villeneufue à trois lieuës dudit moulins au logis de l'Image de la Croix blanche, dequoy aduerty le Comte de Charlus, Lieutenant de Monsieur le Prince de Condé au Gouvernement de Bourbonnois; luy enuoya vn Gentil-homme pour sçauoir dudit Duc de Sully, s'il auoit passeport du Roy pour se retirer, auquel n'ayant voulu faire aucune responce, ledit sieur Comte de Charlus monta promptement à cheual à deux heures apres minuiet, assisté de cent bons cheuaux & deux cens hommes, & l'alla trouuer audit lieu de Villeneufue où il somma ledit Duc de se rendre à luy, ce qu'il ne voulut, au contraire portant la main à l'espée la vouloit tirer & se mettre en defence, ce qu'il eust fait si ledit Comte ne l'en eust empesché, & l'arresta tout court en luy portant le pistolet sous la gorge, luy disant qu'il se rendist entre ses mains, & qu'il n'estoit assez fort pour resister; ce qu'il fit, & le lendemain vingt-septiesme du mois sur les 7. heures du matin il l'emmena,

1622

Arrest & detention du Duc de suilly, passant par Moulins.

Neueur mon-
strer son pas-
seport.

1622.

& l'ayant fait monter sur vn cheual à Vernet à vn quart de lieuë proche dudit Moulins, le conduisit dans le chasteau du Roy de ladite ville, où il le logea sous bonne & seure garde, fait faire inuentaire de tout ce qui fut trouué aux quatre basteaux qu'il auoit, & mit le tout en assurance, sans permettre qu'il luy fust fait aucun tort.

Le Comte de
Charlus en
donne aduis
au Roy.

Cela fait ledit Comte de Charlus despeche aussi tost vn des Escheuins de Moulins au Roy avec les passeports dudit Duc de Suilly, & fait entendre à sa Majesté tout ce qui s'estoit passé en cette action: aussi il enuoya le sieur de Colombieres à la Royne mere, qui estoit à Pougues, afin de se descharger.

Finalement le Roy ayant recogneu que ledit Duc de Suilly cherchoit à se retirer en sa maison de Suilly, commanda que l'on le deliurast, & qu'on le laissast aller avec tout son train, armes & bagage, & ne laissast approuuer l'action dudit Comte & de louer sa fidelité.

Arrest du
Comte de la
Suse à Lyon.

En mesme temps aussi fut arresté à Lyon par monsieur d'Halincour le Comte de la Suse, qui s'en alloit comme l'on croit, à Sedan, pour conduire les troupes du Duc de Boiüillon, il demeura quelques iours sans sortir au logis dudit sieur d'Halincour, craignant la furie du peuple Lyonnois; par apres il eust la ville pour prison & se pourmena librement par la ville: aussi dans la ville de Paris fut arresté aux faux-bourgs saint Germain des prés vn Capitaine que l'on trouua chargé de co-

missions pour faire leuée de gens de guerre pour mener à Sedan, il fut conduit chez Monsieur le Chancelier, & de là fut mené à la Bastille.

1622.

Vn autre appelé de la Haye Agent des affaires du Duc de Boüillon fut aussi pris à Dô-
martin allant à Sedan, & amené prisonnier à la Haye à Dô-
martin.

Puis en suite y fut aussi conduit le Baron de Danneual, fils du Visdame de Normandie pour quelque affaire d'importance: mais plus tost comme l'on croit à la suscitation de son Pere.

Du sieur de la Haye à Dô-
martin.

Du Baron de Danneual à Paris.

Sur tant de sortes d'aduis ainsi qui venoient d'heure à autre, que ceux de la religion prétenduë reformée pour la pluspart se retiroiēt & quittoient leur demeure, les vns par apprehension, les autres pour fauoriser l'arriuée des estrangers, & les desseins du Duc de Boüillon, le Roy qui en fut aduerty, fit vne declaration portant defences à tous ses subiects de la religion prétenduë reformée d'abandonner leurs maisons sous de tres-grandes peines portées par icelle, verifiée au Parlement de Paris le cinquiesme Aoust, dont s'ensuit la teneur.

Louys par la grace de Dieu Roy de France & de Nauarre, A nos amez & feaux cōseillers les gens tenans nostre Cour de Parlement à Paris, Salut. Sur les aduis qui nous sont donnez, que ceux de nos sujets de la religion prétenduë reformée, qui persistent en leur rebellion, contre les cōmandemens de Dieu &

1622.

leur deuoir naturel enuers nous, se sont tellement oubliez, que de rechercher & pratiquer les Estrangers pour entrer dans nostre Royaume, auxquels non seulement ils se veulent ioindre, mais aussi contraindre & forcer par menaces nos autres bons sujets de la mesme Religion pretenduë reformée, qui se sont tousiours maintenus en leur deuoir sous nostre obeissance & le benefice de nos Edits & Declarations, de s'armer & retirer avec eux & lesdits Estrangers, afin de fortifier tousiours dauantage en leurs desseins & entreprises, de supprimer nostre auctorité, & disposer de nostre Estat, en suite de leurs resolutions prises en leur assemblée de la Rochelle: Nous auõs iugé qu'il estoit tresnecessaire d'y remédier, & employer tous les moyës qu'il a pleu à Dieu nous mettre en main. A ces causes, De l'aduis de nostre Conseil, & de nostre pleine puissance & autorité royale, Nous auõs inhibé & defendu, inhibõs & defendõs tres-expressément par ces presentes, signées de nostre main, à tous nosdits suiets de la religion pretenduë reformée, de quelque qualité & cõdition qu'ils soient, qui se sont contenus en leur deuoir, sous nostre obeissance & le benefice de nos Edicts & Declarations, de s'en departir, quitter, dessemparer, ny abandonner leurs maisons, soit de nos villes ou des châps, où ils font leurs demeures, pour s'aller ioindre avec ceux qui sont en armes, ou ausdits Estrangers, ny leur donner ou prester aucune retraite, faueur, secours, ny assistance quel-

conque, sur peine d'estre descheuz de nos graces, declarez criminels de leze Majesté, deserteurs del'Estat, & perturbateurs du repos public: & comme tels procedé contre eux extraordinairement, selon la rigueur de nos Loix, & Ordonnances de nostre Royaume: Leur promettant aussi que perseuerant en leur deuoir, & demeurans souz nostre obeissance, & benefice de nosdits Edits & Declarations, nous les y maintiendrons & conseruerons, comme nos bons & fideles sujets, & les garderons de toutes foules & oppressions. Si vous mandons & ordonnons, que ces presentes vous faictes lire, publier & registrer, executer, garder & observer inuiolablement, selon leur forme & teneur, sans permettre qu'il y soit contreuenue, en quelque sorte & maniere que ce soit: Car tel est nostre plaisir.

Donné à Beziers le vingt-cinquiesme iour de Iuillet, l'an de grace mil six cens 22. Et de nostre regne le treiziesme.

Signé.

LOVIS.

Et plus bas,

Par le roy, De Lomenie.

Et scelé du grand seau de cire jaune.

Leues, publiees & registrees, Ouy & cerquerant le Procureur general du Roy, pour estre executées selon leur forme & teneur, ainsi qu'il est porté par l'Arrest du 5. de ce mois.

Et ordonné que copies d'icelles collationnées, se-
ront enuoyées aux Bailliages & Seneschaussées
de ce ressort, pour y estre pareillement lées, pu-
bliées, registrées & executées à la diligence des
Substituts du Procureur general du Roy, Aus-
quels enjoinct de tenir la main à l'execution d'i-
celles, & certifier la Cour auoir ce fait au mois.
A Paris en Parlement le huitiesme Aoust, mil
six cens vingt-deux.

Signé,

DVTILLET.

Extrait des Registres de Parlement.

Veu par la Cour les grand-Chambre,
Tournelle & de l'Edict, assemblées, les let-
tres patentes du Roy, données à Beziers le
vingt-cinquiesme Iuillet mil six cens vingt-
deux, signées Louys, & plus bas, Par le Roy,
de Lomenie, & scellées du grand scel de cire
jaune, par lesquelles ledict Seigneur fait
defenses à tous les suiets de la religion preten-
duë reformée, de quelque qualité & condi-
tion qu'ils soient, qui se sont contenus en leur
debuoir sous son obeïssance, & le benefice de
ses Edicts & Declarations, de s'en departir,
quitter & abandonner leurs maisons, soit des
Villes ou des champs, où ils font leur de-
meure, pour s'aller ioindre avec ceux qui sont
en armes, ou aux Estrangers, leur donner ou
prester aucune retraicte, faire secours ny as-
sistance, sur peine d'estre descheuz de ses gra-
ces, & declarez criminels de leze Majesté,
deserteurs

deserteurs de l'Estat, perturbateurs du repos public: Et comme tels procedé contre eux extraordinairement selon la rigueur des Loix & Ordonnances: Leur promettant ledit Seigneur que perseuerans en leur deuoir, ils seront par luy maintenus & conseruez, comme il est contenu esdites Lettres. Conclusions du Procureur general du Roy, & tout consideré, Ladite Cour a ordonné & ordonne que lesdites lettres seront leües, publiées & registrées au Greffe d'icelle, pour estre executées selon leur forme & teneur: Ordonne qu'il sera procedé extraordinairement & par saisie des biens de ceux qui se sont retirez de leurs maisons pour se ioindre avec les ennemis du Roy & rebelles audi Seigneur, informations prealablement faites desdites retraites avec lesdits ennemis & rebelles. Que copies desdites lettres seront enuoyées aux Bailliages & Seneschaussées, pour y estre pareillement leües, publiées & registrées, executées, gardées & obseruées: Enioint aux Substituts du Procureur general du Roy sur les lieux, tenir la main à l'execution desdites lettres & du present Arrest, certifier ladite Cour auoir ce fait au mois. Faict en Parlement le cinquiesme Aoust mil six cens vingt-deux.

Signé.

DV TILLET.

Aussi en mesme temps sçauoir le 4. Aoust fut verifiée à Paris & publiée par le Royaume vne autre Declaration du Roy contre le

sieur de Soubise, déclaré par icelle criminel de leze majesté au premier chef, ses biens acquis & confisquez au Roy, & remis à son Domaine, en voicy la teneur.

Louys par la grace de Dieu roy de France & de Nauarre, A tous ceux qui ces presentes Lettres verront, Salut. Si doubter que le chastiment des meschans ne soit du tout nécessaire à la conseruation des Estats, ou autrement, y permette vn establissement pour abolir la loy des recompenses, & rendre les actions des hommes égales, ou du moins indifferentes, laissant lieu à vn chacun de croire que bien ou mal faire est chose où il n'y a point de choix: Et par telle creance enraciner dans les esprits des peuples des maximes pour les porter à des reuoltes, dont souuent s'ensuit le renuersement des monarchies: Tout Prince sage & bien conseillé, doit prendre d'autres maximes: A sçauoir, d'esleuer en dignité ceux dont la conduite les rend recommandables: Et au contraire, faire chastier & proceder extraordinairement contre les autres, afin que par vn tel chastiment il puisse contenir vn bon nombre infiny de personnes en leur debuoir: Et par ceste exemple de Iustice, affermir d'autant plus sa iuste & legitime domination, laissant à vn chacun la libre iouissance de son bien dans vne paix tranquille, où Dieu estant honoré, comble son regne de benediction. S'il doit cela à sa dignité, au double y est obligé contre

ceux qui mesprisans les choses sacrées, profanent la Religion: Et lors esmeu de iuste colere, il doit estre porté à vn chastiment exemplaire. Les crimes qu'a commis Benjamin de Rohan, sieur de Soubise, dans nos pays de Xaintonge, & autres Prouinces, ont attiré sur luy la main de Dieu, qui seul à nostre veüe, a dissipé ses forces de telle sorte, que ne trouuant salut qu'en sa fuitte, il est sorty de nostre Royaume à dessein de continuer hors d'iceluy de nouvelles conspirations, qui le rendent indigne de tout pardon, & coupable au premier chef de crime de leze majesté, dont l'enormité demande la punition.

Pour ces causes, Sçauoir faisons, que de l'aduis des Princes de nostre sang, & autres Princes, & plus notables personnages de nostre Conseil, & de nostre certaine science, pleine puissance & auctorité Royale, Nous auons dict & déclaré, Disons & declarons par ces presentes, signées de nostre main, ledit de Rohan criminel de leze majesté au premier chef, indigne de nos graces, incapable de tous honneurs, charges & offices quelconques, en cestuy nostre Royaume, terres & seigneuries de nostre obeïssance: Ses biens acquis & confisque par ledit crime de leze M. au premier chef. Voulons iceux estre reuinis inseparablement à nostre Domaine, sans que ores, ny pour l'aduenir, ils en puissent estre separez, ny des-vnis, pour quelque cause, occa-

sion & consideration que ce soit. Et que à ceste fin il soit procedé extraordinairement contre luy, à la diligence de nostre Procureur general, selon les Loix & Ordonnances de nostre Royaume.

Sidonnons en mandement à nos amez & feaux Cōseillers, les gens tenans nostre Cour de Parlement à Paris, que ces presentes ils fassent lire, publier & enregistrer, & le contenu en icelles exactement executer: Enjoignant à nostredict Procureur general faire toutes poursuittes & diligences requises pour ladite execution: Car tel est nostre plaisir. En tesmoin dequoy, Nous auons fait mettre nostre seel à celsdites presentes. Donné à Carcassonne le quinzième iour de Juillet, l'an de grace mil six cens vingt deux. Et de nostre regne le treizième.

Signé,

LOVIS.

Et sur le reply, Parle Roy,

Et plus bas,

DE LOMENIE.

Et scelée sur double queuë du grand seau de cire iaune.

Et à costé sur ledit reply, est encores escript.

Leues, publiées & registrees, Ouy le Procureur general du R. y, pour estre executees selō leur forme & teneur: & ordonne que copies d'icelles collationnees seront enuoyees aux Bailliages &

Seneschauſſees de ce reſſort; pour y eſtre pareil-
lement leuës, publiees, regiſtrees, & executees à
la diligence des Subſtituïs du Procureur general
du Roy; Ausquels enioint de tenir la main à
l'exécution d'icelles, & certiſier la Cour auoir
ce faiët au mois. A Paris en Parlement le qua-
triefme iour d'Aouſt mil ſix cens vingte-
deux.

1622.

Signé,

DV TILLET.

Après ces declarations que deſſus, on
arme puiſſamment pour empêcher les de-
ſordres qu'euffent peu faire mansfeld, &
l'Eueſque d'Alberſtat ſur les frontieres de
France.

Il faiſoit mine neantmoins de chercher les Reprife de
moyens de ſ'accommoder avec le Roy. mais l'affaire du
en meſme temps qu'il traittoit avec le Roy, Comte de
on ſçeut qu'il traittoit auſſi avec l'Infante des Mansfeld,
pays bas, avec les Eſtats de Hollâde, & meſme
avec les Venitiens, à tous leſquels il offroit
ſon ſeruiſſe avec ſon armée.

Le Roy, qui recognoiſſoit ce perſonnage
auquel il ny auoit nulle ſorte d'aſſurance,
quoy qu'il luy fiſt offre de ſes armes & de ſon
ſeruiſſe, côme aux autres Princes de cy deſſus,
ne trouua pas à propos de l'accepter, mais Le Roy ne
ne l'en vouluſt pas reſoudre qu'il n'eût faiët veut accepter
mettre yne armée ſur pied, capable de luy ſon ſeruiſſe.
reſiſter, ſ'il ſe mettoit en debuoir d'entrer
dans le royaume, laquelle ne peuſt eſtre
preſte que ſur la fin du mois d'Aouſt. Ce-

pendant on auoit esté contrainct de souffrir qu'il prinst sa retraicte aux enuiron de Mouzon, & deluy fournir quelques viures en attendant la responce du Roy.

Hollandois
l'acceptent.

Les Estats furent plus hardis à l'acceptation deses offres, & à conclure leur traicte avec luy pour trois mois, moyennant la solde, & autres conditions conuenues entr'eux, & aussi tost il se resolut de partir pour tascher d'aller ioindre les troupes du Comte Henry de Nassau.

L'Infanterie auoit tousiours tenu à vne lieuë pres de son armée, le Comte Hennin & le Secretaire Bruncan ou autres Deputez de sa part pour traicter avec ledit Mansfeld, & tascher de le ramener à son ser-
uice.

Son traicte
commencé
avec l'Infante.

Leur traicte auoit esté reduit à tels termes, que Mansfeld se contentoit de commander à dix mil-hommes de pied & deux mil cheuaux, à la charge de n'obeyr qu'au seul Marquis de Spinola. Ce qui auoit esté accepté, par l'Infante, & la conclusion n'en fut différée que sous pretexte de la diuersité des humeurs des autres Chefs de son armée, entr'autres de l'Euesque d'Alberstat.

Le vingt cinquiésme d'Aoust pour mieux endormir l'Infante, il luy despecha encore son Secretaire à Bruxelles, qui en partit le mesme soir avec ledit Comte Hennin sous pretexte de continuation de traicte, & toutefois il estoit desia party, & bien aduancé en son chemin.

A son depart il remit les canons qu'il auoit, entre les mains du Palatin (à qui ils appartenoient, & dont les armoiries estoient grauées dessus), lequel estoit à Sedan fort prez du lieu de Mouzon, où il auoit séjour-
né assez long-temps. Il ne reserua que quatre petites pieces de campagne pour son voyage avec quarante chariots seulement, ayant fait brusler plus de trois cens autres chariots avec la pluspart de l'embaras de son bagage, & faict monter sur les cheuaux des chariots vne partie de son Infanterie, & specialement des mousquetaires, pour pouuoir faire plus de diligence.

Laisse son ca-
non au Pala-
tin.

Il voulut surprendre vn chacun, & pour euer le passage de la riuere de meuze, & le pays tant de Luxembourg que partie de Haynault qui estoient tous en armes, à garder en vain les passages où il n'estoit pas resolu de passer, il fit d'abord vne couruée de quatorze lieuës, avec telle diligence, qu'auant qu'on eust peu songer à luy, il eust marché quelques vingt lieuës sur les bords de la frontiere de France, & fait vn assez grand destour iusques à Chimay & Auenne d'où il tourna tout court à main droicte, faisant l'angle droict en entrant à l'impourueüe dans les pays bas, & tirant vers Binche.

Entre dans le
pays bas.

Dom Gôngales de Cordoia avec son armée courut apres & le costoya quelque temps, bien que beaucoup inferieur au nombre de sa Cauallerie (car il n'auoit que deux mille cheuaux, & Mansfeld en auoit

de sept à huit mil) mais son Infanterie Vvalonne estoit beaucoup mieux aguerrie que celle de Mansfeld.

En fin le vingt-neufiesme dudit mois d'Aoust à quatre heures du matin, ils commencèrent à combattre pres d'un lieu du pais de Namur nommé Fleny, la bataille dura plus de dix heures, & iusques à deux heures apres midy, non sans grandes marques de generosité de part & d'autre.

Mansfeld s'y porta en grand Capitaine, combattant entre les premiers, vestu de rouge sur un cheual noir, sans armes deffensives. Dom Gonçalves s'y porta fort valeureusement aussi de son costé, mais sa Cavallerie ne peut iamais forcer le gros de celle de Mansfeld, ains fut viuement repoussé & contraincte de se retirer plusieurs fois, & iusques à ce que s'estant portée trop auant, elle se trouua tout d'un coup enuironnée de toutes parts, & tout le bagage avec les canons que ledict Gonçalves auoit faict traif-

Mansfeld luy ner à la haste, reduicts au pouuoir & à la mercy dudit Mansfeld, sans qu'il y eust aucune apparence de pouuoir euitier que tout ne fut entierement perdu.

Mais l'Infanterie Vvalonne y accourut au secours si à propos, & avec tant de courage, que Mansfeld fut contraincte de lacher prise. La meslée fut fort grande & le combat furieux, le maistre de Camp nommé Dom Francisco d'Ibarra y fut tué des premiers, ensemble quelques Capitaines, &

Cavallerie de
Dom Gonçalves
se rompt
par celle de
Mansfeld.

Mansfeld luy
gagne son
bagage.

l'Infanterie
Vvalonne luy
faict quitter &
met Mansfeld
en desordre.

des soldats iusques au nombre d'environ cinq cens qui se trouuerēt manquer dans les troupes dudit Gonçalves, sans les bleſſez qui ſont en aſſez grand nombre.

De l'autre part il demeura deux mil cinq cens hōmes ſur la place, & entr'autres le duc de Vvimar, de la maiſō de Saxe. On tenoit que le Brunſwich Eueſque d'Alberſtat y auoit receu vne mouſquetade à l'eſpaule, & aucuns adiouſtoient qu'il eſtoit depuis mort de ſa bleſſure, & que ſon corps auoit eſté porté à Namur, mais cela n'eſtoit pas confirmé, d'autres ſouſtenants qu'il eſtoit ſauué hors de la troupe, & qu'il auoit trouué reſtraicte ailleurs, mais il eſt bien certain que ſon eſtendard fut porté à l'Infante avec ſix ou ſept autres.

Alberſtat bleſſé
ſe a mort.

Or n'auoit pas creu du commencement que le nombre des morts euſt eſté ſi grand, mais le champ de bataille ayant eſté depuis recogneu par pluſieurs perſonnes qui accoururent de Bruxelles pour l'aller voir, on y trouua quelques iours apres plus de trois mil corps morts qui y eſtoient encore eſtendus, ſans ceux qu'on auoit emportez, & ſans les bleſſez qui eſtoient en grand nombre.

Tant ya que ſ'eſtant Mansfeld debarrasſé d'avec les autres, non ſans grande perte, il fit marcher ſon Infanterie avec ſes quatre canons de ſon bagage pour continuer ſon voyage, tandis que luy faiſoit touſiours teſte avec le gros de ſa Cauallerie, tirant par Gibloux vers le deſtroit d'entre les deux riuieres de la Meuze, & du Demet pres la ville de Maſtrie, & le lieu de

Mansfeld cō-
tinuē ſon
voyage.

Hasslaet. Dom Gonçalves ne luy pouuant à son tres-grand regret empescher le passage, s'arresta avec son infanterie & enuoya apres luy le Colonel Gauchi vieux Soldat, & Dom Philippes de Silua avec toute la Cauallerie pour les suiure.

Plus de 4000
hommes de
tuz.

Lesquels l'er'attaignerent le lendemain au soir 30. dudit mois d'Aoust enuiron les 8. heures pres vn lieu nommé Hannuy en raze campagne, & à la faueur de la nuit qui approchoit chargerent si furieusement l'Arriere-garde de sa cauallerie, qu'apres en auoir deffait trois compagnies, Mansfeld abandonna son Infanterie, laquelle fut toute taillée en piece, & foulée par la cauallerie dudit Colonel Gauchi, sans faire aucune resistance, soit qu'elle fut trop lassée d'vn trop long & continuel trauail, ou qu'elle eust trop pris d'espouuante, de se voir abandonnée & destituée de retraite, en sorte qu'on m'ade expressément qu'il en est demeuré plus de quatre mil sur la place, tout le reste ayant esté dissipé, & que de la part dudit Colonel Gauchi, il y auoit quelques blesez: mais pas vn de mort, qui est chose quasi incroyable si on ne le voit en effect.

Cependant Mansfeld auoit diuisé sa cauallerie en deux troupes & par diuers chemins tiroit vers le Liege, ledit Colonel Gauchi le suiuiot encores, & ne croyoit on pas qu'il pussé joindre les troupes des Estats, sans combattre de rechef avec le Comte Henry de Bergues qui l'attendoit aux adueniës avec vne armée toute fraische, capable de

le battre avec davantage.

1622.

Mais toutesfois prenant vn autre chemin & courant nuit & iour, il est finalement arriué à Breda, où il est de présent avec 4000. mil cheuaux du reste de ses troupes.

Après le depart dudit Mansfeld, l'armée du Roy qui estoit leuée en Picardie & Champagne, fit monstre generale à Chasteau-Portian, le 27. Aoust, où se trouuerent les troupes qui s'ensuiuent.

Premierement du costé de Monsieur le Duc de Neuers s'y trouuerent les troupes qui s'ensuiuent. Infanterie.

Le Regiment de monsieur le Duc de Rethe-
lois contenant douze Enseignes.

Le Regiment de M. le Duc de Mayenne, dou-
ze Enseignes.

Le Regiment de M. le Duc de Fronfac, dix
Enseignes.

Le Regiment du sieur de Balagny, 10. enseignes

Le Regiment du sieur de Seaux, dix ensei-
gnes.

Le Regiment de M. le Baron Descrouy, six
enseignes.

Le Regiment du Baron de Meureu, six en-
seignes.

Recreuë du Regiment de Monsieur de Vau-
becourt, douze hommes sur chaque com-
pagnie.

*Pour la cavallerie dudit Seigneur
Duc, furent*

La compagnie de M. le Duc de Neuers, con-
tenant 60. hommes.

- La Compagnie de M. le Duc de Rethelois,
soixante hommes.
- La Compagnie de M. le Duc de Mayenne,
soixante hommes.
- La Compagnie du sieur de Ballagny cinquante
hommes.
- La Compagnie du sieur de Vaubecourt, cin-
quante hommes.
- La Compagnie du sieur de d'Estrepy, cinquã-
te hommes.
- La Compagnie du sieur de Boulãde, cinquan-
te hommes.
- La Compagnie du sieur de Vaudy, cinquante
hommes.
- La Compagnie du sieur de Buffy, cinquante
hommes.
- La Compagnie du sieur de Chalans, cinquan-
te hommes.
- La Compagnie du sieur de michery, cinquan-
te hommes.
- La Compagnie du sieur de Reintgrauc, cent
hommes.

Carrabins.

- Les cinquante Carrabins pour la garde de M.
le Duc de Neuers.
- La Compagnie du sieur de Saint-Bonnet,
quarante.
- La Compagnie du sieur de Marolles, trente.
- La Compagnie de Monsieur de Monstreau,
trente.
- S'ensuit maintenant l'Estat du despartement des
troupes de M. le Duc de Neuers, lesquels ne
se trouuerent à ladiete Monstre.*

Pour l'Infanterie, sçavoir.

1622.

Regiment du marquis de Colligny, dix Enseignes.

Celuy du sieur de Marcheulles, dix Enseignes.

Pour la Cavallerie estoient

La compagnie du sieur Cheualier Dandelot, cinquante hommes.

Celle du sieur de marcheulle, cinquante hommes.

Trois compagnies de cinquante cheuaux legers que doit mener ledit sieur de Marcheulle, cent cinquante hommes.

Plus suit l'Estat des troupes du departement de Monsieur le Duc d'Angoulesme qui se trouuerent à ladicte Monstre.

Pour l'Infanterie.

Le Regiment de M. de monbazon, douze Enseignes.

Regiment du M. le marquis de Cœuure, dix Enseignes.

Regiment de monsieur des marets, dix Enseignes.

Regiment de monsieur Camus, six Enseignes.

Regiment de monsieur de Villarceau, six Enseignes.

Regiment de monsieur Duret, six Enseignes.

Pour la Cavallerie estoient

La Compagnie de M. le Duc d'Angoulesme, cent hommes.

La Compagnie du Comte de Lauragais;

cinquante hommes.

La compagnie du Comte de Roche-fort, cinquante hommes.

La compagnie de Monsieur de Tresme, cinquante hommes.

La compagnie de Monsieur de la Vieuille, cinquante hommes.

La compagnie de M. le marquis de Cœuure, cinquante maistres.

La compagnie du sieur de Hoquincourt, cinquante hommes.

La compagnie du sieur d'Arancourt, cinquante hommes.

La compagnie de Monsieur de Vvarden, cinquante hommes.

La compagnie de M. de Monceaux, cinquante hommes.

La compagnie du sieur de Faucour, cinquante hommes.

La compagnie du sieur de Ville donne, cinquante hommes.

La compagnie de M. de Remilly, cinquante hommes.

La compagnie du Baron de mouffy, cinquante hommes.

La compagnie de M. de Rambure, cinquante hommes.

La compagnie de M. Bacheuilliere, cinquante hommes.

La compagnie de M. de Sessual, cinquante hommes.

La compagnie du sieur de la Bescheralle, cinquante hommes.

de la Rebellion de France. 415

La compagnie du sieur de Montenac, cinquante hommes.

La compagnie de Blancbuisson, cinquante hommes.

La compagnie de M. le Duc d'Anguyen, soixante hommes.

La compagnie de M. le Comte de saint Paul, soixante hommes.

Plus suivent les Carabins dudit sieur

Duc d'Angoulesme. sçavoir.

La compagnie de cent Mousquetaires du Capitaine d'Aulal, cent hommes.

La compagnie de cinquante Carrabins du Capitaine des Forces, cinquante hommes.

La compagnie de 50. Carabins du sieur de Sesseual, cinquante hommes.

La compagnie du Capitaine Ruffiere, cinquante hommes.

La compagnie du Capitaine Mattalye, trente hommes.

Voicy aussi l'Estat des troupes de Monsieur le Duc d'Angoulesme qui ne se trouuerent à ladite monstre.

Pour la Cavallerie. estoient

Compagnie de M. le Comte de Ludes, cent hommes.

Compagnie du sieur de monbazon, soixante hommes.

Compagnie du marquis de mosny, cinquante hommes.

Compagnie de Iouy, cinquante hommes.

Compagnie de Boudeuille, 50. hommes.

Compagnie de Baronuille, cinquante hommes.

Compagnie de Victor, cinquante hommes.

Compagnie du sieur de meluze, cinquante hommes.

Pour les Carrabins estoient

Les deux Compagnies des Capitaines saint Fare & d'Alincourt ordonnées pres le mareschal de la Chastre ny arriuerent pas.

Après ceste monstre on licentia vne partie desdites troupes, & vne autre partie fut mise en garnison és villes & places frontieres des deux Prouinces.

Retournons du costé du Roy, estant sa majesté entrée au bas Languedoc, comme j'ay dit cy deuant, elle se voulut asseurer de quelques places rebelles, qui la pourroient incommoder au siege de Montpellier: mais auant que de parler de la reprise de ces places, faut paracheuer de voir ce qui se passa à Toulouze, tant sur la fin du sejour que le Roy y fit, que du depuis qu'il en est sorty.

Le Roy veut
s'asseurer de
quelques pla
ces rebelles en
Languedoc.

Il y a à Toulouze quatre sortes de Penitens, entr'autres des Penitens bleuds, de la Confrairie desquels sa majesté voulut estre.

Confrairie
des Peniteus
bleuds dans
Toulouze.

Le troisieme de Iuillet, iour auant celui auquel sa majesté partit pour commencer son voyage au bas Languedoc, se fit audit Thoulouze vne Procession desdits Penitens bleuds, fort solennelle, à laquelle entr'autres Princes & Seigneurs, assisterent monsieur le Prince de Condé, & monsieur le Cheualier de
Vendo lme

Vendosme tous les deux habillez en Penitens, & escrit-on qu'il ne se vid iamais vne si grande quantité de peuple que ce iour là dans Toulouze, pour estre spectateurs d'une si extraordinaire ceremonie, le S. Sacrement fut porté à ceste Procession par toutes les Eglises de la ville, & fut ce iour là solemnisé ainsi que l'une des meilleures festes de l'année.

Après le depart de sa majesté de Toulouze, furent pris & amenez prisonniers en icelle, deux personages huguenots, l'une moyne renié, Espagnol de nation, & l'autre ministre de la Religion pretenduë reformée, qui ayât esté accusez comme espions, & d'auoir eu dessein d'attenter à la personne du Roy, furent par Arrest du Parlement de Toulouze condamnés d'estre pendus & estranglez.

Le iour de l'exécution venu, qui fut le 12. Iuillet, le ministre Espagnol fut executé le premier, & se conuertit au supplice, mourut bon Catholique, & se repentit fort de ses crimes, c'estoit vn homme grandement docte & lettré, l'autre ne se voulut iamais conuertir à la mort, & mourut huguenot, ce qui irrita tellement le peuple Toulouzain, qui auoit horreur des desseins desdits executez, qu'ils n'eurent la patience d'attendre que cettuy cy fust executé pour l'emporter, ains le rauissant non encore mort d'entre les mains de l'exécuteur, coupent les cordes, l'enleuent, le traient par toutes les ruës & places de la ville comme le corps du feu mareschal d'Ancre à Paris, font crier, *Vive le Roy*, à vn chacun,

Execution notable de deux espions, dans Toulouze.

& osterle chapeau à tout le monde, & de là le ramenerent en la place de l'exécution, où ils le bruslerent, puis ietterent la cendre au vent.

Le Roy estant donc au bas Languedoc avec le dessein que j'ay dit cy dessus, de reprendre plusieurs places rebelles, qui eussent incommodé son armée au siege de Montpellier, pendant que le temps des iours caniculaires se passeroit, insupportable pour la chaleur qui regnoit en ce pays là, on se resolut d'attaquer Saint Gilles, Lunel, Sommiers, Vauvert, Berderine, Ginac & autres bicoques qui pouuoient faire du mal, si on leur eust laissé la liberté.

Auant que d'attaquer ces places, le Roy fait aduancer le plus qu'il peut des troupes es lieux les plus proches de Montpellier, pour leur empêcher les viures, & rompre leur intelligence avec ceux de Nismes, & autres villes rebelles.

Celuy qui en approcha de plus pres fut Monsieur Zamet, Capitaine fort estimé en l'armée pour son courage genereux, qu'il a signalé plusieurs fois, en diuers assauts & rencontres, & principalement depuis trois ans que les rebelles se sont souleuez contre l'autorité de leur Souuerain.

Stratageme
notable de M.
Zamet, pour
surprendre la
garnison de
Montpellier.

Ledit sieur Zamet voulut esuanter ce qui se faisoit dans ladite place, & les appeller s'il pouuoit à quelque combat. C'est pourquoy sur ceste resolution, scachant d'autre-part, qu'il est bon quelquefois de ioindre la quené

de Renard à la peau du Lyô, & qu'un stratage-
me bien pratiqué apporte souuent de l'hon-
neur & de la reputation à celuy qui l'entre-
prend & le met à chef, il s'inuenta en ceste
rencontre d'vser de finesse, il prit cinq à six
cens cheuaux resolu vnanimement, de gra-
uer les caracteres de leur grand courage sur
les ennemis, & quelques deux ou trois cens
hommes de pied qu'il fit partir du matin pour
ce subiect.

Il donna ordre que sa caualerie se mit en
embuscade, à demie lieuë de la ville, du co-
sté par où il croyoit que sortiroient les enne-
mis, afin de les enclorre plus facilement en cas
de fuite.

Ordre dufieur
Zamet pour
d'essayer vne
embuscade
aux ennemis.

Luy ce pendant prend son infanterie, &
grande quantitez de grands chariots couuerts
par dessus, & remplis au dedans de plusieurs
machines de guerre, harquebuses à croc,
fauconneaux chargez de chaisnes & cloux, &
autres mousquets emboitez fix à six dans des
certaines pieces de bois, lesquels on peut des-
charger en vn mesme temps, & faire de gran-
des executions.

Avec toutes ces machines, chariots &
gens de pied, il se va planter à vn quart, ou
demie lieuë de la ville, faisant semblant de
moissonner & de couper les bleds, com-
me de fait plusieurs desdits soldats faisoient
lesdits exercices, & estoient habillez en villa-
geois.

La sentinelle de la ville qui voyoit ces nou-
ueaux moissonneurs si pres de leurs mu-

1622.

railles commença à sonner l'alarme, & esmouuoir les Citoyens qui s'estans portez sur la muraille, & ayant recognu qu'il ny pouuoit auoir au plus que deux ou trois cens hommes, delibererent de les faire suiure & battre en dos, sans songer à l'embuscade qui les attendoit de pied ferme.

Ils firent sortir enuiron six cens mousquetaires hors de la ville, pour charger nos moissonneurs qu'ils voyant venir firent feinte de reculer, pour les attirer dauantage au combat, & les inuestir, de sorte qu'ils ne peurent eschapper, ceux-cy voulurent poursuiure esperans moissonner quelque victoire sur les moissonneurs, mais comme ils furent pres d'eux, on commença à faire iouer toutes les machines & harquebuses qui estoient dans les chariots, qui firent vn tel effect qu'il y en demeura plus de cent sur la place, leurs compagnons receus si rudement prirent aussi tost la fuite, pensans r'entrer dans Montpellier sans autre perte que de ceux qui estoient demeurez estendus dans les bleds, mais la Cauallerie se fendant en deux cornes les vint affronter ce pendant que l'Infanterie les chargeoit en flanc, & en dos, de sorte que de six cens qu'ils estoient, ils furent toustaillez & mis en pieces, fort peu estans eschappez pour en remporter nouuelles aux ennemis.

Ceste defaite signalée où les nostres butinerent sur lesdictes troupes & garni-

de la Rebellion de France. 421

bons desdits rebelles, cela se fit le seiziesme iour de Iuillet, à la veuë des citoyens de Mōt-pellier qui furent grandement estonnez de ceste premiere attaque.

Le Roy receut ceste nouuelle, avec allegresse, & deuoit-on aller en bref bloquer & inuestir ladicte place, si elle continuoit en ses rebellions.

En ce temps mesme arriuerent les trois mil cinq cens Reistres & Lansquenets au bas Languedoc, pour le seruice de sa majesté sous la conduicte du Duc d'Aluin, & du Comte Reint-graue.

Arrivee des
Reistres en
Languedoc.

Les rebelles sentans venir ces forces, apprehendans le chastiment qui leur estoit deub, ils raserent premierement les murailles de leurs villes foibles, comme Lunel, Aimagues, Vauuert, & autres semblables villes, & puis se ietterent dans les grandes villes fortifiees, comme Montpellier, Vzez, Nismes, & autres, mais sentant approcher sa Majesté, avec des forces capables de les subiuguer, ils tascherent d'empescher que l'armée des Lansquenets qui estoit venuë audit pays par la voye de Lyon, ne se joignist avec les troupes de monsieur de Mont-morency & l'armée Royale qui estoit alors à Montpesat, à quatre lieues de Montpellier, pour le siege duquel on se preparoit à bon escient.

Les rebelles
rasent les murs
de leurs places
foibles.

Et pour venir à bout de leurs entreprises & mauvais desseins, ils ietterent dans la ville de Sainct Gilles trois cens hommes bien ar-

1622.

Prise de saint
Gilles en
Languedoc.

Les ennemis
veulent sur-
prendre les
Aliemands.

mez qu'ils tirerent des Seuenes pour con-
ter le passage ausdits Lansquenets, & leur
donner vne atteinte, sçachant bien que le de-
sir que ces bons alliez de la Couronne auoient
de s'approcher du Roy, les empeschoit de
s'amuser à vn siege, & que partant ils
pourroient se ruer sur l'aduanguardie ou sur les
ailes, ou sur l'arriere garde de ces troupes,
quin'estoient pas quatre mil en nombre, &
leur donner par ce moyen de l'incommo-
dité, mais tout au contraire de leurs en-
treprises, ils furent pressez si viuement,
qu'il leur fallut sonner plustost la retraicte
que la charge; ceste nation n'est pas si aisée à
rompre que les autres, car premierement ce
sont gens experimentez à la guerre, & d'ail-
leurs ils campent en tous les lieux où ils s'ar-
restent vne nuit, & ferment si bien leur camp
de charriots, de fassines, & de tonneaux,
qu'il faut du canon pour les forcer, de sorte
qu'ils sortent pour se battre quand il leur
plaist, & quand ils veulent aussi, on ne les y
sçauroit forcer ny contraindre, & l'embar-
ras de trois cens femmes ou filles qu'ils me-
nent pour leur seruice, ne les incommode
non plus que s'il n'y auoit personne avec-
eux.

Or la ville de Saint Gilles dont est questiō,
est plus en reputation qu'en effect, à cause que
c'est vn grand Prieuré de Malte, qui rend au
Commandeur qu'il possède vingt mil liures
de rente, il y a outre ce vne Abbaye de grand

reuenü, tout cela fait qu'elle est assez peuplée & avec quelques fortifications qu'ils y auoient fait, ils se résolurent d'attendre les Allemands, qui sous la conduite desdits Duc d'Aluyn & du Comte du Rhin, autrement appelé Reintgraue, se preparerent à les forcer, mais cognossans qu'ils ne pouuoient subsister long temps d'eux mesmes, ils appellerent le secours de Montpellier, d'où sortirent le quinzième iour de Iuillet, sept cens hommes d'élite, pour endommager lesdits Lansquenets, tandis qu'ils seroient occupez à forcer la place: mais l'aduis leur en estant donné, ils firent vne ruade, & chocquerent contre les nouueaux venus, qui du commencement rendirent du combat, mais finalement prirent l'espouuente & furent deffaits, n'y ayant que bien peu qui se sauuerent, tout le reste estât tué, desarmé, ou faits prisonniers qu'on enuoya à Beaucaire.

Pour Sainct Gilles auquel on auoit mis si bon ordre qu'ils ne peurent faire aucune sortie sur les nostres, la garnison & les habitans ayât entendu la deffaite de leur camarades, se sauuerent la nuit suiuiante, à la faueur de l'obscurité dans les Oliuetes, & se ietterent du costé d'Vzez, qui est leur seul Asyle.

De là l'armée du Roy conduicte par Monsieur le Prince de Condé, & autres chefs de guerre, alla du costé de Berderine, & Ginac, qui ne vouloient se rendre de bon gré, & fut-on contrainct de se seruir de la force, pour ce faire.

1622,

Les garnisons
de la place ap-
pellerent se-
cours de
Montpellier.

1622.

Siege de Ber-
derine en
Languedoc.

La ville gai-
gnée par l'ar-
mée du Roy.

Berderine principalement parut insolente en sa resistance en l'armée du Roy, elle sçauoit comme les places rebelles auoient esté traitées, & neantmoins deceuë en l'opinion de ses fortifications, voulut esprouuer semblable traitement qu'elle auoit certainement meritë, & alloit souffrir sans autre remede, si la Maiesté n'eust fait encore reluire les effets de sa clemence en leur endroict.

L'armée de la Maiesté s'estant acheminée deuant cest place, elle fut battue quelque tēps fort furieusement, & assez bien defenduë du commencement par lesdits rebelles, mais en fin y ayant eu bresche capable d'attaquer les ennemis, au dedans, l'assaut fut donné avec telle furie par les gens du Roy, que la ville fut prise & forcée, plusieurs desdits rebelles tuez & massacrez d'abord, & sans l'ordre que la Majesté y fist promptement donner, le reste qui estoit dedans alloit passer par le fil de l'espée, & les edifices reduits en flammes, mais les chefs & Capitaines de l'armée ayans empesché la furie & le desordre des soldats, la Majesté se contenta de s'estre rendue maistre de la place, & à l'instant tous les principaux chefs de la rebellion d'iceux ayant esté pris & saisis, & recognus pour auteurs de la faction, par commandement de ladicte Majesté, il y en eust 40. de pendus & estranglez pour seruir d'exemple à semblables rebelles, & aussi tost toutes les fortifications de ladite place de Berderine, & toutes les murailles d'icelle furent rasées & demolies, pour ne seruir à l'aduenir

de retraite, & de nidaux mutins & factieux ennemis de sa Majesté, & du repos public.

Pour Ginac autre ville rebelle du bas Languedoc, sa Majesté la voulant aussi reduire à son obeïssance, comme les autres, afin que rien nel'êpeschast des sieges de Môtpellier, & ceux qu'elle pretend mettre deuant Nismes, Vzez & autres villes d'importance, en cas d'opiniaistreté & de pluslongue desobeyssance & rebellion; l'armée royale s'y achemina; mais plus sage & plus aduisée que celle de Berderine, & ne se voulant perdre ainsi miserablement comme Negrepelisse, elle preuint sa ruine & sa mauuaïse fortune, par son prompt retour à l'obeïssance, elle auola aux pieds de sa Majesté implorer sa misericorde, & trouuer en sa bonté les remedes de son salut: desorte que par telles submissions elle essuya ses crimes, & expia par son deuoir le chastiment qu'elle alloit marchandant en sa rebellion. Ceux de dedans se rendirent au Roy à composition telle qu'il pleut à sa Majesté leur accorder, & remirent la place entre ses mains, apres vn general pardon qui leur fut donné.

Neantmons s'aditte Majesté pour empêcher qu'ils ne se reuollassent encore vne autrefois, & pour estre asseurée de cette place, & sauuer les frais d'une garnison qu'il conuiendroit y entretenir, commanda que les murs & fortifications d'icelles fussent entièrement razées & desmolies.

Ainsi de tous costez toutes les places du bas

siege & reduit
de Ginac.

Ses murs &
fortifications
razées.

1622.

Languedoc venoient tous les iours se reduire à l'obeyssance de sa majesté.

Les deux places reduites à l'obeyssance de sa M. Monsieur le Prince mena l'armée du Roy deuant la ville de Lunel qu'il resolut assieger pour incommoder tout à fait Montpellier.

Siege de Lunel.

Lunel est vne ville assez considerable & forte, scize entre Aiguemorte & Montpellier, à quatre lieuës proche d'icelle, là dedans estoit vne garnison de douze cens hommes de guerre, que les rebelles de Montpellier que de Nismes, y auoient fait entrer pour l'assurance & conseruation de cette place, au party desdits rebelles.

Sorties des assiegez.

C'est pourquoy pendant que les chaleurs se moderoient, & que sa majesté seiournoit dans ladicte ville de Beziers, ledit Seigneur Prince de Condé, assisté de messieurs le Cōte de Schomberg, & le Marechal de Bassompierre, par commandement de sadicte Majesté, furent assieger ladicte place de Lunel, prenant avec eux vne partie des troupes de l'armée, avec les Reistres & Lanfquenets, & allerent attaquer ladicte place, où fut aussi conduict le canon, & la batterie dressée, ceux de dedans voyans qu'on les vouloit ainsi assieger & forcer, pour donner quelque incommodité à l'armée Royale, firent vne sortie le vingt-neufiesme Iuillet d'environ trois cens hommes qui s'en allerent brusler quelques fermes & mestairies proches de leur ville, pour oster d'autant plus la commodité des logements

à ladicte armée Royale, dequoy ayant eu aduis que Monsieur Zamet Marechal de Camp, part en diligence avec quelque Cavallerie legere, & va enfermer & encindre lesdits Rebelles sortis de Lunel, en telle sorte que les surprenant avant qu'ils le peussent appercevoir, & auoir le temps de se mettre en defence & seureté, il les chargea fort furieusement, & les mit & tailla tous en pieces, sans qu'il en demeurast plus pas vn seul pour en porter nouuelle à la ville.

Les rebelles dudit Lunel se voyans en estat d'estre forcez & perdus par vne plus longue resistance & opiniaistreté, trouuerent que leur meilleur estoit de penser à eux de bonne heure, & auant qu'ils y fussent plus forcez.

Ils firent donc proposer à mondit sieur le Prince de Condé, quelque forme de capitulation, dans laquelle ils promettoient rendre la place moyennant quelques conditions qui toutes ne leur furent accordées, seulement on leur permit sous le bon plaisir du Roy, ce qui s'ensuit le 8. Aoust.

1. Que les Chefs & Capitaines des gens de guerre sortiroient de la place avec tout leur équipage, armes & bagage sauues.
2. Que pour les soldats & gens de guerre qui estoient dedans au nombre de douze cens vuideroient de ladite place, la vie sauue avec armes & bagages.
3. Que lesdits soldats & gens de guerre ainsi

1622.

Les rebelles
de Lunel de-
mandent à
capituler.

Articles à eux
accordez.

pardonnez par l'indulgence de sa Majesté, protesteroient & s'obligeroient par serment de ne porter de trois mois les armes contre le service du Roy, & se retireroient en autres villes que celles qui sont rebelles à sadite Majesté.

4. Que les murailles & fortifications faictes en ladite place, seront rasées pour preuenir à l'aduenir à semblables rebellions.

5. Qu'ils restabliroient l'Eglise des Catholiques attendant quoy, les Catholiques se seruiroient de leur Temple pour y faire leur exercice.

Sa Majesté leur accordant les graces que dessus, les a aussi garantis du pillage qui a esté defendu aux gens de guerre. Et suiuant cette Capitulation la place a esté reduite à son obéissance.

Garnisons
sorties de Lunel
deffaites
voulant aller
à Nismes, par
le Regiment
des gardes.

Après la réduction de Lunel, les douze ces soldats de la garnison qui estoit dedans, sortirent, & comme ils pretendoient se retirer dans Nismes, avec armes contre ce qu'ils auoient promis, furent rencontrés par le Regiment des gardes, & tellement chargez par ledit regiment, qu'ils furent presque tous mis & taillez en pieces, action toutefois que le Roy n'approuua pas.

Après la prise & réduction de la ville de Lunel, l'armée du Roy remonta iusques es enuirs de Nismes, sous la conduite de Monsieur le Prince de Condé, & Monsieur le Comte de Schomberg, où se ressouenant de la double rebellion des habitans de la ville

Sommieres 2.
fois rebelle.

& chasteau de Sommieres, qui l'an passé le vingt-quatriesme Septembre auoit esté reduite à l'obeyssance du Roy par Monsieur le Duc de montmorency, & du depuis pendant la maladie dudit Seigneur Duc, auroit secoué de l'obeyssance, & auroit receu les garnisons du Duc de rohan l'hyuer dernier: Sur ceste double rebellion, dis-je, par commandement du Roy, apres ladicte reduction de Lunel, Monsieur le Prince de Condé & le Comte de Schomberg avec vne partie de l'armée de sa Majesté, furent inuestir ladite ville & chasteau de Sommieres, qui se promettoit pou- uoir longuement subsister contre les armes du Roy, assuree qu'elle se vantoit d'une gar- nison de 12. cens hommes de pied, & de l'as- siette de son chasteau, qui est vne place des plus fortes de la Prouince.

Est assiegé
par Monsieur
le Prince de
Condé.

Ce chasteau est esleué sur le sommet d'une montagne, ayant quatre grosses & fortes tours, vn fort Pauillon au milieu, le tout entouré de triples murailles, force rauclins, lesquels se defendent & peuuent bailler secours les vns aux autres. Au pied desquelles murailles, il y a de tres-profonds & larges fossiez à fonds de cuue.

Au pied dudit chasteau est la ville de Sommieres, assez bien fermée, de laquelle les auenuës s'ont empeschées de toutes parts au moyen dudit chasteau, la riuere de la Vidonne passant au pied de ses murailles, empesche d'un plain abord ses approches.

Cela n'empescha pas neantmoins que M^o.

1622.

Aproches faites deuant la place.

seigneur le Prince n'en fist les aproches à son auantage, & ayant sa M. receu aduis que lesdites troupes rebelles s'estoient retirées en laditte ville, & mesmes fortifiées tant en la ville qu'au chasteau, en deliberation de soustenir le siege, & que le nombre s'augmentoit chaque iour de soldats, tant du costé de Nismes, Montpellier, Serieres, Vzez, Aubénas, & autres places de leur cabale qui participoient à leur fournir des prouisions de bouche, & munitions de guerre pour tenir vn long temps, comme estimans le chasteau imprenable.

Est battue par le canon du Roy.

Sur cet aduis le Roy commande audict Seigneur le Prince de Condé, & au Comte de Schomberg, d'assiéger ladite ville de Sommieres, & d'y faire conduire six mil-hommes de pied, & huiet cens cheuaux, avec le canon.

Le douziesme Aoust dernier, toutes les troupes & canons du Roy estans arriués deuant ladite ville, & Monsieur le Prince les ayans disposées, & le canon prest à battre, l'on commença de saluer lesdits rebelles par force volées de canon.

Le Dimanche quatorziesme Aoust ensuiuant, lesdits rebelles de Sommieres firent vne sortie fort furieuse, soustenuë neâtmoins avec grand courage par l'armée Royale: le combat fut fort aspre & opiniastre, tant par les assiegez que par les assiegeans, aussi de part & d'autre il y eut quelque perte.

Du costé du Roy y furent blesez monsieur

le Duc d'Aluyn fils de Monsieur le Comte de Schomberg d'une legere bleſſure à la jambe, Monsieur de Montharin d'un autre bleſſure legere, monsieur de Pigeolet Capitaine au regiment des gardes bleſſé d'une bleſſure d'angereuſe, & croit on que mal-aiſement il en pourra guerir.

1622.

Bleſſez du côté
ſté du Roy.

De la part des ennemis rebelles, ils furent tellement chargez en ce combat, qu'apres un bon nombre des leurs laiſſez ſur la place, le reſte fuſt contrainct de fuir & ſe retirer en la ville pour ſauuer leur miſerable vie.

Ennemis mal
menez.

Et eſt à noter que auant cette ſortie des ennemis, le canon du Roy auoit fait breche aux murailles de la ville, longue de trois toiſes & demie, ce qui commença à faire perdre le courage à ceux de dedans, mais qui toutes-fois s'eſtoient reſolus de reparer pendant que ceux qui eſtoient ſortis arreſteroient les gens du Roy au combat, ce qu'ils ne peurent faire neantmoins, car leurs gens qui r'entrèrent promptement en la place pour ſe ſauuer, donnerent une grande crainte aux habitans, & cauſa une grande conteſtation parmi eux.

Breche faite
à la place.

Cela les fit ſonger à eux, & ſ'aſſemblerent pour declarer de ce qu'ils debuoient faire en une affaire ſi importante à leur ville, car ils voyoient qu'il ny auoit plus pouuoir de ſouſtenir les aſſauts des aſſaillans, & que d'attendre un ſacq general ce n'eſtoit pas leur meilleur.

Plusieurs pourtant vouloient mourir en

1622.

Aucuns mu-
tins veulent
combattre iuf-
ques à la mort

ceſte deſence, eſtoient d'aduis d'employer le
verd & le ſec pour s'oppoſer aux aſſiegeans.
Les femmes meſme d'un courage incroyable
auoient priſe ceſte reſolution, & à toutes
forces vouloient s'aller ietter au milieu des
coups.

Toutefois les premiers & plus ſignalez de
la ville, voyants qu'autrement ils ne pou-
uoient eſchapper, reſolurent de ſe rendre, &
enuoyerent vers Monſieur le Prince de Con-
dé, pour le ſupplier d'accepter leurs humbles
ſupplications & requeſtes, & de n'uſer de
pillage en leur endroit; ceux du chasteau bien
que malgré eux ſuiuirent ce Conſeil, & ſe fa-
choient eſtonnement de ſe voir reduits à ce
point de demander pardõ à ceux qu'ils eſpe-
roient mettre en déroute.

Les articles & capitulations furent portées
à Monſieur le Prince de Condé, qui ayant ſur
ce mouuement delibéré ce qu'il deuoit faire
auec ſon Conſeil, leur a accordé, tant aux ha-
bitans & ſoldats qui ſont en ladite place, ce
qui ſ'enſuit ſous le bon plaifir de ſa Maieſté.

Articles ac-
cordez à ceux
de Sommieres

Premierement qu'on n'innoueroit rien en
ladite place de ce qui concerne les priuileges
& immunitéz à eux concedez autrefois, ains
que le Roy leſtiendroit ſous la protection de
ſes Edits ſuiuant ſes declarations cy deuant
faictes.

2. Que la garniſon dudit chasteau fortiroit
armes & bagues ſauues, mais que pour ceux
qui eſtoient dans la ville, & qui s'eſtoient iet-
tez dedans pour la defendre, qu'ils auroient

la

la vie sauue, & sortiroient le baston blanc en la main.

1622.

3. Que deuant sortir les soldats & la Garnison du chasteau presteroient serment de ne porter dauantage les armes contre le seruice du Roy, & que s'il arriuoit qu'ils fussent derechef recogneus, ils seront condamnez selon la rigueur des Loix.

4. Que pour ce qui concernoit, tant pour le Gouuernement de la ville & chasteau de Sommieres, que de la demolition des murailles & fortresse, le Roy s'en reseruoit la pleine & entiere iouyssance, comme de toutes autres demandes par eux faictes à sadiete Majesté.

Et en sortant on fit crier à tous les soldats deladite Garnison viue le Roy, & donna on passeport à ceux qui se vouloient retirer selon sadiete capitulation. Neantmoins Monsieur le Prince de Condé a fait pendre quelques vns des habitans qui auoient esté cause de ce soulleuement.

Pendant que tout cecy se passe au bas Languedoc, d'autres places s'affligent & se reduisent au Roy, en Albigeois, Foix & pais des environs de Montauban par le Duc de Vendosme.

Pour parler des diuers exploicts de guerre qu'il a faict en ces paislà, faut sçauoir que le Roy voulant nettoier la Guyenne & les environs de Montauban des villes rebelles, en donna la charge de tenir les ennemis en bride, de ce costé au Duc de Vendosme; & pour cest effect le constitua general de ses

1622.

armes en la haute & basse Guyenne, pais de Foix, Albigeois, & Dioceses de Toulouſe & de Caſtres, & le fiſt commencer à ſe rendre maïſtre de Clerac, & de là l'enuoya inueſtir S. Anthonin pendant que ſa Majeſté battoit & prenoit Negrepeliſſe.

Les aproches de la dite ville de S. Anthonin & les 2. furieuſes attaques qu'il y fit contrainrēt ceux de dedās à crier miſericorde & à ſe rendre à la diſcretion de ſa Majeſté qui y entra le vingt-deuxieſme du mois de Iuin dernier, & de là le Roy ſ'eſtant reſolu d'aller au bas Languedoc où il eſt à preſent, laiſſa ledit Seigneur pour nettoyer & remettre en l'obeiſſance de ſa majeſté toutes les autres places d'alentour de Montauban, pourquoy faire, en attendant les troupes à luy ordonnées par ſa Majeſté, n'ayant encores auecluy qu'environ deux mil-hommes de pied & deux à trois cens cheuaux qu'il auoit tirez partie des Garniſons: Il ſe reſolut d'assiéger Lombez ville importante pour la communication qu'elle donnoit aux villes de Caſtres, Montauban, Sainct Pol, realmont, Puy-lorans & autres villes rebelles au milieu deſquelles elle eſt ſituée, & auoit eſté poſſédée par ceux de la religion pretenduë, par l'eſpace de 60. ans ſans que deux ſieges qui y auoient eſté cy deuāt mis euſſent peu la leur oſter des mains.

Siege de Lombez par le Duc de Vendosme.

Le Duc de Vendosme ſ'y eſtant rendu auec ce petit nombre d'infanterie & Cauallerie le vingt-fixieſme Iuillet dernier, il fiſt inueſtir la ville auec ſi grande diligence & de telle furie

que d'abord les soldats se logerent sur la contr'escarpe du fossé quelque resistance opinistre que fissent les ennemis, qui sortirent sur eux, & furent repoussez apres vn grand combat, où ils firent perte d'un bon nombre de leurs meilleurs soldats, & ledit Duc, des sieurs de Boniuat, & Grandin gentil-hommes ordinaires de sa maison, comme aussi le sieur de Comblat y receut deux bleffes fauorables.

1622.

Combat fort aspre.

Le vingt-septiesme dudit mois on commença à battre les defences avec deux canons, & le vingt-huictiesme on continua la battetie avec six canons, iusques au soir du vingt-neuf^{secours pour} que le secours des ennemis parut, composé^{les assiegez.} d'environ trois mil-hommes de pied & de quatre cens chevaux, conduits par le Marquis de Malose: Ce qui fist résoudre ledit Seigneur Duc de faire monter sa cauallerie à cheual, & prendre partie de son Infanterie, laissant les tranchées garnies sans rié leuer des postes du siege, & s'acheminer droict à eux pour les combattre.

Les ennemis estoient logez sur vne haute montaigne, & en vn bois à costé, de sorte qu'on ne iugea pas à propos d'entreprendre de les forcer en vn lieu si aduantageux, où on ne pouuoit aller qu'en montant, & à la mercy de leur Infanterie logée dedans le bois.

C'est pourquoy pour essayer de les attirer à la campagne, il fist attaquer vne grande escarmouche qui dura cinq bonnes heures, & iusques à ce que la nuit suruint, qui leur donna

moyen de se retirer dedans leur fort avec perte de leurs gens.

Le lendemain la journée entiere se passa en semblable escarmouche où les ennemis receuant tousiours de notables pertes de leurs soldats, furent contraincts de se retirer à la faueur dela nuit dedans Realmont qui n'est qu'à demiclieuë delà. Ce qui fist retourner mondit Seigneur de Vendosme à continuer son siege.

Assiegez abā
donnent la
place.

Les assiegez se voyant pressez, & ayant perdu l'esperance du secours qui s'estoit retiré, se resoürent de quitter & se sauuer par vne porte qui leur estoit demeurée libre, à cause du peu de gens qu'il y auoit en l'armée de mondit Seigneur. Ce qu'ils firent à la faueur dela nuit, abandonnant la ville, leur famille & leurs biens.

Pillage de
Lombes.

Sur la poincte du iour du dernier iour dudit mois, ledit Seigneur Duc faisant aduancer ses troupes pour donner l'assault, trouua la breche abandonnée, & les portes ouuertes, ce qui luy fist craindre que les ennemis n'eussent quelque dessein caché. C'est pourquoy il enuoya recognoistre, & ayant esté asseuré qu'il ny auoit plus que les femmes & enfans dans la ville, il les fist mettre à seureté, & donna le pillage aux soldats: & le reste du iour ayant donné ordre à la demolition des murailles, fortifications anciennes & modernes, & à combler les fossez. Il en partit le lendemain & s'en alla a Groüillet pour y attendre vn iour ou deux le reste de ses

troupes pour continuer avec l'ayde de Dieu les heureux progresz des armes de sa Majesté.

Ainsi le Duc de Vendosme ayant en cinq iours, & à la teste d'une armée plus forte que la sienne, prins la ville de Lombez, ruiné les murailles, comblé les fosses, & réduit les logemens en tel estat qu'elle ne servira iamais de retraite aux rebelles, qui l'avoient gardée soixante ans, se resolut d'aller mettre le siege devant la ville de Bristeste, & ayant fortifié son armée du Regiment de Monsieur le Prince de Martigues son second fils, composé de douze ou treize cens hommes aussi braues & lestes qu'il y en ayt en France : Il partit de Grouillet le dixiesme de ce mois, & comme il est preuoyant, il iugea bien que les ennemis pourroient espier l'occasion de charger quelques troupes escartées sur le chemin, c'est pourquoy il ordonna M. du Hallier Vitry, Capitaine des Gardes du corps du roy, & mareschal de Camp en ladite armée pour marcher en quetië, en quoy sa preuoyance ne fut point deceuë; car les ennemis s'estât mis aux chäps, & trouué quelque bagage escarté de l'armée, donnerent dessus, & l'auoient enmené si ledit sieur du Hallier ne s'y fut incontinent rendu avec trente maistres, & quelques carabins, à l'arriuée desquels les ennemis se retirerent; & neantmoins tousiours en se combattant iusques aupres d'un bois, où ils auoient deux cens mousquetaires en embuscade, qui firent leur saluë, puis sortirent furieusement

1622.

Laisse en campagne M du Hallier Vitry pour battre l'ennemy.

1622.

sur les gens dudiect sieur du Hallier.

Il estoit desia engagé au combat contre ceux qu'il suiuiroit, & y auoit grand'apparence qu'un si grand nombre de gens frais, logez à l'auantage, le deuoit mettre & les siens au fil de l'épée: Mais par l'assistance de Dieu, secondée de son courage & de sa valeur, il en arriua tout autrement; car ayant encouragé les siens par son exemple, il donna si furieusement sur lesdits ennemis, qu'il les mist en fuite, en ayant laissé quarante morts sur la place, sans autre perte de son costé que deux carabins du sieur Arnauld, & d'une blessure qu'il receut d'un coup de hallebarde au genouil, laquelle ne l'empeschera pas qu'avec l'ayde de Dieu il ne puisse dans peu de iours continuer à faire sentir aux rebelles les efforts de son inuincible courage, & rendre seruiue au roy.

Le Duc de Vendosme va au deuant de ceux de Montauban qui barattoient la campagne.

Cependant ledit Seigneur Duc de Vendosme s'estant rendu à S. Sulpice, il receut aduis que ceux de Montauban (ayant prins le tēps de l'absence de M. le mareschal de Themines qui estoit demeuré aux enuirs de ladite ville, lors que mondit Seigneur s'en esloigna) faisoient des courses, & attaquoient quelques places, en auoient desia prins quatre ou cinq, & se vantoient de se mettre bien-tost aularge, apres auoir si long temps esté referrez, mesme que le sieur de Montbrun, commandant à present en ladite ville de Montauban, s'estoit auancé avec trois cents cheuaux, & ce qu'il auoit peu ramasser d'Infan-

terie iusques à Ville-brunier, scituée sur la riuierre du Tar, à vne lieuë de Villemur: Sur cect aduis, mondict Seigneur partit dudit saint Sulpicele Vendredy douziésme de ce mois d'Aoust, sa Cauallerie deuant, fist suivre l'Infanterie, & doubler l'équipage de deux canons pour aller plus viste, & par vne diligence admirable qui luy est ordinaire, pressa les choses en telle sorte que ledit sieur de Montbrun, qui brusloit le bourg de Villebruniers, & commençoit à fortifier le chasteau, n'eust aduis de sa venuë que par les coureurs, à la venë desquels il s'enfuit au galop iusques à renyés, place qu'il tenoit à vne lieuë de là, sans qu'il y eust moyen de luy faire tourner visage, quoy que le pistolet sur les reins: on luy reprocha sa honte, & qu'il vist nombre des siens abbatus, morts à coups d'espée & pistolets.

L'Infanterie dudit sieur de Montbrun, abandonnée de la cauallerie, qui s'estoit mise en fuite, se dissipa & se sauua, partie dans les vignes, les autres plus pressezz se retirèrent dans le chasteau, ayant neantmoins laissé plusieurs de leurs compagnons estendus en diuers endroits de la campagne, & plusieurs autres ont esté tuez dans les vignes, entre lesquels depuis on trouua & recogneut le Capitaine dudit Villebrunier.

Le canon & l'Infanterie estant arriuez sur le soir dudit iour, ayant fait six lieuës Françoises, depuis dix heures du matin, & par vne chaleur si excessiue, que quatre soldats en

demeurerent estouffez : ceux qui s'estoient retirez dans le chasteau furent sauez de quelque volée de canon, tirée de l'autre costé de la riuere, & la place inuestie, mais l'épouuante estoit si grande parmy eux, que la pluspart des soldats assiegez à la faueur de la nuict, qui estoit tres-obscur, se coulerent dans le fossé, & par de petits sentiers qu'ils cognoissoient, se sauuerent, n'en ayant esté pris que dix, dont neuf furent pendus sur le champ, desquels neuf en mourut 8. rendus Catholiques, la vie fut sauuée au dixiesme, en consideration de son bas âge.

Reniers abandonné des rebelles sur l'arriuée dudit Duc de Vendosme.

Fatigue extreme pour le sieur de Montbrun

Bien que ledit Seigneur Duc de Vendosme eust tout sujet de chercher du repos, ayant eu tout le iour les armes sur le dos, souffert vne chaleur extreme, & demeuré toute la nuict à cheual; neantmoins sur la pointe du iour du lendemain treizieime dudit mois, il s'auance à Reniers, qui fut encore abandonné à la veuë des coureurs : il suit sa pointe, & prend vn autre fort qui fut semblablement quitté par les ennemis à la veuë de ses armes; & ayant diuisé ses troupes, reprit en vn iour & vne nuict ce que les ennemis auoient gaigné durant son esloignement, avec tant de pertes & de fraiz, & par l'effort de tout ce qu'il y auoit de rebelles en ce cartier là, & laissa vn tel effroy parmy eux, que les cheuaux dudit sieur de Montbrun, & de plusieurs autres de sa troupe, creuerent arriuant dans Montauban, tant il les auoit pressez pour se sauuer, cōme on a sçeu depuis

par vn trompette sorty de Montauban; & qui plus est, cinq cheuaux legers de la compagnie dudit Seigneur Duc, ayant donné iusques dedans les portes, y firent plusieurs passages, sans qu'aucun en ait osé sortir.

Cela fait, ledit Seigneur Duc de Vendosme estant allé à Villemur, il donna les departemens au Regiment de Thoulouze, & à quelques autres regimens; leur laissa de la cavallerie pour les soutenir, & les logea sur toutes les auenues de Montauban; en sorte que ceux qui sont dedans n'en pouuoient plus sortir qu'ils ne fussent pris, comme furent trois espions qu'ils auoient mis dehors, trouuez chargez des lettres dudit sieur de Montbrun à Monsieur de Rohan, qu'il qualifioit General des Eglises Reformées de France, & de plusieurs autres lettres que les particuliers habitants de Montauban escriuoient à leurs amis, qui conuenoient & se rapportoient toutes à prier & coniurer qu'on trouua moyen de les tirer de la misere extrême où ils estoient reduicts, estant surchargez de contributions, de logemens de gens de guerre, de gardes continues, & de faute de commoditez, le commun peuple n'ayant pour viure que du pain & de l'eau, & ayant affaire à vn Prince qui ne dort point, & qui se portesi facilement d'un lieu à l'autre, qu'ils ne peuuent rien recueillir, & qu'ils seroient contrains de se retirer, si bien-tost on ne leur donnoit liberté par vne bonne paix: ce sont les termes & la substance desdites lettres, dont les porteurs furent peü-

des pour augmenter la terreur aux ennemis, & destourner les autres par leur exemple, de leur rendre de pareils seruices.

Cest ordre donné par ledit sieur Duc, il se disposa avec ce qui luy restoit de troupes, de faire obeyr saint Paul, Lamiatte, & Briteste, trois places rebelles, qui bien que bonnes, bien fortifiées & deffenduës de fortes garnisons, ne peuuent resister long temps, à la force & au bon-heur des armes du Roy, fauorisée d'une tres-visible assistance de Dieu, & mises par sa Majesté entre les mains d'un Prince si vigilant, si prudent & si courageux, & qui espere moyennant la grace de Dieu, & le bon-heur de sa Majesté, que les recreuës estant faites, & son armée complete, il sera en estat de faire de plus grands progrez pour le seruice de sadite Majesté.

Après la reduction de toutes les places cy dessus tant du bas Languedoc, que de l'Albigois, pays de Foix & autres lieux. Le Duc de Rohan voyant que les affaires des rebelles alloient de iour en iour en decadence, qu'il ny auoit plus que Montpellier, Nismes, Véz, Castres, & quelque peu d'autres places qui soustenoient le party, & encore toutes menacées de sieges, toutes incommodes & priuées d'assistance & secours pour les autres places voisines, qui s'estoient reduictes au Roy. Que deux des principales dont ils faisoient autrefois estat pour l'assistance de Montpellier & de Nismes, auoient esté reduictes, à sçauoir Aiguemorte, que M. de Castillon auoit remise

entre les mains de sa Majesté, r'entrant en son debvoir d'obeissance, que la recognoissance du merite de sa personne, & les tesmoignages qu'il a rendus de son entiere affection à l'advenir au service du Roy, sa Majesté l'auroit honoré d'un breuet de Marechal de France, pour d'autant plus l'obliger davantage en son debvoir, & que sa M. à l'instant auoit changé la garnison dudit Aiguemorte, & y auroit mis pour Gouverneur M. de la Varène, & que pour Lunel on en auoit disposé de la sorte que dessus, & que l'on attendoit plus que la saison des chaleurs fust plus moderé, pour assieger le reste de leurs places.

Ledit sieur Duc de Rohan, prit resolution dès lors de faire quelque sorte d'accommodement & se seruir à ce subiect de l'entremise de M. le Connestable de l'Escliquieres qu'il alla trouuer au Pont du S. Esprit, ce que ledit sieur Connestable accepta volontiers, & obtint permission du Roy de traiter avec luy, & pour ce que quelques sepmaines se passerent en ceste conference, où il y alloit d'un traité general pour la paix & repos de tout le Languedoc: attendant le resultat qui fut autre que l'on ne se promettoit, voyons ce qui s'est passé du costé de la Rochelle, depuis que sa M. est partie de Royan au mois de May dernier iusques à present, puis que ie me suis reserué iusques icy d'en escrire les particularitez.

Donc sa Majesté apres le siege de Royan auant que d'entrer en Guyenne desirant d'empescher par terre, les courses des

Le Duc de
Rohan prie
M. le Conne-
stable d'entrer
en traité.

Rochelois, attendant l'arriuée de son armée nauale, qui deuoit venir en peu de mois, pour la bloquer du costé de la mer, & leur fermer le Haure, enuoye par terre six mil hommes de pied, & douze cens cheuaux, avec vn equipage d'artillerie, pour faire des forts & degats au tour de ladite ville de la Rochelle, & aussi pour donner tēps & commodité au Seigneur, Pompeius Targon grand ingeniateur d'Italie, enuoyé par le Pape à sa Majesté, pour se seruir de luy au bloquement de ladite place, comme il se dira cy apres.

M. le Comte
de Soissons
General de
l'armée du
Roy deuant
la Rochelle.

La charge de ceste armée, fut donnée par le Roy à Monsieur le Comte de Soissons, qui y commanda en qualité de Chef, ayant sous luy le Marechal de Vitry pour Lieutenant, & pour Marechaux de camp, les sieurs Marquis de Nesle, de Seneterre, de Bourg, l'Espinasse, & d'Orillac, ledit sieur Marquis de Nesle ordonné encore outre ceste charge, pour faire l'office de maistre de camp de la cauallerie legere de l'armée.

La place d'armes fut prise és enuirs de Xaintes, où ledit Seigneur Côte de Soissons se rendit avec tous les chefs de l'armée.

Pour le costé de la mer, comme tous les Princes & Estats Catholiques ont interest à la conseruation du droit des Souuerains, contre leurs subiects rebelles, aussi presques tous les Estats d'Italie, mesme Monsieur le Grand Maistre de Malte, ont contribué grande quantité de vaisseaux pour se ioindre à l'armée nauale, que le Roy pretend mettre deuant

ceste mererebelle la Rochelle.

1622.

Ceux de saint Malo del'Isle, ont fait vn equipage de mer, le plus beau qui se soit veu de long temps, eux seuls en veulent auoir la conduite, avec l'adionction d'une grande quantité de vaisseaux, tant de Normandie que de Bretagne, qui attendent le commandement de sa Majesté pour partir.

Aussi à Marseille on a équipé la pluspart des Galleres de guerre, pour amener deuant ceste place, de sorte que toute ceste armee navale du Roy, estant iointe, elle sera composée des vaisseaux qui suivent, tant François qu'Estrangers, sçavoir

Quatorze navires de marseille des plus beaux
qui soient en tout le Haure.

Nombre des
vaisseaux qui
s'y doivent
trouver.

Dix Galleres Françaises lestement équipées.

Trente huit Galleres Venitiennes.

La grande Galliasse de Venise, dans laquelle il y a deux cens pieces de canon, & douze cens hommes de combat.

Le grand Gallion de Malte, du port de seize cens tonneaux, dans lequel aussi y a trois cens Caualliers.

Douze beaux navires de Florence, enuoyez par le grand duc de Toscane, équipez de tout ce qui se peut desirer.

Vingt navires de S. Malo fournis de douze cens bons soldats, & de tout ce qui est requis en vn tel equipage. Voila l'estat de ceste armée navale.

Dés l'an passé les Galleres de Marseille, par-

1622.

tirent du Haure au nombre de dix, qui apres auoir seiourné quelques mois sur la mer, passerent finalement ce destroit, & vinrēt se mettre à l'abry au port de Lisbonne en Portugal, où elles passerent l'hyuer.

Le Prin-temps retourné, elles se remirent sur mer, & arriuerent sur la fin de May dernier vers les costes de France.

Les Rochelois veulent empescher les Galleres de sa Majesté.

Les Rochelois, d'autre costé, ayant eu aduis que ceste armée nauale de sa M. qui venoit de Lisbonne, se diligentoit pour les venir presser, ils se voulurent ayder du secours de leurs amis, afin d'empescher que ladiète armée ne peust leur apporter de l'incommodité, si bien qu'ils firent armer iusques au nombre de 60. voiles, qu'ils ennoyerent és environs de l'Isle d'Argenton, scituee dans la mer à deux lieues de Royan, laquelle ils auoiet fait fortifier de trois bastions & d'une demye lune, & y auoient mis bone garnison en dessein d'attaquer & repousser les gardes de sa M. Nonobstant lesdictes Galleres nelaissierent de passer à la barbe des Rochelois, & encore qu'ils montraissent auoir beaucoup de courage, neantmoins les conducteurs desdictes Galleres leur firent paroistre qu'il ny a force tant audacieuse qui ne doiuue céder à la iustice des armes du roy, tellement que comme les vaisseaux desdits rebelles s'aduancerent vers les Galleres de sa M. en intentiō de les repousser, en mesme temps furent tirees sur eux force canonades, & avec telle furie que deux desdits vaisseaux rebelles furent mis à fond.

Cela faict lesdites Galleres qui n'estoient que dix en nombre, cinglerent courageusement dans la riuere de Bordeaux, pour auoir moyen de faire venir & approcher dix vaisseaux ronds, qui attendoient de iour à autre à partir du port, pour ioinde lesdites Galleres, & à l'instant allant inuestir ladite Isle d'Argenton, assiste du Gouverneur de Blaye & de Royan, ce que voyans ceux qui estoient dedans, & perdâs courage l'abandonnerent, & à l'instant les gens du Roy s'en emparerent, on se saisit des forts que les Rochelois y auoient faicts, & mist-on à la chaisne le reste qui se trouua en ceste Isle.

Après la reprise de ladite Isle d'Argenton, l'armée nauale s'alla rafraischir au port de Mesche proche Royan, attendant l'escorte des nauires de Bretagne, lequel venu elle prit la haute mer & vint se rendre à la riuere de Nantes, après auoir faict quelque combat avec les vaisseaux Rochelois, où le vaisseau du Cheualier de la Vallette fit merueilles.

Galleres s'a-
cheminent
vers la riuere
de Nantes.

Pendant cecy Monsieur le Comte de Soissons se resolut de faire aduancer ses troupes vers la Rochelle, il partit le quinzième Iuin de Xaintes avec le canon, fit faire mōstre Generale à toute son armée le 18. ensuiuant, puis s'alla loger es enuiron de la Rochelle.

L'État de son armée estoit tel.

Le Regiment de M. le Comte de Soissons, composé de dix enseignes.

Le Regiment de Champagne, composé de huit enseignes.

1622.

Denombre-
ment de l'ar-
mée du Roy
deuant la Ro-
chelle.

Le Regiment de M. de S. Luc composé de six enseignes.

Le Regiment de la Bergerie, composé de six enseignes.

La compagnie de gés d'armes de M. le Comte, composée de 60. maistres.

La compagnie de M. le Marechal de Vitry, de 60. maistres.

La compagnie de la Royne, de soixante maistres.

La compagnie de la Royne mere du Roy, de soixante maistres.

La compagnie de Monsieur de Verneuil, de cinquante maistres.

La compagnie de M. le Duc de Nemours, de cinquante maistres.

Plusieurs autres troupes tant de pied que de cheual, sont arriuees du depuis qui ont grossi ceste armee, de plus de deux mil hommes.

L'estat des
gens de guer-
re de la Ro-
chelle.

Pour les forces quel'on a peu recognoistre estre dans la place, on tient que l'ordre en est tel.

Quinze compagnies de François, y comprenant les six compagnies des habitans.

Huit vingt Anglois, diuisez en trois compagnies.

Deux compagnies Hollandoises.

Quatre cens cheuaux.

Le sieur de la Nouë y commandoit en Iuin dernier en l'absence du Baron de Fanac, qui estoit en Angleterre, & estant de retour, il y eust de la ialousie au Gouvernement entre ces deux

deux chefs, qui rendit les habitans presque my-partis & en grand trouble.

1622.

Monsieur le Comte se logeant és enuirs de la Rochelle, fit commencer à construire vn fort, où furent logez dix pieces de canon sur vne platte forme, esleuée à vn coup de mousquet de la place pour la battre en ruine.

Au mesme temps il enuoya le sieur de Seneterre à l'Isle de Nermonstier pres Marans, pour voir le fort que le Roy y faisoit faire de nouveau, pour y rafraischir l'armée nauale de sa Majesté. On ne fut guerre deuant ceste place sans faire de grandes escarmouches de part & d'autre.

La première chose que commanda faire M. le Comte de Soissons, estant arriué vers la Rochelle fut de les releuer de la peine de faire la recolte des foings, où commencerent ses premiers exploits d'armes contre les ennemis, car ayant renforcé les garnisons des plus circonuoisines, & faict faucher quelques prez qui estoient és enuirs d'icelle, ainsi comme ils estoient prest à charger & enleuer, ledit sieur Comte auroit commandé quantité de charniers pour les transporter : & pour obuier à quelque sorte d'empeschement qui leur pourroit estre faict de la part des rebelles, auroit aussi commandé à deux compagnies de Carabins, & deux de gés de pied, de les assister avec pouuoir de charger lesdits rebelles en cas qu'ils fissent quelques sorties.

Fort construit
par M le Côte-
de Soissons
deuant la Ro-
chelle.
Foings coup-
pez par les
gens du Roy.

Pour donc executer ce dessein, ledit sieur Comte de Soissons fit commandement au

seigneur de Villeforte Capitaine de commandement
lesdits Carabins, lequel les mit en embuscade
derriere des hayes proches desdits prés, en sorte
qu'ils ne pouuoient estre descouverts des rebelles,
& mit les gens de pied dās les bleds tout
ioignans, & comme lesdits chartiers commandèrent
à charier lesdits foins, pour les transporter
es lieux designez, assistez de quantité de
Villageois des Parroisses voisines, qui auoient
aydé à faire leurs charges, lesdits rebelles de la
ville de la Rochelle, sans se doubter des embuscades
qui leur estoient dressées, delibérerent
en leur Conseil de guerre de faire vne sortie,
& se ruer sur lesdits chartiers, & faire en
sorte que lesdits foings fussent emmenez en
la ville.

Ceste deliberation faicte, le vingt-deuxiesme
Iuin, sur les trois heures du matin ils firent
aussi sortir de la ville deux compagnies de ca-
uallerie & autant de pied, montant le tout à
quatre cens hommes ou enuiron conduicts par
le sieur de la Roziere Hollandois de nation &
habitant de la Rochelle y a douze ans & plus,
lesquels estant sortis de ladite ville, allerent
droit vers lesdits chartiers, & voulant comen-
cer à les charger furent incontinent attaquez
& enfermez par lesdites embuscades & de telle
sorte chargez, que de tout le nombre
n'en resta pas vne trentaine, qui ne furent tant
tuez que blesez.

En ceste defaite furent pris 2. drapeaux &
vne cornette qui furent portez audit Seigneur
Comte, & pareillement cinq prisonniers des

plus notables de la rebellion, dont l'un d'iceux estoit nepueu du sieur de Bessay, lequel estoit tellement blessé qu'il ny auoit nulle esperance de vie.

Ledit sieur Comte de Soissons n'est pas en deliberation de leur faire meilleure part des prouisions qui se cueillent aux lieux circouoissins de ladite ville, que celle qui leur fut faite l'année passée, ayant commencé desia à faire couper & enleuer quelques orges, & fait venir quantité de païsans pour serrer les autres bleds qui estoient prests à couper.

Du costé de la mer ils ne doiuent esperer davantage que par terre, estant toutes les aduenües & passages bouchees, & principalement celuy de Chef de Bays, pres duquel il y auoit quatre nauires de guerre, qui empeschoient iournellement, tout ce qui pourroit entrer en ladicte ville de la Rochelle, & n'ont si tost descouuert quelque chose qu'ils courent dessus.

Les Ollonnois d'autre part empeschent du tout le costé de Maran à la Rochelle, & firent en ce commencement tres-bien contre deux nauires rebelles qui venoient à la picorée, lesquels estoient chargées de moliës de terre neufue, & conduits par vn nommé le Capitaine Bô-port Hollandois, homme fort estimé pour le fait de la marine, & d'un tres-grand courage: mais toutes ces belles & grandes perfections ne le peurent garentir d'estre pris, & ses deux nauires cõfisquees ausdits Ollonnois, qui les retenans à rançon les menerent prisonniers audit Maran,

1622.

Bon Port Capitaine Hollandois de la Rochelle pris par les Ollonnois.

Rochelois
defaits par
la compagnie
du Duc de
Nemours.

Vne autrefois au passage de Louppin près Soubise, les Ollonnois ayant encore descouvert vn nauire qui venoit au clair de la Lune, pour entrer nuictamment dans le Haure de la Rochelle, mais ayât esté decouverts par celuy qui estoit en sentinelle à la poupe, ceux de dedans prirent la fuitte en plaine mer, & les Ollonnois ne peurent rien executer sur eux.

Le vingt-huictiesme Iuin Monsieur le Côte de Soissons apres auoir fait faire monstre generale à son armée & donné les departemens requis & necessaires pour bloquer par terre toutes les aduenues de ladite ville de la Rochelle, fit aduancer ses compagnies de cheuaux legers & Carabins (qui est toute son auant garde) vers ladite ville, où se trouua entr'autres la compagnie du Duc de Nemours, conduite par le sieur de Courbouzon son Lieutenant, qui alloient pour descouurer les embuscades qui pouuoient estre dressées par lesdits Rochelois: enfin ledit iour Monsieur le Comte arriua à vn village nommé Lalan distant de la Rochelle d'une petite lieuë ou enuiron, estant avec le gros de son armée, il eut aduis qu'à vn petit village appelé S. Maurice qui est fort proche de la ville, & luy sert comme de fauxbourg, il y auoit quelques mousquetaires qui s'estoient iettez là dedans en intention de faire quelque charge sur son auantgarde, pourquoy preuenir, il enuoya ledit sieur de Courbouzon avec sa compagnie de cheuaux legers, qui les trouua dans ledit S. Maurice, & les tailla en pieces.

Depuis ces exploits de guerre les troupes dudit Seigneur Comte s'efforcēt à qui mieux mieux de triompher dans cet honorab le exercice, de sorte que depuis que l'on s'est approché de ladite ville de la Rochelle, il ne se passa iour qu'il ne se soit fait quelques deffaiċtes des rebelles de ladite ville, ainsi que vous verrez par le iournal suiuant.

En ceste deffaiċte furēt pris quelques prisonniers, entre lesquels fut arresté Salignā d'Enesse ^{Salignan d'Enesse assassiné du feu sieur de Boisse Pardailan pris deuant la Rochelle par les gens de M. le Comte de Soissons.} qui sur la fin del'an dernier, assassina dans Genſac le sieur de Pardailan de Boisse, & qui pour esuiter la iustice du Roy s'estoit sauué à la Rochelle; De la part du sieur Comte il n'y eut que le Cornette des Carabins de M. de S. Luc qui y fut tué, parmy les morts ennemis, se trouua vn Capitaine Anglois, l'un de ceux qui commandoient aux nouuelles troupes Angloises dans la Rochelle. Les canonnades n'y furent pas espargnées tant sur ledit lieu de S. Maurice que par dessus iceluy dans la campagne, qui Dieu mercy n'endommagerent personne.

Le 6. Iuillet quelques troupes estant sorties de la Rochelle pour battre à la campagne, & decourir si les gens de M. le Comte de Soissons faisoient bonnes gardes, s'y trouuerent incontinent enfermées & enuironnées de deux ou trois cens hommes tant de pied que de cheual, qui les chargeant en dos en tuerent quelques vns, les autres se sauuerent à la fuitte, le reste demeurez prisonniers, liez & garrottez, & dont aucuns par commandement de M. le Comte furent pendus & estranglez.

1622.

Autre deffaite
des Rochelois
par ledit sieur
de Courbou-
zon.

Le neufiesme iour de Iuillet, ledit sieur de Courbouzon destit vingt-quatre soldats, & en prist huit prisonniers, entre lesquels fut vn Lieutenant de la ville, auquel on demanda mil pistolles de rancon, puis on prit vn hoste de la Rochelle avec des cheuaux conduisans du vin près ladite ville, iusques contre les bastions d'icelle, les soldats du Roy prenant haye & cheurons des maisons qui estoient contre ladicte ville, & en furent les heutes.

Le dixiesme Iuillet, le Marquis de Beuron fut pris pour aller trouuer le Roy, & l'asseurer comme les nauires estoient parties de S. Malo, pour aller faire escorte aux Galleres arriüées à Marseilles. Ce mesme iour M. de Dompierre fit parler de sa conuersion.

Le mesme iour M. le Comte reçoit nouuelle que M. le Cheualier de la Vallette auoit pris avec les galleres vn nauire ennemy, où il y auoit vingt Gentils-hommes Normans, & quinze canons avec certaine somme d'argent, nous parlerons cy apres de cecy.

Le douziesme Iuillet l'on battit la Rochelle en ruine avec trois canons, leur Temple en fut creué en plusieurs lieux, ce qui se void mesme du camp.

Ce pendant le fort s'aduançoit, y ayant chascun iour cinq à six cens ouuriers, & principalement gens à couper le rocher, qui s'y rencontra dès le commencement, l'ennemy tiroit sans cesse: mais quasi sans effect, les gens du Roy estans à couuert.

Le Ieudy 14. de Iuillet, trois pieces bat-
toient la ville en ruine tout le iour, & perça
on en trois lieux le Temple, le canon donna en
la porte, occasiō que on ny faiēt plus de pref-
che, il y eust vn moulin endommagé, & plu-
sieurs maisons avec des blesez, tellemēt qu'un
nommé Bertineau, que les Rochelois auoiēt
laissé aller sur sa foy pour quinze iours, asseura
au camp que ceste façon de batterieles eston-
noit fort, & principalement qu'un boulet
ayant donné dans le pignon de la maison de
ville, où se tenoit lors le Conseil esponuenta
tellement les assistans que la pluspart se mi-
rent le ventre à terre, dont on les gaussa par
apres.

Ce mesme iour des soldats du Roy alle-
rent prendre pres la ville le linge estendu pour
seicher, & amenerent deux bourgeois pri-
sonnieres qui plioient le linge, les autres se fau-
uerent.

Le Dimanche 17. dudit mois, la trompette
de M. de Soubize vint a leuer de Monsieur le
Comte demander ce qu'on vouloit faire des
Gentil-hommes pris par les galleres, y auoir
quelques iours, en nōbre de vingt-deux, avec
les vaisseaux, quinze pieces de canō avec quel-
que somme de deniers, & luy fut respōdu que
cela n'estoit de la cognoissance de Monsieur le
Comte, qui n'auoir pouuoir que sur les pri-
sonniers pris sur terre.

En ce mesme temps, Monsieur de Sou-
bise estoit en Angleterre, attendant ce que

Ff iijj

La Rochelle
battue en rui-
ne par le canō
du Roy.

1622.

fera M. de Rohan pour son accord, ne pouuât pratiquer aucun secours pour la Rochelle.

Cemefme iour se fit l'abiuration d'heresie de Monsieur de Dompierre.

Le Lundy dix-huictiesme Iuillet, le Seigneur Pompeio Targon, ingenieux enuoyé du Pape pour seruir le Roy à la Rochelle, passa de rechef à basse mer le traieët, où il vouloit faire la chaisne, & estant à cheual vn cordeau en main, prit la longueur, & l'on recognut que de vingt-quatre heures en vingt-quatre heures vn fort pourra secourir l'autre par vn traieët mesme.

Dissention
grande à la
Rochelle sur
le faict des
chefs.

Le Mardy 19. Iuillet, quelques compagnies Rocheloises refuserent de prester le serment deuant la Nouë, voulans adherer à Fauas, huiët compagnies seulement presterent ledit serment qui causa vne grande dissention entre Fauas & la Nouë.

Le 21. dudit mois, les nauires ennemies furent veuës par ceux du camp, lesquelles aloiët en Olleron, l'on assieura à monsieur de Seneterre qu'il ny auoit dans lesdits vaisseaux que 20. hommes au plus, contant les canoniers & matelots en chasque nauire, on eut aussi nouuelles par vaisseaux Normands & Bretons volontaires, qui estoient venus pour voir le combat de mer, que la flotte s'approchoit, & tenoit on que les Rochelois se soubmettroient à l'obeissance, s'ils estoient vaincus du costé de la mer.

Le 23. dudit mois, la cauallerie du Roy attrappa les Rochelois à la piccores & en

de la Rebellion de France. 457
fut tué en deux troupes 27. & neuf menez
prisonniers.

1622.

Le Ieudy 28. Iuillet, les Rochelois, firent
vne sortie de six cens hommes de pied, qui
conduisoient les charrettes pour se barricader,
& quarante cheuaux qui sortoient la
teste baissée vers le fort du Roy, Monsieur de
Maillet avec son regiment estoit en garde, qui
voyant venir les ennemis, defendit aux sol-
dats de ne tirer.

Les Rochelois s'aprouchans & voyant que
ceux du Roy n'alloient point escarmoucher
selon leur ordre, s'arrestèrent court, cepen-
dant l'alarme se donna au quartier du Roy, &
aussi tost voila monsieur le Comte de Soif-
sons à cheual tout armé, & les cheuaux legers
pres de luy qui à toute bride coururent vers
le fort, les Rochelois les voyans croistre met-
tent leurs charrettes au trauers des chemins,
& la caualerie de la Rochelle faisoit mine d'en
vouloir manger, mais ils ne vouloient qu'at-
tirer ceux du Roy sur vn tertre sur lequel le-
dit canon donnoit à plomb, de dix ou douze
pieces pointées, les mareschaux de camp ayât
descouvert ceste ruse, firent aller à la droite la
caualerie cōtre l'énemy qui ne māqua de tirer
le canō: mais il ne bleffa persōne pour ce qu'il
dōnoit tātost trop haut, tātost trop à gauche:
les Rochelois voyans le dit canon sans effet se
rerēt, lors vn des cheuaux legers du Roy, reti-
huguenot nommé Vau de Gede s'alla ietter
avec les Rochelois, & ayant faict signe du
chapeau, quatre cheuaux luy vindrent au de-

Malice des-
couuerte.

1622.

uât pour le receuoir, l'on tenoit cest espion là estre de Brie, & hôme de peu de cōsideratiō.

L'ennemy donc voyant de la ville que leurs gens du Roy se retiroient, commencerent à canonner ceux du Roy, par terre & par mer, & ne blefferent qu'un viuandier qui eust le bras emporté.

Canonades
furieuses de la
ville.

Plus sur la fin de ce combat, il y eut vn soldat de Bourdeaux appellé Robert fils du receueur de S. merens, qui eut la cuisse brisée, il y eut aussi vne enseigne qui eut vn coup de mousquet à la gorge, mais le coup ne fist que frizer, M. Donat & M. du Bourg, Marefchaux de cāp allās & vneās pour mettre les gēs en ordre, vn coup de canō passa au milieu des cheuaux, fās les offēcer, c'estoit merueille que de voir emporter les chapeaux des gouiatz par le canō qui couroiēt en troupe au milieu des chāps apres les boulets, il y eut aussi vn hōme de qualité à qui vn boulet vint tōber aux pieds, & leictta 4. pas loing, & fut tout couuert de terre, & gastē le visage de menues pierres, quelques laquais l'ayant veu par terre voulurent le fouiller, mais il leur dit qu'il n'auoit pas grād cas, & que sa bourse n'estoit pas pour eux.

Ceux du Roy n'auoient pour lors point de canō en batterie. C'est pourquoy M. le Côte enuoya chercher quelques pieces, & si tost que la premiere piece fut venuē, l'ennemy tira grandemēt sur les chartiers, cheuaux & canōniers, mais le canō portoit trop haut. Or ceste piece estant bien pointēe l'ō tira 4. coups seulement, le premier dōna dans vn corps de gar-

de au milieu de plusieurs regardans qui les es-
carta, & en fut veu tirer 4. par les pieds qui es-
toient tóbez par terre, le 2. coup donna dás l'in-
fanterie Rocheloise qui se retiroit & l'on vit
en l'air les picques & les hommes, ce qui cau-
sa vn grand cry à l'armée du Roy, loüans le
canonnier, le reste des Rochelois print son
chemin vers les bastions à couuert, & se reti-
rerent en se cachant.

Le 3. coup donna dans les rouages de la bat-
terie ennemie, & le 4. coup donna dás vne gros-
se tour qui denicha les regardans, & tient on
qu'il y en eut de ce coup dixneuf tant de tuez
que blesez, & vne femme.

M. de Boucy eut congé ce mesme iour &
l'apresdinée de faire tirer 40. vollées de canon
sur la ville, pour la battre en ruine, ce qui fut.

Au mesme iour, & sur les 3. heures apres mi-
dy, les Rochelois vindrét au quartier delà l'eau
avec 7. nauires & mirent pied à terre, mais l'a-
larne donnée M. le Côte de Soissons reprint sa
cuirasse, & y courut avec sa cauallerie & le re-
gimét de Châpagne, mais si tost que les Ro-
chelois virét la cauallerie du Roy, ils se r'em-
barquerét & tirerét sur le gros du Roy tous les
canôs qui dónèrent sur le bord de la mer &
dans des vignes, & voyant qu'ils ne faisoient
rien, ils mirent voiles au vent & se retirerent.

Autre sortie
des Roche-
lois par eau.

Nouvelles de ce tēps que les galleres estoient
à Nantes & prestes à reuenir, qu'elles auoient
passé en depit des Rochelois, & mirent à fons
2. de leurs Nauires, & 2. qui furent veuz ga-
stées qui alloient à la Rochelle se refaire.

Nouvelles
forces arriuez
à M. le Côté

Vn tambour de la Rochelle qui estoit venu conduire vn prisonnier se iactoit que ledict Admiral auoit passé sur deux galleres, mais Monsieur le Comte qui sçauoit la verité de tout s'en mocqua & toute la Cour.

Le 29. Iuillet les guides de l'armée du Roy estoient allées au deuant des regiments de Monsieur de Riberac, & de Grinols, & attendoit on ce mesme iour la compagnie de gendarmes de Monsieur le Comte, & de Monsieur de Vitry.

Aussi mil hommes pour croistre le regimēt de Champagne, le regiment nouveau de Monsieur le Comte, & trois Cornettes de caualeries, qui auoient commission du Roy.

Cependant le fort s'aduance, mais le rocher retient, & repassa le sieur Pompeo Targon, le Traiect à cheual à mer basse, son cheual n'estant au plus profond du canal, qu'en l'eau iusques au genoüil.

Le mesme iour 29. Iuillet, les gardes de Monsieur le Marechal de Vitry prindrent 4. Cheualliers Rochelois, on en tua vn, & trois se sauuerent.

Le 30. Iuillet, arriuerent plusieurs vaisseaux de l'ennemy, à cause que les vents estoient grands, & se vindrent mettre à couuert en l'Isle de Rié.

Le premier iour d'Aoust, Monsieur le Cheuallier de la Vallette arriua au Camp, il venoit de Nantes, où il laissa les galleres, & assoura Monsieur le Comte, qu'au premier iour de beau temps elles viendroient.

Le 4. Aoust, la chaisne de fer arriua, & fut portée par trentecinq charettes, & encores n'est-elle pas toute entiere, l'on a mis deux canons sur le bord de l'eau, qui empeschent les Nauires Rocheloises de passer, & s'approcher si pres qu'elles faisoient.

Le canon du Roy bat continuellement dás la ville, à cause qu'on sçait asseurement qu'on les fatigue fort par ce moyen.

Le 5. Aoust arriua la compagnie de gendarmes de Monsieur le Comte, où il y auoit cent soixante maistres, qui auoient avec eux huit cens cheuaux.

On enuoya tous les malades du camp, il y en eut iusques à soixante deux charrettes, aussi on enuoya aux recreuës pour reffaire l'armée pendant qu'on attendoit l'arriuee du regimēt de Monsieur Riberac, celui que leuoit aussi Monsieur le Comte, avec trois compagnies de cheuaux legers que le Roy luy a donnez, & dit-on que le regiment de Picardie estoit aussi vers Blaye, pour se rendre au Camp.

L'armée Naualle des Rochelois est reduitte à cinquante cinq voiles, & peu de soldats retenus par force, que la despence les ennuye & incommode fort.

Nouvelle des
vaisseaux Ro-
chelois.

L'emotion se continue tousiours en la ville, les sieurs de Fauas & la Nouë tirerent l'espée en plaine ruë dans la rochelle, pour la contestation de la Lieutenance de maire.

Depuis ce temps nouuelles tres-assurées sont venues qu'un certain canonier estoit sorty de la rochelle, & auoit faict en sorte

de se rendre en l'armée du roy où il aduient M. le Comte de tout ce qui se passe à la Rochelle, mesme de la façon qu'on deuoit dresser les batteries, ce qui a reussi avec vn grand aduantage pour ceux du roy, de sorte qu'il est generally bié venu de l'armée, & tous les iours il fait voir des effects signalez de son experience.

Pompeio Targon poursuit tousiours son entreprise, & espere en bref de faire en sorte d'enclorre les vaisseaux, & le port des ennemis.

Nous auons cy deuant ja escrit quelque chose touchant le voyage qu'a fait en Angleterre le sieur de Soubise apres sa honteuse defaite en l'Isle de Rié; & estimant reparer la faute qui luy fut imputée apres cette sanglante desroute, dans la ville de la rochelle où chacun le blasmoit & le regardoit de trauers, se persuadoit qu'en Angleterre se feroit quelque collecte de deniers pour l'assistance des rebelles de France, faisant semer le bruit partout dans ce royaume là, que leurs freres estoient persecutez en France, & que sous pretexte de desobeïssance l'on attentoit à la religion & liberté de conscience.

Voyage du
sieur de Sou-
bise en An-
gleterre.

Choses que le Serenissime roy d'Angleterre ne se peut persuader, ayant mesme esté esclairey de la pure intention de sadite Majesté tres- Chrestienne par le millord de la Haye son Ambassadeur extraordinaire, qui estoit repassé de France à Londres pour esclaireir sa Majesté Serenissime de la iuste cau-

se pour laquelle le roy de France auoit pris les armes, & s'estoit mis en Estat de se faire obeir de ses subiects rebelles, qui luy refusoient l'entrée de ses villes, persécutoient les autres subiects Catholiques, pilloient & rançoignoient indifferemment toute sorte de personnes, & commettoient des crimes si horribles & cruels contre l'autorité de leur souuerain, tuans & massacrans ses officiers & Deputez en ses villes, qu'il estoit impossible de plus longuement tolerer vne telle insolence sans chastiment, de ceux desquels ont ne requeroit que la simple obeïssance & debuoir de subiects, sans toucher en chose qui soit à leur religion & liberté de conscience.

Donc le roy de la grande Bretaigne ayant horreur en sa conscience d'une telle rebellion, faicte à vn roy qui tire en exemple & touche d'un vif ressentiment les cœurs de tous les Souuerains, voulut entendre le sieur de Soubise de ses raisons, & comme il supplioit sa Majesté Serenissime d'auoir compassion de ceux de sa religion de France persécutez en icelle, & luy permettre faire quelques leuées en ses royaumes par leur assistance, sadiète M. sceust fort bien luy respondre, que ceux de la religion de France pour lesquels il parloit estoient des rebelles & des obeïssants à leur roy, que cōme tels il en aprouuoit le chastimēt qui ne peut estre que iuste enuers eux, quelque seuer qu'il puisse estre

Responce de
sa Majesté.

qu'elle estoit trefaïseurée que sa Majesté tres-Chrestienne, de laquelle elle sçauoit les sentimens tres raisonnables, n'estoit portée en cette guerre d'autre dessein que de se faire obeïr & maintenir s^{on} autorité, meprisée par lesdits rebelles ses subiects; que tous Roys & Princes estoient interessez en sa cause, & elle mesme ayant en ses Estats des subiects de diuerses religions, pourroit estre vn iour trouuallé de semblables troubles, selon l'honneur de ses peuples subiects à changemens: & partant comme il sçait que sadite Majesté tres-chrestienne n'auoit iamais approuué telles rebellions, quand elles sont suruenues aux Estats des Roys, & Princes ses bons alliez & amis; aussi luy ne pouuoit il fauoriser vn si hardy, insolent & pernicieux sousleuement de subiects contre leur Roy, en vn Royaume, dans lequel on a tousiours fait estat de son amitié & de son alliance.

Sa resolution
declairée.

Partant dist sadite Majesté Serenissime audit sieur de Soubise, que s'il estoit passé de France en Angleterre, pour ce seul subiect de leuer en faueur des rebelles à son Roy, qu'il seroit mal arriué; mais si seulement il alloit supplier sa Majesté de moyenner sa grace & son accord enuers le Roy de France son maistre, sadite Majesté s'y employeroit volôtiers. Voyla la responce qu'a tousiours faicte le Serenissime Roy de la grande Bretaigne audits deputez de Messieurs les rebelles de France, luy demandans ayde & secours contre leur Roy.

Ledit

Ledit sieur de Soubise voyant qu'il n'au-
goit aucunement ses affaires aupres sa Majesté
Serenissime, visita les grands du royaume,
communique avec quantité de particuliers
pour pratiquer du moins quelque argent &
secours d'hommes & vaisseaux pour amener
en France, se sachant fort de retourner en vne
ville, où il estoit maudit de tout le peuple de sō
party, sans leur amener de quoy reparer la bre-
che qu'il fit à sa reputation au mois d'Auril
dernier.

Mais sadite M. Serenissime en ayant eu ad-
uis fit publier des deféces par tous ses roya-
mes de faire aucunes leuees de gens de guerre,
sans commission expresse de sa M. à peine de
crime de leze majesté & aussi à tous Gouver-
neurs & Capitaines de Ports & Haures, de
laisser passer ny sortir aucunes armes ny vais-
seaux, sans permission expresse de sadite M.

Ledit sieur de Soubise bien estonné de tou-
tes ces defences, se voit mesprisé & regardé
de trauers à la cour d'Angleterre, de tous les
grands courtisans du royaume, notâment de-
puis que le roy de Frâce son maistrel'eut fait
declarer & publier rebelle & criminel de leze
M. par tous les Parlemens de son royaume,
pour cause de perfidie & de rebellion, on en
parloit diuersement à Londres, chacun en fai-
soit si peu d'Estat, que prenant desplaisir de se
voir inutile hors sō pais & tous ses desseins a-
uecz prit resolution de retourner en Frâce.

Toutes les caisses qu'il auoit fait tenir prestes
pour emballer les armes qu'il esperoit rece-

1622.

Le sieur de
Soubise fait
des pratiques
avec les grâds
du Royaume,

Defence no-
table en An-
gleterre.

1622.

uoir de Hollande, ne luy seruirent que pour empaqueter des fourrages dont y a belle quantité à Londres puis que mesmes Estats de Hollande firent en mesme temps publier vne ordonnance par tous les ports & haures dependants de leurs Seigneuries, defendans de laisser transporter aucunes armes, ny partir vaisseaux & munitions sans voye & permission desdits sieurs Estats.

Ainsi ledit sieur de Soubise descheu de ses esperances, fit vne supplicatiō au Serenissime Roy, remonstrāt à sa M. qu'ayant resolu de retourner en France pour se retirer, il ne le pouuoit faire sās craindre le danger d'estre pris sur mer par les vaisseaux de sa M. qui espioient son retour, pourquoy suplioit sa M. Serenissime, luy vouloir donner quelques vaisseaux pour luy faire escorte à condition que ce ne seroit pour ieter dās la Rochelle, ny autres lieux auxquels ils pourroient causer du dommage aux subiets du Roy de France son maistre.

Retourne en
France.

Outre cette grace & faueur que le Roy luy fit pour se despestre de sa persōne qui luy pesoit fort; ledit sieur de Soubise pratiqua encore quelques vaisseaux, & quelque quantité d'armes & munitions, avec lesquels il prend la route de la mer pour repasser en France.

Mais comme il auoit de nouueaux proiects à executer, Dieu disposa de ses desseins tout d'vne autre façon, que ledit sieur de Soubise ne s'estoit promis, & luy succeda le mal-heur, qui nous est icy deduit & raconté par la lettre du sieur de la Chaisnaye Gentil-homme do-

mestique de la maison de Monsieur l'Ambassadeur de France, résidant à Londres à la cour de sa Majesté Serenissime qui a veu vne partie du desastre arriué audit sieur de Soubise, & en donne auis à l'un de ses amis par cette lettre.

Trois iours auant l'horrible foudre & tempeste, laquelle commença le Dimanche 28. iour d'Aoust dernier, enuiron sur le midy, & finissât le lendemain sur les dix heures du matin, vn soldat ingenieur nommé Nellohemâ, du païs de Galle, du nombre de ceux que les Rochelois vouloient desbaucher, pour leur en seruir, tesmoigna estre troublé d'esprit, disant tout haut qu'il falloit qu'il mourust pour sauuer toute la compagnie où il estoit. Ce qui fut fait tout aussi tost, & y demeura l'espace de deux iours & deux nuits tous entiers consecutiuent. Mais voyant son esprit aucunement reuenu en son bon sens, ledit Capitaine le fit relascher & remettre en liberté avec les autres soldats dudit vaisseau, où il ne fut gueres qu'il deuint tout extrauagué. Si bien que voyant la foudre & tempeste s'augmêter plus que par cy deuant, & le vaisseau donner contre vn rocher, au haure de Plemonts, il s'escria tout haut de rechef, disant. Je vous ay bien dit qu'il falloit que ie mourusse pour vous sauuer, c'est à ce coup que vous estes tous perdus. Et au mesme instant, la teste la premiere se ietta dans la mer, où il fut aussi tost veu vn gros tourbillon de feu quel'on eust iugé ledit vaisseau estre tout en feu, à la mesme heure il fut rompu par pieces, comme de fait ie me sis

au mesme instant porter par eau le long du-
duit Haure de Plemons, tant pour voir plus
à plein le debris & fracassément des vaisseaux,
que perte des hommes, tant soldats que matelots, au nôbre de 2. cens qui furent noyez & fracassez cõtre les roches. En ma foy ie puis asseurer que ie vis tous les arbres, hayes, & bruyères noires & bruslées. Pour le reste des soldats & mariniers qui estoient dedans lefdits vaisseaux, ils se ietterent tous dedans la mer en nage, la pluspart nuds, meurtris, & rôpus, que c'estoit pitié de les voir: m'informant des plus anciens dudit Haure s'ils auoient iamais veu telle chose arriuer, me iurerent tous en leur conscience, que de memoire d'homme cela n'auoit esté. Il faut noter que ledit Haure de Plemontz est le plus beau, & spacieux qu'aucun qui soit dās toute la coste du païs de Nest pour les auoir tous veuz & cõsiderer, & recogneu qu'il n'y a point d'autre vêt que celuy de Suz-Nest qui leur peust nuire. Et de fait ce fut le mesme vent, mais avec vne telle violence qu'il ne s'en peut dire dauantage. Voila au vray ce que i'ay veu; De maniere que le debris & fracassément a esté de 9. vaisseaux, tant nauires que barques, & de plus de 8. cens hômes qui ont esté noyez, qui descendoient à ce qu'ils disoient sourdement, non à la rochelle, ains à Cherebourg: tous pauures soldats, tout fraichement semonnez, & tous apprentifs pour tel mestier; pouuant asseurer que la perte defdits vaisseaux se monte à plus de 25. mil escus. Le sieur de Soubise arriua le. Ieudy au soir 1.

iour de Septébre, en celieu de Plemontz, où il fut bien estonné de voir tous ses vaisseaux & ses hommes ainsi brisez, fracassez & noyez.

Ie suis en celieu de Plemontz, & y demeureray, pour empescher autant qu'il me sera possible, qu'aucun soldat Anglois passe pour aller contre le seruice du Roy: ne me souciant aucunement des mauuaises volôtez qu'ils me peuuent porter, tant que i'auray 2. bon maistres, qui sont le Roy, & Monsieur l'Ambassadeur.

LA CHESNAYE.

Pour parler vn peu plus au long des affaires des Rochelois, faut sçauoir, que la perte que fit le sieur de Soubise de leur armée en l'Isle de Rié au mois d'Auril dernier, leur fut tellement sensible que ne leur restant pas six cens hommes de garnison dans leur ville & dans leur equippage de mer, ils tindrent & retindrent Conseil dans leur assemblée & dans leur maison de ville, dans lequel ils delibererent de prendre toute sorte de prisonniers tant sur mer que sur terre; non seulement cecy, mais aduiserent des moyens plus propres à pratiquer des hommes en Normandie y enuoians des personnes de leur faction avec lettre & pacquets adressants à plusieurs particuliers huguenots de cette Prouince, tant pour y leuer des gens de guerre que pour y faire quelques surprises tant sur les ports & places maritimes, qu'en celles de terre où se pouuoient ietter les intelligences de leurs agens & partisans.

1622.

Resolution prise à la Rochelle apres la deffaitte du sieur de Soubise.

Au mois de May dernier furent surpris dans la ville d'Alençon trois hommes de telle espee en vne hostellerie de la ville par le Iuge ou Lieutenant General de la Iurisdiction d'icelle, ils furent trouuez saisis de lettres adresfantes à quelques particuliers de la ville, avec plusieurs autres memoires & instructions de ce qu'ils auroient à faire tant audit Alençon, qu'ailleurs, tous les trois furent saisis au corps, entre lesquels vn se disoit estre Secretaire du sieur de Soubise, & tous les trois emprisonnes; ouys & interrogez, sur le contenu esdictes lettres, memoires & instructions, fut commencé leur procez par le iuge dudit Alençon, & de là ont esté enuoyez au Parlemēt de Roien, où ils sont encore prisonniers.

Vne autre trahison fut encore descouuerte venant de la part desdits rebelles de la Rochelle: comme leur desir estoit d'auoir quelque pied dans la basse Normandie, afin d'y former vne rebellion; mais entr'autres d'y auoir quelque abord fauorable, pour l'assurance & retraicte de leurs Corsaires & Pyrates de mer, ils enuoyerent quelque quantité de vaisseaux Corsaires sur les costes de Normandie, desirans se saisir d'une tour aboutissant au haur, & delà avec leurs intelligences & partisans s'emparer de Cherbourg, place que de longuemain ils ont marchandée pour disposer du Constantinois à leur discretion, & trouuer en ce faisant le vray moyen de donner quelque diuertissement aux armes du Roy, esloigné d'une frontiere à l'autre de plus

Intelligences
Rocheloises
sur Chere-
bourg.

de deux cens cinquante lieuës: mais ce dessein ayant esté esuenté, Messieurs le Duc de Longueuille & de Matignon, Gouverneur & Lieutenant de la Prouince donnerent si bon ordre & de si bonne heure à la seureté de toutes les lizieres maritimes de la haute & basse Normandie, qu'rien de sinistre ne pouuoit arriuer au preiudice du repos de la Prouince.

Premierement Monsieur de Matignon Lieutenant General pour le Roy en basse Normandie, ayant decouvert la pratique qui s'alloit tramant sur le fort de Cherebourg, & recogneu l'entreprise qu'il y auoit sur cette place & sur le port, & les intelligences sourdes, qui estoient entre le Gouverneur dudit Cherebourg, & les partisans huguenots de la Rochelle: demit ledit Gouverneur de sa charge, & l'ostant de cette place y en mit vn autre d'ot la fidelité luy estoit plus cogneue, changea la garnison qui estoit dedans, en mit vne nouvelle, fit visiter cette place, reparer ses defaults, & la munitionner de ce qu'il luy manquoit.

Secondement M. de Longueuille ayant eu aduis de telles entreprises ainsi qu'il estoit à Dieppe, fait mander à toute la Noblesse de sondit gouuernemēt, de se rendre près de luy pour affaire concernant le seruice du Roy, & ayant assemblé plus de douze cens cheuaux, prend resolution de visiter les principales places de son gouuernement, & y faire son entree laquelle il n'auoit encore faicte depuis qu'il en est Gouverneur, avec ordre par tout où il entreroit & passeroit que l'on fit tenir

1622.

Vigilance
louable du
sieur de Ma-
tignon.

1622.

les habitans en armes : ce qu'il faisoit avec double dessein &c. par prudence & iugemēt.

Vn pour faire voir quelles forces pouuoient rester à ceux de la religion pretenduë reformée qui pouuoient estre esdites villes, & en quel deuoir ils se soumettroient pour receuoir le Gouverneur de la Prouince. L'autre & le principal, par cette prudence, tenir toute la Prouince en armes en vne saison où ils estoient menacez de quelque trahison, & en laquelle il estoit besoing de se tenir sur ses gardes : il visita Caen, Falaise, Baieux & autres lieux, avec des entrées splendides & honorables par toutes les places de son passage : Monsieur de Matignon luy faict escorte par tout, Monsieur le Marquis de mosny luy fit receuoir les honneurs qui luy appartenoint dans la ville de Caen, dont il est Gouverneur : & delà allant visiter toutes les places maritimes, les ports & Haures de toute la haute & basse Normandie, y mit vn tel ordre à la seurété d'iceux, aux gardes, aux veilles & aux armes, tant des garnisons que des habitans esdits lieux, qu'en moins de vingt-quatre heures au son du tocfain, en cas de besoing & de necessité on eust trouué sur les lieux plus de quarante mille hommes de guerre tous de plain gré & volontairement resolu d'employer leurs vies & leur sang, leurs biens & tout ce qu'ils possèdent pour la defence du Roy & pour celle de leur patrie, contre toute sorte d'entreprise, tant intestines qu'exterieures, estrangeres ou ennemies.

Fait son entrée par les villes de la Prouince.

Ainsi la vigilance du Duc de Longueuille assura ceste grande Prouince, en moins de trois sepmaines, en sorte que nul n'a esté si osé d'entreprendre d'y troubler le repos, au grand desplaisir des rebelles, qui ne pouuans rien faire ny executer sur ceste coste, retournerent à la Rochelle receuoir nouueaux mandemens & conseils.

Où ils ne furent plustost arriuez qu'on leur commanda de se tenir prests avec les grands vaisseaux, & tous les meilleurs soldats qu'ils eussent dans leurs nauires, pour se preparer à la defense & à l'empeschement de l'armée nauale, dont ils auoient aduis qu'elle deuoit arriuer en peu de iours és costes de Bretagne, pour y ioindre l'armée nauale de S. Malo de l'Isle avec tous les vaisseaux, tât de Normandie que de Bretagne, qui tous ensemble doiuent faire vn corps d'armée de plus de soixante voiles sans lesdites Galleres, pour aller se camper deuant l'Isle de Rié, dans le Haure de la Rochelle, afin de la bloquer autant par mer, qu'elle l'estoit desia du costé de la terre, par l'armée de Monsieur le Comte de Soissons, & commencer le siege ainsi qu'il plairoit au Roy, cét aduis ne leur fut pas donné mal à propos, car il se trouua veritable.

Et de fait lesdites dix Galleres de Marseille estât arriuees dès le treiziesme de Iuin dernier, à la riuiera de Bordeaux, où de prime abord, ils surprirét sur les rebelles de la Rochelle l'Isle d'Argenton, & le fort qui estoit en icelle basti l'an passé par lesdits Rochelois, apres qu'ils

Mandement
des Rochelois
pour tenir
leurs vaisseaux
prests, pour
empescher
l'abord des
Galleres du
Roy.

s'en furent emparez en suite de la rebellion à Royan, ainsi que j'ay obserué cy dessus, lesdites Galleres s'aduancerent vers la Bretagne, ayant demeuré quelque temps à cingler dans l'Ocean, attendant nouuelles del'escorte de S. Malo del'Isle, en fin ils furent commandez de tirer droict à Nantes, ce qu'elles firent, & s'estant arrestees en l'Ocean en plaine mer, elles firent vne fort heureuse rencontre d'un grand vaisseau Rochellois, qui conduisoit dás la ville de la Rochelle vn grand nombre de Soldats Hollandois, armes & munitions de guerre : mais sur tout y estoient vingt-cinq Gentils-hommes rebelles dela religion pretenduë reformée de Normandie, qui se retiroiét ainsi par mer audit lieu de la Rochelle, pour ce qu'ils ne pouuoient viure en seureté, croyoiet ils, en vne Prouince dans laquelle ils estoient espiez de leurs pratiques & menees, tant par M. le Gouverneur de la Prouince qu'autres Gouverneurs, Magistrats, & Officiers des villes & places d'icelle.

Ce nauire ayant donc ainsi esté rencontré sur la mer par les Galleres du Roy, fut contraint de faire tout le possible pour se sauuer dans la Rochelle, ce qui luy fut impossible : car estant poursuiuy viuement par lesdites Galleres, il fut incontinent enuironé & inuesty d'icelles, à la veuë mesme de ladite ville de la Rochelle.

Ce que voyant lesdits Rochellois, expedierent promptement quinze grands vaisseaux de guerre qu'ils enuoyerent au secours de ce nauire attaqué, mais tel secours & tel effort

que peurent faire lefdits vaisseaux ennemis, il leur fut impossible de sauuer ce vaisseau qui fut pris par lefdites Galleres du Roy.

Tous les soldats qui estoient dedans furent tuez, & iettez en la mer pour seruir de pasture aux poissons: les chefs & conducteurs d'ice-luy furent arrestez prisonniers, les armes & munitions qui s'y trouuerent, emportées, & pour la Noblesse tant de Normandie que de Hollande, qui se faisoit conduire à la Rochelle, ils furent tous saisis au corps, & mis aux Galleres, bien gardez, attendans la resolution du Roy, pour en faire ainsi qu'il luy plairoit: car dès aussy tost qu'ils furent arriuez à port on deputa vers sa Majesté quelques vns pour luy donner aduis de ceste prise faicte par son armée nauale.

Soldats Rochelois iettez en la mer.

Lesdites Galleres de sa Majesté sans point se lasser, poursuiuant viuement les autres quinze nauires que les Rochelois auoient enuoyé pour secourir celuy qui venoit d'estre pris, ils se defendent en gens desesperéz & determinez, mais quelque resistance qu'ils peurent faire, ils ne peurent auoir aucun auantage sur les Galleres, mais bien au contraire, lefdites Galleres de sa Majesté en coulerent deux à fond, ce qui arriua le quinziésme iour du mois dernier de Iuillet.

En ceste armée nauale du Roy estoit la galere du Cheualier de la Vallette, fils naturel de M^{rs}ieur d'Esp^{er}non, laquelle fit de grandes merueilles en ce combat naval, avec lefdits vaisseaux Rochelois: & pour ce qu'il s'estoit

1622.

Galleres du
Cheualier la
la Vallette en
canger.

Arrivée des
Galleres de
Marseille à
Nantes.

arresté à poursuiure le reste desdits vaisseaux ennemis qui fuyoient à la Rochelle, il fut trois ou quatre iours entiers, sans que l'on en eust aucunes nouuelles, de sorte que de dix Galleres de Marseille, qui cōposoient ladite armée nauale du Roy, neuf s'aduancerent sur les costes de Bretagne, croyans que la dixiesme qui estoit celle dudit Cheualier de la Vallette, fust perduë en la mer, mise à fond, ou prise par les ennemis, ce qui n'arriua pas toutesfois, de sorte que quatre iours apres elle se retrouua avec les autres, les neuf arriuerent premierement.

Le Ieudy vingt-vniesme dudit mois, dans la riuere de Nantes, à Coüeron, à trois lieuës proche de ladite ville de Nantes : mais celle dudit sieur Cheualier de la Vallette qui s'estoit arrestée derriere les autres à la poursuite des vaisseaux Rochelois, n'y arriua que le Lundy ensuiuant, vingt-cinquiesme dudit mois : ceux qui les ont veuës assurent que c'estoient de tres-beaux vaisseaux, les mieux armez, equippez & munis de braues hommes, qui se puissent voir.

L'armée nauale de Sainct Malo, composée de vingt-deux grands vaisseaux, se rendit au mesme temps au port Louys à Blauet, & allant joindre lesdites Galleres de Marseille, où faisant ensemble plus de trente Galleres, & plus de soixante nauires y assemblez de diuers Ports & Haures, attendoient l'arriuee de M. le Duc de Guise pour leur commander, ensemblement se ranger deuant le chef de Baye, au deuant du Port de la Rochelle.

On attendoit ce pendant quatre autres belles Galliottes dudit sieur Duc de Guise, avec son grand Brigantin du port de seize cens tonneaux munis de deux cens pieces de Canon, qui estoient ja partis de Marseille, au mois de Juillet dernier, esperât que dans la fin du mois d'Aoust ils arriueroient à la Rochelle, & s'y trouueroit ledit Seigneur Duc de Guise en personne : la conduicte en est donnée à son Lieutenant le sieur de Mantis, qui est party au mesme temps de Marseille, avec tout son equippage.

Ledit Seigneur de Guise, estant de retour de Prouence à Paris, où il auoit donné ordre pour le departement de la grande Galliasse, & autres quatre grands vaisseaux de guerre de Marseille, arriua à Paris vers le commencement d'Aoust, où ayant faict peu de sejour, reprit la poste pour s'en aller en Bretagne, & arriua à Nantes sur la fin du mesme mois.

Arriuée du
Duc de Guise
à Nantes.

Vn traict fut ioué en mesme temps à Nantes par les Capitaines & Gouverneurs des Galleres de Marseille, à la ruine dudit Seigneur Duc audit Nantes, qui est que si tost qu'ils eurent eu aduis qu'il estoit à Nantes, eux estés encore dans la riuere à Couëron, au lieu de le venir saluer & receuoir ses commandemens, comme ils deuoient, partirent de ladite riuere & cinglerent en haute mer comme pour retourner à Bordeaux, montrant par là qu'ils auoient de l'affectiō pour le General des Galleres, qui de long temps a quelque differend particulier avec ledit Seigneur Duc, touchant

la conduicte desdites Galleres de Marseille: Toutefois ledit Seigneur Duc est commandé du Roy de prendre la conduite generale de son armée navale pour le fait des rebelles de la Rochelle, n'entendant que lesdites Galleres, ny autres vaisseaux de guerre employez en ladite armée, obeissent à autre qu'audit Seigneur Duc, chef general de toute ceste expedition.

En fin toute ceste ialousie qui estoit entre ces deux chefs, s'est determinée en vn bon accord, Monsieur de Guise est recognu pour General de tout le corps de l'armée, lesdites Galleres de Marseille sont retournez en ladite riuiere de Nantes, pour recevoir ses commandemens, & à l'instant ledit Seigneur Duc, apres auoir communiqué & s'estre mis en bon estat monta sur mer, & s'embarqua pour s'en aller à Brest, faire aduancer tous les vaisseaux de Bretagne, afin d'assembler le tout au port de Louys, ou Blauet, & delà s'en aller en corps attaquer l'Isle de Rié deuant la Rochelle, & espargner la peine aux Rochelois d'y faire leurs vendanges.

*Suite du traité
pour la
paix du Lan-
guedoc.*

Retournons maintenant aux affaires du Languedoc, la M. se monstrant fort disposée à recevoir les rebelles à l'obeissance, fit fort volontiers entendre au traité quel luy proposoit l Duc de Rohan, touchant la paix de tout le Languedoc & la reduction de Montpellier, Nismes, Vsez, Castres, Puy laurent, Renel, Bealmont, & autres places non encore reduites au seruice de sa Majesté.

Le Conneſtable l'Eſdiguieres avec permifſion du Roy, entreprend le traité avec ledit Duc de Rohan, qui prenoit vn chemin affez bon pour rendre ſa M. ſatisfaicte, & reſtablir la paix par toutela Prouince.

Le Mareſchal de Crequy eſt enuoyé par cōgé de ſadite M. vers ceux de Montpellier, pour ſçauoir d'eux s'ils ne deſiroient pas eſtre compris au traité de la paix, & ſe reſoudre à l'obeiſſance. Il demeure quelque temps en ceſte place pour les diſpoſer à ce deuoir neceſſaire, apprend les ſentimens des plus affectionnez au ſeruice du Roy, gaigne le cœur des plus rebelles, & accommode peu à peu ſi bien ceſte affaire importante, qu'il ſembloit ſe vouloir contenter à quelques poincts de legere conſideration, & laiſſer le reſte à la diſcretion de ſa Maieſté.

Ce pendant meurent en Cour M. le Cardinal de Rets, premier Conſeiller d'Eſtat d'une fiebure continuë, qui ne le quitta point qu'au 16. Aouſt iour de ſon trespas, qui regrettant de ſaillir au beſoin des affaires, euſt ceſte louiange immortelle, que le Roy regretta ſa perſonne autant que ſa M. ſit iamais Conſeiller d'Eſtat pour la prudence qu'il apportoit en la direction de ſes Conſeils.

Ceſte mort fut ſuiuye de celle de M. de Vic Garde des Sceaux de France, perſonnage de merite, & dont la probité, l'aage conſommé aux affaires, & la fidelité auoient donné ſubiect à ſa Maieſté de faire choix de ſa perſonne pour luy conſier les Sceaux, & ſe ſeruir de luy

Monsieur de
Crequy en-
uoyé à Mont-
pellier pour
ce traité.

en la direction des grandes affaires de son Royaume.

Après le deceds de Monsieur de Vic, les Sceaux furent mis entre les mains de monsieur de Puisieux premier Secretaire d'Estat, & iusques à present a on tousiours scellé en plain Conseil, iusques à ce que sa Majesté ait choisi hōme capable de le servir en ceste haute qualité de Garde des Sceaux.

La premiere dépesche qui fut scellée au Conseil d'Estat de sa Majesté, après la mort dudit sieur de Vic, fut la lettre de prouision donnée à Monsieur d'Espernon pour le Gouvernement de Guyenne, Bordeaux, & Chasteau-Trompette, sa Majesté se confiant en l'experience de cét ancien fidelle & l'un des premiers Officiers de sa Courōne, l'investit de ce Gouvernement, l'un des premiers de France, au lieu du Gouvernement de Xaintonge, Aulnis & Angoulmois, conféré au Comte de Schomberg.

Le Duc d'Esp
pernon fait
Gouverneur
de Guyenne.

Sitost que ledit sieur d'Espernon eust reccu ses lettres de prouision, eust charge de sa M. de s'en aller prendre possession de ce gouvernement, & de là leuer des troupes & bloquer la ville de Montauban.

On eseroit vn heureux succez de ce traité fait entre le Duc de l'Esdiguières, & le Duc de Rohan, sa Majesté auoit veu les articles, concernant la paix dudit pays de Languedoc, & la reduction des places cy dessus nommées.

On eseroit que Montpellier souffriroit la demolition

demolition de ses nouvelles fortifications, que l'on y restablirait les Eglises ruinées, & les Catholiques en leur premiere liberté, que les officiers du Roy rentreroient en leurs charges, honneurs & dignitez, que les absens y feroient rappeller, & que pour signe d'obeissance ils receuroient garnison Catholique sous vn Gouverneur de la religion pretendue.

1622.

Proiects du
traité de Mont-
pellier rompu
par les rebel-
les.

Toutes ces choses auoient esté accordées, le Roy y deuoit entrer avec son armée, on luy deuoit ouurir les portes, & de faict l'on croyoit desia par tout le pais du Languedoc que la paix estoit faite, chacun en escriuoit à ses amis; mais la perfidie & desloyauté des rebelles de la place parut en dernier degré au temps que tout cecy se deuoit accomplir au grand estonnement de la France: en quoy ces traistres ont faict cognoistre qu'ils n'ont en rien degeneré de la cruauté & desloyauté de leurs ancestres, & que cè n'est d'aujourd'huy que l'Infidelité s'est nourrie en cette place.

Certainement le diuers chastiment, desquels se sont de toute antiquité seruis les Princes & les Roys pour venger l'iniure & l'offense qu'ils ont receuë de leurs suiets rebelles ne purent estre mis en consideration au prix de ce que le peuple rebelle de la ville de Montpellier, s'est rendu digne & coupable en cette action derniere.

Il n'y a endroit en l'vniuers, qui n'ait esté esté arrosé du sang de ceux qui ont esté si osez

1622.

Rebellions se-
uerement pu-
nies.

De Soissons.

d'entreprendre la guerre à leurs Roys & seigneurs, ny villes ou forteresses, qui n'ait payé au prix du sang de ses citoyens, la peine que merite vne reuolte formée contre son souverain. Et pour n'aller chercher des exemples plus loing, ayant de quoy payer comptant chez nous.

Monstrelet nous apprend, que l'an mil quatre cens quatorze vn nommé Anguerand du Bois ayant faict rebeller le peuple de Soissons contre son Roy legitime, sous l'esperance qu'il leur donna du secours du Duc de Bourgongne, ne se voulurent iamais rendre au Roy, pour quelques sommations, batteries, & menaces qu'il leur fit, de telle sorte que le Roy resolu de l'auoir auant que d'estre secouruë, y fit donner vn assaut general si violent, qu'il emporta Soissons de viue force, où furent commises toutes les cruautéz & violences qui se peuuent iamais excogiter en tel cas. Car outré ce qu'ils y furent tuez à la furie plus de douze ou treize cens hommes, la ville fut entieremēt saccagée & pillée, voire iusques aux thresors de l'Eglise, & les femmes violées en presence de leurs maris, & les filles deuant les yeux des peres & meres, iusques aux Nonains & Religieuses, sans respect ny a Noblesse ny a religion.

Arras, ville riche & grande se prepara aussi à la rebellion contre son Prince, & pour mieux soustenir le siege, bruslerent leurs beaux & riches faubourgs : mais n'eust esté la paix qui se fit là deuant entre le Roy & le Duc de

Bourgongne, elle eust seruy d'exemple à toutes les autres, & appris par sa ruine totale à ne se rebeller contre son Roy.

Et de memoire fresche qu'est deuenu Mō-heur reduit en cendres & en poudres, apres le sac & la ruine de ses habitans rebelles à sa M. mais sur tout Negrepelisse doublement rebelle, qui pour auoir massacré les garnisons Roy, a veu le feu & le sang au trauers de ses ruës, tous ses habitans tuez, pendus, les femmes & filles violées, leurs biens pilléz & leurs edifices rasez.

Que si celles-là ont suby ce traictement condigne à leur rebelliō, que ne merite point la ville de Montpellier pour tant de sortes de reuoltes & de desobeysances.

Qu'ainsi ne soit, l'an mil trois cens octante, au mois d'Octobre, le Roy Charles V. se trouuant court de finances, pour les grandes affaires des guerres qui estoient au Royaume, fut contrainct, avec regret toutefois, de faire leuer quantité de deniers sur son Estat. Ce qui se fit aisément, & assez paisiblement par tout le Languedoc, excepté dans la ville de Montpellier, aux habitans delaquelle comme on vint à signifier l'vrgente necessité des affaires du Roy, qui requeroit d'eux vne prompte assistance, se rebellerent aussi-tost contre les officiers de sa M. & contre ceux qui tenoient le party de mōseigneur le Duc d'Aniou son frere Gouverneur & Lieutenant en Languedoc, & y eut dans la ville si grande

1622.

Rebellion de
Montpellier
en l'an 1380.

1622.

Officiers du
Roy massac-
rez à Mont-
pellier.

esmotion de peuple, qu'au milieu de leur rage & fureur, ils tuerent & massacrerent inhumainement, Messire Iacques Pointel, Cheuallier, & Chancelier dudit Seigneur Duc d'Anjou, Messire Guy de Scery, Seneschal de Roüergue, Arnaut de Mont-Laur Gouverneur de Mont-pellier, & plusieurs autres officiers tant du Roy, que dudit seigneur Duc d'Anjou son frere, iusques au nombre de quatre vingts personnes signalés, & les ayans ainsi tuez & massacrez de la sorte, ietterent leurs corps dans les puits, afin d'en perdre & en esteindre la memoire.

Le Duc d'Anjou, ayant eu aduis d'un tel massacre commis en vne ville Royale de son gouvernement, contre les Officiers du Roy & les siens, entra en telle cholere, qu'il delibera aussi-tost d'en faire ressentir le chastiment aux Auteurs, & sans perdre temps, s'achemine à ladite ville de Montpellier avec vne fort grosse & puissante armée, où estoiet grand nombre d'Archers & autres gens de guerre, avec lesquels il entre fort en cholere dans la ville resolu de punir les rebelles d'icelle.

Le peu qui restoiient là dedans des Officiers du Roy & des siens, allerent au deuant de luy, entr'autres y furent, le Cardinal de Lune Legat du S. Siege, tous les Colleges mendiens & autres Eglises avec tout le Clergé personnellement, puis l'Vniuersité en corps, & plusieurs autres compagnies de ladite ville: Et par les lieux & ruës, où deuoit passer ledit

Seigneur Duc, estoit tout le peuple de la ville à genoux, nuës testes les mains iointes criäs misericorde.

En apres (chose remarquable) suiuioint les Consuls de Montpellier, chacuns trainans vn licol au col, qui allans au deuant dudit Duc, luy offrirent & presenterent les clefs de leur ville. C'estoit chose pitoyable d'ouyr & voir toutes les femmes lugubres & funestes, crier & implorer la grace dudit Duc.

La rencontre estant faicte de tout ce peuple au deuant du Duc, ledit Cardinal de Lune descend de dessus sa mulle, se met à pied, & requiert ledit Duc, de prendre ce peuple à misericorde & pardon.

Nonobstant cette submission le Duc entre dedans Montpellier : entré qu'il est, il mande aussi-tost, tous les Consuls & Officiers de la ville, ausquels il commande de luy apporter toutes les armes & harnois & bastons qui estoient en ladite ville.

Le lendemain fit dresser vn eschaffaut en l'une des principales places, sur lequel il monta, & là en presence du peuple donna vne sentence, par laquelle il declara que ceux de la ville estoient priuez de leur Vniuersité, de leur Consulat, Maisons, Arches communes, Seel, Cloches, & de toute la Iurisdiction qu'ils auoient, & les condamna enuers le Roy & luy, à six vingts mil francs d'or & à ses despens, & que d'eux seroient choisis six cens hommes seculiers, pour estre mis à mort, sçauoir, deux cens decapitez, deux cens pen-

1622.

dus & deux cens bruslez, leurs enfans & po-
 steres declarez infames & reduits à perpetuel-
 le seruitude, toutes leurs armées, harnois &
 bastons bruslez, tous les biens desdits six
 cens executez à mort, confisquezz, ense-
 mble la moitié des biens & facultez des autres
 habitans: les Consuls & autres plus nota-
 bles de ladite ville condamnez à retirer les
 morts des puits, de ceux qu'ils auoient tuez
 & massacrez, & ietté leurs corps en iceux:
 Et que l'Vniuersité de ladite ville de Mont-
 pellier fonderoit vne Eglise, où il y auroit six
 Chapelles, de chacune soixante liures, & là
 seroit mise la Cloche, dont on sonna le to-
 ain, pour faire le susdit massacre, & que tou-
 tes les portes, portaux & murailles de ladite
 ville seroient abbatuës & demolies.

Chastiment
 moderé à la
 priere du Le-
 gar du Pape.

Toutesfois à l'intercession & priere du-
 dit Cardinal de Lune & d'autres Prelats pre-
 sent pres la personne dudit Duc, & qui y
 auoient esté enuoyez de la part du Pape, qui
 pour lors estoit en Auignon, ceste sentence
 fut moderée à six vingts mil franc d'argent
 au lieu d'or, & de l'execution des cinq ou
 six cens qui furent condamnez, comme aussi
 pource qui estoit de la demolition & rase-
 ment des murs, portes & portaux de ladite
 ville de Montpellier qui ne fut executée, &
 de plus leur laissa aussi leur Consulat & Vni-
 uersité: sauf qu'il fut dit, que ceux qui s'e-
 stoient trouuez au massacre, & auoient mis
 la main sur les officiers, seroient mis en la
 main du Roy, avec leurs biens attendans l'or-

donnance de sa maiesté : & que l'estat du Seneschal du lieu & la iustice ne seroit desormais maniée que par les officiers que le Roy ou monsieur le Duc son frere y voudroient commettre : les six Chapelles furent reduites à trois, la ville non demantelée, mais les habitans payerent les frais de l'armée venue pour les chastier.

Voila l'antiquité de rebellion de ceux de Montpellier, & semble aux actions que ce peuple a fait voir en ses reuoltes & rebellions dernieres qui se font assez cognoistre que les fils & petits nepueux, qui attendent auourd'huy le chastiment de sa Maiesté, n'ont point degeneré de la desloyauté & perfidie de leurs ancestres. Et cet exemple tiré de l'histoire de nostre France, & ceux qui sont de fraische datte, font voir que ee qu'ils ont exercé au commencement de la presente année 1622. en la personne de Monsieur le President du Cros & des siens, & depuis peu de iours contre leur foy donnée, n'est qu'une continuation de malice qu'ils ont fait voir, & qui eust possible eu plus de progrez si elle n'eust esté empeschée par les armes du Roy.

Ainsi donc le dernier iour d'Aoust, ainsi que sa maiesté fit presenter ses gardes pour s'emparer de la place & de toutes les auenuës, portes & murailles, ainsi que l'on a accoustumé de faire es reductions des villes auant que le Roy y entre, & que le reste de l'armée se metoit en ordre de bataille pour donner le passage aux garnisons qui se deuoient retirer, selon

1622.

Trahison de
ceux de Mont-
pellier,

les articles du traicté vne mutinerie arriuée là dedans, qui fait que la canaille rebelle, qui y domine preuallut sur le Conseil des plus aduisez, rompent leur foy, fermēt les portes aux gens du Roy, & leur declarent que ne voulans aucun traicté ils estoient resolu de se defendre & mourir en soldats l'espée à la main, & par consequent qu'ils eussent à se retirer, autrement que l'on feroit tirer sur eux.

Cette perfidie indigne tellement le Roy, que des lors sa Maiesté se resolut de faire battre & assieger la place.

Resolution du
Roy pour les
assiegez.

Sur cette resolution on apperceut entre les dehors des assiegez vne butte garnie de quelques redoutes qui estoit mal gardée par lesdits rebelles, les gens du Roy l'attaquent & les ennemis considerans qu'ils n'estoient assez forts pour la pouuoir defendre furent contrains de l'abandonner & se retirer en la place: mais les nostres ne la garderent pas long temps.

Les assiegez voyans qu'elle estoit prise, firent sortir vn trompette pour se plaindre de l'entreprise faicte sur leurs fortifications, au preiudice du traicté qu'ils disoient encore vouloir entretenir, mais trahison que tout cela, car ce n'estoit que pour recegnoistre l'estat auquel estoit l'armee de sa maiesté, pour se disposer à reprendre cette butte; voyant que dans le camp du Roy, il y auoit peu de garde, que les quartiers estoient trop esloignez de cette butte pour pouuoir y enuoyer promptement secours; cecy ayant esté consulté entre les rebelles assiegez, ils deliberent de

faire vne furieuse sortie pour la reprendre sur nos gens.

Mais pour ce qu'ils ne desiroient estre aperceuz des gens du Roy qui auoient esté posez en sentinelle & en garde du costé des portes, ils s'aduiserét de desboucher vne vieille porte condamnée depuis longues années, de laquelle on ne se doutoit aucunement, par cette porte desmurée ils sortent enuiron quinze cens hommes de pied, & quelques quatre vingts chevaux armez iusques au déts, & de la sorte surprennent les gens du Roy qui estoient en garde sur ladite butte, en tuent quelques vns, donnent la fuitte aux autres, lesquels ils poursuiuent mesmement iusques aupres d'un bois qui en est fort proche & regagnent ladite butte.

Cependant l'alarme se donne au camp du Roy, quantité de Seigneurs aduertis de cette sortie des ennemis, tressaillent en leur courage pour ne pouuoir estre assez tost aux mains avec ces rebelles, & estans impatiens d'attendre leurs gens, leurs armes & leurs chevaux montent sur les premiers qu'ils trouuent à propos, & vont courageusement à la charge contre les ennemis, qui avec vn grandissime hazard de leurs personnes, se meslent dans leurs gros, tuent, frappent, renuersent & n'ayans pour toutes armes que leurs seules espées, nonobstant leurs courages se voyent engagez à de grandes extremités, nombre d'eux tuez & blessés, pour n'auoir esté secourus, contre vn si grand nombre d'ennemis.

1612.

Seigneurs du
costé du Roy
y accourent
mais à leur
perte.

1622.

Bleſſeur de
M. de Mont-
morancy.

Entre ceux qui ſe ſignalerent en cetea étiou
au peril de leurs vies furent entr'autres.

Monſieur le Duc de Montmorency, qui
rendit en cete occasion des preuues de ſa ge-
nerofité, tuant de ſon eſpée propre trois des
ennemis, il fut bleſſé de deux coups de picque,
dont il eſt demeuré au lit.

Toutefois ſans danger de mort, ſon coura-
ge le pouſſa à faire cet exploit avec danger ex-
trême de ſa perſonne, quoy qu'un ſoldat en-
nemy qui luy auoit iadis rédu ſeruice luy criaſt
plusieurs fois qu'il ſe retiratſt.

Mort du Duc
de Fronſac.

Monſieur le Duc de Fronſac fils vnique de
Monſieur le Comte de S. Paul, pour n'auoir
ſçeu vaincre ſon courage qui le porta au plus
fort de la charge, fut incontinent enuelpé
des ennemis dont il ſortit bleſſé d'un coup de
pertuiſſanne en la teſte & d'une mouſquetade
au corps, dont il mourut au grand regret du
Roy & de tout l'armé.

Plus moururent encore en cete charge
monſieur le Marquis de Beuueron, Mon-
ſieur de Canillac, Monſieur de Lucen, Mon-
ſieur de Cambalet, Chef de la compagnie de
Monſieur le Prince de Condé, & Monſieur
Otho auſſi de ſa maiſon & quelques autres
Gentil-hommes tant tuez que bleſſez, faute
d'auoir eu loifir de s'armer auant que d'aller
à la charge contre les ennemis.

Cependant les rebelles n'eurent le loifir que
s'enfuir, pource que l'armée du Roy s'aduan-
çoit en diligéce pour les aller ioindre, ce qu'ils
ne voulurent attendre & firent la retraite par

le mesme endroit d'où ils estoient sortis.

1622.

Cette trahison des rebelles de Montpellier, la mort & la blesseure de Seigneurs si qualifiez, mirent la France en grand rumeur contre ceux de la religion pretendue reformée, qui en beaucoup de villes du Royaume de France, faillirent à patir de la folie de leurs freres.

La France en rumeur sur la mort & blesseure de ses Seigneurs

Dans la ville d'Orleans, sur les nouvelles de la mort dudit Seigneur Duc de Fronsac, quantité de bourgeois estoient prests de prendre les armes pour vanger cette mort sur eux de la religion pretendue reformée dudit Orleans, & se presentèrent, à Monsieur le Comte de S. Paul, luy offrirent leurs vies & leurs armes, pour tirer vengeance de son fils, auquel cette ville portoit vne tres-grande affection; Mais ledit sieur Comte respondit qu'il auoit assez du duëil en l'ame sur la mort de son fils, sans voir encore la sedition en vne ville que le Roy a confiée en sa protection, les prie de se contenir en paix, que personne ne remuë & que l'on ne se prouoque de parole ny d'aucunes iniures.

Mais à Lyon le ieu ne se passa pas de la sorte avec les heretiques lesquels depuis cette trahison de Montpellier, on ne cherchoit qu'occasion de quereller.

Le iour de saint Michel quelques laquais s'assemblerent avec du menu peuple de Lyon en la place des Cordeliers où ils attaquérēt vn de la religion, qui se sauua chez vn voisin, bruslerent tout son meuble, & en voyant d'autres

Sedition à Lyon.

1622.

D'où proceda

passer commencerent à les attaquer de paroles, puis d'iniures, les appellans *Parpailleurs*, ce que ne pouuans que mal-aisement souffrir lesdits de la religiō, aucuns d'eux transportez de colere se reuanchent d'iniures qui fut cause d'un grand tumulte en la ville de Lyon, lesdits laquais s'esleuant avec deux ou trois mille enfans assemblez, on se ietta aux maisons desdits de la religion, trois desquelles furent par eux pilliez leurs meubles bruslez, & tout leur bien perdu, aucuns d'eux tuez, massacrez & blesez, & fut impossible soit aux Gouverneurs, Magistrats, que gardes tant de la ville que des Roynes qui pour lors estoient à Lyon d'empescher ce desordre, ny pour gardes, ny pour menaces de prison; & n'eust esté la Roynemere du Roy qui authorisa Monsieur le Gouverneur & les Magistrats de la ville de sa presence, & se porta elle mesme en personne sur les lieux iamaïs ce tumulte ne se fust appaisé sans grāde effusió de sang, meurtres, incendie, & rauages sur les huguenots.

Menu peuple
de Lyon insolent.

Ce menu peuple iulques aux enfans, furent bien si osez que de s'attaquer à Monsieur d'Halincour, qui y alloit en personne pour appaiser ce peuple, & luy dire, en leur langage Lyonnais *Reira vous, Monsieur, si ne desira en auoir autant*: bref iamaïs les huguenots ne furent si haïs en ville, qu'ils le font en cette ville de Lyon, où les Magistrats, ont mille peine de contenir ce peuple en son deuoir, y apportans tout l'ordre que la prudence & la necessité du temps le requiert, n'ayans cessé

de continuer les gardes par la ville tant de nuit que de iour plus de quinze ou seize iours apres.

Pour retourner à nos rebelles de Montpellier, la perte qui se fit en ce combat susdit, fut plus considerable pour la qualité de ceux qui y demeurèrent, que pour le nombre, qui ne fut pas de plus de trente, tant seigneurs, Gentils hommes que soldats.

Les ennemis ne laisserent pas moins des leur sur la place, & mesmes de leurs chefs, entr'autres le maistre du cheual blanc, hostelier de Montpellier, qui estoit l'un de ceux qui commandoient en la place, qui fut tué à cete sortie.

Ils ne furent long temps maistres de cette butte, les gens du Roy la reconquirent aussi courageusement que furieusement on leur auoit reprise, avec perte notable des ennemis, & aussi tost le Roy commanda qu'on y logeast du canon, on y en amena trois pieces, qui commencerent à battre les murailles en flanc avec de grandes ruines.

Du depuis les assiegez tenterent encore deux ou trois sorties pour empescher le trauail des trenchées, & en intentiō de regagner la butte, mais ils ont esté viuement repoussez, toujours avec perte de quelques Capitaines & soldats, & notable desauantage.

Cependant le Roy faict aduancer les trenchées, & mettre les canons en batterie & disposer des quartiers, l'un desquels fut celuy du Roy du costé de commandé par Monsieur le Prince. L'autre

1622.

Perte de ceux
de Montpel-
lier.

Sortis des assiegez.

1622.

celuy de Monsieur d'Espernon, qui fit dresser vne batterie de neuf pieces de canon, & du depuis de nombre d'artillerie plus grand, de laquelle ayant fait tirer 1200. coups contre la ville, destacha deux grands bastions Royaux l'un del'autre, qu'il reduisit en poudre.

Batterie du
Roy.

D'autre costé la batterie du Roy commandée de M. le Prince donna en courtines, & trouua les murailles de la ville si tendres qu'il passoit au trauers sans rencontrer aucune chose derriere, & la pierre tendre s'esbouloit comme craye, de sorte quel'effect qui s'en vid fut de plus de trente toises de murailles renuersées qui mirent la ville grandement à descouuert.

Bresches fort
grandes.

Cependant depuis le quartier iusques aux murailles de la ville, fut trouué vn fossé fort commode qui estât essargy & creusé porta la trenchée iusques sur la contr'escarpe du fossé, & toutes choses estant prestes on n'attendoit plus que les forces du Roy qui sont mandées de toutes parts pour y donner vn assaut general.

Neantmoins tous ces perils euidens ne les ont peu contenir qu'ils n'ayent encore continué leurs sorties, dont nous verrons incontinent les effects si tost que j'auray dit vn mot de ce qui se passe au haut Languedoc & à la rochelle durant ce siege.

Nous scaurons donc premierement que pendant cette guerre du bas Languedoc, plusieurs personnes de la religion pretendue reformée de la ville & Comté de Foix esbran-

lez tant par les armes du Roy que par l'effort de la parole de Dieu, que les predicateurs Catholiques auoient publiquement preschez és villes de Pamiez & de Foix, entr'autres vn celebre Predicateur de Thoulouse ayant presché les Aduents & le Carefme dernier esdits lieux, a tant fait par ses conferences, disputes & predications que cent 12 heretiques se sont par son moyen conuertis à la foy Catholique.

L'auteur de cette heureuse conuersion s'est tousiours contenté du merite qu'il a peu acquerir enuers Dieu par ce saint œuure sans par la publication en rechercher quelque gloire passagere deuant les hommes, comme le narré de son liure en porte tesmoignage, mis en lumiere contre son gré, & par le seul commandement qu'il en a receu deses superieurs.

Mais les principaux de la ville de Foix desirant l'accroissement de la gloire de Dieu, par la publication de cette conuersion ont obligé l'hystoire del'inserer à la suite des victoires du Roy, ainsi qu'elle suit.

Le Venerable Pere Villate Religieux de l'Obseruance Saint François, ayant receu mandement de Monseigneur de Lusson Reuerendissime Euesque, & tres-digne Pasteur de l'Eglise de Pamiez, pour prescher en la ville de Foix l'Aduent de l'année passée mil six cens vingt & vn, & le Carefme del'an mil six cens vingt & deux entreprit le voyage, nonobstant les grands dangers du chemin,

Conuersion
de 112. hereti-
ques en la ville
de Foix.

où à toutes heures les rebelles faisoient des courses, & dressoient des embuscades pour meurtrir sans compassion les pauvres Catholiques.

La grace de Dieu ayant rendu son voyage heureux & fortuné, il ne fut pas si tost dans Foix, que par l'avis des principaux de la ville il embrassa la controuerse dès la premiere predication, & continuant ainsi tous les iours de l'Aduent, les religionnaires pretendüs par vn extraordinaire resolution s'y rendans assidus, furent la pluspart esbranlez, & quelques vns conuertis. Et en ce mesme temps Monsieur de la Forest, tout zelé seruireur de sa Maiesté, estant arriué pour prendre possession du chasteau par cas fortuit & inopiné, M. Molinier Ministre de Foix, accompagné de tous les principaux diuerts, les plus apparens Catholiques de la ville, & ledit P. Villate se rencontrerent ensemble, pour rendre l'honneur & humble salut deu à ce bon Seigneur, à sa bien venuë. En cet instant le Ministre, & le mesme Pere entrerent en dispute verbale, sur la verité du Sacrement de Penitence & de la confession auriculaire, que le Ministre fut contraint aduouër pour veritable par les propres textes du nouueau Testament de Geneue, qu'il portoit en sa poche.

Ceste premiere attaque estonna si fort le Pasteur & les brebis, que deslors vne bonne partie firent resolution de quitter l'erreur au Carefme, ledit Pere reprint avec plus de vigueur ses armes spirituelles, portant souuent la

la Sainte Bible en chaire avec leur confession de Foy, afin que par l'accartement de la verité avec le mensonge, la premiere parut plus brillante, & le second plus obscurcy. Ce n'estoit pas aussi en vain, puis que tous les iours il prenoit quelque ame dans les sacrez filets de ceste diuine parole. Tous les Samedis pareillement apres auoir celebré la S. messe en la Chappelle nostre Dame de Mongauli lez Foix, plusieurs qui ne vouloient estre tout à coup recogneus conuertis, venoient conferer avec ledit Pere, propoisoient leurs raisons, & puis demeurans satisfaits de ses responces, admirables, ils faisoient profession de Foy deuant l'Autel de la Sainte Vierge, & s'en retournoient Catholiques. Les apres-dinées semblablement ce Pere suiuoit les maisons des diuertis, où il estoit attendu de plusieurs pour entrer en conference, il les instruisoit avec douceur, & leur faisoit voir clairement leurs erreurs, sans qu'il fust iamais vsé d'autre violence.

Mais d'autant que le Pasteur rendu, les brebis ne peuuent subsister, Monsieur le Comte de Carman, Gouverneur pour le Roy en la Comté de Foix, Monsieur de la Forest Gouverneur du chasteau & de la ville, Messieurs les Officiers du Roy & quelques vns des principaux habitans furent d'avis, que ledit Pere ayant esté loüablement vainqueur du Ministre vne fois, il luy donnast vne seconde recharge, se persuadant avec luy que depuis la honte publique qu'il receut en la premiere

dispute, il auoit quelque intention de se conuertir. A quoy le Pere aquiesça, d'autant plus volontiers qu'il en preueut le gain plein d'honneur & de merite. La frayeur neantmoins glassant le cœur au Ministre, & l'obstination le tenant captif dans la sombre nuit de son erreur, il ne voulut accepter vne seconde atteinte, que par escrit, & encore avec ceste condition, qu'il ne feroit point l'agresseur, quoy qu'il y fut tenu par sa confession de Foy, qui l'oblige à reformer l'Eglise Romaine, & faire voir par la pure parole escrete, ses erreurs supposées.

Le V. P. Villate se voyant presé par les messieurs luy dressa vn ciel & vn enfer, plustost par son instruction, que par voye de seconde dispute esperant sa conuersion. Aux paralleles ou analogies de l'Eglise militante avec le ciel sont deduites & estallées les principales veritez Chrestiennes, cōme aux sympathies de la religion pretendue avec l'enfer sont confutez & renuersez les plus importans articles de la confession de Foy, comme il se peut voir en l'impressiō de Thoulouse. Il reçeut son cayer par les mains d'un honorable Gentil-homme, & s'obligea par lettre avec son sein d'y respondre en peu de iours, ainsi qu'il est verifié en la 1. impressiō & attestation suivante. mais apres auoir pris vn mois de terme consulté le Ministre de Pamiez, il aduoua ne pouuoir respondre, & pria M. le Côte de Carmà luy vouloir donner libre passage pour se retirer en quelque autre Eglise, puis qu'en cellecy, il n'auoit desia plus de brebis.

Ceste sortie honteuse avec sa femme à son costé, & le trompette au deuant (en tesmoignage de sa honteuse fuite) luy fut d'autant plus volontiers accordée, que le fruit esperé en estoit important; Car ce Pasteur pretendu s'estant retiré, toutes les brebis qui restoient, se rendirent en peu de temps, sans qu'il fut iamais vsé d'autre violence que de la sainte parole de Dieu.

Quelques iours apres le corps de la ville s'assembla, où d'un commun consentement des vieux Catholiques & nouveaux conuerts, il fut resolu, que n'y ayant plus dans la ville, ny Pasteur, ny brebis pretendus, il ny auroit aussi plus de Temple, & qu'ainsi seroit demoly, cōme preiudiciāt aussi au chasteau du Roy, & cōmandāt la grād ruē de la ville, affin qu'estant tous vnīs de foy & de religion, le fussent aussi de volonté, pour le seruice de sa Majesté. Le Dimanche apres, procession soleimnelle & publique fut faicte par la ville, avec le S. Sacrement de l'Autel, où les deux Consuls nouveaux reduits, portoient le poële deuant, & les deux vieux Catholiques apres, ce qui n'auoit esté veu en ce lieu depuis 50. ans. Tous ont esté instruits priuement & en general, cōfessez & repeuz du tres auguste Sacrement de l'Autel, & donnés des preuues asseurées de leur S. & cordiale conuersion. Et affin que la verité de ce petit narré ne soit point obscurcie, ou couuerte du voile de quelque frivole ou douteuse opinion, le toolle & attestation suiuant donneront ample tesmoi-

1622.

gnage de la verité, à quiconque prendra la peine d'y porter sa veuë.

Attestation de
la conuersion
que dessus par
ceux de Foix.

Nous sous signez, Chanoines, Prebendiers, Officiers, Cōsuls, & autres, Bourgeois & habitans de la ville de Foix, Domaine & Comté du Roy, certifions & asseurons comme tesmoins oculaires, que tous les susdits nommez en ce Rolle & bon nombre d'autres qui n'y sont pas compris, sans compter les petits enfans & filles, ont esté reduits & conuertis de la religion pretenduë reformée à la foy Catholique, Apostolique & Romaine par le R. P. Villate Religieux de l'Observance S. François du grand Conuent de Thoulouse, qui les a retirez des tenebres de leur erreur à la lumiere de la verité, par la force de ses predications publiques, exhortatiōs particulieres, & religieuse vie: sans qu'il ait esté vsé d'autre violence ou contraincte que de la parole de Dieu. En outre tesmoignons que ledict Pere ayant il y a quelque temps attaqué & vaincu le sieur Molinier Ministre de Foix, en dispute venerable, ledit Ministre n'a voulu accepter vne conference generale, laquelle luy a esté presentée par ledit P. Villate, lequel Molinier apres auoir pris vn mois de terme & signal de sa main, promettant de respondre aux questions & obiections à luy proposées, le temps expiré, la frayeur luy glaçant le cœur, l'eclat de la verité luy faisant blemir le visage, il a honteusement prins la fuitte vers Pamiez parmy les rebelles, sans auoir sceu

responde, d'où s'est ensuiui l'entiere conuerfion de tous les Catholiques de Foix, la demolition du Temple, du commun accord & consentement des vieux Catholiques, & des nouveaux conuertis, assemblez pour cet effect en la maison de ville. Les despoüilles ont esté données partie à l'Eglise Abbatialle, aux Peres Capucins, & à l'Hostel Dieu. Et d'autant qu'un si grand bien doit estre suiuy d'une humble recognoissance & actions de graces à la Maiesté de Dieu, Procession solempnelle a esté faicte par la ville & aux enuirs, du Temple, où Monseigneur le Comte de Carman Gouverneur pour le Roy en ce pays de Foix, Monsieur de la Forest Gouverneur du chasteau de la ville, Monsieur de Selles, Monsieur de Barbazan, Monsieur Dausighan, Monsieur de Moulaur, bon nombre d'autres Gentils-hommes, le Chapitre en corps, les Officiers du Roy, les habitans de la ville, & tous les conuertis ont assisté avec beaucoup de deuotion, chacun benissant Dieu d'une si heureuse conuerfion. Et ce qui ne doit pas estre mis dans le tombeau de l'oubly, les deux Cōsuls nouveaux reduits avec les autres deux Catholiques portoient le Poële de l'adorable Sacrement de l'Autel, porté respectiuelement par Monsieur de Mansard Prieur du Chapitre: ce qui n'auoit esté veu en ce lieu depuis cinquante ans, & signerent tous ladite attestation.

I'en'ay point acheué le discours du trouble arriué à Lyon cy deuant commencé au iour

1622.

de Saint Michel par certain nombre de laquais & garçons de boutique contre ceux de la religion.

Lelendemain donc dernier iour Septembre ils semutinerent de rechef en la mesme place des Cordeliers à 7. heures du matin où ils entrèrent à coups de pierres chez vn Moulinier de soye qui est aussi de la religion pretendue, ils luy briserent tous ses moulins & emporterent toute sa soye.

L'apresdinée du mesme iour ils allerent en la place de Confort, où ils assaillirent la boutique du Capitaine la Forge & celle de son voisin appellé la Baquette, où ils emporterent tout ce qu'ils y trouuerent, & qui n'estoit trop pesant.

Delà s'en allerēt vers le pont du Rhosne où demeueroit vn Ingenieur nommé le Beau, lequel ils traiterent de mesme.

On pourueut à ce desordre, on mit des corps de gardes en 4. endroits, assauoir au Change, à l'Herberie, à la place de Confort, a la Tour de S. Pierre & à la Caige.

Du depuis encore au long du ieu de l'Harquebuzé du costé de Plastre, demeueroit le sieur le Gras Commis de ceux de Geneue où il auoit faict aussi bastir vne maison, laquelle fut promptement desmolie par cette meschante canaille.

Ceux de la religion desarmez à Lyon.

Le Mardy 4. Octobre tous ceux de la religion furent desarmez ne leur laissant pas seulement vne espée ny vn poignard.

Le Ieudy 6. ensuiuant, se fit vn cry par la

ville de Lyon en presence des Archers du grand Preuost de l'Hostel, de la part du Roy, defences à toutes personnes d'vser de ce mot de *Parpaillan*, à peine destre pendus & estranglez sur le champ, & ainsi prit fin cette emotion de Lyon, parla vigilance & prudence de Monsieur le Gouverneur & des Magistrats de la ville.

Monsieur le Prince Thomas y est arriué.

Arriué du

Monsieur le Duc de Nemours y est aussi, Prince Thomas à Lyon.
on y attend encore le Cardinal de Sauoye pour se trouuer tous ensemble au retour du Roy.

Montauban qui iusques icy s'est souleuée contre les iustes demandes de son Roy, & qui nonobstant toutes les punitions qu'elle pouoit encourir s'est opiniaistrement retirée du sentier de l'obeïssance, pour s'enseuelir dans les ruines de ses propres reuoltes, a veu avec regret tant de villes aux enuirs de soy estre contrainctes de subir le ioug du deuoir qui les obligeoit tous enuers leur Souuerain. C'est pourquoy ses citoyens eurent vn grand ressentiment de douleur, quand ils virent à leurs yeux S. Anthonin & Negrepelisse emportée, qui estoit leur oster deux forts bouleuars & deux grands bastions, & de fait si ces deux villes qui sont situées assez proches de Montauban eussent esté prises l'an passé, il est hors de doute, qu'elle n'eust resisté si long temps qu'elle a fait, car elles l'ont tousiours rafraischy, & de viures necessaires & de trou-
pes pour leur garnison.

1622.

Mais l'esperance que les habitans de Montauban auoient sur lesdites places fut perduë, quand ils les virent prises de force par la Maïesté, au mois de Iuin dernier, & deslors cōspirerent entre eux de faire tous leurs efforts pour en surprendre quelques vnes. Mais rien nereussit selon leurs desseins.

Entreprise
sur le chasteau
de Negrepelisse
par ceux
de Montauban.

Le 14. & 15. iour du mois de Septembre ils delibererent voyant l'armée du Roy esloignée & empeschée au siege de Montpellier de venir attaquer le chasteau de Negrepelisse peu distante de là, ils firent sortir plusieurs de leurs troupes en fort bon ordre, & auoient eu le iour precedent de bonnes responce de leur conspiratiō par quelques factieux qui estoient dans Negrepelisse, en outre iugeans qu'il falloit vser de prudence en leur entreprise, ils fortirent au nombre de quatre cens habitans, & firent mener quant & eux quatre grosses pieces de batterie, en cas de resistance, avec quantité de poudres & munitions pour vn siege.

Le Duc de V. le Roy pour voltiger aux environs de la place
adour les em- ayant sceu par ses espions le dessein de ceux de
pêche. Montauban, resolut de les preuenir, & ne

leur donner la peine d'aller iusques à Negrepelisse, il donne le rendez-vous de toutes ses troupes à deux lieuës & demie de ladite ville sous la coste d'une montagne où il se mit en embuscade, & les attendit toute la nuit du 15. Septembre: le lendemain matin on le vint aduertir que l'ennemy paroissoit, il partit a-

lors sa cauallerie en deux cornes, & iettant deuant soy toute son infanterie, vint encloré les troupes ennemies & commença-on à les charger de tous costés: le combat fut aspre, & y en eut plusieurs tuez & blesez, des ennemis y demurerent plus de deux cens sur la place, parce qu'ils auoient esté pris à despourueu: des nostres il y eust quelques Gentilshommes de blesez, mais l'aduantage qu'il auoit sur les ennemis, fit qu'on ne trouua personne de marque tué ny offensé à mort: outre ce plusieurs furent pris prisonniers, toutes leurs munitions & bagage furent saisis, & entre autre on leur prit quatre canons qui furēt conduits au rendez-vous de Monsieur de Vantadour, le reste prit la fuitte dans Montauban suiuis en dos par la cauallerie de Monsieur de Vantadour qui en mit par terre vne grande quantité, le long du chemin.

Ceste faction ayant esté rapportée à ceux de Negrepelisse, cela leur sembla de dure digestion à plusieurs & principalement à ceux qui participoient à ceste conspiration.

Leur dessein estoit de reprendre le chasteau & de massacrer toute la garnison qui estoit dedans. Mais leur entreprise a esté fort esuennée.

Ceste charge si signalée estant faite au grād contentement des troupes qui voltigeoient aux enuiros de Montauban, monsieur de Vantadour donna ordre à la garnison dudit chasteau de Negrepelisse, en prit quelques vns qu'on estimoit fauteurs de la faction, ou-

1612.

tre-plus il renforça ladite garnison de quelques compagnies continuant tous les iours à voltiger & courir la campagne des ennemis, ce qui incommoda beaucoup ceux de Montauban, qui ne peuuent tirer des lieux circonuoisins les commoditez qu'ils pourroient esperer, de sorte que ceste façon de camp vollant les affoiblit tout a fait, & rompt tous les desseins qu'ils ont de resister aux armes du Roy.

A la Rochelle en ce temps mesme, les cōtēstations redoublent pour les commandemens, la sedition y est presque à chaque heure prestee de ruiner le peuple les vns contre les autres; ceux qui n'ont pas eu de charges selon leur desir se sont desbandez, ont tourné casaque, ont quitté la place, & se rendent iournellement aux troupes de Monsieur le Comte de Soisson, & à celle de M. de S. Luc à Broüage, & vont incessamment à la guerre contre ceux qui estoient leurs confreres.

Soldats Rochelois se rendent à l'armée du Roy.

Le 15. Septembre on les vid estre des plus opiniastrés au combat contre les Rochelois, où ils butinent tousiours quelque chose sur eux.

Le dixneufiesme ensuiuant, ils se comporterent vaillamment au combat Naual qui s'entreprit cedit iour par le Marquis de Roüillac contre les ennemis; ledit Seigneur commandoit à la flotte qui estoit en Broüage, composée du Gallion de S. Michel, & de dix moyens nauires, desquels pour lors il y en auoit six hors du cōbat, à cause qu'ils estoient es-

choïez, & ne peurent suyure les autres; tellement que de cinq autres, qui estoient à flot, il fallut soustenir le choc de quatorze grands nauires Rochelois, dont il y en auoit quatre de cinq cens tonneaux à chacun d'eux armez de canons de batteries qui portoient basles de vingt deux ou vingt trois liures. Les autres estoient munis de bonnes couleuvres de calibre, portans basles de dix à douze liures; ainsi que l'on sçeut au vray pour auoir esté lesdites basles trouuez le lendemain sur le sable, la mer estant basse, & ayât esté pressez au port de Broüage.

Combat naval
fait contre O-
lon entre les
vaisseaux de
Broüage & les
Rochelois.

Or les Rochelois croyoient bien ioüir leur personnage, mieux qu'ils ne firent pas s'estans preparez à ce combat plus de huit iours auparavant, sur certain aduis qui leur fut donné, que ledit sieur Marquis de Roüillac vouloit sortir du Haure de Broüage, pour aller ioindre Monsieur le Duc de Guise general de l'armée Nauale du Roy.

Ils s'estoient donc alestis le mieux qui leur estoit possible, tant en hommes que munitions de guerre, pour surprendre au tresbuchet ladite flotte, la moitié de laquelle fut si malheureuse, que six desdits nauires eschoïrent en chemin, & n'en resta que cinq petits à flot comme j'ay dit cy dessus.

Les Rochelois qui estoient au guet sur le commencement du flot, s'appresterent tous sur les huit à 9. heures du matin, & en leuans l'ancre l'Admiral tira vn coup de canon pour aduertir ses compagnons de s'approcher, & à

1622.

Rochelois
viennent vers
Broüage avec
14. vaisseaux.

Perte pour les
Rochelois.

l'instant en voycy quatorze qui font route deuers Broüage & faisant force de leurs voiles avec le vent & la marée ils ressembloient aux faucons qui poursuiuent vne Perdrix à tire d'aile, & fût mine de vouloir aborder, & quād ils virent tous les Capitaines desdits cinq nauires qui n'estoient pas eschoüez, ne relascher iamais d'un pas, au contraire s'approcher d'eux de plus en plus; ils s'arrestèrent à vne demie portée de canon, & mouillèrent l'ancre, & de là commencerent à canōner contre les nauires de Broüage, auxquels fut brauement respondu, & dura le combat depuis les onze heures du matin iusques sur les cinq heures du soir, que la mer se retiroit; durant lequel temps, il se tira de part & d'autre plus de quinze cens coups de canon.

Et est à remarquer quel'un de leurs vaisseaux pour faire le vaillant, s'aduançoit un peu plus que les autres, & puis presentoit le costé pour tirer sa bordée; mais cette rodemontade luy reussit tref-mal, car il fut chassé vers les autres, qui voyans qu'ils ne pouuoient rien aduancer sur les vaisseaux du Roy, où commandoit un si valeureux chef, ledit sieur de Roüillac, ils se retirent en l'Isle d'Oleron, où ils desbarquerent prez de cinquante de leurs soldats tuez & quelques vns de leursdits vaisseaux qui auoient esté endommagez au combat.

Du reste des affaires de la Rochelle & de ce qui s'est passé deuant icelle en l'armée du Roy, il ne s'en peut escrire rien de plus certain que ce qu'en escruiuit à Monsieur le President

de Bordeaux, Monsieur Barentin intendant de la iustice en l'armée de Monsieur le Comte de Soissons le vingt quatriesme Septembre, en ces mots.

1622.

Les loiiables & recommandales qualitez qui sont en vous, & nostre ancienne amitié, m'obligent à vous faire part des nouvelles du siege de la Rochelle, où j'ay l'honneur d'auoir l'intendance de la Iustice & des Finâces. Mōseigneur le Comte a iusques à present travaillé aux forts du costé de Laleu, qui sont maintenant en defence, garnis de quatorze pieces de canon, & les Officiers de l'Artillerie sont partis pour en aller querir vingt autres à Poitiers & à Angoulême, à fin de les battre furieusement. Les Rochelois ont à present de la neccessité bien grande d'argent & de bois, & leur armée naualle faute de payement, commence à se dissiper. Il y a trois sepmaines qu'elle fut en emotion prestee à les quitter: ils bourcillerent trois mil escus: en cottisant trente des meilleures maisons, à cent escus chacune. Il y en eut bien dix ou douze qui payerent volontairement, les autres le firent à regret, & aucuns par force: & tous les gens de qualité, qui restent dedans, desirent rendre l'obeïssance au Roy, & ne sont retenus, que par l'audace de quelques factieux populaires qui toutes fois ont parlé de mettre hors quinze ou seize du reste de l'assemblée, disans qu'ils sont cause du mal & de l'incommodité qu'ils souffrent. Nous attendons tousiours le progrès de l'armée naualle du Roy, laquelle in-

Lettre de M.
de Barentin
au 1. President
de Bordeaux.

1622.

dubitabement sera maistresse de la Mer, veu l'estat auquel sont à present reduits les ennemis. Ioint que les nauires Flamans, qui estoient pres de nous sont partis chargez de sel, & s'ont retournez en Flandre. Lundy dernier la plupart des Anglois sortirent, & se vindrent rendre en nostre armée, où ils ont esté bien receus & festoyez. Monseigneur leur a fait donner del'argent, & leur a fait bailler de ses gardes pour les conduire à Nantes, où ils desireront s'embarquer pour se retirer en Angleterre avec detestations des incommoditez qu'ils ont receuës dans la Rochelle: & tesmoignent mil allegresses de se voir en liberté. Le Lieutenant qui les commandoit, avec le reste des Anglois, a esté arresté dans la ville, & sont dans les prisons: nous attendons auioird'huy de nouuelles de ce qu'ils en feront: mais ce n'est le moyen d'auoir vne autrefois des Anglois. Mardy la garnison des cheuaux legers & d'Infanterie, que mondit Seigneur auoit mise dās la Iarne, du costé de Surgeres, desit vne compagnie de picoreurs de gens ramassez de diuerses Prouinces, & en fut amené quinze prisonniers, les autres furent taillez en piece sur la place dans la fureur du combat. Nous auons icy vn braue Pilote de Broiage nommé Saucon, de la religion pretendue, mais ennemy iuré des Rochelois, qui a passé au trauers de l'armée Rocheloise, & s'est logé contre nos forts: Il prend toutes les barques qui mement de la farine à la Rochelle, & mesme le iour d'hier en print quatre à la chaisne. Il est placé

à la portée du canon des ennemis, mais proche de nos forts & soustenus de nos canons: & à l'heure que ie vous escripts cinq ou six vaisseaux le canonnent, & nous le soustenôs, & canonnonns aussi les vaisseaux Rochelois: ainsi nous faisons la guerre par terre & par mer, pour n'oublier rien qui puisse apporter honneur & reputation aux armes du roy.

Du siege de la Rochelle le 24. Septembre 1622.

Le 26. du mesme mois le grand Gallion de Malte avec cinq autres Gallions & quelques nauires arriuerent proche l'isle d'Oleron. M. de S. Luc qui estoit à Brouïage enuoya vn gentil-homme exprez à M. le Comte de Soissons pour luy en donner aduis, & quelque iours apres ils s'acheminèrent à Blauet sous la conduite du sieur de Méntis Lieutenant de M. le Duc de Guise.

Arriuée du
grand Gallion
de Malte au
port de Blauet
en Bretagne.

Ily auoit long temps que lesdits Gallions estoient partis de Marseille, ils firent quelques escarmouches sur les costes de Barbarie avec les Corsaires, sur lesquels ils gaignerent de grand butin, coulerent quelques vaisseaux à fond, prirent quantité de forçats & d'Esclaves que le sieur de Mantis vendit aux Espagnols en Cadiz.

Les Galleres de Marseille qui estoient sur la riuiera de Nantes sçachant l'arriuée desdits Gallions à Blauet partirent pour les aller ioin-dre audit Blauet, & font ensemble 75. vaisseaux des plus beaux du monde sous la conduite generale dudit Seigneur Duc de Guise.

1622.

Pour retourner aux affaires du Languedoc, les coureurs de Nismes courans du costé d'Auignon surprirent le Legat du Pape, le sieur des Portes, Baudouin Thresorier & quelques autres qu'ils emmenerent prisonniers audit Nismes, mais ils en ont esté quittes pour leur rançon.

Ledit sieur Vicelegat quelques iours auparavant auoit fait presenter à sa Maiesté lettres de Saincteté, qui le congratuloit sur le subiet de ses victoires, & coniueroit sa Maiesté de ne se porter aux dangers, comme hazardant en sa personne l'esperance de la Chrestienté.

Commandement du Pape à la ville d'Auignon d'assister le Roy & le recevoir en la ville.

Sa Saincteté mesme commanda audit Vicelegat qu'il donnast ordre à faire donner au Roy pour ce qu'il luy seroit necessaire, armes, poudres, munitions & viures, & si sa maiesté auoit à plaisir au retour du Languedoc ou autrement visiter ledit Auignon, qu'il se preparast à recevoir sa Maiesté comme sa personne propre, & quel'on la traitast avec sa Cour, ainsi qu'il appartient à vne maiesté royale.

Bonne volonté de ceux de Marseille.

Et parce que l'armée du roy augmentoit en nombre de malades qui s'infectoient l'un l'autre, les habitans de Marseille firent proposer au roy, que pour tesmoigner l'affectiō qu'ils auoient à son seruice s'il luy plaisoit faire conduire lesdits malades de son armée en leur ville, ils y seroient traictez à leurs propres fraiz & despens, offre de seruice fort loüable, dont sa maiesté leur sceut gré, & se contenta de leur bonne volonté.

Plusieurs

Plusieurs autres incommoditez trauailloïent l'armée, singulierement la neccessité des eaux & des foings, la pluspart des cheuaux estans cōtraints de māger les feuilles des vignes, pour la trop grande distance des lieux, d'où se pou-uoit tirer le fourage.

1622.

Le septiesme Septembre (pour reuenir au siege) fut pris vn espion, Cordonnier de son estat, forty de Mont-pellier faisy de lettres enuoyées par les rebelles au Duc de Rohan, pour le solliciter à leur enuoyer secours, au deffaut duquel ils estoient perdus en bref, il declara que ceux de Mont-pellier auoient fait habiller enuiron douze cens femmes en habits de soldats, pour faire voir à l'armée du Roy qu'ils estoient quantité de gens de guerre l'à dedans.

Espion de
Mont-pellier
surpris.

Ce pendant les pertes dommageables se continuent encore deuant ceste place en la personne de quelques notables Capitaines.

Monsieur Zamet l'un des plus courageux & discrets Capitaines qu'eust sa Majesté en toute son armée, retournant destrenchees & de la visite que le Roy luy auoit enuoyé faire, fut blessé d'un coup de fauconneau à la cuisse dont il mourut peu de temps apres, sa Majesté qui auoit vn extreme regret en la perte de ce Seigneur le voulut voir auant que de mourir, & luy accorda tout ce qu'il luy demanda : apres son deceds son corps fut apporté à Paris, & mis en la sepulture de ses pere & mere en l'Eglise des Celestins.

Mort de monsieur Zamet.

Celuy qui fut mis en sa place à l'armée fut

1622.

vn nommé le Seigneur de Rauquelaure, que les Venitiens auoient demandé pour general de leur armée contre les Milannois : celuy cy exerça la charge dudit sieur Zamet avec beaucoup de valeur & de reputation.

Pareillement aussi fut emporté le corps de feu Monsieur de Vic, garde des Seaux, pour estre inhumé à Paris, & les Seaux de France qui iusques à lors estoient demeurez depuis sa mort entre les mains de Monsieur de Puisieux furent donnez par le Roy à Monsieur de Caumartin Conseiller d'Etat, personne tres-illustre & des plus recommandables du Conseil & dignement choisie par la prudence iudicieuse de sa Majesté pour vne telle charge.

Monsieur de
Caumartin
fait garde des
Seaux.

Cependant les ennemis rebelles de Montpellier continuans en leur opiniastrété voyans comme depuis le huietiésme Septembre iusques au vingtiésme, les gens du Roy s'estoient logez à vne portée de pistolet des murailles de la ville, & du depuis iusques sur la contre-es-carpe du fossé, & que l'on preparoit autres nouuelles batteries pour les battre en ruine; tenterent encore quelques deux ou trois sorties, pour surprendre quelques quartiers de l'armée, & regagner quelques dehors que l'on leur auoit gaigné : mais ils ont esté tousiours repoussez, avec perte de plusieurs de leurs Capitaines & soldats.

Le vingt-deuxiésme sa Majesté ayant fait aduancer les trenchées de l'attaque du Regiment de ses gardes à vingt ou trente pas d'une corne que les assiegez auoient iusques à lors-

soigneusement gardée, & qui estoit au milieu de deux bastions de la ville, elle resolut de la faire attaquer entre minuit & vne heure, afin que dans l'obscurité de la nuit, les ennemis ne peussent preualloir de la faueur de leurs bastions & courtines.

Comme l'ordre auoit esté donné pour ce faire, il arriua que les assiegez, soit qu'ils se fussent preparez à vne sortie, & qu'ils voulussent venir au deuant des gens du Roy, sortirét de leurs dehors, environ six ou sept cens hommes armez pour donner dans les trenchées où les gens de sa Majesté preparez au combat, & mesmes nombre de Gentilshommes volontaires, gens d'armes & cheuaux legers armez à la teste de l'infanterie, les receurent vn peu plus vertement qu'ils n'eussent pensé, & les repousserent en suite iusques sur ladite corne, qui en mesme temps fut emportée; de sorte que les assiegez se voyans ainsi poursuiuis de toutes parts & pressez par les gens du Roy quitterent leurs dehors pour gagner leurs bastions, & en mesme temps les Capitaines & soldats de l'armée traualloient à se retrancher sur ladite corne gaignee, où ils n'apporterent pas moins de soin pour se conseruer, que de generosité de valeur & de courage à se defendre.

Ceste action dura l'espace de plus de deux grandes heures, en laquelle il y eust de part & d'autre plusieurs morts & blesez du costé du Roy.

Monsieur de Tarauld, Lieutenant du Duc

Capitaines
tuez & bleffez

de Luxembourg dans Blaye, & Capitaine d'une compagnie au Regiment de Normandie y fut tué.

Le sieur de Lago, Capitaine enseigne d'une compagnie au Regiment des gardes, y fut aussi tué.

Le sieur de Mirandela aussi tué.

Monsieur de Labene Capitaine au Regiment des gardes, bleffé à la main d'un coup de picque.

Et environ vingt-cinq ou trente soldats, tant morts que bleffez.

Les assiegez y firent perte d'environ deux cens hommes, & des plus braues & vaillans qu'ils eussent en la place. Car outre qu'ils fussent chargez & battus en tous les endroits où ils se presentoient, le canon du Roy, qui battoit incessamment les parapets des bastions en courtines en mit beaucoup par terre.

Mais ce qui fut plus considerable fut la prise des dehors si aduantageux & proches des bastions, que n'estant pas cét endroit beaucoup rempli de terre, & ny ayant qu'un petit fossé au deuant, dans peu de iours apres il estoit facile de s'y loger.

Ils se retran-
chent au de-
dans & font
travailler les
Catholiques.

Les ennemis se voyans ainsi serrez de près, & contrains de se renfermer en leurs dedans, commencerent à se retrancher de nouveau dans la place, & par une malice tres-grande contraindirent le reste qui se trouuoit de Catholiques dans Mont-pellier tant hommes que femmes, garçons & filles, à travailler aux retranchemens, avec des traitemens plus

cruels & barbares qu'on ne feroit à de pauvres
forçats & prisonniers condamnez aux ceps.

Or combien qu'il y eust bresche raisonna-
ble à la muraille pour donner vñ assaut, si est-
ce que pour deux considérations sa Majesté
ne fut pas conseillée de l'entreprendre, l'une
pour l'aduis que l'on auoit donné que dessous
ladite bresche les ennemis auoient faicte vne
mine qu'ils pretendoient faire iouir prompte-
ment au iour d'un assaut general: l'autre fut la
fatigue de l'armée qui auoit besoin d'estre ra-
fraischie de nouuelles forces auant que d'en-
treprendre l'assault.

Et de fait furēt longuemēt attēduēs les trou-
pes de Bourgogne, de Monsieur le Conne-
table, & du Duc de Vendosme avec celle de
Champagne.

Ce pendant on ne laisse pas de gagner le
plus qu'on peut des dehors ennemis, avec
quelques pertes de part & d'autre, monsieur
Castelnau vieil & braue Capitaine au Regi-
ment des gardes, retournant d'une tranchée,
fut atteint d'un coup de canon des ennemis
qui le coucha mort & neuf soldats avec luy,
du mesme coup. Fut aussi tué à vne autre char-
ge ledit sieur de Roquelaure, General des Ve-
nitien, & quelques Gentils-hommes volon-
taires, qui poussez par leur courage, alloient
à la teste des troupes attaquer l'ennemy ius-
ques au dedans de ses retranchements.

Mort du sieur
de Castelnau
& du sieur de
Roquelaure,

En fin arriuerent au camp de sa Majesté trois
mil hommes de Bourgogne en trois Regi-
mens, tous soldats de bonne mine & bien-
Bourgogne.

Arriuee des
troupes de
Bourgogne.

1622.

faits, enuoyez par monsieur le Duc de Bellegarde Gouverneur de la Prouence.

Arriuerent aussi les troupes de monsieur le Duc de Vendosme, qui estoient en Roüergue & au haut Languedoc, laissa là le siege de Briteste qu'il eust finalement emporté dans peu de iours, & alla trouuer sa Majesté avec deux mil braues hommes, & ayant laissé le reste de son armée entre les mains de Messieurs le Duc de Vantadour, Marechal de Themines & Comte de Carman.

Cependant l'Euesque de Mirepoix, a monstté en ces actions forces tesmoignages de la bonne volonté qu'il a au seruice du Roy, se presentant à sa Majesté dans Thoulouse, luy dit quetenant ce qu'il possedoit du benefice de sa Majesté & des Roys ses predecesseurs, il offroit entretenir quelques gens de guerre à ses despens contre les rebelles de son diocèse, pourueu que sa Majesté luy permit de leuer, ce qu'ayant obtenu, il fit quelques troupes qu'il ioignit à celle du Comte de Carmã & enuoya contre les ennemis du Roy au Comte de Foix. On n'attendoit plus que les troupes du Dauphiné & la personne mesme de Monsieur le Connestable.

Quelques vns ont voulu faire des interpretations imaginaires sur le delay que faisoit ledit sieur Connestable, mais ceux qui seront informez de la verité, sçauront qu'il estoit empesché à nettoyer le Rhosne de beaucoup de coureurs du Viuarets & du pays des Seuenes, qui s'estoient mis en armes pour empescher les

passages aux troupes de sa Majesté, qui aualloient le Rhosne pour se ioincre au camp: qui fut cause que ledit sieur ne peut pas partir ny arriuer si tost en Cour quel'on eust bien desiré.

Ce pendant le Duc de Vendosme qui tenoit Briteste assiegée, & qui auoit mené au Roy la pluspart de ses troupes, prend quartier en son armée aupres le Duc d'Elbeuf son beau frere.

Les rebelles de Mont-pellier auoient remis toute leur esperance sur vn secours qui leur estoit promis du costé de Seuenes.

On auoit donné aduis au Roy que dans le dit pays des Seuenes auoient esté leuez deux mil cinq cens hommes, lesquels se deuoient aller ietter dans Mont-pellier: les espions de la ville qui auoient esté pris par les gens du Roy, auoient déclaré la voye qu'ils deuoient tenir pour y arriuer, sçauoir par le milieu d'un bois qui est proche de la ville le plus aduantageux pour eux, pour ce que de là ils peuuent facilement entrer en la faueur d'une furieuse sortie que ceux de dedans eussent faicte au mesme temps.

Mais l'ordre qu'on y a donné leur a faict perdre l'enuie de tenter le danger l'espace de plus de six nuicts entieres, sa majesté a esté en personne avec sa caualerie sur pieds pour les attendre au passage, & les nuicts qu'elle ny alloit point elle ne prenoit aucun repos, tant le soing & la preuoyance qu'il a sur tout ce qui concerne son armée le rend indefatigable au

travail.

Sa caualerie qui a esté tres-belle tout le long de ce siege, a toutes les nuits tousiours esté en garde du costé dudit bois, n'ayant aucun repos sinon celuy qu'elle pouuoit prendre de quelques heures du iour.

En fin le Roy pour deux sortes de considerations, fit assembler tous les volontaires de son Royaume, lesquels il separa en trois escadrons, l'un sous la conduicte de monsieur le Prince de Condé, le second sous la charge du Duc de Vendosme, & le troisieme sous celle du Duc d'Elbeuf. La premiere consideration de cecy fut afin de retenir par ce moyen les volontaires de s'exposer si legerement aux dangers des tranches, comme ils faisoient auparavant, & dont plusieurs se sont perdus inconsiderement : l'autre fut afin de tenir tousiours la Noblesse en estat de combattre le secours en cas qu'il parust approcher pour se ietter en la place : ce qu'ils n'ont osé faire, & ont esté contraincts de s'en retourner à Nismes, Seuenes & autres lieux d'où ils estoient venus.

Arriué de
monsieur le
Connestable
au cãp deuant
Mont-pellier.

En fin donc monsieur le Connestable arriué aupres du Roy avec quelques troupes, où estant arriué le neufiesme Octobre on comença à traicter de la paix, non seulement pour tout le Languedoc, mais pour tout le corps des rebelles de la religion pretenduë.

Cependant monsieur le Prince voyant cet acheminement à la paix demande congé à sa Majesté pour aller en Italie accomplir le vœu qu'il auoit fait à nostre Dame de Lorette, ce

que sa Majesté accorda volontiers, & à l'instât
mesme prit son chemin droit à Aiguemorte.
Or attendant le succez du traicté, faisons vn
tour au Royaume.

Nous apprenons qu'apres que les Re-
istres eurent quitté la frontiere de Fran-
ce, monsieur le Duc de Neuers voyant l'oc-
casion à propos, & se trouuant avec la force
en main dans le pais de Rhetelois, logea ses
gens de plus pres qu'il luy fut possible és enui-
rons de Sedan, faisant defenes à toutes for-
tes de personnes de transporter des bleds ny
des viures hors du Royaume, & par conse-
quent à Sedan qui est hors de France, fait ap-
procher le sieur de Vaubecour avec ses trou-
pes, en disperse vne partye avec d'autres en
diuers lieux aux aduenues dudit Sedan, en telle
forte que les viures y manquant, le pain d'un
sol y en valloit plus de huit, & estant ainsi re-
duicts là dedans un grand nombre de familles
de ceux de la Religion, en ceste necessité, le
Duc de Bouillon ne se trouue pas peu en peine
de ce que le sieur Duc de Neuers auoit enuie
de faire, il s'en plaint au Roy, en escrit au
Conseil à Paris, & veut sçauoir ce que l'on
desire faire: en mesme temps monsieur de Ne-
uers depeche vers le Roy pour sçauoir sa vo-
lonté touchant Sedan, veu que iamais il ne se
presenta occasion si belle de l'assieger qu'alors.
Sa Majesté lassée de tant de troubles qui n'al-
loient qu'à la foule du peuple, luy fit dire par
le Marquis de la Vieuille, qui retourna de la
Cour vers ledit sieur Duc de Neuers, qu'il

Sedan inuesty
par monsieur
de Neuers.

1622.

licentiaſt ſes troupes ou qu'il les enuoyaſt avec l'armée de Champagne qui pour lors s'acheminoit à Mont-pellier, apres auoir commis mille rauages, cruautez & voleries plus que des ennemis ne ſçauroient faire dans la Province de Champagne & en celle de Bourgogne.

Cependant, Mansfeld en ſortant de la frontiere du Royaume, auoit fait dire à monsieur de Neuers qu'il donnoit au Roy le canon qu'il auoit laiſſé dans Sedan, qui fut que monsieur de Neuers produiſant la lettre de Mansfeld au Duc de Bouillon, luy fit inſtance au nom de ſa Maieſté pour le retirer d'entre ſes mains, mais le Duc de Bouillon dit qu'il luy auoit eſté vendu par Mansfeld, & dauantage que le Prince Palatin s'y oppoſoit formellement diſant qu'il eſtoit à luy & non à Mansfeld, & que pour l'aſſeurer dauantage, il ne falloit que viſiter les pieces & on y trouueroit ſes armes, & en fallut paſſer par là.

Du coſté de la Rochelle, iuſques icy l'armée nauale n'a fait encore aucun exploict ſur les rebelles fors vn vaiſſeau qu'on leur a pris en pleine mer: cette puiſſante armée ſe mit au conuert au port de Blauet attendant le vent propre avec monsieur de Guiſe, lequel a fait ſommer les Anglois & Hollandois qui auoient des vaiſſeaux au port de la Rochelle pour ſe declarer quel party ils vouloient prendre, ou demeurer au ſeruice des rebelles, ou ſe mettre au ſeruice du Roy, ſur ceſte reſolution ledit ſieur Duc de Guiſe doit conduire l'armée con-

Canon de
Mansfeld
laiſſé au Roy
retenu par le
duc de Bouil-
lon.

Deſſein du
Duc de Guiſe
avec l'armée
nauale.

tre l'Isle de Rié & d'Oleron pour s'en rendre maistre, en intention de ioindre les vaisseaux de Broüage & combattre l'armée nauale des rebelles, si elle se presente à eux, & si le vent & la maree le permettent.

En ce temps mourut à Mezieres le Duc de Rethelois, fils aîné de monsieur le Duc de Neuers aagé de seize à dix sept ans, ieune Prince, mais de tres-grande esperance: cette mort r'entama les regrets dudit sieur Duc de Neuers son pere, qui en porte vn dueil extreme, comme ayant fondé le support de sa maison en la generosité de ce sien enfant, le corps enseuely fut conduit à Neuers & inhumé au sepulcre de sa mere, apres quoy ledit sieur Duc de Neuers est allé en Cour aupres du Roy.

Mort du Duc
de Rethelois.

Ce pendant l'armée de Champagne commandée par le Duc d'Angoulesme arriua à Lyon, apres auoir fait de grands degasts tant en Champagne qu'en Bassigny, Bourgongne & autres lieux de leurs passages, contre le gré & consentement de leurs chefs, qui en ont fait punir vn grand nombre de la part où les delits sont venus à leur cognoissance.

Estant arriuez aupres de Lyon, ordre fut donné pour la nourriture de ceste armée, afin d'empescher le desordre dans le pays de Lyonnois, de maniere que depuis le dix-huictiesme Octobre que monsieur d'Angoulesme arriua à Lyon, iusques au departement de son armée, suiuant l'ordre qu'il en receut de la Cour, luy fut fournie iournellement la quantité de trente mille pains, six vingt muids de vin, &

Arrivée des
troupes du
Duc d'An-
goulesme à
Lyon.

vingt mille liures de viandes, qui fait croire que son armée estoit grosse de treize à quatorze mil hommes ; lesquels, comme on croit, seront enuoyez hyuerner au Bailliage de Gex & ailleurs, attendant la saison propre pour les employer.

Pour reprendre nostre traité de la paix, depuis l'arriuée de monsieur le Connestable, on ne fit autre chose que travailler à l'establissement d'icelle, laquelle fut concludé & arrestée le dix-huictiesme Octobre au camp deuant Mont-pellier.

Submissions
rendues au
Roy par le
Duc de Ro-
han.

Et en execution de ce que monsieur le Duc de Rohan auoit offert & promis de faire apres qu'il eust ramené les Deputez d'Vsez, de Nismes & des Seuenes, tous disposez de se soumettre à la disposition du Roy. Il s'en vint dès le Mardy dix-huictiesme Octobre au soir au quartier du Roy, d'où la pluspart de ceux de la Cour s'estoient desia retirez en leurs logements : de sorte qu'il trouua le Roy presque tout seul, il se mit à deux genoux deuant sa Majesté, luy demandant pardon des armes qu'il auoit porté contre son seruice, Le Roy luy dit qu'il fut plus sage à l'aduenir, & qu'il vouloit oublier les choses passées, & l'ayant fait leuer changerent de discours, & vne demye heure apres ledit sieur de Rohan se retira au quartier de monsieur le Connestable, où il coucha.

Le lendemain Mercredy dix-neufiesme Octobre au matin, il s'entra dans la ville de Mont-pellier, & en ressortit bien tost apres

avec le sieur de Callogne gouverneur d'icelle, & tous les deputez desdites villes, lesquels s'en vindrent supplier le Roy de leur donner la paix & leur pardonner les fautes passées, illes presenta à la Majesté deuant laquelle ils se mirent tous à genoux demandant pardon & la paix, par la bouche dudit sieur de Callogne qui parla pour tous, estant tousiours à genoux.

SIRE,

Nous sommes enuoyez de toutes les Eglises reformées de France, & souueraineté de Bearn, pour (en leurs noms) tres-humblement demander la paix à vostre Maieité, nos cœurs humiliez plus que nos corps se iettent à vos pieds pour la luy demander. & la supplier tres-humblement de croire que les faux bruits que l'on a semez parmy nous, des desseins que vostre Majesté auoit contre nostre Religion, nous ont ietté au malheur où nous sommes, ce n'est pas que nous voulions changer de nom au mal, nous nous confessons coupables, c'est pourquoy nous prions à vostre Majesté pour luy demander pardon, & la supplier tres-humblement de nous recevoir en sa grace, & à l'exemple de Dieu (duquel elle est l'Image) auoir égard à nos infirmités, & donner quelque chose à la crainte que nous auons eüe de voir la liberté de nos consciences opprimées, quo tant plus vostre Majesté nous trouuera coupables, tant plus aussi trouuera elle de place pour employer sa clemence, Henry le grand pere de vostre Majesté s'est seruy de nous, s'est fié en nous, & nous a aimez, nous la supplions tres-humblement que comme heritiere de ses Royales vertus, elle se serue aussi de la bõne volonté qu'il

Harague faite
au Roy par les
deputez de la
religion pre-
tendue refor-
pour luy de-
mander grace
& la paix.

1622.

a eue pour nous, & ne nous distinguer desormais de ses autres subiects que par le seruice que nous luy rendrons, car c'est de là (SIRE) que nous pretendons faire veoir à vostre Majesté que nuls ne peuent estre plus que nous ses tres-humbles & tres-obeyssans subiects & seruiteurs.

Le Roy luy respondit que volontiers il leur pardonnoit, à condition qu'ils fussent plus sages à l'aduenir qu'ils n'auoient esté, qu'ils luy fussent bons subiects, & qu'il leur seroit tres-bon Roy, & apres s'approcherent les vns des autres à la personne du Roy pour luy faire les submissiions.

Premierement, ledit sieur de Callogne, puis les Deputez des Seuenes, & apres ceux d'Vsez & de Nismes: & finalement ceux de Montpellier, tous lesquels le Roy receut avec sa clemence & benignité accoustumée, & puis les fit leuer, & commanda au sieur d'Herbaust de lire en leur presence la declaration que sa Majesté auoit fait expedier pour la paix, ainsi quelle se verra cy apres.

Le mesme iour apres le disné, monsieur le
 ie Cōnestable
 del'Esldiguie
 re entre dans
 Mont-pellier
 Cōnestable entra dans la ville avec messieurs les Marefchaux de Crequy & de Bassompierre, & quatre mil hommes, tant des gardes que des Suisses, qui se saisirent des portes, des Magazins, du canon: & de deux Bastions des principaux.

Gardes du
 Roy se saisirent
 de la place.

Et le soir mesme, le Grand Preuost y entra avec tous les Archers, & fit publier vne Ordonnance du Roy concernant la paix, qu'il auoit accordée à son peuple. Les Marefchaux

des logis estant entrez quant & quant luy pour exercer leurs charges, & marquer les logis accoustumez, comme ils firent.

1622.

Le lendemain au matin vingtiesme Octobre, les gens de guerre qui estoient dans la ville sortirent tous ensemble, en nombre de douze cens en fort bon équipage, & furent receus par le sieur de la Curée avec vne partie de la cavalerie du Roy, lequel les conduisit iusques où ils desirerent.

Entree du
Roy en la vil-
le de Mont-
pellier.

L'apresdinée sur les quatre heures, le Roy y entra avec toute sa Cour sans beaucoup de ceremonies, attendu le temps de l'Estat des affaires.

Le Roy entra triomphamment en armes en sa ville de Mont-pellier le Ieudy vingtdeuxiesme Octobre, iour de bon presage, pource que selon les Astrologues, il est dominé & esclairé de la planette de Iupiter, qui est toute pleine de bon-heur, affectée à la conseruation des Roys.

Son entree fut magnifique veu le peu de temps que les habitans de Mont-pellier eurent pour en faire les preparatifs & decoratiōs requises en choses pareilles & de telle consequence, la peinture & la sculpture y monstrerent les forces de leur excellence, l'architecture y erigea en perfection, des Portaux, Pilastres & Arcs triomphaux es lieux par où deuoit passer sa Majesté, la tapisserie ny estoit espargnée par les ruës, & ce que la crainte d'un sac & pillage leur auoit fait cacher de leurs plus beaux meubles, fut decouuert & mis en veüe aux places

1622.

necessaires pour honorer ceste bien-heureuse arriuée. C'estoit à qui plustost iroit au deuant, & qui cōtribueroit ce qui estoit de son deuoir, l'allegresse & la ioye y estoit vniuerselle, l'air retentissoit des applaudissemens des habitans del'vn & l'autre sexe, on n'oyoit que crier à haute voix, Viue le Roy, viue le Roy, les ruës & les aduenuës de la porte par laquelle sa Majesté ariuoit, estoient toutes bordees de soldats de ses gardes, les Princes & les Seigneurs marchoient selon leur rang en bel ordre, les Consuls accompagnez des plus notables de la ville vindrent au deuant tesmoignans en la harangue qu'ils feirent à sa Majesté, qu'ils auoient vne grande repentance de l'auoir courroucée, & la supplierent en luy offrant les clefs de la ville, eux & leurs vies, tres-humblement d'estendre sa misericorde sur eux, & de ne chastier leurs crimes, leurs felonniez & les transgressiōs de ses loix, avec d'autres armes qu'avec celles de sa clemence & de sa pitié: sa Majesté leur promit & leur accorda ce qu'ils leur auoient demandé, & à condition que dorefnauant ils luy seroient fidelles, & que souz pretexte que ce fut qu'ils ne prendroient iamais les armes contre le seruice de sa Majesté, qu'ils souffriroient que leurs nouuelles fortifications fussent rasées, leurs defences ruinees & demolies; que leurs fossiez seroient remplis & que iusques à ce que le tout comme dit est fut executé, accompli & demoly, il y auroit trois regimens en garnison dedans leurs villes, obeïroient en ce qui seroit du seruice de sa Majesté.

Vlez

Quant à Vſez ville & Eueſché que quelques
auteurs eſtiment eſtre le Volcé des Tectofa-
ges, & qui par ſucceſſion de temps a eſté am-
plifiée du tiltre de Duché pour le merite de
quelques ſiens Seigneurs, n'a plus voulu per-
ſiſter en ſa rebellion, & embrasſé l'obeyſſance
du Roy, à l'imitation de Mont-pellier, &
pour l'en aſſéurer dauantage a conſenty que
ſon chasteau ſeroit raſé & ſes fortifications de-
molies.

Reduction
d'Vſez.

1622.

La ville & Eueſché de Niſmes a ſuiuy l'ex-
emple des autres, elle eſtoit iadis la capitale des
Volces Arcecomiques, où il ſe fit vne peupla-
de & colonie de Grecs qui erigerent les pre-
miers fondemens de la ville de Marſeille, les
Empereurs anciens ſe delecterent grandement
dedans Niſmes, ils y firent baſtir des ponts,
amphiteatres, fontaines, aqueducs, ſepulchres
& autres choſes exquiſes, qui ſont les monu-
mens de leur grandeur & puifſance, les arenes
qui reſtent encore de leur amphiteatres ſont
foy de ce qu'il eſtoit, le temple de la fontaine,
le cap dueil, quelques ſtatuës antiques, la Tour-
magne & autres ſingularitez la rendét recom-
mandable. Ceux de la religion pretenduë re-
formée, en furent maîtres l'an mil cinq cens
ſoixante neuf, par le moyen d'un ſoldat hazar-
deux qui leua un petit treillis de fer qui eſtoit
au pied de la muraille, par lequel entre un petit
bras d'eau dedans la ville, qui vient d'une fon-
taine qui fort du pied d'une culigne, où eſt la
ſuſdite Tour-magne, ledit ſieur de Rohan eſt
encore Gouverneur de ces deux villes, & de

Reduction de
Niſmes.

1622.

Milhaud, sans qu'il y puisse mettre aucune garnison.

Plusieurs autres villes ont renoncé à leur opiniastrété & désiré d'estre inferées au rang des fidelles, & de celles qui ne contredisent aux volonteze de leur Roy.

Sa Majesté a laissé quatre mil hommes à Monseigneur le Duc de Montmorancy, & six pieces de canon dedans le Languedoc pour son service & s'y faire obeyr.

Et cependant les Commissaires ont esté enuoyez aux parlemens de France pour y porter la declaration de la paix.

Monsieur de Preau fut enuoyé à Thoulouse, monsieur Desiat à Paris, avec ladite declaration & articles de la paix, de laquelle la teueur s'ensuit.

Declaration
du Roy pour
la paix.

LOVYS par la grace de Dieu Roy de Frâce & de Nauarre. A tous ceux qui ces presentes lettres verrôt, Salut, comme tout Prince Chrestien & craignant Dieu doit auoir en horreur l'effusion du sang de l'homme créé à l'image du Tout-puissant; aussi est il tenu & obligé non seulement d'éuiter les occasions de guerres ciuiles & domestiques, mais de rechercher & embrasser tous moyens honorables & legitimes, pour reunir & faire viure ses subiects sous les loix de l'Estat, en bonne concorde & obeysance. La mesme bonté diuine, qui a cogneu nostre cœur depuis qu'il luy a pleu nous appeller au regime & Gouuernement de ceste Monarchie Françoisé, est Iuge de nostre interieur; & chacun sçait aussi que nos armes

ont esté autant iustes que forcées & nécessaires pour le soustien & defense de nostre autorité, soit contre ceux, qui du commencement, sous diuers pretextes empruntez ont excité le trouble durant nostre minorité, ou depuis, contre nos subiects de la religion pretenduë reformée, abusez & surpris de l'artifice d'aucuns d'iceux, qui ont cuidé profiter autant de leur simplicité, que de la diuision publique de nostre Royaume ; ores que nostre intention n'ayant iamais esté autre, à l'exemple louable des Roys nos predecesseurs, d'heureuse memoire, que de les maintenir tous en bonne paix & vnion dans le deuoir & obeyssance qui nous est deuë, sous le benefice de nos Edits ; & de les traicter comme nos bons & fideles subiects quand ils se contiendront dans les termes du respect & submission qui sont deuës au Souuerain ; n'ayant espargné aucun office de remonstrance & diligence pour preuenir le mal qui estoit facile à preuoir, deuant que d'en venir à la voye de la force, que nous auons esté contrains, à nostre grand regret, d'employer pour conseruer nostre Royale dignité, & le pouuoir que Dieu nous a mis en main, pour leuer les ombrages & meffiances qui leur ont esté diuersement donnez, avec art & dessein, de nostre bonne foy, qui n'a oncques defaillly à personne, & pour empescher les malheurs & accidens qui s'en sont ensuiuis, & leur faire cognoistre, avec les fins des principaux auteurs & fauteurs de ce desordre public, le fonds veritable de nos droictes & sincerés in-

1622.

tentions à la cherir & conseruer tous en bon repos & iouyssance libre & paisible de ce qu'il leur est concedé & octroyé par nosdits Edits. Et soit ainsi que nosdits subiects de la Religion pretendue reformée ayent esté depuis mieux inspirez, & recognoissans leur faute, & ceste verité, ayent eu recours à nostre clemence & bonté, par tres-humbles supplications qu'ils nous ont enuoyé faire par des deputez expres, pour leur octroyer pardon, & abolir la memoire des choses passées, les recevoir & tenir cy apres comme nos autres loyaux subiects & seruiteurs, en nostre bien-veillance : Nous inclinans tousiours pluost à douceur & misericorde, qu'à pousser plus auant la rigueur & Iustice de nos armes, bien qu'elles nous ayent acquis des aduantages signaler, qui nous feroient esperer aisément la suite & l'issuë semblable. Et voulans auoir esgard à leurs submissions & deuoirs, donner la paix à nostre Royaume, & reunir tous nos subiects en amitié & concorde entr'eux, & à vne generale & vnanime obeyssance enuers nous, & pour autres importantes raisons & considerations à ce nous mouuans : Par l'aduis des Princes, Ducs, Pairs, Officiers de nostre Couronne, & Principaux de nostre Conseil, Auons dict, ordonné & déclaré, disons, ordonnons & decla-

Articles de la
paix.

rons par ces presentes, signees de nostre main, voulons & nous plaist.

I. Que l'Edit de Nantes, Declarations

& articles secrets enregistrez en nos Cours de Parlement, seront de bonne foy entretenus à nos subiects de la Religion pretenduë reformee en toutes leurs parties, & comme ils en ont bien & deuëment iouy du temps du feu Roy, nostre tres-honoré Seigneur & pere, que Dieu absolve, depuis nostre aduenement à la Couronne, auparauant ces derniers mouuements.

II. Que l'exercice de la Religion Catholique, Apostolique & Romaine, sera remis & restablie en tous lieux, places & endroicts de ce Royaume, & pays de nostre obeyssance, où il a esté intermis, pour y estre librement & paisiblement continuée, sans aucun trouble. Defendans tres-expreslement à toutes personnes, de quelque estat, qualité & condition qu'ils soient, sur peine d'estre punis, comme infracteurs de paix, & perturbateurs du repos publicq, de ne troubler, molester, ny inquieter les Ecclesiastiques en la celebration du diuin seruice, iouyssance & perception des dixmes, fruiçts & reuenus de leurs Benefices, & tous autres droicts & deuoirs qui leur appartiennent.

III. Comme aussi l'exercice de la religion pretenduë reformee sera restablie aux lieux où il estoit, suiuant nostredit Edict, Declarations & Concessions.

IV. Que les Sieges de Iustice, Bureaux de Recepte & Officiers de Finances, seront restablis en mesme estat es villes où ils estoient

1622.

establis auant ces derniers mouuemens · hors-
mis la chambre de Nerac, qui sera establie en
tel lieu que nous auiserons bon estre, apres
auoir entendu les remonstrances des deputez
de nostre Prouince de Guyenne.

V. Voulons aussi que toutes fortifications
nouuelles des villes, places, chasteaux, forts &
forteresses, tenuës par nosdits sujets de la reli-
gion pretenduë reformée, & spécialement
celles qui ont esté faictes es Isles de Ré & O-
leron, soient entierement desmolies & rasees,
demeurans les anciennes murailles, tours, por-
taux, fossez & contr'escarpes en leur estat, avec
defenses à toutes lesdites villes de plus fortifier
de nouveau: & que pour l'effect desdites dé-
molitions, hostages des principaux habitans
desdites villes, seront mis es mains de ceux
qu'il nous plaira d'ordonner pour execution
dudit razement, afin que les Officiers de nostre
Couronne ou autres Commissaires deputez,
puissent faire executer le contenu cy dessus,
suiuant les instructions qui leur en seront don-
nees.

† Au lieu de
ces mots, vil-
les de ladite
religion, faut
qu'il y aye vil-
les tenuës par
ceux de ladite
religion pret.
refor.

VI. Entendons que † toutes les villes de la-
dite religion pretenduë reformée, que dans
quinze iours apres la publication des presen-
tes, se soubmettront à nostre obeissance, &
nous ouuriront volontairement les portes,
iouyssent du contenu de la presente Declara-
tion.

VII. Defendons tres-expressément à nos-
dits subiects de la religion pretenduë refor-
mée toutes sortes d'assemblées generales &

particulieres, Cercles, Conseils, abrezgez de Synodes, & toutes autres de quelque qualité qu'elles puissent estre, à peine de crime de leze Majesté, s'ils n'ont expresse permission de nous: ains seulement leurs sont permises les assemblées des Consistoires, Colloques, Synodes pour pures affaires † Ecclesiastiques: Avec inhibitions tres-expresses d'y traicter d'aucune affaire politique, sur les peines que dessus.

VIII. Demeureront aussi nosdits subjects de ladite religion pretenduë reformée déchargés de tous actes d'hostilité, de toutes assemblées generales & prouinciales, Cercles, abrezgez & autres, & de toutes autres choses généralement quelsconques contenues és articles soixante & seize, & soixante & dixsept de nostre Edit de Nantes, depuis le premier Ianuier mil six cens vingt & vn, iusques à present: En ce non cōpris les cas execrables, tels qu'ils sont specifiez & declarez par l'article quatre vingts sixiesme dudit Edit, dont pourra estre fait recherche pardeuant les Iuges ausquels la cognoissance en appartient.

IX. Et pour ce qui est aduenü à Prias nous voulons en estre expedie abolition particuliere aux habitans dudit lieu: Ensemble au sieur de Brison.

X. Et pour le regard des Comptables & autres Officiers, en ce qui concerne les charges de leur maniement, les articles soixante & dixhuiët & soixante & dix neuf dudit Edict de Nantes, seront entieremēt gardez & obseruez.

† Au lieu de ces mots, affaires Ecclesiastiques, faut qu'il y aye affaires concernant les Reglemens de la discipline de ladite religion pret. refor.

1622.

XI. Pareillement pour les Jugemens, Sentences, Arrests donnez contre ceux de ladicte Religion pretenduë reformée, qui ont porté les armes, Nous voulons qu'ils en soient deschargez, suiuant les articles cinquante huit, cinquante neuf, & soixante dudit Edict.

XII. Comme aussi nous auons validé & conformé, validons & conformons les Jugemens donnez par les Consuls & Iuges establis par les chefs commandans aux Prouinces, soit en matiere ciuile, ou criminelle, & executions ensuyues entre ceux de leur party : & lesdits Iuges & Conseils deschargez de toutes poursuites pour ce regard. Imposans sur ce silence perpetuel à nos Procureurs Generaux, leurs Substituts, & tous autres qui y pourroient pretendre interest.

XIII. Voulons pareillement que tous prisonniers de part & d'autre, qui n'auront payé rançon, seront deliurez & mis en liberté, sans en payer aucune, & toutes promesses faictes & causées pour rançons, qui n'auront esté acquittées au iour & datte des presentes, sont declarées nulles & de nul effect, & comme telles rendues.

XIV. Côme aussi toute personne de quelque qualité & condition qu'ils soient, seront restablis en leurs biens, debtes, noms, raisons & actions, charges, honneurs & dignitez, qui en ont esté priuez à l'occasio des presens troubles, Nonobstans tous dons & confiscations qui en pourroient auoir esté expediez, excepté des charges militaires, ceux qui en ont traité de

gré à gré, ou ausquels nous voudrions donner recompense.

1622.

XV. Ordonnons que l'observatiō de la presente Declaration soit entretenue & gardée par tous nos subiects, suivant & en la forme prescrite par l'article quatrevingts deux de nostre dit Edit de Nantes: Et que Commissaires Catholiques & de ladite religion pretendue reformee, serōt par nous enuoyez par les Provinces pour faire executer le contenu en icelle, suivant nostre dit Edit.

Si donnons en mandement à nos amez & feaux les gens tenans nos Cours de Parlement & Chambre de l'Edit, Baillifs, Seneschaux ou leurs Lieutenans, & à tous autres nos Justiciers & Officiers qu'il appartiendra, que ces presentes ils facent lire, publier & registrer chacun endroict soy, & le contenu en icelles garder & observer inuiolablement, suivant sa forme & teneur, sans y contreuenir, ny souffrir estre contreuenue en aucune maniere. Enjoignons à nos Procureurs Generaux ou leurs Substituts d'y tenir la main, & de faire pour cet effect toutes instances, poursuites & requisitions necessaires. Car tel est nostre plaisir. En tesmoin dequoy nous auons fait mettre nostre seal à ces dites presentes. donné au cap de Môt-pellier le 19. iour d'Octobre, l'an de grace 1622. Et de nostre regne le treizieſme.

Signées, LOVYS. Et plus bas,
Par le Roy. DE LOMENIE.

Et sceellées du grand sceau de cire iaune,
sur double queue.

1622.

Article 76.
tiré de l'Edit
de Nantes
pour les actes
d'hostilité.

Et pource qu'és articles cy dessus est faicte mention de quelques vns del'Edit de Nantes ausquels ils se confirment, & pource que l'on ne peut auoir tousiours ledit Edit en main pour y auoir recours, ie les ay icy inferez pour la commodité publique.

Demeureront tous Chefs, Seigneurs, Cheualiers, Gentils-hommes, Officiers, corps de villes & communautez, & tous les autres qui les ont aidez & secourus, leurs vesues, hoirs & successeurs, quittes & chargez de tous deniers qui ont esté par eux & leurs ordonnances prins & leuez, tant des deniers Royaux, à quelque somme qu'ils se puissent monter, que des villes, communautez, & particuliers: des rentes, reuenus, argenterie, vente des biens, meubles Ecclesiastiques & autres: bois de haute fustaye, soit du Domaine, ou autres: amendes, butins, rançons, ou autre nature de deniers par eux pris à l'occasion des troubles commencez au mois de Mars 1585. & autres troubles precedens, iusques à nostre aduenement à la Couronne, sans qu'ils ne ceux qui auront esté par eux commis à la leuée desdits deniers, ou qui les ont baillez ou fournis par leurs ordonnances, en puissent estre aucunement recherchez à present, ny pour l'aduenir: & demeureront quittes, tant eux que leurs Commis, de tout le maniment & administration desdits deniers, en rapportant pour toute descharge, dedans quatre mois apres la publication du present Edit, fait en nostre Cour de Parlemēt de Paris, acquis deuēment expediez des Chefs de

ceux de ladite religion, ou de ceux qui auroient esté par eux commis à l'audition & closture des comptes, ou des communautéz des villes qui en ont eu commandement & charge durant lesdits troubles. Demeureront pareillement quittes & deschargez de tous actes d'hostilité, leuée & conduite des gens de guerre, fabrication & eualuation de monnoye, faite selo l'ordonnance desdits chefs, fonte & prise d'artillerie & munitions, confections de poudres & salpestres, prises, fortifications, demantelemens & demolitions de villes, Chasteaux, bourgs & bourgades, entreprises sur icelles, bruslemens & demolitions d'Eglises & maisons, establissemens de Iustice, Iugemens & executions d'iceux, soit en matiere ciuile ou criminelle: police & reiglement fait entr'eux, voyages & intelligences, negotiations, traitez & contracts faits avec tous Princes & communautéz estrangeres, & introduction desdits estrangers es villes & autres endroicts de nostre Royaume: & generalement de tout ce qui a esté fait, geré & negocié durant lesdits troubles, depuis la mort du feu Roy Henry II. nostre tres honoré Seigneur & beau-pere, par ceux de ladite religion, & autres qui ont suiuy leur party, encores qu'il deust estre particulièrement exprimé & specificé.

Demeureront aussi deschargez ceux de ladite religion, de toutes assemblées generales & provinciales, par eux faites & tenues tant à Manté, que depuis ailleurs, iusques à present: ensemble des conseils par eux establis & or-

Article 77.
tiré du mesme pour les assemblées illicites.

donnez par les Prouinces, deliberations, ordonnances & reglemens faits ausdites assemblees, establissement & augmentation de garnison, assemblees de gens de guerre, leuée & prises de nos deniers, soit entre les mains des Receueurs generaux ou particuliers, collecteurs des paroisses ou autrement, en quelque façon que ce soit, arrest de sel, continuation ou erectiõ nouvelle de traictes & peages, & receptes d'iceux, mesmes à Royan, & sur les riuieres de Charante, Garonne, du Rosne & Dordogne: armemens & combats par mer, & tous accidens & excès aduenus pour faire payer lesdites traictes, peages, & autres deniers: fortifications de villes, Chasteaux & places, impositions de deniers & coruees, receptes d'iceux deniers, destitution de nos Receueurs & fermiers, & autres officiers, establissémēt d'autres en leurs places, & de toutes vnions, depesches & negociations faites tant dedans que dehors le Royaume: & généralement de tout ce qui a esté fait, deliberé, escrit & ordonné par lesdites assemblees & Conseil, sans que ceux qui ont donné leurs aduis, signé, executé, fait signer & executer lesdites ordonnances, reglemens & deliberations, en puissent estre recherchez, ny leurs veufues, heritiers & successeurs, ores ny à l'aduenir, encores que les particularitez n'en soiēt icy amplement declarees. Et sur le tout sera imposé silence perpetuel à nos Procureurs generaux, leurs Substituts, & tous ceux qui pourroient y pretendre interest en quelque façon & maniere que ce soit, nonobstant tous arrests, sentences,

iugemens, informations & procédures faites
au contraire.

1622.

Article 78.
Edict pour les
comptables.

Approuuons en outre, validons & autho-
risons les comptes qui ont esté ouys, clos, &
examinez par les Deputez de ladicte assemblée:
Voulons qu'iceux ensemble les acquits & pie-
ces qui ont esté rendus par les comptables,
soient portés en nostre chambre des Comptes
de Paris, trois mois apres la publication du
present Edict, & mis es mains de nostre Pro-
cureur general, pour estre deliurez au garde
des liures & registres de nostre Chambre, pour
y auoir recours toutesfois & quantes que be-
soin sera, sans que lesdits comptes puissent estre
reueus, ny les comptables tenus en aucune cõ-
parution, ne correction, sinon en cas d'obmis-
sion de recepte ou faux acquits: imposant si-
lence à nostredit Procureur general, pour le
surplus quel'õ voudroit dire estre defectueux,
& les formalitez n'auoir esté bien gardees.
Defendans aux gens de nos Comptes tant
de Paris, que des autres prouinces où
elles sont establies, d'en prendre aucune co-
gnoissance, en quelque sorte ou maniere que
ce soit.

Et pour le regard des comptes qui n'auront
encores esté rendus, Voulons iceux estre ouys,
clos, & examinez par les Commissaires qui à
ce seront par nous deputez, lesquels sans diffi-
culté passeront & alloüeront toutes les parties
payees par lesdits comptables, en vertu des
Ordonnances de ladicte assemblée, ou autres
ayans pouuoir.

Article 79.
du mesme.

1622.

Articles 86.
dudit Edict
pour les cas
execrables.

D'autant neantmoins que ce qui a esté fait contre les Reglemens d'une part & d'autre, est indifferemment excepté & referué de la generale abolitiõ portée par nostre present Edit, & est suiet à estre recherché, il ny a homme de guerre qui ne puisse estre mis en peine, dont pourroit aduenir renouuellement de troubles. A ceste cause nous voulons & ordonnons que seulement les cas execrables demeureront exceptez de ladite abolition, comme raiſsemens & forcemens de femmes & de filles, brullemens, meurtres & voleries, faictes par proditiõ & de guet à pend, hors les voyes d'hostilité, & pour exercer vengeance particuliere contre le deuoir de la guerre, infractions de passeports & sauuegardes, avec meurtres & pillages sans commandemens, pour le regard de ceux de ladite religion & autres qui ont iuiuy le party des chefs qui ont eu autorité sur eux, fondees sur particulieres occasions qui les ont menez à leur commander & ordonner.

Outre les articles Generaux cy dessus declarez, il y a encore d'autres particuliers, concernant les villes du bas Languedoc, celles de la Rochelle & de Montauban, & la personne du Duc de Rohan.

Pour la Prouince du bas Languedoc: il a esté accordé que quatre mil hommes demoureroient en la ville de Montpellier, iusques à ce que le rasement & demolition des nouuelles fortifications y faictes depuis quelques années fussent parfaites. Monsieur le Duc de Mont-morency prefere la nomination des

Consuls de la ville, suiuant la volonté du Roy, qui doiuent estre quatre sçauoir deux Catholiques, & deux de la religion pretenduë reformée.

1622.

Monsieur de Leon Bruslard demeure intendant de la Iustice dudit Mont-pellier.

Et est à remarquer, que les habitans ont esté fort estourdis du siege, fort aises & contents de la paix, mais fort desplaisans de veoir abbattre à leurs yeux toutes leurs fortificatiōs, sans oser se plaindre, encore trop heureux d'auoir esté traictez à si bon marché.

Pour la Rochelle & Montauban, elles ont quelques temps pour s'aduiser, si elles desirent estre comprises au traicté de la paix & jouir du benefice d'icelle; à quoy faire elles seront sommées par les Commissaires de sa Majesté; que si elles acceptent ledit traicté de paix, & suiuant ce que le Roy desire par iceluy, elles demeureront encores trois annees seulement pour villes de seureté à ceux de la Religion pretenduë reformée.

Articles pour
la Rochelle &
Montauban.

On sçait que ceux de Nismes ayant esté ramenez à leur debuoir par le Duc de Rohan, ont souffert qu'il seroit faict election d'un Consul Catholique en leur maison de ville, pour tesmoigner leur obeïssance.

Pour ledit sieur Duc de Rohan ayant promis & s'estant obligé au Roy de ramener à son obeyssance toutes les places rebelles, dispose les habitans des places plus opiniastrés à ce deuoir, & pour recompence de son Gouvernement de Poictou, sa Majesté luy fait vne re-

1612.

compense digne de ce service, & luy continuë ses pensions.

Aussi en sa faueur sadite Majesté a de rechef pardonné à monsieur de Soubise son frere : & tout ce que dessus pour ne faire tort à monsieur de la Rochefoucault, que sadite Majesté a pourueu pour ses merites & services, dudit Gouuernement de Poictou, ny à monsieur le Comte de Moret frere naturel de sadite Majesté, aussi pourueu de l'Abbaye de Saint Maixant, cy deuant tenuë par ledit sieur Duc de Rohan.

Le Roy n'a demeuré que six iours dans la ville de Mont-pellier, & au bout desquels il s'en alla en Prouence. Le 28. Octobre il arriva à Arles, de la à Aix, à la sainte Baufme, puis à Marseille où sa majesté eust le plaisir de veoir le deuoir du peuple de Marseille, qui tesmoigna la grande joye qu'ils auoient d'auoir l'honneur de voir sa Majesté, où toute l'artillerie de la citadelle, du haure & de tous les nauires tirèrent à son arriuée.

Et attendant le retour de sadite Majesté de son voyage de Prouence, voyons l'obeyssance qui luy est renduë par les villes plus rebelles.

On n'eust iamais creu que les villes de Moutauban & de la Rochelle se fussent soumisées à vne si prompte obeyssance comme elles ont fait à la publication de la paix. La Rochelle s'estât renduë criminelle de leze Majesté. Mais aussi faut-il confesser que la force des armes du Roy y a beaucoup aydé, ils ont trouué que le plus seur pour eux estoit d'embrasser la paix.

Ainsi

Ainsi Dieu a jusques à present fauorisé les armes du Roy, d'une grace si particuliere, qu'on ne peut pas reuoker en doute quel oeil de sa diuine prouidence ne soit tousiours ouuert à la garde & protection de ceste Monarchie, contre l'audace & la felonnie de ceux qui en ont osé mediter la subuersion. Et si ses fideles seruiteurs s'animent de le seruir à qui mieux mieux aupres de sa personne, on void que ceux qui en estoient les plus esloignez ne leur ont cédé en zele & en affection, à s'acquitter dignement de ce qu'ils doiuent à leur patrie.

Monsieur le Duc de Guise entr'autres, vray imitateur de la generosité de ses peres, qui sous les auspices de nos Roys ont tousiours releué l'honneur des Autels, auoit vne telle impatience de voir quel'injure du temps & la contrariété des vents le retardoit de faire quelque signalee expedition de guerre, qu'en fin il a pris la premiere occasion qui s'en est presentee, comme s'ensuit.

Il est donc à sçauoir que le 24. Octobre l'armée nauale de sa Majesté arriua en veuë des terres, où elle fut contrainte de mouiller à l'entree du pertuis Breton aupres des Balenes, auquel lieu se rendit monsieur le Comte de la Rochefoucault avec 15. cens hommes de pied, & deux cens Gentils-hommes dans des petits vaisseaux, tout cela destiné pour mettre pied à terre apres le combat.

Les galeres estant aduancees se trouuerent au rendez-vous, & demurerent tout le iour en presence de l'armée ennemie cependât que

1622.

Ordre de M.
de Guise pour
combattre
l'armée Ro-
cheloise.

Monsieur le Comte de Loigny, general des galeres, alla trouuer monsieur de Guise pour receuoir l'ordre qu'il luy plairoit luy donner: le reste de ceste journée fut employée par M. de Guise à traualier aux ordres quel'armée au- roit à tenir pour la bataille. De sorte quel'ar- mée ne pouuant faire chemin que par la marée à cause du grād calme, ce qu'elle peust faire fust d'aller mouiller où les galeres s'estoient aduan- cées, enuiron deux heures de nuict. Surquoy il fut resolu d'assembler tous les Capitaines deux ou trois heures deuant le iour, ce qui se fit le 26. & apres auoir separé l'armée en trois briga- des, à sçauoir celle del' Admiral, vice- Admiral & Contre- Admiral, & donné rang à tous les Capitaines pour marcher par files, & auoir les costez des nauires libres pour faire iouer l'artil- lerie sans les endommager, monsieur le Gene- ral des galleres fust ordonné pour aller raster les ennemis, qui parurent à l'ancre à la rade de l'Isle de Rié, au dessous de S. Martin, lesquels voyans auancer les galleres, & l'armée du Roy paroistre, se mirent touz les voiles, le vent ne seruant gueres à l'armée du Roy, & la marée se retirant. Tout ce qu'on peut faire, ce fut d'ap- procher d'vn lieu les ennemis, qui voyans les galeres, cōmencerent de leur tirer des canona- des & les galeres à eux. Monsieur de Guise prit lors resolution d'aller luy mesme recognoistre l'armée ennemie, & à cet effect manda à mon- sieur le General de luy enuoyer vne galere, cependant il se mit dedans vne felouque avec monsieur le Comte de la Rochefoucaut, &

quatre ou cinq Gentil-hommes, & ayant rencontré la gallere, il monta dessus, & trouua M. le General incontinent apres, à qui il auoit donné ordre de ne s'engager point:

Après cela il monta sur la Reale, & se delibera d'approcher les ennemis pour distinguer la portée de leurs vaisseaux & le calibre de leurs pieces. Ce qui se fit si à propos que l'attaque se commença peu à peu, & en fin s'eschauffa si fort que les ayans trouuez de nouveau mouillez, il les contraignit de se remettre à la voile, s'approchans aux mouliquetades, & faisans mettre les galleres de front, les écartans l'une del'autre de cent ou six vingts pas. Tous les canons de Coursier cōmencerent à joier en façon que l'on voyoit force bois que la marée emmenoit des éclats que le canon y faisoit; tellement qu'il jugea que l'occasion estoit belle de les cōbâttre; Il manda à M. de S. Luc, Vice-Admiral, de faire aduancer l'armée, & de faire toute forces de voiles. Ce qui fut fait avec tant de vigueur, que les Capitaines à l'enuy l'un de l'autre s'aduançoient le plus qu'ils pouuoient, quittans leur ordre pour le desir qu'ils auoient de joindre l'ennemy, qui n'estoit qu'à vne petite demy-lieuë d'eux.

Sur ces enttefaites M. de Guise alla en toute diligence reprendre sa place sur l'Admiral, & arresta les nauires les plus aduâces, qui estoient déjà aux canonades. Les ennemis rendirent le bord vers les bas fonds au long des Isles, & insensiblement, tout le monde croyant qu'ils fuyoiēt, gaignerēt le vent si auāt, que l'on jugea

1622.

Ordre de l'armée
Roche-
luse.

Combat des
ennemis avec
M. de S. Luc.

qu'on ne leur pouuoit plus disputer. Ils separerent leur armée en trois corps, comme celle du Roy, & s'approchant peu à peu, monstrent qu'ils vouloient combattre. Les canons commencerent donc deslors de venir à portee. Cela fut sur les trois heures apres midy, & les plus éloignez des nostres faisans forces de voiles, nous fumes incontinent aux mousquetades.

Les ennemis voyans que nos plus grands & plus pesans nauires ne gaignoient si bien au vêt que les petits, ils resolurent de venir à bord à nostre auant-garde, ce qu'ils executerent si bié, qu'incontinent ils furent aux mains, où monsieur de S. Luc, qui commandoit ladite auant-garde, & qui fut attaqué le premier, fit tres-generousement, ayant soustenu le choc de tous les ennemis.

Le Gallion de Malte, à qui monsieur le General auoit enuoyé deux galleres pour le remarquer, s'aduança, & les autres qui estoient sous vent, toutes les galleres rassemblees allerent aussi regagner le vent, pour tirer à l'ennemy par les flancs.

L'Admiral par des bordees essayoit le plus qu'il luy estoit possible de monter au vent. En fin voyant toute l'armée fondre sur l'auant-garde, & la voyant en tres-grand danger, au lieu de faire vn autre bord du costé de la bataille, il reuira tout court, & s'alla opposer seul à l'armée ennemie. Ce fut lors & en vne occasion si hazardeuse, où tous les officiers & pilotes du vaisseau se jetterent aux pieds de monsieur de

Guise pour luy remonstrer le peril où il s'alloit engager, ne pouuant estre assisté ny secouru d'aucun de ses vaisseaux, estans au dessous du vent: mais luy surmontant genereusement tout ce qui pouuoit trauerser son dessein, il se resolut de passer outre, & d'approcher les ennemis pour sauuer son auant-garde, qui autrement couroit fortune. Ce qui fut cause qu'ils tournerent tous vers luy, & vindrent l'inuestir avec vn grand ordre, conduisant deuant eux à la fa-
ueur du canon & des mousquetades, deux na-
uires d'artifice, & pleins de feu, attachees avec
des chaisnes, & apres auoir fait toute leur sa-
lue, criant à bord, à bord, ils attacherent avec
des grappins les deux nauires de feu aux hauts
bancs du mast de nostre Admiral, qui prirent
feu si soudain par le dedans & par leurs voiles,
que la flamme monta tout à coup aussi haut
que les Gabies. C'est vne rodemontade dôt les
Rocheloiss'estoient vantez auant que de par-
tir, comme s'il eust esté aussi facile de brusler
nostre Admiral comme ils auoient legerement
promis.

Cependant leur mousqueterie & leur artil-
lerie ioüoit incessamment, & ce fut lors que le
sieur de Vinceguerre fut tué d'une mousque-
tade estant sur le pont de corde aupres de mon-
sieur de Guise, qui luy commandoit de reme-
dier au feu & que pour luy il pouruoieroit au
reste.

Ce combat dura deux heures de iour, & la
nuict commençant il ne cessa pas de continuer
encore plus d'une bonne heure; & fut si opi-

Mettēt le feu
au mats de
l'Admiral.

Mort du sieur
de Vince-
guerre.

1622.

niastré que beaucoup des ennemis furent tuez par les nostres à coups de picques.

Monsieur de Tauane commandoit au chasteau de Proüe, monsieur le Comte de Carse du costé du Chasteau de Poupe & monsieur de Querueneau aux volontaires qui estoient separez sous eux.

Blessure du
sieur Verdier
Lieutenant de
M. de Guise.

Les gardes de monsieur de Guise & quelques Gentils-hommes de monsieur le Comte de la Rochefoucault combatoient au tillac du grand Mast, monsieur de Guise tousiours accompagné de monsieur le Comte de la Rochefoucault, alloit incessamment par tout pour pouruoir à ce qui estoit necessaire. Le sieur de la Verdier Lieutenant de la compagnie de gens-armes de monsieur de Guise, qui portoit les commandemens de tous costez y fut blessé d'une mousquetade à la teste. Quelques autres Gentils-hommes & Officiers tuez, entr'autres le Nocher de son nauire qui assistoit le Seigneur Vassale & le Sergent de bataille qui firent des merueilles à esteindre le feu qui estoit desia tres-grand, & quasi sans esperance de salut. Il fut neantmoins esteint par la diligence qu'on y apporta en moins d'une heure: Le bon heur fut que les ennemis quittans la partie abandonnerent l'Admiral & donnerent loisir à ne travailler plus qu'à esteindre le feu, dont il eust esté tres-malaisé de se garentir, si tout ensemble il eust fallu combattre & l'esteindre.

Il est incroyable quelle fut la ioye du reste de nostre armée qui ne nous pouoit plus secourir à cause du vent & de la marée, laquelle vit

quel' Admiral mettoit les ennemis en route & les menoit battant, sur la crainte qu'ils auoient quel' ennemy ne l'eust bruslé tout à fait. Ce qui donna vn tel courage à toute l'armée du Roy, qu'elle tascha de se r'alier en mesme téps, crias de tous costez victoire, iusques à trois heures de nuict, laquelle deuint soudain si obscure que nos nauires s'entr'abordoient les vns les autres, si bien que les ennemis se seruans de l'occasion se retirèrent, & lors nostre Admiral qui commandoit à toucher, n'estant plus qu'à trois brassées d'eau en suiuant l'ennemy, fut contrainct de s'arrester, lors il fit phanal & se trouua tout seul fort long temps pour s'estre aduancé dans la chaleur du combat plus d'vne lieue par delà où il s'estoit commencé.

Les premiers vaisseaux qui le vindrent ioin-
dre long téps apres, furent la Vierge, où estoit le Sieur de Mâty contr' Admiral, le sieur Che-
ualier de Cuges, qui fut tué estant sur le vice-
Admiral de leuant, & le sieur de l'Isle Lieute-
nant de monsieur le Cheualier de Valencé.

Vaisseaux de
M. de Guise
ralliez.

Le Gallion de Malte fut inuesty de trois vais-
seaux, qui mirent à fond le nauires d'Arnault
d'Orleans, qui estoit de quatre cens tonneaux,
où estoient grand nombre de Gentils-hômes
& volontiers de la Rochelle, qui furét tuez ou
noyez, hormis le Capitaine & vn Conseiller
de la Rochelle qui resterent prisonniers.

Mort du Che-
ualier de Cu-
ges.

Il se trouue dix nauires à fond des ennemis,
plus de deux mil hommes morts ou noyez, &
des nostres quelques quatre cens.

L'armée ennemie s'enfuit vers 30. vaisseaux

Flamands, qui ne s'estoient point meslez au combat, afin qu'on ne recogneust pas au iour perte.

Ils leur ont osté tous les hommes qu'ils ont peu pour regarnir leurs vaisseaux, s'il y eust eu vne heure de iour dauantage il en fust fort peu eschappé.

Vaisseau de
M. de Neuers
pris l'an passé
par les Roche
lois coulé à
fonds.

Leur armee ne se peut r'allier que le lendemain au matin, monsieur de S. Luc se r'allia de son costé à mesme heure avec trente vaisseaux aupres de monsieur de Guise, & monsieur le General des galleres aussi, le quel apres, a durât le calme coulé à fonds à coups de canon, le S. Louys qui estoit l'un des vaisseaux de monsieur de Neuers, que ceux de la Rochelle auoient pris l'an passé.

Le lendemain les ayant esté recognoistre on vit vne vingtaine de leurs vaisseaux eschoüez & brisez de nos canons. Tellement que de soixante & dix vaisseaux des ennemis qu'ils auoient le iour de la bataille, il n'en est plus paru de reste que trente deux, lesquels on espere de ruiner avec le canon, d'autant qu'on ne peut aller à eux sans eschoüier. Ils ont tesmoigné d'une grande audace, & ont tres-vaillamment combatu, comme gens qui vouloient mourir ou vaincre.

Tous les corps des armées ont esté meslez de part & d'autre, & abordez l'espace de deux heures de iour, l'obscurité de la nuit a sauué ce qui restoit aux ennemis, d'autant que crians *Sainte Vierge & viue le Roy*, comme nous qui estoit le mot de l'armée du Roy, & que nous

ne pouuions plus discerner nos marques, nos vaisseaux s'entrechoquoient l'un l'autre.

Voila au vray ce qui s'est passé en la bataille, en laquelle il ne s'est trouué aucun chef ny Capitaine qui n'ayt rédu des preuues de sa valeur. La meslée a esté si rude qu'on peut dire avec verité, qu'il s'est tiré de part & d'autre plus de quinze mil coups de canō. Il n'est pas mesme-ment à oublier que le lendemain du combat, monsieur de Guise ayant rallié ses forces, enuoya sommer ceux qui commandoient à la Dyue de se rendre, qui est vn fort fait en vne Isle fort pres d'Aiguillon qu'ils auoient surpris depuis peu, lesquels se sont rendus à discretion.

• Finalement cōme monsieur de Guise estoit sur le point de poursuiure sa victoire; & de faire prendre terre à son armee dans les Isles te-
nuës par les Rochelois, il receut lettres de sa Majesté qui l'asseuroit de la paix. Ce qui a tout à fait arresté le cours d'une plus grande expedition qui luy estoit comme toute assurée, tant il a de confiance en la protection de Dieu vray vengeur de la querelle des Roys.

Il est à remarquer que l'armée du Roy qui a combattu celle des ennemis, n'estoit composée que de trente cinq vaisseaux & dix galeres, pource quel'escoiade de Broüage, commandée par le Marquis de Roüillac ayant eu vent & marée contraires, ne peut joindre l'armée de sa Majesté que trois iours apres.

Parcillement aussi les nauires de Bordeaux commandez par monsieur de Barrault, ne peuvent faire voile.

Nouvelles de
la paix arre-
stent les des-
seins de M. de
Guise.

1622.

Armée de M
le Comte de
Soissons specta-
trice du
combat naval

Cependant l'armée du Roy commandee par monsieur le Comte de Soissons fut spectatrice de ce combat, le long du bord de la mer, n'en estant elloignée que de deux lieuës: ceste armée de terre campée à l'entour du chief de Bays fauorisa le passage de l'escouade de Brouïage qui alla ioindre l'armée nauale du Roy. Monsieur le Comte de Soissons le lendemain du combat au matin, fit entendre à Monseigneur le duc de Guise, commela nuit de ceste bataille l'on 'oyoit les clameurs & lamentations des femmes de la Rochelle pleurant & regrettant la perte de leurs maris, enfans & parens, quiauoient esté deffaits en ce combat.

Les paquets de lettres qui ont esté escrites du depuis, asseurent que les Rochelois y ont perdu leur vice-Admiral, & tout leur équipage de mer, fors trente deux vaisseaux, qui se sont mis à couuert dans des roches au deffous de l'Isle de Rié, où les vaisseaux de Monsieur le Duc de Guise les canonnent sans cesse.

Ceste deffaicte a d'autant plus r'abbatu de l'orgueil des Rochelois que leur esperance estoit grande en ceste armée nauale, avec laquelle ils se disoient maistres de la mer. C'estoit celle qui les enrichissoit de butin, & leur apportoit des viures & des munitions de guerre, & les rendoit si insolens & obstinez en leur rebellion, se fians dauantage en ceste grande quantité de vaisseaux, qu'en la force de leurs murailles & bastions: ils auoient esté si hardis

que d'enuoyer recognoistrel'armée nauale du Roy : vn de leurs vaisseaux passa pardeuant le port Louys à Blauet, en guise d'un nauires de marchand, qui ayant recogneu l'estat de l'armée du Roy, fit vn tour pardeuant les galeres & nauires, puis reuirant en moins de rien il regaigna la haute mer pour en porter nouuelles à la Rochelle, qui dès lors se preparerent avec leurs nauires pour empescher les approches de l'armée Royale, & la combattre en chemin.

La lettre de monsieur le Marschal de Vitry porte qu'outre ceste notable expedition faicte par monsieur le Duc de Guise, le fort de monsieur le Comte de Soissons est parfaict, Fort de M le Comte de Soissons parfait. que le Regiment de Campagne y est logé, & que dedans iceluy, il y a viures & munitions pour plus de deux mois : surquoy ayant M. le Comte receu nouuelles de la paix, il attend l'ordre de sa Majesté pour continuer son dessein ou desister d'iceluy, comme aussi fait de son costé ledit Seigneur Duc de Guise. Voila ce qui se passa à la Rochelle sur la fin du mois d'Octobre.

Il est aussi à remarquer que pendant que l'on traictoit de la paix aupres du Roy au camp deuant Mont-pellier, ceux de Bergerac pratiquerent vne meschante & mal-heureuse conspiration contre le sieur de Rambure leur Gouverneur & la garnison que le Roy y a laissée sous sa charge. Ce grand Capitaine ayant eu aduis de la trahison & mauuaise volonté des habitans de ceste place, qui ont

1622.

regretté mille fois en leur aduis la resolution qu'ils prirent d'obey au Roy l'an passé, en fit apprehender iusques au nombre de cent de ceux qui estoient accusez de ceste desloyale entrepryse : desquels aucuns furent mulclez par argent : & trente furent par luy mis & chassés hors la place la corde au col le vingt-vniesme Octobre dernier se contentant de cela, sans autre chastiment.

En mesme temps aussi arriva à Fronzac le corps de feu monsieur le Duc de Fronzac, mort deuant Mont-pellier, monsieur le comte de saint Paul son pere, & force Noblesse pour le receuoir & se trouuer à ses funeraillles, à l'arriuée dudit corps les habitans Catholiques dudit Fronzac, & mesmes aucuns des officiers dudit Seigneur Comte de Saint Paul, & dudit deffunct Duc son fils, portez presque de desespoir sur la mort de ce ieune Prince leur maistre, que sans se soucier d'aucun mal, ils se ruèrent sur les habitans de la religion pretenduë reformée dudit Fronzac, en tuerent aucuns, & en blefferent plusieurs autres, en vengeance de ceste mort, action blasnable & illicite, que monsieur le Comte de saint Paul ne sceut preuenir ny empescher, quelque ordre qu'il y fist donner, & quelque diligence que luy & ceux qu'il employa pour euitier ce mal-heur y apportassent : voulans neantmoins que la punition & chastiment soit fait de quelques vns qui ont esté recogneus les premiers motifs & inuenteurs de ceste sedition.

Sedition à
Fronzac entre
les Catholi-
ques & ceux
de la religion
pret. refor à
l'arriuée du
corps de M.
de Fronzac.

Or les Commissaires de sa Majesté ayans esté enuoyez de toutes parts porter l'Ordonnance du Roy pour la paix, particulièrement par toutes les Cours souueraines, comme dit-est, les Parlemens prirent soin de l'enuoyer publier aux Bailliages & Seneschauſſees, chacun en l'estenduë de son ressort, & ce en attendant que le susdit Edit & declaration de sa Majesté eust esté verifiée esdits Parlemens. Ladite Ordonnance de paix portoit ces mots.

1622.

DE PAR LE ROY.

On fait à sçauoir que sa Majesté ayant par sa bonté & clemence voulu donner la paix à ses subiects de la religion pretenduë reformée, qui s'estoient soubstraicts de son obeïſſance, sur les assurances qu'elle a eues de leur part de leur constante fidelité à l'aduenir, Mande & enjoinct tres-expressement à tous ses subiects de quelque qualité & condition qu'ils soient, de garder & obseruer inuiolablement ladicte paix, en tous lieux & endroicts de son Royaume, pays, terres & seigneuries de son obeyſſance: Et de viure cy apres en bonne vnion, amitié & cōcorde, sous le benefice de ses Edits & ordonnances, sans y contreuenir, ny se prouoquer d'effect, ny de parole, directement ou indirectement, de part ny d'autre, sur les choses passées & aduenues: durant les derniers mouuemens, que sa Majesté veut estre entierement abolies: A peine aux contreuenans & refractaires d'estre punis cōme perturbateurs

Ordonnance
du Roy pour
la paix.

du repos public, par les Iuges & Officiers qui en doiuent cognoistre. Ausquels sa Majesté mande & ordonne de ce faire diligemment. Voulant à ceste fin la presente estre leuë & publiée en tous les quartiers de son camp, & en toutes les villes & lieux de sondit Royaume, pays & terres de son obeysance. A ce qu'aucun n'en puisse pretendre cause d'ignorance, & que chacun ait à s'y conformer. Faict au camp deuant Mont-pellier le dixhuitiesme iour d'Octobre, mil six cens ving-deux.

Signé,
Et plus bas,

LOVYS.

DE LOMÉNIE.

Declaration
du Roy en-
uoyé au Parle-
ment de Thou-
louze.

La declaration du Roy ayant esté enuoyée à Thoulouse, attendant que le temps que le Parlement prendroit pour deliberer sur icelle auant que de la verifier; fut publiée par la ville la susdite Ordonnance de paix à son de trompe, & enuoyée publier par toute l'estendue de son ressort.

Auant que de passer outre à la publication de ceste paix, faut sçauoir que ceux de dedans Priuas ne lissoient pas de continuer leurs actes d'hostilité quelques iours apres la dite paix faicte à Mont-pellier, & faisoient diuerses courtes dans le Dauphiné, à la faueur de deux forts qu'ils auoient faits dans de petites Isles sur le Rhosne.

Surquoy le Marechal de Bassompierre auoit ja eu commandement du Roy d'aller ioindre

les troupes du Duc d'Angoulême pour les conduire à Priuas, & estoient mesme en chemin pour cét effect : Mais les habitans en estans aduertis luy enuoyerent les clefs de leur ville, avec toute assurance d'obeyr à la volonté du Roy, & à ce qu'il leur ordonneroit, & remirét entre les mains dudit sieur Duc lesdits forts bastis aux Isles du Rhone, où la liberté du commerce s'estrouuée restablie par ce moyen, ce qui fut fait le neufiesme Nouembre dernier.

Le premier iour de Nouembre le Parlement de Thoulouse, deputa monsieur Faure Conseiller en ladite Cour, pour se transporter en la ville de Montauban, sommer les habitans d'accepter le traicté de la paix, & ce pendant y faire publier ladite Ordonnance du Roy. Auparauant que d'arriner audit Montauban, il passa par Castel Sarrafin pour visiter le Marechal de Themines qui y estoit, afin de luy faire entendre sa legation, & prendre conseil & aduis de luy comme il auroit à se gouverner en l'execution & procedure d'icelle : & ayant eu responce dudit Seigneur de Themine favorable à son dessein; poursuivit son chemin vers Montauban, iusques là qu'estant prest de la ville, il enuoya sçauoir des habitans, s'ils desiroient d'entendre à ce qu'il auoit à leur dire & proposer, quin'estoit autre chose que leur declarer la paix & les sommer d'entrer au traicté de paix, suiuant la volôté du Roy, & que le parlement de Thoulouse l'auoit enuoyé expres pour publier l'ordonnance de sa M. & leur faire veoir

Commissaire
dudit Parle-
ment enuoyé
à Montauban
pour y faire
publier la
paix.

1622.

la declaration contenant ces mots expres
pour le bien & repos uniuerfel de la France.
 Ce qui ne fut à peine proposé par ledit Com-
 missaire qu'on le fit entrer dedans la ville; &
 aussi tost declara sa legation & fit lecture de ce
 qu'il portoit; surquoy il fut tenu conseil pour
 voir & iuger s'il estoit à propos pour leur inte-
 rest d'y acquiescer. Le S. Esprit opera beau-
 coup en leur cœur en peu d'heure, car to^r d'une
 mesme voix trouuerent bon que l'Ordonnan-
 ce de paix fut publiée par tous les coings &
 carrefours de ladite ville de Montauban, &
 que l'on criast *Vive le Roy*, ce qui fut fait sur le
 champ sans autre remise: & en resiouissance
 de ce furent allumez des feux de ioye par tou-
 tes les ruës, & tirez douze ou quinze volees
 de canon, reïterans ces cris d'allegresse *Vive le*
Roy, ce qui fut fait le deuxiesme iour de No-
 uembre.

Font leurs
 submissions
 au Marechal
 de Themines.

Le lendemain troisieme dudit mois deux
 Consuls de la ville assistez de dix ou douze des
 principaux habitans allerent à Castel Sarasin
 trouuer monsieur le Marechal de Themines,
 portans la voix de tout le corps, afin de faire
 les excuses de leur rebellion, au mieux qu'il
 leur fut possible, & l'assurerent de leur obeis-
 sance & respect enuers le Roy, promettant
 d'adresser les moyens de contenter sa Majesté.
 De sorte que depuis ce iour là, que la paix fut
 accueillie & publiée dans Montauban, tous
 messagers & autres personnes ont eu la liberté
 d'aller & venir par les chemins de ce costé là,
 mesme dans ladite ville de Montauban, avec
 autant

autant d'assurance comme auparavant ces troubles. 1622.

Le Roy estant encore à Marseille on luy porta nouvelle de la victoire cy dessus r'emportée par monsieur le Duc de Guise sur l'armée nauale de la Rochelle, qui luy fut tellement agreable qu'aussi tost par commandement de sa Majesté, les actions de graces & le *Te Deum* en furent chantez dans l'Eglise Cathedrale de Marseille avec grande ioye.

Te Deum
chanté dans
Marseille sur
la victoire ob-
tenue sur les
Rochelois par
M. de Guise.

Et sadieste Majesté ayant appris par le deduiet de la victoire, comme le sieur de Vinceguerre grand Capitaine de la mer, auoit esté tué pres la personne de mondit Seigneur Duc de Guise dans l'ardeur du combat, tesmoigna en auoir vn grand regret: aussi estoit il l'vn des plus habilles hommes de la mer: elle continua ses charges, pensions & dignitez à ses enfans, en consideration du valeureux courage qu'il auoit fait paroistre à son seruice, tant sur les mers du Midy & du Levant, qu'en ceste expedition nauale de la Rochelle.

L'vnziesme iour de Nouembre dernier, la paix ayant esté publiée à Montauban, monsieur de Rohan, enuoya vne despeche à la Rochelle contenant le traicté de paix, & les articles accordez par le Royle 19. Octobre dernier au camp deuant Mont-pellier. Aussi tost y arriua vn Commissaire deputé pour y faire publier les articles de la paix, qui ayât esté receu &

1622.

Publication
de la paix à la
Rochelle.

introduit dans la place apres auoir faict apparoirstre de sa commission, fut resolu au Conseil de la ville d'accepter la publication de la paix, qui y fut faicte à l'instant par les places & carrefours d'icelle, avec ioye incroyable, & applaudissement general de tout le peuple, non sans feux & reliouyssances publiques, cris de *Vive le Roy.* sur les bastions & bouleuards à la veüe del'armée Royale, de monsieur le Côte de Soissons, le tout suiuy de la descharge de tous les canons & artilleries de la ville.

Après cela ils enuoyerent les deputez vers ledit Seigneur Comte de Soissons pour luy rendre les submissions necessaires, & apres luy auoir demandé pardon de leur rebellion passée, protesterent executer de poinct en poinct les articles du traicté de paix qui leur estoient signifiez, & satisfaire à la volonté du Roy.

Depuis ceste heure là les soldats de l'armée Royale entrerent librement à la rochelle pour achepter leurs necessitez ; & ceux de la Rochelle alloient aussi en assurance en l'armée du Roy, les gens de guerre beuuans, mangeans, & communiquans amiablement les vns avec les autres.

Et pour ce qu'en mesme temps le Roy auoit escrit à monsieur le Duc de Guise qu'aussi tost que les Rochelois auroient recogneu son autorité, qu'il licentiaست les vaisseaux d'Olonne, de Bretagne & Normandie, & enuoyast hyuerner à Blauet ses gallions, & ceux de monsieur de Neuers, aussi ledit sieur Duc de Guise, desirant satisfaire aux commandemens de sa

Majesté, s'estoit ja resoluë à la retraicte quand l'insolence des Rochelois, le contrain-
gnit de leur faire rendre les pavillons & com-
missions de l'assemblée Rocheloise, par vn se-
cond combat qui se fit avec le reste de leur ar-
mée navale: voicy comme le tout se passa de-
puis le premier combat iusques au 15. Nouem-
bre dernier.

1622.

Depuis le vingt-septiesme Octobre dernier, *Seconde des-*
quela bataille navale fut donnée ainsi que l'on *faicte de l'ar-*
a traicté cy deuant, monsieur le Duc de Guise *mée navale*
se retira à l'Aiguillon, rade tres-commode, & *des Rochelois*
où le fond est excellent, d'autant qu'il est va- *par M. le Duc*
seux, & que les vaisseaux ny peuuent perir, *de Guise.*
combien qu'ils fussent chassés à la coste par
les tempestes; son dessein fut de voir la conte-
nance des ennemis, lesquels s'estas retirez sous
la forteresse de saint Martin de Ré derriere
vn banc tres-fauorable pour eux, rendoient
quasi impossible la fin totale de la victoire;
d'autant que ce Canal est grandement plein
d'écueils, qu'il y a fort peu d'eau, que les ma-
rées sont fort viues, & portent bien souuent
sur les dangers, & que leurs vaisseaux sont pe-
tits & ceux de Monseigneur le Duc de Guise
puissants, grands & tirans beaucoup d'eau.
Ceste distance qu'il y a entre saint Martin de
Ré & l'Aiguillon n'est que deux lieues; de fa-
çon que les armées estoient l'une deuant l'au-
tre le banc entre deux.

Ledit sieur Duc de Guise fit faire le signal du
Conseil le 29. Octobre, & proposa d'atta-
quer les ennemis dans le bas fonds, où ils auoient

1622.

Conseil tenu
en l'armée du
Duc de Guise

pris leur poste ; alleguant les incommoditez que les ennemis auoient receuës en l'autre combat, & la commodité qui luy estoit arriuée de dix vaisseaux que le Marquis de Roüillac, Marechal de bataille en l'armée luy auoit amenez le jour de deuant, lequel estoit fort de Broüage, où il estoit, au bruit del'armée, pour se rendre auprès de mondit Seigneur Duc, que de dix vaisseaux qu'il auoit, il y en auoit huiët de moyens, & ne tirans pas plus d'eau que ceux des ennemis, qu'il s'en trouueroit encore nombre pareil dans ladite armée, & qu'avec dix pataches jointes aux seize vaisseaux susdits on les pourroit enuoyer proche d'eux à la portée du pistolet, & se mesler, s'il en estoit besoin, pour prendre leur party, selon la resistance ou foiblesse des ennemis. Lesquels petits vaisseaux & Pataches mondit sieur de Guise soustiendrait avec le reste de son armée, ayant ordonné que chacun marcheroit la sonde à la main pour s'empescher d'estre eschoüé, & que tous les vaisseaux iroient tant qu'ils pourroient rencontrer d'eau.

Ceste journée ledit sieur Duc ordonna
 Ordre pour le combat en ceste sorte, à sçauoir que mon-
 sieur de saint Luc meneroit l'auant-garde
 avec huiët grands nauires, que monsieur de
 Guise meneroit la bataille, que le Cheualier
 de Razilly conduiroit l'arriere-garde avec sept
 nauires, & que le Marquis de Roüillac se tien-
 droit avec sept nauires des meilleurs & plus
 grands de l'armée au vent de monsieur de Gui-

se, pour faire combattre les escadres à temps, ramener les vaisseaux fuyards au combat, & assister les corps qui seroient trop pressez des ennemis, selon l'occurrence, que les vaisseaux ne trouuans plus d'eau pour s'approcher desdits ennemis, mouilleroient de front: Que le sieur de saint Luc prendroit la main gauche de Monseigneur Duc de Guise, avec l'escadre, que le Cheualier de Rasilly doubleroit sur la main gauche dudit sieur de Saint Luc avec son escadre, & que le Marquis de Roüillac doubleroit la main droïcte de mondit Seigneur avec la sienne: Et que tous ces vaisseaux estans d'un front, seroient vne tempeste de batterie contre les ennemis, qui estoient amoncellez proches l'un de l'autre, à cause que le lieu où ils estoient, nommé la fosse de l'Oye, estoit fort estroit. Que les pilotes de l'armée asseuroient Monseigneur, qu'ils les meneroient à la portée du mousquet proche des ennemis, & combien qu'il y eust vn peril eminent pour la quantité de descueils, & qu'avec les hautes marées qui approchoient, ils pourroient arriuer à ceste distance, le temps estant doux & serain.

Il fut donc conclud, qu'au premier vent favorable Monseigneur le Duc de Guise feroit tirer vn coup de canon, & soudain après toute l'armée se mettroit sous voiles, & commanda au Marquis de Roüillac de donner ordre de faire entendre de point en point la resolution de mondit Seigneur Duc touchant le combat, & que tous Capitaines eussent à l'observer

1641.

entierement, sans s'embarasser dans la confusion & le desordre.

La nuit du trentiesme Octobre, la tempeste deuint si furieuse, que toute l'armée en fut grandemēt trauaillée, & mesme plusieurs vaisseaux chasserent leurs ancrs iusques à la coste, lesquels neantmoins n'eurent point de mal. Ceste tempeste dura sept iours & sept nuits entieres, iusques au sixiesme iour de Nouembre, que la nuit deuint calme, mais ne dura que cesté seule iournée, & continua la tempeste iusques au huictiesme dudit mois, que les galeres ne pouuant plus resister à la mer, à cause des orages frequents, & la nudité des esclaves qui ne pouuoient supporter la rigueur du froid, se mirent à la voile, & monstrent bien l'excellence de ceste sorte de vaisseaux: car leur vitesse eust fait penser que ç'eussent plustost esté fleches que des corps propres à nauiger: Elles se retirerent dans le Havre de Brouïage, & monsieur le General témoignoït vn regret inconsiderable de se voir forcé à quitter monsieur de Guise à la veille d'une si belle iournée.

Monsieur le Comte de Soissons enuoya visiter cependant ledit Seigneur Duc de Guise par Monsieur de Seneterre, à dessein que rous d'eux fissent ce qui seroit à propos pour le service de Dieu & du Roy: Il fut donc arresté que le lendemain le Marquis de Roüillac iroit trouuer mondit Seigneur le Comte de Soissons de la part dudit Seigneur Duc de Guise, pour luy proposer l'attaque de l'Isle de Ré;

Ce qui fut executé le vnzième iour de Novembre dernier par ledit Marquis de Roüillac, lequel vit ledit Seigneur Comte de Soissons, opres que les deputez furēt arriuez il n'y auoit pas deux heures de la part du Roy, pour faire executer les articles du traicté de la paix, affligé au mourir de ne pouoir rendre ce seruice au Roy, comme il estoit aisé à croire, eu esgard à la generosité & vertu qu'il a fait paroistre au commandemens de l'armée deuant la Rochelle.

1622.

Le Samedi douzième iour ensuiuant ledit sieur Marquis retourna vers mondit Seigneur le Duc de Guise, & trouua que l'armée nauale des ennemis n'auoit fait nul acte de paix, qu'ils auoient les pavillons hauts en contenance de gens armez qui continuoient à tesmoigner leur rebellion.

La nuit du mesme iour le vent deuint favorable pour aller attaquer les ennemis, monsieur de Guise, suiuant son premier dessein, dès la pointe du iour fit tirer vn coup de canon, & enuoya querir le Marquis de Roüillac, auquel il cōmanda de faire sa charge, ledit sieur Marquis aussi tost donna l'ordre, selon le project de mondit sieur, au Sergent de bataille & leur cōmanda d'aller de nauire en nauire pour recommander ledit ordre aux Capitaines, afin qu'il ny eust point de desordre en tout le corps del'armée, & que tous les vaisseaux eussent à marcher au signal qui auoit esté donné par le commandement de mondit sieur le Duc de Guise.

1622.

Vaisseaux Fla-
mands les
abandonnent

Soudain toute l'armée se mit sous les voiles, & chacun prenant son poste ainsi qu'il auoit esté ordonné par monsieur de Guise, la dite armée sortit en ordre selon la resolution dudit sieur Duc. Elle arriua donc à la portée du fauconneau des ennemis, lesquels pour faire parade de grand nombre de vaisseaux qui peussent remplacer celui qui s'estoit diminué par la perte du premier combat, auoient fait ioindre à eux quantité de barques & vaisseaux Flamands : qui voyans les deux armées proches & aux coups de canon, se retirèrent du pair & de la presse, sortirent du combat & chassèrent à la mer : alors tous les vaisseaux mouillèrent de fond, comme il auoit esté résolu, & commençans à battre furieusement les rebelles & de leurs canons, tirans incessamment sur eux, faisoient vn grand dommage à leurs vaisseaux, & qui se recognoissans foibles & en danger d'estre deffaits, ne voulurent résister dauantage craignans y demeurer & neantmoins quoy qu'ils fissent, leur Admiral & vice-Admiral se voulans retirer eschoierent, plusieurs de leurs vaisseaux furent fracassez du canon, d'autres leurs voiles emportez, & autres coulez à fonds : De telle sorte que deuant que la nuit arriuaist, on ne vid plus que dix-sept nauires des subsistans, sept de leurs pataches ayans esté ruynées & coulées à fonds.

Ceste attaque incommoda grandement les ennemis, & fit veoir la grandeur de la victoire par la diminution de leurs forces, veu que de soixante vaisseaux qu'ils

auoient au premier combat il en restoit si peu.

1622.

La nuit empescha que les petits vaisseaux de monsieur de Guise n'allassent à l'abord, neantmoins il resolut de ne les perdre de veüe, tant qu'il resteroit vne seule marque de la rebellion des ennemis, & que leurs pavillons demeureroient armez.

Durant le combat deux Conseillers deputez par la grande chambre du Parlement de Bordeaux, avec quelques autres de leur corps arriuerent pres Monseigneur de Guise, vers lequel ils estoient enuoyez, & sur l'arriuée de la nuit ils entrerent dans le bord de mondit Seigneur Duc, & luy firent entendre le sujet de leur deputation, qui n'estoit autre que pour luy rendre des loüanges & grandeurs de sa vertu, le remercier du bien & honneur que toute la Guyenne receuoit de la victoire que Dieu auoit donnée au Roy par le moyen de sa bonne & heureuse conduicte, & comme pour la rendre plus auguste, le Parlement auoit donné seance entr'eux à celuy qui leur en auoit porté la nouuelle, qu'on en auoit fait chanter le *Te Deum* dans la ville de Bordeaux où le Parlement auoit assisté en corps, que tout le peuple en auoit chanté loüanges à Dieu, & qu'au nom & de la part dudit Parlement, & de la leur particuliere, ils venoient luy rendre vne recognoissance de ce que sa vertu leur redonnoit la liberté du commerce & trafic.

Deputez de la
Rochelle vers
M. de Guise.

En mesme temps la mauuaïse issuë que les ennemis receurent de ce combat, fut cause qu'ils se resolurēt de deputer vers monsieur de Guise, se doutans bien qu'ils ne pourroiēt plus subsister le lendemain, & que mōdit Seigneur s'eschoïeroit plustost parmy eux, au hazard de perdre toute son armée, que de les laisser encore subsister: & de fait fut enuoyé de leur part vers mondit Seigneur de Saint Germain, le suppliant tres-humblement, avec des paroles de respect & conuenables à l'honneur qu'ils doiuent à sa Majesté, & à la qualité dudit Seigneur, de leur vouloir donner la iournée du lendemain iusques à midy; que durant le combat il leur estoit venu quelques nouuelles de paix, mais qu'ils n'auoient point encore receu d'ordre de la Rochelle: Dans lequel temps ils promettoient de point en point ce qui auoit esté ordonné pour le traicté de la paix, & ce que ledit Seigneur Duc leur voudroit ordonner de la part du Roy. Lequel leur fit vne responce conuenable à la dignité des armes de sa Majesté; concluant que puis qu'ils luy demandoient cela par grace, il leur accordoit, & qu'en cela il appliquoit la bonté du Roy à leur foiblesse. Mais que si dans ledit tēps ils ne luy portoient la Banniere & la commission de l'Assemblée rebelle, le lendemain il acheueroit de les deffaire.

Ceste nuit donc se passa sans qu'il fust rien alteré de nouueau iusques sur les 9. heures du lendemain matin, que le sieur Prou, le Scindic de la Rochelle avec deux autres Deputez,

joinct avec eux vn Deputé de Montauban, vindrent trouuer mondit Seigneur, pour faire executer sur la mer les articles dudit traité, accordez par sa Majesté ausdits rebelles de la Rochelle.

1622.

Monsieur de Guise apres les auoir ouys leur dit, que puis que la clemence du Roy surmontoit leur rebellion, qu'il seroit marry d'empescher l'effect d'une telle bonté, & que moyennant qu'ils luy apportassent le pavillon & ladite commission del'assemblée, il feroit le licencierement de l'armée, ainsi qu'il auoit esté ordonné par sa Majesté.

Lesdits Deputez s'en allerent donc vers ladite armée ennemie, & le Mardy quinziesme Nouembre dernier, ils retournerent vers monsieur de Guise, lequel si tost qu'il les vit entrer en son Gallion s'assit dans vne chaire, tous les plus qualifiez Gentils-hommes de l'armée du Roy estans à l'entour deluy, & receut en leur presence, & en presence desdits deputez du Parlement de Bordeaux, les tres-humbles submissions des Rochelois, lesquels les genoux en terre demanderent pardon à celuy qui en qualité de General de la mer representoit la personne du Roy. Aussi pour trophée & pour marque de plaine victoire, ils jetterent à ses pieds le pavillon, bannieres & la commission illicite de leur pouuoir, se recognoissans du tout vaincus & en estat d'implorer comme ils faisoient la grace du Prince.

Monsieur de Guise reueillit fort gracieusement lesdits deputez, & loüant la repentance

1622.

qu'ils tesmoignoient auoir de leur faute, leur remonstra en peu de paroles qu'estant yssus de peres qui auoient autrefois seruy d'exemple de fidelité à toute la France contre l'Estranger, qu'il leur seroit d'autant plus honteux & reprochable, s'ils se partoient de l'amour & del'affection que de bons & fideles subiects doiuent à leur Roy. Que pour luy il auoit des enfans, mais que si aucun d'eux manquoit iamais à ce deuoir, qu'il l'estouferoit de ses propres mains. Qu'ils recognoissent que leur crime estoit grand, mais que le Roy, vraye Image de Dieu, le couuroit de sa clemence & misericorde, leur donnant auourd'huy la paix, dont il les exhortoit tous de se rendre dignes, & d'en vser aubien de la Monarchie, dans la conseruation de laquelle leurs vies & leurs fortunes estoient encloses.

Tellement que les Rochelois en ce dernier débris ont fait vne perte notable, que pour reliques de leur armée nauale, ils ne sçauroient plus auoir que quinze ou vingt vaisseaux: & encores en si mauuais equipage, qu'à peine s'en pourroient-ils seruir. Eux mesmes confessent qu'ils ont receu vne telle playe en ces deux combats, qu'ils y ont perdu tout ce qu'ils auoient de bons hommes, soient Matelots ou gens de guerre. Chacun d'eux rejette la cause du mal'heur où ils se sont enuoloppez, sur les mauuais conseils de quelques esprits turbulens qu'il y a parmy eux, & le chastiment desquels ils n'eussent pas plainct.

On void donc par ce discours, comme l'heureux cuenement de deux si grandes actions courône de gloire immortelle les armes du Roy. Actions dis-je, qu'on ne peut pas démentir plus de dix mil hommes sur les costes enayant esté spectateurs.

Pendant tous ces voyages du Roy & la visite qu'il fait des principales villes de Prouence, il se fait de grands & extraordinaires preparatifs en la ville de Lyon, pour y recevoir la Majesté avec toute sorte d'honneur & de magnificence. Là sejournant les roynes attendant l'arriuee de sa Majesté, elles ont esté visitées par monsieur le Prince Thomas fils puîné de monsieur de Sauoye, qui y a sejourné quelque temps.

On tient aussi que le Roy estant à Lyon (où il fera quelque séjour) s'y rendront aussi tost les Ambassadeurs des cantons Suisses avec vn Ambassadeur extraordinaire de Venise, pour y traicter de l'assistance necessaire au recouurement de la Valtoline occupee par les Milannois, & du pays des Grisons, dont l'Archiduc Leopoldes'est emparé, il y a quelques mois: on a esté sur les termes d'y enuoyer vne partye des troupes du Roy: mais l'incommodité de ces pays là, particulièrement durant l'Hyuer, où les neiges y sont abondantes, les lieux inaccessibles & perilleux, & les passages aisez à garder, a mis toute ceste deliberation en surseance, & ne s'y executera aucune chose si ce n'est sur le milieu du Printemps.

1622.

Cependant sa Majesté qui a faict licentier vne partie de ses troupes en retient vne partie sus pied, tant pour faire executer son traité de paix que pour s'en seruir és lieux où elle iugera estre nécessaire.

L'armée de monsieur le Duc d'Angoulesme est fort satisfaiete du bon traitement qu'elle a receu au pays du Lyonois, par la sage preuoyance de mōsieur d'Halincour Gouverneur de la Prouince, n'ayans eu faute de viures, de prouisions & d'accommodemens, iusques à ce que ledit sieur Duc d'Angoulesme a receu ordre pour disposer desdites troupes, que l'on doit enuoyer hyuerner dans le Bailliage de Gex & au pays de Bresse, comme j'ay remarqué cy deuant, attendant l'occasion & le temps de les employer au seruice du Roy.

L'execution dudit traité de la paix s'execute sans aucune contradiction dans la ville de Mont-pellier. Sa Majesté s'en allant à Arle, laissa en Languedoc Commissaires expres pour cét effect.

Execution du
traité de la
paix en Lan-
guedoc.

De son costé aussi le Duc de Rohan, qui s'est obligé de faire obeyr le Roy par toutes les places tenuës encore par ceux de la Religion pretendüe reformée, n'a pas eu peu de peine à disposer les opiniaistres à l'obeissance: il a enuoyé ses agens de toutes parts pour les resoudre à l'acceptation de la paix & y faire executer les articles resoulus audit traité.

Il a faict sortir les garnisons de Castres, Nismes, Véz & Puy-laurent, placés de squelles il

demeure Gouverneur : il a licentié toutes les troupes de Seuenes, faißt rendre l'obeyssance au Roy dans Aciduses, Alez & autres places du pays, il a écrit à ceux de Montauban, & Milhaud, qui y ont receu le traicté de paix & acquiescé au contenu d'iceluy.

Il ne restoit plus que la ville de la Rochelle, laquelle, comme elle auoit esté motrice de toute la rebellion precedente, & qui par l'assemblée generale qui se tenoit en icelle, donnoit ordre à tous les chefs du party, & loix à toutes les places reuoltees contre le seruice du Roy, aussi fut elle la dernière à se resoudre à la paix: ledit sieur Duc de Rohan en apprehendoit le refus, quoy qu'ils luy eussent promis de tenir tout ce qu'il feroit pour la paix des Eglises pretenduës reformées, aupres de sa Majesté : & pource si tost qu'il fust retourné à Nismes pour y faire executer le susdit traicté, il leur escriuit ceste lettre admonitoire en ces termes.

Messieurs Nous n'en auons que trop fait iusques à present, il est temps d'estre sages pour l'aduenir, & se repentir du passé; le Roy nous donne auiourd'huy la paix par un excès de clemence & de bonté, nous estans iettez à ses pieds pour la luy demander tres-humblement. Ie suis donc d'admis que tous actes d'hostilité cessans, vous alliez trouuer Messieurs les Generaux des deux armées de sa Maieste pour recognoistre son autorité, & faire entre leurs mains les sermens requis, leur donnant toute la satisfaction qu'ils desireront de vous, voire iusques à leur ouvrir les portes de la ville, s'ils y veulent entrer, sur les assurances que

1622.

Lettre escrite
aux Maires &
Escheuins de
la Rochelle.

1622.

vous pouvez prendre de la foy publique qu'on nous promet tenir inuiolable : la presenten'estant à autre fin, ie ne la feray plus longue, pour prier, Messieurs, qu'il vous ait en sa sainte garde.

Vostre tres-affectionné, &c.

ROHAN.

De Nismes le dernier iour d'Octobre, 1622.

A ceste exhortation les Rochelois ont obey, ainsi qu'il a esté dit cy deuant, mais plus à l'occasion de leur ruine eminente qu'ils ont recogneu par la deroute de leur armée nauale, que par les remonstrances dudit Seigneur Duc de Rohan.

Ils ont protesté de leur obeyssance entre les mains de mesdits sieurs les Generaux de sa M. & ont sollicité mesmement Monseigneur le Comte de Soissons d'y entrer, luy & toute sa Noblesse, dont il les a remercié.

Accident arri-
ué à la person-
ne de M frere
du Roy.

Incontinent apres la Toussaincts, vn accidēt arriua à Paris en la personne de Monseigneur d'Anjou, frere vnique du Roy : ainsi comme il prenoit plaisir de voir faire l'exercice des armes dans la gallerie du Louure, vn chandelier soustenant vn globe tomba de soy mesme sur le chapeau de mondit Seigneur en danger de sa personne: mais Dieu qui ordonne ses Anges pour gardes tutelaires des Princes, ne permit pas que ce mal'heur arriuaist à la France, seulement luy fut offensé le crane de la teste avec quelque meurtrissure d'où la guarison est facile, neantmoins le trouble en fut grand dās le Louure & aux maisons des grands qui estoiet lors à Paris, qui furent visiter mondit Seigneur.

Estat

Etat des villes & places de seureté, d'ostages, & autres tenues par ceux de la religion pret. refo: prises & reduictes au Roy depuis la guerre contre la rebellion.

P Vis que par la grace de Dieu, nous sommes aujourd'huy dans le téps de la paix, & que toute rebellion se cōuertit peu à peu en obeyssance & debuoir, en remerciant l'Eternel de tant de victoires qu'il a données au Roy, ie ne puis que ie n'admire qu'entre tous les Roys qui ont porté la Couronne en France depuis S. L O V Y S, il ny en a eu aucun, qui ait esté plus fauorisé du Ciel, que nostre victorieux Monarque L O V Y S L E I V S T E: veu que ce que plusieurs grâds Princes eussent iadis tenu à grand honneur, d'auoir peu exécuter en partie, en plusieurs années pour vn Royaume terrien, sa M. l'a mis à chef en moins de deux années, pour le Royaume de Dieu & le sien; d'vn costé inuitans les errans au chemin de bien faire par sa clemence, & del'autre dōptant les plus rebelles par la Iustice de ses armes. Tout a résisté dans le party rebelle, il est vray, tout iusques à Montheur lieu incogneu auparauant par sa bassesse, & depuis renommé par sa rebellion, & par sa ruine finale: tous ont armé cōtre sa M. & n'ont espargné sa Noblesse & ses seruiteurs: mais aussi la plus part ont esté debellees, les villes rebelles prises, les autres non prises, finalement abbaissees aux pieds de sa Majesté, toutes lesquelles sont inserées cy apres, avec celles qui sans forces & con-

traintes ont accueilly ses loix, ie les ay mises par ordre depuis la reduktion de Bearn, iusques à conclusion de la paix, ainsi qu'il est aisé à veoir en cét estat suiuant ce que i'ay fait pour adiouster quelque piece d'honneur aux triomphes immortels des victoires glorieuses de sa M.

Pau ville du Parlement ou Conseil de Bearn, fut renduë au Roy en l'année 1620. le 15. Octobre, lors que sa Majesté y alla en personne pour y faire verifier ses Edicts.

Navarrins, se réduisit au Roy 3. iours apres *Pau*, & y fut laissé pour Gouverneur le sieur de Poyane, avec vne partie du Regiment de Navarre.

Orthez se rendit à sa Majesté, & luy enuoya les clefs, receuant monsieur Zamet pour Gouverneur de la place, attendant vn autre ordre, avec vne partie du Regiment de Picardie.

Oleron, *l'Esçar*, *Sannetterre* & *Nain*, firent pareil debuoir, ils receurent les Ecclesiastiques reestablis en leurs charges, & les garnisons que sa Majesté y enuoya.

Leffoure, ville scise sur vn tertre faicte en dos d'asne, elle a vn chasteau qui est sur la pointe d'un rocher fort escarpé. Le peuple est de la religion pret. refor. elle estoit cy deuant gouvernée par le sieur de Fontrailles, qui s'estant fait Catholique, les habitans le voulurent changer, & sa Majesté y a mis le sieur de Bleinville, avec quelques soldats de garnison, au moyen dequoy elle s'est assurée de ceste place, l'an 1620.

Marans ville du bas Poictou, cy deuât sous la domination des Rochelois, mais reduicte &

de la Rebellion de France. 579

maintenuë au seruice du Roy par le sieur de Constans.

Turene ville en Limosin, portant tiltre de Vicomté, est des appartenances du Marechal de Boiillon, mais a esté asscurée au Roy, par sa protestation faicte l'an 1620. le Roy estant en Angoulême.

Uals en viuarets petite ville, mais quia des Citoyens opiniaftres, & de la relig. pret. refor. elle vouloit tenir le party des rebelles de Priuas, comme aussi celle de *Uallons & Villeneufne leberg* dans ledit pays, à la sollicitation del assemblée du cercle du Languedoc, mais en l'an 1620. le Duc de Mont-morency s'en rendit maistre pour le Roy.

Saumur, fut retirée des mains du sieur du Pleffis Mornay, l'an 1621. le 12. May, & sa M. ya fait demeurer garnison Catholique, & du depuis en l'an 1622. le 5. Aupil fut arrestée la demolition des nouuelles fortifications.

En mesme temps se reduisirent au Roy, l' *Ile Bouchard* en Touraine, *Vuray & Josselin* en Bretagne, *Uesins* en Anjou, *Loudun & Toüars* en Touraine, *Chastelleraud*, *Fomenay le Comte*, *la Garnache*, *Talmond*, *S. Maixant*, *Niort*, *Maillezay*, *Beauuoir*, *Mauleon* & autres places en Poictou tenuës par ceux de la religion, qui ont ouuert librement les portes au Roy, & receu garnison Catholique de sa part, l'an 1621.

Pont-orfon; ceste place de grande consideration en basse Normandie, fut retirée des mains du Comte de Montgommery, Seigneur puissant & riche de la religion, moyennant quel-

que recompense, l'an 1621. au mois de May.

Argenton ville tenuë d'eux en Berry, se soumit à la volonté du Roy, l'an 1621. au mois de May entre les mains de monsieur le Prince de Condé.

Gergeau, apres quelque siege se reduisit au Roy au mois de Iuin l'an 1621. par l'entremise du Comte de saint Paul & Mareschal de Vitry.

Sancerre, ayant chassé sô Seigneur & desobey au Roy, fut forcé de se rendre à sa Majesté par monsieur le Prince, qui y entra le 29. May 1621. & y a fait démolir les murailles.

Sully, apres quelques resistâce, fut contraint d'accepter la grace du Roy, par ledit sieur Prince sur le commencement de Iuillet audit an.

Chasteau renard voyant tant de prouësses par les armes du Roy, receut aussi l'ordre de son obeysance des mains du Comte de S. Paul apres la reduction de Gergeau.

Saint Iean d'Angely, apres les efforts d'un siege Royal fut contraint de se rendre à sa Majesté, le 26. Iuin 1621. & souffrir le rasement de ses murs.

Taillebourg ville & chasteau des appartenances du Duc de la Trimoüille, a protesté de son obeysance, durant le siege de saint Iean.

Pons en Xaintonge, ayant resolu d'attendre le siege du Roy, songea à sa conseruation voiant le sic de S. Iean d'Angely, & se rendit au Roy le 29. Iuin 1621. & fut demantelé.

Caumont saisy des rebelles fut genereusement reconquis sur eux par le courage inuincible du

de la Rebellion de France. 581

feu Duc de Mayenne, en Iuin 1621.

Bergerac, que le sieur de la Force vouloit rendre imprenable par le commencement d'une fortification prodigieuse, sentant approcher le Roy vers la Guyenne, luy enuoya les clefs de la place le 10. Iuillet 1621. sa Majesté y enuoya le sieur de Rambure avec son Regiment en garnison & l'a fait demanteler.

Lerac qui auoit esté monstrueuse en sa rebellio & soustenu quelques iours de siege contre le Duc de Mayenne, fut reduite au Roy le 7. Iuillet 1621. sa M. y entretient garnison.

Le Roy n'est si tost entré dans la Guyenne, que le sieur de Boisse Pardaillan, qui auoit protesté de son obéissance au Roy, luy remit entre les mains ou fit reduire à leur deuoir, les places de *Castillon*, *Castellialoux*, *Tournon*, *Mont-de-marsais*, *Marneisle*, *Mucidan*, *Puymerol*, *Lerac*, *Loyol*, *Morlaix*, *sainte Foy* & *Thonnins*, 1621. Mais les deux dernieres outre les precedées se reuolterent au commencement de l'an 1622. par les pratiques du sieur de la Force, notamment *Thonnins*, *Clerac*, *sainte Foy*, *Monseigneur* & autres qu'il a falu contraindre du depuis.

Mas de Verdun, *Manuaisin*, *l'isle en Iourdan* places du pays d'Armagnac, se reduisirent au Roy l'an 1621. en Iuillet, par monsieur le Duc de Mayenne.

Albiac place infidelle au Roy, fut par le Duc de Mayenne forcée, pillée & brulée en Iuillet 1621.

Pont de Barbasse & *Marmande* furent reduittes au Roy dès le mois de Iuin par le Duc

de Mayenne 1611.

Marguerite en Languedoc assiegée par le Duc de Mont-morency, & reduite à sa Majesté le 6. Iuillet 1621.

Cheilar en Albigeois, ayant outragé les Catholiques, fut assiegée & forcée par le Duc de Vantadour, quelques edifices bruslez, & ses murs abbatu en Iuillet 1621.

Vannert ville du Languedoc, prise & reduite au Roy en Iuillet 1621. par le Duc de Mont-morency.

Monheur place de Guyenne cy deuant gouvernée par le sieur de Boisse Pardaillan, & depuis reuoltée par ses enfans contre le service du Roy, a esté assiegée par sa M. prise forcée pillée & bruslée en Decembre 1621.

Moissac place du Quercy, se rendit au Roy à son arriuée aupres de Montauban en Aoust, 1621.

Poussin & Bays sur Bay en Viuarets gouvernees par le sieur de Blacon, furent assiegez au mois de Mars 1622. par le Duc de l'Esclignieres, & apres quelques assauts & combats reduictes au Roy.

Mont-rauel place du haut Perigord, assiegée, forcée & demantelée par M. le Duc d'Elbeuf en Feurier 1622.

Bourniquet en Quercy, assiegée & renduë au Roy par les armes du Marechal de Themines en Ianuier 1622.

Gensac ville de basse Guyenne, où fut assassiné le sieur de Boisse Pardaillan, reduict au Roy par le Duc d'Elbeuf en Ianuier 1622.

de la Rebellion de France. 583

Royan ville de Xaintonge, surprise par les Rochelois, assiegée par le Roy, & reduicte à sa Majesté en May 1622.

Thonnins apres trois mois de siege du Duc d'Elbeuf, fut reduite au Roy le 4. May 1622. puis brulé.

Monsegni reduit au Roy en May à l'arriuée du Roy en Guyenne 1622.

Montsiquin reduit au Roy par la capitulation de sainte Foy, reduicte en May 1622.

Clerac assiegée l'an passé par l'armée du Roy, prise, puis de rechef reuoltée, a esté renduë en May 1622.

Negrepelisse ville en Quercy, reduicte au Roy l'an 1621, au mois de Novembre, massacra du depuis la garnison du Roy, refusa les portes au Roy en Juin dernier 1622. fut assiegée, prise, pillée, brulée, les citoyens tuez & pendus.

Cariac, Cadenac, Figeac villes du Duc de Sully en Agenois, ont receu les garnisons du Roy en Juin 1622.

Saint Anthoin en Albigeois, apres quelques iours de siege où les assauts furent rudes, s'est reduicte au Roy le 22. Juin 1622.

Carmail & Mas sainte Spue de petites places rebelles proches de Thoulouse se sont sousmises au Roy en Juillet 1622.

Berderine ville de Languedoc assiegée en Juillet par monsieur le Prince, comme aussi *Ginac, saint Gilles, Lunel, & Sommierès*, puis finalement reduictes à sa Majesté moyennant la demolition de leurs murs.

Aiguemorte a esté ramenée au Roy par la

reduction de monsieur de Chastillon à son obeyssance.

Lombets en Albigeois assiegé en Aoust par le Duc de Vendosme, les habitans abandonnerent la place, & y entra ledit sieur Duc, & fit raser les murailles & donna la ville au pillage aux soldats.

Par la paix ont esté reduictes au roy *Montpellier, Nismes, Uzès, Castres, Milhand, Puy-laurens, Brieste*, à la charge de desmolir toutes nouvelles fortifications, en Octobre dernier 1622.

Friuas en Viuarets, premiere ville rebelle & la derniere reduicte au roy, a eu frayeur entendant que le Duc d'Angoulême, avec le Mareschal de Bassompierre auoient receu ordre du Roy pour l'aller assieger, & leur enuoya ses clefs le 9. Nouembre 1622.

Pour Montauban & la Rochelle obseruans les choses contenues au traicté de la paix, elles demeurent à ceux de la religion pretendue reformée pour villes d'ostages pour trois années seulement.

La planche qui suit fera voir les effectz merueilleux de la prouidence diuine, en la conduite des armes de sa Majesté, qui a soumis sous ses loix tant de sortes de places qui auoient accueilly les deliberations de l'assemblée de la Rochelle.

Estat general des plus Illustres Princes, Seigneurs, Capitaines, hommes d'Estat & Gentils-hommes de marques decedez en France pendant ces guerres de la rebellion.

LA generosité ne s'exerce que parmy les pe-
rils, c'est entre les espines de la guerre que
les beaux Lis florissēt, & que les courages plus
grands paroissent aux effects, quand pour le
seruice du Roy, les plus braues & les plus illu-
stres, mesprisent les dāgers, bannissent la crain-
te, & reputent à beaucoup de gloire de mourir
en vn champ de bataille, aux assauts d'une place
& dans le liēt d'honneur, pour ce que là dedās,
s'eternise leur gloire, & se recueillent les palmes
& les lauriers qui rendent leurs sepulchres ho-
norables, & leur memoire illustre dans l'eterni-
té: entre le nombre grand de ceux qui sont
decédez durant ces troubles dernieres, i'ay re-
marqué ceux là desquels ie peux auoir parti-
culiere cognoissance, afin que l'histoire qui ce-
lebre les faicts & les exploits militaires de ceux
qui sont employez aux charges, rende aussi la
memoire immortelle de ceux qui au pris de leur
sang & de leur vie, ont maintenu l'autorité
du Roy, en executant ses royales volonteze.

Es anneez 1620. & 1621. En Viurets.

Le sieur de Moreze tué allant recognoistre
Vvals, d'un coup de mousquet aux deux cuif-
ses, sous la charge de M. de Mont-morency
en Viurets.

Le sieur de la Rochecolombe tué d'un coup
de mousquetade à costé de sō pere, audit siege.

Au siege de saint Jean d'Angely, moururent les Seigneurs & Gentils-hommes qui suivent.

Monsieur le Cardinal de Guise pour s'estre eschauffé aux attaques des barricades, mourut de là à quelques iours dans la ville de Xaintes.

Monsieur le Comte de Maureuert beaufrere de monsieur de Creguy, maistre de camp du Regiment de Champagne, tué d'un coup de mousquet au trauers du corps, le Roy a conserué les charges à son fils.

Monsieur le Baron de Cry tué d'une mousquetade, deuant S. Jean.

Monsieur le Baron de Savardin tué d'une autre mousquetade, deuant saint Jean.

Monsieur de Charbonnier.

Le sieur de Beauuerdin Capitaine au Regiment de Nauarre, y fut tué aux barricades avec deux autres Capitaines & 8. Gentils-hommes.

Le Sieur de rocq Sergent Major de Brouiage.

Le sieur de Brillemont.

Le sieur de Fontaine.

Le sieur de Fontenic Capitaine enseigne au regiment de Rambure.

Depuis ce siege est mort de maladie, monsieur le Marechal de Brissac en son Chasteau de Brissac.

Plus au siege de Clerac moururent.

Monsieur le Baron de Thermes.

Le sieur de la Riviere, Lieutenant du Capitaine de Bourdet.

Le sieur de Mazoles Lieutenant du sieur de Meun Capitaine aux Gardes.

Le sieur de Maillou Baron de Normandie.

de la Rebellion de France 587

Mourut aussi de maladie pendant ce siege, M.
du Vair Garde des Saux de France.

*Devant Marguerites en Languedoc, sous le Duc
de Mont-morency moururent.*

M. de Caucy Collonel du Marquis de Portes.

Le sieur de Bartoumion son Enseigne.

Le sieur de S. Gilles le ieune.

Le sieur de Monmau.

Le sieur de Clausaule.

Devant Montauban.

Le sieur de Liziny Capitaine au regiment de
Piedmont tué aux barrieres.

Le sieur de Sarroques.

Le sieur du Breuil.

Le sieur de Castelard.

Monsieur le Comte de Fiesque.

Monsieur le Duc de Mayenne fut tué d'un
coup de moutquet en l'œil gauche.

Le Baron de Persin.

Le Marquis de Villars bruslé des poudres.

Le Marquis de Themines tué à ville Bourbon.

Monsieur de la Frete Gouverneur de Char-
tres tué perfidement dans la place.

Monsieur le Vicomte de Bourbonne.

Monsieur de Carbon.

Le sieur Fargon.

Monsieur de Fourilles Capitaine au regiment
des Gardes.

Deux autres Capitaines dudit Regiment.

Quelques quinze Lieutenans, plusieurs autres
Gentils hommes, & le sieur de la Vallée
canonier du Roy.

Assesours du Marquis de Malauze deffaits

*pres le fort de Fanch par le Duc d'Angoulesme
furent tuez.*

Le sieur de Loppes.

Le sieur de Larmondie Cornette.

Deuant Montauban moururent de maladie.

M. du Perron Archeuesque de Sens.

M. de Pont Chartrain Secretaire d'Estat.

Le sieur de Visclède tué en Viuarets.

Durant le siege de Monheur.

Le sieur de Camau vieux Capitaine.

Le Baron de Clermont.

M. le marquis de Themines, dit de Lozieres.

Plus pendant ledit siege mourut à Longueuille
mon sieur le Connestable de Luynes.

En l'année 1622.

Le Pere Herué Mauuet Iesuite massacré dans
Clairac.

Durant le siege de Mont-rauel, furent tuez.

Le sieur de Madaillan.

M. de Saint Iean premier Capitaine au Re-
giment de Flaix.

Le sieur de Clairay ayde de camp.

M. de Senaïse le ieune.

A la prise du bas Thonnins moururent.

Le sieur de Miraumont fils du sieur de Castel-
nau.

Le sieur de Chalosse.

Le sieur de Vernay Capitaine au Regiment de
Piedmont.

Le sieur de Belongnat Capitaine audit Regi-
ment.

Le sieur de Saucourt.

Le sieur le Comte.

de la Rebellion de France. 489

Le sieur de Piegoufre nepueu de M. de Bourg
Mareschal de camp.

Le sieur de Bertrauet ingenieur fort habile
homme.

Le sieur de Clairbois Escuyer de monsieur le
Duc d'Elbeuf.

*Pendant le siege du haut Thonnins, en la deffaitte
des secours moururent.*

Monsieur d'Ambre Mareschal de camp de M.
le Mareschal de Themines.

M. d'Ambre son nepueu.

Le sieur de Mautesfort.

Le sieur de Bonneual.

Le sieur de Belhade.

Le sieur de Paimpoing.

Le sieur de Casans.

A l'entreprise de Caussade en Quercy.

Le Baron de sainte Scire.

Le sieur de Marquis Capitaine.

Au siege de Poussin, sous le Duc de l'Escliquieres.

Monsieur le Comte de Tallard, & quelques
Gentils-hommes tuez aux assauts.

*A la prise du fort de Cadenac par le
sieur de Pybrac.*

Le sieur de Iustaret, Capitaine au Regiment
de Pybrac.

*Dans le combat fait aupres de Mareuil au bas
Poitou, avec quelques Cavaliers
Rochelois moururent.*

Le sieur de l'Eschaffiere.

Le sieur de Logerie.

Au siege de saint Anthoin.

Monsieur le Vicomte de Betancour.

M. le Baron de Paluau, & quelques Capitaines des gardes & autres Gentils-hommes.

Au siege de Royan furent tuez.

Monsieur de Humieres premier Gentil-homme de la chambre du Roy, le sieur de Matta avec dix ou douze Gentils-hommes.

Le sieur de la Garde leicune.

Au siege de Lombers.

Le sieur de Bonniuat, } c'estoient Gentils-
Le sieur de Gradin, tué } hommes de la mai-
là mesme. } son de monsieur de
Au siege de Sommiers. } Vendosme.

Fut blessé à mort le sieur de Pigeolet Capitaine aux gardes. *Au siege de Mont-pellier.*

Le Cardinal de Rets Euesque de Paris mort de maladie.

Monsieur de Vic Garde des Seaux, aussi.

Monsieur le Duc de Fronzac.

Monsieur le Marquis de Beuueron.

Monsieur de Canillac.

Monsieur de Lucen.

Monsieur de Combalet chef de la compagnie de monsieur le Prince de Condé.

Le sieur Otho, Gentil-homme de sa maison.

M. le Comte d'Alez mort de maladie.

M. Zamet Marechal de Camp.

M. de Roquelaure General des Venitiens.

M. de Castelnau Capitaine aux Gardes.

Etat des principaux chefs, Gentils-hommes & hommes de qualité de la Religion pret. & refor. morts, pendant la mesme guerre es années 1620. 1621. 1622.

de la Rebellion de France. 591

Au siege de saint Jean.

LE sieur de la Chaignaye Capitaine de S.
Jean, tué durant le siege.

Le sieur de Haute-fontaine Durand.

Le sieur de Nieul Capitaine de cent hommes.

A Caumont.

Le Capitaine Nauarrins.

A Marguerite.

Le sieur Dauin Capitaine de Nismes tué.

A la diffaine du Marquis de Malanje par M.

d'Angoulesme au fort de Fauch furent tuez.

Le sieur Boyer maistre de Camp.

Le sieur saint Amand autre maistre de Camp.

Le sieur de Nogare.

A Montauban.

Le sieur de Mazieres tué sur le rempart.

Chamier Ministre tué d'un coup de canon.

Monsieur de Boisse Pardaillan massacré dans
Genlac.

Le sieur de Mauolemont tué à la rencontre de
monsieur de Mirepoix au pays de Foix.

Monsieur le President du Croc massacré dans
Mont-pellier.

Au combat pres Mareuil en bas Poitou moururent

Le sieur de la Cressonniere Lieutenant de M.
de Soubise.

Le ieune de la Cressonniere son fils.

Le Baron du petit Chasteau.

Le frere du Baron de la Greue.

Le sieur de la Chastaigneraye.

Le sieur de Montaigu.

Le fils du sieur de maison-neufue.

Le sieur de Montournois.

Le sieur de Mermande.

Le ieune Mermande son fils.

Le sieur de Beaupré.

Le sieur de Chastelendiere.

En basse Guyenne.

Le sieur de la Motte Gachon Gouverneur de
Mont-raueltuë à la prise d'icelle.

Monsieur de Mont-pouillan fils de monsieur
de la Force mort de sa blessure receuë à
Thonnins.

Le Vicomte de Castets mort à sainte Foy
apres la reduction de Thonnins.

Al'entreprise de Caussade en Quercy, moururët.

Le sieur de Berlhac.

Le sieur de Cauagnac.

Le sieur de la Gasquerie.

Le sieur de Londres.

Le sieur de Londres son frere.

Le sieur de raymond Capitaine.

Le sieur de Salignac.

Le sieur de l'Escun President de Castres surpris
& executé à Bordeaux.

*A la deffaiëte des troupes sorties de Briteste par le
Comte de Vieu le moururent.*

Le sieur Chamayon.

Les sieurs Busquet pere & fils.

Le sieur du mas.

Le sieur Daues.

Le sieur de Sales.

En la bataille nauale cõtre les Rochelois moururët

Le sieur de Vinceguerre y fut tué.

Monsieur le Cheualier de Cuges.

Monsieur de l'Isle Lieutenant de M. de Valéce.

Pour reprendre les affaires du temps, les voyages du Roy, & l'issuë dudit traité de paix, faut sçauoir que les Rochelois ayans fait leurs protestatiōs d'obeyssance entre les mains de Messieurs les generaux des armées de sa Majesté, & ressenty en leur desarmement les effects de la bonté & clemence du Roy qui leur donnoit la paix & pardonnoit leurs rebellions, se soussimirent à satisfaire au contenu du traité que leur auoit enuoyé le Duc de Rohā, & pour commencer enuoyerent quantité d'ouuriers aux Isles de Ré & d'Oleron pour abbatre & desmolir les forts qu'ils y auoient fait construire pour la commodité de leurs vaisseaux & pyrates, aussi monsieur le Duc de Guise voyāt la paix retourna à Paris, & pour l'armée navale, les Galeres de Marseille & du Leuant se retirerent en la riuiera de Charante, l'armée de Broüage à Broüage, les vaisseaux de saint Malo à saint Malo del'Isle, & ceux de Bretagne au port de Blauet, dit le Port Lonys.

Quant à monsieur le Comte de Soissons, il partit de deuant la Rochelle tost apres que les Rochelois luy eurent fait les submissions nécessaires, s'achemina à Niort, à Fontenay le Comte, & finalement à Paris: il laissa le fort bien muny & garny d'hommes & de munitiōs avec seize canons sous la charge du sieur Arnault avec charge d'y faire bonne garde & de le conseruer iusques à ce que l'ordre fust arriué de la part du Roy pour en disposer ainsi que bon luy plaira.

La subsistence toutesfois de ce fort trauersa

1622.

fort l'esprit des Rochelois pour les incommoditez qu'ils en retenoient & de faict il y a eu quelque different entre eux & les soldats du fort pour le faict du bois & des viures, quelques sentinelles tuees comme aussi quelques vns de la ville.

Deputez de la
Rochelle au
Roy pour fai-
re abbatre le
fort.

En fin le 22. Nouëbre la populace de la Rochelle s'irritant contre l'assemblée & les Magistrats du dommage qu'ils receuoient dudit fort, deputerent les lieurs Prou, & la Goutte pour aller trouuer le Roy, luy tesmoigner de leur obeyssance & deuoir, luy remonstrer particulièrement, comme ayans obey au traicté de paix, ils auoient demoly les forts par eux bastis & tenus es Isles d'Oleron & de Ré, ainsi qu'il estoit dit par les articles dudit traicté, & qu'ayant ainsi satisfait à ce qu'ils estoient obligez, supplioient sa Maiesté vouloir permettre & commander que le fort basti de son commandement deuant leur ville par Monsieur le Comte de Soissons, fust aussi desmoly, pour n'empescher leur liberté ny l'vsufruit du benefice de la paix : dequoy ils n'eurent autre resolution de sa Majesté fort celle qu'elle promit leur faire rendre à Paris.

Au mesme temps aussi les rochelais ont faict mine de licentier l'assemblée generale qui se tenoit en leur ville, les deputez des Provinces plus voisines s'en retournoient en leurs Eglises pretendues reformees, comme ceux de Poictou en Poictou, de Xaintonge en Xaintonge & autres pays proches de la Rochelle. Pour les autres Deputez ils subli-

sterent encore, disans que l'argent leur manquant pour retourner en leurs Prouinces, ils attendoient le secours des Eglises pretenduës desdits lieux, qui pour ester fort esloignees de la Rochelle, ne pouuoient si tost se disposer à partir que les autres, mais ce ne fut qu'un pretexte pour demeurer tousiours en subsistence tant que le fort royal demurerait en estat: car la coustume de telles gens est telle qu'ils sont tousiours les derniers à l'exécution du deuoir & de l'obeïssance, voulans auoir dix mille assurances auant que s'y resoudre.

Cependant que toutes ces choses se passent du costé de l'Aulnix & de la Rochelle, sa Majesté acheue ses voyages pour se disposer au retour en sa bonne ville de Paris.

Elle ne demeura que peu de iours dans Montpellier & en partit le 26. Octobre apres y auoir commandé l'ordre necessaire pour la demolition des nouuelles fortifications & establisement de la garnison, le tout sous la charge & conduite de monsieur de Valencé.

De Montpellier le Roy s'en alla à Arles, où les habitâs auoient preparé vne solemnelle entree à sa Maïesté, & cependant qu'ils se mettoient en deuoir pour la receuoir par vne porte, le Roy y entra par vne autre & se trouua dâs la ville inopinément: mais comme on eust remonstré à sa Maïesté que le peuple d'Arles s'estoit mis en frais & despence pour le receuoir, pour les contenter le lendemain elle y fit son entrée magnifique avec ioye & acclamations publiques de tous les habitans.

Entree du
Roy à Arles.

1622.

Le Roy estant à Arles, eust aduis que si tost qu'il fut party de Montpellier, les Capitaines, Lieutenans, Enseignes, Sergens & autres officiers de la garnison y laissée, auoient quitté leurs Compagnies, les vns pour aller visiter leurs maisons, les autres leurs femmes & menages, & auoient ainsi abandonné leurs soldats à la proye des habitans qui les supportoient avec assez d'impatience, c'est pourquoy sa Maiesté estant encore à Arles le 29. Octobre, fit vne ordonnance par laquelle elle enioignoit & commandoit à tous Chefs & Officiers de guerre commandant à ladite garnison de retourner à Montpellier dans quinzaine apres la publication de ladite ordonnance, & à faute de ce faire dans ledit temps, sa Maiesté disposeroit de leurs charges & en mettroit d'autres en leur place, enioignant au sieur de Valencé de tenir la main à l'exécution d'icelle ordonnance à peine d'en respondre en son nom : cela fut publié par tous les Parlemens & Bailliages du Royaume.

Catholiques
reestablis à
Montpellier.

Les habitans Catholiques qui auoient esté chassés & qui s'estoient retirez dudit Montpellier, y furent rappelez & reestablis aussi en mesme temps, reintegrez en leurs biens, charges & dignitez, comme auparauant : on leur rendit leurs armes & rentrerent en la iouissance des mesmes priuileges & libertez que les autres habitans de la Religion pretendue, & à l'instant fut publiee vne deffence de par le Roy à toutes personnes tant Catholiques qu'heretiques, mesmes aux soldats de la garnison de

susciter aucun trouble dans la ville, s'entrequer-
reller, iniurier ou prouoquer par parolles ou
de faict pour les choses presentes ou passees
sur peine de la vie, enioignant de viure les vns
auec les autres en bonne paix & intelligence
sous les commandemens & seruice de sa Ma-
jesté, loix & police du pays: ce qui a esté si ex-
actement obserué que iusques à present il ny a
eu de ce costé aucun subiet de plainte, quoy
que les habitans heretiques ayent assez mal
tolleré la surcharge desdits garnisons, & veu
d'un assez mauuais œil la demolition de leurs
bastions & nouuelles fortifications. Ce qui ne
s'est pas encore pratiqué és autres places du
Languedoc. Cependant les Estats du Lan-
guedoc s'assemblent à Beaucaire où se trou-
uant monsieur le Duc de Vantadour Lieu-
tenant de la Prouince, y fit la harangue qui
suit.

Messieurs, les peuples de Sparte furent bien
estonnez quand au lieu du Dictateur du peu-
ple Romain, qui auoit en sa main l'autorité
& la puissance Imperiale, lequel ils attendoient,
ils virent seulement arriuer dans leur ville vn
Proconsul. A plus forte raison les Estats de
Languedoc, ont iuste occasion de s'esbahir, de
voir aujour-d'huy seulement vn Lieutenant de
Roy, qui n'est que l'ombre de ce grand corps,
vn petit rayon de ce grand Soleil de la Maiesté
Royale, que vous croyez avec moy vous es-
clairer, & honorer aujour-d'huy de sa presen-
ce, & vous faire entendre par sa bouche ses

Harangue
faicte à l'ou-
verture des
Estats Gene-
raux du pays
du Langué-
doc, assésblez
en la ville de
Beaucaire,
par monsieur
le Duc de
Vantadour.

1622.

volontez, ses intentions, & ses cōmandemens; mais ce qui vous doit cōsoler, c'est que ce qui est differé n'est pas osté, & que vous aurez cest honneur de voir sa Maiesté deuant la fin de ces Estats, m'ayant commandé de vous en assurer, & de sa Royale protection & bien-vueillance, de laquelle vous auez ressentý de si signalez effects, que cela vous oblige de travailler diligemment à l'exécution du contenu de ses lettres patentes, dont la lecture vous a esté faite presentement.

Chacun sçait que depuis vn an, le Roy a eu sur ses bras cinq armées, quatre par terre & vne par mer; Que la despenſe de la dernière reuient à 700. mil liures par mois; iugez par là combié est grande & excessiue celle des quatre restans. Désle commencement du Printemps, vous auez veu quel a esté le progres de l'armée Royale, dans laquelle sa Maiesté commandoit en personne: Que le Roy ayant fait faire en six iours 60. lieües à son armée, se rendit dans les Isles de Bretagne, où M. de Soubise chef des rebelles estoit avec vne forte armée, que ceste troupe animée de fureur, qui gorgée de butin, sembloit menacer les cieux & deffier la fortune, fut desfaite par les armes victorieuses de nostre grand Roy, lequel passa des premiers à gué le bras de mer, seruāt de rampart aux ennemis, & monstra par ce moyen le chemin à tout le reste: tout aussi tost les ennemis s'espouuātent, la cavalerie est mise en route, l'Infanterie taillée en pieces, grād nōbre de mots, de bleſsez & de prisonniers, ils perdēt toute leur artillerie, avec

les vaisseaux sur lesquels ils pensoient se sauuer. Cela fait sans prendre haleine, le Roy assiege la ville de Royan place Maritime, que la nature & l'art sembloient auoir rendu inexpugnable. De là nostre ieune Alcide, traucrse comme vne esclair la Guyenne & Gascongne, dissipe par tout les nuages des rebellions. La ville de S. Foy espouuantee par la terreur des armes ouure ses portes: Clerac est repris. En suite avec vne diligence incroyable, sa maiesté viét au haut Languedoc, assiege, prend & force les villes de Negrepelisse, S. Anthonin, de Carman & autres. Puis apres il descéd avec la mesme promptitude au bas Languedoc, où les villes de Lunel, d' Aymargues, de Sommieres & autres, furent aussi tost prises qu'assiegées : dont s'ensuit le siege de la ville de Môtpellier, la plus importante de toute la France pour les rebelles, puis qu'elle a esté honoree de l'establissement de deux Compagnies souueraines. En ce siege sa Maiesté a eu à combattre non seulement les ennemis, qui l'ont souuét contraint de s'armer de toutes pieces, & de passer des nuits entieres à cheual, mais encore l'infectiō de l'air & des maladies cōtagieuses, ausquelles il a exposé sa Royale persōne; En fin sa vertu & ses traux ont surmonté la fortune & tous les elemés, & contraint les rebelles à leur deuoir, & de ceder à la iustice inuincible de ses armes, aymans mieux esprouuer les effects de sa clemence & misericorde que ceux de sa rigueur. Les siecles à venir auront peine à croire ce qu'aujour-

d'huy, toutes les Italies, les Espagnes, les Allemagnes, & en vn mot tout le monde contem-
ple avec admiration, de voir vn ieune Prince
à l'age de vingt & vn an, quitter les delices,
dans lesquels les ieunes Roys ont accoustumé
de se plonger, endosser la cuirasse, & en moins
de deux ans, auoir acquis & conquis par sa va-
leur & bonne conduite plus de quatre-vingts
villes, aux Prouinces & pays de Bearn, de Poi-
ctou, de Xaintonge, de Berry, de Guyenne,
de Gascongne, & du haut & du bas Langue-
doc. Et à la fin d'auoir pardonné à ses enne-
mis vaincus, qui sont des merueilles que trois
siecles auparauant, n'en auoient point veu au-
tant. Césâr disoit, i'ay esté, i'ay veu, i'ay vain-
cu. Mais nostre Roy peut bien plus dire, i'ay e-
sté, i'ay veu, i'ay vaincu, i'ay pardonné. Or c'est
nous qui recueillons le fruit de ses traux in-
dicibles, par l'assurance de nostre Religion,
de nos vies & de nos biens, menace de faire
naufrage dans ceste horrible rebellion, repri-
mee, domptee, & abatuë par nostre inuinci-
ble Monarque, en quoy il a acquis sur vous vne
obligation si grande, que tous vos seruices
& obeysances peuuent bien estre vne action
de graces continuelles, mais non vn payemēt.
Sur tout, Messieurs, vous estes par là obligez à
l'exemple de vos predecesseurs, d'offrir au
Roy tout ce qui est de vostre pouuoir, vos vies,
vos biens, & ce qui en despend. Au surplus,
Messieurs, apres auoir parlé de ce qui concer-
ne sa Maiesté, ie me recognoy obligé de vous
representer, comme vous serez responsables

deuant Dieu, de tout ce que vous cōseillerez, procurerez & consentirez en ces Estats, où vous deuez embrasser de tout vostre pouuoir, le bien & le soulagement du pauvre peuple accablé de misere & de calamité, ceste Prouince ayant seruy depuis vingt deux mois de theatre, où se sont iouees les plus sanglantes tragedies de toute la France, ny ayant aucun Diocese, qui ne se soit ressentý de ceste calamité publique. Vous estes aussi obligez de vous despoüiller & despartir de toutes passions & affectiōs particulieres, afin que le bien public marche tousiours le premier, & soit preferé à toutes choses. Je ne puis passer sous silence, les grandes plaintes que l'on a faictes au Roy premierement, puis à sa Cour de Parlement de Thoulouse, des abus & maluersations qui se commettent dans les assiettes de vingt-deux Dioceses de ceste Prouince, où l'on a vsé de grands dons, gratifications, recompences, taxations de voyages, doubles emplois de parties payees, & autres excessiues despenses, qui tournent tellement à la foule & oppressiō des subiets du Roy, que de cent escus qui s'imposent, il n'en vient pas dix dans la bource de sa Maiesté : & sur cela i'ay souuenance qu'il y a enuiron dix-huict ans, que ie retranchay plus de soixante mille liures, à la descharge & soulagement des habitans de la ville du Puy & de leur Diocese. Ce desordre, Messieurs, auoit donné suiet, & fondemēt à l'Edict des Esleus, qui fut sur le point d'estre verifié & enregistré en la Cour de Parlement, où ie fis en vo-

622.

stre faueur & aduantage, les remonstrances telles que vous les pouuez desirer, & lesquelles ie reiteray en la presence Roy, assisté des Princes de son sâg: Cardinaux, Ducs, Pairs & Officiers de la Couronne, & autres des principaux Seigneurs de son Conseil. Où ie fus secodé de quatre, Messieurs les Prelats, d'autant des Barons, & de deux fois autant du tiers Estat, tous lesquels sont tesmoins, comme ie mesuis rédu caution de vos bons & dignes comportements, & assuré que vous apporterez tousiours la bonne conduite & direction, qui est necessaire aux affaires publiques, pour bien mesnager les impositions qui se font sur le peuple. Que vous ferez tres-aises que les abus soient corrigez & reformez, en conseruant toutesfois l'vsage ancien de vos priuileges; que si dans l'ordre de la Iustice, il se trouue des Officiers qui commettent des concussions, il ne faut pas pour cela abolir les Parlemens, mais chastier les delinquans, car m'adressant au Roy, ie dis, Sire, C'est vous qui par dessus tous les Roys de la terre, regnez par la Iustice dans la Iustice, & auez la Iustice, ce sont les mesmes mots que ie dis. Et ce discours poussé par mon zele & ardeur au bien public, eust vne telle efficace, que sa Maiesté tesmoigna m'en sçauoir tres-bon gré & encliner à ma demande. I'obmettois encore à vous dire vne autre plainte que le Parlement fait contre ceste compagnie, qui est qu'au lieu de toute ancienneté, les Euesques ne se trouuant point aux Estats, y enuoyent leurs grands Vicaires

qui exercent ceste charge dans le siege Episcop^{al}, aujour-d'huy au contraire, l'on enuoye des Vicariats en blanc, qui se remplissent du nom des Chapoines, ou autres Ausmosniers, lesquels on trouue à la suite des Estats. Le mesme abus se commet en l'absence des Barons, leurs Baillifs y deuoient assister, au contraire l'on enuoye des procurations en blanc, lesquelles sont remplies du nom de Gétils-hômes, qui se rencontrent aux Estats, & y ont bié souuent des affaires particulieres, vous priant Messieurs, de suiure en cela les anciennes formes, & de prendre en bonne part ce que ie vous en dis, qui prouient d'un cœur remply d'une tres-parfaicte & entiere affection à vostre seruice, & qui ne respire autre chose (apres le seruice du Roy) que la conseruation & maintenance de vos priuileges, franchises & libertez en ceste volonté, ie finiray ce discours, lequel l'ardente affection que j'ay au seruice du Roy & soulagement de ceste Prouince, m'a suggeré sur le chap^s sans aucun art ny preparatiô: & aussi le peu de temps ne m'en a donné le loisir.

Caton entrant dans le Senat Romain, commençoit & finissoit ainsi tousiours ses opinions, il faut ruiner Carthage si nous voulons que nostre repos & bon-heur soit assésuré. De mesme ie ne cesseray de vous dire qu'il faut extirper ces abus, si vous voulez que le peuple soit soulagé, & le bien public estably. Je conclurray donc par les louanges du Roy, par lesquelles j'ay commencé, & diray de luy ce qu'a dit un celebre Poëte de nostre temps.

1622.

Sacré Fleuron de Lys qui ieune promets rendre

Esgaux tes verds Lauriers , aux lauriers d'Alexandre.

Ce sont les vœux, ce sont les souhaits que ie fais pour vous mon grand Roy, qui estes icy present par vostre autorité & puissance souveraine, ainsi puissiez vous, tousiours triompher, non tant des despoüilles de vos ennemis que de leurs cœurs & de leurs propres volontez, ainsi puissiez-vous conuertir la rebellion en obeysance, & les rebelles en fideles subiets, ainsi soyez vous tousiours victorieux & trióphant, de la guerre & de la paix: Paix que vous nous auez donnee & asseuree par vostre valeur, mais bien plus poussé de l'affection de laquelle vous estes espris, & embrasé enuers vos pauvres peuples, vous voicy donc arriuée ô bien heureuse paix, fille du ciel, mere seconde des biens de la terre, les Anges vous loüent du Ciel, les hommes vous reclament en terre, ce sera vous qui accompagnerez tousiours nostre inuincible Monarque, pour le rendre l'arbitre de la Chrestienté, & le Iuge par consequent, de tous les differens des Roys & Princes de l'Europe.

Le Roy ayât celebré la feste de Toussaincts dans la ville d'Arles en Prouence, & y ayant touché les malades, en partit le lendemain, & le troisieme dudit mois fit son entree en la ville d'Aix Capitale de la Prouence, où elle ne

Entree du
Roy à Aix.

sejourna qu'un iour, & le quinzième en partit pour aller à saint Maxemin, visiter les saintes reliques de Marie Magdelaine.

Le sixième, elle alla en deuotion ouyr la Messe dans la sainte Baume, & coucher à my-son entree à chemin de Marseille, où son entree fut le Lundy septième, n'y ayant seourné que trois iours pour se rendre à Tarascon le treizième, afin de faire l'ouuerture des Estats de Languedoc, mandez à Beaucaire le quinzième, ce qui fut fait heureusement tout ainsi qu'il auoit esté résolu.

Le Mercredi seizième, le Roy partit de à Avignon. Tarascon pour aller en Avignon, où toutes les Ordres vindrent au deuant de sa Maesté, au plus magnifique equipage qui leur fut possible, y ayant esté honoré d'une infinité d'arcs triomphans, & receu avec toutes les plus grandes acclamations publiques, qui se pouuoient imaginer.

Monsieur le Connestable de l'Escliquieres, marchoit immediatement deuant le Roy portant son espee Royale en main, & auparauant luy les autres Officiers de la Couronne, qui s'estoient trouuez à sa Cour, entre lesquels alloient les Seigneurs, Vicelegat & general d'Avignon, qui firent les complimens de la part de nostre Saint Pere le Pape Gregoire XV.

Sa Maesté fut conduite par les principales rues de la ville iusques à l'Eglise de Nostre-Dame de Doms Metropolitaine où elle fit sa priere, & apres fut accompagnée iusques au

1622.

grand Palais du Pape, à l'entree duquel pour plus grande difference, quelques prisonniers luy ayant fait faire instance d'interceder pour leur eslargissement, les Officiers de sa Sainteté, luy dirent qu'elle les pouuoit deliurer tous: de façon qu'autant qu'il s'en trouua dás lefdites prisons, autant y en eust-il de deliurez.

Et au surplus sa Maiesté fnt regallee avec toute sorte de grandeur & de magnificence.

Le lendemain, le Roy ayant fait dessein de s'en aller à la chasse, eut aduis que le Duc de Sauoye le venoit voir, & deuoit arriuer ce iour là, sa Maiesté s'en alla du costé plus prochain du chemin que pouuoit tenir son Altesse qui s'en venoit en poste, mais fort accompagné de Caualerie. Comme il approchoit de la ville, & qu'il sceut que le Roy estoit à la chasse de ce costé-là, il quitta le grand chemin pour l'ailer saluer, & le Roy en estant aduertý quitta la chasse, & s'aduança vers sadite Altesse.

Leurs complimens furent grands & accompagnés de toute sorte de marques d'affection, & apres entrèrent ensemble dans la ville, son Altesse ayant voulu accompagner le Roy iusques dans sa chambre, & ayant par apres esté reduite à son quartier ou appartement, par ceux que le Roy auoit ordonnez pour cest effect.

Sa Maiesté auoit faict estat de ne seiourner qu'un iour ou deux en Auignon, mais pour l'amour de son Altesse, elle delibera de s'y arrester

trois ou quatre iours, & n'en partir que le 21. ou 22. pour s'en aller à Lyon par le Dauphiné.

1622.

Le Roy ayant donc resout de trauerser le Dauphiné auant que d'arriuer en sa ville de Lyon, pource que Monsieur le Connestable luy en auoit fait plusieurs sortes d'instances & prieres, sa Majesté quitta donc la Prouence, passa prés d'Orange, où elle eust aduis des grandes fortifications qu'y auoit fait faire le Prince Maurice qui iouit maintenant de ceste principauté, trouua que cela luy importoit, comme estant ladite principauté enclauée dans le milieu de ses Prouinces, & sur ce enuoya le sieur de Marillac en Hollande faire entendre audit sieur Prince Maurice que sa Majesté n'auoit peu trouuer bõ la susdite fortification, ny le renfort des munitions, en vne place de laquelle il ne deuoit auoir aucun soupçon.

Delà sadite Majesté arriua à Valence, où M. le Connestable auoit commandé au Gouverneur d'y faire disposer tout ce qui estoit requis pour la reception de sa Majesté, ce qui fut fait & avec contentement & satisfaction : & passèrent outre dans ladite Prouince du Dauphiné, sa Majesté desirant estre asseurée des places plus importantes d'icelle, changea les Gouverneurs de Mont-limart & Liuron, en mir d'autres Catholiques, recompensa ceux qui en estoient demis, & cela se fit avec tant de prudence que nul n'a peu trouuer subiet de se plaindre.

1622.

Le Roy après auoir visité cette Prouince arriua à Grenoble le vingt-huictiesme Nouëbre, où l'entree preparee à sa Maiesté fut celebre & veritablement magnifique, aussi monsieur le Connestable n'auoit rien fait espargner: Messieurs du Parlement firent vne longue remonstrance à sa Maiesté sur quelques incommoditez qu'ils souffroient, elle vid & visita le bel & grand Arsenal de Grenoble, le magasin des armes & tout ce qui en dependoit. Et le lendemain vingt-neufiesme Messire Pierre Scarron Euesque & Prince de Grenoble, luy fit la presente harangue.

Harangue
faicte au Roy,
par l'Euesque
de Grenoble.

Sire, ce grand Constantin, qui le premier des Empereurs Romains receut les arres de la grace par le caractere de la Foy, auoit coustume de s'appeller Euesque hors de l'Eglise, pource que le mesme soin que doiuent auoir les Prelats dans l'Eglise d'esleuer les ames à Dieu, soit par l'exemple, soit par la persuation, ce religieux Prince le tesmoignoit au dehors, tant par la pieté de sa vie, que par la Iustice de ses loix, ne iettant par vsurpation sur la moisson del'Eglise, la faux de l'autorité souueraine, mais prestant par son zele aux moissonneurs, la main charitable de la force publique.

Que si l'on a estimé (Sire) que cette qualité estoit deuë à la verité des actions de ce genereux Prince, quel iugement peut-on faire de vostre Maisté, laquelle n'ayant eu pour sujet de ses armées que l'iniure faicte à Dieu, pour obiet que son honneur, pour intention que sa gloire, a tousiours creu, que le degre de la

de la pieté deuoit égaler celuy de l'honneur, & ne gardant rien de la dignité pour soy-mesme que la peine, a consacré sa vie au seruice de Dieu, & au bien & repos de son peuple. Tellement que comme par sa valeur elle a éloigné de son Estat la rebellion, aussi par sa courageuse pieté, elle a assuré & affermy l'exercice de la vraye Religion, ayant remis en toutes ses Prouinces la Messe & les Autels en possession de l'honneur & des biens, que l'impiété leur auoit rauy.

Il est remarqué dans le liure des Roys, que Dieu refusa au regne de Dauid la gloire du bastiment du Temple, pour le reseruer à son Fils Salomon. C'est ce que nous auons veu (Sire) accomplir depuis le regne heureux de vostre Maiesté, laquelle abaissant les ennemis de la Foy, a releué les Eglises consacrées au culte du vray Dieu, & replanté la Croix en tous les lieux où la rage des cœurs & la licence du fer auoient effacé l'antiquité de ses marques.

Il ne nous reste rien (Sire) à souhaiter, sinon que comme vostre Majesté a réparé le bercail de l'Eglise, qu'il plaise aussi à la diuine grace d'y rapeler les brebis égarées, & que la paix & le repos des corps, donne loisir aux déuoyez de rechercher & recouurer la lumière des âmes.

Ce sont les vœux, Sire, & les prières que nous iettons incessamment vers le Ciel, a fin que viuans dans vne vraye concorde, & vnion, sous l'obeyssance du plus iuste Roy du monde, il plaise à la toute puissante bonté, nous

622.

reünir dans l'anceinte d'une mesme Foy, & veritable creance : Et que vostre Majesté imitant les vertus & le regne de celuy duquel elle fait glorieusement reuiure le nom, apres auoir terrassé dans la France le monstre de l'heresie, aille reconquerir à l'Eglise, ce que la Predication luy auoit conquis, la possession aquis & la violenceray, & qu'avec son glaue flaboyant de zele, elle chasse les ennemis de la foy, non du Paradis terrestre ; mais de la terre Sainte, qui a porté le vray & sacré fruct de vie. Ainsi vostre Majesté remplira l'histoire de ses faits, l'Vniuers de son nom, & l'Eternité de sa gloire. A quoy concourent les desirs de vos tres-humbles, tres-obeyssans, & tres-fidelles subiets & seruiteurs.

Arriuee du
Roy à Lyon.

Le Mardy 6. de Decembre le roy arriua en sa bonne ville de Lyon, sans neantmoins y faire son entree, attendant que Madame la Princesse de Piedmont s'y fut renduë, & parce qu'il venoit comme en priué, les Roynes voulurent aller au deuant de sa Maiesté, ayant receu qu'il ne deust arriuer que bien tard, n'eurent pas loisir d'aller bien loing : car le Roy les preuint. La Royne mere qui auoit esté plustost preste à partir fut vn petit plus loing, si tost que le Roy vist paroistre son Carrosse mit pied à terre & s'alla mettre dedans. La Royne voyant qu'elle n'auoit peu arriuer à temps pour le saluer hors la ville, aussi laing comme elle eust desiré, rebroussa chemin & s'en vint l'attendre au logis de la Royne mere où il alla descendre, & où se firent les accueils & complimens

conuenables entre personnes si proches : l'on s'estoit promis que Madame la Princeſſe de Piedmont deuoit arriuer le Samedi, & pour cest effect l'entree auoit esté remiſe au lendemain enſuiuant: mais comme on apprit par ſes lettres du 4. eſcrites à S. André en Sauoye, que ſi bien elle auoit heureuſement paſſé le mont Cenis, que neantmoins elle ne ſe pouuoit promettre d'arriuer à Lyon pluſtoſt qu'au 14. ou 15. Decembre.

Cependant les preparatifs qui auoient eſté ordonnez pour l'entree de ſa Maieſté, furent paracheuez pour le Dimanche enſuiuant, pris pour en celebrer la magnificence.

Ily auoit vnze Portiques & trois Rochers, depuis le bout du pont du Rhosne, iuſques au deuant de la grande Eglise de S. Iean de Lyon, deſquels Portiques, depuis le pont dudit Rhosne, iuſques à la porte de ville, repreſentoient les quatre villes, de la Rochelle, S. Iean d'Angely, Montauban & Montpellier, avec les ſieges y mis par ſa Maieſté.

Puis à la porte de la ville, eſtoit la repreſentation d'un grand Lyon tiré au naturel, repreſentant les armes de la dite ville de Lyon.

Tous les Arts & Meſtiers de la dite ville, firent leur monſtre generale, le Ieudy 8. dudit mois, iour de la Conception de noſtre Dame, où parurent plus de douze mil hommes en armes, leſtement armez & habillez, chaque meſtier ayant ſa liuree & parure particuliere. Leurs Maieſtez eurent le plaſiſir de les voir paſſer, avec leurs Capitaines, Lieutenans & Enſei-

gnes richement vestus, chacun à la teste de leur compagnie.

Monsieur le Duc de Rohan ayant conduit le Roy iusques à Lyon, par commandemēt de sa Maiesté est retourné en Languedoc, pour faire obeir les places, qui n'ot encores satisfait au contenu du traicté de la paix.

Le Vendredy neufiesme Decembre, arriua la nouuelle à Lyon, que monsieur le Duc de Vantadour estoit decedé de maladie le sixiesme Decembre à Beaucaire en Languedoc, là où il estoit employé pour le seruice de sa Maiesté aux Estats qui se tenoient au pays. La perte de ce Seigneur est regretable, tant pour estre homme de bien, que pour auoir tesmoigné vne grande affection au seruice du Roy.

Le douziesme dudit mois furent faictes à Lyon, les solemnitez du mariage, d'entre monsieur le Marquis de la Vallette & Mademoiselle de Vernueil, sœur naturelle de sa Maiesté.

Le Roy estant pressé de son retour à Paris, ne peust differer son entree plus longuement, laquelle sa Maiesté fit conioinctement avec la Royne son espouse, ledit iour Dimanche vnziesme Decembre avec le plus grand appareil & magnificēce qu'on eut veu de long temps. Les quartiers de la ville sortirent en armes & allerent au deuant en nombre de plus de dix mille, fort bien armez & habillez de diuerses liurees toutes bien riches, & la pluspart avec passément d'or & d'argent. Toutes les Ordres de la ville y furent en leurs rangs & apres auoir

Solemnelle
entree du Roy
à Lyon.

salué leurs Maiestez hors la ville, reuindrent en mesme ordre, par les ruës par lesquelles elles deuoient passer toutes, parees, couuertes & tapissées de riches tapisseries, & bordees d'une infinité de Dames & de peuple, dont le chemin estoit si long, & les representations & ceremonies qui se faisoient en diuers endroits de la ville, où l'on auoit préparé des arcs triomphaux, & des theatres des plus superbes, sur lesquels l'on auoit introduit diuers grands personnages de l'antiquité, qui venoient contribuer diuers eloges à la gloire & louange du Roy, firent tant de retardement, qu'il estoit plus de trois heures de nuit auparauant que la ceremonie fut acheuee.

Monsieur le Duc de l'Escliquieres Connestable de France, monsieur le Duc de Cheureuse grand Chambellan, & monsieur le Duc de Bellegarde grand Escuyer, y marchoient deuant le Roy faisans leur charge.

Messieurs les Marechaux de France, de Themin, de Praslin, de Crequy, de Bassompierre, marchoient deuant eux faisans les leur, comme aussi monsieur le Comte de Schomberg, monsieur le Marquis de Villeroy, & auparauant toute la Noblesse de la Cour.

Derriere monsieur le Connestable, il n'y auoit que le Roy d'armes & Heraults à pied.

Puis le Roy sous son dez fort richement paré, & monté sur un grand cheual blanc, des plus beaux qui se puisse voir & des mieux enharnachez, son Escuyer estoit à pied à costé.

Monsieur le Marquis de Mofny Capitaine

1622.

de ses Gardes, estoit derriere tout seul à cheual, & vn peu plus en arriere, alloit la Royne dans vne litiere toute descouuerte sous vn fort grād daiz, apres suiuiôit les Carosses du Roy, de la Royne & des Dames, avec les compaignies des cheuaux Legers, Carabins & autres qui ont accoustumé de suiure le Roy.

Le Roy ne voulut point que les Princes s'y trouuassēt à cause de la contention de leur rāg, que sa Maiesté ne trouua pas bon de iuger en celieu-là.

L'entreneuē
de leurs Ma-
jestez, avec
Madame la
Princesse, &
Monsieur le
Prince de
Piedmont.

Le Ieudy 15. de Decembre, le Roy estant encore à Lyon, & ayant aduis que Madame la Princesse de Piedmont sa sœur, deuoit arriuer ce iour là pour le venir voir, voulut aller à la chasse du costé par où elle deuoit arriuer, pour aller au deuant d'elle, accompagné de tout plein de Noblesse de la Cour.

Madame Henriette son autre sœur, y auoit desia esté enuoyee dès le grand matin, accompagnée de monsieur le Duc d'Angoulesme, & de tout plein de Dames & Damoiselles.

La Royne mere s'y en alla encore, ayant dans son carrosse Madame la Comtesse de Soissons, Madame la Duchesse de Montmorency, madame la Duchesse de rohan, & madame de Guercheuille, sa Dame d'Atour.

La Royne regnante la suiuit de bien pres, ayant dans son carrosse Madame la Princesse de Condé, madame la Princesse de Conty, madame la Princesse de Joinuille Duchesse de Cheureuse, madame de la Valette, madame la

Conneftable & madame du Vernet, la Dame d'Attour.

1622.

Madame Henriette alla plus loing que perfonne, & fi toft qu'elle vift paroiftre le train de Madame la Princeffe de Piedmont fa fœur, s'arresta, & eftant defcenduë de fon Carroffe, s'aduança de quelques pas pour l'aller faluer & luy faire la bien-venue, Madame la Princeffe de Piedmont en fit de mefme de fon costé, & ayant accouru à elle la vint baifer & embrasser par plusieurs fois.

Après les complimens du Prince de Piedmont avec Madame, & de Monsieur d'Angoulefme avec la Princeffe de Piedmont, le Prince de Piedmont monta à cheual, & fe mit deuant accompagné de tout plein de Noblefse qui l'auoit fuiuy, Et Madame entra dans le Carroffe de Madame la Princeffe de Piedmont, lequel eftoit fort magnifique, encore qu'il ne fut que de marroquin de Leuant incarnat par le dehors, car il eftoit enrichy d'excellente broderie d'or, de cinq grands panaches sur l'Imperial, & attelé de huit grands cheuaux d'Italie parfaictement noirs, conduits par deux Cochers richement veltus, & auoit dix ou douze autres Carroffes de fuitte, pleins de fort belles Dames & Damoifelles qui l'ont accompagnée, au deuant defquelles s'entrelaffa le Carroffe de Madame.

Le Roy ayant esté quelque temps à la

Sc iiiiij

1622.

chasse, la quitta pour se mettre dans le chemin, & aller au deuant de Madame sa sœur, dont la rencontre se fit dans vn bois.

Si tost que le Prince de Piedmont le vit paroistre, il mit pied à terre avec toute sa Noblesse, & s'en vint saluer le Roy qui descendit aussi de cheual pour le receuoir, & comme ils acheuoient leurs complimens, survint Madame la Princesse de Piedmont, laquelle descendit incontinent de son Carrosse, & vint saluer le Roy avec les larmes aux yeux, de ioye qu'elle auoit de le receuoir.

Après quelques complimens, le Roy remonta à cheual & Mesdames en Carrosse, reprenans le chemin de la ville de Lyon.

A deux cens pas de là, ils rencontrèrent le Carrosse de la Roynne mere, & aussi tost Mesdames sortirent du leur pour l'aller saluer, & auant qu'elles eussent acheué leurs salutations & belles paroles, arriva le Carrosse de la Roynne, laquelle elles allerent pareillement saluer.

Le Roy se vint mesler dans leurs complimens, & y amena le Prince Major qui fit les siens, & puis laissa les Dames & reuint à la ville à cheual avec le Prince de Piedmont & ses deux freres.

Les Roynes, Madame la Princesse de Piedmont, Madame sa sœur, Madame la Comtesse de Soissons, & Mesdames les Duchesses de Montmorency & Rohan, se mirent dans le Carrosse de la Roynne mere, les autres dans le Carrosse de la Roynne, qui fut suiuy par celuy

de la Princeſſe de Piedmont, celuy de Madame & des autres, & en ceſt ordre s'en allerent deſcendre chez la Roynne mere où elles renou- uellerent leurs careſſes & embraſemens reci- proques.

Et apres auoir laiſſé la Roynne mere chez elle, Madame la Princeſſe de Piedmont, Madame & toutes les autres Princeſſes & Dames, s'en allerent à la Comedie Italienne, qui les atten- doit chez monsieur d'Alincourt laquelle fut trouuee tres-belle.

Le Roy (qui deuoit partir le Samedi de Lyon) a differé ſon parlement iuſques au Lun- dy, pour ſe pouoir vn peu plus longuement entretenir avec Madame la Princeſſe de Pied- mont ſa ſœur, & avec monsieur le Prince de Piedmont ſon mary.

Parlement du
Roy de ſa vil-
le de Lyon.

Le Roy deſirant partir pour retourner à Pa- ris, ſortit de Lyon le Lundy dix-neufieſme De- cembre, paſſa par Moulins en Bourbonnois & arriua à Neuers le Vendredy 23. Decembre, où monsieur le Duc de Neuers luy fit faire vne tres-belle reception, & feſtin ouuert à tou- te la Cour.

Le Samedi vingt-quatrieſme, le Roy par- tit de Neuers & alla coucher à la Charité ſur Loire, où ſa Maieſté paſſa la feſte de Noël & y toucha les malades. Les Roynes arriuerent apres à Neuers, où ledit Seigneur Duc leur fit faire vne reception avec vn traictement & fe- ſtin conuenables à leurs Maieſtez.

De la Charité le Roy paſſa à Cone, à Bri- re, à Chaſtillon ſur Loire, où monsieur de

1623.

Chastillon auoit fait donner ordre pour tout ce qui regardoit le respect, l'honneur & la reception de sa Maiesté en la maison de feu son grand pere l'Admiral de Colligny.

De Chastillon elle arriua à Montargis où monsieur Des-Hayes Gouverneur de la ville, la receut avec le corps de tous les habitans, en armes & en bon ordre.

De là sa M. vint à Malezerbe lieu de plaisance, s'approche de Nemours, où elle s'arresta quelques iours au plaisir de la chasse.

De Malezerbe, elle arriua à Fontaine-bleau le Samedi 7. Ianuier, alla visiter la maison de monsieur le Marechal de Vitry à Gobert en Brie, puis le Dimanche 8. en partit pour aller à Lefigny, de Lefigny vint coucher à Gros bois lieu appartenant au Duc d'Angoulesme le Lundy 9. & le Mardy 10. dîner à Cōflans, la Roynie de France estant arriuee à Paris 2. iours deuât.

Audit lieu de Conflans, tous le corps de la maison de ville de Paris allerent saluer sa Maiesté, elle estoit accompagnée de Monsieur son frere, monsieur le Côte de Soissons, Messieurs, les Ducs de Guise de Neuers, de Cheureuse, de Longueuille, d'Elbœuf, de la Valette de Môt-bafon & d'une bonne partie des plus grands de France, où fut vuide mesme par sa Maiesté vn different qui arriua audit lieu de Conflans entre quelques Princes & Marechaux de France pour l'ordre du marcher.

De la ville de Paris estoient sorties hors seize Collonelles ou Regimens de Bourgeois en nombre de plus de 14. mille hommes, tous

bien armez, vestus à l'aduantage & en bon ordre, qui prirent leur champ de bataille au dessous de Conflans du costé de la riuere, & estās diuisez en autant d'escadrons que de Colonelles, donnèrent avec leur bon ordre vn grand contentement à sa Maiesté qui prit la peine de passer d'escadron à autre, pour ietter sur tous l'œil de sa bien-vueillance.

Sur le Bouleuard de la porte de saint Anthoine estoient trente-quatre grosses pieces d'artillerie & grand nombre de boëttes, qui firent vn merueilleux tonnere à la veüe & ouye de sa Maiesté, laquelle arriua en sa bonne ville de Paris cedit iour sur six à sept heures du soir.

Sur la fosse porte de S. Anthoine, estoit vn beau tableau, où se voyoit le Roy en vn Char de triomphe trainé par quatre Lyons, vn laurier en teste, ledit Char foullāt diuers trophées de guerre. & au deuant d'iceluy, Messieurs de la ville estoient representez, Monsieur le Preuost des Marchands presentant à sa Maiesté vn cœur enflamé, Symbole de grand amour & de l'affection passionnée & bruslante, que tout ce grand abregé du monde porte au Roy & à ce qui est de son seruice, à l'entrée de la ville sur la porte estoit encore vn autre tableau, dans lequel se voyoient forces loüanges Latines à sa Maiesté qui entra ainsi fuiuite de sa Noblesse au milieu des cris de, *Vive le Roy*, des feux, flambeaux, torches & lanternes allumées par toutes les fenestres des maisons.

1623.
Infanterie
Parisienne au
deuant du
Roy.

Canons &
boëttes tirées.

1622.
Entrée du
Roy à Paris.

Aupres la rue de Gefroid l'asnier en celle de saint Anthoine estoit la Roynne de France au logis de monsieur Parfaict drappier, qui voulut auoir le contentement de voir arriuer sa Majesté qui s'entresaluerent & de cœur & de gestes en passant.

Le Roy s'en alla le long du Pont nostre Dame en l'Eglise de Paris pour assister au *Te Deum*, & rendre graces à Dieu de la prospérité de ses voyages & de son heureux retour en sa bonne ville de Paris.

Musique.

Deuant le Marché neuf estoit vn haut eschaffaut sur lequel estoit vne tres-agreable musique, qui commença à chanter lors que sa Majesté passoit.

Dans l'Eglise de nostre Dame sa Majesté fut receuë par le Clergé en corps, & par Messieurs du Parlement, qui s'y trouuerent avec leurs robes rouges & mortiers d'or.

Te Deum
chanté.

Le *Te Deum* chanté, sa Majesté s'en alla au Louure en carrosse avec sa Noblesse & ses Suisses.

Feux de ioye.

Et pour exagerer dauantage cette resjouissance publique du commandement de la maison de ville, fut fait vn feu de ioye en la place de Greue & quelques quinze pieces d'artilleries & nombre de boüettes tirées sur les huit heures du soir, ce qui fut fuiuy par apres par toutes les rues tant de la ville que des faux-bourgs, chacun tesmoignant le contentement qu'il auoit de cet heureux retour benissant Dieu, & le priant pour la santé & prospérité de sa Majesté.

Or pour ce qui concerne les affaires estrangeres passées en mesme temps, outre ce que nous en auons escrit au traicté qui suit cy-apres, le lecteur sçaura ce qui s'est passé particulièrement és Pays bas en ces derniers mois de la presente année 1622.

Les Hollandois ayans congedié le Comte de Mâsfeld avec ses troupes, & apres luy auoir fait donner passage en Vvestphalie, le Prince d'Orange arriua à la Haye le Samedy 3. Decembre dernier, où se rendirent aussi le Côte Héry de Nassau sô frere, le Comte Ernest de Nassau son Cousin, & l'Euesque d'Alberstat au dessein de faire quelque entreprife sur quelque place de Flandre ou de Brabant, qui fut cogneuë & reuelée à peu de personnes: mesme pour oster toute ialousie aux Lieutenâs de son Altesse & aux villes de Brabât, toutes les troupes de Hollande qui s'estoient peu auparauant assemblez à Breda, se retirerent, & en ce faisant mirét hors d'alarme les villes d'Anuers, Boisle Duc en Brabant, Gand & Hulsts en Flandres, Hussels en Masseye au pays de Liege, ausquelles toutes le poulx battoit pour le ressentiment d'une mesme siebure: côme aussi de fait les garnisons que le Marquis de Spinola auoit appellez de toutes parts vers Ruremonde, furét contremâdees chacû estant bien cõtent de ne se ressentir de la guerre parmy les rigueurs de l'hyuer.

Cependant le Prince d'Orange estant à la Haye ruminât son dessein auoit fait prouision de tous les grands & petits batteaux lesquels il enuoya à Bril avec les munitions, engins, in-

1622.

Entreprife
des Hollan-
dois sur la vil-
le & Citadelle
d'Anuers.

strumens & le nombre de gens de guerre choisis pour l'exécution qu'il auoit à faire avec charge de l'y attendre.

En fin ayât esté conduit par les Estats de Hollande depuis la Haye iusques à Dordrech, en prenant cōgé d'eux & leur disant à Dieu, entrant au bateau leur dit : *Messieurs priez Dieu pour nostre entreprise, car il n'y a que luy seul qui me la peut empêcher, & la tiens aussi assurée cōme la main que ie vous baille*: Ayât dit ces mots, il vogue dās la platte, & va assisté du Côte Héry de Nassau, & del' euesque d'Alberstat, trouuer sō armée sortie dudit Bril (qui est vne place sise entre les Isles de Holande & Zelande, où l'assemblée s'estoit faite si secrettement que les Hollandois mesmes en estoient ignorans, car on y arrestoit tous les basteaux passāns.

L'armée estoit cōposée de onze cēs basteaux tant petits que grāds, & de 500. Pontōs, chaque basteau chargé d'vne piece de fōte, & tous en general peints de couleur d'eau, pour estre difficilement discernés de loing.

Le dessein donc estoit avec ces Pontons voguans, que 15. de frōt viendroiēt assaillir le pōt d'Anuers par le Grifec, puis passeroient avec tout le gros deuant la ville pour s'aller saisir de Villebroucte, & là se fortifier à la faueur d'un pont qu'ils deuoient faire sur la riuere de Malines avec 200. cinquante desdits Pontons: Les autres 200. cinquante, deuoient saisir & barricader la riuere de Lescaut entre Termonde & Rupelmonde.

Cependāt vne armée par terre composée de caualerie & d'infanterie fussent venus à mesme

téps aux portes d'Anuers, où subtilement s'estoient iettez 500. hōmes, cés desquels estoiet commis pour mettre le feu en 5. endroits de la ville, durant quoy l'escalade se deuoit dōner en diuers endroits à ladite ville d'Anuers, pendāt que les habitans seroient à esteindre le feu.

Le iour mesme de l'entreprise deuoiet sortir d'Anuers plusieurs ennemis desguisez en Cordeliers, Iacobins, Carmes, Augustins, Iesuites, Carmelites, Capucins, en fin de toute sorte de Religions qui feignans estre poursuiuis à mort par les Holandois maistres de la ville fuyroient vers la Citadelle pour prier les gardes de les mettre charitablement à couuert, ruse par laquelle sans doute la garnison eust receu humainemēt ces faux Moynes qui estāt entrez se fussent saisis des corps de garde, & rendu maistres de la place: mais Dieu a fait aller en fumee ceste grande entreprise qui perdoit la Flandre & le Brabant tout d'un coup.

Car aussi tost que toute l'armee nauale des Hollandois fut sortie du Quil, dans vne platte deuant Vvillemstat & Evrtruymberg, en vn instant suruint vne gelee si forte, qu'en moins d'une heure tous les cordages de leurs vaisseaux & basdeaux, estans moiilleez, furēt tous glacez, roides & glissans, sans que l'on les peust remuer, ny mouuoir, & au mesme instāt s'esleua tempeste si furieuse de vents, que les basdeaux ne pouuans estre regis ny gouuerner, s'entreheurterent l'un l'autre, dont huiēt resterent ouuerts, & perirent, auet plus de mille hōmes: Entr'autres, perit le vaisseau où estoiet le prince

d'Orange, le Cōte Henry de Nassau son frere, le Comte Ernest de Nassau son cousin, & l'Euesque d'Alberstat, dont aucuns d'eux furent recoux du milieu des eaux, où ils estoient submergez: les autres bateaux furēt sauez à force de rames, auirons, & d'hommes, dōt plusieurs furent noyez, & les autres sōt morts du depuis pour y auoir enduré des froidures extremes.

Le Prince d'Orange estant en son vaisseau, fut veu ce iour-là auant ceste tempeste, priant vne heure entiere à genoux dans son rousse (loge de sondit vaisseau) & dit-on maintenāt qu'il est au desespoir de son entreprise faillie, & de cet accident qui luy est arriué. Ainsi les hommes proposent, & Dieu dispose.

Faut remarquer que sur le fait de ceste entreprise, & à l'occasion d'icelle, les Hollādois, par l'aduis du Prince d'Orange, firent publier le grand ieūſne general par toutes les Prouinces, places, & villes de leur obeysſſance, tant le desir d'exccuter ce dessein estoit grand.

Si tost quel'Infāte Serenissime a esté esclaircie du cōtenu de toute l'entreprise, & comme dans Anuers elle eust esté aduertie qu'il y auoit des traistres qui auoient plusieurs secrettes intelligences avec les Hollandois, aussi tost elle enuoya des patentes au Gouverneur de la ville, avec charge de desſeigner le lieu propre du costé d'Hollande, pour y bastir vne nouuelle Citadelle, ce qu'ayant sceules habitans, ils en ont esté en grand trouble, mais bien plus encore lors qu'ils ont appris qu'on leur enuoyoit trois regimens en garnison.



SVITE DE
L'HISTOIRE
DES REBELLIONS
& affaires estran-
geres.

*Contenant ce qui s'est passé en l'an
1622. iusques à present.*



Es affaires estrangeres qui
se sont traitées & passées
le long de cette année en
diuers Estats & Royaumes
del'Europe sont non moins
remarquables que celles de
France.

1622.

Nous auons dit cy-deuant en nostre pre-
mier tome traitans de ces affaires estrange-
geres, comme le Comte de Mansfeld s'estoit
emparé de Hagnanovv sans perte d'aucun des
siens, & que croyant que plusieurs autres pla-
ces du pays d'Alsace y prendroient exemple
& feroient de mesme, il enuoya vn trompet-
te à Sauerne, commandant aux habitans de

Sauerne en
Alsace som-
mee par le
Comte de
Mansfeld.

1622.
Met le siege
deuant.

luy rendre la place: ce que luy ayant esté refusé, il alla mettre le siege deuant avec vne puissante armee & quelques canons qu'il fit tirer de l'Arsenal de Hagnanovv, & cōmença à battre les murs de ceste ville avec telle fureur, qu'il croyoit ne se pouuoir faire autrement, que les assiegez saisis d'extreme crainte ne luy abaissassent le pont de leur ville: mais il recogneut le contraire, & voyāt qu'il ne pouuoit gagner le Gouverneur de la place qui estoit le Comte de Riferschid, ayant fait continuer sa batterie l'espace de 12. iours, fit quelque breche, non toutesfois assez raisonnable pour tēter vn assaut, & les assiegez d'autre part se defendirēt si courageusemēt, qu'ils tuerent enuiron 300. des gens de Māsfield qui s'estoient logez en vn faux-bourg, & ayāt fait vne furieuse sortie ramenerent en la ville beaucoup de prisonniers, & entr'autres vn Capitaine enseigne, qu'ils pendirent aussi tost aux murailles d'vn bastiō.

Trefue de
dix iours.

Delà Mansfeld voyant le froid rigoureux qui le pressoit, & auoit ja perdu plusieurs braves hommes en ce siege, fit vne trefue de dix iours à l'instance du Duc de Lorraine, pendāt laquelle les assiegez se refoudroiēt ou de payer cōtant cent mil Philippus à Mansfeld, ou biē soustenir le siege, & se defendre iusques à l'extremité. Et comme ils estoient sur le point de traiter, & que là dessus ils eussēt receu 2000. hōmes de secours, ils enuoyerent dire à Mansfeld, qui s'estoit retiré cepēdāt à Hagnanovv, allāt, venant çā & là, attendant responce desdits assiegez, que de l'argēt qu'ils auoiēt enuie

Secours à
sauerne.

Rebell. & affaires estrangeres. 3

1622.

de luy donner, ils s'estoient achepté des balles & de la poudre à canô, de laquelle s'il vouloit sentir & flairer l'odeur, il n'auoit qu'à retourner: & ayât mis le feu puis apres dâs leurs faux-bourgs, & enuoyé leurs fêmes & leurs enfans en Lorraine, boucherent & condânerent toutes leurs portes, vne exceptee, & alors se preparerent à soustenir courageusement le siege.

Par apres Mansfeld ayât diuisé son armee en diuers corps s'espandit en la basse Alsace, dans les terres hereditaires de la maison d'Autriche, pillant, vollant, bruslant & saccageant generalement toutes sortes de bourgs, villages, Chasteaux, maisons & autres lieux sousmis à la fureur & barbarie des siens, & laissa dans le pays vne telle frayeur, que les laboureurs quitterent & abandonnerent leurs biens & maisons, laissant le bestail aux estables, qui estant mort en partie d'extreme famine, ce qui en resta seruit de proye aux ennemis; de maniere que de là s'est ensuiuiue dans le pays vne grande cherté & necessité de viures.

Au mesme temps le Colonel Obentraud ^{Degast d'O-} courrant Brisgoie, fit vn degast incroyable ^{bentraud.} iufques à Brissach & Ensisheim, ayant fait tuer & mettre à mort toutes les garnisons qu'il trouua aux bourgs, Chasteaux, places & maisons fortes qu'il peut prendre.

Pour empescher vn pl⁹ grâd rauage en cette basse Alsace, l'Archiduc Leopold y enuoya des troupes, & l'Empereur ayât eu aduis d'vne si grand tyrannie, fit publier cōtre Mansfeld la declaration du ban Imperial, en ce sens.

Publication
du ban de
l'Empire,
contre Mans-
feld.

L'Empereur Mathias son predecesseur, de tres-heureuse memoire, ayant ces annees passees, proscriit & mis au bā de l'Empire Ernest de Mansfeld, pour auoir esté si osé de prendre les armes contre luy, soustenu & deffendu par toutes sortes de moyes la Rebellion de Boheme, on auoit esperance que recognoissant sa faute. il pourroit faire quelque fruiēt meilleur, & iureroit vne deuē obeissance à sa M. Imperiale, cōme au souuerain chef de l'Empire, puis que par l'unanime consentement de tous les Electeurs, il auoit esté porté & esleu à cette dignité : toutesfois chacun recognoissant assez cōme ledit Mansfeld proscriit, persistant en sa malice, auroit tousiours de plus en plus travaillé, & fait tous ses efforts pour allumer dauātage le feu de cette pernicieuse rebellion, & tout proscriit qu'il estoit auroit presté tout secours au chef de ladite Rebelliō; & apres cette memorable victoire de Prague, n'auroit encore cessé par plusieurs nouuelles leuees de gēs de guerre, de travailler les fidelles suiets de sa M. faire vn degast estrāge en diuers Estats de l'Empire, & rauager plusieurs autres lieux en beaucoup de Prouinces, & particulierement celles qui sont voisines du Rhin, lesquelles il a réplies d'horreur & de desolatiō par toute sorte de meurtres, pilleries, incēdies, & exactions insupportables, d'où l'on peut voir facilement, que cet homme perfide & proscriit n'ayant aucune enuie de bien faire, ne donnera nulle fin à sa malice; & comme c'est vn personnage de neant, & qui n'a rien à perdre, & que pendant

qu'il viura, il peut donner beaucoup de mal, & trauaillér puissamment l'Empire.

A ces causes sa Majesté pour cōseruer s^a authorité, maintenir la paix en l'Empire, & proteger tous ses fidelles suiens & Estats, de la tyrânie de cet hōme, exhorte tous les Electeurs, Princes & Republiques luy courir sus, le prendre la part où ils le pourront trouuer, le gardét prisonnier, & ne le relaschent à la faueur & intercessiō de qui que ce soit, sans son commandemēt : Leur mādē aussi, que non seulemēt ils ne le reçoient & retirent en leurs Estats, l'entretiennēt, le fauorisēt ou le secourēt; mais aussi qu'ils l'appellent incōtinent par mandemēs publics, sur peine d'estre priuez de leurs vies, biēs, priuileges & dignitez, & poursuiuis par la ruine & desolation de leurs familles, tous leurs subiets & vassaux, ou autres quels qu'ils soiet, qui se font enrollez à son seruice, qui suiuent ses armees & reçoient solde en ses Camps.

Cependant Bethleem Gabor, apres auoir chassé les troupes de Charles de Dohna, ruiné & bruslé la ville, Sternberg, retira & ramena ses troupes de Moraue en Hōgrie, à cause de la necessité des viures, la Moraue miserablement ruinee, ne s'estant peu remettre iusques à présent. Comme donc le Marquis de Iargédorff, apres auoir laissé ses troupes au Cáp, se fust retiré; en fin le Traicté de la paix fut conclud entre les Ambassadeurs, de l'Empereur, de Bethleem Gabor, & des Hongrois, à Niclaibourg, dont les articles suiuent.

I. Que l'Empereur pardonneroit generale-

Traicté de
paix entre
l'Empereur
& Bethleem
Gabor.

- ment à tous les Hongrois.
2. Que Bethleé Gabor rédroit à l'Empereur la Couronne Royale de Hongrie, ensemble les places fortes qu'il occupoit aux frontieres.
 3. Qu'il renonceroit au tiltre & droict de Roy, & protesteroit n'attenter à l'aduenir aucune chose contre l'Empereur, & la maison d'Autriche.
 4. Quel'Empereur luy donneroit le tiltre de Prince del'Empire, & luy laisseroit sa vie durant la jouissance de Cassouie, & de sept Seigneuries.
 5. Qu'il luy donneroit dauantage les deux principautez d'Oppelie & de Radirobore en Slesie, & en outre les places & forteresses de Môchats, Tocca, Sagmare & Eschet, lesquelles il tiendrait par engagement pour certaine s^{me} de deniers à luy promise, avec 50. mille florins des contributions de l'Empire par an, pour la paye & entretien de la garnis^{on} d'icelles places, à cōdition toutesfois que lesdites garnisons seroiēt autant obligees par serment à sa Ma. Imperiale, qu'audit Bethleem Gabor.
 6. Que la Couronne de Hongrie seroit gardée en la Citadelle de Trinchii iusques à la premiere Diette.
 7. Que le traitté, touchant la composition des troubles, & pour le restablissement ou exclusion des Allemands, des Offices & charges du Royaume, seroit remis & differé.
 8. Qu'en cette dite Assemblée, le point de la religion seroit laissé en pareil estat qu'il estoit au premier aduenement de l'Empereur à la

Couronne du Royaume.

1622.

9. Que les Iesuites seroient reſtablis au Royaume, à condition qu'ils n'y poſſederoient aucuns immeubles.

10. Que les biés engagez demeureroient entre les mains des poſſeſſeurs iuſques à ladite Diette, & rachetables puis apres par leurs propriétaires, & à eux incontinent reſtituez, comme biens alienez, par certains Commiſſaires.

Or le Marquis de Iargendorf ayant ainſi abandonné ſon Camp, les Eſtats de Sileſie cō-
mencerent à traiter avec ſes ſoldats, que moyennant certaine ſomme d'argent, ils decamperoi-
ent & vuideroient le pays. Et cōme ils demandoient trop grande ſomme, & perſiſtoient en cette reſolution, vne choſe leur ar-
riue: c'eſt que parmy l'armée de Saxe il y auoit ſi grande diſette de viures, qu'il leur fut contraint ou de decamper ou de venir aux extremes, & ſe reſolurent les Chefs de mourir pluſtoſt en cōbattant, que de quitter ainſi laſchement le camp, ainſi le 16. Ianuier comme ils marchoi-
ent de nuit au milieu d'une rigou-
reuſe froidure avec 30. compagnies de ſoldats, tant de cheual que de pied, & quatre canons, le Colonel Borderhus menât ſix compagnies avec luy, arriuerent à l'aube du iour à Vvagſtadi, où leur Chef voyant que dans la ville eſtoient ja entrees deux Cornettes de Caualerie, & 2. enſeignes de gēs de pied, ayant fait paſſer des gardes aux portes en diligēce pour empêcher la ſurpriſe, le reſte de l'armée arriuee, ce Colonel cōmāda quel'ō rēde la place: A quoy

Traicté des
Sileſiens avec
les ſoldats du
Marquis de
Iargendorf.

Vvagſtadi en
Sileſie atta-
quee par les
Saxons.

respondant Trandof Capitaine du guet, dit que la ville luy auoit esté donnée en garde, & pour la defendre, & non pour la donner: les soldats de l'Electeur s'estans saisis des faubourgs, commencerent à battre les murailles de la ville avec deux canons, ausquels respondirent furieusement les assiegez.

Pendant quoy, ayant appris comme dans vn bourg distât de là de deux lieuës, il y auoit des troupes du marquis de Iargendof, y furent enuoyez 200. hommes tant de pied que de cheual, qui les ayant surpris, les desarmerent, & les laissant aller leur firent obliger par sermêt que de six mois ils ne porteroient les armes contre l'Empereur, l'Electeur de Saxe, le Duc de Baviere, & les Estats de Silésie.

Vvagstar redu
au Duc de
Saxe.

Le lendemain les garnisons qui estoient dâs Vvagstar se rendirent aux gés dudit Electeur, & ayans laissé leurs armes & presté serment de ne les reprendre de six mois, comme dessus, sortirent de la place, & se retirerent: ayans gagné Vvastar, ils s'en allerent à Oder, où estoient 70. compagnies dudit marquis de Iargendof, auant que d'en approcher, il leur fut enuoyé vn Trompette, qui promettoit sortir de la place à la condition qu'ils demandoient.

Tetschin
abandonné au
Duc de Saxe:

- D'ailleurs le Comte d'Ortembourg, qui estoit à Tetschin avec six compagnies de gens de guerre, tant de cheual que de pied, ayant ouy cecy, ploya bagage, & ayant laissé là dedans ses enseignes, quitta la place: son exemple fut suiuy & imité par les autres Gouverneurs, Capitaines & garnisons des

places que tenoit ledit marquis, & ainsi en moins de cinq iours 40. compagnies tant cavalerie qu'infanterie dudit Marquis, quitterent les armes, & remirent les places qu'ils occupoient, excepté la forteresse de Glates en l'obeissance de l'Empereur.

En ce temps mesme les Bauarrois se rendirent maistres d'Vtisberg, forteresse du bas Palatinat, apres quelques semaines de siege: comme aussi de celle d'Ellant où estoient 60. soldats de Mansfeld, & encore de Venning, Inthenhus, Muckembac, & autres lieux, desquels ils s'emparerent, ruinerent, pillerent & porterent tout le butin à Vdembeim: de là le Baron de Tilly se faisit d'Vvimpfen, ville sise en vne vallée, & ce pour empescher le passage du Neccar, aux courses des ennemis.

Vtisberg pris
par les Bauar-
rois.

Aussi en mesme temps fut traité le mariage de l'Empereur avec Eleonor sœur du Duc de Mantouë, par l'entremise de Jean Vleric Baron d'Eggemberg, & comme ils furent convenus des dots & conventions matrimoniales, le Duc de Mantouë assisté de 300. Gentils-hommes, & belle quantité de soldats la conduisit du Monastere de sainte Ursule, iusques en la grande Eglise Cathedrale de Mantouë, & comme elle eust receu des mains de l'Euesque les clefs de la ville, comme future espouse de l'Empereur, la Messe estant dite & celebrée, elle se mit en chemin le 16. Ianvier, & passant par les terres de Venise elle arriva avec son train à Isburg, où l'Empe-

Mariage entre
l'Empereur &
la Duchesse
de Mantouë.

reur l'attendoit avec grand nombre de Princes, Comtes, Barons, & Gentils-hommes, & ayant reçu la Princesse son espouse le 4. Feurier, les ceremonies & solemnitez du mariage ayant esté faites en l'Eglise des Peres Recollets, se celebrerent les nopces Imperiales, en toute magnificence.

Le Roy d'Angleterre ayant reçu nouuelles comme Aurbac, Eschembach, Bernaue, Dennesberg, Hohenfels, Heimburg, Holnstein, Vuolfstein, Freistad & Bleistein, toutes terres dependantes du haut Palatinat, auoient esté occupées & enuahies sous pretexte du fief de Boheme, & principalement Chamb réduit au Duc de Baviere, il auroit laissé & commis cet affaire dudit Palatinat pour en deliberer aux Estats dudit Royaume de Boheme qui luy ont fait responce, qu'ils n'abandonneroient point son gendre, mais qu'ils estoient enuolonté de le secourir en diligence d'argét & de soldats: séblablement aussi auoit

Lettre du Roy
d'Angleterre,
au Roy d'Es-
pagne.

escrit au Roy de Dannemarch & autres Princes, les exhortant de luy prester assistance pareille: Et quant au Roy d'Espagne, il luy escriuit en ceste sorte, Que par les lettres qu'il luy auoit escrit les mois precedens, & par la coppie mesme de celles qu'il auoit enuoyées à l'Empereur il auoit peu entendre ce qui s'est passé depuis au haut Palatinat, & les choses qu'il auoit donné charge de proposer à sa Majesté Imperiale: Encores que l'equité & iustice de la chose, & la mutuelle amitié qui est entr'eux, recommande assez le merite de

Rebell. & affaires estrangeres. ii

1622.

L'affaire, il luy a semblé estre raisonnable d'agir avec plus d'affection, autant qu'il appartient à la dignité de sa personne, à ce que les choses qu'il demande soient mises en consideration: veu que la nature mesme requiert deluy, qu'il remuë toute pierre, & employe toute sorte de peine & de trauail à cette fin: certainement l'affaire n'est pas de si peu d'importance, qu'il aye voulu en prendre tant de soing, & avec si iuste cause: requiert singulierement sa Majesté Catholique d'interposer son autorité en ce fait, qu'il luy sera aisé de recognoistre encore dauantage par les lettres que luy rendra son Ambassadeur, que l'Empereur se seroit obligé par promesses reiterés au Duc de Baviere, de luy transferer l'Electoral de son gendre, & n'y a rien qui en aye retenu l'execution, sinõ que sadite Majesté Catholique n'en a pas donné son consentemēt, & que ses Ministres ont ouuertement déclaré, que si l'Empereur fait cela sans le consentement de sadite Majesté, il ne pourra esperer aucun secours, & seroit abandonné de l'assistance de laquelle maintenant il iouit & se tient fort: qu'il auoit certainement autre opinion de son affection enuers luy, & s'estonne grandement d'une telle contrariété & repugnance en ses actions, qu'encorés qu'il en soit ainsi, il a neantmoins beaucoup de peine de se le persuader. Car l'Empereur ne signifioit que tout signe & demonstration de bienueillance enuers luy, par les respõses qu'il fit à son Ambassadeur pour le reestablisement de

son gendre, ce que mesme a esté asseuré & promis par Ministres & Conseillers, lors que son mesme Ambassadeur traictoit de cet affaire avec eux dans la ville de Vienne: que sa Majesté Imperiale n'eust pas fait telle response si elle eust esté libre de toute promesse, & non engagée & obligée à aucuns paches & traictez: que cependant le soing & la fascherie que sadite Majesté Catholique a prise d'un si soudain & inespéré changement, n'a pas de peu diminué la grande sincerité & insigne bien-veillance de sadite Majesté, reconnuë & declarée par vn si noble tesmoignage, que pource il luy en rend les graces qu'il merite, & avec plus de confiance le supplie de rechef, de faire acheminer à vne bonne fin vn œuvre tant bié & dignement commencé, & ne souffrir aucunement que les pretextes de la Religion, ny l'apparence exterieure de quelques autres profits & commoditez n'attirent sur l'Empire Chrestien, de tres-miserables calamitez, par le commun embrasement des guerres, pour nourrir & entretenir la mauuaise ambition d'aucuns: les exemples du passé font assez cognoistre combien il est dāgereux de forcer telle maniere de gens, qui transportez du desespoir de leurs affaires, recourent à toute sorte d'extremitez. Et quant à ce qu'il importe, il a assez monsté par ses lettres, quel interest necessaire il a de defendre les dignitez hereditaires de ses petits enfans: Ce qu'estant ainsi, sa Majesté pouuoit recognoistre de quel poids & merite est l'as-

Rebell & affaires estrangeres. 13

faire qu'il pourfuit, & quel fuyet il a d'en pourfuiure l'execution à la fin: car afin qu'il se faise de foy, de son Gendre, de fa fille, & de les petits enfans, fadiete Majesté fçaura que tout l'Empire Chrestien espere le repos & la paix de fa prudence & bonté naturelle: benefice tel, si elle jette fa consideration sur les choses humaines, qu'il ne s'en peut donner ny imaginer vn plus grand: que quant à luy, il prendra tel soing par toute sorte de courtoisies, & bons offices, de cultiuer son amitié, & faire tellement ce qui sera de son costé, qu'il apparoitra qu'il ne tient rien de plus cher & ancien que son affection, ny rien qu'il entreprenne avec plus de soin que ce en quoy il luy pourra tesmoigner son affection.

L'Euefque d Halberstad, ayant esté contrainct de sortir d'Amoenebure, faisant chemin par l'Vvestphalie, surprit la de ville Lippe par la conuience & pratique des habitas, cependant que la Garnison Espagnolle s'estoit mutinée, & y trouua douze pieces d'artillerie: de là il alla assieger Zoest, & apres quelque effort qu'il y fit, elle se rendit à luy. Puis aduançant tousiours chemin, il escrit lettres de menaces à ceux de Paterbron & Munster, & leur signifie qu'au cas qu'ils ne se rendent à luy, il les mettra tous à feu & à sang.

Le Prince d'Orange ayant retiré son armée pour hyuerner, le Marquis Spinola s'en alla au camp deuant Iulliers, où ayant recogneu vne platte forme fort esleuée contre la

1622.

Lippa assiegée
par Halber-
stad.

puis Zoest
qui se rendit.

Traicté de la
reduction de
la ville & Ci-
tadelle de Iul-
liers, & les
conditiones

1622.

Responce du
Gouuerneur
de la place au
Marquis Spi-
nola.

Articles de la
capitulation.

ville par les Espagnols, en sorte que de là on pouuoit battre la Citadelle & ses bastions à coups de canon, enuoya sommer les assiegez par vn Trôpette de se rendre, à faute dequoy, menaçoit poursuiure la batterië fort furieusement, & si l'opiniaistreté les portoit dauantage à la resistance, ne pardonner finalement à personne. Pithane Gouuerneur de la Citadelle respond qu'il n'est que seruiteur & officier, que pour la redditiõ de la place, il la falloit demander aux Estats de Hollande, & qu'en cas qu'ils la consentent, il est prest d'en sortir. Les Espagnols ayans ouy ceste responce, commencerent à battre la place, & enuoyer force volées de canon contre la Citadelle, les assiegez leur respondent de mesme: mais finalement encore que Pithane eut demandé le terme de Pasque pour se refoudre de satisfaire à la demande du Comte de Monts: neantmoins comença à traiter avec les Espagnols le 17. Ianuier, & pour ce faire fit sortir trois Capitaines de la ville qu'il enuoya au Camp, l'un Allemand, l'autre Anglois, & le troisiëme François: Ayans esté ouïs en leurs propositions, ledit Comte de Monts en rescriuit au Marquis Spinola: & comme la mesme affaire eut esté remise vne autre fois dessus, les assiegez se resolurent de rendre la ville & la Citadelle aux conditions portées par la suivante capitulation.

1. Qu'il n'y seroit fait aucun changement au fait de la Religion, mais telle qu'elle y seroit trouuee, telle y seroit laissée.

Rebell. & affaires estrangeres. 15

1622.

2. Que tous les Chefs de guerre, Capitaines, & soldats de la garnison sortiroient desdits lieux avec leurs armes, tambours, drapeaux, femmes, enfans, & bagages, laissant toutesfois les armes & canons estans du magazin & del' Arsenal de la ville.
3. Qu'avec les Capitaines & soldats se retireroient aussi les canonniers, & autres officiers du canon.
4. Qu'il seroitourny ausdits Gouverneurs & Capitaines de chevaux & chariots suffisamment pour charier & porter leur bagage à Neumegue.
5. Qu'il seroit donné liberté & permission aux Soldats malades ou blesez, de demeurer en la ville iusques à pleine santé, & estans guaris, seroient menez à Neumegue ou par chevaux ou chariots.
6. Que pendant vn an seroit permis aux Capitaines & soldats vendre & disposer de leurs immeubles si aucuns en ont.
7. Et pour les autres qui seroient absens de la ville & residans ailleurs, leur sera concedé liberté de retourner en icelle avec leurs femmes & enfans.
8. Que les armes & autres choses dependantes de l'arsenac & magasin de la ville, y seroient laissées & nullement transportées dehors.
9. Que tous les papiers, registres, titres & enseignemens anciens trouvez en la ville & citadelle, y seroient laissez.
10. Que les soldats pour quelque sorte

de debtes ou obligation ne pourroient estre retenus ny arrestez.

11. Que ceux qui estoient redevables de quelque somme à leurs creanciers, seroient libres de s'en aller en donnant quelque cedula ou obligation.

12. Que les liëts apportez de dehors par les soldats, seront rendus à leurs vrayz possesseurs.

13. Que lesdits possesseurs auxquels ils appartiendront, seroient tenus les prendre & recevoir tels qu'ils seront, sans aucun refus ny contestation.

14. Que les officiers & magistrats constituez en icelle par l'Electeur de Brandebourg y demeureront & y exerceront leurs charges & estats encore vn an entier.

15. Que pendant l'espace d'un an, il seroit permis aux bourgeois de changer de lieu, demeurer ou se retirer de la ville, & transporter leurs biens avec eux, les distraire, vendre ou changer, ainsi que bon leur semblera.

16. Que iusques à ce que le present traicté & articles, soient confirmez & passez par acte solemnel, signé & accordé, seront donnez 2. ostages de part & d'autre.

17. Que le Gouverneur de Iulliers ayant signé & scellé ces articles, les ostages estans donnez des deux costez, despechera quelqu'un de sa part vers le Prince d'Orange, & en cas qu'il ne retourne, ou que l'on ne luy enuoye vn secours de trois cens Chariots au moins dans quinzaine, seroit tenu de rendre la place

Rebell. & affaires estrangeres. 17

la place aux Espagnols.

1622.

Le 24. iour de Ianuier, le Soleil estant sur son couchant, parut comme tout en feu, & jetta force estincelles & flammes en plusieurs lieux, principalement à Strasbourg, Heildelberg, Vlme & en Suisse: l'air cependant rendant vne infection grande, monstra de grandes flammes de feu: La nuit s'uyuant, parut vne grâde ouuerture au Ciel, & au milieu d'icelle des feux si espouuantables qu'il sembloit que tout le Ciel allast se conuertir en flammés. Le iour d'apres, feste de la conuersion de S. Paul tenu pour Critique, sur les neuf heures ou enuiron du matin, furent veus trois Soleils au trauers d'un tres-bel arc en Ciel, dont la partie superieure estoit de couleur plus pale que la partie plus basse & inferieure. Par apres sur les deux heures de releuée du mesme iour, furent veuës encore quelques lignes trauersantes lesdits trois Soleils, dont l'une estoit du costé d'Orient de couleur jaune & rouge: l'autre vers le Midy jaune & blanc, au trauers duquel estoient des lignes escartées l'une de l'autre: Du costé d'Orient tendant vers le Midy, estoient deux arcs en Ciel, ayans deux cornes eleuées, formans vne ombre & vne nuee du costé d'Occident & Septentrion: voila les prodiges que Dieu a voulu produire aux yeux des meschans, ainsi que la Comete qui parut l'an 1618. pour les faire amender, il ne m'appartient pas de iuger de la signification de ces signes: Il y a vn escrit publié par Olee Schade, auquel ie ren-

Signes & prodiges diuers apparus en Allemagne.

1622.

uoye le Lecteur.

Paix entre les
Grisons & les
Milannojs.

Dailleurs nous apprenons que la Comté de Clauen ayant esté prise par l'Archiduc Leopolde & les Espagnols, les autres Grisons enuoyerent leurs Ambassadeurs à Milan, avec lesquels le Gouverneur passa les articles de la paix en ceste sorte.

1. Que la Religion Catholique, Apostolique & romaine y seroit establie.
2. Qu'il seroit permis à l'Euesque de Come d'exercer sa charge au pays des Grisons.
3. Que les Bulles & constitutions du Pape seroient obseruées parmy les Grisons.
4. Que l'Abbé de Disé & l'Euesque de Croïae, seroient reestablis en leurs sieges.
5. Que les biens des Catholiques Romains, detenus & vsurpés par les heretiques Grisons, leurs seroient restituez.
6. Qu'il seroit permis au peuple de bastir & construire des Conuents & monasteres pour religieux & Religieuses de quelque sorte d'ordre & regle qu'ils voudront.
7. Que la Religion Protestante seroit bannie à perpetuité hors du Comté de Clauen.
8. Que les liures prohibez & deffendus par les saints Canons ny seroient admis, & que les Officiers Heretiques ny seroient soufferts que trois mois durant par chacun année.
9. Que ceux qui quitteroient la Religion Catholique pour embrasser la Protestante, seroient exclus à iamais du pays.
10. Que ceste transaction seroit hereditaire

Rebell. & affaires estrangeres. 19

1622.

& dureroit perpetuellement.

11. Qu'il seroit loisible au Roy d'Espagne de passer & entrer dans le pays pour la deffence des siens & poursuite de ses ennemis.

12. Que ledit roy d'Espagne payeroit annuellement aux deux ligues Grises, la somme de quinze cens ducats.

13. Qu'illes prendroit tous en sa protection, & les secoureroit d'hommes & d'argent contre quelque sorte d'ennemis, & leur permettroit la liberte du commerce en son Royaume.

14. Que les Grisons seroient aussi obligez de luy prestre secours, & s'opposer à tous ceux qui presumeroient d'entreprendre quelque chose contre la Duché de Milan.

15. Qu'ils ne porteroient les armes en Italie contre la Duché de Milan, & les lieux qui luy sont confederées, sans la permission du Roy.

16. Qu'ils retiendroient & garderoient l'alliance qu'ils ont avec la France & la maison d'Austriche.

17. Que les Citadelles & garnisons d'icelles seront entretenues aux despens de sa Majesté Catholique.

En ce temps le Comte Palatin, ayant resolu de retourner en son Palatinat les armes à la main, à ces fins fit préparer forces tentes & esquisper quantité de vaisseaux. Mais auparavant que se mettre en chemin, il adressa ces lettres aux Electeurs, Princes & Estats

Lettres du
Comte Pala-
tin aux Ele-
cteurs, Prin-
ces, & Estats
Protestans.

1622.

Protestans en ceste forme: Il ne doute pas, dit il, qu'ils n'ayent encore tous la memoire fresche, combien de trahisons & de perfidies ont esté machinées depuis plusieurs années cõtre les Electeurs, Princes & Estats Protestans, avec quelle fidelité sa maison Electorale (à ce qu'il veut estre dite sãs enuie) s'y est tousiours genereusement opposée, & comme portée & guidée d'un vray zeile de pieté, elles'est tousiours estudiée à procurer, defendre & conseruer la liberté de la Religion en toutes les diettes & assemblées Imperiales, son Pere, son grand pere & ses ayeuls ne s'estans iamais proposé autre chose deuant les yeux, que la gloire de Dieu & le bien public, ainsi qu'il est aisé de voir & recognoistre par les actes de l'Empire: Qu'il s'est incessamment peiné de suyure & imiter leur exemple, & si tost qu'il fut paruenü à l'Electorat, il a tousiours guidé & dirigé ses conseils & actions à ceste fin, avec toute sorte de respect & d'esgard à l'vtilité publique & priuée, d'où est arriué, que luy & tout ledit Elèctorat sont tombez en la hayne tres-grande de ses ennemis, & y seroit tousiours demeuré, iusques à ce que finalement les troubles ayans esté excitez en Boheme, & le changement du Regne estant fait, il auroit accepté la Couronne du Royaume, à l'instance & importune requeste & publication des Estats & vnanime consentement d'iceux, & seroit ainsi paruenü à vne succession vaquante sãs aucun desir ny ambition de regner, mais bien comme por-

té d'une amiable affection & volonté de subuenir à tant de pauures Chrestiens, & empêcher de plus grands troubles & dommages en l'Empire, & ce d'autant plus encore que toutes ces pretentions faictes en Boheme au-roient esté iugées communes à la Religion: & interessans tout le corps del'Estat Euangelique en general: Et combien que par plusieurs sortes d'escripts enuoyez au public on luy reproche le contraire, avec ceste imposture, que non seulement il a meslé le Turc en ces troubles de Boheme, mais a voulu luy donner en proye tout l'Empire Romain, il est ainsi toutesfois qu'il n'y a homme viuant qui luy puisse verifier ceste fausseté, ne croyant pas qu'il y ait aucun qui vueille donner foy & creance à telles calomnies s'il n'est intéressé en la cause, y sera tousiours prest de respondre à telles choses faussement objectées, lors qu'il luy sera temps de parler, & d'estre ouy en sa legitime defence. Cependant les Lecteurs de ces liures, pourront facilement recognoistre combien tels escripts sont vitieusement alleguez, peruertis & deprauez par fausses interpretations: car les Autheurs n'ont point rapporté le texte des paroles, mais plustost leurs propres inuentions, en quoy ils ont faict voir leur grande ignorance, tournant le tout en sens contraire, interpretant de la sorte les conseils particuliers pris pour la conseruation de la liberté en l'Empire, & pour reietter le joug d'une pretendue domination absolue, comme

si ces conseils auoient esté pris contre la salu-
taire & honorable constitution de l'Empire,
laquelle il s'est tousiours proposée pour re-
gle & cynosure de toutes ses actions, qui
sont toutesfois les veritables admonitions
d'aucuns Princes estrangers lesquelles on luy
a voulu reprocher comme prouenant de
luy. Et en ce quel'on dit, qu'il a voulu enga-
ger le Turc en ces troubles, cela est faux, car
iamais cela ne luy est venu en la pensée, mais
bien des pratiques & instructions de ceux qui
ayans esté bannis & chassés, se sont refugiez à
sa porte & ferrail, & desquelles les aduersai-
res se sont saisis; l'issuë de ses Ambassades
tesmoigne du contraire, & faict voir qu'en
effect la fin de toutes ces entreprises n'a esté
que pour conseruer la paix en ces pays, &
à fin que de ces troubles & tumultes, les
Turcs ne viennent à prendre occasion de
troubler à l'aduenir l'Empire Chrestien, mais
plustost que l'on trouuast moyen d'affermir
la paix en l'Empire avec le Turc; l'exemple
de ce qui s'est passé en Pologne nous deueroit
rendre sages, & faire voir quelles sortes de
mauuaises & pernicieuses pretentions on a
maintesfois machinées contre les Protestans,
sous pretexte de faire la guerre au Turc: ce
n'est qu'icy il veuille jeter au public vne Apo-
logie de son innocence, il la differe à vn au-
tre temps: mais il veut que chacun sçache,
que comme il ne se repent point de ses actiōs,
ainsi apres auoir accepté la Couronne de
Boheme, il s'est tousiours rapporté à toute

sorte de droit & equité, s'est offert à l'obey-
sance del'Empereur, & a ja assez de fois tesmoi-
gné aux Electeurs, Princes de l'Empire, &
autres Roys estrangers, qu'il estoit prest d'ac-
cepter & consentir à tout ce qui seroit con-
uenable à sa dignité & non preiudiciable à sa
cōscience, à Dieu & à sa chere posterité, pour
retablir la paix en l'Empire, pourueu quel'on
luy rendre les terres & pays de son Electorat,
qu'on luy a enuahies: que iamais on a ouy par-
ler, & mesme est tout contraire à toutes les
loix & constitutions de l'Empire, que sans
aucune forme de citation ny cognoissance de
cause, aucun ait esté mis au ban del'Empire, &
que pendant que la fureur ennemie s'exerçoit
contre ses miserables sujets, le iugement de la
cause ait commencé par l'execution & cha-
stiment de la faute, & ce sans auoir pris aucu-
ne communication avec les Electeurs, Prin-
ces & autres Estats de l'Empire interessez en
ce faict, encore toutesfois, que la chose eust
esté cōduite & poursuiuie par la voye ordinai-
re & legitime; neantmoins l'execution quis'e
est ensuyuie, & la restitution de la despence
faicte, n'eust peu estre iustement faicte ny re-
petée: Que pour mieux proceder à ceste exe-
cution, on a faict des paches & des traictez
avec ceux qui sont participans de ces troubles
pour leur propre profit & vtilité, veu
neâtmoins que beaucoup d'affaires de moin-
dre consequence, encore que le delay & re-
tardement en icelles fut perilleux, ont esté
renuoyez aux diettes generalles, & ne falloit

1622.

pas si promptement proceder à l'exécution, veu que le mal en retombe iusques aux Estats voisins, & que de là peut s'ensuiure le meurtre & la ruine de plusieurs hommes innocents: Que ceux ausquels l'exécution en a esté commise, s'en pouuoient tres-bien excuser, & ne doubte pas qu'ils ne l'eussent faict, si par actions contraires ils n'eussent plus aymé en profiter & y trouuer leur propre vtilité & aduancement, ce qui est du tout contraire à Dieu, aux loix, & au traité qu'ils ont faict avec luy, auquel mesme le Palatinat estoit cõpris: Que plusieurs Roys & Princes ont interposé leur autorité pour destourner les troubles & miseres, & diuertir la ruine de l'Empire, & ce pendant iusques à present ils n'ont rien aduancé, mesme pendant que l'on traitoit avec le Baron d'Igby Ambassadeur d'Angleterre, & que l'Empereur eust consenty & accordé la trefue au haut Palatinat, & que Mansfeld s'estoit resolu de retirer ses troupes des frontieres de Boheme, neantmoins le Duc de Baviere s'en est saisi, ainsi qu'il se peut voir par les lettres del'Empereur, plubliées contre les plaintes dudit d'Igby, le iugement dequoy il laisse faire aux autres: Et au mesme temps le General de l'armée Espagnole Dom Gonzales de Cordoia, s'est saisi & emparé de toutes les places montagnaires du bas Palatinat, apres auoir faict & signé la trefue accordée: Il a assiegé Frankendal qu'il auoit promis à sa femme, le cas arriuant, qu'elle demeurast vesue de

luy, & l'a fait battre fort furieusement avec le canon, & autres machines & instrumens de guerre. Que pour se vanger de tels attentats, on ne luy peut rien reprocher, sinon qu'en ces furieuses persecutions, il a eu raison, & s'est senty obligé en sa conscience, de tirer secours des autres Princes ses bons parens & amis, pour subuenir à la misere & defense de ses pauures affligez subiets: vne chose seule peut estre blasmee, c'est que luy estant desnié ce que de droict de nature & des gens, & par toutes les loix & constitutions Imperiales, il est permis & licite aux autres, ce n'est de merueille, si voyans de si pitoyables progres, dignes de larmes & de souspirs, il a esté contraint de se porter à d'autres resolutions & conseils; que si durant l'excez que l'on faisoit aux siens, il y a eu de sa faute, ce qu'il ne sçait pas, ils l'en deuoient aduertir, enuoyer sçauoir sa volonté, & receuoir ses commandemens: & sur ce que pour ce on prend pretexte de se plaindre de luy, que auant cecy il auroit commandé au Marquis de Iargendorf & au Comte de Mansfeld, qu'en son absence ils paracheuassent tout ce qu'ils verroient estre bon à faire, tant au Royaume de Boheme, qu'aux Prouinces incorporees: mais cela ne peut estre interpreté à mal que par ceux qui sont plus obligez à vn party qu'à l'autre: Car il est tres-iuste & raisonnable qu'un chacun trouue & aye ce qu'il croit luy estre deu; si on fait tort à quelqu'un en autre lieu, & qu'on luy oste ce qui luy appartient, il est raisonna-

ble de le disputer avec la raison, iusques à ce qu'on luy ait fait restitution. Que la faulseté de ce qu'on luy obiecte apparroit de ce que ceux qui se sont pleus à le persecuter sous pre-
texte de restablir la paix en l'Empire, l'affoi-
blissent & l'eneruent tellement par la guerre
en plusieurs & diuers lieux, qu'il semble qu'il
seroit maintenant impossible de trouuer des
forces suffisantes pour s'opposer à vn effort
d'vn tres-puissant estranger : Que les affai-
res de Boheme n'estoient pas reduites à tel
point, qu'à l'occasion d'icelles il ait esté be-
soin de troubler toute la Germanie : car là
mesme se pouuoir commencer & terminer la
guerre, pour la particuliere pretension de la
maison d'Autriche : & pour les choses qui
concernent l'Empire, à quoy il n'a pas peu
d'interest, on deuoit determiner & decider en
vne Diette generale & publique, au sceu &
par le conseil & aduis de tous les Estats, par
voye legitime & pleine cognoissance de cau-
se, sçauoir si ce Royaume est electif ou here-
ditaire, & qui sont les fiefs qui en despendent :
Or cela ne s'est point fait ; car les paches &
confederations faites & contractees ont esté
confirmees par force & par apprehension
des armées ennemies, & de cet embrasement
de Boheme a esté pris le feu qui s'est dilaté
& a embrasé les plus belles & nobles Pro-
uinces del'Empire, qui en ce faisant ont esté
exposées aux rauages des soldats Espagnols :
Delà, la guerre se continuant, à fin de la pre-
texter de quelque espeece de droit, on a pu-

blié vne Declaration de ban contre luy : Et ne croit pas depuis que la bulle d'or a esté faite, & que les constitutions salutaires qui sont comme loix fondamentales de l'Empire ont esté en vigueur, qu'on aye ainsi procedé avec la ruine de la patrie, contre aucun, voire le plus petit Estat del'Empire, beaucoup moins contre vn Electeur, qui n'a iamais recherché & ne recherche encore que le droit & la iustice. Cela est aussi digne de remarque, qu'apres toutes les promesses de l'Empereur, de n'attaquer aucun Estat del'Empire, qui ne se fera meslé & engagé dans les troubles de Boheme; neantmoins plusieurs Princes, Comtes, Nobles & autres, ont esté trauaillez de grandes ruines & degasts, sans pardonner aux vesues, ny aux pupilles des Electeurs: Entre autre son frere, encore qu'il n'ait esté engagé à la guerre de Boheme, & que mesme l'Empereur l'ait recogneu innocent, nonobstant le traité d'Vlm & celuy de Mayence, & le consentement donné par le Marquis de Spinola pour la suspension d'armes, a esté neantmoins depouillé de ses possessions, & apres que Lutra a esté finalement prise, il s'est trouué priué de tous ses biens & facultez : Or est il que toutes ces choses plus claires que le iour, ont esté faictes par les ennemis, à fin d'oster aux Euangeliques ce premier Electeur seculier, & le reduire sous la puissance des Eueques, que la Messe a ja esté establie par le Duc de Bauiere en diuers lieux du haut Palatinat, & n'y a aucun doute que le reste s'intro-

duira ainsi de force par tout, ainsi que veut presumer l'ennemy ; & partant n'ayant aucun respect, principalement aux constitutions de l'Empire, nul Estat Euangelique ne sera liberé de telle sorte d'outrage.

Veu singulierement aussi que le soldat estrange, qui enuie la liberté des Allemans, & qui ne se plaist qu'aux occasions de la guerre, n'aura aucun esgard aux promesses de l'Empereur ; & les affaires sont maintenant reduites à telle extremité, qu'il n'est plus en la puissance del'Empereur, & sans le consentement des alliez, il ne peut faire ny la paix ny la trefue, ainsi qu'il se voit par le traicté fait avec le Baron d'Igby, & laisse vn chacun libre de iuger de ce progres. Il ne void pas qu'il soit tant necessaire, que pour empescher la ruine de l'Empire les Estats Protestans ioignent leurs forces ensemble, & qu'unanimement ils s'opposent à vn peril si proche & eminent: mais il demande que non seulement ils deliberent sagement sur cet affaire, mais qu'ils persuadent aussi aux autres Princes, & premierement à l'Electeur de Saxe de s'opposer à tant de pernicieux progres des ennemis, & que le sien luy ayant esté rendu, il donne fin avec eux à cette cruelle guerre, & que la paix tant desirée soit restablie en l'Empire. Que s'il arrive qu'on ne puisse obtenir aucuns moyens de composer cest troubles, & que toutes les voyes qui peuuent porter à la paix soient bouchees & empeschees, & toute iustice & grace desniee, il les exhortoit & supplioit de le secourir de

leur aide & conseil, & donnent ordre de repousser & chasser tout le mal qui panche sur leur teste, & que la liberté de la Religion, acquise avec tant de peines & despeses soit conseruee.

Ces lettres furent incontinent apres luyues d'autres adressees aux Estats Euangeliques, par lesquelles, dit-il, il ne luy semble necessaire de repeter ce qu'il a ja representé par ses lettres precedentes : mais seulement leur veut donner aduis que le Duc de Bauiere a enuoyé la pluspart de son armee au bas Palatinat, avec commandement au Baron de Tilly General de ses camps & armees de se rendre maistre d'Heidelberg, de ioindre ses troupes avec l'armee Espagnole, & que si tost qu'il se feroit approché de cette ville, & qu'il l'auroit assiegee, il ne manque iournellement de luy donner aduis.

Que par la coppie des lettres que l'Empereur a escrites au Baron d'Igby & à l'Infante d'Espagne, ils ont peu voir quelles sont les intentions des ennemis, & sous quel pretexte ils desirerent peruertir & renuerfer toutes choses, que mesme il a receu plusieurs lettres de l'Empereur, signees de sa main, lesquelles il leur a enuoyees par office & deuoir Electoral, à fin qu'ils admirent & s'estonnent quels inouis & merueilleux conseils se tiennent en l'Empire, pour le priuer de son Electoral, & le transferer au Duc de Bauiere ; mais qu'il espere que Dieu, qui a miraculeusement decouuert toutes ces choses, & a fait voir au

1622.

iour la fausseté des crimes qu'on luy a imputé, empeschera par sa clemence & bonté que leurs desseins ne sortent aucun effet. Cependant, à fin qu'ils considerent cecy comme vne commune cause, il les prie qu'apres auoir exhorté leurs Chefs superieurs, ils leurs laissent le iugement de cet affaire, & luy prestent tout secours pour s'employer à vne necessaire deffense.

Prise de Paterbron & de tout son Diocese par Halberstad.

Iusques à present l'Euesque d'Halberstad a fait de grands degasts en l'Vvestphalie, & s'est saisi de Neohuff, Lipsbring, Brakel, Vvarburg, Berenric, Gifec, Drigemberg, Vvunnenberg, de Paterbron, & presque de tout son Diocese, permettant à ses soldats de piller generalement tous les Iuifs qui demeuroient en cette ville là, a contraint le Clergé deluy donner comptant vne grosse somme d'argent, a pillé tout le grand tresor de l'Eglise Cathedrale dudit Paterbron, & a enléué la statue de saint Libore Patron de ladite Eglise, qui estoit tout d'or massif. Or pour empeschier le cours de tant de sortes de rauages, l'Electeur de Cologne a fait venir vne partie de l'armee du Duc de Bauiere qui estoit au bas Palatinat & en Vvetterauie, laquelle, conduite sous la charge du Comte d'Anholt, ayant passé par Nassoue, Dillebourg & Sigene, s'achemina dans l'Archeuesché de Cologne, ayans laissé par tout où ils passerent des marques d'une detestable malice, d'une tres-grande impiété, & des actes tres-abominables, comme de pillages & degasts, rapt,

& violemens de femmes, nouuelles accouchees, filles & autres sortes d'abominations. Ledit Comte d'Anholt estant arriué à Attendor, la Cauallerie de Striue voulut charger son auant-garde, mais les Croatiens les ayans surpris à Brile les chargerent & deffirent, gagnerent sur eux cent bons cheuaux avec force bagage; L'armee Electorale de Cologne ayant eu aduis de l'arriué dudit Comte d'Anhalt, passerent le Rhin, le 21. Feurier, en nombre de trois mille hommes de pied, & de six cens cheuaux, & se ioignirent à luy.

Pendant cecy le Gouverneur de Neubourg, appellé Breus, surprit plusieurs places es Comtez de Monts & dela Marck, desquelles il chassa les garnisons de Bramdebourg, & comme Alten & Lunschnit luy eussent fait grande resistance, ayant fait venir le canon, se rendit finalement maistre d'icelles: D'autre part aussi le Gouverneur du Plasmut ayant recogneu que la Tour ou Clocher de Berck pouuoit faire vn grand dommage à son fort, fit faire quelques mines au dessous, au moyen desquelles il l'a ruinee, & reduite en poudre.

Or le temps de douze iours escoulé, & que le Prince d'Orenge n'auoit encore enuoyé aucun secours à Iulliers, le Comte de Monts Iulliers. ayant offert à ceux de la ville six cens Chariots pour charier & emporter leur bagage, fit sommer le Gouverneur Pithane, de se ressouuenir de son traicté, & de luy rendre la

1622.

Ruines à
Reimberg
par le debord
du Rhin.

place, ce que voyant Pithane, apres auoir fait sortir toute la garnison & le bagage qui estoit dans la Citadelle, enuoya les clefs audit Comte, tant de la ville que de la Citadelle, & sortit desdits lieux avec les gens, deux seuls des siens restez en la ville pour ostages, iusques à ce que les susdits Chariots eussent esté renuoyez. Iulliers rendu, furent aussi reduits audit Comte les Gouuernemens de Lulstorf, Blankenberg & Monaue. Et quant à Pithane, arriuant à la Haye le Comte, fust aussi tost pris & arresté prisonnier pour luy faire rendre conte de ce qu'il auoit fait à Iulliers.

En cetemps le grand degel des glaces & le desbordement du Rhin causa de grandes ruines au dessous de Reimberg, quantité grande de personnes & de bestes furent noyees & submergées, mais principalemēt ceux qui demeuroient aux vallées, & le long des leuees & chaussees des fleuues & riuieres. Dauantage, comme de iour à autre l'armee Espagnole grossissoit deuant l'Escluse, & que le Marquis de Spinola eust fait conduire deuant la place quantité de munitions aux frais & despens de la Flandre, pour empescher les courtes & rauages des assiegez, leur ayāt esté enuoyé fraichement de Zelande quatre-vingts Compagnies de gens de guerre pour renfort, percerent les leuees & rompirent les digues, de telle sorte que l'eau inondant les champs & les villages voisins, elles perdirent & delugerent vne partie des munitions Espagnoles.

Les

Les nopces del'Empereur estans acheuees
à Isburg, comme'ay dit cy-deuant, sa Maje-
sté Imperiale retourna à Vienne avec sa nou-
uelle espouse; comme il approcha de la ville,
les canons rangez le long des rampars & bou-
leuards commencerent à exciter vn tonnerre
fort grand, depuis la porte de la ville; ius-
ques à celle du Chasteau, leurs Majestez pas-
serent entre deux hayes de soldats rangez de
costé & d'autre: à l'entree precedoient six
compagnies de Caualliers avec les trompet-
tes sonnantes, & plusieurs bourgeois de la
ville, en apres suiuoient en leur rang tous les
Officiers de la maison de l'Empereur, puis
en suite marchoient les principaux bour-
geois avec plusieurs Nobles enfans, montez
sur de tres-beaux cheuaux, quantité d'Offi-
ciers de la ville, les Senateurs & Conseillers en
grand nombre, apres eux alloient cinq He-
raults avec leurs bastons, puis le sieur Losen-
stein grand Marechal del'Empire, portât l'es-
pee nuë en sa main qui marchoit deuant Er-
nest Leopolde fils aîné de l'Empereur: à la
porte de la ville estoient les Scindics & Sena-
teurs d'icelle, qui y receurent sa Majesté Im-
periale sous vn ciel violet tout battu en or, au
deuât marchoit Daniel Mosere Cōsul de Viē-
ne: par apres arriua l'Imperatrice conduicte
dans vn chariot de triomphe fort riche & pre-
tieusement esquippe, accompagné de Char-
les Guillaume, jeune fils del'Empereur & de
ses deux filles, & de plus ledit Char estoit assisté
& enuironné de septante quatre ieune enfans,

& plusieurs Archers de la garde Imperiale: apres le Char marchoit le sieur Dietrichstein grand Maistre de la Cour, avec force Caualerie & multitude incroyable de peuple qui estoit à la suite de ceste belle noblesse.

Funeraillies de
l'Archiduc
Albert.

Pendant que la resiouissance est à Vienne, vne triste & lugubre feste se fait à Bruxelles en mesme saison; car le 12. Mars ensuiuant fut le iour dedié aux pompes funebres de feu Albert Archiduc d'Austriche, mais avec des ceremonies si belles & si grandes, que celle qui se fit iadis à Bruxelles l'an 1558. apres la mort de l'Empereur Charles cinquieme par Philippes Roy des Espagnes, ne peust estre comparee à celle-cy, es magnificences & solempnitez. L'an passé son corps ayant esté mis en son liét de parade, exposé à la veüe du peuple, fut mis en vn cercueil de plomb, & porté en vne petite Chapelle du Chasteau, iusques à ce que l'on eust donné ordre aux preparatifs de ses funeraillies: Toutes choses prestes & disposees, on luy fit vne pompe funebre avec tant de magnificence & de gloire, que tout le peuple de Flandres y accourut: à ces funeraillies furent inuitez tous les Archeuesques, Euesques, Abbez, Prelats & Princes du pays bas.

Item tous les Seigneurs, Cheualiers de la Toison d'or, Comtes, Barons, Gentils-hommes & autres: Estant porté à l'Eglise Cathedrale marchoiert premierement deuant les cinq Tribus bourgeoises de la ville de Bruxelles, avec quatre cens hommes tous choisis

de son aage, chacun portans vn cierge ardent
en leur main. En apres suiuiot le Clergé, sca-
uoir tousles Ordres & Religions, les Cha-
noines, les Abbez, les Prelats les Euesques &
Archeuesques. Apres ceux cy marchoiert
tous les Officiers & Ministres de la Cour:
puis trente deux cheuaux couuerts de gran-
des pieces de drap de dueil, deuant lesquels
marchoiert tout autant de Gentils-hommes,
portant les Enseignes & Bannieres de tout
autant de Prouinces, chaque cheual estoit
mené & conduit par deux Gentils-hommes,
assistez d'Archers & de Herauts bien cou-
uerts, dont le dernier estoit le plus apparent:
En apres marchoiert autres Gentils-hom-
mes, l'un portant la Couronne Archiducal
toute d'or & reluisante de tres-riches pierre-
ries, le Sceptre Archiducal, avec le Collier de
la Toison d'or, & deux espees, dont l'une
fut donnee audit feu Archiduc par le Pape
Clement VIII. avec vn chapeau de grand
prix, avec ses esperons d'or, ses boucliers &
autres armes: deuant le cercueil precedoient
les Maistres d'Hostel, quelques Comtes por-
tans en main des cierges ardans, puis suiuiot le
Grand Maistre le Marquis de Spinola, avec
son collier de l'ordre de la Toison d'or: le
cercueil estoit porté par quelques Gentils-
hommes de sa Chambre, & quelques vns
des plus grands Seigneurs du pays, comme
le Prince de Gimay, le Duc de Brabançon, les
grands d'Espagne, les Cousins du Marquis
Spinola & autres, les quatre pointes du

1622.

Poile qui couuroit le cercueil, estoient portees par les Marquis de Baden, le Duc d'Aumale & le Comte d'Egmond, le daiz sous lequel marchoit le cercueil, estoit porté par quelques Senateurs de la ville, ainsi qu'il fut obserué l'an 1599. lors que ce mesme Prince fit son entrée à Bruxelles: Entre les cheuaux susdits & le cercueil marchoit vn char d'vne triomphanteliberalité, en memoire & souuenance de la grande liberalité de ce Prince, de laquelle il auoit vsé enuers l'Empereur Ferdinand, auquel il quitta liberalement vnze grands Royaumes, qui de droit hereditaire luy appartenoient, sçauoir la Boheme, la Hongrie, la Dalmatie, Sclauonie, Bosirie, Seruie, Halitie, Lodomirie, Cumanie & Bulgarie, avec l'Archiduché d'Autriche, le Duché de Silesie, les Marquisats de Morauie, de Lusatie, & Burgauie, le Comté d'Habsburg, du Tirol & de Ferete, la principauté de Sueue, le Marquisat d'Alsace & autres terres & Seigneuries: En ce Chariot se voyoit assise la Deesse Liberté, Nymphede tres-parfaicte beauté, deuant laquelle estoit vn Autel, où l'on voyoit plusieurs Sceptres & Couronnes, avec cette inscription, *His spretis obyt*: à l'entour de ce Char, estoient les armes & deuises des vingt-sept Royaumes & Prouinces, que ledit Albert de son viuant auoit donnez à l'Empereur Ferdinand, par vne forme d'vne si grande liberalité, que iamais il ne s'en est ouy ny entendu raconter de semblables à son Pere: six cheuaux trainoient ce

chariot de Triomphe qui denotoient six Vertus, la Noblesse, la Benignité, la Prudence, l'Amour, la Raison, & la Prouidence, representees par six ieunes enfans richement habillez en Nymphes montez sur des chevaux: Apres le cercueil marchoiēt deux à deux le Nonce du Pape, l'Ambassadeur d'Espagne, les Prince, les Comtes & autres Cheualiers de la Toison d'or, les Presidens, Conseillers & Senateurs de Brabant, avec les premiers Magistrats & plus apparens Bourgeois de Bruxelles: apres lesquels la gendarmerie del'Archiduc fermoit l'ordre de la Pompe. Depuis le Chasteau iusques à la grande Eglise de Sainct Argole, estoient quatre mille Bourgeois, partie portans armes, & les autres tenans des Cierges allumez, rangez en double haye à chaque costé des ruës. Dans l'Eglise estoit vne grande Chappelle ardante, accoustree à la Royale, à l'entour de laquelle brusloient plus de mille Cierges: & apres que le corps dudit feu Archiduc fut arriué en l'Eglise, apres plusieurs grandes ceremonies & seruices solemnels faicts en icelle, il fut inhumé deuant le grand Autel, lieu que son Altesse de son viuant auoit esleu, & ordonné par son testament.

En plusieurs lieux d'Allemagne le cours de la malice des faux monnoyeurs, rogneurs & falsificateurs de monnoye, dont le nombre croissoit de iour à autre, a finalement causé vne si grande cherté & necessité d'argent, & vne telle disette & rareté de viures,

sedition en
plusieurs lieux
pour le faict
des mon-
noyes.

1622.

que les boulangers & faiseurs de biere pressez de necessité & famine, quitterent leur travail, ne pouuant y subsister dauantage; d'où vient qu'en plusieurs & diuers pays se sont excitez à l'occasion de ce de tres-grandes seditions, comme à Goslar, Islebe, Halle en Saxe, Brandebourg, Freiberg, & autres lieux d'Allemagne, où le peuple en furie força les maisons des Maistres de monnoye, pillans & vollans tout ce qui estoit dedans: à Magdebourg par telles & semblables esmotions, il y eut seize borgeois de tuez, & plus de deux cens de blesez: & la mesme chose eust esté dans Halle, si Christian Guillaume Marquis de Brandebourg, & si l'Administrateur de l'Eglise de Magdebourg par leur prompte arriuee n'eussent empesché le desordre, ledict Administrateur pour preuenir à l'aduenir semblable inconuenient, fit publier cet Edict en ce sens.

Edict del'Administrateur
de Magdebourg touchant le faict
des monnoyes.

Chacun sçait, dit-il, les diuerfes esmotions & seditions qui sont arriuez depuis quelques annees en son Diocese de Magdebourg, à l'occasion de quelques hommes auares, qui sans aucune sorte de crainte, ny de honte, ont fait amas de bonne monnoye par tout pour la transporter, sous esperance de gain en autres lieux, & au lieu d'icelle bonne monnoye, en ont apporté d'autres corrompue & falsifiée, & en ont remply toutes les places de ce Diocese, mesme la ville de Halle: d'où s'est ensuiuie vne si grande cherté d'argent, & vne si grande disette de viures par

tout, que les pauvres gens ont eu de grandes peines à viure, & à se defendre de la faim & de la necessité: C'est pourquoy, meü d'une paternelle action enuers ses subiets, s'est proposé d'apporter quelque remede en cecy, & soulager les pauvres miserables comblez de famine & de misere, apres auoir pris l'aduís & conseil des siens, a trouué qu'il n'y auoit voye meilleure pour remedier, que reestabliir tout le fait des monnoyes au premier lieu auquel elle auoit esté ordonnee anciennement par les salutaires constitutions de l'Empire, par l'Edict de l'Empereur Ferdinand premier l'an 1559. par le Cercle de la basse Saxe, l'an 1568. & par les Edicts des monnoyes publiez au Cercle de Brunuic: ordonnoit donc & commandoit expressement sur peine de la vie, qu'en tout son pays, on n'eust à prendre ny receuoir les Portugales à plus haut prix que de dix-huict Imperiales, les Nobles à la Rose pour quatre florins, la monnoye d'Hongrie à trente six gros, l'Eescu du Rhin pour 27. gros, les Philippus pour autât, l'Imperiale pour 24. gros, le florin Imperial pour 21. gros, le denier neuf pour 60. deniers, le gros ou triple croix neuf pour trente deniers: promettant mettre peine, que s'il voit que lesdits deniers & gros nouuellement forgez vaillent dauantage, & ceux qui en ont quantité, veut qu'ils soyent portez à sa monnoye, & y soient fôduës & appretices, & s'ils vallent plus, qu'on le rende. Et cependant que ledit Edict se publiera, qui seroit à la

feste de Pasque, mandoit & vouloit serieusement que tous marchands, facteurs, artisans, ouuriers & autres exercans le train de marchandise, vendans bleds & autre denrees de viures, ayent plus d'elgard à la charité Chrestienne qu'à leur propre gain & profit, & vendent leur marchandise au mesme prix qu'elles se donnoient il y a vingt ans: Comme aussi tous ouuriers, artisans, mercenaires & autres trauaillans ne seront tenus de se faire payer par leurs maistres pour leur besongne & trauail, plus haut du prix qui auoit accoustumé d'estre payé auparauant vingt ans: que certainement il ne nie pas qu'il ne soit necessaire d'auoir promptement vne quantité de monnoye nouuelle: mais pour ce qu'elle ne peut estre forgee en si peu de temps, auparauant que l'assemblee du Cercle de Brunswic se tiène (ce qui deuoit estre en brief) vouloit & mandoit, que ces deniers & ces gros susdits, fussent mis à la susdicte valeur, & non à plus haut prix, sur peine de vingt, cinquante ou cent Imperiales d'amende selon l'exigence & qualité des personnes: Et comme au mois de Nouembre de l'annee derniere, il eust fait publier vn Edict à Halle contre les corrupteurs & faux monnoyeurs, & que par iceluy toutes ces permutations ayent esté defenduës sur peine de la vie, & autres tres-griefs chastimens: il vouloit encore repeter le mesme & en mesmes termes que deuant, à fin que si quelqu'un se trouue surpris en faute, soit rendu infame, priué de ses

Rebell. & affaires estrangeres. 41

biens, & courre risque de la vie, assignant la sixiesme partie de l'amende au denonciateur, & pareille peine aussi pour ceux qui cachent ou receleront & deffendront les delinquans.

Outre les signes & prodiges que dessus, autres parurent encore le huitiesme Februrier sur Hildeberg au temps de la nouuelle lune, laquelle estoit ceincte & enfermée dans vn cercle, & iceluy cercle trauersé d'une grande & longue Croix noire, avec deux autres corps visibles à chaque costé de celuy de la Lune, à dextre estoit vne nue claire inuestie de toutes parts des rayons du Soleil, à la fenestre plus obscure proche de la lune paroissoit vn balay trauersé de raiz brillans du Soleil; apparitions estranges, qui presagent à la verité beaucoup de grandes affaires qui se doiuent passer en la presente année dans ce miserable pais du Palatinat, ainsi que nous verrons en suite de l'histoire.

Et attendans le temps & le lieu d'en escrire la verité certaine, iettons les yeux sur les mers du Midy, nous y apprendrons les dignes exploits d'un grand Capitaine François, qui s'est fait signaler en fait d'experience & de courage contre les corsaires de Barbarie, à la veuë de l'Espagne, à l'honneur de la nation François, & à la gloire du Prince, duquel il est sujet & officier.

Sont les faits d'armes du sieur de Mantis
Capitaine Lieutenant de Monsieur le Duc de
Guise sur les nauires & galleres de Marseille,

1622.

Autres prodiges
apparus
sur Hildeberg

Progrez sur
mer du sieur
de Mantis
Lieutenant de
Monsieur de
Guise.

1622.

ainsi que luy mesme le tesmoigne par vne relation de la victoire qu'il remporta sur mer en cette saison avec les vaisseaux du Roy, sur lesquels il auoit charge & commandement, faicte dans vne lettre qu'il en escriuit audit sieur Duc en datte du huiëtiesme Feburier, par laquelle il luy dit ainsi. Monsieur Les diuerfes fortunes qui me sont arriuées depuis mon départ de Marzeilles, me forcent de vous supplier me permettre que ie vous raconte ce qui s'est passé en nostre navigation.

Dés le premier iour ie commençay à ressentir le mauuais temps, qui à trois diuerfes fois durant l'espace de quatre heures, nous traicte assez mal, particulièrement moy qui fust tout le long de cecy à demy plein d'eau en mon vaisseau, à cause de cinq ou six grands trous de derriere que nous auons bouché du depuis; Ce qui m'obligea d'aller la route de Caillery pour y remedier, & aussi pour y chercher le sieur de l'Isle qui estoit esgaré: i'y demeuray vn iour entier où toutefois ie ne peus pas raccommoier grãde chose. Le lendemain nous en partismes sur les deux heures, avec vn vent fort fauorable & nauigeables avec le Ponent deux iours & deux nuicts.

Le iour suiuant voulans aller à Malte les vents nous en reculerent: sur cela ie pris resolution de trauerfer le Canal pour m'en aller au Cap Passaro, le vent estant fort fraiz, où l'eau que nous lachasmes nous donna encore de la besongne, mais vne

partie des nauires relascha tout à faiët, & le
sieur de l'Isle, sur le soir comme nous a-
uions presque pris ledit Cap, relascha aussi,
ce qui me fut vne chose assez facheuse, par
ce qu'il auoit les balles du grand maistre,
d'ont l'on vous auoit faiët tant de supplica-
tions pour me commander de les porter, &
aussi qu'il me falloir prendre langue dans mal-
te des nauires de Leuant, & mesme que le plus
petit nauire de la flotte avec l'estrade ne m'a-
uoit point abandonné; ie les attendis deux
iours en ce passage, & le troisieme ie m'en
allay à Saragosse qui n'est qu'à quarante mille
de là pour m'acheuer de remedier, où le cin-
quiesme iour ie fis accommoder le trou de
derriere la poupe, & en trouuay encore cinq
autres, que s'ils eussent esté aussi bien fort
auant dans l'eau comme ils n'en estoient qu'à
quatre doigts, indubitablement i'eusse cou-
lé à fond, mais Dieu ne le voulut pas per-
mettre ainsi.

I'appris aussi des nouuelles de Malte que
iusques à l'heure il n'y estoit arriué aucun na-
uire du leuant.

Le cinquiesme iour les vents estans venus
au Maistre nous fismes voiles, & sur les deux
heures à quelques trente mille dudit Sara-
gosse, nous demeurasmes en bonasse, le nauire
du saint Esprit estant assez esloigné de moy,
comme nous commençasmes à descouurir
six nauires de guerre qui nous auoient desia
descouuerts, & comme plus proches de terre

Six nauires de
Barbarie atta-
quent l'armée
Navalle dudit
sieur de Mâris

auoient plus de vent que nous : Je fis le signe par vous ordonné, aux nauires, & par ce que celuy du saint Esprit estoit plus esloigné que l'autre, ie brouillay vne partie de mes voiles pour l'attendre : & comme celuy du bon Ange s'estoit fait voir beaucoup plus prez, il fut bien enuiron vne heure & demie plustost à moy que l'autre ; ie luy conseillay de s'en aller à terre, & que ie ferois leur retraicte, il me creut, & dez l'heure mesme il deploya toutes ses voiles, & tira de gré sur le fort de la nuit le saint Esprit, lequel ie priay de faire comme son compagnon, qui estoit desia bien à quatre mille de nous.

Cependant lesdits six nauires ennemis nous gaignoient la terre, qui nous demouroit, & ainsi que nous les apperceusmes, nous n'auions point de vent ny du costé du Ponent ny du costé de Behe, de sorte que les coureurs qui sont assez frequents en ces costés, nous manioient à leur volonté.

Sur les 4. heures de nuit, qui pour lors estoit assez obscure, vn desdits six nauires ennemis que nous auions veu, vint passer pardeuant nous, mais ce ne fut pas sans teste vendre car nous luy donnasmes douze bons coups de canon, & delà les autres mirent le nauire du saint Esprit au milieu d'eux, toutesfoi à la faueur de la nuit il s'en demesla, & se vint mettre sous mes voiles. Le iour venu nous nous trouuasmes à quelques six mille des ennemis, & le vent qui commençoit à se rafraischir, obligea ceux du nauire du saint

Rebell. & affaires estrangeres. 45

Esprit de desployer toutes les voiles, pendant que ie les attendois, & les amusois; ie demeuray avec les deux Huniers, & en estat de les combattre; ils furent bien tost à moy, mais ayans recogneu toute fois vn peu trop tard que ie les voulois amuser, ils debandent deux de leurs nauires pour aller apres celuy du saint Esprit, lestrois autres vindrent à moy, l'vn d'eux qui portoit quarante six pieces de canon, estoit ouuert, mais non plus avec les petits canons qu'il souloit porter autrefois, c'estoient canons de douze & treize liures, comme font foy les bales que nous auons: au reste bien couuerts & bien pauoisez, vous assurant, que nous ne leur auons ceddé aucun auantaige ny en bon ordre, ny en bons canoniers, ny en chose quelconque; & dois attribuer le bon succez de ce combat, premierement à Dieu, & secondement à vostre bonne fortune. Le second nauiere qui parut fut celuy de Sanfon l'vn des plus signalez Pirates de Barbarie, lequel nauiere estoit l'vn des plus beaux qui se soit encore veu, armé de 44. pieces de canon partie de bronze partie de fer, portans les vns & les autres seize, douze & six liures de bales pesans. Le 3. nauiere portoit 30. pieces de canon aussi tres-beau: & les deux autres estoient l'vn de 26. pieces de canon; & l'autre de la grandeur de vostre nauiere de Dauid, chargé de 20. pieces.

Ces nauires m'approcherent donc à la longueur de la picque; & m'ayant demandé d'où estoit le nauiere que ie commandois ie leur dis,

1622.

Vaisseaux ennemis & leur equipage.

1622.

Combat à
Coups de ca-
non & de
mousque-
taires.

Perte des en-
nemis.

de France, ils me crièrent d'amener, & ie leur fis responce, qu'ils vinssent eux mesmes, & à l'instant ils calerent au long de mon nauires, & me firent vne saluë de vingt deux pieces de canon, & de quelques 300. mousquetaires; leur Admiral les suiuit apres, car ils ne m'aborderent pas comme ie croyois, possible qu'ils m'auoiët recogneu trop bien en point, il vint doncques apres, & nous fit la mesme caresse que les autres. Le 3. le suiuit de mesme, & fusmes plus d'une demie-heure, sans nous pouuoir voir, pour la grãde fumée des coups de canon; car nous eusmes de cette premiere abordade quelques 60. coups de canon, & 5. cens mousquetades: à la verité nous leur rendismes leur change en la mesme monnoye, mais non pas de la mesme quantité de coups; mais pour le moins nous les fismes changer de resolution de nous aborder: toutcfois si auoient ils desir de nous couler à fond & de nous piller, car durant l'espace de dix heures nous fusmes à cōbatre d'une mesme vigueur & sans relache.

Sur la fin les deux autres nauires retournerent de leur chassë, & tous fraiz voulurent se vanger de ce qu'ils n'auoient sçeu aborder le nauires du sainct Esprit. Mais ie vous assure, que si nous auions frotté les trois premiers, les deux de renfort ne s'en moquerent pas, & peux dire, que ie ne vis iamais de meilleurs canonniers ny en si bon equipage que les miens, car horsmis trois ou 4. le reste estoiet de vray siyons, qui eussent combattu cès na-

nauires, bien que la mort de leurs compagnons
ou les bleſſez, leur deuſſent faire perdre le cou-
rage, veritablement ie peux aſſeurer, qu'ils ont
combattu autant que des hommes de bien
pouuoient faire, auſſi auions nous beſoing de
ne rien oublier en cette occaſion ayans à cō-
battre contre les meilleurs nauires de Barbarie
armez de cent 60. & ſix pieces de canon &
d'environ mil ou 12. cens hommes de guerre;
nous y auons perdu quelques 10. hommes &
des meilleurs, & quelques 20. de bleſſez, le
frere de M. Bouquier y a eſté tué, comme
auſſi le frere de Monsieur Arpin braue ſoldat,
vn nommé la Roche, & mon maistre cano-
nier & vn de mes Caporaux.

Ce combat Naual ſe fit deuant la ville de
Saragoſſe, où le peuple eſtoit ſur les murailles
pour eſtre ſpectateurs de ce ieu, ce ne fut pas
ſans faire des vœux pour nous, & firent tou-
ſiours ſonner les cloches durant le combat.

Nous y auons perdu generalemēt tous nos
maſt & nos vergues, tellement, M. que ie vous
ſupplie, me permettre ou trouuer bō puis que
la neceſſité m'y contraint, de me retirer à mal-
te, où l'on m'a dit que le grand Gallion a chā-
gé ſes arbres, & que les lies me pourront fort
bien ſeruir; & meſme que ie m'aſſeure que M.
le Grand maistre ne voudra point ſouffrir que
l'equipage ſoit deſbauché.

I'oublie à dire la quantité de canon qu'ils
tirerent ſur nous & de ceux qui ont porté aux
voiles, aux cordages ou au corps du nauire,
qui montent au nombre de 6. cenſtat de coups,

1622.

Peuple de Sa-
ragoſſe ſpe-
ctateur de ce
combat.

Quantité des
coups de ca-
non tirez de
part & d'au-
tre.

1622.

mes voiles entierement en picces & ont en fin tout rompu, aussi se saoulerent ils de tirer, car ils nous quitterent assez honteusement, & fallut qu'ils abandonnassent leur vice Admiral, qui à la verité fut battu comme il falloit, & croy que si le nauire de nostre Dame eust esté avec moy, que nous les eussions chassé iusques dans Tunis, & coulé quelques vns des leurs à fond; au moins pourront ils dire, que nous n'auons pas eu crainte d'eux, ny fuy ny esteint nostre lumiere.

Nous auons tiré quelques trois cens cinquante coups de canon. Voyla en somme M. tout ce qui s'est passé depuis nostre depart, ie seray maintenant attendant vos commandemens, *de vostre tres humble &c Mantis.*

L'enseigne dudit sieur de Mantis a depuis apporté nouvelles que lesdits Samson & Cuart, Chefs desdits corsaires de Barbarie, ont donné à trauers en Sardaigne, avec leurs deux grands vaisseaux, & que le Viceroy de l'Isle a pris huit cens esclaves sur eux. Escrit de Saragossè ce 8. Feurier 1622.

Du costé de Hollande, nous apprenons aussi que les sieurs des Estats, se voyans attaquez par les Espagnols, qui auoient repris sur eux le pais & la ville de Iuliers, ne sçeuvent faire autre chose pour monstrier leur rage & vengeance, que d'expulser hors des Prouinces vnies, la Religion Catholique qui s'exerceoit encore en quelques lieux, & de bannir les Prestres, Iesuites, & autres Religieux de leurs terres, ce qu'ils firent par ordonnance expresse

expresse donnée en l'assemblée desdits Estats
tenus à la Haye, en cette forme.

1622.

Les Estats Generaux vnis du pays-Bas, à Ordonnance
tous ceux qui ces présentes verront ou or- des Estats de
ront Salut. L'expiration des trefues e- Holande cō-
stans cause pourquoy ce pays est retom- tre les Pre-
bé en guerre publique contre le roy d'Espa- stres & Reli-
gne, & ses adherants, & aussi la domma- gieux Catho-
geable Secte des Iesuites, & autres Prestres liques.
moynes, soubz spirituels, & autres personnes
Religieuses de la Religion Romaine, qui ont
entrepris de venir en ce pays aux villes de plat
pays, pour avec leur Idolatrie & fausse loy de-
stourner les bons de leur deuoir pour les ani-
mer aux mœurs de quelque Prince ou Potē-
tat, & toutes sortes de trahysons, & avec leurs
mesmes instructions aduancer la tyrannie &
Seigneurie absolue du roy d'Espagne, & ces
adherants du Pape de Rome, en sa dependan-
ce de l'Eglise, faisans en ce pays toutes sortes
de conuenticules defenduës, osans par plu-
sieurs villes de ce pays, tirer les enfans du de-
uoir qu'ils doiuent à leurs ancestres, & les
Femmes du deuoir qu'ils doiuent à leurs ma-
ris, ainsi qu'il en est apparu des actes differen-
tes par nous & les Seigneurs des Estats des
prouinces particulieres, ensuiuant les loiables
exemples de diuers roys & republiques, ont
esté fait diuerses ordonnances, lesquelles nous
ne desirons en rien deroger, mais au con-
traire, les reestabli pour corriger les meschan-
tes & dommageables personnes, estant be-
soin de les augmenter. Sçauoir railons que

nous auons defendu & interdict, defendons & interdisons par ces presentes, que aucuns Iesuistes, ou autres, de quelque grade participant à leur Ordre, Prestres, papistes, moynes, ny autres personnes dependantes de la croyance de Rome, de vuidier du pays bas, & des places associez, ny pourront venir, ou tarder, soit qu'ils en soyent natifs ou non, & ont ordonné & ordonnēt par ces presētes, que tous les Iesuistes & ceux qui ont aucune grade ou part en leur ordre, estans de present dans ce pays, sortiront six iours apres la publication des presentes, sur peine que tous ceux qui y seront trouuez apres lesdits six iours, ou ceux qui y reuiendront de dehors, seront prins & biē gardez cōme ennemis du pays, & quand ils seront prins & fouillez ils pourront estre retenus & liurez à l'officier du lieu, pour en auoir cognoissance, pour faire sçauoir & trouuer bon aux magistrats de le mettre à aussi haute rançon que l'on pourra, & pour tout rabais, point moins de cent liures de gros, pour chacune personne, dequoy le denonciateur aura pour luy les 3. quarts, & l'Officier l'autre quart, & pour la 2. fois que les mesmes serōt fouettez publiquemēt, puis banis & amendables l'uiuāt que la faute le requerra, apliqué comme deuant, & estāt reptins pour la troisiēme fois, ils seront cruellement chastiez par corps, comme perturbateurs du repos public, avec confiscation de tous leurs biens, selon que le cas le requerra.

Aussi dērendons tres-expresllement, à tous

Rebell. & affaires estrangeres. 51

1622.

colleges à qui il est permis, de bailler passe-ports, de deliurer aucuns desdits passeports, sans nostre cognoissance, defendant pareillement à tous assistans du pays de loger ou assister telles personnes, sur peine de cent liures de gros pour la premiere fois, pour la deuxiesme fois, deux cens liures de gros, & pour la 3. fois, punis corporellement, & seront banis avec confiscation de leurs biens.

Defendons pareillement à tous habitans du pays, de correspôdre par lettres ou autrement, enioignant à vn chacun à qui escherra telles lettres, d'aller promptement à l'Officier, ou aux magistrats de la ville ou plat pays, & leur deliurer sur peine de 50. des susdites liures de gros, toutefois & quantes qu'il sera trouué auoir fait le contraire.

Et pour ce qui depend des Prestres papistes, moines, dependans de la susdite croyance Romaine, n'ayant aucuns Iesuistes qui des long temps ont demeuré en ce pays, se retireront dans huit briefs iours apres la publication des presentes, par deuers les Magistrats de leur residence, & bailleront leurs nom & demeure par escrit, pour estre à la fin retenus, à celle fin quel'on puisse prendre garde à leur comportemens, sur peine de procedures à l'encontre deus, telles que dessus est dit, contre les Iesuistes.

Et ordonnons pour les mesmes personnes eux se retirer & transporter, suivant l'ordonnance ou placart du pays, sur peine, faillant le contraire, d'estre enuiez con-

formement aux autres.

Defendons pareillement à tous habitans du pays, d'enuoyer leurs enfans ou autres personnes, sur lesquels ils ont quelque pouuoir à l'escolle, ou les laisser à quelque ville, place, vniuersité ou Escolle, sous le commandement du Roy d'Espagne, pays des ennemis, ou autres Colleges de Iesuites, en enchargeant, & commandant à telles personnes qui y ont leurs enfans, de les retirer ou faire retirer vn mois apres la publication des presentes, sur peine de cent liures d'amende par mois, pour chascun enfant, ou personne allant à l'Escolle, ou y demeurât: toutes & quantes fois qu'il seront descouuerts y auoir esté, & la mesme peine sera payée, & son propre bien par ses superieurs ou curateurs.

Defendons aussi tres expressement à toutes personnes demeurant ou frequentant en ce pays, de faire ou faire faire directement, ny indirectement aucune cueillette, ny assemblée d'argent pour quelques necessitez de quelques Eglises, Hospitaux Spirituels, ou autres Colleges ou Cōuents, ny mesme pour quelques personnes Spirituelles, sous le commandement du Roy d'Espagne, ou ses adherans, & aussi aucun autre Papiste de rome, ayant esté ou demeurant en ce pays.

Par semblable nous defendons tres-expressement, qu'il n'y aye si hardy de s'entremettre pour faire tenir des deniers du païs par alliguation ou autre maniere directement, ny indirectement aux iudites personnes, Colle-

ges, Conuents, ou autres places, ny aider que les mesmes deniers entremis, ou autre or, & argent monnoyé, ny quelques autres biés leur soiét enuoyés, ou fait tenir par de là, sur peine que ceux qui feront telles entremises & adresses, seront chastiez de mort, & leurs biens confisquez, & ceux qui seront si hardis de conduire telle entremise de deniers, or ou argent monnoyé, ou non monnoyé, ou autres biens aux susdits Iesuites ou autres susdictes personnes Spirituelles, Colleges, Conuents, administrateurs d'Eglise, maison de Dieu, seront chastiez de peine arbitraire aux corps, avec confiscation de leurs biens, selon la gravité de la faute de tous ceux qui serôt trouuez auoir contribué chacun cent liures de gros, toutes & quantes fois qu'il seront trouuez l'auoir fait.

Toutes lesquelles amendes, peines & confiscations, nous auons déclaré, & declaron par ces presentes applicables la moitié à l'accusateur, & l'autre moitié pour la protection de l'officier, qui fera l'execution.

Declaron aussi toutes contrauentions faites contre ceste nostre ordonnance & qui par cy apres pourront estre descouuertes, seront audit temps chastiez tous ceux qui serôt atteints & cōuaincus d'y auoir contribué, & tous ceux qui n'auront moyen de payer les peines & amendes, seront chastiez par corps.

Ordonnons à toutes Cours de Iustice droicturiers, & Officiers de ce pays, de faire en cecy donné & pieine iustice, ~~en~~ ^{en} autre figure

de proces, sans aucune dissimulation, ny diminution de la peine, afin que nostre Ordonnance puisse estre meilleure par cy apres.

Declarons aussi que tous Officiers qui laisseront à la mettre à execution par negligence, ou autrement, sera tout à l'instant procedé contre eux, comme il appartiendra, demis de leurs grades & offices, & seront eux memes obligez pour les autres, & à celle fin que personne n'en pretende cause d'ignorance.

Ordonnons à tous Chefs, tenant ville, Iuges, Commis, & tous les deputez, Estats, & Prouinces respectiues, de Ghelderlant, Grapcap, Zuyphen, Hollande, Vuesterrisslant, Zelande, Vtrecht, Vriissande, Auertissel, & toutes villes au tour du pays, & tous autres Iusticiers & officiers qui y pourroyent auoir interest, qu'ils facent tout aussi tost crier, & publier nostre ordonnâce, par tout aux lieux où l'on a de coustume de faire criées, & publications, procedent, & facét proceder à l'encontre des contreuenants des presentes, sans grace, faueur, dissimulation ou suport, ainsi que l'auons treuue propre, & pour le seruice du pays, comme il appartient.

Ainsi fait & arresté, en l'assemblée des Hautz & Honnestes Seigneurs, les Estats Generaux, à la Haye du Conte le vingt sixiesme de ce mois mil six cens vingt-deux & est sous signé E. Vander Marchur, & au dessous est eicrit, de l'Ordonnance des

Hautz & Honnestes Seigneurs, les Estats Generaux.

1622.

SIGNE' CAERSSSEN.

En ce temps icy scauoir le douziesme de Mars se firent à Rome de grandes magnificences pour la canonization de cinq glorieux Saincts, assauoir Isidore de Madril, lequel naquist enuiron l'an mil cent 50. & fut laboureur, & mourut l'an mil cent 70. Ignace de Loyola Espagnol, instituteur de la compagnie de Iesus, né à Pampelune l'année mil quatre cens nonante & vn, & mourut le dernier iour de Iuillet mil cinq cens cinquante & huit. François Xavier naquist en la partie de Nauare, plus proche & contigue de l'Espagne l'année mil 4. cens nonante sept, & mourut dans l'Isle deserte de Saucian. Therese de Iesus fondatrice des Carmelines Deschaussées, naquist en Auile l'année mil cinq cens 15. & mourut le quatriesme d'Octobre mil 5. cens octante deux, & Philippe Neri Florentin fondateur de la Congregation des Peres de l'Oratoire, nommée de l'Eglise nouvelle né l'année 1515. lesquels sont tous mis à veuë du monde cōme mirouers tres-luisans de Sainteté, & qui pourront estre imitez particulierement par les Prestres seculiers, reguliers, par les laiz, & par les Dames, pour satisfaire au desir de ceux qui n'ont peu se trouuer à ceste Feste, & qui desirent là scauoir, sinon entierement du moins en partie, la description d'icelle, ie meuis resolu faire briefuement, & sommairement

~~à rapporter au conseil d'Etat par tout~~

chant les principales choses appartenantes à l'appareil, comme des ceremonies. En voicy le narré du stil & de la main d'un Pere Iesuite qui parle de la sorte.

Relation des
principales
ceremonies
obseruées à
Rome, à la
canonization
des saints.

Nous auons grand sujet de remercier sa diuine Majesté pour la tres singuliere misericorde qu'elle a fait à nostre compagnie, en la canonization de nos Saints. L'action se passa le iour de S. Gregoire 12. de Mars dernier; iour fauorisé du Ciel par vne serenité & beauté de temps inesperée, attédu que la nouuelle Lune se rencontra iustement la nuit precedente; auquel temps l'air a coustume de se broüiller & obscurcir. 3. autres S. furent canonizez avec les 2. nostres, sçauoir S. Isidore, la canonization duquel auoit desia esté arrestée par le Pape Paul 5. qui fut cause qu'il eut le 1. rang en ceste celebrite: les 2. nostres suiurent, S. Ignace & S. François Xavier: apres lesquels fut sainte Terese fondatrice des Carmelines deschauffées; & le dernier S. Philippe Neri, Instituteur & premier chef de la Congregation des Peres del' Oratoire de Rome.

Tableaux des
saints sur les
portes de l'E-
glise S. Pierre

Ces cinq Bien-heureux S. se voyoient en de grands tableaux posez sur les 5. portes de l'Eglise S. Pierre au même Ordre que dessus: sçauoir S. Isidore sur la grande porte du milieu, S. Ignace sur celle qui est à la main droite, S. François Xavier sur celle de la gauche, S. Philippe apres S. Xavier, & en fin sainte Terese à la droite de S. Ignace; disposition d'ordre qui fut gardée en tout le reste de la solemnité.

La mesme Eglise de S. Pierre estoit toute tapissée de haut en bas, & mesmes iusques à la voute, de draps de soye: & combien qu'on ne peust pas obseruer si exactement l'vniformité & correspondance des pieces, à cause de la trop vaste grandeur du vaisseau, elles furent toutesfois si bien comparties qu'elles faisoient vne tres-belle & tres-agreable veüe.

Il y auoit au milieu de l'Eglise à l'entour de l'Autel de saint Pierre, & en toute la circonference de la Coppoula (qu'ils appellent, nous la pouuons appeller Dome, ou Coupe de l'Eglise, à cause qu'elle est faite en forme de coupe renuersée) vn grand theatre de bois, de la valeur de plusieurs milliers d'escus, dressé depuis qu'on entendit que saint Isidore deuoit estre canonisé tout seul: qui fut la raison pour laquelle il ne fut embelly que des actions & miracles dudit saint. Le parement d'Autel, & le reste de l'ornement du Pape & des Cardinaux qui assisterent à la Messe, & y seruirent à sa Sainteté, estoit encore de saint Isidore, mais on ne laissa pas, pour satisfaire à la deuotion du peuple, d'exposer en la sale de nostre maison professe l'espace de trois iours entiers, les ornemens que nous auions preparez pour nos Saints en particulier, qui furent veus de tout le monde avec admiration, encore que le Calice d'or n'y fust pas, pour n'estre encore acheué, & qui fut depuis présenté au Pape par le Pere Assistant de Portugal, au lieu des paremens qu'on luy deuoit

donner pour S. François Xavier ; Calice qui montoit à la valeur de trois mille escus, tant pour la richesse del'estoffe qui estoit toute fin or, que pour estre chargé de six cens tant rubis que diamans.

Sur les quatre parties du theatre qui regardoient les quatre parties de l'Eglise, estoient penduës en l'air quatre grandes couronnes, chacune de 18. palmes de diametre, & toutes pleines de lumieres : & de ces mesmes couronnes pendoient les quatre estendarts ou bannieres des Saints en ceste maniere. Celuy de S. Isidore pendoit sur la teste du theatre qui regardoit la Tribune del'Eglise : à main droite de la croisee, & sur le costé qui estoit vis à vis du chœur des Chanoines celuy des Saints Ignace & Xavier, à main gauche celuy de sainte Terefe, & celuy de S. Philippe Neri sur la partie du mesme theatre qui estoit tournée vers la porte. En fin toute la corniche de l'Eglise au dedans, & la ceinture du grãd Dome estoit garnie de mille & cinq cens chandeliers d'argent, portans chacun son cierge de cire blanche.

Assemblée
pour ladite
canonisa-
tion.

Sur les huit heures du matin de ce iour-là douzième de Mars, tout le Clergé tant des Seculiers que des Reguliers, s'estant assemblé sous le porche de S. Pierre, & es lieux voisins, la Sainteté descendit à l'Eglise en la magnificence qui s'ensuit. On vit premierement les Chambriers, & tous les Prelats qui y entrèrent avec les trompettes & la Musique du Pape. Suivirent les bannieres des saints

portées & accompagnées de personnes reuestuës d'habits Sacerdotaux, ou d'autres accoustremens, selon la qualité d'un chacun d'eux, & suivant l'ordre cy-dessus marqué. Celle de nos saints estoit suivie de nostre Reuerend Pere General, & portee par nos Peres Assistans, tous accoustrez & parez de Chasubles de couleur blanche: apres lesquels marchoyent les Penitenciers de S. Pierre avec les ornemens de Prestres, chacun son cierge blanc en main. Puis venoient les Euesques en nombre de cinquante, & trente-cinq Cardinaux la Mitre en teste, & parez conuenablement à leurs grades & dignitez, les flambeaux allumez en main comme les autres precedens. En fin suiuoit le Pape porté dans sa chaire, sous vn Baldaquin ou Poile, tenant aussi son cierge allumé. Et arriué qu'il fut au lieu destiné pour ceste action, apres que les Cardinaux, les Euesques, & les Penitenciers luy eurent fait la reuerence accoustumee, en signe d'obeïssance & submission qui se fait, les Cardinaux baïsant la main, & les autres le pied du Pape; le Cardinal Ludouic accompagné de l'Aduocat cōsistorial, le sieur Zambeccare, fit par trois fois les instances & prieres qu'on a coustume de faire, pour tous les cinq glorieux Saints; à toutes lesquelles instances fut respondu au nom de sa Sainteté par le Secretaire des lettres Latines, le sieur Iean Ciampoli. Et apres la derniere instance la sentence definitive fut donnée, les Bulles expedies & le *Te Deum* chanté, suivit l'invocation des

mesmes Saints avec ces parolles ordinaires, *Orate pro nobis*, & furent adioustez au *Confiteor*, qui fut recité lors pour gagner l'Indulgence que sa Sainteté donna à tous ceux qui estoient presens à la solemnité. Cela fait le Pape se veltit pour celebrer la Messe, qui fut de S. Gregoire avec la commemoration des Saints nouveaux, pour lesquels furent recitees des Oraisons ou Collectes propres pour vn chacun d'iceux.

Quand ce vint à l'Offertoire on presenta les choses accoustumees, de cire, de pain, de vin, de pigeons, de tourterelles, & d'autres petits oyseaux dans des petits paniers: presens qui furent offerts pour nos Saints Ignace, & François Xavier, par nostre R. P. General, les Peres assistans, & par le Secrétaire de la Compagnie. C'est en peu de mots tout ce qui se passa en l'Eglise saint Pierre.

Discours sur
ce qui se passa
à Rome en
l'Eglise des
Iesuites.

Je viens maintenant à ce qui se passa en nostre Eglise appelée de Iesus. Il y a quatre niches au portail d'icelle, dans lesquelles on posa quatre statues: sçauoir celle de saint Ignace avec l'heresie sous ses pieds, en la niche basse qui est au costé droit de la porte; en l'autre qui luy est opposée, & au costé gauche, celle de saint François Xavier foulant aux pieds l'idolatrie: sur la teste de saint Ignace, dans la niche plus haute, l'image de l'Eglise en bourse, la triple couronne en teste, les clefs en sa main droite, & en sa gauche vn bouclier orné du saint nom de Iesus: & dans la niche

Rebell. & affaires estrangeres. 61

qui estoit sur la teste de saint François Xavier, la figure du Japon conuert à la foy, tenant vne croix en la main : & chacune de ces statuës auoit son inscription particuliere en Latin. Tout le reste du portail estoit couuert de diuers tableaux representans aux spectateurs diuerses actions des deux Saints, chacun avec son inscription en langue Italienne. Quant à l'ornement interieur de l'Eglise, il estoit tel.

Aux deux costez de la croisee, c'est à dire à main droicte, se voyoit l'Autel de S. Ignace, au mesme lieu où estoit auparauant l'Autel du Crucifix ; & à main gauche celuy de S. François Xavier, en la place de celuy de la resurrection : l'un & l'autre Autel estoit magnifique, principalement pour le tableau que chacun portoit du saint, au nom duquel il estoit consacré à Dieu : mais celuy de S. Ignace encore plus illustre que l'autre ; par ce que dés le dernier iour de Feurier, à vne heure & demie de nuict on y auoit transporté secrettement, & toutefois en procession solennelle de tous les Religieux de la maison Professe, le corps de S. Ignace, du lieu où il auoit reposé iusques alors. Le reste de la croisee tout à l'entour des susdits Autels de haut en bas de la corniche fut embelly de cinq grands tableaux en toile par chacun Autel, auxquels tableaux estoient depeintes diuerses actions & miracles de l'un & de l'autre saint, avec les inscriptions Latines.

Tout le corps de l'Eglise fut paré des meil-

leures & plus belles pieces de Brocat qu'eussent les Cardinaux, Farnese & Montalte. Et sous la corniche on pendit les tableaux de nos Peres qui ont esté martyrisez en diuers lieux du monde, tableaux qui estoient en la librairie de la maison Professe iusques au nombre de cent, & furent lors entremeslez chacun d'un nom de Iesus expressement fait en peinture: sur la corniche estoient posez tout à l'entour iusques à cent septante chandeliers portans chacun son cierge blâc, & entre iceux quinze Anges faicts de Gy, & en relief, qu'il faisoit merueilleusement beau voir, comme aussi l'espace qui est au dessus de ladite corniche reuestu de draps de soye fort precieux. Les pilastres en fin tant du Dome que du reste de l'Eglise furent ornez de seize autres tableaux, huiet de chaque costé: ceux de la main droiète representoiēt d'autres actions & miracles de saint Ignace, & ceux de la main gauche des actions & miracles de saint Xauier, tous avec des inscriptions Italiennes.

Aumosne generale a tous les pauures en la maison Professe des Iesuites.

Ce mesme iour de la canonization, Samedi douzieme de Mars, nos Peres de la maison Professe donnerent l'aumosne à vne grande multitude de pauures qui y accoururent de toute la ville à chacun vn pain blanc du poids d'vne liure. Le soir outre le son des trompettes & tambours, outre le son des cloches du Capitole, outre les feux des boëttes, & les coups de mortiers qui furent tirez à l'entour de nostre maison en signe de resiouissance; on fit sur le Dome de nostre Eglise les lumieres

les plus belles que iamais eussent esté veuës à Rome, à cause dela disposition & varieté d'icelles: par ce que sur la grosse corniche d'icelle on voyoit vne grãde quãtité de feux de poix, & autres matieres espoissës & onctueuses, qui brussoient tout à l'entour : & tout le reste du mesme Dome iusques à la lanterne qui est au faiste d'iceluy, voire iusques à la Croix & la boule qui tient le dessus de la lanterne, estoit couuert de lumieres avec vn tel ordre & proportion, que vous eussiez dit que tout le Dome estoit vne couronne Imperiale marquee de lumieres comme d'autant de pierres precieuses. Le mesme fut fait à proportion à l'entour du dehors del'Eglise, au portail d'icelle, & aux fenestres de nostre maison. Et le mesme spectacle continua les deux soirs ensui-uans avec la faueur du temps qui fut si clair & si serain, qu'il semble que Dieu monstraist par là qu'il auoit agreable ces honneurs qu'on faisoit à ses Saincts.

C'est vne chose incroyable du plaisir que toutela ville de Rome prenoit à vne si maie-^{ioyes gran-}stueuse & incomparable veuë, cõme ainsi soit ^{des à Rome.} qu'vne tres-grande multitude de peuple courut de diuers endroits aux lieux les plus esleuez dela ville, comme au Capitole, à Monte-cuallo, & autres semblables pour en iouir. Le College Romain ne manqua pas aussi de son costé de monstrier la ioye qu'il auoit au cœur par la representation de semblables feux & lumieres. reseruant à faire le reste quand il viendra prendre la Banniere de nos Saincts en

Processions
Generales.

tres-solemnelle procession de tous nos Escoliers, tant des Seminaires que nous auons à Rome, que d'autres qui n'y demeurent pas, ce qui se fera apres le Dimanche qu'on appelle de Pasques closes.

Le Dimanche suiuant qui fut le 13. de mars, on fit la procession generale de toutes les quatre Bannieres, & les nostres qui estoient lors à Rome s'assemblerent à la maison Professe: puis enuiron les vnze heures s'acheminerent en procession vers l'Eglise S. Pierre, tous reuestus de beaux surpelis, tant les Escoliers que les Prestres. Estans arriuez à S. Pierre, ils y trouuerent desia assemblez les Seminaires Romains, Allemands, Anglois, & Maronites: & peu de temps apres s'y rendirent les Peres Carmes, les Peres de l'Eglise neufue, & autres Prestres seculiers & Religieux. Cependant les Chanoines de saint Pierre chantaient les Vespres au mesme lieu où les Saints auoient esté canonisez, c'est à sçauoir deuant le grand Autel de leur Eglise; & à la fin d'icelles ayant chaque Banniere esté consignée entre les mains de ceux qu'il appartenoit, la procession commença à marcher en cet ordre icy. Les Religieux faisoient la teste, apres lesquels venoit la Banniere de S. Philippe Neri, accompagnée des Peres de l'Oratoire. Puis celle de sainte Tereze, suiuite des Peres Carmes. La troisieme estoit la nostre portee par les Peres Assistans, de nostre Pere General, & du Secrétaire de la Compagnie les vns apres les autres, avec quelques Peres des plus anciens

ciens ; puis marcheient tous les nostres en grand nombre reuestus de surpelis, & chacun son cierge allumé en main. La derniere de toutes estoit celle de S. Isidore, accompagnée de la nation, & des Escoliers du Seminaire Romain. Or s'approchant la Banniere de S. Philippe de l'Eglise neufue, elle fut receuë de plusieurs de la nation Florentine, qui sortirent au deuant avec des flambeaux allumez, Ce qui se fit sans que la Procession s'arrestast tant soit peu, ains passa outre, tenant le chemin de l'Eglise saint Iacques qui est en la place Nauonne, où la Banniere de S. Isidore fut semblablement receuë de quelques vns qui l'attendoient avec les flambeaux ardans en main. Delà, sans entrer en l'Eglise de saint Iacques, la Procession s'achemina à nostre Eglise, & estant arrivée aux Cesarins, la Banniere de nos Saints fut rencontrée du frere du Pape, Prefect pour lors de la congregation des Gentils-hommes, establie en la maison Professe, à l'honneur de la Vierge, avec le Senateur & les conseruateurs du peuple Romain, & autres tant Prelats que Gentils-hommes de ladite congregation, iusques au nombre de cent ou environ, qui estoient sortis les flambeaux en main pour la recevoir: ce qu'ils firent, & la portans à nostre Eglise, la mirerent entre les mains de nostre Pere General, qui vn peu auparauant s'estoit desrobé de la procession expressement, pour l'aller attendre à la porte de ladite Eglise. Il la receut & la porta dedans, tous les cierges & toutes les lampes y estans allumées, qui

1622.

causioient aux yeux des regardans vn tres-majestueux & tres-deuot spectacle. Là fut chanté le *Te Deum*, en tres-belle musique, & la Banniere pendue à la voute de l'Eglise, vis à vis de la Chaire d'icelle. Cependant la Procession ne laissoit pas d'aller, & arriua en fin à l'Eglise des Peres Carmes deschaussez, qui est au delà du Tibre, où ayant laissé la Banniere de sainte Therese elle finit pour ce iour là à vne heure de nuict, c'est à dire à nos sept heures du soir.

Feste de S.
Isidore celebrée.

Le Lundy 14. de Mars on celebra la feste de S. Isidore en l'Eglise de S. Iacques, où la Messe fut châtée solemnellement en musique tres-excellente, & la Predication faite, en laquelle vn Pere de l'Ordre S. Dominique s'estendit encore sur les loüanges des autres quatre saints, & en particulier de la Compagnie.

Feste des
saints Iesuites.

Le Mardy 15. de Mars nous fut assigné: auquel iour, pour faire la feste plus solemnelle, les Autels furent reuestus de paremens tous neufs, faits expressément pour ceste Feste, & qui n'auoient iamais seruy, avec les Chasubles faites semblablement tout exprez pour ce iour-là. Le Patriarche Farneze chanta la Messe en habits pontificaux en la presence de vingt-cinq Cardinaux; la musique fut tres-belle, & à quatre chœurs: & nostre Pere General prescha des vertus & miracles de nos saints. Apres disner on chanta Complie avec la mesme musique à quatre chœurs: ce qui auoit encore esté fait le Lundy au soir, bien que non pas à tant de chœurs, mais avec

Rebell. & affaires estrangeres. 67

1622.

vn côcours infiny de peuple. La mesme apres-
disnee on donna derechef l'aumosne aux pau-
ures: & le Pape vint en mesme temps à nostre
Eglise, où s'estant aduancé iusques au grand
Autel, sur lequel estoient les tableaux des au-
tres Saincts, celuy de S. Isidore au milieu, ce-
luy de sainte Tereze à main droite, & celuy
de S. Philippe à la gauche, & ayant ietté les
yeux sur iceux, en fut merueilleusement aise,
disant à nostre Pere General qu'il auoit bien
fait d'honorer ainsi lesdits saincts. De là il
passa à l'Autel de S. Ignace, & puis à celuy de
S. François Xavier, faisant à chacun d'iceux
vn peu d'Oraison. Il voulut de plus estre in-
struit de la signification des peintures qui ac-
compagnoient lesdits Autels, discourant fort
familièrement avec ledit Pere General, & mô-
strant qu'il auoit pris vn grand plaisir en tout
ce qui auoit esté fait à l'honneur des saincts
qu'il auoit canonizez. L'affluence du peuple
fut tres-extraordinaire ce iour-là en nostre E-
glise, à cause de l'Indulgence plenièrè que sa
Saincteté y auoit oëtroÿee.

Le Mercredi 16. de Mars, les Peres Car-
mes deschauslez firent tres-solemnellement
leur feste: car outre que beaucoup de Cardi-
naux y assisterent, sa Saincteté y fut dire la
Messe.

Feste de

sainte The-
rese.

Le Samedi 19. de Mars, ce fut aux Peres de
l'Oratoire, de faire la solemnité de saint Phi-
lippe Neri leur fondateur; ce qu'ils firent
avec l'accomplissement de tout ce qu'on y
eult peu desirer. Au matin de ce mesme iour

Feste de S.

Philippe de
Neri.

le College des Allemans & des Anglois vindrent en Procession à la maison Professe, pour prendre vne Banniere de nos saincts, qui leur fut donnée beniste par nostre P. General, & congee entre les mains du P. Recteur d'iceluy College, & d'aucuns de ses nourrissons, pour estre portee avec musique solemnelle en l'Eglise de S. Apollinaire, où elle fut receue par le Cardinal Hozolrem Allemand de nation, & pendue au haut d'icelle Eglise, pendant que le Recteur du College chantoit la Messe solemnellement; apres l'Evangile de laquelle vn des Allemans fit vne petite oraison d'un peu plus d'un quart d'heure, recognoissant en icelle S. Ignace pour leur fondateur, & plusieurs autres benefices que toute la nation Allemande auoit receus de luy. L'apresdisnee, les nostres de saint André vindrent aussi pour auoir vne Banniere de nos saincts, & ce en procession; en laquelle il faisoit beau voir plus de trois mille pauures de ceux qui sont instruits par les nostres toutes les sepmaines en la doctrine Chrestienne à saint Vital, non sans leur distribuer quelque aumosne à chaque fois: & ce iour là on leur donna à chacun vn assez gros pain, & quelque piece d'argent.

Finalemēt le 6. d'Auril sur les deux heures apres midy, le College Romain, accompagné de tous les Escoliers estrangers, & de tous les Seminaires (excepté de celuy des Allemans) vint en procession pour auoir sa Banniere, aussi bien que les autres. Ceste procession fut

merueilleusement belle pour la qualité des Escoliers qui estoient de la principale Noblesse d'Italie, & pour leur nombre qui arriuoit à quinze cens, marchans avec telle modestie qu'ils sembloient tous autant de Religieux, chacun son flambeau allumé en main, & suivi de quelques seruiteurs. On ne vit iamais à Rome vne chose si belle, si deuote, si bien ordonnée, & si noble. Ils sortirēt de nostre Eglise de Iesus, avec vne musique incomparable, firent vn grand tour, & en fin arriuerent à l'Eglise du College, d'où ils estoient premierement partis, à demie heure ou plus de nuit, c'est à dire entre les sept & huit heures à nostre façon de cōter: la foule du peuple qui vouloit voir vn si rare & deuot spectacle fut si grande par tout où ils passerent qu'on ne le scauroit exprimer. Ce soir mesme le College renouuella les feux & les lumieres, mais avec tel aduantage par dessus les deux autres fois au temps de la canonizatiō, qu'il n'y auoit point de comparaiſon de ceste derniere fois icy aux autres. Et à la verité c'estoit vne tres-belle chose à voir, pour la varieté & disposition des lumieres. La lanterne de la cloche du College estoit toute chargée de feux, disposez artistement. On tira les mortiers & sonna-on les cloches, tant du College que de la maison Professe fort long temps.

Feux de ioye.

Le 7. d'Auril furent distribuez en la court du College 5000. pains à autant de pauvres. Et voyla les grandes ceremonies faictes à Rome à la canonization desdits Saints.

1622.

Si nous passons d'Italie aux pays des Grisons nous y verrons des stratagemes estranges y auoir esté iouez aux despens de la vie des Catholiques & des garnisons Catholiques del' Archiduc Leopolde & du Gouverneur de Milan, qui ont toutes esté massacrées par lesdits Grisons, ainsi qu'il sera dit cy-apres. Et pour ce que ces actions furent faictes contre les articles du traité faict entr'eux & le Gouverneur de Milan, & que ce leur deuoit retourner en blasme & scandale: ils aduiferent pour pretexter ces meurtres, & authentifier leurs reuoltes d'enuoyer leurs Ambassadeurs aux Estats des Princes & Republiques voisines, tant pour demander secours & assistance contre les Milannois, que pour y représenter leurs griefs, & faire trouuer leur cause bonne, ils firent vne forme de declaration ou Manifeste particulier de leurs plaintes, par lequel publians leurs alliances & confederations avec la France & l'Espagne, vomissent tout ce qu'ils ont sur le cœur, contre les Espagnols: & pource qu'il est seant à l'histoire de rapporter la verité des choses autant pour vn party que d'autre, auant que faire voir les choses qu'on allegue pour le tort des Grisons, voyons ce dont ils se plaignent de l'Espagne & Milan audit Manifeste.

Raisons des
Grisons pu-
bliées contre
les Espagnols
& Milannois.

C'est chose, disent ils, notoire à tout le monde, comme la France & l'Espagne ont trauaillé par tous moyens de s'obliger & vnir par alliance des Cantons des Liges de Suisse, & les conféderez d'iceux, en quoy

la France a tousiours esté preferee à l'Espagne, neantmoins celle-cy auroit finalement obtenu & conclud vne alliance avec les sept Cantons Catholiques, qui luy auroit apporté tels aduantages & commoditez au preiudice de la France, que bien goustez & recogneus par les Espagnols ils auroient depuis visé à passer plus outre, & par pratiques continuelles recherché la mesme alliance avec les trois Ligues des Grisons frontieres du Duché de Milan d'un costé, & du Tyrol de l'autre, & employé toutes sortes d'artifices, inuentions, moyens & sollicitations, voire de menaces, tant en general qu'en particulier, pour paruenir à ce but & dessein tant par eux desiré.

De l'Espagne
avec les trois
Ligues Gri-
ses.

Mais les genereuses & fortes oppositions des Seigneurs Ambassadeurs de France par longues annees, & les exhortations cordiales de quelques Cantons de Suisse qui en auroient avec viues raisons destourné les Grisons & par lettres & par deputez, comme aussi l'ancienne inclination de ces peuples Alpains au party de la France, ont rendu tous leurs efforts & traictez d'Espagne vains & inutiles.

Ce que voyās les Espagnols (qui ne desmordent pas aisement de leurs premiers conseils & desseins) ils prennent resolution pour venir à bout de leurs intentions de se porter à des remedes plus violents, & de se seruir du pretexte de la Religion, duquel ils ont si souuent coloré leurs desseins & vsurpations,

1622.

Cela se fit en
Juillet de l'an.
née 1620.

de maniere qu'avec l'aide & intelligence de quelques bannis, traistres, scelerats, & ennemis iurez de la patrie, & d'un nombre de perfides & desloyaux suiets de la Valtoline, ils se donnent entree en iceluy pays, par le moyen de ce barbare & horrible massacre, commis & perpetré par surprise au mois de Juillet 1620. dans plusieurs lieux de la Valtoline.

Effect qui a traîné en suite la perte du Comté de Chiauenne, & l'entiere oppression de l'ancienne liberté des Grisons, lesquels ayans esté depuis enuahis hostilement de tous costez par les troupes & armées des Espagnols, & de ceux de la maison d'Autriche, ont esté contraints par le Gouverneur de Milan, d'accepter tout ce qu'il leur a voulu prescrire, voire beaucoup plus qu'il ne demandoit du commencement, en tant qu'il les a fait renoncer non seulement aux pays suiets de la Valtoline & autres, mais aussi à vne partie de leur propre pays franc & libre, qui est du corps mesme de la Republique: comme ainsi soit que sa Majesté tres-Christienne ayant par vne singuliere clemence pris en main la cause, & l'affliction de ses alliez Grisons & non seulement par ses Ambassadeurs ordinaires en Espagne, mais aussi par vn extraordinaire Monsieur de Bassompierre, moyenné & fait conclure la restitution de la Valtoline, & le restablissement de toutes choses en leur premier estat, au contenu des articles accordez le quinzième Aupil 1621. à Madrid entre les deux Majestez, lesquels se

Ambassade de
Monsieur de
Bassompierre
en Espagne
pour cet af-
faire.

doiuent executer promptement. neantmoins on ait sceu avec tant d'artifices gagner temps en adioustant (pour euitier l'exécution promise, delays sur delays sous des vains & friuoles pretextes) que finalement le tout soit honteusement esuanouy, & allé en fumée.

Et bien pis, qu'au lieu de rendre la Valtoline, pays sujet aux trois Lignes grises, on ait encore osé à la veüe & aspect de la France, & de tous les Princes & Estats voisins, subiuguer & opprimer tout le reste de ceste Republique.

Traité de Madrid entre le Roy d'Espagne & M. de Bassompierre.

Or les articles de Madril (acceptez par les Grisons & par leurs alliez) estoient tels.

1. Que toutes choses seroyent remises en leur premier estat tant d'un costé que de l'autre, de maniere que tous les soldats qu'on aueroit leuë nouuellement seroient congediez, reseruez du costé de sa Majesté Catholique seulement ceux qu'elle auoit deuant ces troubles.

Articles.

2. Que lesdicts Seigneurs Grisons octroyeroient pardon general aux rebelles & malfaieteurs de la Valtoline, Bormio & Clauenne, tellement qu'ils ne soient chastiez ny aux corps ny és biens, ains le tout mis en oubly.

3. Que touchant la religion, seroit leuée & ostée tant seulement la nouveauté laquelle auroit esté introduite au preiudice de la Catholique Romaine depuis l'année 1617.

4. Que lesdits Seigneurs Grisons ratifieroient moyennant vn serment authentique &

1622.

conuenable, ce qui a esté conclu & déterminé: que S. M. Tres-chrestienne & Messieurs les 13. Cantons, ceux du pays de Vallay, ou la plus grand part d'iceux, procureroyent que tout cela soit maintenu & obserué.

5. Qu'en outre le President de la Franche-Comté, l'Ambassadeur extraordinaire de sa Majesté Tres chrestienne, & le Nonce du Pape, deuroient s'assembler à Lucerné au dernier de May 1621. pour executer cet affaire, dont 2. copies correspondantes vne en la langue Françoisse, l'autre en la langue Castilienne seroient baillées à chacune partie.

L'Archiduc
Leopold
veut r'auoir
les terres qui
dependent de
son Comté
de Tirol és
Lignes Gri-
sonnes.

Tant s'en faut doncques que ces articles soient exécutez, comme dit a esté, qu'au contraire le gouuerneur de Milan conuient par vne secrette intelligéce avec l'Archiduc Leopold qu'il deura attaquer les Grisons sous pretexte de que'ques siennes vieilles pretensions sur la vallée de Munster, basse Engadine, & les huit Droitures ou Iurisdiccions (qui fôrt la 3. ligue des Grisons) Lesquels pays en effect il enuahit & subiugua avec quelques autres communes de la Ligue de la Caddée par force ouuerte de guerre contre l'expressse teneur du traitté de paix perpetuelle ou hereditaire que les Grisons ont avec la maison d'Austriche, qui porte que les deux parties ne feront iamais aucune chose l'vne au preiudice de l'autre, & que tous actes d'hostilité sont defendus. mais que suruenant quelque different & mes-intelligence entre icelles, le tout deura estre decidé & terminé par voyes

Rebell. & affaires estrangeres. 75

1622.

communes de iustice équitable, soit par des Iuges neutres qui seront nommez & choisis par les parties.

Nonobstant quoy ledit Prince Leopold a mis la main presques sur toute la troisieme Ligue, & plusieurs iurisdiccions de celle de la Caddée, les desmembrant ainsi du reste du corps des Grisons, qui depuis vne infinité d'années estoit si bien vny & conioint par vne confederation & alliance perpetuelle & inseparable avec formel consentement des Princes d'Austriche, lesquels mesmes se sont obligez & liez par sermens prestez avec execration à diueres fois pour eux & leurs successeurs quelconques, de vouloir garder & observer inuiolablement le traité susdit à toute perpetuité, sans qu'au reciproque on ait iamais eu intention de desroger aux droicts des Seigneurs directs, pourueu seulement qu'ils laissent ladite Ligue & iurisdiccions susdites en la iouissance de leurs droits, libertez, coutumes, immunitéz, & franchises anciennes, desquelles ils ont iouy de tout temps sans contredit, & qui furent solennellement confirmez aux huiet Droitures par les Seigneurs Barons de Vatz, Comtes de Toggenbourg, Vverdenberg, Monfort, & de Matsch, & finalement par l'Archiduc Sigismond, par les Empereurs Romains Maximilian I. Charles V. Ferdinand I. & son fils l'Archiduc Ferdinand, par Rodolphe II. Et dernièrement par Maximilian Archiduc d'Austriche, tous de tres-glorieuse me-

3. Ligue attaquée par ledit sieur Archiduc.

3. Ligues Grises diuisees en 3. Droitures.

1622.

moire pour eux & tous leurs heritiers & successeurs quelconques.

Qui plus est, ils ne se contentent pas d'auoir desmembré les huit Droitures & quelques Communes de la Caddée du reste des Lignes Grises, mais encor ils leur ont fait solennellement abiurer toutes autres alliances & confederations avec serment de n'en traiter à l'aduenir, & par tels artifices les ont alienés & diuertis du party de la Couronne de France, & ont tout à fait annullé ceste si ancienne alliance avec la France, qui auoit continué & subsisté depuis tant d'années, avec si grand applaudissement & resiouissance, à l'honneur, bien commun & singulier contentement des deux parties. Alliance dis-ie fomentée & entretenüe par l'honneur d'une residence continuelle des Agents & Ambassadeurs de France dans le pays, & par vne suite de beneficences & largesses dignes de la puissance d'un si grand monarque, ausquelles ces peuples auroient tasché de respoñdre par tous prompts & fideles seruices en diuerses notables occasions, suyuant le deuoir de l'alliance. Qui fut quāt à la premiere establie par le Roy Charles VII. le quatriesme d'Auril en l'an 1433. à Paris avec les Cantons des Suisses, confirmée dans Abbeuille le 27. Nouembre 1463. par Louys XI. son fils & successeur au Royaume. Du depuis renouelée avec addition de plusieurs articles : & faicte par le mesme Roy non seulement avec les Suisses, mais aussi avec les Grisons, & autres leurs alliez, &

Ancienne alliance des
Grisons avec
la France.

Confirmée &
renouelée
de temps en
temps.

ainsi inuiolablement a elle esté obseruée, iusques au regne du Roy tres-Christien à present regnant. Car Charles fils du Roy Louys susdit, renouuella ceste alliance en l'an 1499. Celle qui est entre sadicte majesté & les Liges Grises fut aussi par le mesme Roy Charles renouuélée à Cremone en Italie le 24. Iuin 1508. Le Roy François I. son gendre fit vn traicté de paix perpetuelle avec les Cantons des Liges de Suisses, & leurs alliés à Fribourg la veille de S. André l'an 1521. & le 7. May il fit alliance à Zurich avec tous les Cantons de Suisse, excepté Zurich, & avec la Ligue Grise. En laquelle alliance entra aussi puis apres la Ligue de la Caddée & celle des dix Iurisdic-tions le 5. Feurier 1527. en la ville de Coire. En l'an 1549. la mesme alliance fut renouuélée par le Roy Henry II. fils du Roy François I. & le mesme fit Charles IX. en l'an 1564. Henry III. l'an 1582. Et finalement l'an 1602. Henry IIII. qui pour ses faits heroïques a esté meritoirement surnommé le Grand, lequel y voulut comprendre son fils premier né lors Dauphin de France, & à present Roy tres-Christien, auquel on a rendu inutile ceste alliance, tant du costé de Milan que de Tirol, par la violence des armes Espagnoles & d'Austriche, non seulement au regard des 8. droictures, & de quelques communes de la Ligue de la Caddée, mais aussi pour le reste des Grisons, où ne paroist plus que l'ombre & le nom, supplantés & opprimez en effect.

1622.

Plainte contre le Gouverneur de Milā

Milanois defaits à Chauenne.

Mais à fin quel'on voye les artifices desquels se sert le Gouverneur de Milan ne faisant estat d'aucun Traité. Au temps qu'il deuoit executer les articles de Madrid, n'entreprit-il pas de se rendre maistre du Comté & Seigneurie de Clauenne appartenante aux Grisons? Car pour cest effect, il fit monter le Capitaine Vassallo avec ses gens d'un costé de la riuiere appellée Meyra par dedans les terres dudit Comté, & tirer droit vers Clauenne, lequel deuoit estre suiuy & secondé par un gros de Neapolitains & Milanois, qui deuoient marcher en mesme temps de l'autre costé de ladicte riuiere, mais d'autant que ceux-cy se trouuerent embourbez dans les sablons à l'endroit où la riuiere Ada se descharge dans le Lac, vne partie y estans demeurez, & les autres empeschez à sortir leurs compagnons, ils ne peurent arriuer & se trouuer à point nommé à ceste entre-prise, de sorte que le Capitaine Vassallo estant approché ceux de la garnison de Chauenne tous Grisons firent vne sortie, où il fut desfait & mis en fuite avec toutes ses gens & luy mesme tué. Et ainsi pour l'heure s'esuanoïit ceste entre-prise.

Les Grisons donc se voyāt biē esloignés de l'execution des articles de Madrid sur laquelle on les amusoit, puis que tout au contraire le Gouverneur de Milan par actes d'hostilité les venoit enuahir en leur pays, & ainsi donnoit assez à cognoistre qu'il ne faisoit aucun

estat desdits articles non plus que d'une carte volante, se resolurent de reprendre leur propre pays & sujets si possible estoit, sur leurs ennemis, & d'entre les mains de leurs perfides & desloyaux rebelles, pour euer vn plus grand progrès dans leur pays, ainsi que l'on auoit desia entrepris de faire, pendant & durant la negotiation pour l'execution dudit traité de Madrid. Mais afin de n'ombrager aucunement ledit Gouverneur de Milan, & qu'il ne pensast qu'on voulut entreprendre contre son Estat, ils s'esloignerent le plus qu'ils peurent des confins du Milanois & firent leur entrée vers Bormio. Et combien que pour lors rien ne fut effectué de consequence par lesdits Grisons, qui pour diuers defauts se retirerent en leurs maisons, neantmoins ledit Gouverneur en personne se remit tout aussi tost en campagne & entra avec ses meilleures forces dans le Comté de Clauenne qui estoit gardé par petit nombre de gens, qui n'attendoient rien moins que cela, sur les nouuelles esperances qui estoient données d'une finale execution dudit traité de Madrid, ainsi prit par force & hostillement la Seigneurie & Comté de Chiauenne & de là entra en Bregaglia communauté du pays & autres lieux circonuoisins qui furent tous mis à sac, à feu, & sang. Et tout cela pour ceste principale fin de demeurer Seigneur & Maître des passages & des Alpes, & de retirer les Grisons du party de France pour les ioindre & attacher à celuy d'Espagne: & pour ne

Pretention
des Grisons
sur les Garni-
sons Milan-
noises.

Comté de
Clauenne en-
uahy par le
Gouverneur.

1622.

point douter de cela, il ne faut que regarder le fonds de l'affaire.

Car apres la rebellion suruenuë comme dit est en la Valtoline, on fit incontinent leuë du regiment du Colonel Beroldinguer Suisse, lequel on fit entrer dans la haute Ligue, pour prendre garde (disoit-on) à la seureté des Grisons suuant le traité d'alliance qui est entre ses Seigneurs & superieurs, & lesdits Grisons, & leur ayder à recouurer le pays de la Valtoline. Cela à la verité eust deu estre fait, mais puis que luy & son regiment estoient payez par le Gouverneur de Milan, il ne pouuoit s'employer contre les rebelles de la Valtoline qui tiroient toute leur assistance, secours & protection du Milanois.

Et les effects ont assez tesmoigné quelle estoit leur intention. Car par le moyen dudit Regiment, ledit Gouverneur fit faire escorte à ses creatures les bannis des Grisons qui auoient entrepris d'introduire l'alliance d'Espagne à l'exclusion de celle de France, & par l'entremise desquels il obtint des Communes de la haute Ligue, qu'ils enuoyeroient des Deputez à Milan, ce qui fut effectué, & parmi eux se meslerent des bannis, lesquels conclurent vn traité avec le Gouverneur de Milan en faueur de l'Espagne, nonobstant qu'ils fussent incapables de ce faire, estans obligez par serment de ne rien faire sans le consentement des autres deux Ligues; Puis quand il fut question de presenter ce traité aux Communes de la Ligue Grise, pour estre ratifié,

ils

Les Grisons
traitent avec
les Milanois.

Rebell. & affaires estrangeres. 81

1622.

ils firent venir grand nombre de soldats armez du susdit regiment en la presence de l'assemblée, lesquels forgoient & violentoient ceux qui estoient contraires, & qui vouloient tenir bon pour l'alliance de France avec menaces de les perdre & ruiner. Et ainsi par la necessité qui leur estoit imposée, l'affaire passa, & fut ledit traité de Milan ratifié par force au tres-grand prejudice de l'ancien traité de la confederation de trois Liges qui est la loy fondamentale de tout l'Estat des Grisons. mais comme ce fut vne chose violente & introduite contre le serment, obligations & formalitez portées par ledit traité de la Ligue, elle ne fut pas de longue durée, pour ce que les deux Liges entrerent avec main armée en ladite Ligue Grise & firent reuoyer le tout en mesme temps.

Puis rompent
le traité.

Ce neantmoins le gouverneur de Milan non seulement ne desista point de sa poursuite, mais s'eschauffa de plus en plus à l'advancement de ses desseins, & voyant que sans grandes forces il n'en pouvoit venir à bout, il employa & estendit la puissance de ses armes & de celles d'Austriche si auant par establissement de garnison és meilleurs endroits des Grisons, & par violence ouverte enuers les deputez Grisons, qu'en fin il obtint la renonciation de la Valtoline, & vn traité plus estroit qu'il n'eust iamais osé esperer.

disent que le
Gouverneur
de Milan leur
fait renoncer
à la Valtoline

Car quand les deputez refusoient de faire ce qu'il vouloit, on les menaçoit de poursuiure & employer les forces d'Espagne contre

1622.

eux iusques à l'entiere ruine & desolation du pays des trois Liges: par ce moyen non seulement il fit chanter les deputez selon le ton qu'il leur voulut donner, mais aussi fit faire aux Communes oppressees par les troupes estrangeres, tout ce que bon luy sembla.

Et combien qu'en apparence il semble qu'en l'un des articles du traité de Milan on reserue avec beaucoup d'artifice l'Alliance de la Couronne Tres-chrestienne, toutesfois ce n'est que par forme & en paroles, mais en effect elle se trouue du tout cassée, annullée & eneruée comme chacun de sain iugement pourra voir, qui voudra conferer ladite Alliance de France avec ce traité nouveau & perpetuel d'Espagne & Autriche fait à Milan, & avec le traité de renonciation à la Valtoline qui ont esté publiées & imprimées à Milan, à la seule lecture desquels tous bons François ne peuuent que s'offencer grandement & s'esmerveiller d'une si hardie usurpation & innouation au preiudice de l'interest & autorité d'un Roy de France.

Mais il s'en trouuerra qui s'estonneront pourquoy les Espagnols & ceux d'Autriche ont employé tant de forces, & si grandes despenses pour venir à bout de cet affaire, & pour acquerir la domination des Alpes, lesquelles de leur nature sont steriles, & veu que la nation Grisonne n'est pas des plus grandes & puissantes, & leur pays si rude & sauuage qu'on n'en peut pas esperer & tirer grand profit ny aucun reuenue d'importance. mais

Quiconque prendra l'affaire au fond & con-
siderera l'assiette de ce pays & l'incroyable
commodité des passages, il verra bien tost
que les Espagnols ont bien sceu faire leur
compte.

1622.
Pays des Gri-
sons fort ste-
riles & sauua-
ges.

Ils disent puis que leur Roy s'appelle Ca-
tholique qui est autant à dire qu'Vniuersel,
qu'il est aussi raisonnable qu'il soit tel non seu-
lement de nom, mais aussi en effect. Ce qui
ne peut estre sans la suppression de tous les
autres Royaumes, Principautez, Estats &
Seigneuries, & que partant il n'y a autre meil-
leur moyen pour paruenir à ce dessein, que le
fait qui s'est pratiqué aux trois Ligues Grises,
comme plus amplement a esté representé par
plusieurs fois au Roy d'Espagne avec de for-
tes & viues raisons tant par écrit que de bou-
che par le Gouverneur de Milan & autres
grands personnages d'autorité & de repu-
tation, qui en reuiennent tous là, que le Roy
Catholique peut entrer par cette porte & par
ces Alpes à la domination generale, & effe-
ctuellement former la Monarchie vniuersel-
le par luy pretenduë des long temps, & à la-
quelle il se va acheminant tantost d'un costé,
tantost de l'autre, si par le contrepoids de la
monarchie Françoisse n'y est remedié de bon-
ne heure.

De fait, l'Espagne ayant les Grisons à sa de-
uotion, elle & la maison d'Autriche ont
tous les passages de la Suisse pour entrer &
sortir d'Italie, à leur commandement.

Importance
du pays des
Grisons au
Roy d'Espa-
gne.

Par ce passage la porte est ouuerte à la con-

Calomnies
inutiles.

queste de plusieurs autres Prouinces, & d'autre costé par ce passage fermé sont assurés les Estats des Espagnols. De rechef par ce moyen ils tiennent tout ce qui est en Italie sous leur puissance & demeurent seuls Arbitres de toute l'Italie, ny ayant Prince ny Estat soit seul soit coniointement avec les forces d'autrui, qui leur puisse resister. Le Pape mesmes duquel à l'entrée de la Valtoline on a emprunté les bannieres pour authentifier le pretexte de la Religion, se trouue enfermé deuant & derriere, & sera contrainct bon gré mal gré qu'il ait de s'accommoder aux volontés de l'Espagnol; qui sera bien content luy laisser la Monarchie vniuerselle spirituelle, pourueu qu'il se retienne la temporelle. Brief ces pays & passages des Grisons sont le droit & fort court chemin d'Italie en Allemagne, de l'un à l'autre reciproquement, & seruent d'un grand abbrege de chemin à l'Espagnol pour ietter ses armées d'Italie en Allemagne, lesquelles cy deuant estoient obligées faire un grand destour, & ainsi occupez & possédez par l'Espagnol, toutes les principautés, Estats & puissances de la haute & basse Allemagne peuuent estre surpris, & enuahis & subiuguez à l'impourueu, & ceux qui se trouuent les plus proches des Alpes en situation, seront tant plus en danger de telles inuasions. Et par iceux sera fait le chemin aux autres plus esloignées Prouinces.

Or estans les Couronnes de France & d'Espagne les deux equilibres de la Chrestien-

cé, il n'y a point de doute, qu'à mesure que l'Espagne s'accroît en grandeur & puissance, la France en diminue d'autant, & tombe non seulement en un mépris odieux, mais en tel estat qu'elle ne se pourra pas mesmes assurer de sa propre conservation, comme sera montré cy-apres: elle cependant qui aux siècles passez estoit en reputation d'estre l'Arbitre de l'Italie, l'ayant par fois deliurée avec de tres-puissantes armées, par fois avec la seule apprehension de ses armes, de la main de ceux qui la vouloient enuahir: Et combien que la Couronne de France soit presque seule demeurée des longues années comme maîtresse des passages des Grisons par le moyen de ses Alliances, ç'a esté neantmoins sans aucun danger ny apparence d'abus au dommage d'autrui, puis mesmes qu'elle ne possède aucunes terres ou Seigneuries aux environs, Ains seulement pour la propre conservation & protection de la republique des Grisons & des autres Estats voisins: Au lieu que l'Espagnol & la maison d'Autriche qui du costé de Milan & de Tyrol affrontent ledit pays, affectent la domination de ce passage pour leurs propres interests & au grand préjudice des autres Princes & Estats voisins qu'il stiendront en Allemagne & sur tout en Italie resserrez & bloquez à leur appetit & volonté.

Preiudice
pour la France.

Bien plus, si un Roy d'Espagne vouloit mesme entreprendre sur un Estat & pays voisin, comme iadis il a fait, y ayant occupé des

Conséquences
à noter.

1622.

plus grandes & meilleures villes sous les derniers Lignes, ne pourroit-il pas pratiquer quelque Prince ou Grand mal-content pour brouiller & troubler le Souuerain, sous quelque pretexte, & en apres faire excommunier par le Pape (lequel il tiendra du tout en sa puissance par le moyen de ce passage comme dit est) le vray & legitime Prince, absoudre ses sujets par le lien de leur conscience, du deuoir naturel qu'ils ont à leur Legitime souuerain, pour leur faire embrasser le party d'un nouueau Roy? L'argent & les gens de guerre d'Espagne n'ayderont-ils pas aussi à faire iouir les ressorts d'une telle entreprise, voire avec si grande puissance, que personne ne luy pouroit resister.

On laisse doncques à iuger à tous bons François & plus clair voyans pour ces raisons & autres infinies qui pourroient estre plus amplement deduites sur ce sujet, s'il est raisonnable de permettre au Roy d'Espagne un tel aduantage par dessus tous les autres Royaumes & Estats tant Ecclesiastiques, que seculiers du monde.

La France est la plus interessée en cet affaire, puis qu'il concerne ses plus fidelles & affectionnez seruiteurs & alliez, qu'elle s'est obligée de les defendre & maintenir contre toute violence & oppressio en vertu des traitez d'alliance & cōfederation, qu'elle ne doit permettre que des traitez si solennels soient rendus illusoires, rompus ou alterez au moindre point, & les accords encreuez & annullez,

les priuileges, & libertez des peuples supprimée, leurs passages vsurpez au preiudice de toute la Chrestienté, leur Estat entier ruiné, & la plus part d'entre eux afferuis sous le ioug Espagnol. Dieu maintient les grands Royumes & affermit le throsne des puissants roys, à fin que principalement ils secourent & assistent les foibles en leur droict contre ceux qui les veulent opprimer.

L'honneur & reputation de la Couronne de France y demeurent specialement engagez, puis qu'on luy a promis à Madrid de restituer la Valtoine, & de remettre le tout en son premier estat. Ce que tant s'en faut qu'on ait effectué, qu'au contraire par vne pure mocquerie & mespris de la Couronne, on s'est emparé presques de tout le residu du Pays, avec vn entier ancantissement de l'alliance de France.

Laquelle neantmoins a bien eu iadis le pouuoir & le credit, comme tesmoigne l'histoire des guerres d'Italie, que de faire entrer les Grisons en possession de ceste mesme Valtoine, & dernièrement de faire restituer Verceil apres quelques delays au Duc de Sauoye, puis qu'ainli luy auoit esté promis & accordé par vn traité non plus authentique que celuy de Madrid. Et ce seroit vn affront trop signalé à vne Couronne si puissante que de souffrir que la parole donnée à ses Ambassadeurs & mise par escrit soit si honteusement enfreinte & violée: Son ancienne vigueur & valeur qui faisoit trembler tous ses voyfins, n'est

Le traité de Madrid porte qu'on rendra la Valtoine à condition que les Catholiques y seront assemblez contre la mauuaise affection des Grisons huguenots.

1622.

point racourcie, ny diminuée.

Et comme elle seule peut remettre les peuples desolez des Grisons en leur premiere liberté, tant plus grande aussi sera l'obligation qu'ils luy auront de leur deliurance, ensemble tous autres Estats qui pour la consequence de l'ouverture des passages sont exposez au mesme danger.

Ce sera vne action glorieuse de ne souffrir point qu'un tiers demeure Seigneur de ce pays pour s'en servir au preiudice & dommage de toute la Chrestienté, & que ceste Republique si libre & si ancienne, & ceste valeureuse nation tant recommandée par l'antiquité soit precipitée dans l'abyssme de seruitude.

Defence des
Espagnols. Les Espagnols pour excuser & pallier ceste usurpation vont publiant que les Grisons ont consenty volontairement à tant d'enormités & de preiudices : mais ce pretexte n'est de mise, veu qu'en effect, & selon la pure verité il se trouuera qu'ils y ont esté trainés par force, tant au commencement, comme il a desia esté monstré, qu'en la conclusion de la negotiation selon qu'il s'ensuit.

Car comme la ratification des articles donnés à Milan au mois de Ianuier dernier, estoit attendue des Communes de la Ligue Grise & la Caddée, & qu'elle estoit differée plus que n'eust pensé le Gouverneur de Milan pource que les peuples des Grisons en faisoient difficulté s'y sentans fort greuez, ice-luy Gouverneur despescha en grand haste un certain Iules Ceseri au pays des Grisons, pour

leur protester de sa part, que si la ratification n'estoit promptement faite & remise, il s'en alloit sans aucune grace mettre à feu & à sang toutes les Seigneuries & communautéz qui en feroient refus, & en dōner l'exécution aux troupes d'Autriche qui estoient au pays & au susdit Regiment du Colonel Beroldinguer. Lequel estoit sur les frontieres de la Ligue Grise, & aux compagnies Espagnoles logees à Chiauene: par ainsi les pauvres peuples tous espouuantez l'auroient finalement ratifié par violence & par force manifeste & contrainte, qui est bien le contraire d'une fraîche volonté & d'un libre consentement tel qu'il est requis en matieres d'importance & d'Etat à peine de nullité.

Bref l'equité de la cause conuie sa Majesté tres-Chrestienne au recouurement des Grisons, l'asseuree benediction & faueur du Ciel sur vn si iuste exploit contre l'iniuste detention, l'interest de sa propre dignité & reputation, la grandeur de la conqueste pour les infinies & grandes consequences de toute la Chrestienté, l'opportunité & rencontre du temps qui tient les ennemis empeschez autre part, la facilité de l'entreprise, n'y ayant point encore pour le present de fortifications qui soient considerables, lesquelles autrement estans acheuees comme ils desseignent, veu l'assiete des lieux & la qualité des passages, dans peu de temps se rendroient inexpugnables.

Le nombre de ceux qui ont mieux aymé

s'absenter du pays & abandonner leurs maisons & commoditez particulieres, que de s'assuietir à vne si inique oppression contre leur liberté naturelle de corps & d'esprit & se desvnir de la Couronne tres-Chrestienne, monte à plus de 15. cens personnes, & entre iceux se trouue vn bon nombre des plus sincerés qui estoient au Gouvernement de la Republique.

En fin tous les peuples qui restent au pays gémissons & lamentans leurs grands malheurs appellent sa Majesté & la conuient par des souspirs secrets comme leur vniue Procteur.

Implorent le
secours du
Roy de France.

En consideration dequoy si sa Majesté prend la defence de la tres-iuste cause de ceste nation tant affligée & desolée, sa confederée & tres-affidee, & la retire par sa puissance du fascheux labyrinthe où elle se trouue, elle aura iuste sujet de le recognoistre pour son Libérateur. Si fera chose digne de sa grandeur, & immortalisera sa gloire en la memoire des viuans.

Voilà le discours que tiennent les Grisois en plaidans leur cause chez les Princes estrangers leurs amis & aliez : les Ambassadeurs Suisses qui sont venus en France, pour représenter ce que dessus à sa Majesté tres-Chrestienne, la furent saluer à Xaintes, & de là estans venus à Paris remporterent assurance de quelque resolution que le Roy leur promit rendre lors qu'au retour du Languedoc sadite Majesté se rendra en sa ville de Lyon.

Cependant vn peu deuant, & du depuis se font passées en la Valtoline, & en la troisieme Ligue Grise du costé du Tirol les deux actions qui s'ensuiuent.

Pour la premiere, ce fut sur le cōmencement du Printemps, que dās la ville de Mayensfeld en la 3. Ligue Grise, se passa vne tragedie estrange: car l'Archiduc Leopold pensant estre asseuré de cette place, y auoit enuoyé vne forte garnison d'Allemands & d'Espagnols pour empescher la reuolte des habitans, qui ou quoy que gourmandez par lesdites garnisons, ou soit qu'ils regretassent la perte de leur premiere liberté ou autrement, vn iour de feste pendant que les Catholiques & la pluspart des soldats desdites garnisons estoiet aux Eglises, lesdits habitans quoy que desarmez, se saisirent de couteaux, dagues & autres ferremens, avec lesquels, ils entrerent furieusement es Eglises, & se ruerent sur les soldats estrangers, & massacrerent presque toutes lesdites garnisons, chassans hors de Mayensfeld (de laquelle ils se rendirent maistres par cette catastrophe) le reste qui s'y trouua tant Espagnols que Milannois, & y manderent en leur lieu d'autres garnisons Suisses & Grisonnes, & dauantage massacrerent aussi le reste des familles tant dudit Mayensfeld que du pays, action sanguinaire que le Gouverneur de Milan prit tellement à cœur, car on y massacra douze ou treize cens Catholiques, que dès lors il protesta s'en vanger. Et quoy que cecy soit la verité de ce qui s'y passa, contre le

Massacre cō-
mis par les
Grisons sur
les garnisons
& Catholi-
ques de
Mayensfeld.

1622.

serment que les Grisons auoient fait au traité de Milan : neantmoins iceux Grisons Protestans, deguisent cette action d'un autre biais, & se seruent de ce pretexte pour couvrir ce massacre, disans.

Le Colonel Balderon, Gouverneur pour l'Archiduc Leopold audit pays, ayant faict conuoquer, l'onzième iour d'Auril 1622. les principaux habitans de la Rhetigoye, leur enioignit, disent ils, de ratifier par serment, à peine de mort, entre autres les articles suiuians.

Articles passez entre l'Archiduc Leopold & les habitans de la Rhetigoye.

1. Que leur Religion estoit fausse.
2. Qu'ils banniroient à iamais de leurs maisons & pays les Bibles & liures correspondans.
3. Qu'ils chasseroient les Ministres.
4. Qu'ils contribueroient de là en auant aux Prestres ce qu'il fouloient bailler aux Mistres pour leur entretenement.
5. Qu'ils frequenteroient soigneusement la Messe.
6. Qu'ils manifesteroient ceux qui d'entr'eux feroient trouuez seditieux pour en receuoir le chastiment.

Ceux-cy, adioustent-ils, voyant qu'il falloit mourir, ou se reuolter de la Religion, en laquelle ils estoient nez & nourris, resolurent ensemble de perseuerer, & cependant mourir en procurant leur liberté. Ils estoient destituez de leurs armes, que le Colonel Balderon leur auoit ostées, lors qu'il se rendit Maistre de leurs places & bourgades : mais au lieu d'ar-

mes ils se firent des massuës de bois de fau, coururent aux bastons & instrumens de labourage, comme fourches, hoyaux, &c. puis d'un commun accord le quatorzième dudit mois se ruèrent à l'improvisite sur les garnisons dudit Colonel Balderon avec telle hardiesse qu'ils massacrerent près de cinq cens hommes, mirent en fuite les autres, plusieurs desquels furent tuez par les femmes accourantes de tous costez avec leurs armes de cuisine.

Et ne faut oublier l'accident qu'ils publient y estre arriué au mesme temps. Cinquante mousquetaires de ses garnisons, logez au village de Schiers, passage notable & important, se retirerent au bruit dedans le temple du lieu, où estoient leurs munitions de guerre: le feu se print, on ne sçait comment, à la poudre dont la voute dudit temple estant soudainement rompuë, tomba sur ces mousquetaires, qui en un instant perirent sous les ruines d'icelle.

Ce ne fut vn accident, mais vne action faite par premeditation.

Or apres que les Pretigouiens eurent partie chassée, partie massacrée les garnisons de l'Archiduc Leopold ils se transporterent au Domaine de Mayenfeld, pour par un assaut, ou par le moyen d'un siege, deliurer aussi ceste ville-là des garnisons, ce que toutesfois iusques à present ils n'ont peu effectuer. Ains ils furent attaquez le vingt-cinquième d'Auril par nouvelles forces venuës du Veldkirch, sous le Colonel de Renay, en trois diuers endroits, à sçauoir par la montagne de saint

Lucius leur principal & plus important passage : par le mont de Flach, & à Flanch mesme, qui estoit vn beau & grád village, auquel les troupes del' Archiduc Leopolde mirent le feu, pensans qu'une partie courroit pour l'esteindre, & que par ce moyen ils pourroient se saisir plus commodement d'un ou d'eux passages. Mais il n'en arriua pas ainsi. Car les Prettigouiens, sans s'arrêter à la conseruation de leur village, enuoyerent incontinent 85. hommes armez, partie de mousquets, partie de massuës, pour choquer promptement le gros de leurs ennemis. Ce qu'ils firent si resfolument, & impetueusement qu'ayant massacrè & tué sur le champ 400. d'iceux, ils mirent le reste en fuite, les talonnant de si prés, que deux cens d'iceux se precipiterent dans le Rhin.

Voyla ce que disent les Protestans. Mais les nouuelles de Milan disent plus, & est la seconde action qui s'est passée sur les lieux. C'est qu'ayant esté rapporté au Gouverneur de Milan que depuis le partement de l'Archiduc Leopolde de la Comté du Tirol pour s'acheminer en diligence avec ses troupes dans son pays d'Alsace où Mansfeld faisoit vn grand degast, & y tenoit Sauerne assiégré, les Grisons Protestans du pays rechercherent l'occasion de massacrer les garnisôs Catholiques que ledit sieur Archiduc Leopolde y auoit laissées sous la conduite de son Colonel Balderon, & de fait en massacrerent vn bon nombre, mesme quelques Peres Capucins qui se trouue-

Capucins
massacrez par
les Grisons.

rent entre leurs mains lesquels ils mirent cruellement à mort.

1622.

Ce qu'ayant sçeu le Gouverneur de Milan, indigné de ce tant barbare & cruel traitemēt fait ausdites garnisons & aux Catholiques, ayant ja esté pardonné à ceux de Coire qui vouloient pareillement se soussueuer contre la garnison Catholique establie en la place, a enuoyé six mille hommes dans la Valtoline, qui ayant passé iusques aux extremités d'icelle dans le pays d'icelle troisieme Ligue Grisonne vers Mayensfeld, ont trouué les Grisons en armes bien retranschez & barricadez, lesquels ils ont furieusement attaquez & assaillis avec tant de furie, qu'ayans gagné leurs retranschemens & barricades, & rendu vn combat assez rude, il en est demeuré plus de douze cens de la part desdicts Grisons Protestans: Et pour ce que plusieurs paysans auoient secouru lesdits Grisons en leurs entreprises contre les susdites garnisons de l'Archiduc Leopolde & les Catholiques, il est à craindre que leurs bourgs & villages ne passent par le feu.

Chatiment
fait aux Gri-
sons par les
Milannois.

Voyla ce qui se passa au pays des Grisons sur ce Printemps; la suite de l'histoire nous en apprendra dauantage.

Du costé de l'Allemagne nous apprenons aussi que le Prince Palatin, apres auoir seiourné quelques années apres la deroute de Prague au pays bas, se resolut en fin avec le secours que les Hollandois luy fournissoient, & sur l'assurance que luy donnoient

1622.

l'Euesque d'Alberstat, le Comte de Mansfeld, & le Marquis de Turlach de reconquerir son Palatinat.

Retour du
Prince Pala-
tin au bas Pa-
latinat.

Pour ce subiet estant party de nuiet, & par mer, de la Haye, luy troisieme, avec vn Baron de Boheme & vn marchand de Strasbourg pour se rendre plus promptement & plus secrettement au Palatinat qu'il n'eust peu faire avec l'une de ses armées conduite par le Duc Christian de Brunswic Euesque d'Alberstat, arriue à Calais, & là prend la poste, & passe par la France, Lorraine Alsace, voire à trauers les troupes de l'Archeduc Leopold, dont quelques vns de la Cavalerie ayderent, sans y penser, à luy faire escorte au passage d'un bois, sur la priere qu'enauoit fait ledit marchand à certain gouverneur, luy donnant à entendre qu'il craignoit qu'autrement ces deux escoliers qu'il conduisoit & qu'il auoit deffrayés depuis Paris, ne luy eschappassent, & ne s'enfuissent sans le rembourser, de sorte que ces Cavaliers prenoient fort garde sur ces deux pretendus escoliers, & apres les auoir accompagnez iusques au lieu desiré se retirerent avec remerciement de ce qui leur fut donné pour leur vin.

Escrit de Lan-
dau à Mans-
feld.

Et en fin le Palatin seroit arriué le Ieudy à midy vnzieme Aueil à Landau, ville de son obeissance, où il se donna à cognoistre au Comte de Leuenstein, & de là escriuit vne lettre à monsieur le Comte de Mansfeld, general de ses armées, qui pour lors estoit à Germes-geim, lequel la receut estant à table
avec

auec Rauille Ambassadeur de Brusselle, qui le sollicitoit d'une trefue, & ayant ietté l'œil sur lebas de la lettre, signé Frideric, & dattee de Landau, il se fit à l'instant apporter un verre & beut à la santé de celui duquel venoit ceste lettre. Et peu apres pria ledit Ambassadeur de ne prendre point en mauuaise part, s'il luy falloit changer de logis, pour ce que le Palatin son maistre estoit au pays, & venoit loger là. Ce que ledit Ambassadeur ne pouuoit croire, iusques au lendemain au soir Vendredy douzième Auril qu'il le vit entrer à Germesheim, étant le Comte de Mansfeld allé au deuant de sa Majesté avec quelques Cornettes de Cauallerie. Et comme ledit Ambassadeur voulut saluer le Palatin en luy donnant le tiltre de Roy, soit de Majesté: il fut sur le commencement de sa proposition, interrompu par luy, qui prit la parole, & luy reprocha qu'il estoit venu là, pour desbaucher l'un de ses plus fidelles seruiteurs, mais qu'il ne luy aduint plus ny à ses semblables d'entreprendre telle chose, à peine d'en souffrir. Et ayant recherché une seconde audience, elle luy fut refusée, & luy fut ordonné de se retirer, & fut conuoyé iusques aupres de Spire. Celuy qui a escrit la lettre assure d'auoir veu & laissé le Palatin dans l'armée du Comte de Mansfeld, & d'auoir appris toutes les circonstances cy-dessus desduites, de la propre bouche dudit marchand.

Le Palatin étant ainsi de retour au Palatinat, se joint avec le Comte de Mansfeld,

1622.

Mansfeld luy
va au deuant

Reproche du
Palatin fait
au sieur de
Rauille Am-
bassadeur de
Brusselle.

1622.

qu'il faißt General de son armée, & pour ce qu'ils n'estoient assez puissans pour chasser du pays, le Baron de Tilly, & Dom Gonzales de Cordoia, avec les armées de Bauiere & d'Espagne, qui occupoient le pays, ils se resolurent de ne rien hazarder qu'ils n'eussent ioint le Marquis de Baden dit Turlach, & l'Euesque d'Alberstat qui deuoit amener le secours d'Hollande avec vne armée de dix à douze mille hommes.

Protestation
du Marquis
de Turlach
faicte en sa
Chancellerie.

Ledit Marquis de Turlach, qui s'estoit derechef reuolté contre l'Empereur qui auoit iuré vne haine immortelle aux Catholiques, le Lundy 15. Aueil, en presence de son fils aîné, de sa Chancellerie & de tous les plus grâds officiers de s^{on} pays, quitta à tous ses suiets le sermēt de subiection & d'hōmage qu'ils luy deuoient, & declara en sadite Chancellerie, de vouloir désormais estre soldat & mourir tel, & de ne reculer dans les armes, ny les quitter, iusques à ce que les heritiers du feu Marquis Eduard (ce sont ses nepueux, qu'il a miserablement frustré de leur heritage apres la mort de leur Pere) soient exterminés, les Espagnols chassés de l'Allemagne, le Palatin entièrement restably, les Catholiques priuez de toute leur puissance & biens, la Religion de l'Euangile plaine-ment establee & la Catholique aneantie.

Ledit Marquis de Turlach & Mansfeld estoient forts de 40000. hōmes & leur en accouroient de iour à autre dauantage. Ils attēdoient sur tout la Caualerie de Flecquenstain & de Relchermans, ausquels le passage auoit esté

accordé, mesme par les Ambassadeurs de l'Empereur: & quand Alberstat seroit ioint à eux, ledit Marquis estoit resolu premieremēt apres auoir reconquis le Palatinat, de conquerir la

1622.

Desslein dudit
Marquis fort
temeraire.

Duché de Bauiere pour le Palatin, ainsi que ledit Marquis auoit promis de la luy liurer, & les officiers se laisserent ouyr publiquement, qu'ils esperoient de partager en brefs les butins sur le marché à Muncher, delà luy restituer le Palatinat superieur, puis occuper tous les pays Ecclesiastiques. Les Princes & Electeurs Catholiques seroiēt tenus prisonniers leur vie durāt: mais l'Electeur de Mayēce & les Euesques d'Virtzbourg & de Spire comme autheurs de tout ce mal, seroient executez par l'espee.

Ledit marquis s'estoit resolu de ne marcher iusques à ce que la Caualerie du pays bas l'eust ioint, mais salut le faire à cause des grandes instances & fēmonce de sa promesse qu'on luy faisoit, mesme pour ce qu'il n'y auoit plus aucun fourage en son pays, & prit quant & soy 1433. cheuaux du pays pour l'artillerie & munition, & suggera autres moyens aux payfans de labourer leurs terres.

Dauantage demeueroit encore sur la ligue cy-deuant faicte, que ledit Marquis de Turlach & le Duc de Vvirtemberg deuoient maintenir le Palatin par force, & au cas que ledit Duc de Vvirtemberg ne voudroit à present tenir sa promesse, ils vouloient prendre leur passage sur Bauiere par le pays de Vvirtemberg, & poursuire ledit Duc comme autres leurs ennemis, selon que le Palatin,

Menaces contre le Duc de Vvirtemberg.

1622.

ledit Turlach & Mansfeld auoient escrit. Et puis que Vvirtemberg s'en estoit excusé sur l'accord fait à Mayence, & dissuadé audit Marquis de Turlach de commencer l'affaire si precipitâment : Ils firent autre instance par lettre commune, pour resolution reciproque, & ledit Marquis derechef expressement protesta contre ledit Duc de Vvirtemberg, que faussement il l'auoit compris en l'accord de Mayence, ny ayant iamais entendu, & ne voulant encore maintenant auoir à faire avec luy, ains que ceux qui sont compris, & se sont laissez gagner par les doublons d'Espagne à ainsi vendre le Palatinat, seroient tenus pour ennemis, & que parainfi il se seroit déclaré autrement. Ce que Vvirtemberg auroit sur ce respondu, est encore incognu, seulement il logea aussi tost tous ses gens de guerre sur la frontiere dans le Zambergamo, & y enuoya de iour à autre dauantage.

Au mesme temps, le Colonel de Helmstat iura audit Marquis en presence du Referand, comme aussi au Palatin à son arriuee, d'ayder à poursuiure tous les Princes Catholiques, iusques à la fin, à ce que le Palatin paruienne, tant à la Couronne de Boheme que de Roy des Romains.

A Heilbron aussi se faisoient de grands preparatifs pour le Palatin, & les quartiers pour le Camp estoient ja distribuez : mais les communs Bourgeois n'en sçauoient rien, seulement le Conseil Priué de la ville, & le Palatin,

Preparatifs de
guerre a Heil-
bron pour le
Palatinat.

Turlach & Mansfeld y deuoient estre avec leurs armées en deux iours, ils protestoient brusler & raser Vvimphem, & brusler toutes les villes & villages appartenāz à l'ordre Teutonique: & combien qu'on ayt fait vn pont à batteaux sur le Neccar, si auoit ledit Marquis en son armée des Mariniers si experts & cognoissans tous les passages par ledit Neccar, qu'ils l'auroient bien tost dissipée. Voyla les beaux projets du Palatin, de Mansfeld, de Turlach, tous auortez & esuanoüis en vne demie iournée la plus defastreuse pour eux qui leur puisse arriuer, ainsi qu'il se va voir au discours suiuant.

Le Comte Palatin estant donc arriué en son pays du Palatinat, & ayāt ioint l'armée du Cō-
te de Mansfeld, qui y mena la guerre en sa cō-
sideration & faueur, furent assieger la ville de
Ladembourg où la garnison n'estant bastante
de tenir bon, promit rendre la place moyen-
nant la vie sauue, ce que ledit Palatin & Mans-
feld promirent, mais ils ne le tindrent pas, car
cinq cens soldats estans sortis de la ville, ne
furent si tost à la campagne, qu'ils les taillerēt
inhumainement en piéces; voulant donc le-
dit Palatin faire quelque bel exploit de guer-
re à son aduenemēt, capable d'animer sō peu-
ple par le bon succez qu'il esperoit de son re-
tour, fut, accompagné dudit Comte de Mans-
feld, avec plusieurs Cornettes de Caualerie,
sur la fin du mois d'Auril dernier, se presen-
ter au deuant du quartier du Baron de Tilly,
Lieutenant general pour sa Majesté Imperial-

Le Palatin à
son arriuee au
Palatinat veut
attaquer l'ar-
mée de mon-
sieur de Tilly.

1622.

Le Comte de
Mansfeld se
sauue d'une
ville où il mit
le feu.

le, & le Duc de Bauiere audit Palatinat, és environs de Vviseloch au delà de Spire ayant laissé son infanterie à vnelieuë derriere. Ledit Baron de Tilly ayant plus d'ardeur & de courage pour combattre, que d'enuie de fuir & se laisser brauer, sortit de s^{on} camp avec sa Cavalerie & quelque infanterie pour les aller recevoir, & d'abord chargea si rudement le Côte Palatin, qu'il le fit retirer plus viste que le pas, luy taillant des croupieres de bonne sorte, iusques à son arriuee à vne bourgade, dans laquelle le Comte de Mansfeld fit mettre le feu dedans de tous costez, pensant par l'espouuante des flammes arrester le courage du Baron de Tilly, lequel toutefois faisant peu d'estime de tout cela, ne laissa pas d'entrer pêle-messe dedans, pour suiuant les ennemis avec ardeur au trauers des feux, & les tailla en pieces dans ledit bourg.

Ledit Comte de mansfeld voyant venir à son secours, comme à celuy du Comte Palatin, deux Regimens du Marquis de Baden dit Turlach, se voyant ledit Mansfeld proche de cette infanterie, tournant sa fuite en courage, contre les gens du Baron de Tilly, qui se defendirent vaillamment, & faisant retraicte en bon ordre par le chemin d'où ils estoient venus du costé de Vviseloch, perdirent quelques quatre à cinq cens hommes tant tuez que blesez & esgarez.

Sur quoy il est à remarquer qu'en cette retraicte se trouua vn soldat picquier naturellement muet seruât en l'armée Imperiale, homme

cogneu à cause de cette imperfection naturelle parmy les soldats, qui s'adressant aux chefs miraculeusement parla, & leur dit que pendant ladite retraicte luy estoit apparue la sainte Vierge mere de Dieu, laquelle luy auoit reuelé, que si ladite armee Imperiale retournoit & recômençoit le cōbat infaillible-ment elle remporteroit vne glorieuse victoire.

1622.

Miracle d'un soldat muet qui parle & donne aduis de retourner à la charge contre les ennemis.

Ce miracle apparant d'un homme naturellement muet qui parla de la sorte donna à pēser à M. de Tilly & autres Chefs de guerre, qui ne mesprisāns nullement cet aduis, resolurent d'attaquer les ennemis à l'endroit le plus important. L'ay veu vn imprimé d'Anuers faisant mention de ce muet miraculeusemēt deuenu eloquent: L'ay plusieurs lettres de ce cōbat suiuiāt qui disent mesme chose, & ny a rié de plus veritable ny remarquable que cecy.

Or considerans le Baron de Tilly & Dom Gonfales de Cordoia Lieutenant general audit pays, du marquis Spinola, ioints ensemble, qu'il seroit dangereux de laisser ioin- dre ledit marquis de Baden, dit Turlach, avec toutes ses forces à celles du Comte Palatin conduites par Mansfeld: lesdits seigneurs de Tilly & Cordoia, au commencement du mois de May, resolurent ensemble de laisser bonne garnison dans toutes les places qu'ils occupent au-bas Palatinat, & du reste de leurs gens composer vne bōne armee, & tous deux d'un commun accord aller contre ledit Turlac, ce qu'ils firent quoy qu'avec beaucoup de difficulté à cause des montagnes &

Resolution pour attaquer l'armee du marquis de Turlach.

1622.

Armee de
Turlach bien
barricadee.

Nombre de
leur troupe.
pes.

boccages : mais ils vserent de telle diligence, que le cinquiesme de May leurs troupes furent iointes & ordonnees en bataille à la veüe de l'ennemy, qui parut ce iour-là, & n'entreprirent rien sur luy, s'arrestans seulement à espier ses mouuemens, considerer sa mine, estant logé & campé sur la frontiere dudit Palatinat contre la Duché de Vvirtemberg & la riuere de Neccar, entre Hailbron & Vvimpfen bien barricadé de chariots, & logé à son aduantage contre vn bois, ladite riuere de Neccar à main droicte, & vn grand ruisseau deuant eux, au reste en vn bon pays & de leurs amis, où les Catholiques qui les alloient assaillir auoient à se donner de garde des Comtes Palatin & Mansfeld, du Marquis de Turlach & autres ennemis : & estoit cette armee dudit Marquis de Baden dit Turlach, composee de quinze mil hommes de pied, & quatre mille cheuaux, y compris deux mille cheuaux & deux Regimens d'Infanterie que Mansfeld y auoit enuoyez pour y ioinde, les receuoir & conduire à luy : Il y auoit encore en cette armee seize pieces d'artillerie, & 36. pieces de campagne, & autres pieces mediocres en grande quantité sans les petards & mortiers de brôze, avec lesquels fut tiré le matin 6. May, iusques sur l'apresdinée assez tard, grande quantité de pierres, & pieces de chesnes qui donnoient assez d'incomodité aux soldats Catholiques, & leur faisoient de la peine aux approches pour ioinde lesdits ennemis.

Toutesfois sur le midy du mesme iour, les ennemis furent affrontez de prés, & alors à coups de canon on les contraignit par force de changer de poste, & tantost l'un & tantost l'autre, chacun cherchant son auantage, les escarmouches commencerent tellement à s'eschauffer, que les Imperiaux ne voulans perdre vne si belle occasion, voyans la victoire si proche de leur costé, & ne voulant attendre l'arriuée des autres ennemis, se meslerent si auant au combat, que la caualerie de Turlach n'ayant peu par trois diuerses fois rompre l'Infanterie Espagnolle de Dom Gonzales de Cordüa, elle fut contraincte de se mettre en desordre, & ce fut lors que la victoire tresbucha du costé des Imperiaux, & donna on si furieusement sur les ennemis, qu'ils furent tous mis en déroute.

on les escarmouche.

Bataille.

Premierement de leur costé y demurerent morts sur la place plus de cinq mil hommes, y compris les noyez & bruslez, parce que l'artillerie de l'armée Catholique auoit donné en certains caques de poudre del'ennemy, qui voloit iusques au feu des mousquetades qu'ils tiroient, de sorte que le feu s'y prenant elle brusla quantité de leurs soldats. C'estoit chose horrible de voir si grande quantité de morts couchez sur la plaine, & plus de trois lieues loing du camp on ne trouuoit que corps morts tant d'hommes que de cheuaux, ionchez sur la terre.

Victoireremportée par les Imperialistes

Nombre des ennemis morts.

Les Imperiaux y firent prisonniers plus de douze cens hommes de l'ennemy, entre les-

1622.

Leurs prison-
niers.

quels se trouuerent plusieurs personnes de
qualité, quantité d'officiers, nombre grand
de Seigneurs, Gentils-hommes, Capitaines
& autres ayans charge aux armées: Entre les-
quels tant morts que prisonniers les plus si-
gnales s'ensuiuent.

Le Comte Chrian Palatin de Bierqueuelstet
demeura mort.

Le Duc Magnus de Vvirtemberg y fut aus-
si tué.

Des deux fils du marquis de Turlach, le plus
ieune y demeura mort, & l'aîné fort blessé.

Le Comte Reintgraue General de la Cau-
ualerie del'énemy y receut vne blessure mor-
telle, outre 40. autres Seigneurs & officiers
de guerre qui furent tuez au combat.

Perte du co-
sté des Impe-
riaux.

Du costé des Imperiaux y moururent 3.
soldats Espagnols, cent six de blesez, entr'au-
tres vn Sergent Maior nommé Dom Ioan
Sanchez avec sept Capitaines & officiers de
guerre fort blesez, estans tous tirez de l'ar-
mée de Dom Gonzales de Cordüa, de sorte
qu'il fut iugé que de la part des Imperiaux y
demeurerent tant morts que blesez environ
quatre cens hommes tant caualerie qu'In-
fanterie de diuerses nations.

Prisonniers
de guerre pris
sur les enne-
mis.

Entre les prisonniers que les Imperiaux pri-
rēt sur l'énemy, voicy les principaux, scauoir.

Le Sieur Capitaine Manle de Steinfels.

Ioan Vvillem Ardinel.

Gregoire Philippe Van Helmstald.

Ioan Vvolffian Leevvenstein.

Entre les Gentils-hommes & officiers de

guerre, sont.

1622.

George Frederic Van Rust.

Vlrich Van Brandt.

Ioan Philippe Has.

Frederic Van Vveyler.

Hans Philippe Schertel Van Guttelbach.

Ernest Frederic Van Sanor.

George Lodevvijck Standt.

Maurice Heberer.

Philippe reinhardt Van Coremberch.

Christoffe Van Rabenstein.

Vvolff Cristoffe Van Lechtenstein.

Iaques Van Vveyler.

Hans George Van Vvallenfils.

Hans George Van Gundelstein.

Adam Christophle Van Dauberck.

Hans Iaques Van Guldtinghen.

Iean Mitternacht & autres &c.

L'on gaigna sur l'ennemy plus de 12. cens Chariots gaignez sur eux.
chariots & charrettes petites & grandes, plusieurs milliers de Dalles Imperiales en argent, tout nouvellement forgées, avec plusieurs pieces d'or, Ioyaux, chaisnes d'or & diamands, grande quantité de meubles, hardes, bagages & accoustrement, & ce en telle abondance que les soldats ne les pouuoient emporter.

Il y auoit aussi parmy eux grand nombre de chariots chargez de toutes sortes de munitions, autres sur lesquels estoient des moulins pour moudre du grain en marchant, quantité de batteaux, escheles, artifices de guerre, feux artificiels, grande quantité de corcelets,

1622.

telle crainte & autres armes, pour armer plus de sept à 8. mil hommes.

Bagage.

On leur prit encore vingt carosses entre lesquels on trouua des bagages de grand prix, quantité d'enseignes, & drapeaux, & entre autres trois dudit Marquis de Turlach; dans l'un desquels estoient grauez ces mots en Caracteres Allemands, *Si Dieu est avec nous, qui nous peut nuire*: Aussi fut trouué vn autre drapeau où estoient les chiffres & deuises du Duc de Vvirtemberg.

Drapeaux.

Entre le canon gaigné, furent prises deux grandes pieces de fer portant bales de 60. liures pesans.

Canons.

Plus vingt moyennes & petites pieces de metal portant bales de quarante liures pesans.

Plus 85. petites pieces qui se portoient sur des chariots & qui se peuuent aussi mettre sur des roües, toutes de fer, lesquelles iusques à present n'auoient encore seruy.

Plus encore six grandes pieces de metal iectez en fonte l'an 1614. sur lesquelles estoient graüees les armes dudit Marquis de Turlach.

Plus neuf nouueaux mortiers de telle grandeur & capacité que les plus vieux soldats confesserent n'en auoir iamais veus de semblables.

Mortiers.

Plus neuf nouueaux mortiers de telle grandeur & capacité que les plus vieux soldats confesserent n'en auoir iamais veus de semblables.

Item 50. chariots chargez de bales, poudres & autres munitions de guerre.

Item quatre autres chariots pleins d'escheles à escalader & faire des assauts de villes.

fort ingenieusement faictes.

Plus soixante barnels ou haspels garnies de longues pointes de fer fort aigües.

Item vne telle quantité de pain, farine, sel, vin, biere & autres viures, que c'estoit chose estrange & en telle sorte que tout le camp Imperial s'en est rassasié. Viures.

Plus la finance dudit Marquis de Turlach chargée sur deux chariots, iusques à la somme de 25. mil Risquedalles la plus grande d'icelles marqués du coing & des armes del'Archiduc Leopold. Argent.

Item quelques milliers de deniers ou monnoye du coing du Roy Catholique que les Estats de Holande auoient contribué de nouveau.

Item encore plusieurs Risdales avec cette inscription, *Christian Duc de Bronsuic & de Lunebourg &c.* & del'autre costé, *flagellum sacerdotum*. Nous verrons cy-apres la figure de cette monnoye & les deuises dudit Chrestien de Bronsuic Euesque d'Alberstad.

Plus furent pris onze batteaux du pont quelés ennemis vouloient faire deuant Heilbron. Batteaux.

Et est chose à remarquer que tous les chemins par où les Imperiaux marchoiert pour aller à l'ennemy, estoient minez, en intention de les faire sauter & perir auant que l'on fust arriué à eux : & fut en grand peril de sa personne le Seigneur Dom Gonzales de Cordua, General des Espagnols, au trauers de ces chemins minez, car son cheual fut em-

Dom Gonzales de Cordua fut en danger en ce combat.

1622.

porté par trois fois en l'air, & fut à demy bruslé parmy le feu des poudres desdites mines, de sorte qu'il fut contraint de descendre à terre & combattre à pied.

Cette bataille dura depuis vne heure apres midy iusques sur les quatre heures & demie du soir, & fut tellement cruelle & furieuse, que tous ceux que les armes peurent enuclouer ne se peurent iamais sauuer.

Les Allemands Imperiaux reculoient du commencement & auoient peur. Mais les Espagnols & Vallons tenans bõ les rencouragerent au combat, en telle sorte que la victoire leur demeura.

Valeur du
sieur de Tilly.

Cry des Im-
periaux.

Estime de la
perte du Mar-
quis de Tur-
lac.

Monsieur de Tilly se comporta glorieusement en ce combat avec ses Croates & Bavarrois, ce fut luy qui le premier attaqua genereusement les ennemis, secondé par apres de l'armée dudit Gózales de Cordia, qui tous ensemble enfermans les ennemis crioient, *Vive la foy Catholique, & l'Empereur Ferdinand*: ce qu'ayant esté ouy de tous les gens de guerre, le courage leur redoubla de telle sorte, qu'ils se ruoient sur les ennemis, ainsi que des Lyons genereux, battans, & renuersans tout ce qui se rencontroit au deuant.

L'on tient que ledit Marquis de Turlach fit vne telle perte en cette desroute, qu'elle fut estimée monter à la somme de sept cens mil escus d'or ou ducats d'Hongrie.

Parmy son bagage furent trouuez tous les escripts, contracts, titres, papiers & traictez

Rebell. & affaires estrangeres. 117

que ledict Turlach auoit faictz avec ses Colonels & Capitaines, avec les Princes Protestans correspondants avec luy, entre lesquels aussi fut trouué l'escrit contenant les protestations faites à sa Chancellerie, & tout le dessein sien que nous auons rapporté cy deuant.

Toute l'armée dudit marquis estoit composée de treize mil hommes de pied & de 3. mil cheuaux, tous gens d'elite & de combat, outre les troupes que le Comte de Mansfeld y auoit enuoyées au deuant.

Ledit Gonzales de Cordia fut remarqué durât le combat auoir par 3. fois entré l'espée à la main au trauers des escadrons ennemis, combattant plus que le plus vaillant de ses Capitaines, sans y auoir receu aucune blessure, encore que les mousquetades & les coups de canon y volassent aussi dru que la gresle.

Du costé des Imperiaux le Colonel Baur fut pris prisonnier par les ennemis, mais le bon-heur voulut pour luy, que le soldat qui l'auoit pris, estoit si empesché pour luy oster sa chaisne d'or qu'il auoit au col, que pendât qu'il s'y arresta arriua vn Cavalier Catholique qui luy tira vn coup de pistolet en la teste, le tua, luy reprit la chaisne d'or, fit monter ledit Colonel Baur en croupe derriere son cheual, & ainsi le sauua: Qui se remit aussi tost en la meslée avec les ennemis, & voyant que ses gens reculoient & ne secundoient les autres, se mettoit en colere, & de courroux en tua 7. ou 8. de sa main propre, ce qui donna

1622.

Courage &
bonheur de
Dom Gózales

Colonel Baur
pris par les
ennemis puis
recouuert.

1622.

Capitaines
Imperiaux
tués & bleffez

harnois aux autres, qui se r'animans de plus belle firent de grands effects sur les soldats ennemis.

Moururent aussi du costé des Imperiaux.

Le Capitaine Hyerosme raeff, du Regiment du Comte d'Emden.

Le Capitaine Oltemberg fort bleffé.

Le Capitaine Dominique Herman tué.

Bref cette bataille fut telle, que les plus vieux guerriers assurent qu'elle fut la plus cruelle & la plus sanglante, que l'on ait donnée de cent années en çà, & qu'elle est la seconde remarquable apres celle de Lepanthe contre les Turcs, & beaucoup plus importante que celle de Prague, car en icelle furent rompûs toutes les forces des ennemis & leurs desseins esvanoüis.

Fuite du
Marquis de
Turlach.

Le reste des leurs qui peurét eschaper se retirerent à la faueur des bois & des forests & plusieurs en fuyâs furét noyez en la riuere du Necar: Le Marquis de Turlach, eschapa à grand peine, sô cheual luy fut tué entre les iâbes, & cōtraint de fuir & se sauuer à pied, sans armes ny chapeau: Ainsi Dieu chastie les rebelles audacieux, qui promettent renuerser les montagnes, escalader le Ciel, & réuerser les Thronnes des legitimes Princes.

Le 12. May ensuyuant le Comte Palatin & Mansfeld auoient intention de s'aprocher avec leurs armées d'Oppenheim pour y rompre le Pont que les Espagnols y auoient faict sur le Rhin, & quoy qu'ils eussent encore de reste quinze mil hommes de pied & 3. mil cheuaux,

cheueux, si n'oserent ils l'entreprendre, parce que l'armée Imperiale demeura toute la nuit en armes pour les attendre.

1622.

Pendant que nous attendrons icy les autres progres de l'armée Imperiale sur celles des huguenots protestans, oyans la nouuelle qui court en Chrestienté & par tout l'Vniuers du monde, de la cruelle, tragique & sanglante mort de Sultan Osman Empereur des Turcs, arriuée en ce temps en la grande ville Capitale de Constantinople; il ny eut iamais rien de plus barbare, que ce qui a esté executé en la personne de ce ieune Prince, & qu'on ne parle point de l'assassinat de Cæsar, ny de la barbarie des autres exercée contre aucuns de leurs Souuerains, il ny a rien qui esgale cette felonnie Turquesque sur la vie & personne de leur Empereur.

L'action est diuersement descrite par ceux mesmes qui estoient à Constantinople pendant tout ce desordre, mais entre tous ceux qui sont tombez entre mes mains, i'estime fort la lettre d'un Pere Predicateur Capucin, escrite à un autre Pere de France, de Pera les Constantinople ce trentiesme May, comme celle d'un Gentilhomme de Monsieur de Cezy Ambassadeur pour le Roy à Constantinople escrite dudit lieu à Monsieur le Duc de Guise en datte du 28. May, & pource que cette Histoire entierement tragique est descrite avec des particularitez diuerses en l'une & l'autre lettre reuenans

Histoire tragique de la mort du grand Turc Sultan Osman, selon la lettre du Pere Pacifique Capucin.

toutefois à vne mesme verité, ie les feray voir toutes deux.

La lettre dudit pere Capucin parle ainfi.

Le grand seigneur fait publier son voyage de la Mecque.

Fait amas de tous les tresors & les veut emporter.

Le grand Seigneur, nommé Sultan Osman, âgé de 18. à 19. ans, a fait courir vn bruit par tout, qu'il vouloit aller en pelerinage à la Mecque, où est le sepulchre de son grand Propheete Mahomet, & sur ce dessein, ainsi creu de tout le monde, il fit vn grand amas de richesses, qu'il tira tant de son thresor, que de celuy de ses predecesseurs, ausquels il n'est permis toucher, que pour faire la guerre aux Chrestiens. Il prend toutes ses vaisselles d'or, d'argent, & fait fondre tout en lingots, iusqu'à des pommes d'or qu'il voyoit pendre au lambris des salles de son Serrail. Il amasse toutes les pierreries qui estoient dans tous ses thresors, & en emplit iusqu'à quarante caisses, de plus de deux pieds de longueur, chose qui sembleroit difficile à croire aux François, qui n'auroient iamais entendu parler des richesses de cet Empire; enfin le tout estoit suffisant pour charger 4. galeres, avec ses munitions ordinaires: & (ce qui fut trouué fort mauuais) est, qu'il entra dans la sepulture de son Pere Sultan Acmet, où il prist sur le Turban Royal qui est sur le poisle, cinq ou six plumes de heron, avec de beaux diamants de grand valeur, & sur le poisle de son petit fils, qui estoit mort depuis peu, vn gros carquant d'or & de pierreries que i'y auois veu depuis peu de iours: & prenoit tout cela sous la creance qu'il faisoit donner au peuple, que c'estoit pour faire des

présents à son S. Prophete, auquel il auoit fait vœu.

1622.

Sur l'attente de son parlement, il met ordre que les auenuës de Constantinople par la mer blanche ou mediterrannée, & par la mer noire, soient bien gardées, à ce qu'en son absencela ville ne peust estre surprise, comme elle est tres-facile; Et pour ce faire ie vis partir 18. ou 20. galeres, assez mal equippées, qu'il enuoya sur la mer noire, pour empescher la venuë des Roux & Poulonnois, leurs ennemis mortels, quiauec de meschantes petites barques leur viennent donner la fieure iusques dans leur port: Il dispose encore vingt galeres pour la mer mediterrannée, pour se parer des Espagnols: de sorte qu'il ne restoit que sa Majesté à partir. Sur le delay qu'il en faisoit de iour à autre, & de sepmaine en sepmaine, vn grād murmure se glisse par toute la ville, ne pouuant approuuer ce long voyage, qui ne pouuoit estre de moins que d'un an & demy, & le transport qu'il faisoit des thresors des ancestres, les pauvres gens ne sçauoient pas qu'il auoit vne intention bien plus preiudiciable pour eux, que d'aller à la mecque, & qu'il auoit intention de quitter Constantinople, & transporter ailleurs le siege de son Empire: car ils eussent bien murmuré d'une autre façon, comme ils firent apres qu'ils le sceurent, de la maniere suyuant. Sa Majesté ayant escrit vne lettre au Bacha du grand Caire, qui portoit ce qui suit, en substance.

Murmure à Constantinople sur ce voyage.

Lettre du
grand S. i.
gneur au Ba-
cha du grand
Caire.

communiqué
son dessein à
ses fauoris.

I Et aduisé que pour beaucoup de cōsideratiōs, nous auons resolu de changer le siege de nostre Empire de cette ville de Constantinople, où il n'est nullement assésuré, & le transporter en la ville du Caire, & pour ce faire auons trouué bon de porter avec nous nostre thesor, & le plus que nous pourrions de celuy de nostre Pere, C'est pourquoy nous i'en donnons aduis, à ce que la presente receiue tu viennes au deuant de nous, par terre & par mer avec nos galeres & nos soldats & esclaves de ces quartiers là &c.

Ayant fait cette lettre, il appella deux ou 3. de ses fauoris, qui sont près de sa personne: à sçauoir le Queissilar Aga, chef des Eunuques qui gardent ses femmes, le Silictar Aga, celui qui porte l'espée de sa majesté, & le Capi Aga, chef des portiers de son Serrail. Cette communication de dessein fut le coup de la mort de ce Prince: car apres qu'ils luy eurent remontré, à leur possible, le hazard auquel il exposoit sa ville, son peuple & sō Empire par ce changement, voyant qu'il s'estoit fermé sur cette resolution, ils furent contraints de baisser la teste, soubmettant leur vouloir au sien, Mais que fait l'un d'iceux, qu'on m'a dit estre le Silictar Aga, il s'escoule doucement de la chambre, & s'en va donner cet aduis à tous les chefs de la Milice, comme qui diroit en France, à tous les Capitaines des gardes du Roy, de ses Suisses, & de ses Archers: au Boustangi Bachi, chef des Iardiniers: au Ianiffaire Aga, Capitaine des Ianissaires: au chef des Espahys, au chef des Iamougians, enfans

de Tribut & aux Cadis, qui sont les Iuges; lesquels to^o, voyât que le grâd Seigneur estoit sur sô partemêt, que c'estoit à bô jeu bô argêt, & que ce iour là mesme 18. May à 9. heures du matin, le Bacha de la mer auoit amené 13. ou 14. galeres à la pointe du Serrail. Tout proche de la porte de derriere de ses escuries, par où on auoit jà chargé tous ses thresors, & où sa M. s'alloit embarquer, que fôt-ils, ils courent vistement par toute la ville ramasser leurs soldats, disant. *Voila nostre Empereur qui nous laisse, voila nostre Empereur qui nous laisse, & veut quitter son Empire, nous laissant dans les mains des Iaours infidelles Chrestiens, & à la mercy de nos ennemis, permettrons nous cela? allons & l'en empeschons.*

Cry des soldats parmy Constantinople.

A moins d'une heure ou deux, plus de huit mille soldats, tant Ianissaires qu'Espahis, se trouuerent assemblez à la grande place de la Mosquée neufue, où tous ensemble ils se resolurent d'aller assieger le Serrail pour prendre le grand Seigneur, & par ce que le Ianissaire Aga y alloit froidement, ils l'eschaufferent promptement à beaux coups de baston. Sa majesté entendant ce grand bruiet (elle qui de long temps craignoit cette reuolte) fit fermer les portes du Serrail ou Palais, & faisant sortir vn de ses Boustangis, pour s'enquerir d'eux ce qu'ils vouloient, ou desiroient. ce pauvre serpent n'eut pas à peine ouuert la bouche, qu'il se rendit le premier obiect de leur fureur, & le premier reposoir de leurs coutelas: car se ruant sur luy

Vont assieger le Serrail.

chacun voulut auoir l'honneur d'auoir quel-
que morceau de ses reliques: Qui luy coup-
pe le nez, qui les oreilles, qui les bras, qui
les jambes, & enfin mis en mille pieces, &
apres luy trois ou quatre de ses compagnons
qui en pensoient parler. Tout cela ne fut
que des roses, au prix de ce qui s'ensuit
apres.

Le grand Seigneur voyant que tout autant
d'hommes qu'il y pourroit enuoyer, ce se-
roit autant d'hommes perdus. Il se resolut d'y
aller en personne, mais vn peu plus seurement
& hors de leurs atteintes. Il monta en vn pe-
tit cabinet, qui est basti sur la muraille du Ser-
rail, & leur parlant au trauers d'vne ialouzie
qui est à la fenestre, il s'équist d'eux quel estoit
le sujet de cette mutinerie, & qu'est-ce qu'ils
attendoient de luy. Vn des chefs respondant
à sa Majesté, sans autre respect luy dist.

Le grand Sei-
gneur leur
parle au tra-
uers d'vn
treillis.

Reponce in-
solente d'vn
soldat au grãd
Seigneur.

*Le suet pour lequel tout ton peuple se souf-
fene ainsi, & specialement ta milice, est par
ce qu'ils voyent bien que tu n'en veux aller hors
de cette ville tenir ton siege, & que pour cela
tu emportes tous les thresors du Serrail. Qui
te meut à faire cela? Si tu veux seulement aller
en pelerinage à la Mecque, à quoy bon por-
tier tant de richesses? Quand tu eusses pris cinq
cens mil zequins, voire vn million, voire deux 3,
& quatre millions, d'or, n'estoit ce pas assez pour
ton voyage, & faire tes liberalitez? & tu prends
des thresors innombrables, tu emportes ce qui
n'est pas à toy, mais à nous, nous les auons amas-
sez à tes yeux pour faire la guerre à nos enne-*

mis, & les tiens à sçauoir les chiens de Chrestiens, si tu les emportes dequoy serons nous payez de nos gages, de nos peines & de nos seruices? Que si tu es si desirieux d'en aller, va t'en à la malheure, & laisse les thresors, nous ferons vn autre Empereur. Mais qui te pousse de t'en aller, n'es-tu pas bien icy avec nous?

Le Prince luy rompant son discours temeraire & outrecuidé, se reuestant d'un coura-ge Royal & genereux leur dist à tous. *Allez, vous ne meritez pas de m'auoir avec vous, ny que ie vous traite plus courtoisement, puis que vous ne m'auiez iamais seruy fidellement: Lors que ie* Replique du Grand Seigneur.
vous ay voulu employer & me seruir de vous pour la deffence de mon Empire, vous n'auiez
iamais voulu obtemperer à mes vouloirs, qu'en rechignant. Quand cette année passée ie vous ay voulu mener a la guerre de Pologne, quelle peine ay-je en? Il vous a fallu traisnier mal gré vous: Estant là, j'ay voulu voir si tous ceux qui sont à ma payée ordinaire, m'auoient seiuy, & pour le cognostre ie les ay voulu payer de mes propres mains à la monstre que ie fis faire, où au lieu de quarante mille que ie croyois trouuer, ie n'en trouuay que huit mille. Ces iours passez j'ay voulu armer seulement quarante galeres pour enuoyer sur la mer blanche, & sur la mer noire, pour vous garder en mon absence, & à peine ay-je peu trouuer des soldats, vous sçanez qu'il a fallu que moy-mesme en personne, en habit deguizé j'aye esté dans toutes les taverne vous chercher, & vous pousser par force dans mes galeres, & en- cor estant embarquez dès le premier giste où vous

1622.

Renouque
voyage.

Les soldats
demandent
les testes de
ses Fauoris.

aux touches terre, la moitié se sont eschappez. Que vous semble de tout cela; suis-je serui? n'est-ce pas la donner beau rien aux Chrestiens? Quand j'ay veu tout cela, sçachant comme ie sçay que mes deux ennemis ordinaires, le Roy de Perse, & le Roy de Pologne ne dorment pas: l'ay creu que ie n'estois pas assuré dans cette ville, n'y estant pas serui. Outre plus, c'est que ie suis assuré par toutes mes Propheties, que Constantinople se doit bien tost perdre, mais que ie le dois reprendre vne autrefois. Le pauvre Prince contoit sans son hoste. Toutes ces choses de moy considerées, m'ont fait resoudre de tirer ma personne d'icy, & tout mon tresor, pour me mettre en seureté, & auoir de quoy faire faire la guerre pour reprendre ma ville; & le lieu où ie voulois aller le plus assuré estoit le grand Cayre; Aduisez si ie n'ay pas raison, & s'il est ainsi, pourquoy vous y opposez-vous? Neantmoins puis que ie voy que cela cause tant de rumeur, ie vous promets que ie desisteray de mon entreprise, & pour les mieux assurer, il iette cette promesse par escrit dans vn morceau de papier: Tout cela ne fist rien. Ils persistent en leur fureur, & luy respondent qu'ils ne se contentoient pas de cela, & qu'ils demandoient bien d'autres choses: mais que pour le presét ils luy demandoient les testes du grand Vezier ou Conestable, de sô Koja, c'est à dire, sô Precepteur, du Quçffilar Aga, & du Taftarda, c'est à dire Secretaire d'État, & quelqu'autre encore, & quand il leur auroit données, ils luy diroient le reste de

leur volonté, pourquoy dit le Prince, les voulez-vous tuer, parce, disent-ils, que ce sont eux qui t'ont donné conseil de faire ce que tu veux faire, ou du moins ne t'en ont point empêché. Je ne les vous puis pas donner, dit le Prince, par ce que ie ne les ay pas près de moy: Ils estoient pourtant vne partie dans le Serrail, mais il ne leur vouloit pas dire. Or bien, dist cette troupe, nous te donnons 24. heures à les trouuer, au bout desquelles si nous ne les auons, sois assuré que nous forcerons le Serrail.

Là dessus ceste populace se retire à son quartier, & s'amasse plus grand nombre que deuant, & estoient plus de dix mille soldats: Cependant voyla le pauure Prince bien empêché, pensant que quoy qu'il fist on luy ioueroit vn mauuais tour: sur cette crainte, & sur la resolution qu'il auoit de ne point donner les testes demandees, le temps se passe que les soldats luy'auoient donné pour terme, & les testes ne viennent point: Ce que voyant cette Cohorte impatientte, elle s'encourt droit au Serrail, & l'escallade, montant par dessus vne petite maison qui est deuant la Mosquée de S. Sophie, & touche la muraille dudit Serrail, vne quantité de Ianissaires estant descendus dedans avec leurs harquebuses, ils font teste aux Boustangis qui les pensoient repousser du dedans, cependant que les autres descendent, & vont ouurir la porte à toute la gendarmerie. Où en passant vous remarquerez la valeur de ces gens qu'on estime si valeureux,

Assiegent le
Serrail.

qu'il n'y en eut aucun de dedans, qui oſast tirer vn coup, pour la defence de leur Roy, se laiffant prendre comme poltrons: aduisez si le plus poltron des François n'auroit pas fait autre chose.

Si tost qu'ils furent entrez, vne partie s'en court viftement vers la chambre où s'estoit enfermé le grand Seigneur, avec ses fauoris susdits criant à la porte que les testes ja demandees leur soient données, ce qu'entendant sa Majesté, voyant qu'elle ne pouuoit destourner cet orage de dessus les siens, elle tascha au moins de le destourner de dessus sa teste, & pour ce elle ouurit la porte de sa chambre, & leur exposa les testes demandees, à son tres-grand regret, ne pouuant faire autrement. A peine ces Messieurs eurent vn pied hors de la porte, qu'ils furent hachez en pieces, avec mille ignominies exercees contre leurs membres morts, comme vous verrez cy-apres, sans faire aucun tort au Prince, pour lors, ains le laiffèrent là.

Vont chercher Sultan Mustapha son oncle pour le faire Empe-
reur.

Tandis que ceux-cy faisoient ces beaux ieux, les autres couroient par le Serrail, cherchant la prison où estoit le Sultan Mustapha, oncle du petit Prince, lequel auoit esté tousiours en prison depuis qu'il fut deposé de l'Empire, il y a quatre ans & demy, & ne pouuant trouver les clefs de la prison pour ouurir la porte, ils monterent dessus, elle est faicte comme vn petit dosine, couuert de plomb, si que leuant le plomb, & rompant la voute ils entrerent dedans, & tirerent ce pauvre homme dehors

avec des cordes : qui occasionna plusieurs mal informez de l'affaire, de croire qu'on l'auoit trouué dans vn puis d'où on l'auoit tiré, mais asseurement ce fut de ceste prison qu'il fut tiré, plus mort que vif, tant pour ce qu'il n'auoit beu ny mangé de trois iours, que pour l'apprehension qu'il auoit qu'on le prenoit ainsi pour le faire mourir, chose assez aisée à croire à luy, voyant tant de soldats en fureur; on luy apporte incontinent vn verre de cherbet, qui est de l'eauë emmiellée & sucrée, pour luy faire reuenir le cœur : mais voyant cetteliqueur trouble & espoisse, croyant que ce fust du poison, qu'on luy voulut donner (comme ià autrefois on luy en auoit donné) pour crainte qu'on eust qu'il se voulust faire Roy à l'absence de son nepueu. Il leur dist d'vne voix tremblante: Ah! que voulez vous me faire, n'estes vous pas contents de m'auoir desia voulu autrefois empoisonner, de m'auoir osté la Couronne de dessus la teste, & de m'auoir tenu quasi toute ma vie en prison, sâs me vouloir oster la vie à moy pauure Deruich (c'est à dire Religieux, & disoit cela parce qu'en effect il est Religieux des leurs.)

Alors les soldats luy respondirent : Non, non, ne crains point, ce n'est pas pour te faire mourir que nous t'auons tiré de prison, mais pour te faire Empereur à la place de ton nepueu. Luy croyant qu'ils se mocquoient il leur dist. Hel de grace laissez moy la vie, ie renonce libremēt à la Courōne. Chose admirable, ce Prince ayme mieux estre asseuré de la

Ne veut prendre le breu-
uage qu'ils luy
presentent.

1622.

Est proclamé
Empereur.

vie dans la condition la plus miserable du monde, qu'estre au hasard de la perdre, & de se la voir abbrever dans la condition la plus releuee du monde, comme est celle d'Empereur, où se void clairement comme la vie nous est chere. Il ne voulut donc jamais boire ce cherbet, mais de l'eau toute claire qu'il demanda, ce qui luy fist reuenir vn peu les esprits, & passer son apprehension. A l'heure meisme vne partie de ses soldats le prirent sur leurs espaulles, & le portât par tout le Serrail ils le proclamerent Empereur, criant tout haut, *Sultan Mustapha Roy, Sultan Mustapha Empereur*, & tous les autres respondoient, *Amen, amen, qu'il viue à jamais. qu'il viue à jamais.* Il vous laisse à penser quelles vifues attaintes ces voix, & ces clameurs d'allegresses donnoient au cœur du petit Prince Sultan Osman, qui de sa chambre entendoit publier vn autre Empereur, & par conséquent se voyant à la veille de se trouuer dans la prison d'où auoit esté tiré son oncle, ou entre les mains d'vn bourreau, comme il se trouua le lendemain.

Apprehen-
sions grandes
de ce nouuel
Empereur.

Or pour reuenir à Sultan Mustapha nouvellement esleu, il faut que vous sçachiez qu'il se trouua si fort agité de deux passions contraires, de l'apprehension grande qu'il auoit eue de la mort, & la grande ioye subite de se voir proclamé Empereur (comme il l'auoit ià esté trois mois) s'esuanoüit, & eut-on peine de le faire reuenir : mais en fin estant reuenu à soy, il dit qu'il auoit fait vœu de deliurer tous

Rebell. & affaires estrangeres. 125

es prisonniers qui estoient dans toutes les prisons tant de Constantinople que de Galatta, que ie vis estre fait aussi tost: Et peu apres on enuoye les crieurs par la ville, qui au lieu de trompettes, vont publiant Sultan Mustapha Empereur de Turquie, & tenoient en leur main vne grande fucille de papier, où ils lisoient les suiets de la deposition de Sultan Osman, disât que c'estoit par ce qu'il estoit Iaour, c'est à dire Infidelle, & qu'il vouloit mettre son Empire és mains des chiens de Chrestiens, & ils disoient cela pour le rendre plus odieux au peuple, & à ce que leur action fust mieux receuë du public.

Sultan Mustapha estant donc publié Empereur il fut tiré du grand Serrail neuf, & porté dans l'Esqui-Serrail, c'est à dire le vieil Serrail qui est au milieu de la ville, où il fut toute la nuit iusques au lendemain vingtiesme de May.

Cependant ce ieune Prince Osman, bien affligé, abandonné de tout le monde, aucun n'estant si ozé que de l'aller voir, n'y le plaindre s'il ne vouloit estre assommé, il passa vne partie de la nuit dans sa chambre avec les sanglots que chacun peust s'imaginer, luy qui s'estant veu deux iours auparauant la terreur de tous les Roys du monde, se voyoit delaisé, & moqué de ses propres esclaves, dont la condition estoit pour lors beaucoup meilleure: le lendemain 20. May, auant le iour, il s'encourt desguisé, couuert d'une cuirasse blanche dans la maison du Janissaire Aga son inti-

1622.

Declare le
vœu qu'il a-
voit fait.

1622.

Fait offrir de
l'argent aux
soldats.

Se faisoient
de ce ieune
Prince.

me, & y fait venir vn sien autre fidelle nomme Vssin Bacha qu'il fit grand Vezier, selon l'autorité qu'il en auoit, quoy que non le pouuoir de le maintenir comme vous l'allez voir. Assemblez qu'ils sont ils tiennent Conseil, & cherchent quelque expedient pour appaiser ce peuple, & euitier vn plus grand mal-heur, dont il se voyoit menacer de fort prés, & l'expedient que ledit Prince iugea plus efficace pour luy, fut que le Vezier Vssin Bacha, & le Ianissaire Aga allassent trouuer cette troupe, & apres leur auoir doucement remonstré l'obligation qu'ils auoient à leur Prince legitime Sultan Osman, leur offrit de sa part à chacun soixante zequins, qui sont plus de 60. escus, & de rehausser à chacun la paye de deux aspres par iour, c'est vn sol: ce commandement fut aussi tost executé par lesdits sieurs, mais mal leur en prist, car si tost qu'ils eurent acheué les propositions qu'ils leur offroient de la part de leur Maistre, les soldats redoublerent leur furie, & leur dirent; Comment, vous en voulez encore parler, & croyez que nostre iuste courroux peut estre appaisé pour de l'argent: Non, non, & aussi tost ils se ruèrent sur eux, d'un coup de coutelas fendirent la teste au Vezier, puis luy arracherent toute la grande barbe qu'il auoit, & luy hacherent tous les membres, autant en firent-ils au Ianissaire Aga.

Eschauffez qu'ils estoient au carnage, ils courent en la maison où estoit Sultan Osman, & s'en faisoient sans obseruer aucun

respect à l'abord de sa personne, & l'ayant pris ils enuoyent demander à Sultan Mustapha, nouvel Empereur ce qu'il vouloit qu'on en fît, & s'il ne vouloit pas qu'on luy menast pour luy faire baiser les mains: cette demande attendrit le cœur de Mustapha voyant ainsi son Nepueu à la mercy des soldats, & dist qu'il ne le pouuoit pas voir, & qu'on l'esloignast de luy, & qu'ils le missent où ils voudroient: les soldats ayans receu cette responce, font monter Sultan Osman sur vn meschant cheual d vn Chaoux, & le menerent au Camp de la milice, qui est vne grande maison, où couchent les Janissaires. Si iamais il s'est veu au monde vn obiect excitant à la compassion c'estoit de voir ce pauvre petit Prince monté sur ce cheual, avec sa cuirasse blanche, on luy auoit osté son Turban Royal, & estoit tout teste nuë, la teste raze comme font les Turcs, & auoit seulement vne meschante petite calotte sur la teste, les larmes grosses comme des perles qui luy couloient le long des ioües, & mille souspirs que son cœur affligé lançoit deuers le Ciel; ce qui donnoit de la surcharge à sa douleur, estoit les paroles & actions impudentes que quelques soldats enragez luy disoient & faisoient par despit, l'vn gynoît les dents l'appellant Iaour, l'autre crachoit contre terre & frappoit du pied, & vn entre les autres luy mon-

Effrontee
parole d vn
soldat à ce
ieune Prince.

strant vne corde luy dist. O larron in meri-
terois d'esre estrangie avec cette corde,
comme vn larron qui a voulu desrober nos

1622.

thresors: Et pour comble de toutes les ignominies qui se peuuent faire à vn Prince si grād, est qu'on portoit deuant luy au bout d'une lance, la teste du Vezier son fauory, qui estoit toute fenduë: l'autre portoit le bras d'un autre, & ainsi chacun portoit quelque piece, de tous ses seruiteurs qu'on auoit tuez, aduisez quelle tragedie. Non, si ie n'estois moy mesme sur le lieu, & que ie sceusse cela comme ie le sçay, ie ne le pourrois pas croire, mais ie ne vous dis rien quine soit veritablement, ayant esté informé des plus particulieres circonstances, par vn Ianissaire & vn Espahy, & par vn Gentil-homme François, Renegat, qui ont esté presens à toute la tragedie, portant les armes avec la meslee.

Est mis dans
vn meschant
chariot.

& est conduit
en prison.

Le petit Prince estant arriuë au Camp de la Milice, monté sur ce cheual, il fut mis dedans vn meschant chariot, tenant vne portiere, & le Sour-Bachi l'autre: ce Sour-Bachi est comme vn maistre bourreau, iugez l'esperance que cette belle compagnie pouuoit donner à ce ieune Prince, & ainsi fut conduit aux sept tours, sur le bord de la mer blanche. En allant là, ce pauvre petit Prince sortant par fois la moitié de son corps hors la portiere, il tiroit vn grand mouchoir qu'il auoit à sa ceinture, & se le liant autour du col, il le tenoit aux soldats qui estoient à l'entour de luy, & avec de grosses larmes il leur crioit d'une voix entrecoupee de sanglots. *He! mes amis, he! mes freres, que quelqu'un de vous me fasse ce plaisir*

plaisir que de m'estrangler; tenez, tirez ce mouchoir, ne craignez point que j'aye plus tost l'honneur de mourir de la main d'un soldat, que le deshonneur d'estre estranglé dans une prison, par la main d'un bourreau: mais il parloit en vain: vn seul se trouua, qui respondant plus à la voix de son cœur, qui apprehendoit la mort, qu'à la voix de la bouche qui l'alloit mendiant, luy dist. Prince, ne te desesperes point, encore qu'on te meine dans la prison, peut-estre que ta fortune sera meilleure que tu ne penses, prends courage: bon gré malgré, il fallut bien qu'il le prist. On le meine donc aux sept tours, & le faict-on entrer dans vne prison qui estoit basse, & obscure où il falloir passer vn guichet fort-bas & estroit.

Peu apres qu'il fut arriué là dedans; voycy venir le grand Vezier nouvellement faict par le nouuel Empereur Sultan Mustapha, & qui est beau-frere d'iceluy, lequel luy prononça la sentence de mort de la part de Mustapha, luy disant. *Prince tres-excellent ie viens cy à mon tres-grand regret, mais enuoyé de l'Empereur Sultan Mustapha ton Oncle, maintenant couronné à sa place, pour te prononcer le triste arrest de mort, il faut que iu meure tout à cet heure. Ha (s'escria ce petit Prince) moy que ie meure, moy que ie meure, il faut que ie meure! Qu'ay-je fait qui merite la mort? Quoy faut-il que ie paise pour les autres: que l'innocent meure pour les conlpables? Le n'ay rien faict ne par le conseil de mon grand Vezier, de mon*

1622.

Priere qu'il
fait aux sol-
dats de l'es-
trangler.

Nouveau
grand Vezier
luy est enuoyé
de la part de
son oncle
pour luy pro-
noncer son
arrest de mort.

1622.

Fait sa prie.
re.

Sa mort.

Koja & des autres qui estoient pres de moy, si eux seuls estoient coupables, & vous les auez fait mourir, n'estes vous pas contents : Et si ie vous promets que ie me desisteray de toutes mes entreprises, cela ne suffit-il pas pour me rendre pardonnable, pourquoy donc me veut on faire mourir, Prince dist le Vezir, il faut que tu meures : Ah ! que ie meure, me faut-il mourir : permettez moy donc que ie fasse ma priere auant que de mourir, ce qui luy fut permis, & la fit avec les larmes & les souspirs que vous pouuez penser : puis se leuant d'une grande viffesse dit, He ! n'y a il personne icy qui me vueille prester un poignard, pour me donner le moyen de venger ma mort, & me defendre contre mes bourreaux, mais en vain faisoit il ces demandes, c'estoit la ieu- nesse & le sang Royal, qui bouillant dans ses veines, nelny pouuoient permettre d'enuisa- ger la mort : Sur ces contrastes de la vie & de la mort, voila cinq ou six estafiers qui l'abor- dent pour le saisir, contre lesquels il se rua si courageusement, que de ses poings seule- ment il en ietta trois par terre. Tout cela n'es- toit que prolonger sa mort, & non l'euitier, car vn de ces hommes qui estoient là, espia si bien son temps, qu'il luy ietta vne corde de soyeau col, & l'accrocha : Le pauvre pe- tit Prince se lentant ainsi serré, & aux dernie- res agonies, se demena si courageusement des pieds & des mains, qu'ils auoient peine à l'estrangler, ce que voyant vn de ces bour- reaux, il luy lascha deux coups d'une petite hache, l'un sur l'espaule, l'autre sur le col,

seulement pour l'estourdir, & luy debilita si bien les forces, que ne se pouuant plus reuancher ils l'estranglerent à leur aise, voila donc nostre petit Prince mort, & son corps tombé par terre, rendant vne grande quantité de sang par le nez & par la bouche.

La cruauté & l'ignominie ne sont point encore cessées, ainçois elles vont commencer sur le corps du deffunct. Car si tost qu'il fut mort, le grand Vezier present luy couppa vne aureille qu'il mist dans son mouchoir, & l'apporta à Sultan Mustapha pour l'asseurer que son nepueu Osman estoit mort. O cruauté plus que barbaresque : O spectacle cruel : voila bien maintenant accompli le songe qu'il auoit eu il y a enuiron trois semaines. Il songea vne nuit qu'il estoit en chemin de son voyage pretendu de la Mecque, monté sur vn grand chameau, & que sur le chemin son chameau s'escoulant de deffous luy, s'enuola au Ciel, & ne luy demeura rien que la bride en la main; luy bien empesché à l'interpretation de ce songe, consulta son Koja, ce qu'il luy en sembloit, mais il luy respondit que ce songe estant mystereux, il n'osoit entreprendre de luy en dire son aduis, & qu'il estoit d'aduis seulement qu'il allast voir son oncle Mustapha en sa prison, & queluy qui parloit ordinairement avec les Anges, luy en pourroit donner l'explication. Il se resoult de suiure cest aduis, & de fait ie le vis de grand matin sortir de l'Esqui-Serrail où il auoit couché deux ou

On luy coupe
vne oreille
pour porter à
Sultan Mustapha
afin de
luy reuoi-
gner sa mort,

1622.

trois nuits, & venir dans son Cayque par eauë dans le grand Serrail pour trouuer son oncle Mustapha, auquel ayant exposé son songe, il luy respondit : Sçache que ce grand chameau sur lequel tu songeois estre monté, est ton Empire quit'a esté suiuet & obeissant iusqu'à présent; ce qu'il te sembloit qu'il s'est escoulé de dessous toy veut dire que bien tost il se rebellera contre toy, & t'elchappera des mains, tu le perdras, & la seule bride qui t'est restee à la main, veut dire que de ton viuant mesme, sera vn autre Empereur à ta place, & ne te restera que le nom & la marque d'Empereur; voyla pas vne interpretation aussi admirable que le songe estoit mystereux : N'estoit que iel'ay sceule iour mesme qu'il eust ce songe, avec l'interpretation susdicte, trois sepmaines auant toute cette rumeur, & auant l'accomplissement d'iceluy songe, i'aurois creu qu'il auroit esté faict à plaisir, apres la tragedie ioüee. Mais comme ie vous dis, ie l'auois sceu & notté plus de trois sepmaines deuant, & vis moy mesme le petit Prince defunct aller au lieu où estoit son oncle dès le grand matin, & me dist-on que c'estoit pour le consulter sur ce songe. Songe que vous auez veu accomplir de poinct en poinct, puis que Sultan Osman vit de ses yeux vn autre Empereur à sa place, & sō Empire luy eschapper, la seule bride luy estant restee aux mains, d'où elle tomba encore, lors que son corps mort tomba par terre, comme nous auons dit cy-dessus.

Le lendemain qu'il fut estranglé vingtiesme May, le corps mort du petit Prince fut apporté de la prison au grand Serrail, pour le faire voir à Sultan Mustapha, à ce qu'il ne doutast point de sa mort; & tout d'un pas vers les huit heures du matin fut porté enterrer, dans la sepulture de son Pere Sultan Acmet, & pres de son petit fils : Cet enterrement fut si triste, & avecque si peu de pompe & compagnie, que personne n'y osoit assister, de peur d'estre soupçonné auoir esté de son party, seulement y auoit-il des femmes qui par leurs larmes & paroles, appelloient tout haut le Ciel à tesmoin de cet outrage commis en la personne de ce ieune Prince.

Voyla que c'est que d'un Royaume où il n'y a point de Princes legitimes pour soustenir le party de son Roy contre vne canaille de populace, vn seul eust mis tout cela en piece.

Voicy maintenant la mesme histoire ainsi qu'elle a esté descrite à Monsieur le Duc de Guise par vn Gentil-homme de monsieur de Cezy Ambassadeur pour le Roy à Constantinople qui luy parle de la sorte.

Monsieur, par mes dernieres de l'onzieme du passé ie vous donnois aduis de la peine que prenoit Monsieur l'Ambassadeur à faire renoueler les capitulations, & du desir qu'il auoit par mesme moyen d'obtenir des commandemens pour l'affaire que vous sçavez, de laquelle on luy a donné assez bonne

1622.
Funerailles
de Sultan Os-
man sans
conuoey.

Lettre d'un
Gentil-hom-
me de mon-
sieur de Cezy
à Monsieur
le Duc de
Guise.

1622.

esperance: mais à present que la chance est tournée par la mort inopinée du Grand Seigneur & de son premier Vizir, & que l'Empire est tombé entre les mains de Sultan Multapha oncle du deffunct, & la charge de Vizir donnée à Daoud Bacha son beau frere: il faut de necessité attendre vne autre occasion pour proposer cet affaire & assez de temps pour en recevoir l'accomplissement à souhait, ie ne manqueray, Monseigneur, de vous escrire ce que j'en apprendray, encore que par mes dernières ie vous aye assuré qu'il suffiroit que mondit sieur l'Ambassadeur vous en escriuist, comme aussi de tout ce qui suruiendra de nouveau en ce pays digne de vous estre mandé.

J'ay differé long temps à me donner l'honneur de vous escrire par ce qu'il ne se passoit rien capable de vous entretenir, sinon le brigandage continuel que font les Roux & Lantsags sur la mer noire avec 50. ou 60. barques attaquantes, & prenans tout ce qu'ils trouuēt d'inferieur à l'effort de leurs armes, laquelle furie pourra estre refrenée par la presence de 20. Galeres ou Galiottes qu'on y a enuoyees, des progresz desquelles on n'a point encore d'aduis.

Mais la mort suruenue à l'Empereur Sultan Osman vous remplira d'autant d'estonnement que de compassion.

Ie vous diray donc, Monseigneur, que le Mercredi dix-huictiesme du courant les Galeres partirent de Bechichtach pour aller aux

Armée du
Grand Sei-
gneur pour
aller en Asie.

sept tours : qui est vne plage au bout de Constantinople, où l'armée Nauale sejourne quelques iours auant que partir pour son voyage. Ce precipité depart des Galeres qui n'estoient nullement accomplies ny en chourme ny en soldats, & qui de toute ancienneté ne partoît qu'environ la saint Iean au plustost, ioint à cela le bruit commun que le Grand Seigneur deuoit passer incontinent en Asie pour entreprendre son voyage de la Mecque, fit souleuer quelques gens de guerre sous la croyāce qu'ils auoient, qu'il vouloit ce iour mesme faire enleuer tous les thresors de l'Empire par les Galeres, & puis le iour apres s'en aller. Sur cette opinion ils vont le susdit iour au matin au Serrail avec bastōs en main faire leurs plaintes, qui ne furent autremēt escoutees, vne grande pluye suruint incontinent qui continuant iusques sur les quatre heures du soir, fist retirer vn chacun & donna trefue à leur dessein, qui estoit de demander au Grand Seigneur la teste du premier Vizir nommé Dilamet Bacha & de Quislet Aga qui est le chef des Eunuques noirs, qui ont le gouuernement des filles & femmes du Grand Seigneur.

La pluye estant passée ils retournerent audit Serrail, & persisterent en leurs demandes, le Grand Seigneur leur enuoya vn Boustangy pour leur faire entendre son intention, lequel ne fut expédié, mais si bien bartu, qu'il en mourut peu de temps apres.

Cette opiniastrété contraignit le Grād Seigneur de parler luy mesme hors de la porte :

Ligne des sol-
dats contre
le Grand
Seigneur.

ces deux personnes furent à l'instant taillees en pieces, & leurs corps trainez en diuers lieux de la ville, & le soir mesme il donna la charge de premier Vizir à Vssin Bacha qui l'auoit eue pendant la guerre de Pologne.

L'ô croyoit que cette bourasque seroit passée par la mort de ces deux homes qu'on estimoit porter le Grand Seigneur à faire ce voyage: mais cela ne seruit qu'à aiguïser leur rage: car le lendemain toute la milice s'assembla dās la grande place de la ville nommee Almeydā, sçauoir les Spasiens & Iannissaires, associez d'un grand nombre d'autres personnes, & là iurerent solennellement de s'vnir de mesmes volonte & affections pour faire reſtablir la Police & les loix du pays entierement deprauées, disoient ils, par l'auarice & mauuaïse conduicte du Prince, & par les cōseils de ceux qui auoient l'administation de ses affaires, & resolurent aussi de se saisir de sa personne & d'establir en sa place le Sultan Mustapha son oncle, ainsi deliberé, ainsi executé: Ils s'en vont donc en armes au Serrail, où estant arrivez enfoncent les portes, brisent les fenestres, rompent le toict de plusieurs chambres pour trouuer l'Empereur seant, & aussi celuy qu'ils desiroiēt faire seoir en sa place au throsne Imperial. Celuy là s'estoit caché luy mesme en sorte que l'on ne le pouuoit rençotrer, & celuy cy auoit esté caché par force dans vne certaine tour carree, où il fut trouué avec deux vieilles, de laquelle il fut tiré comme des Lymbes, y ayant esté deux iours, disoit-on,

sans boire ny manger: on luy annonça deslors en le tirant de ce lieu comme d'un sepulcre, qu'on le vouloit faire Empereur, au lieu de son nepueu qu'on estimoit indigne du tiltre & de la dignité, & de fait il fut à l'instant mesme proclamé Empereur dās le Serrail & par toute la ville. Cette ioye inesperee d'un tel bonheur au dessus de sa croyance ne luy donna pas d'abord tant de contentement que d'estonnement, mais estant un peu remis & apres auoir beu un grand plein pot d'eau fresche dont il auoit grand besoing il s'assura, & auant que de rien cōmencer & entreprendre il voulut voir sa Mere, & pour cet effect il fut conduit dans un carrosse au vieux Serrail, manoir destiné pour les Sultanes vesues, où il pretendoit dormir, neantmoins il changea d'opinion sur l'apprehensio qu'il eust que les Negres Eunuques qui habitent ce Serrail pour la garde des Dames ne le vinssent estrangler en dormāt, & trouua plus à propos par le Cōseil de ceux qui se trouuerent près de luy d'aller coucher dans la maison des Iannissaires, lieu de seureté pour luy.

Tout le long de cette nuit le Grand Seigneur Sultan Osmā qui s'estoit retiré chez le Muphty son beaupere consulta avec ses principaux officiers ce qu'il deuoit faire en vne si presente & importante occasio. Ledit Muphty apres auoir pris l'aduis d'un chacun trouua bon qu'il allast en personne en ladite maison commune des Iannissaires sçauoir quelle estoit leur intention, & talcha par mesme moyende leur dōner contentement. Ce cōseil

1622.

Sultam Osmā
va luy mesme
parler aux la-
nissaires.

fust executé ainsi qu'il auoit esté proposé, & le matin alla audit lieu, couuert d'une cotte de maille accôpagné de son nouueau Vezir, voy- la donc l'oncle & le neveu deux Empereurs reduits à dire leur raison dans vne simple mai- son de soldat.

Ce Sultan Osman destiné pour depof- sedé demanda à ces Messieurs qu'elle occa- sion ils auoient de se plaindre de luy, & pour- quoy ils s'estoient ainsi mutinez: il ne manqua pas de reparties, luy demandant qui l'incitoit à faire ce voyage de la Mecque sans aucune necessité, & sans le consentement de la plus- part de son Cōseil, & contre le gré de son peu- ple grandement affligé d'une telle resolution. Qu'il n'estoit pas à propos qu'un Prince qui estoit freschement sorty d'une grand guerre sans estre asseuré d'une solide paix abandonast sa ville capitale, & laissast ses sujets en proye à ses ennemis, pour entreprendre vn si long pe- lerinage, car il y a 2. cens iournées d'armes d'y- cy à la Mecque, sans mettre en consideration les ennuyeux deserts qu'il faut passer où l'on ne trouue ny eau ny fourage que celui qu'on y porte, nō sans incōmodité; qu'il deuoit cōme- tre personnes qui l'allassent faire pour luy.

Ils luy demanderent aussi pourquoy il vou- loit transporter les thresors de l'Empire que ses predecesseurs auoient acquis avec tant de travail, & aux despens de la vie de leurs confreres. Et pour ce qu'il se disoit assez publique- ment qu'outre qu'il vouloit emporter tous les thresors, son dessein estoit d'abandonner

Constantinople pour establiſſir ſon ſiege Imperial en Damas avec cette intention de caſſer toute ſa milice qui eſt pour la pluſpart cōpoſée d'enſās de tribut pour en dreſſer vne nouuelle du naturel. Ils inſiſterēt fort ſur ce point, & luy demanderent quil'auoit eſmeu de vouloir faire ce changemēt, & ſ'il ignoroit que la gloire que tous ſes predeceſſeurs & luy ont acquiſe & poſſedée ne prouenoit pas de leur courage & exploits de guerre qu'ils ont executez, pourquoy donc vouloit il caſſer ſon ancienne milice nō ſeulement chérie & honorée de ſes peres, mais grandement eſtimée de tous les autres Princes de contraire religion.

Sa volonté eſtoit d'aller au grand Caire pluſtoſt qu'en Damas

S'e plainquirent auſſi de la cherté des viures du tout extraordinaire ſans qu'il commandaſt à ceux qui y auoient l'intendance d'y donner ordre. Il ne ſceut que dire, ſinon que ſon precepteur luy auoit donné de tres mauuiſes inſtructions, & trop flaté en ſes reſolutions; ſō nouueau Vizir voyant que les affaires alloient mal du coſté de la ſeditiō; voulut adoucir certe licence effrenée de la milice par belles promeſſes qu'il leur fiſt d'argēt contant & d'augmentation de ſolde, & parmy ſes belles promeſſes meſla quelque eſpeces de menaces qui luy firent perdre la vie ſur le champ en preſence du grand Seigneur ſon maiſtre: le Colonel de l'infanterie ſe voulut auſſi meſſer de rudoyer ſes ſoldats pour les ranger au deuoir, mais avec vn tresmauuais ſucces, car il fut traitté de la meſme façon que le Vizir, & mis en pluſieurs pieces.

Après cette execution la milice s'adressa au grand Seigneur & luy dit en ces termes, *Tu eus l'intention de nous casser & nous te casses des à présent, & nommons Sulian Mustapha, nostre Empereur, & pour l'apprendre à devenir sage tu seras mis en prison où tu auras loisir d'apprendre à gouverner tes subiets, & traiter à l'aduenir plus fauorablement ta Milice que tu n'as fait par le passé.* Cela dit, il fust pris & monté sur vn meschant cheual, & conduit en vne prison qui est au bout de la ville. Ce pauvre Prince ainsi conduit pleura en saluant vn chacun, & tiroit des larmes de ceux mesmes qui estoient les plus animés contre luy.

Mort de Sul-
tan Osman.

Funeraillles
du ieune Em-
pereur.

Son oncle Sultan Mustapha fust à l'instant mené au Serrail dans vn carosse sans autre ceremonie peu d'heure apres il fist Daoud Bacha son premier Vezir, & sur le soir la deliberation fust prise de faire mourir Sultan Osman prisonnier, ce qui fut aussitost executé que deliberé. Et pour cet effect ledit Vizir alla aux prisons où il le fist estrangler & pour rendre tesmoignage de sa mort il luy fist couper vne oreille qu'il apporta dans son mouchoir au grand Seigneur qui n'en vouloit rien croire, & pource voulut voir le corps lequel fust apporté dans le Serrail, & le lendemain Samedi 21. enterré avec peu de ceremonies.

Voila la fin de ce Prince quel'auarice, l'obstination & le peu d'experience ont reduit à finir ses iours à l'egale facon de quelque criminel, l'auarice en ce qu'il n'estimoit rien que ses richesses sur lesquelles il appuyoit tout sç

Rebell. & affaires estrangeres. 141

bon heur sans songer de se faire aymer de sa Milice & de s^{on} peuple duquel il receura iour-nellement des plaintes à cause de la grande cherté de viures & du pain qui estoit à prix excessif. Mais au lieu de recevoir leurs plaintes & d'y remedier il leur disoit qu'il auoit acheré vn pain à l'armée vn sequin d'or, & qu'il le pouuoit bien achepter en temps de paix, qui est si agreable au prix qu'il estoit qui n'estoit de beaucoup si cher: l'obstination, en ce qu'il persistoit en ce voyage de la Mecque contre l'opinion d'vn chacun, & aussi qu'il ne vouloit croire que ce que sa fantaisie luy inspiroit tant pour ce chef que pour cette intention qu'il auoit d'establi le siege de l'Empire en Damas, & dresser vne nouvelle Milice pour casser & mettre au neant l'ancienne. Le peu d'experience a paru en ce que à la leuée de cette troupe de soldats, il fut remply d'estonnement & demeura comme hors de luy-mesme sans autre mouuement que celuy que la peur fournit à sa perplexité. Que s'il eust esté autant aduisé que courageux, car il estoit estimé tel, mais cette surprise l'estonna, il eust fait mettre deux pieces de canon à chaque porte de son Serrail pour en empescher l'entrée, eust fait mettre en armes tous ses iardiniers, boulangers, & autres officiers qui sont en grand nombre avec lesquels il eust empesché & reprimé ce desordre, en cas d'extremité. Il pouuoit faire venir ses galeres à la pointe dudit Serrail pour s'embarquer sans se cacher & venir luy mesme le lendemain se mettre à

1622.

Ses vices cau-
se de sa mort

Auarice.

la mercy de sa milice comme il fist.

Tous les Astrologues de cette ville & mesmes d'Egypte, Syri, & autres lieux prediloient sa mort toute certaine, & n'estoient point hôteux de la publier. Le peuple mesme auoit tels discours souuent en la bouche, auancoueurs de tout ce qui est tombé sur luy. mais selon l'apparée humaine il ny a que ses deportements, & son aucuglement qui luy ayent attiré cette deffaueur, & qui l'ayent ainsi exposé à la hayne de ses subiets.

Nous sommes les ouuriers du mal & du bien qui nous arriue, & la liberté de nos actions ne peut estre forcée par les puissances du Ciel, quoy que disēt les spectateurs des causes secōdes, car s'il eust fuiuy la trace de ses ancestres, ainsi que ses soldats lui reprochoient, il ne fust pas tombé en cet inconuenient, ny decheu de son autorité & peine de sa vie.

Ce pauvre Prince songea vn mois deuant qu'un Chameau le portoit au Ciel, mais qu'estāt proche il tomba en terre tenant la bride du Chameau qui luy demeura en main, il fut curieux d'en demander l'explication à son oncle Sultan Mustapha tenu par les Turcs pour vn S. & de tres-sainte vie. Qui luy dit librement que cela denotoit & signifioit la perte ineuitable de son Empire dont il fust grandement attristé.

L'on ne scait encore que dire du gouuernement de ce nouueau Empereur, parce que depuis la proclamation, il a tousiours esté mal disposé, nous auons eu nouuelles depuis 4. iours qu'il y a 58. galeres Chrestiennes dans

l'Archipelague; mais l'on n'a dit encore rié de leur progrès. Le general des galeres Turques est party de ces mers le lendemain de la mort du G. S. avec 5. galeres & vne galiotte pour aller à Galipoly & Chio, le reste de l'escoiade est encore icy & le gros de l'armée qui sont les galeres de Rhodes, d'Alexandrie, Cypre, & autres Isles sont avec Chio, où la contagion est fort grande & furieuse; ie crains que l'affaire pour lequel le Roy m'a enuoyé en ce pais ne soit morte par la mort du Vezir qui auoit promis de la mettre à execution; toutes-fois ie ne perds l'esperance, moyennant l'ayde de Dieu & l'ordre, assisté de Monseigneur l'Ambassadeur, le faire resusciter, puis que la châce est tombée entre les mains d'un honneste homme, & qui estime cômme l'on croit nostre nation. C'est pourquoy Monseigneur, ie seray encore icy quelque temps, & possible plus que ie ne me suis promis à solliciter, pèdât lequel ie tièdray à tresgrande faueur de vous rendre serui- ce, & receuoir l'honneur de vos commandemens que i'effectuera avec autant de passion & de zele comme j'ay de desir & d'ambition d'estre qualifié eternellement du nō de vostre &c. de Constantinople le 28. May 1262.

Voyla en somme ce qui s'est passé en Oriët sur cet accident tragique de la mort de Sultan Osman, qui n'a pas manqué de resueiller le Persân, & de faire conceuoir nouvelle esperance aux Polonois.

Et pendant que nous attendrōs les nouuelles du nouveau regne de Sultan Mustapha,

reprenons les affaires d'Alemagne & particulièrement du bas Palatinat.

Nous auons descrit cy deuant la deroute memorable qu'ont receu les Protestans Caluinistes conduits par le Marquis de Turlach, au dessous de Spire, par l'armée de Bauiere & d'Espagne, au moyen dequoy toutes les pretentions Caluiniennes furent reduictes en fumée en moins de sept à huit heures que dura la bataille; on a sceu encore du depuis, qu'outre le dessein cy deuant decouuert dudit marquis de Turlach, son intention auant sa deroute estoit encore de ioindre Frideric Palatin du rhin & le Comte de Mansfeld, afin qu'ayans mis leurs forces ensemble, ils peussent donner quelque eschet à l'armée de Bauiere & d'Espagne au bas Palatinat, & au cas que le sort de la victoire tombast du costé des Protestans, ledit Marquis de Turlach deuoit prendre huit mil hommes de l'armée Protestante, & icelle conduire aux fraiz de Venise dans le pays de Tirol pour chasser hors de la susdicte troisieme Ligue Grise les garnisons y laissées par l'Archiduc Leopolde, & ayder à reconquerir avec le secours des Suisses Protestans la Valtoline & les autres Ligues Grises, pendant que dans l'Alsace Mansfeld arresteroit & poursuuiroit l'armée dudit Archiduc: Cela se pouuoit faire sans la defaite dudit Turlach qui a faict auorter vne infinité de beaux desseins des Protestans.

Maintenant apres que l'Archiduc Leopolde a receu nouueau secours de dix mil hommes

hommes que l'Empereur luy a enuoyez, il a enuoyé au Tirol cinq mil hommes de guerre pour renforcer ses garnisons; le Gouverneur de Milan attend trois regimens de Naples & quelque caualerie pour conseruer ladite Val-toline.

Toutesfois on espere que le tout s'accommodera au contentement des parties, pourueu que les Catholiques y vivent en assurance, & pour oster la ialousie des armées d'Espagne, on tient que sa M. Catholique s'offre à remettre les forts que son Gouverneur de Milā y possede, entre les mains du grand Duc de Toscane ou du Duc de Lorraine: Nous verrons avec le temps quel succez prendront les affaires desdits Grisons.

*C'est l'offre
qu'a fait le
Gouverneur
de Milan.*

Cependant se fait en Espagne du cōmandement du Roy vn équipage de mer de 420. voiles, qui sont commandez se mettre au destroit de Cadez à fin d'empescher le passage aux Hollandois en la mer du midy.

En Flandres du commandement de l'Infante, on a tiré toutes les vieilles garnisons des places, & tous les vieux soldats du païs, & y en a on mis d'autres fort ieunes en leur places: Le Marquis Spinola ayant pris dessein de faire cette année des exploits dignes de memoire sur les ennemis, a mis sur pied plus de 40000. hommes qui marchent à la place d'armes vers Malignes.

Depuis la déroute du Marquis de Turlach, toute l'armée Palatine partit de Frankendal & de ces quartiers là proches où elle estoit

1622.

logée pour secourir la ville de Haguanau assiegée par l'Archiduc Leopolde, & vint se loger és villages qui sont és enuirs de Gernersheim, quartier principal du Comte Palatin, & du Comte de mansfeld.

Munitions de
l'Archiduc
Leopolde pri
ses par les Pro
testans.

Lelendemain 15. ceste armée arriva au grãd Kandel, & le seulesme d'après se campa en plaine campagne deuant la forest de Haguanau, où le dixseptiesme iour suyuant elle fut mise en bataille, puis continua de marcher, ayant quelques centaines de villageois esté commandez pour reparer les chemins & pôts rompus par les Imperiaux, & fut audit iour 17. le principal quartier fut prins pour loger dans Haguanau, & ceux de Laonne en pleine campagne là autour. Dequoy les Imperiaux ayant esté aduertys, & sentans la venue de ceste armée si proche, prirent l'espouuante, & ledit iour sur les neuf heures auant midy, l'Archiduc Leopolde descampa assez diligemment, Et si ceste armée Palatine fut arriuée trois heures plustost sans doubte la charge & meslée en fut esté fort aspre & rude: Par ainsi le siege fut leué de deuant ladite ville, laquelle s'estoit assez bien défendue: ledit Archiduc Leopolde laissa s'en allant quelques munitions de guerre & de viures qui estoient en son Camp, comme aussi celles qu'il auoit fait mettre puis naguières dans le chasteau de Bisvueiller, & autres villes voisines appartenant ledit Bisvueiller au Duc des deux Pôts, distant enuiron d'une heure de chemin dudit Haguanau, & muny par ledit Leopolde, qui

le faisoit garder par soixante soldats, qui se redirent le dix-huictiesme dudit mois de May, le chasteau fut pris par ladite armée Palatine, & y furent trouuées quarâte milliers de poudre bien aiancez dans des caques, grande quantité de mousquets & corcelets, vn Char chargé de grenades & de bales de feu: grande quantité de bales de canons & de mesche: vne tente, vn fort gros mortier, & autres appareils de guerre, qui luy vindrent fort à propos pour son armée, qui auoit perdu tout son attirail à la deffaite de Turlac: Ceste armée de Leopold s'estant retiré à Drusenheim sur le rhin, & à Liechtenau de delà le rhin, & ledit Archiduc Leopold dedans Sauerne, attendant le secours de Boheme dont nous parlerons presentement.

En ce temps le Marquis de Turlach s'est remis en cāpagne avec nouuelles forces à pied & à cheual avec quelques pieces de canons, pour aller ioindre le Palatin.

L'Euesque d'Alberstat aussi enuoya vn de ses Capitaines vers le Comte de Mansfeld pour l'aduertir qu'il venoit avec quatre Regimens de gens de pied, & quatre vingts cornettes de cauallerie.

Le 19. may l'auantgarde Palatine se logea à Vveihersheim qui est entre Haguanau & Strasbourg.

La dessus arriva de nouveau à l'Archiduc Leopold huit mille hommes de pied, & douze cens cheuaux de Boheme de la part de l'Empereur sous la conduicte de Dom Guil-

1622.

laume Vêrdugo & Dom Balthasar de maredas, Capitaine des plus renommez aux armées Imperiales : aussi d'autre part le Duc de Bauiere enuoya deux mil cheuaux, & 4000. hommes de pied de renfort au Baron de Tilly son Lieutenant, vers lequel s'acheminoit l'Archiduc Leopolde avec son armée par les terres du Marquis de Turlach, & estans ioints ensemble deuoient liurer bataille aux ennemis par commandement de l'Empereur.

Vn peu auparauant le Comte Henry de Berghe a receu nouuel ordre d'enuoyer comme il feit le Commissaire General de la Cauallerie du Roy d'Espagne au Baron d'Anholt avec toute sa Cauallerie pour se ioin- dre aux troupes de l'Electeur de Cologne & de la Ligue, pour faire teste à cinq mille hommes de pied, que les Hollandois enuoy- oient en Vvestphalie, comme en ayant besoin pour aller au Palatinat : ledit Comte demeu- ra cependant en vne poste vers la Lippe, fai- sant vn corps de gens qui luy arriuoient à la file pour voir ce que les Hollandois attente- roient (les diuertissant aussi d'autant pour le secours de l'Escluse, puis qu'il faudra qu'ils facent vn mesme corps) & empescher que rien ne passe à Halberstat, le temps nous fera voir le succez.

Ambassadeur
d'Angleterre
à Bruxelles.

Cependant le Comte de Svartzbourg estoit arriué d'Angleterre à Bruxelles, apres auoir esté sept iours en tourmente sur mer. Le Roy le logea & traicta en son Palais avec presens au depart, son train coustoit mil florins

par iour. Charles Vviston le suiuit a Bruxelles deux iours apres, où l'on entra en conference pour vne paix. Le Roy d'Angleterre s'offroit & chargeoit que son gendre demâderoit pardon à l'Empereur, & renonceroit pour luy & les siens à la Boheme, &c. Et que le Palatinat & l'Electorat, dont on l'a priué, luy seroit restitué, les Electeurs Catholiques las de la guerre, pouſsoient fort à vne surseance d'armes pour venir à vne paix, saouls de l'Espagnol, qu'ils trouuoient manger aussi bien leurs poules aux iours maigres que les ennemis. L'Infante & le Comte de Svartzbourg auoient tout pouuoir. On verra ce qui s'ensuyura de ce pourparler. L'Espagnol y alloit laschement, pour ne vouloir rendre gorge si tost, quoy que l'Anglois l'oblige à faire tout effort pour amener les Hollandois à vne paix, & de renoueller non seulement, ains accroistre l'alliance qu'il a avec la maison d'Autriche, point important & considerable.

Cepédant les affaires des Protestans alloient tres-mal dans l'Vuestphalie & dans l'Archeueſché de Cologne: Car en fin l'Halberstad s'en est fuy vers le Palatinat par le Comté de Vvaldech & Hesse, voyant que mil Hollandois gens de pied ne luy pouuoient venir à temps estant mandé par le Palatin puis que le Comte Henry de Berghel leur serroit le passage, & laissa ledit Halberstat les Euechez de Munster & Parderbon bien desolées, mais déliurées de toutes garnisons, Le Commissaire general de la Cauallerie d'Espagne ne

Fuitte d'Halberstat au bas Palatinat.

1622.

perdit temps, & des le lendemain print Lie-
nen sur la Lippe, Vnna & autres chasteaux:
Il alla puis apres assiegé Ham qui se defendit
bien, mais ne peut guiere tenir, il y auoit gar-
nison Hollandoise, & delà il alla à Liapstas
& à Zoest garnies de mesme, il trainoit qua-
torze canons.

En mesme temps le Gouverneur de Vvesel
fut en personne à Groll & Linghen, mener
& conduire la prouision & munition pour
le Camp royal de Spinola, qui faisoit estat
de se rendre là dans le mois de Iuin, & faire
effect dans le pays mesme d'Ouerissel, qui
porteroit coup au cœur des affaires des Hol-
landois, ledit Gouverneur y allant auoit deux
mil cinq cens hommes avec luy.

Ambassadeur d'Espagne aussi arriua à
l'Infante, auquel le Marquis Spinola n'alla
au deuant, pour n'auoir esté traité d'Ex-
cellence en vne lettre qui luy escriuit en che-
min, il eut peu de suite de Noblesse pour ce-
ste occasion allant à l'audience, tous s'estans
rendus à l'Hostel dudit marquis.

Contributions non payées dès la cessa-
tion des Treues, ils emmenerent aussi 800.
cheuaux de payfans sans pour toutes ces exe-
cutions ne perdre qu'environ 200. hommes
& le fils naturel du Prince d'Orange qui fut
tué dans la fosse nommée de Herentals.

Ils firent contribuer Arscot & autres places,
puis riches de proye & de butin se retirerent
dans Breda en grande diligence craignans d'es-
tre gaignez & perdus par les eaux à cause des

escluse que ceux de Louvain auoient leuées, & ceux de Malines retenuës, qui grossissans la riuere du Demet eussent fait submerger & emporter les ponts qu'ils auoient dressez sur icelle avec vne redoute gardée de quelques soldats, & 2. pieces de campagne pour leur retraicte, & ainsi fussent demeurez à la mercy des Flamands si de bonne-heure ils n'eussent fait retraicte.

Dans Louvain les estudians s'estoient mis en armes sur vne telle allarme, & le peuple meslé avec eux estoient prest à sortir sur les ennemis si on leur eust laissé les portes libres.

Mais dans Bruxelles l'emotion fut bien plus grande, on voyoit les villages brusler des portes de cette ville, l'Infante Serenissime considerant de ses yeux vn si piteux spectacle ne se peust tenir d'en plorer & de tressaillir en son courage, de ny pouuoir mettre l'ordre si promptement qu'elle eust bien desiré.

Grand trouble à Bruxelles.

Le marquis de Spinola estoit en ville pour lors, meditât sur ses nouveaux desseins, cōme vn Archimede sur ses figures imaginaires, les magistrats de la ville le vont trouuer en sō hostel sur vne allarme si forte, luy demādent permission de sortir sur les ennemis ce qu'il ne leur voulut accorder, pendāt que l'ō batit de nouveaux desseins de nouvelles Palmes au bas Palatinat contre les Protestans Caluinistes.

Voicy que les Hollandois en executent vn nouueau sur les terres de Brabant, par vn stratageme peu louable, & vne pauvre vengeance des leurs que l'on auoit traictez ainsi qu'ils

1622.

Degast des
Hollandois
au pays de
Brabant.

meritoiēt en l'Vvestphalie, dans les Eueschez de Cologne & dans la Comté de Berghe & monts, pour auoir suiuy le party de l'Euesque d'Alberstat & exercé comme luy dix mille cruantez contre les Ecclesiastiques & autres suiets Catholiques de monsieur le Prince de Liege, Euesque de Colongne.

Cette nouuelle entreprise fut donc executée sur le commencement de May au pays de Brabant par lesdits Hollandois en la forme & maniere qui s'ensuit.

Le Comte Henry de Nassau frere du Prince d'Orange ayant assemblé dās Breda 4000. mousquetaires & deux mil cheuaux, prit resolution de faire le degast dans la Duché de Brabant, ce qu'il entreprit en vne belle nuit, avec telle violence & promptitude qu'en moins de rien il courut iusques à deux lieus proche de Bruxelles: & butina en Brabant tout ce qu'il peut trouuer à la campagne, particulièrement quelques Abbayes & maisons Religieuses & Ecclesiastiques qu'ils pillerent entierement, ils bruslerent plus de 20. beaux bourgs & villages du païs, firent vn tres-grand butin, & emmenerent plus de 200. paysans prisonniers, & ce disoient ils, pour les accorder, considerant le danger où le peuple inexperienced aux armes se fust mis allant chasser vn ennemy, qui l'eust facilement defaict, il y eut du degast fait pour plus de 600. mil florins.

Le Marquis
Spinola pro-
teste se van-
ger de ce de-
gast.

Cependant ledit Marquis fait haster les regiments Anglois, Escossois, Liegeois & Bour-

guignons qu'il attendoit de iour à autre pour
battre aux champs.

Et encore qu'il ne fist semblant d'estre en
collere de ceste entreprise faicte par les Hol-
landois, si se trouua il grandement picqué de
cét affront receu tel que iamais les Hollan-
dois n'auoient cy deuant faict à la barbe d'un
tel General depuis les guerres des Pays bas.

Si est-ce toutesfois que ledit Marquis ne fut
pas peu blasmé du public d'auoir souffert vn
tel affront luy auoir esté fait à sa barbe: mais
protesta & par serment dés lors que les Hol-
landois le payeroient chèrement: & dès ce
temps mesme resolut de mettre son dessein à
execution.

Le Comte Henry de Berghe, General de
la Cauallerie de Flandres, qui estoit au delà
du Rhin, au bruit de ce degast repassa prom-
ptement en Flandres avec deux mil cheuaux,
pour secourir le pays: mais il arriua trop tard,
pour ce que les ennemis auoient ja faict re-
traite, & pource s'en retourna à son Poste
delà du Rhin, où estant pour donner subiect
de diuertissement au Comte Henry de Nassau,
s'approcha avec huit mil hommes, tant de
pied que de cheual du camp des Hollandois,
du costé d'Emmeric, fait tenter Reez, & reco-
gnoistre la place, donne quelque escarmouche
aux ennemis, entre iusques dans leurs retran-
chemens, où le Seigneur Iean Baptiste Do-
ria, nepueu du Marquis de Spinola, pour s'e-
stre aduancé trop auant, fut tué, au grand re-
gret de l'armée.

Arrinée du
Comte Héry
mais trop
tard.

Ledit sieur Marquis pour se vanger de tout cecy, assemble tous les gens de guerre qu'il auoit leuez au Pays-bas, au nombre de 45. mil hommes, tant de pied que de cheual, & tire droit auec ceste armée du costé de Mastric, faisant mine de vouloir tirer en Allemagne & repasser le Rhin pour toutner du costé de la Frise, afin d'allarmer les Hollandois de ce costé, & attirer leurs armées comme il a fait.

De Mastrich il rebrouffe chemin tout court deuers Bruxelles: mais auparauant il donne ordre au Comte Henry de Berghe, de se loger entre la meuse & le Rhin du costé de Graue auec vingt mil hommes, afin de tenir les Hollandois en ceruelle, & les empescher de secourir les places que le Marquis Spinola pretendoit assieger en Brabant.

Steemberg
pris par Spino
la sur les Hol-
landois.

Ce dessein luy reüssit si à propos, qu'estant ainsi retourné à Bruxelles, il renuoya le reste de son armée du costé de Breda sous la conduite de Dom Louys de Velasque, & se rendit incontinent apres en son camp, où estant fit attaquer la ville de Steemberg, qui se voyant ainsi inopinément assiegee, bloquée & inuestie de toutes parts, hors d'esperance de secours que ledit Comte Henry de Bergue empeschoit de venir par terre, se rendit à composition audit Marquis, quinze cens hommes sortirent de la place, & le Marquis y en mit trois mil pour la garde d'iceile.

Après la prise & reduction de ceste place, le Marquis voulut executer son dessein

que delong-temps il a proictté sur Berghe sur le Ion, place sur la mer, de mesme situation que peut estre celle de la Rochelle, & tellement considerable & forte, que le feu Duc de Parme l'ayant autresfois assiegee, fut contraint del'abandonner & d'en leuer le siege: elle peut estre battüe & assiegee du costé de la terre: mais tousiours a elle la liberte de la mer, d'où il luy peut arriuer le secours de Flessingue & d'Holande.

Il l'enuoya donc assieger avec l'armée par le Comte de Salazar, & le 27. Iuillet dernier ledit sieur Marquis estant arriué de Bruxelles à Anuers, en partit cedit iour avec tous les Princes & Seigneurs de la Court, pour se rendre au camp deuant ladite place.

Elle est grandement importante au pays de Brabant, on espere pourtant par tout le Pays-bas, que le Marquis de Spinola en aura bonne issue, & qu'il ne l'eust pas fait assieger s'il ne sçauoit le moyen de la prendre, & d'en sortir avec l'honneur.

Dés les premiers iours du siege les siens gaignerent vne demie-lune sur les ennemis, où ils se mirent à couuert du canon de la ville, malgré toute la resistance qui s'y fit.

Les assiegez y ont assez fait de sorties sur le camp du Marquis, mais ils ont eue le plus souvent du pire.

Le 22. Iuillet dernier, iour de la Magdelaine, ils en firent vne à leurs despens veritablement, en icelle ils auoient dessein d'enleuer le quartier des Italiens: mais il fut si coura-

Demie-lune
gagnée par le
Marquis de
Spinola.

geusement soustenus, qu'ils laisserent sur la place pres de trois cens hommes morts des leurs: de la part dudit sieur Marquis, il n'y eust pas plus de trente, tant tuez que blesez. Le Chef des ennemis sortit qui conduisoit leur caualerie, qui estoit vn braue François, de la Prouince de Picardie, nommé Monsieur de Mey, de la Religion Pretenduë reformée, & qui s'estoit donné au seruice des Hollandois, est demeuré en ceste charge, lequel a esté infiniment regretté des assiegez, aussi estoit-il tres-habille hōme & fort courageux.

Monsieur le Comte de Candale qui s'est donné au seruice des Estats de Hollande, s'est ietté pour eux en ceste ville de Berghe, en qualité de Colonel du Regiment François qu'y commandoit autresfois Monsieur de Chastillon.

M de Candale
dans Berghe.

Le Marquis de Spinola à deuant ceste ville-là plus de quinze mil hommes tant de pied que de cheual, & bonne quantité de canons.

Du depuis y arriuerent encore par Anuers quatre mil hommes, tant Anglois qu'Irlandois, leuez en Angleterre & Escosse, pour le seruice de la Serenissime Infante, contre les Hollandois.

D'autre costé le Comte Henry de Berghe, attaqua vn quartier de l'armée du Prince d'Orange sur les frontieres du Duché de Cleue, lequel il enleua, & deffit quatre Cornettes de Caualerie, prit vn Duc de Saxe Vimmar, & vn Gentil-homme Anglois, & autres prison-

niers : & auparauant ceste defaictte ledit sieur Comte prit encore sur les Hollandois la ville de Genep, & deux forts chasteaux.

La suite de l'Histoire nous en apprendra d'autres que nous verrons cy apres.

Si nous retournons en Allemaigne, nous y verrons d'autres nouueaux exploicts d'armes executez aux despens des Caluinistes protestans.

Le huiictiesme iour de Iuin, le Comte Palatin n'ayant dequoy contenter faute d'argent son Infanterie, ny sa Caualerie, composée presque tous de gens ramassez, & conuicte par diuers Chefs, pour voller & s'enrichir de proye & de butin, & craignant qu'ils ne le voulussent quitter & abandonner, comme ja ils le menaçoient, pour la necessité des viures & de l'argent, leur promit les mener en vn bon pays, où ils auroient moyen de se faire riches.

Ayant doncques sur ce dessein, fait supplier le Lantgraue, Louys de Hesse Darmestart, de luy donner passage & à son armee, par dessus ses terres, ledit Lantgraue luy accorda fort volontiers, à condition qu'ils ny feroient aucun degast, ce qui fut promis, mais non pas tenu, car ledit Comte Palatin & le Comte de Mansfeld sur la promesse dudit Lantgraue, partirent de Manhein sur le Rhin avec quatrevingts dix Cornettes de Caualerie & plusieurs Regiments d'Infanterie, & arriuant au pays dudit Lantgraue inuestirent la ville capitale d'iceluy, où pour lors estoit ledit sieur Lant-

graue Darmstat avec son frere, tous deux bon amis de l'Empereur, ils firent entrer dedans icelle par force & violence leurs gens de guerre, & comme perfides & desloyaux voisins contre la parole donnee de passer ce pays sans l'endommager, pillerent ladite ville Darmstat, & le Palais dudit Lantgraue, lequel avec son frere ils emmenerent prisonniers, donnant le pays à leurs soldats, & courant iusques à Fräcfort, où ils firent contribuer aux Iuifs de tres-grandes sommes de deniers.

Tenans ainsi le Lantgraue leur prisonnier, le contraignirent à passer & signer les articles suyans,

Articles qui
luy firent ac-
corder par
force.

Premierement, qu'il s'obligerait de payer tous les mois vne somme de deniers notable, pour l'entretien des troupes protestantes.

Secondement qu'il renonceroit à toute ligue & association avec l'Empereur, & ayderoit de tout son pouuoir le Palatin à reconquerir son Palatinat.

Tiercement, qu'il renonceroit à quelques places de son pays, que le Palatin disoit luy appartenir.

Quartement, & que pour l'entretien de ces choses il donneroit son fils pour ostage.

La dessus ledit Lantgraue Louys, demandant licence & permission de communiquer de ce que dessus, avec les Conseillers de son Estat, ce qui luy fut accordé, & ce pendant par subtilité il se sauua & s'en alla : mais il n'alla guiere loing, qu'il fut r'attrappé par le Marquis de Baden, lequel le ramena prisonnier en l'ar-

née protestante.

Le Lantgraue Maurice son cousin, sçachant qu'il estoit prisonnier, enuoya aussi tost le Cōte Philippe Richard de Solma, & le sieur Challay avec d'autres Ambassadeurs vers le Comte Palatin, & le sollicita par l'eslargissement de son dit cousin de Lantgraue Louys. Mais ce fut vne pure tromperie, car la prise de son dit cousin ne profitoit rât à personne qu'à luy, aussi ne vouloit il pas se declarer ennemy de l'Electeur de Mayence, & de tous les Ecclesiastiques, ainsi qu'il fit du depuis.

Et à la verité ils auoient desia conclud & arresté entr'eux que le iour de la Saint Iean le dernier, ledit Lantgraue Maurice seroit proclamé en plein marché Electeur de Mayence par le Palatin, l'Euesque d'Alberstat, le Marquis de Baden, le Comte de Mansfeld, & de toute la troupe rebelle, & incontinent apres ils firent publier vn iour pour procedder à l'election d'un nouveau Roy des Romains en la ville de Francfort, & que le dessein des Caluinistes seroit restably de tous poincts.

Voyla le discours de ces tyrans, pillans & rauageans le pays du pauvre Lantgraue Louys.

Mais Dieu Tout-puissant en disposa bien autrement, car le Baron de Tilly, General de l'armée de Bauiere, ayant appris la desolation du pays de Darmestat luy prisonnier, & le pillage de son pays faict par lesdits Comtes Palatin & Mansfeld, enuoye aussi tost vers Dom Gonçales de Cordoia Chef de l'armée

1622.

Le Langraue
Maurice fait
prier pour son
Cousin, le Lant-
graue Louys,
mais par feign-
te.

1622.

d'Espagne au bas Palatinat, pour auoir de l'assistance de quelque Cavallerie, laquelle luy enuoya, & estans ioints ensemble le 1^{er} du present mois de Iuin, ledit Baron de Tilly s'alla mettre en embuscade pour espier la retraite de l'armée Palatine, retournant de Darmestat, riche de butin, attaque sō arriere garde, & la charge si furieusement qu'elle fut mise toute en desroute & y demurerent plus de trois mil hommes du Palatin, le reste se sauuant au trauers des bleds & des forests, qui leur seruïrent grandement pour esquiuer la mort qu'ils talonnoit: & est ainsi que si l'Infanterie dudit Baron de Tilly eust peu approcher assez à temps pour les poursuiure à trauers des bois & des forests, il est certain que ce iour li eust esté le dernier de toute l'armée Palatine. La Cavalerie Catholique de Tilly neâtmoins poursuiuit si courageusement les ennemis, que tout proche la personne du Palatin furent pris & attrapez.

Seigneurs Calvinistes prisonniers.

Le legitime Comte de Mansfeld.

Vn Comte Palatin de Birckenfeldt.

Vn Comte Rintgrau.

Et le Colonel Goltsteyn Chef du Conseil du Marquis de Turlach.

Mansfeld se sauua à Mannheim.

Le Prince Palatin se trouua en grand danger de sa personne en ceste poursuite, avec plusieurs autres Seigneurs Chefs de son armée, & mesme l'illegitime Comte de Mansfeld qui s'en fuyrent tous au grand galop avec leurs cheuaux, dans les portes de Mannheim, qu'ils eurent besoin de trouuer ouuertes pour sauuer

saauer leurs vies, tant ils estoient chaudement poursuiuis.

1622.

Aurretour la Cauallerie Catholique mit & tailla en pieces tout ce qui fut rencontré & trouué des Palatinois, cachez & esgarez ça & là, de sorte que les champs estoient tous femez & jonchez de leurs morts, & y furent trouuez quantité de butin, diuisé entre les soldats.

Les Catholiques imperiaux y perdirent deux braues Capitaines & Chefs de Cauallerie, sçauoir le Seigneur Iean Perez, & Monsieur d'Obremont. Dom Alexandre de Robbes Baron de Billy y fut blessé d'un coup de pistolet en la iouë, mais sans danger, & vn autre Capitaine blessé d'une mousquetade, & quelque 80. soldats tant tuez que blesez.

Dom Gonçales de Cordoüa, se ioignit du depuis au Baron de Tilly avec toutes les Armées Catholiques troupes qu'il auoit, attendant de iour à autre l'Archiduc Leopolde avec toutes les siennes, pour tous ensemble donner bataille. tholiques
iointes ensem-
ble.
au reste des soldats de l'armée Palatine, si elle paroïssoit en campagne, pendant que neuf mil bons soldats de Boheme, attendoient en Franconie de pied ferme le diable d'Alberstad, pour le receuoir & traicter comme il merite, & faire de luy ce que l'on fera cy apres a vn troisieme combat, au Comte Palatin, à Mansfeld & à leurs troupes s'ils se ioignent.

D'ailleurs en ce temps mesme faut sçauoir

1622.

qu'ayant le Comte Henry de Berghe, Lieutenant general de la Cavalerie de sa Majesté Catholique aux Pays-bas, il y fut enuoyé le Commissaire general de ladite Cavalerie au secours de l'Electeur de Coulongne, il avoit fait sortir Alberstat de l'Vestphalie, & repris Paderbron & autres places sur luy.

Le neufiesme iour de Juin, il prit aussi par composition sur les Hollandois, la forte ville de Ham sur la Lippe, capitaine du pays de Marck. Ce pays & celuy de Berg, avec la Duché de Iuilliers, sont aujourd'huy en l'entiere possession des Catholiques, & en a-on chassé les Hollandois à leur grand dommage. Ladite ville de Ham fut canonnée plusieurs iours durant, & fort bien defenduë par la garnison Holandoise, mais en vain, car il l'a fallu rendre, ce qui les incommoda grandement, car c'estoit tout le pré de leur Cavalerie, & faute d'argent ils auoient de la peine à l'entretenir.

Alberstat veut
se joindre au
Palatin

Pour reuenir à Alberstat ayant quitté & abandonné, apres plusieurs grandes volleries & insolences plus que barbares, l'Vestphalie, il prit son chemin vers la Hesse par le Vvetecau pour passer à Fulda, où il trouua de tres-mauuais passages, & la Franconie bien munie de gens de guerre, venus de Boheme & d'Hongrie pour les Imperiaux, qui l'empescherent dese joindre avec le Palatin, comme il pretendoit, ayant desia taillé en pieces trois Cornettes de sa Cavalerie

qu'il enuoyoit audit Comte Palatin porter nouvelle de sa venue, qu'il vint au deuant de luy avec force pour le receuoir & luy eslargir le passage.

Depuis le douzieme iour de Iuin dernier, que le Comte Palatin avec son armee fut mis en desroute ainsi qu'il retournoit du pays du Lantgraue de Darmestat, où il exerça des actes de cruauté & de perfidie incroyables, & du tout tyranniques, il fut contraint luy & son Lieutenant le Comte Bastard de Mansfeld, de se retirer dans Manhein, au bas Palatinat, n'osant du depuis ceste grande perte notable, paroistre en campagne, pour le trop petit nombre de gens de guerre qu'il auoit au respect des armées imperiales & Catholiques, qui grossissoient iournellement, joint aussi le mescontentement de ses troupes non payees, necessiteuses & mal pourueues de viures; ne luy restoit plus autre esperance que celle qu'il auoit en la prochaine arriuée de Cristian, Duc de Brunswic, Euesque d'Alberstat, qui luy amenoit vne armée composée de dix mil hommes de pied, & quatre mil cheuaux, gens la pluspart voleurs, qui ont fait des rauages & des actions horribles dans l'Archeuesché de Cologne, & dans la Côté de Mark: y ayant fait ledit Alberstat massacrer les Prestres brusler toutes les Eglises, outre plusieurs places sacagees, & vn grand nombre de villages reduits en cendres, ainsi que ie diray à la suite de ceste histoire, ledit Alberstat

Armée de l'Euesque d'Alberstat.

1622.

s'aduançant ainsi vers le Palatinat au secours du Palatin, trainoit bonne quantité de canons, munitions, & autres choses necessaires pour l'entretenement d'une armée, avec laquelle s'estant approché de deux petites lieuës proche de la ville de Franc-fort, vers la riuere de Meyn, aupres de Hoëst, se campalà, ayant surpris Hecx, place appartenante à l'Electeur de Mayence, où desia il commençoit à piller son pays & y faire du degast.

Deffaicte par
le Baron de
Tilly.

Le Baron de Tilly, qui eust aduis de l'arri-
riuée dudit Euesque d'Alberstad, ayant ioint
les troupes de Bohème, que l'Empereur auoit
enuoyées en Franconie, & celles de Dom
Gonçales de Cordoia, avec vingt neuf pie-
ces de canon, se resolurent d'attaquer ledict
Euesque, & luy donner bataille à quelque prix
que ce fust, auant qu'il peust ioindre l'armée
Palatine, & pource donna ledit sieur Baron
de Tilly si bon ordre aux aduenues & pas-
sages, qu'il estoit impossible à l'ennemy de
trouuer lieu de retraite. Cela faict commen-
ce à marcher en corps d'armée droit au camp
de l'ennemy, le 19. Iuin, & s'approchant de
luy à vn quart de lieuë loing, l'ennemy com-
mença à tirer son canon sur l'armée Imperia-
le, qui luy respondit de mesme & beaucoup
plus furieusement avec la sienne, & ne firent
autre chose pour ce iour la que s'entresalüer
ainsi à coups de canon, attendant l'autre iour-
née.

Le lendemain vingtiesme dudit mois, les
2. armées se mirent chacune en ordre de com-

Rebell. & affaires estrangeres. 165

bat, & les Imperiaux ayât fermé les passages, commencerent d'affronter le camp de l'ennemy, avec vne furietelle, qu'estans venus aux mains les vns avec les autres, la bataille dura depuis dix heures du matin iusques sur les six heures du soir, que les ennemis furent mis en tel desordre, qu'il n'y resta aucun d'eux dans le camp de bataille, qui ne fut ou tué, ou prisonnier; & demurerent sur la place des ennemis plus de six mil, grande quantité se pensans sauuer à la nage sur la riuiere du Meyn, furent noyez: quatre mil fuyoiēt à trauers camp, pour sauuer leur vie, mais estans rencōtrez par les payfans du pays, ils les ont impitoyablement massacrez, en se vengeans des torts, pilleries, & rauages qu'ils leurs auoient faits. Grand fut le nombre des prisonniers, entre lesquels & les morts, il y auoit bon nombre de Seigneurs & personnes de qualité.

Après cecy tout leur Canon, leurs munitiōs & attirail de guerre furent pris par les Imperiaux rendus Maistres du camp, & plus de six cēs chariots de bagage pleins de butin, que ces miserables auoient faict du bien des pauvres subiects de l'Archeuesque de Cologne.

Pourquoy iceluy Alberstat, se sauua avec quelque peu de Caualerie au trauers des bois dans Manheim, où il se rendit pour porter les tristes nouuelles de sa deffaiete, laquelle sans doute apporta au Comte Palatin plus de fascherie que de ioye, se voyans tous quatre ensemble audit Manheim tous desconfits & grandement estonnez, sçauoir iceluy Comte

Combat entre
les deux ar-
mées.

Nombre des
morts des gēs
d'Alberstat.

Prisonniers.

1622.

Palatin, le Marquis de Turlach, Alberstat & Mansfeld, en grande peine & necessité d'hommes, de viures & d'argent, & le pis est, hors d'esperance d'en auoir en temps & lieu, les passages leurs estans fermez de tous costez, les Princes d'Allemagne pour la pluspart bandez contre eux, l'ennemy à leurs portes, & le pays tout ruiné.

Estime d'icelle
le bataille.

Ceste bataille fut tenuë pour la plus signalée quel'on aye iamais veu, & plus celebre que celle de Prague, il y a tantost trois ans: & est facile à iuger de là combien Dieu fauorise sa cause & la iuste querelle de l'Empereur, puis qu'à ceste deffaite, comme es deux autres precedentes, les Imperiaux n'y perdirent que fort peu d'hommes: la où les ennemis en laisserent plus de ving-cinq mil de morts.

Le sixiesme, & septiesme iour de May dernier en la deffaicte de Turlach, ils perdirent plus de six mil hommes & quinze cens prisonniers.

Le 10. & 11. Iuin dernier, en la retraicte dudit Comte Palatin & de Mansfeld du pays de Darmestat, ils perdirent plus de quatre mil hommes en la deffaicte de leur arrieregarde. Et en celle cy d'Alberstat du 20. Iuin plus de dix à onze mil tuez, massacrez, hoyez & grand nombre de prisonniers.

Cët Alberstat est vn Euesque Luthero-Cauiniste d'Vvestphalie, frere du Duc de Brunswic, homme cruel, & sanguinaire, qui a faict battre monnoye & porter enseignes, où est depeinte vne main tenant vne espée nuë avec

ceste deuise, *Flagellum Sacerdotū*, amy de Dieu, & ennemy de tous les Prestres, aucunes deses enseignes, & drapeaux gaignez sur luy en ceste bataille, ont esté enuoyez à la Serenissime Infante Princesse des Pays-bas pour trophées de la victoire.

Nonobstant toutes ces deffaites & cōbats fait au bas palatinat, on ne laisse pas de pour-suiure la conference commencée à Bruxelles pour les trefues d'Allemagne, entre la Serenissime Infante des Pays-bas, & les Ambassadeurs & Agens d'Angleterre & du Palatin.

Ladite Dame Serenissime Infante employa les sieurs Persius & de Boiscot pour entamer ladicte conference à Bruxelles avec lesdicts Ambassadeurs d'Angleterre, touchant la susdite suspension d'armes requises par les susdits Ambassadeurs.

Conference
à Bruxelles
pour la surseā-
ce d'armes au
Palatinat.

Du commencement s'y rencontrerent quantité de difficultez qui firēt presqueuer aorter le traicté sans effect: les armes de l'Empereur, ayant eu l'aduantage sur le Palatin & ses associez, on ne se soucia guiere de ceste conference pour la susdite trefue: l'Espagne qui ne demord guiere de ce qu'elle a conquis, paye lesdits Ambassadeurs de remises, se plaignant des pouuoirs non assez amples pour traicter.

On soutient à l'Anglois qui presse la susdite suspension d'armes pour le Palatinat que son pouuoir n'est consenty du Marquis de Turlach, du Duc de Vvrtéberg & du Duc de Saxe Vveymer vnis, & pareillemēt l'Euesque

d'Alberstat qui ny vouloit estre compris.

On soustient à l'Infante que toutle pouuoir qu'elle pretend par l'ouuerture de ceste conference, n'est fondé qu'en lettre particuliere de l'Empereur, & non en patentes signées, & scellées; & neantmoins de part & d'autre chacun se fait fort d'ampliation & de validité de son costé: ainfi les affaires tirent de longue, l'issuë en est douloureuse, comme les deffiances & soupçons sont certains.

Ce que voyant le Comte de Stratzbourg Ambassadeur extraordinaire de sa Majesté imperiale qui estoit à Bruxelles, demanda par deux fois permission à son Altesse de se retirer & tout autant de fois son Altesse le pria de demeurer pour voir le cours de ceste conference; pour cela, il n'interina iamais en l'assemblée des Ambassadeurs & Commissaires deputez pour ledict traicté pour ce qu'il voyoit bien qu'on y resoudoit peu de chose, puis que les affaires du Palatinat alloient selon le desir des Imperiaux, & croyoit que sa personne y estoit inutile, de mesme que plusieurs autres Seigneurs Allemans estans à Bruxelles, lesquels n'approuuoient nullement ce traicté.

Le 12. Iuin arriua audit Bruxelles le sieur André Paul, qui alloit trouuer l'Ambassadeur d'Angleterre, de la part de l'Electeur Palatin pour l'informer de son intention.

Le Comte de Mansfeld y enuoya aussi tost apres le sieur Vvis Suisse de nation, pour estre compris en ce traicté.

Leur arriuée apporta vne surseance à la con-

Deputez du
Palatin & de
Mansfeld à
Bruxelle.

ference qui estoit commencée, iusques à ce que ledit Ambassadeur d'Angleterre eust receu nouveaux commandemens du Roy son Maistre, sur ce que les Agens & deputez, desdits Palatin, Mansfeld, Turlach, Vvirtemberg & Duc de Saxe Vveymart luy auoient proposé en leur arriuée à Bruxelles.

Cependant toutes ces surseances on alloit au Palatinat, on ne perdoit aucun temps, les armes prosperoient tous les iours, & par celles on demesloit plus d'affaires en vne heure en ce pays là, que l'on n'en concludoit en quinze iours dans Bruxelles.

Durant ce temps fut decouuert en Flandres entre Grauelingue & Dunkerque vn lieu fort propre & commode pour faire vn port de mer, on resolut des'en seruir, & pour vn premier commencement fut aussi tost enleué en ce lieu vne forme de retranchement pour s'en asseurer, attédant la saiso plus cōmode, pour y pouuoir bastir vne forteresse parfaicte, pendāt quoy on a tousiours logé dessus par prouision 8. pieces de canon, de sorte que la fortificatiō y pourra aisement faire sans danger. Ce qui causeroit sans doute vn grand affoiblissement aux affaires des Hollandois: car les vaisseaux de guerre de Flandres & autres, pourront entrer & sortir de là, sans que les Hollandois les puissent empescher: & y aura moyen de s'y defendre contre toute sortes d'efforts des ennemis, mesmes quand ils viendroient à l'attaquer avec des flottes entieres de plusieurs centaines de nauires.

Est asseuré de
canons.

1622.

Armée Na-
uaie des Hol-
landois pro-
che Calais du
costé de Fran-
ce.

Aussi en mesme temps parurent iusques à cinquante voiles de Hollande, qui se firent voir iusques és enuiron de Calais, aucun disoient que c'estoit pour empescher la construction de la susdite forteresse prez Donkerque, ou bien pour entreprendre quelque chose en faueur des rebelles de France: peut estre auoient ils quelque dessein sur les troupes Angloises & Escossoises, qui alloient passer en Flâdres par l'entremise de Calais, qui auoit charge du Roy de les laisser passer; sur 4000. desquelles troupes commandoit le Comte d'Argel, & le Baron de Vaux sur autres 4000. venans tous au seruice de l'Infante Serenissime contre lesdits Hollandois.

On poursuioit tousiours cependant le fort basti deuant l'Escluse, ouurage auquel on a faict comme vn port, dans lequel en toute occasion on pourra tousiours tenir vn bon nombre de vaisseaux, & estant acheminé il causera sans doute grande incommodité à l'ennemy, car en ce faisant il se verra contrainct d'entretenir deormais vn grand nombre de soldats à l'Escluse & à l'isle Cassaud à ses fraiz & despens, n'estant plus resolu dorefnauant d'y contribuer aucune chose.

Du depuis le degast faict au mois de May dernier en Brabant par le Comte Henry de Nassau, les Holandois se sont fait encore voir sur la frontiere dudit pays avec quelque alarme; ce qui fut cause que le Marquis de

Spinola fit marcher de ce costé ses recreuës, & aduancer ses nouuelles leuées, que le Comte Henry de Berghe pour diuertir l'ennemy fit recognoistre Réez & Emmeric avec neuf Cornettes de caualerie le deuxiesme Iuin dernier, ce qui les fit aussi tost ramasser à Ninighe en nombre de huit mil hommes de pied, & deux mil cheuaux, comme aussi de son costé Henry de Berghe qui estoit à Mahen entre Vvesel & Essen assembloit aussi en corps, quinze cens cheuaux, & 8. mil hommes de pied.

Les deux armées estant campées de la sorte chacun en son Poste, le Comte Iean de Nassau, qui est au seruice de l'Infante fit six iours pres vne course iusques aux portes de Breda avec huit Cornettes de caualerie pour se euancher de la brauade du Comte Henry de Nassau, mais il se monstra plus modeste que May, & se contenta de faire paroistre aux Hollandois qu'il pouuoit brusler & rauager sur leurs terres s'il eust voulu, & ne le fit pas, ains en retourna à son Poste au Camp dudit Comte Henry de Berghe sans faire autre execution pour cette fois.

Et voyla ce qui s'est passé aux pays bas dans les mois de May & Iuin dernièrement passés.

En Allemagne depuis les trois deffaites que dessus se sont passées les choses qui s'uyuent.

Après que le combat eust heureusement cussi pour les Imperialistes, les gens d'Al-

1622.

Frayer don-
née aux Hol-
landois par le
Comte Hen-
ry de Berghe,

Modestie du
Comte Iean
de Nassau.

1622.

Rodelheim
pris par les
gens d'Alber-
stat.

berstat, qui estoient encore és enuiron de Francfort se retirerent vne partie vers Sterinheim & les autres remonterent plus haut & se rallierent tous ensemble deuant la ville de Rodelheim, laquelle ils auoient ia assiegée deuant la deffaicte dudit Alberstat, & voulaient renouueller le siege deuant cette place elle se rendit entre leurs mains par accord, mais ils ne la garderent guieres, car le Commissaire general de Cologne la reprit sur eux peu de iours apres.

Troupes nou-
uelles arriuât
aux armées
Imperiâles.

Cependant tant de sortes de gens de guerre qui arriuoient de toutes parts vers le Palatinat cinq mil Bohemiens, Croates & Morauens enuoyez par l'Empereur sous la conduite de Dom Guillaume Verdugo & du Colonel Gauchy, le nouveau renfort de deux mil cheuaux & de trois mil hommes de pied que le Duc de Bauiere enuoyoit encore à son Lieutenant le Baron de Tilly. Que les huit mille Cosaques quel'on faisoit venir de Pologne, estoient desia arriuez à Chub au haut Palatinat pour descendre au bas par la voye de Nuremberg, que le Comte de Hostein avec les troupes de Lauemburg, composées de dix mil cheuaux & de trois mil hommes de pied s'aduançoient aussi du costé de Bamberg pour se trouuer au Cap Imperial au bas Palatinat. Que l'armée de l'Archiduc Leopold estoit remise sus & que l'on auoit fait venir d'Italie le Marquis de Mōtenegro pour la commander; toutes ces troupes disie menaçans les Protestans d'un dernier iour de ba-

aille, où il y alloit de leur reste, & n'estant pas possible à eux apres auoir fait de si grandes pertes de soustenir vne telle puissance, chacun coniecturant que le Palatin Alberstat & Mansfeld feroient vne caualcade hors du Palatinat sur les terres de quelques voisins pour le sauuer avec degast & ravage, menaçans de tout piller où ils entreroient dans les pays de ceux qui portoient le party de l'Empereur & des Catholiques, fut l'occasion pourquoy les autres Princes voisins se mirent sur leurs gardes craignans qu'il ne leur en arriuaſt de mesme qu'au Lant-graue Louys de Darnestat dont i'ay parlé cy deuant.

Le Prince Electeur de Saxe s'achemina en personne au bout des frontieres de son pays qui fuient à celuy de Hessen où il fit conduire grande quantité de gens de guerre tât de pied que de cheual, comme aussi quantité de canons pour empescher le degast des Caluinistes Protestans, & auoit ia mandé son armée de Silesie pour enuoyer aux armées Imperiales & leur ayder à chasser les Caluinistes de l'Empire s'ils en eussent eu besoin.

D'autre l'Euesque d'Virsbourg qui estoit le plus menacé des Protestans, braue Prelat, qui a tousiours entretenu 4000. hommes à ses despens pour le seruice de l'Empereur,) fit aussi vne leuée de huit mil hommes qu'il enuoya en l'armée Catholique au Palatinat, & dedans son païs fit prendre les armes à tous ses subiets pour en defendre l'étrée à Alberstat qui vouloit iouir de son reste de ce costé là.

Armées leuées
des Estats Catholiques de
l'Empire contre les Protestans.

Armement
du Duc de Saxe.

1622.

Or il ne fut pas besoin de tant de gens de guerre pour contenir les Calvinistes Protestans en deuoir, ils auoient esté trop battus & deffaicts pour pouuoir de rechef faire de nouveaux efforts, l'armée Catholique qui les enuironnoit estoit de 40. mil hommes de pied & de 12. mil cheuaux, n'en restant pas au dits Protestans 25. mil tant pour battre la campagne que pour la garde d'Hildeberg, Vvormes Frankendal, mauhen & Haguauu.

Protestans
enfermez par
les armées Im
periales.

Aussi apres la deffaicte de l'Euesque d'Alberstat au pont de Host prez Francfort, les deux generaux des armées Imperiales & Catholiques, le Baron de Tilly & Dom Gonçales de Cordoia, ne faisans pas grande estime du reste des forces du Palatin, Alberstat & Mansfeld, se retirerent vers Stenbein où ils passerent la riuere du Neccar sur le pont qu'ils y auoient faict, & delà se separerent: Dom Gonçales prit son chemin vers Oppenheim avec quinze mil hommes ou enuiron tant caualerie qu'infanterie, & le Baron de Tilly avec les autres troupes se retira du costé de Vvimphem vers Spire.

Leur camp estant ioint faisoit plus de 50. mil hommes complets tant de pied que de cheual avec 4000. chariots de bagage, & tenoit prez de 2. lieuës d'estenduë. Pendât quoy les desolez Protestans, le Palatin, Alberstat, Mansfeld & Turlach se camperent avec le reste de leurs forces entre manhein & Frankendal, sans oser passer outre, ny entreprendre de tenir la campagne.

Après toutes ces expéditions, combats & victoires le Baron Daussi arriué à Cologne de la part de l'Infante Serenissime des pays bas, s'en alla du costé de Saxe pour entretenir l'Electeur en haleine contre les Calvinistes, & ne prier ne se laisser surprendre par les instructions des Agens d'Angleterre & du Palatin qui l'estoient allé trouver, avec offre qu'il luy feroit de seconder ses armes en tous lieux.

Ledit Baron fut encore chargé d'aller visiter les Ducs de Brunswic, & leur dire mesme chose qu'à l'Electeur de Saxe; mais avec menaces en cas de volonté contraire. Ainsi de tous costez les Imperiaux deuenus grands maistres en l'Empire intimident tous les Princes & les Estats d'iceluy par le bruit de leurs victoires, & l'effroy de leurs puissantes armées; aussi la gloire d'auoir rompu les forces protestantes n'estoit pas petite; Car si les armées Protestantes Calvinistes eussent eu moyen de se ioindre, outre seize mil hommes de pied & six mil cheuaux, qu'auoient ensemble le Palatin & Mansfeld tous par la campagne qu'en garnison, le Marquis de Turlach leur amenoit encore 13. mil hommes, & l'Electeur d'Alberstat 3. mil cheuaux & 8. mille hommes de pied, qui eussent faict ensemble estans ioints plus de 35. mil hommes de pied, & plus de dix mil cheuaux; armée puissante & bastante pour executer leurs malheureux desseins contre les Princes Catholiques, ainsi qu'on peut recueillir de leurs belles presentations cy deuant descrites.

Forces du Palatin & des Protestans si elles eussent esté ioinctes.

1622.

Ainsi par ces victoires glorieuses, l'Empire s'acheminant à la paix & au repos dont il n'auoit iouy il y a plus de quatre ans, on ne parle plus que le maintenir & de recognoistre l'Empereur, pour le Souuerain administrateur de la Germanie.

Diette generale d'Hongrie

Et pendant cecy setient la Diette generale d'Hongrie en la ville d'Edemburg entre Vienne & Presbourg entre l'Empereur & les Estats du Royaume, où apres de longues conférences & plusieurs contestations faictes par les Hongrois, l'assemblée s'est finalement terminée au contentement de sa Majesté Imperiale & desdits Hongrois.

Par la conclusion de cette Diette, les Estats d'Hongrie ont renouuelé à sadicte Majesté Imperiale le serment de fidelité, & renoncé à toute sorte de ligue contraire à son seruice & au repos du Royaume.

Articles accordez.

Sa Majesté a promis ausdits Estats de les laisser & minter en la iouissance plaine de leurs priuileges & libertez, sans y rien alterer, changer ou innouer.

Moyennant quoy lesdits Estats ont promis restituer tous les biens des Eglises & des Ecclesiastiques, par eux tenus & occupez pendant les derniers troubles du Royaume.

Aussi en ladite Diette du consentement de sadite majesté Imperiale & desdits Estats du Royaume, le Colonel Turso fut créé & déclaré Palatin d'Hongrie.

Colonel Turso fait Palatin d'Hongrie.

Vne chose tint quelque temps accroché le traicté d'Edembourg, qui fut l'Estat des garnisons

nisons des places du Royaume, la Majesté Imperiale desiroit que ce fussent soldats Allemands qui en eussent la garde, les Estats d'Hongrie insistoient au contraire, desirans n'auoir autres garnisons que des naturels du Royaume, enfin le differend se termina de la sorte que dans lesdites places les garnisons moitié Hongroises & moitié Allemandes, & fallut se contenter de cela pour cette fois.

Vn mois ou enuiron après la conclusion de la Diette susdite qui fut le 2. Iuin dernier, l'Imperatrice nouuelle espousedel'Empereur fut couronnée Royne d'Hongrie, & fit son entrée dans la ville de Presbourg, avec des solemnitez & magnificences tres belles, elle fut honorée de tres riches presents de la part mesme de Bethlée Gabor & des Estats du Royaume qui la recogneurent pour leur Royne, & luy firent toute sorte d'hommage & d'honneur.

Imperatrice
Couronnée
Royne d'Hô-
grie à Pres-
bourg.

Voilà tout ce qui se passa en Allemagne le long du mois de Iuin.

Auquel temps aussi on escriuoit d'Espagne & d'Angleterre & de Flandres que plusieurs sorties de combat, prise & perte de vaisseaux auoient esté faites sur la mer en diuers lieux.

Vne flotte de marchands Hollandois passans le destroit de Gilbratar avec 18. vaisseaux, furent attaquez par l'armée Nauale d'Espagne, ce que voyans lesdits Hollandois qu'on les alloit combattre ne pouuans eschapper le danger destre pris ou perdus, retirerent tout

1622.

ce qu'ils auoient de bon en l'un de leurs vaisseaux, mirent eux mesmes le feu aux poudres des autres vaisseaux qu'eux mesmes firent sauter en pieces, aymans mieux les perdre de la sorte que de les laisser en proye aux Espagnols.

D'Angleterre on escrit que trois grands vaisseaux partis du port d'Ostende, ont fait rencontre de 14. barques de pêcheurs Hollandois es costes d'Ecosse, desquelles ils en coulerent quelques vnes à fond, & se saisirent des autres.

Pêcheurs
Hollandois
surpris par les
vaisseaux d'O-
stende.

Le haure d'Ostende est aujourd'huy des plus beaux del'Europe, où il y a de tres beaux vaisseaux & quantité de bons hommes de mer, le Roy d'Espagne en veut faire le Magasin general de toutes ses armées nauales de Flandre, & achapte tous les iours quantité de matelots Hollandois & des plus experts, qui se viennent rédre audit lieu à son seruice à force de pistoles, ce qui affoiblit d'autant plus l'equippage de mer desdits Hollandois.

Aussi sur les costes de Flandres entre Donkerque & l'Angleterre les vaisseaux de guerre de Donkerque attaquerent au mesme temps 14. vaisseaux Pyrates de Hollande, en prirent quelques vns, en coulerent d'autres à fond, firent grand butin, mais ce ne fut pas sans le bien payer, car le combat fut fort opiniastré de part & d'autre.

Le mois de Iuillet n'est si tost arriué que l'on remuë mesnage en Allemagne.

L'Euesque d'Alberstat apres sa deffaite au

pont de Hoëst, comme a esté dit cy deuant, ayant honteusement pris la fuitte vers le Palatinat, avec tout le reste qu'il peust sauuer de ses troupes, enfin il arriua bien harassé à Mauhen plein de rage & de fougue, où il attaquale Palatin & Mansfeld à belles iniures, & les salua de plusieurs pipes de Diabes, de sorte que pour lors il ny eust pas peu de degoust entre eux.

La contestation qu'ils eurent ensemble fut Iniuces chan-
cause que ledit mansfeld accusé d'auoir laissé tes au Palatin
perdre ledit Alberstat faute de luy mener se- & à Mansfeld
cours, quoy que ledit Mansfeld soustint au par Alberstat
contraire qu'il n'auoit tenu à luy, mais que les après sa defai-
cte.

soldats ne vouloient plus aller à la guerre sans viures ny argent, se departit d'avec le Palatin & Alberstat & se retira avec ses troupes dans Haganavu, laissant les deux autres chefs dans leurs propres Conseils.

Le Prince Palatin voyant ainsi son armée desbandée sans argét ny esperance d'en auoir pour la payer, & les ennemis deuenans de iour à autre puissans, fut conseillé de se retirer cependant que l'on traicteroit de son reestablissement à Bruxelle avec la Serenissime Infante & les Ambassadeurs d'Angleterre.

Sur ce Conseil il va assisté de quelque trente Gentil-hommes faire sa retraicte dans Sedan, se separant ainsi d'avec l'Euesque d'Alberstat & laissant, Frankendal, Hildeberg, Mauhein & Vormes entre les mains des garnisons Angloises & Allemandes qui y estoient

1622.

esperans qu'estans ces places du douaire de la Palatine sa femme on ne les forçoit en consideration de son beau pere le Roy de la grande Bretagne, avec lequel on traitoit & de mariage, & du reſtabliſſement dudit Palatinat.

Mansfeld s'eſtant reconcilié avec l'Eueſque d'Alberſtat, & ſe voyans neceſſiteux ſans moyens de pouuoir entretenir leur armée, delibérerent de ſortir del'Allemagne, & de chercher leur fortune ailleurs auant qu'on les forçast d'auantage de ce faire.

Mansfeld, & Alberſtat quittent l'Allemagne & viennent vers la France.

Il ſçait les deſſeins que luy auoit de long téps communiquer, le Duc de Bouillon & les rebelles de France, en tout cas, il penſe qu'il pourra eſtre employé avec vne partie de ſon armée au ſeruice du Roy de France, ou par ledit Duc de Bouillon.

C'eſt pourquoy luy & ledit Eueſque d'Alberſtat partent de Haguauau, tirent toutes les garniſons & munitions, canons qui eſtoient la dedans, & avec enuiron 14. mil hommes de pied & dix mil cheuaux & douze cens charriots & plus de 8. cés femmes, ils ſe preſenterent à la frontiere de Lorraine, ſomment le Duc de leur preſter paſſage pour ſe preſenter au ſeruice des François.

Le Duc de Lorraine les endure quelques iours.

Le Duc ſurpris au depourueu, les prie d'auoir patience, fait adminiſtrer quelques viures à l'armée de mansfeld, & armé cependant fort puisſamment pour la deſence de ſon païs, & eſtant fort aſſez pour l'empêcher de faire le degaſt, le faiçt ſortir de ſes frontieres, ſur l'eſperance aſſeurée qu'auoit

ledit Duc des troupes du Baron de Tilly & de celles du Baron d'Anholt qui luy venoiēt.

Ce que voyant Mansfeld quitte la Lorraine & se vient camper sur la frontiere de France, & se sont passées entre les François & les choses que nous auons cy deuant obseruées en nostre suite de l'histoire de la rebellion de France.

Cependant craignant qu'il ne se iettast dans le Luxembourg, Dom Gonçales de Cordua prist resolution de costoyer ledit Mansfeld, & le preceder dans leudit pays de Luxembourg.

Et sur cette resolution ledit Dom Gonçales avec l'armée Espagnolle qui estoit au Palatinat, aduança iusques à Kayfers-Lautern, ladite armée estant forte de dix ou douze mil hommes lauelles'achemina vers Limbach pour tirer vers la Mozelle dequoy l'on estoit en alarme du costé de Sarbruck.

Dom Gonçales auât que partir le 27. Iuillet assiegea avec ladite armée la ville de Neustat au Palatinat dans laquelle il entra, & la receut à composition apres y auoir fait tirer vingt-quatre coups de canon, mais donna les faulxbourgs au pillage aux soldats, il trouua en ladite ville grande quantité de vin & autres provisions comme les meubles des refugiez, de sorte qu'il eust le passage libre iusques audict Kayfers-Lautern, lequel estoit bouché auparauant, & trauersé d'arbre.

D'autre costé Monsieur de Tilly auoit partie de son armée au Marquisat de Thurlac où

Dom Gonçales veut suivre Mansfeld.

1622.

il faisoit de grands degasts avec le feu. tenoit Heidelberg bloqué, voulant reduire à l'obeïssance de l'Empereur plusieurs villes qui sont sur le Rhin estant son armée puissante de trente mil hommes.

L'Archiduc Leopold e arriua aussi à Haguanavu, & campa son armée vers Dousonhen proche du Rhin, & s'informant des auteurs qui auoient rendu ladite ville de Haguanavu, à Mansfeld.

L'Archiduc
Leopold e va
à Hagua-
navu.

Cosaques
passent le
Rhin.

Aussi en mesme temps 4. ou 5. mil Polonois firent passer sur le pont de Strasbourg cent soixante chariots chargez de bagage. L'inscription de leurs estendars est telle *Pro fide & Ferdinando.*

Dom Louys de Silua enuoya le quatriesme Aoust, vn sien Lieutenant à Sarbric demander logement aux enuirs de la pour deux mil chevaux & quinze cens hommes de pied, & qu'on se trouuast prests és villages avec des viures & munitions donnant ordre que le pont qui estoit sur la Sarre fust assuré pour passer le canon & bagage.

Le mesme iour à dix heures du soir l'armée de Dom Gonçales de Cordüa se logea de nuict à trois lieuës à l'entour de Sarberic forte de 15000. hommes, l'auantgarde qui estoit de 25. Cornettes se logea iusque sur la Sarre és village du Conté de Nassau pendant que le gros de l'armée avec le canon és enuirs de Limpach, ayant passé par Sarquemonde entra au Luxembourg pour y empêcher l'entrée des ennemis.

Le Camp de Mansfeld estant donc arriué à Mouson pres de Sedan, & celuy de Dom Gō- çales de Cordüa à Iuris país de Luxembourg fort peu distant l'un de l'autre s'estant long temps entrecorrez au lieu sudit. Le Comte de Mansfeld, les voulant abuser du bruit qu'il faisoit courre qu'il estoit d'accord avec le Roy de France, fit semblant d'entrer dans la France, & leuât son Camp fort soudainement prit sō chemin vers Tiesfrache, delà il tira à main droicte, & se vint rendre à Landrochiers vil- lette frontiere de Hainaut, où estant, & n'a- yant à passer aucune riuere (car c'est la sou- rce de la riuere de Sambre qui estoit d'un pas- sage assez difficile) il rebroussa chemin, & entrant bien auant dans le pays de Hainaut comme d'autre costé le Camp venu du Pala- tinat & conduit par Dom Gonçales de Cor- düa se hastâ pour luy couper le chemin, les deux armées se rencontrerent pres de Mole & Franne au pays de Vvalō Brabant entre Fliou Ganappe & Gossilly à 6. lieuës de Bruxelles.

Là s'estans campez le lendemain à cinq heures du matin toute la Cauallerie de Mans- feld qui estoit de huit mil cheuaux, vint fon- dre sur celle de Gonçales, d'un assaut aussi furieux qu'il se scauroit dire: la Cauallerie de Gonçales qui n'estoit que de deux mil cinq cens fut contrainte de se retirer au milieu de l'infanterie, laquelle attaquée par l'ennemy & nommement le reginient des Espagnols & Italiens soubz le Marquis de Campolattera l'espace de quatre ou cinq bonnes heures l'on

Mansfeld & Alberstat en- trent au pays bas & quittent les frontieres de France.

Attaque Dō Gonçales qui luy vient au rencontre.

1622.

estoit en si grand branle que l'on doutoit à qui demeureroit la victoire, & y eut mesme au commencement quelque apprehension & apparence de perte du costé des Espagnols, mais les Allemands conduicts du Comté d'Insenbourg & du Baron de Foucker venant au secours tindrent bon, de sorte qu'ils repousserent l'ennemy lequel les vint furieusement charger à trois fois, secondez d'ailleurs par les Vvalons du Regiment de Dom Guillelmo Verdugo.

Mais enfin Mansfeld fut contrainct de prendre la fuite apres auoir tres-vaillamment fait; car il fut veu monté sur vn cheual bay commandant comme vn Cesar à la teste de ses troupes, la meslée dura du depuis cinq heures iusques à onze heure, elle fut autant sanglante qu'il s'en soit veu de long temps, il y en est bien demeuré de part & d'autre ceux qui ont veu la campagne où l'ennemy auoit sa poste, l'ont asseuré.

Perte de part
& d'autre.

Le lendemain du combat on compta des leurs plus de deux mille tuez sur la place & de la part des Espagnols cinq ou six cens, & bien sept cens de blesez que l'on amena aux hospitaux de Bruxelles, comme à ceux de Niuelle le Espagnols perdirent vn Maistre de Camp Espagnol, Dom Francisco de Yua-ra, vn des plus braues & vaillants Caualliers de la Cour del'Infante, & avec luy trois cens soldats Espagnols, il y eut aussi des Espagnols cinq Capitaines de Cauallerie tuez, & entre eux le Vicomte d'Emmerin, lequel auoit

gagné luy seul deux Cornettes de l'ennemy, & eitant pour emporter la troisieme, luy mesme fut emporté: la plus part des Capitaines & Officiers furent blesez, toutesfois sans danger de mort.

La perte de Mansfeld fut plus grande à cause du canon Espagnol, qui a chaque coup en emportoit du moins vne douzaine.

Le Duc de Saxe Vveymary fut blezé, & depuis est mort à Niuelle.

On prit beaucoup de prisonniers qui ne se sont voulu donner à cognoistre, on en a reconnu quelques vns, comme le Comte de Reintgraue, & le Comte de Stiom, & quatre ou cinq autres Capitaines de cheuaux.

Le Duc de Brunswic, dit l'Euesque d'Alberrhat, y fut blezé à l'espaule gauche qu'il eut tellement froissée que l'on croit qu'il n'en peut reschapper, mesme le Reintgraue qui fut pris, dit luy auoir luy mesme aydé à le porter dans son carosse, tant il estoit desnüé de forces.

L'on assëura du depuis qu'il est mort.

Les Espagnols prirent sur les ennemis vingt-neuf Cornettes de Cavalerie, & vnze drapeaux d'Infanterie, de laquelle ils n'auoient que cinq mil hommes, & les meilleurs estoient ceux du Regiment du Duc de Bouillon qu'il auoit fourré parmy les autres, avec quinze cens cheuaux desdites Cornettes, entre douze belles enseignes estoient celles qui suivent.

La premiere desquelles estoit la Cornette du Comte de Mansfeld, qui est de damas rouge richement brodée d'argent avec ces mots,

PRO LIBERTATE,

La seconde est de mesme.

Drapeaux &
deuises gai-
gnez.

La troisieme est de Damas bleu avec vn bras fortant d'une nuée, tenant vne espée en main avec ces mots au dessus,

PROPTER PATRIAM.

La quatrieme est de Damas violet avec vn Alfere où porte-enseigne armé de pied en cap, & ces mots. E S P E R A N C E M'ASSEVRE.

La cinquiesme est de Damas bleu avec vne couronne d'or, & ces mots.

SOLAMEN SPEI PATIENTIA.

La 6. de Damas verd avec vn heaume d'argent, & deux gantelets au dessus, ie n'ay peu lire les mots. Vne enseigne avec trois Ro-fiers d'argent, les autres sont de diuerses couleurs sans deuises.

Dernier com-
bat sur l'In-
fanterie de
Mansfeld de-
faicte.

Le lendemain de ceste bataille qui estoit le 30. la Cauallerie Espagnolle conduite par le Colonel Gauchier poursuuiuit l'ennemy pour donner sur la queue, & pres de Hannuyt vers Sainctron ils deffirent quelque deux ou trois cens cheuaux qui estoient pour conseruer l'artillerie, & le bagage qui a esté pris par les nostres, & voyant que le reste de la cauallerie estoit aduancée on donna dessus l'Infanterie de Mansfeld quel'on deffit entierement, & mit on tout en piece sans mercy, & y en eut plus de 3. mil tuez pour lors, les corps desquels estoient gisans tout le long du chemin, & voyant que la cauallerie estoit eschappée, & que Mansfeld estoit dans le país de Liege, ils

nt quité les poursuittes, & ont pris le chemin
e la campagne, où mansfeld deuoit aller
our se ioinde avec le Prince d'Orange ce
u'il fit. En la bataille susdite les Espagnols
estoiẽt pas plus de cinq à six mil contre
reize à quatorze mil de Mansfeld.

La veritable deffaite du Comte de Mans-
eld par l'armee d'Espagne.

La mort du Duc de Brunswick, dit l'Euef-
ue d'Alberstat, les noms des plus signalez qui
ont esté tuez, blesez ou prisonniers tât d'y-
e part que d'autre.

Le nombre des Cornettes & enseignes pri-
s sur le Comte de Mansfeld, avec leurs cou-
urs & deuises.

Et autres particularitez de la bataille don-
née au pays bas aux quartiers de Vvalon Bra-
ant à six lieuës de Bruxelles le 29. Aoust 1622.
ensemble la poursuite de la Cauallerie dudit
Mansfeld, & deffaicte generale de son Infan-
terie le lendemain 30. iour dudit mois par le
Colonel Gauchier, bref tout ce qui se peut
auoir de particulier.

Pendant que l'on verra ce que deuiendra
Mansfeld & ses troupes s'en allant au seruice
e Messieurs les Estats d'Hollande, & l'ordre
nouveau que l'on va establir en Flandres ou
pour le nouveau siege de Breda, ou pour cau-
er vn diuertissement aux armes du Princee
d'Orange du costé de la Frise, voyons ce qui
e qui se passe en Angleterre,

Le Roy Serenissime ayant fait voir les pro-
positiõs du mariage d'être le Prince de Galles
on fils & la Serenissime infante d'Espagne

sœur puisnée du Roy Philippe I V. à present regnant; en faueur & contemplation dudict traicté, comme aussi & principalement l'instance priere de sa Majesté tres-Chrestienne, il a fait ouurir les prisons de tout s^{on} Royaume à tous les prisonniers Ecclesiastiques, qui pouuoient estre detenus par la mauuaise affection des Anglois Calvinistes.

Elargissement
des Catholi-
ques Anglois
en Angleterre

Le peuple Anglois a esté autrefois le plus deuot & pieux de toute l'Europe: mais le malheur les a portez depuis peu, pour des causes qui ne sont cogneues que de Dieu seul, en vn tel auuglement qu'il ne s'est point trouué de nation qui ait dauantage persecuté l'Eglise Catholique. Qu'ils ayent esté grandement zelez à la Religion dont nous faisons profession, les superbes Temples qu'ils nous ont bastis en sont tesmoins irreprochables. Qu'ils ayent aussi depuis esté grands persecuteurs des Catholiques, les cruantez qu'ils ont exercées enuers eux depuis le schisme qui s'englissa du temps d'Henry VIII. en sont foible Dieu qui a jetté son œil fauorable dessus ceste Isle florissante, a quant & quant touché le cœur du Roy qui commande à present ces peuples, & l'a rendu flexible aux larmes, & au soupirs de ceux qui le seruent en la pureté de la Doctrinne de leurs peres, & qui auparauant estoient de telle sorte oppressez qu'ils ne luirendroient leurs vœux qu'en cachette. Ce grand Roy dis-je ayant meurement pensé qu'il n'estoit pas iuste de violenter personne en sa conscience, a voulu faire paroistre qu'il

approuuoit point ce procedé. La coustume
du pays estoit que si un Prestre estoit surpris en
quelque lieu disant la sainte Messe, & luy &
les assistans estoient tous menez en prison, &
le Prestre estoit tousiours plus grieffuement
puny que les autres. Le Roy de la Grand' Bre-
tagne desirant les redimer de ceste oppressiõ,
leur donner le moyen de prier Dieu pour la
prosperité de sa Majesté, se resolut de faire ré-
tablir la liberté à ceux qui auoient esté emprison-
nez à cause de la Religion.

Ce Prince donc voulant executer ce des-
sein, feit expedier l'vnziesme iour d'Aoust der-
rier des lettres patentes adressantes aux Iu-
ges des circuits de son Royaume, par lesquel-
les il leur commandoit expressément de ren-
dre la liberté aux Catholiques qui estoient de-
venus es Geolles de leurs Iurisdicções, & char-
gea son grand Chancelier d'escrire par tout,
de adresser à tous les Iuges les patentes expe-
dies au grand sceau, par le commandement
de sadite Majesté, avec particuliere injonction
d'accelerer l'affaire le plus qu'il leur seroit pos-
sible, sans que de leur part il y fust apporté au-
cun retardement pour quelque cause que ce
fust; Et par ce que les lettres par le susdit Chan-
cellier, expriment sommairement le contenu
desdites lettres patentes, Je me suis contenté
de vous les faire veoir. Mais auparauant j'ay
aduoué à propos de vous donner l'intelligen-
ce de quelques termes qui ne sont point icy en
usage, comme quand il parle des Iuges de
Circuit & Iuges d'Assises, en Angleterre le

Cruauté des
Anglois en-
uers les Pre-
stres.

1622.

Roy choisit tous les ans certaines personnes de la probité desquels luy est cogneuë, & ap- leur avoir fait faire serment deuant sa Majesté. Il enuoye les vns envne province & les autres envne autre, où ils entendēt les plaintes du peuple tant contre les gouverneurs que les Juges. Leur pouuoir est si ample qu'ils peuuent condamner à la mort ou à telle autre peine qu'ils iugent raisonnable & font executer leurs iugements sans appel. Ces Juges de circuits & Juges d'Assises, parce qu'ils font le tour des Provinces qui leur sont à chacun d'cux assignées, & c'est à ceux là que s'adressent les lettres del' Euesque de Lincolne grand Chancelier d'Angleterre, desquelles voicy la teneur.

Lettre du
grand Chan-
celier d'An-
gleterre, aux
Juges des as-
sises & Cir-
cuits.

Après mes tres-affectionnées recommandations.

Sa Majesté ayant resolu pour de bonnes raisons d'Estat (& sur ce qu'elle espere que les Princes estrangers feront la mesme grace à ceux qui font profession de nostre religion d'accorder quelque faueur aux prisonniers Papistes de ce Royaume, m'a commandé d'expedier deux lettres patentes souz le grand sceau, portant commandement aux Juges de chaque circuit & Prouince d'esslargir lesdits prisonniers suiuant la teneur d'icelles.

J'ay charge de la part de sa Majesté de vous faire scauoir que c'est son plaisir incontinent apres la lecture de ces presentes, sans aucun delay ny retardement, elles soient ex-

ités, mesmes que vous ne faciez aucune
difficulté d'estendre sa faueur Royale sans
exception sur tous Papistes, que vous trou-
ueriez és Geolles de vosdits circuits & Pro-
vinces, pour quelque raison qu'ils ayent re-
fusé d'aller à l'Eglise, ou bien qu'ils n'ayent
voulé presté à sa Majesté le serment de
souueraineté, au spirituel comme au tempo-
rel, ou bien parce qu'ils ont espandu parmy
le peuple, ou detenu des livres contraires à la
Religion que nous professons, mesmes pour
auoir esté trouuez assistans à la Messe. En fin
pour quelque raison qu'on les y detienne,
surueu qu'elle concerne la Religion &
l'Estat. Ce qui vous doit apparoir au-
rauant estre purement pour fait de religion
non d'Estat.

A tant ie me recommande tres affectueuse-
ment à vous, A Dieu.

Au College de Vvestminster le vnziesme
Ioust, styl nouveau, 1622.

Vostre assure amy Jean Lincolne.

es tesmoignages de la bonne volonté de ce
Roy Serenissime ne se borneront pas là, ains
s'estendront encore iusques là, que de faire vne
generale deffence à tous ministres Calvinistes,
Britains & autres de ne prescher seditieu-
sement deuant le peuple en leurs presches ny
leurs contre la religion Catholique, ny
contre les Papistes, à peine de suspension de
leurs charges.

Deffence aux
Ministres An-
glois de pres-
cher contre la
Religion Ca-
tholique.

1622.

Liberté des li-
ures Catholi-
ques.

Plus à permis ledit Serenissime Roy la li-
berté des liures Catholiques qui auoient esté
auparauant inhibée & deffenduë en Angle-
terre, de sorte qu'à present il est permis à
chacun d'en auoir, & aux marchands forain-
s d'y en apporter.

Pour ce qui concernel'exercice de la Reli-
gion Catholique, cela n'est encore octroyé
ausdits Catholiques d'Angleterre, esperant
toutefois quelle se pourra restablir avec le
temps, par des sortes de bons mouuement
que ce grand Roy, & de la bonne volonté
qu'il faict esperer auoir pour le repos desdits
Catholiques.

Ce pendant il n'est pas possible de croire les
Catholiques & mesme les Calvinistes qui as-
sistent les Festes & Dimanches aux Predica-
tions des Peres aux Hostels de Messieurs les
Ambassadeurs de sa Majesté tres-Christienne
& du Roy d'Espagne.

Predications
du Pere Ange
Draconis en
Angleterre.

Le Pere Ange Draconis Capucin, qui est
passé desguisé en Angleterre pour la conqué-
ste des ames Heretiques, & pour la consolati-
on des Catholiques, se faict admirer en ses
Predications qu'il faict en l'Hostel de Mon-
sieur l'Ambassadeur de France, le deuant de
son logis est plein de carosses des plus grande
Dames du Royaume, qui ne perdent aucune
de ses Predications.

Plusieurs Ministres & des plus estimez du
Royaume s'y trouuent, & sont fort aises de
l'entendre, & ny à plus de gardes ny d'empê-
chement aux enuironz desdits Hostels de
l'Ambassadeur.

Rebell. & affaires estrangeres. 193
Ambassadeurs cōmeily auoit autrefois pour
empescher les Catholiques Anglois d'aller à
la Messe; on espere que le commencement
aura de bien plus grands progrez pour l'esta-
blissement des Catholiques, & de leur reli-
gion en ce Royaume.

Or retournans aux païs bas on sçait enfin
que l'Euesque d'Alberstat a gaigné retraicte
ans Breda avec Mâsfeld avec enuiron 4000.
cheuaux, nombre plus grand qu'on ne croyoit
y deuant & que ledit Alberstat en a esté quit-
te pour le bras gauche qui luy a esté coupé par
deux fois à cause de la gangrene qui y gai-
noit.

C'est chose estrange des cruantez quise
publient dudit Alberstat, & de ce qu'il a fait
par tous les lieux où il a passé.

C'est pourquoy pour terminer le Narré des
eaux exploits de guerre de Mansfeld & d'Al-
berstat, i'ay voulu satisfaire au desir de beau-
coup de personnes d'inserer en celieu l'histoire
articuliere dudit Euesque d'Alberstat, car
pour celle de Mâsfeld chacū le cognoist, & les
histoires dernieres d'Allemagne, & des guer-
res qui s'y sont faicts le font assez cognoistre.
Alberstat est frere du Prince de Brunswic, &
plus ieune de toute la maison, appellé en
son nom Christian Duc de Brunswic portant
titre de Chef comme font ordinairement tous
les Princes de Brunswic, & de toutes les
maisons d'une mesme famille en Allemagne,
ont legitimes que bastards.

Cettuy fut pourueu par apanage de l'Eues-
que d'Alberstat dont il se nomme, non pas

1622.

Euesque comme on l'appelle, mais administrateur, possédant plus de 60. mil florins qui luy reuiennent annuellement dudit Euesché.

Ce ieune cadet, âgé de 21. à 22. ans, s'estant desbauché de la Cour du Prince de Bronsuic son frere, s'en alla en Hollande au mesme temps que Frideric Palatin du Rhin s'y rendit apres la signalée bataille de Prague, & luy fut compagnon de fortune, l'accompagnant de Bronsuic iusques à la Haye, apres auoir communiqué quelque temps avec les Magistrats des villes Ansiatiques, avec le Duc de Brenne de Lunebourg & autres, & s'estre assuré de leur bonne volonté pour l'assister au recouurement de son Palatin.

Après quelque seiour qu'ils firent ensemblement à la Haye aux despens des Estats de Hollande, il se minuta quelques desseins pour diuertir la continuation des armes qui se manioient au bas Palatinat, pour la cōqueste de places qui y restoient encore à prendre.

Là fut donc resolu que cependant que Mâsfeld se desgageroit du haut Palatin, où il estoit pressé des troupes de Bauiere, & descendoit au bas pour diuertir les armes de Gonzales qui battoit Frankendal, & qu'attendant le temps que le Palatin retourneroit le ioindre si tost que le marquis de Turlach auroit leué les troupes & les munitions de guerre qu'il esperoit receuoir de Strasbourg, Heildebron de Hesse & autres: l'Euesque d'Alberstat repasseroit d'Hollande en Allemagne & iroit assembler les troupes auxiliaires que deuoient enuoyer

Resolution
prise à la Haye
pour recon-
querir le bas
Palatin.

es villes Anſiaticques de Hambourg, Daſtic,
Lubeck & autres villes, le Marquis Eleſteur de
Brandebourg & les Ducs de Brenne & Lune-
bourg, pour avec icelles ſe mettre en campa-
gne, entre l'Veſtphalie & faire le degaſt ſur
es Eueſchez de Cologne & Mayence.

Il prend donc courage du Palatin à la Haye Alberſtat re-
& les Eſtats de Hollande, qui promirent luy tourne en Al-
nuoyer leurs troupes ſi toſt qu'il ſe ſeroit mis lemagne pour
en deuoir d'êtrer dâs les païs des Diocèſes de armer.
Cologne & Mayèce. Il part aſſiſté d'environ

100. cheuaux de Hollande, rentre en Allema-
ne, va au païs du Prince de Bronſuic ſon frere,
où il delbauche vne grâde partie de la No-
leſſe qui ſe ioint à luy avec quantité de ban-
oliers & ſoldats, auſquels il promettoit tou-
te ſorte de liberté de mal faire, fait ſommer ſon
frere le dit ſieur Duc de Bronſuic, de contri-
buer & hommes & argent pour l'aſſiſtâce du
Palatin qui alloit prédre les armes pour recō-
uerir ſon Palatinat, où qu'à faute de ce faire
rauageroit ſes propres terres.

Sur cette promeſſe liberale qu'il fait de tout Il eſt aſſiſté de
mettre au pillage & à diſcretiō des ſoldats, plusieurs li-
ar tout où il ſeroit le maïſtre, il ne manque bertins.
point de bonne aſſiſtance de gens de meſme
blonté que luy, il en trouue dauantage qu'il
ne fait pas d'argent pour les entretenir.

Or le 1. rauage qu'il fait ſur les terres de Brū- Ravage les
ic ſans reſpect de frere ny de patrie en ven- terres de ſon
tance de ce que ſon frere n'auoit voulu con- frere.
tir à ſes deſſeins, ny luy fournir l'argent &
aſſiſtance qu'il luy auoit demandé; en deſpit

1612.

de ce il brusle, vole & ruine tout ce qu'il peut trouuer à la campagne, & met son propre pais en proye à ses soldats, qui mesmes auoient horreur del'inhumanité que ce petit tyran faisoit souffrir aux siens.

Les Aufiatiques, & les Ducs de Brenne & de Lunebourg luy enuoyent des troupes.

Et sur les belles esperances qu'il donne de son courage, mais pustoit de sa rage tyrannique, aux villes Aufiatiques ennemis de la maison d'Autriche, & aux Ducs de Brenne & Lunebourg partisans des Caluinistes protestans, ils luy confient leurs forces, qu'ils mettent entre ses mains, tous meschans garnemens y courant comme aux nopces, en vne armée & sous vn Chef qui faict bon marché de la vie, du sang, & du bien des pauvres Catholiques; il se rend donc puissant de huit mille chevaux, y comprenans les troupes que luy enuoya l'Electeur de Brandebourg, & celles qui arriuerent de Hollande, avec quoy il entre dans l'Vestphalie, & se iette dans l'Archeuesché de Cologne avec le canoë, par tous les lieux où il passe, il ne laisse rien que les cendres, pitoyables marques de sa cruauté.

Armerment des Catholiques contre luy.

Sur la fin de l'an precedent entré qu'il fut en Vestphalie il assiegea la ville d'Amoeubourg qui faute de secours fut contraincte de se rendre à luy, & nonobstant la capitulation qu'il signa, il massakra la garnison qui estoit dedans, & donna la place au pillage à ses soldats.

Sur les mauuais progres de ce meschat homme du costé d'Vvesel le Marquis Spinola enuoye quelque gend'armie Espagnole en Vestphalie pour s'opposer aux desseins d'Alberstat.

Rebell. & affaires estrangeres. 197

Les Espagnols munissent les places dudit
Electeur de Cologne de garnisons capables
de les garder & defendre contre les efforts du
dit Alberstat : & vont avec 4000. homes de
le pied & huit cens cheuaux pour assieger
ladite ville d'Ameuebourg, & contraindre
Alberstat, & en chemin faisans par l'Vest-
phalie, surprit la ville de Lippe par la mauuai-
se pratique qu'il auoit faite avec les habitans
qui espièrent l'occasiō, de ce faire pendant que
la garnison Espagnole qui estoit dedās s'estoit
endormie, il les chassa hors le baston à la main,
prit leurs armes, & 12. pieces de canon qu'il
trouua là dedans.

De Zoest en chemin faisant, il prit encore
Arusbergville, Capitale du Duché d'Angarie
dependante de Cologne, sans aucune resistāce,
& cōtraignit ceux de Munster & de Paderbō
de luy faire tenir comptant vne notable sōme
de deniers, leur enuoyant des lettres de mena-
ces qu'il les mettroit tout à feu & à sang.

Et marchant avec son armée contre ladite
ville en passant se saisit encore de Nerhuff,
Lippspring, Braxel, Vvarburg, Berenric, Gifec,
Drigemberg, Vvuntemberg & presque de
tout le Diocèse de Paterbron où ses soldats
commirent mille insolences pillans, brussans,
& violans generally toutes les filles, fem-
mes tant ieunes que vieilles, tant grosses que
maichemēt accouchées, sans distinctiō d'âge
& mettans le feu en toutes les Eglises, oratoi-
es & chapelles du país avec mil autres sortes
d'abominations honteuses à descrire.

Il est contrint
de quitter A-
meuebourg.

Surprend Ne-
rhuff Lipf-
bring, Bra-
kel, Vvarburg
Berenric, Gi-
fec, Drigem-
berg Vvunnē,
berg.

1622.

Cruautez y
exercées par
luy.

Emmenent s.
Iesuites pri-
sonniers avec
l'euesque qu'il
fit massacrer.

sa deuise in-
solente.

En fin il vient donc deuant Paterbron la
quelle il assiegea & fait battre trois iours en
tiers fort furieusement, au bout desquels ell
se rendit à luy, & y estât entré permit à ses so-
dats de piller generalement tous les Iuifs qui
demeureroient en cette ville là, forçale Clei-
gé de luy payer comptant vne grosse somm
d'argent, pillà tout le grand Thresor de l'E-
glise Cathedrale, & enleua la statue de Saint
Liborne Patró de ladite Eglise qui estoit tou-
d'or massif, ruina entierement tout le Colleg
des Iesuites, en fit massacrer aucuns & en re-
tint cinq de prisonniers, qu'il emmena en son
armée, iusques à ce qu'on luy eust acheué de
payer encore cent mil florins du reste de la so-
me qu'il auoit imposée sur le College: fit em-
mener aussi l'euesque dudit Paderbron, le-
quel il fit lier & garotter, & l'ayant par apres
fait enterrer iusques à la teste fit dancier & tre-
pigner son cheual sur luy & le fit ainsi miséra-
blement mourir, & des lors Alberstat com-
mença à faire grauer en ses drapeaux & ensei-
gnes, & dans la Monnoye cette insolente deu-
uise, *Amy de Dieu & ennemy de tous les Pre-
stres.*

Tant de sortes de cruauitez, violemens, incé-
dies & larcins commis en Vvestphalie par
ledit Alberstat, & les siens excitent les coura-
ges des Princes Catholiques & des Electeurs
Ecclesiastiques de Cologne & Mayéce pour
s'vnir ensemble contre luy.

Des le mois de Feburier Iuliers n'est sitost
reduit, que dans Bruxelles, on prend resolu-

tion de faire attaquer ledit Alberstat, avec
vne partie des Forces du pais bas quel'on de-
libere de faire passer le Rhin.

Les Hollandois aussi de leur costé s'assem-
blerent és enuiron de Nimegue pour enuoy-
er secours audit Alberstat; & de faict luy en-
uoyerent vn regiment de gens de pied &
cinq cens cheuaux sous la charge du Colo-
nel Kimphassen, qui furent enuoyez en gar-
nison dans les places du Comté de la Marck,
de Bergh tenans pour ledit Alberstat & pour
les Hollandois.

Aussi pour le mesme subiect l'Electeur
de Cologne Prince de Liege faict auancer le
secours que luy enuoyoit le Duc de Bauiere
son frere contre ledit Alberstat, sous la char-
ge & conduicte du Baron d'Anholt, braue
& courageux Capitaine, lequel ayant passé
Nassone, Dillebourg & Sigene en Veteraue
entra dans l'Archeuesché de Cologne & es-
tant arriué à Altendorf avec ses troupes, la
Caualerie Striuienne d'Alberstat fit mine de
s'approcher pour donner sur son auantgarde,
& l'empescher de passer, mais ils furent bra-
uement repoussez par les Croates du Baron
d'Anholt qui les poursuiuirent, & deffirent
gaignans sur eux quelque cent de leurs meil-
leurs cheuaux avec vne grande partie du ba-
gage.

Le Prince de Liege, qui auoit aussi fait plu-
sieurs grandes leuées pour la defence de son
pais dans le pais de Liege & au deça du Rhin,

1622.

Resolution à
Bruxelles

pour l'atta-
quer.

Ses Croates
battent &
poursuiuent
Alberstat.

1622.

Armement du
Duc de Neu-
bourg.

Son Gouver-
neur reprend
Alten & Luc-
schuit sur les
Holandois au
Comte de la
Marc.

ayant eu aduis de l'arriuée dudit Baron d'Anholt fit passer le Rhein à ses troupes le 21. Feburier, en nombre de trois mille hommes de pied & 6. cens chevaux, pour le joindre.

Aussi par commandement du Duc de Neubourg le Gouverneur nommé Breuc, fit vn nouuel armement pour la defence de son païs, & s'estant mis en campagne avec quelques troupes du païs bas, & 1200. hommes qu'il auoit leuez, assiegea les places d'Alten & de Lunschaît où estoient garnisons Hollandoises, & du Marquis de Brandebourg, qui firent du commencement grande resistance, mais ayât fait venir le canon pour les forcer, il se rendit maistré d'icelles, & chassa les garnisons.

L'arriuée du Baron d'Anholt qui auoit en son armee 3000. hommes de pied & 20. Cornettes de caualerie, ioinct les susdites troupes de Cologne, diminua grandement les desseins du cruel Alberstat, qui commença des lors à ne se trouuer assésuré dans la campagne.

Neantmoins il ne laisse pas de forcer & surprendre des places, il se saisit de Grefche, a depuis reprist sur luy par le Baron d'Anholt le 8. Mars dernier qui y entra par escalade avec ses Croates, & y tua 300. chevaux lestes dudit Alberstat, & y laissa pour la garde dicelle le Capitaine Hassé avec 800. hommes, & de là le Baron d'Anholt. Cette ville de Grefché fise en plat païs, pres de Zoest ne fut éloignée de la presence dudit d'Anholt, qu'Alberstat retourna l'assieger ce pendant que ledit Baron s'en alla apres vn conuoy desdits 20.

chariots de pouldres, plomb & bandoulières, conduits de 100. cheuaux quialloient de Hesse à Lipstat pour Alberstat, lequel conuoy il surprit, deffit les 100. cheuaux & emmena tous leſdit chariots de pouldres.

Auſſi donc Alberſtat retourne aſſieger Geſche, la fit battre 2. iours entiers de ſept canons, y fit breſche, & y donna trois aſſauts fort rudes qui furent vaillamment ſouſtenus par le Capitaine Harſi, perſonnage qui s'eſtoit ſignalé dans les guerres de Boëme, commandant 300. ſoldats du Duc de Baviere, & qui deffendit brauement cette place, & ſouſtint tant que le Commiſſaire general de l'armée de Cologne, & le Baron d'Anholt y fuſſent arriuez au ſecours, ce qui fut cauſé qu'Alberſtat ſe retira avec perte de plus mille des ſiens tuez aux aſſauts: Il s'eſtoit échauffé au ſiege de cette place, qui luy auoit eſté enleuée d'aſſaut en vne nuit par ledit Baron d'Anholt, où il perdit les 300. cheuaux que deſſus, & auoit eueuie d'en faire vne cruelle vengeance s'il l'eut repriſe: Les Allemans & Liegeois y firent fort bien leur deuoir avec lediſt ſieur Harſi leur chef, qui remporta vne grande gloire d'auoir ſi bien deſendu ceſte place, contre vn ennemy ſi obſtiné.

Cependant le Comte Henry de Berghe, a l'ordre du Marquis Spinola d'entrer dâs l'Vveſphalie contre ledit Alberſtat, & ayder aux Electeurs Eccleſiaſtiques à reconquerir les places qu'il auoit ſurpriſes.

Mais il y eut vn different qui ſuruint ſur cet-

Alberſtat retourne l'aſſieger & ne peut la reprendre.

Comte Henry de Berghe enuoyé en Allemagne contre Alberſt.

1622.

te deliberation & singulierement pour recôquerir Zoest, & Lipstat qu'Alberstat auoit prise. L'Electeur de Cologne n'estoit assez fort pour les r'auoir, l'Espagne d'autre costé s'offroit bié de les prendre, mais à frais communs & à troupes communes à la charge que leur Chefle Comte Henry de Berghe commanderait à tout: l'enclouëure estoit que si ledit Electeur de Cologne prestoit ses troupes aux Espagnols, il rompoit la neutralité qu'il deuoit garder: de sorte que tout ce qu'il peut faire fut de faire offre aux Espagnols d'empescher tout le secours de Hesse, & d'Allemagne à Alberstat ne bougeant de ses païs, pendant que l'Espagnol respendoit lesdites places luy seul, à quoy il ne voulut consentir, de maniere que ledit sieur Electeur estant pressé du mal qui empirait sur ses terres, promit de souscrire à l'offre de l'Espagnol.

Le Côte Héry
de Berg passe
le Rhin.

Et accord fait le Comte Henry de Berghe passe le Rhin le 7. May eusuiuât avec 35. Cornettes de Cauallerie, & 9000. hommes de pied, & de prime abord s'alla saisir de Dortmund ville Imperialle pleine de viures & de munitions, ce qui mit en rumeur les Allemâds qui ne pouuoient voir sans se plaindre, que l'Espagnol attaquaist aussi les villes Imperiales qui doiuent estre libres, & de là alla assieger Han & Lunen qu'Alberstat auoit prises dâs la Comté de Mark, pendant quoy les troupes de Cologne & de Lorraine tournerent du costé de Halteren, qui fut sommé de se rendre, & à l'instant recognuë par le Capitaine

Assiege Han &
Lunen.

Rebell. & affaires estrangeres. 293

Seraucourt avec mousquetaires, où l'on tira quelques coups sur les siens & luy sur les ennemis, se contentans seulement de cela, & nul autre paroissant pour l'assiéger, l'armée s'alla loger au Comté de la mark pres d'Iserlo, où ils firent desloger sans tambour la Cavallerie Hollandoise qui y estoit lesquels quitterent leur Poste avant que ladite armée fust arriüée.

Cependant le Baron d'Anholt poursuivant Alberstat ren-
Alberstat ren-
Alberstat le contraignit de se renfermer dans fermé dans
Lipstat, où il ne peut faire autre chose sinon Lipstat par le
de soutenir les escarmouches qu'y faisoient Baron d'An-
jusques aux portes de Lipstat les Croates du holt.
Baron d'Anholt qui sont Cavaliers de Croatie,
tuans & massacrans tout ce qu'ils rencontrét
sans recevoir aucun à mercy, demesme que
les Cosaques en Hongrie.

Ledit Baron d'Anholt ayant joint le Cō- Le Côte Hen-
te Henry de Berghe enuoyerent à communes ry de Berg &
troupes assieger Paderbron, Zoest & autres le Baron d'An-
places, lesquelles ne pouuans estre secouruës holt reprennēt
d'Alberstat se rendirent par force & furent Zoest & Pa-
faits prisonniers de guerre quatorze Capitai- derbron.
nes dudit Alberstat, & plus de 200. hommes
des siens tuez, & ainsi en peu de iours tout le
Diocèse de Paderbrō fut réduit, & Alberstat
en fut chassé par le Baron d'Anholt.

Zoest fut repris en 24. heures par le Cōmis-
saire general de l'armée de Cologne, il en fit
sortir les Bourgeois, pour s'estre laschement
rendus à Alberstat, puis fit mettre le feu en 4.
diuers endroits, delà alla assieger le fort cha-
teau d'Altenau qui se rendit sans effort, tou-
tes fois faute de viures.

1622.

Siege de Ham
laissé au Com-
missaire gene-
ral de Colo-
gne.

Le Comte
Henry de
Berghe re-
tourne vers
Vvesel contre
le Prince d'O-
range.

De maniere que toutes ces places cy deuant prises en Vvestphalie par Alberstat, il ne restoit plus que Ham & Lipstat, deuant lesquelles s'achemina le Comte Henry de Berghe avec l'armée d'Espagne: deuant Ham se rendit aussi tost le Lieutenant du Commissaire general de Cologne avec ses troupes, auquel le Comte Henry de Berghe laissa la charge dudit siege, & s'en retourna du costé de Cleue, entre Vvesel & Essen, sur l'aduis qu'il eust que le 2. Iuin le Prince d'Orange amassoit à Nimeghe huit mille hommes de pied & deux mille cheuaux: ce qu'il fit aussi tost trouuer proche deluy avec quinze cens cheuaux & huit mille hommes de pied, pour espier ses mouuemens & desseins.

Cependant le Lieutenant dudit Commissaire general de Cologne presse Ham de bonne grace, on y tiroit force mortiers, & mit-on le feu en beaucoup d'endroits, & apres quantité de canonades tirées, ceux de la place demanderent à parlementer, firent leur capitulation, & se rendirent finalement à luy.

Alberstat ainsi chassé de toutes parts de Vvestphalie, fut contrainct de se retirer avec vne telle diligence, qu'il ne fut pas possible au Baron d'Anholt de le ioindre pour le deffaire, à cause de certains ponts que ledit Alberstat fit rompre apres luy.

Ce que voyant ledit Baron d'Anholt, & qu'il n'y restoit plus en l'Euesché de Cologne, au Comte de Mark & de Berghe, que bien peu de places, trop faciles à conquerir au Cō-

te Henry de Berghe, il s'alla ioindre au Baron de Tilly avec toutes ses troupes au bas Palatinat.

Alberstat chassé de Vvestphalie, prend son chemin du costé de Hesse par Feldar, voulant par là tenter le passage pour ioindre le Palatin & Mansfeld au bas Palatinat, il se iette du costé du pays de Lâtgrau Louys d'Armeestat, où rien ne luy eschape à son passage, permettant aux siens de rauager l'Euesché dudit Lantgrau, pour estre vn Prince paisible, amy de l'Empereur, & qui ne fauorisoit en rien la ligue protestante.

L'Eslecteur de Saxe ayant sceu que la volonté dudit Alberstat estoit de passer par la Hesse au Palatinat, s'achemina en personne au bout de la frontiere de ses Estats, qui finent au pays de Hesse, où il fait conduire grande quantité de gens de guerre, tant de pied que de cheual, comme aussi quantité de canons pour empescher les rauages des troupes dudit Alberstat, mandant aussi le partir de son armée qu'il tient en Silesie pour ayder les Imperiaux & les Princes Catholiques, à chasser les Caluinistes hors de l'Empire.

Le Duc de Saxe s'approche avec armée de la frontiere de Hesse pour empescher les desseins d'Alberstat.

Cependant l'Empereur enuoya en Franco-
nie les Colonels, Dom Guillaume Verdugo, Arriuee des
& le Gaucher Bourguignon avec trois mille troupes de
cheuaux & six mille hommes de pied, faisant Boëmesous
partie des troupes que sa M. entretenoit en la conduite
Boëme, lesquels se venans camper sur les frontieres du Palatinat, s'opposèrent au passage de
& du Gau-
cher.
l'armée d'Alberstat, qui y vouloit entrer pour

1622.

s'vnr aux armées du Prince Palatin & du Cōte Mansfeld, & deffirent trois cornettes de sa cavalerie qu'il enuoyoit tousiours au bas Palatinat porter nouvelles de sa venue au Palatin & de Mansfeld, & leur voulant forcer le passage, fit rencontre d'autres troupes qu'auoit fait aduancer Dom Gonçales de Cordua, qui luy enleuerent dix cornettes de cavalerie, & gaignerent sur luy 4. pieces de canon.

Alberstat voyant qu'il ne pouuoit passer sans peril, au Palatinat, par le pays de Hesse, retourne bride, & entre dans l'Archeuesché de Mayence, pour y descendre du costé de Francfort.

Cest ennemy de Dieu estant ainsi entré dans le pays Moguntin, s'y comporta en vray tygre & vray barbare, saccageant & bruslant plusieurs villages & bourgades de l'Eslecleur de Mayence, où il martyrisa de sa propre main, vn grandissime nombre de personnes, hommes & femmes indifferemment, coupant aux vnes les mammelles, & aux autres les pieds & les mains, faisant ietter puis apres les corps dans la riuere du Mein : & bref, iamais forcené, sanguinaire & enragé, ne se porta plus cruellement, que fit ce monstre de nature.

Luxure abominable d'Alberstat.

Pour sa detestable luxure, elle est du tout incroyable; Il se faisoit seruir à la table par les plus belles filles & femmes Catholiques, qu'il detenoit prisonnières aupres de sa personne, & les faisoit venir deuant luy, toutes aussi nuës que l'enfant qui vient de naistre, en presence

de toute la Noblesse & aussi le seruoient à ses repas, & ayant dîné les faisoit dancer ainsi nuës deuant luy, barbarie abominable, puis en ayant donné la curée à ses fauoris, commandoit que l'on les mist à mort & que l'on les noyast.

Ce cruel tyran continuant sa rage & sa fureur, & poursuuiuant son dessein pour passer au Palatinat, assiegea le vingt-sixiesme iour de Iuin la petite ville de Hoch, au deffous de Francfort sur la riuere du Mein, laquelle il prit & força, & contraignit les soldats qui estoient dedans ladiète garnison de se sauuer & passer audelà du Mein, considerans bien qu'ils ne pouuoient tenir plus long temps : Ceux qui furent surpris & qui n'eurent pas seulement le loisir de se sauuer, & resterent apres les autres en la place, furent tous mis & taillez en pieces par le seul commandement de cet Euesque endiable, sans espargner ny femmes ny enfans.

Hoch surpris
par Alberstat
pres le Mein.

Après s'estre rendu maistre de cette place, il fit faire vn pont sur le Mein pres de Hoeft pour lequel la ville de Francfort, fournit tout ce qui estoit necessaire (la Bourgeoisie ayant tousiours fauorisé le party Protestant contre l'Empereur duquel ils sont subiects & seruiteurs, & ay crainte que quelque iour ils ne le payent plus chèrement) là Alberstat se retrancha, & se fortifia grandement, esperant que ledit sieur Comte de Mansfeld, auquel il auoit donné

Fait faire
vn pont sur le
Mein pour
passer.

1622.

aduis de son arriuée, le viedroit ioinde pour luy faire escorte au Palatinat. Ce qui fut arriué si les deux Generaux del'Empereur, Dom Gōçales de Cordüa, & monsieur de Tilly ne l'eussent preuenü de bonne heure, & ne l'eussent deffait en ce passage, ainsi que nous auons remarqué cy deuant aux desroutés des armes protestantes amies du Palatin.

Et neantmoins cest athée, cest impie Alberstat ne se conuertist point par tant de sortes de chastiemens que Dieu luy fit sentir en ses voyages: Au contraire, apres ceste derniere desroutte qu'il souffrit audit pont de Hoest, il blasphemoit encore de telle sorte contre sa Diuine Majesté, qu'un cœur vrayement Chrestien, auroit horreur de le dire ou l'escire.

Le Palatin
quitte tout &
se retire à Sedan.

Mansfeld &
Alberstat reu-
nis, s'acemi-
nent vers le
France.

Aussi de fait, la perte que fit ledit Alberstat audit Hoest, causä vn estrange changement aux affaires du Palatin, qui apres deux rudes secousses que les Imperiaux auoient données à ses armées, ne respiroient plus que le secours dudit Alberstat, pour auoir reuäche de ses pertes, de sorte que ceste armée defaite, prit resolution de quitter la partie, & abandoner pays, villes, armes & soldats, & se retirer dans Sedan, ainsi qu'il a esté dit cy deuant.

Mansfeld & Alberstat estans reunis ensemble, apres quelques paroles qu'ils eurent dans Mohem, resolurent de chercher fortune aux despens d'autrui.

Monsieur de Tilly les poursuit avec vne partie de l'armée de l'Archiduc Leopolde commandée du Marquis de Moulnegre qui luy auoit

Rebell. & affaires estrangeres. 209

auoit fait venir d'Italie à ce subyet, & auant le-
dit Mansfeld & Alberstat, esté contrains de
quitter l'Alsace & l'Empire, abandonnant
Hagnanovu, & tout ce qu'ils auoient vsurpé
sur l'Archiduc Leopolde.

Ceux de Strasbourg paroissans en cecy en-
nemis de l'Empereur & dudit Archiduc Leo-
polde, s'estans cy deuant resiouis des rauages
qu'auoit fait le Comte de Mansfeld dans l'Al-
sace, luy auoient fourny ce qu'il auoit besoin,
lors qu'il entreprit le siege de Sauerne, au com-
mencement de la presente année, voyant qu'il
auoit abandonné Hagnanovu, à leur grand re-
gret, enuoyerent le Colonel Paté avec qua-

tre cens hommes, pour se ietter dans ledict
Hagnanovu, & s'en emparer, au lieu dudict
Mansfeld, contre l'Archiduc Leopold leur
Euesque & seigneur : mais ayans esté rencon-
trez par les troupes de monsieur de Tilly, &
celles dudit Archiduc Leopolde, ils furent mis
& taillez en pieces, & ledit Colonel Paté pris
avec plusieurs prisonniers.

Cette entreprise de Strasbourg fut vne
chasse remarquable, & crains pour eux, qu'ils
ne le payét quelque iour au double, ainsi qu'ils
en ont esté menacez, n'ayans receu aucun sub-
yet de se rendre ennemis de l'Empereur, qui
leur a accordé tous les priuileges qu'ils ont.

Et pource qu'en ceste histoire estrangere,
non plus qu'en la suite de la nostre de la Re-
bellion de France, nous n'auons qu'esbauché
les particulieres affaires sur la frôtiere de Fran-
ce & dans le Royaume, à l'occasion dudict

Troupes de
Strasbourg
destaites al-
lans se ietter
dans Hagnan-
ovu.

1622.

Mansfeld & Alberstat, ayant recueilly du depuis les memoires au vray de tout ce qui s'y passa de part & d'autre, i'ay bien voulu en contenter la curiosité du Lecteur, quoy qu'il y ait quelque repetition pour quelque point de ce que nous auons escrit cy deuant : & en cecy verra-on la prudence de Monsieur le Duc de Neuers, la malice du Duc de Bouillon, & la terreur des armées de France, qui font fremir les puissances ennemies qui voudroient entreprendre de troubler son repos.

Traicté particulier de ce qui se passa sur la frontière de France, entre Monsieur de Neuers & Mansfeld.

Allemañs Protestans ont tousiours secouru les huguenots de France.

Les bonnes & iustes intentions de sa Majestés-Chrestienne, pour le maintien de son autorité & repos de son Royaume, contre ceux de ses subjets de la religion pretendüe reformée, qui se sont reuoltez contre luy, ont esté visiblement conduites & fauorisées de la grace du Ciel : Et quelque effort qu'ayent fait les rebelles, & ceux qui les affectionnoient, il n'y auoit plus rien en apparence, ny dedans ny dehors le Royaume, qui peust arrester la perfection & l'accomplissement d'un si louable dessein, ny les Princes protestans d'Allemagne, qui en semblables occasions, ont plusieurs fois secouru puissamment les huguenots de France, ne pouuant en celle-cy leur donner aucune esperance, estans extremement & assez empeschez en la guerre qu'ils ont entreprise, & qui leur a mal succédé pour les Royaumes de Boëme & de Hongrie: Enquoy tous les Princes de l'Vnion protestans, estans engagez pour Frederic Comte Palatin du Rhin, qui y obligeoit le Roy d'Angleterre son beau-

pere, chacun pouuoit estre asseuré que de la part de tous les Princes estrangers, contraires à la Religion Catholique, les ennemis du Roy ne pouuoient point attendre aucun secours.

Ceste seureté s'est troublée par la trefue qui se traictoit en Allemagne entre la maison d'Autriche & le Comte Palatin du Rhin, à Bruxelles, laquelle ceux qui pensoient estre les plus clairs-voyans, croyoient auoir esté pratiquée & faicte à dessein par les Espagnols pour arrester le cours des victoires du Roy, & dedans ce Royaume la diuision, de laquelle ils ne manquent point de prendre tousiours des aduantages, & bien que ceste croyance ne soit peut-estre pas veritable, l'euenement neantmoins nous a fait cognoistre que ce subcon n'estoit pas sans fondement, puis que cela nous mettoit aux termes de voir vn grand retardement aux affaires de sa Majesté, & à la veille de la ruine de ce qu'elle a entrepris.

Le Comte Hernest de Mansfeld auoit seruy le Prince Palatin & les protestans d'Allemagne en toutes les Prouinces de l'Empire, où la guerre s'estoit allumée, & depuis quelque temps, le Duc de Brunsvick administrateur del'Euesché de Halberstat, vn Duc de Saxe,

*Armée de
Mansfeld &
d'Alberstat.*

de Vveymar & autres qui s'estoient ioincts avec luy, & faisoient ensemble vne armée de plus de mille cheuaux, & plus de quinze mille hommes de pied, avec quatorze pieces d'artillerie, & toutes autres sortes d'equipages necessaires pour la guerre : Ces forces vnies

1622.

ensemble, s'estoient renduës espouuantables par les cruantez indicibles qu'ils auoient commises par tout où ils auoient passez, & qui leurs estoient permises par leurs chefs, lesquels se trouuans en cest estat lors que la trefue d'Allemagne fut accordée, ils conclurent de ne se point separer, & d'aller ensemble chercher l'occasion au lieu où leurs armes seroient necessaires.

Le Palatin les remercie de leur assistance

Ils estoient en Alsace, où le Prince Palatin vint en personne les remercier de l'assistance qu'il auoit receuë d'eux, leur laissant la liberté de prendre party, & delà s'en vint à Sedan, qui est le lieu qu'il a choisi pour sa demeure, pendant quel'on traictoit de ladite trefue, aupres de monsieur le Duc de Bouillon, le conseil duquel il a tousiours suiuy en la conduite de toutes ses affaires, & lequel ayant estimé ceste occasion tres-aduantageuse pour remettre le courage aux rebelles de France, il faiët refoudre ledict Comte de Mansfeld d'y porter ses armes, & de ceux qui s'estoient ioincts avec luy, voulant luy persuader que par l'ayde & assistance des huguenots de France, qui viendroient au deuant d'eux en grand nombre sur la frontiere, il pourra aisement & sans difficulté, passer iusques dans le fauxbourg de Paris; & donner terreur à la capitale du Royaume, qu'il luy sera aussi facile de trauerfer les riuieres qui estoient lors basses, à cause de la saison, & donner iusques à la ville de la Rochelle, qu'en chemin faisant, les huguenots des Prouinces où il passera, &

Promesse du Duc de Bouillon faite à Mansfeld.

tous ceux de Poictou accourront à luy, & par ce moyen contraindra monsieur le Comte de Soissons de leuer le siege du lieu où il est, qu'il forcera le Roy de reuenir sur ses pas, & de faire la paix, pour laquelle il aura de l'argent autant qu'il en demandera, & la gloire d'auoir restably vn party quasi ruiné: Ce faisant qu'il acquerra le nom de liberateur & protecteur de ceux, qui s'attribuent les tiltres des Eglises reformées.

Ces propositions susdictes, sont faictes audict Comte de Mansfeld de la part de monsieur le Duc de Bouillon, par le sieur de Villeneuve Cormont, Gouverneur du Prince de Sedan, par vn nommé Schemite qui porte vn nom Allemant, bien qu'il soit né dedans les terres de monsieur le Duc de Bouillon, duquel il est seruiteur domestique, & employé es plus secretes affaires, & Durand Ministre de Paris, apresent refugié dans Sedan, & pour cela ont fait plusieurs voyages sur ces belles esperances: Ledit Comte de Mansfeld en faueur des huguenots rebelles, tourne ses desseins vers la France, de laquelle n'estât esloigné que de l'estendue des terres de Monsieur de Lorraine, il luy demanda la liberté du passage, qui luy est accordée avec establissement des troupes reiglées.

La Royne & le Conseil, demeuré au pres d'elle à Paris, en furent incontinent aduertis, Monsieur le Duc de Neuers qui estoit en la mesme ville de Paris, en part en diligence, & vient en poste à Chaalons, qu'ils tiennent &

Voyages de
Sedan à Mans-
feld.

Monsieur de
Neuers s'a-
chemine à
Chaalons.

1622.

toute la Prouince en vn grand & extreme estonnement. Les habitâs du plat pays, meſmes les Gentils-hommes ayans delaissé & abandonné leurs maisons, pour retirer leurs familles & tout leur train aux plus grandes & fortes villes, où ils faisoient mener & transporter tous leurs meubles, & toutes les villes de la frontiere en vne grande & nompareille crainte pour le peu d'ordre que l'on auoit donné aux garnisons.

En ceste grande extremité, le Roy estant absent de Paris esloigné de deux cens lieuës, occupé en des entreprises qu'il importe de les luy faire quitter & abandonner: Les conseils ont esté differens, les vns trouuoient à propos de ruiner tout le long de la frontiere, dix ou douze lieuës de largeur, iusques à brusler toutes les granges & les paillex, & tout ce dont les ennemis pouuoient prendre & tirer quelques commoditez, estimant necessaire de ruiner entierement vne partie de la Prouince pour conseruer le surplus. Mais cest expedient tant ruineux, bien que proposé d'une bonne part, ne peut entrer dans l'esprit de Monsieur le Duc de Neuers, qui ne peut supporter, & moins procurer, vne telle calamité aux peuples que sa Majesté a mis en sa protection: Cela d'ailleurs eust esté inutile contre vne armee accoustumee & endurcie à la fatigue, qui eut facilement en vne iournee, passé le pais ruiné, & entré aussi tost dedans celuy qui estoit conserué.

Les autres proposerent de faire approcher

Conseils differens pour remédier contre Mansfeld.

Prudence de Monsieur de Neuers.

de la fontiere l'armee Espagnolle, qui estoit en Alsace, conduicte par Dom Gonçales de Cordüa, General de l'armee d'Espagne au Palatinat, & les autres insistoient de faire venir vne partie de l'armee de Bauiere, qui estoit par de là le Rhin, sous la charge du Baron d'Anholt, & s'estoit separé du Comte de Tilly. Ce conseil sembloit assuré pour la deffaitte de l'armee ennemie: mais il estoit dangereux au Royaume, dans lequel toutes ces armées, qui eussent monté à soixante ou quatre-vingts mille hommes, venoient foudre avec vne dépence insupportable au Roy, & la desolation des Prouinces où elles s'alloient rencontrer. Il estoit honteux à la France, laquelle plus que Prouince du monde, peuplée d'hommes aguerris, pouuoit avec vn peu de temps pour se cognoistre, & resister à ses ennemis, & les ruiner sans le secours des estrangers.

Pour ce faire, la Royne & le Conseil qui sont à Paris, sur les aduis de Monsieur le Duc de Neuers, resolurent de faire vne armée, pour laquelle avec le pouuoir d'y commander, ils luy enuoient des commissions pour leuer des gens de guerre, tant de cheual que de pied. Monsieur le Duc d'Angoulesme se presente pour y seruir & faire sa charge de Colonel de la caualerie legere, avecques protestation d'obeyr sans jalousie, aux commandemens de Mondict sieur le Duc de Neuers, auquel il en donne des assurances par vn Gentil-homme qu'il luy enuoye expres, prend des commissions pour faire des leues, com-

On se resoulut
à armer en
France.

Monsieur
d'Angoulesme
offre d'obeyr à Mon-
sieur de Ne-
uers.

1622.

Armement
des Ducs de
Montbafon &
de Chaulne.

Offre de mō-
sieur de Belle-
garde.

Mâsfeld pre-
vient c. l'ar-
mement.

me faißt aussi Monsieur le Duc de Mont-
bafon, pour assembler des troupes en l'Isle
de France & les conduire en l'armée, Mon-
sieur le Duc de Chaulne vient en poste de Pi-
cardie, & offre de faire à ses despens quatre
mille hommes de pied & cinq cens chevaux,
Monsieur le Comte de saint Paul qui est à
Orleans, y enuoye sa compagnie de chevaux
legers, & le regiment de Monsieur le Duc
de Fronfac son fils, on faißt venir deux re-
gimens qui auoient esté pris & leuez en Bour-
gogne, pour enuoyer en l'armée du Roy, &
Monsieur le Duc de Belle-garde se prepare
aussi avec plus de trois cens Gentils-hommes
pour les amener en propre personne: Mon-
sieur le Duc de Longue-ville qui estoit le plus
esloigné de ceste frontiere, avecques les deux
compagnies de chevaux legers qui estoient
sur pied, en faißt leuer d'autres en Norman-
die, & de ceste Prouince, faißt venir avec luy
sept ou huit cens Gentils-hommes volon-
taires: C'est à l'enuy l'un de l'autre que cha-
cun veut tesmoigner son affection au serui-
ce du Roy, en vne occasion de telle conse-
quence.

Mais d'autant que tout cela ne se peut as-
sembler qu'avec vn grand temps, il se trouue
qu'on est preuenü, que ledict Comte Mans-
feld est desia en Lorraine, où l'on luy fournit
des viures pour ses soldats, & des rafraichis-
semens, dont on faißt present à ses Chefs, que
cela luy facilite l'entrée en la Champagne, où
l'on le presse fort d'entrer pour descharger la

Lorraine, & qu'il n'en peut estre qu'à quatre ou cinq iournées pour son armée : Monsieur le Duc de Neuers qui est seul avec deux cens chevaux dedans Chaalons, estime que par artifice il faut arrester ceste grande force, & amuser le Comte de Mansfeld pour peu de iours, pendant lesquels, les troupes du Roy dont on luy donne les commandemens, s'assemblent pour venir à luy.

Monsieur de Neuers le fait arrester par artifice.

Ledit Comte de Mansfeld qui auoit preueu l'accommodement d'Allemagne, auoit recherché les occasions de pouuoir employer son armée, de laquelle dépend toute sa fortune, sans permettre qu'elle fust dissipée, & se voyant à la veille de cest inconuenient, par la trefue qu'on alloit traictant, auoit enuoyé en diuers lieux, & de plusieurs il auoit esté fort desiré, & principalement des Hollandois, qui eussent bien voulu prendre toute son armée, ou du moins vne partie, il auoit dés longtemps enuoyé à sa Majesté pour s'offrir à son seruice, il fait porter paroles & des memoires signez de sa personne, par vn nommé Guichard: Qui en faisant des voyages pour la Majesté en Allemagne, auoit veu ledit Comte de Mansfeld, & de sa part porté plusieurs propositions à sadicte Majesté : Les Espagnols commencent de leur costé à apprehender la puissance de ceste armée, qui pouuoit du lieu où elle estoit, passer par les Archeueschez de Treues & de Cologne, où il n'y auoit point lors de resistance, & se ioinde aux places que tient le Prince d'Orange: Bien que la distance

Mansfeld cherche à employer son armée.

Les Espagnols redoutent l'armée de Mansfeld.

1622.

L'Infante en-
uoye vers luy.

des lieux fust grande, la serenissime Infante Archeduchesse de Flandres tesmoignant la crainte qu'elle en a, enuoye, apres plusieurs visites, le Duc de Bornonuille vers le Comte de Mansfeld, lequel il rencontre à Mouzon en Lorraine, il luy propose des conditions aduantageuses, que depuis Mansfeld a faict entendre, sçauoir deux cens mille escus content, l'entretenement d'une armee de dix mille hommes, la restitution des biens qui ont appartenu à son pere dedans le Luxembourg, doint les Espagnols iouyissent : C'estoit de grands aduantages qu'il a dict luy auoir esté proposez, & qui ne luy estoient pas peu importants: Mais les esperances de Monsieur de Boüillon ont plus de pouuoir, & les persuations de Villeneufue Cormont, de Schemitte & de Durand, sont plus puissantes, avecques le foubçon qu'il a de la maison d'Autriche, à laquelle il ne se peut confier.

Offres du Pa-
latin à Mans-
feld.

Pour fortifier le Prince Palatin qui est à Sedan, & qui est debiteur de plus de trente monstres à la plus grande partie de ceste armee, offre pour son acquit de faire transport au Comte de Mansfeld des sommes qu'il dit luy estre deuës par le Roy, & qu'il luy faict croire bien grandes, promet luy faire deliurer les obligations, lesquelles ayans en vne main, & son espee en l'autre, on luy veut persuader qu'il s'en fera bien payer quand il sera en France.

Mansfeld est
resolu de pas-
ser en France.

Ces belles propositions le font resoudre d'y venir, & de ne penser plus aux autres, il

tourne la teste de son armee, & par la facilité du passage qu'on luy ouure en Lorraine, & des grandes commoditez qu'il y reçoit, rien ne l'empesche d'entrer en Champagne, où la frayeur est vniuerselle, par le bruit de grandes cruauitez & inhumanitez horribles, & execrables que ceste armee a faict par tout où elle a passé.

Pour arrester ce torrent de malheurs qui vient fondre sur la frontiere de France, Monsieur le Duc de Neuers prend resolution d'enuoyer vers luy, afin de sçauoir son intention, & si comme ennemy du Roy, il se vouloit approcher de son gouuernement, par ceste occasion apprendre quelque chose de son dessein, l'en destourner par raisons, prendre subiect d'entrer en traicté avec luy, & cependant surseoir les effects de sa mauuaise volonté: Pour ceste negotiation, il choisit le sieur de Montereau, Cornette de la compagnie des cheuaux legers, qui a dés long-temps des habitudes particulieres avec le Comte de Mansfeld, comme avec tous ceux qui ont commandé des armées en Allemagne, où il a seruy en plusieurs occasions, mesme en ceste dernière guerre avec le Comte de Dampierre son beau-frere, qui est mort chef de l'une des armées Imperiales.

Monsieur de
Neuers en-
uoye sçauoir
son intention.

Choisit le
sieur de Mon-
tereau pour y
aller.

Ledit sieur de Montereau instruit de l'intention de Mondict sieur le Duc de Neuers, s'en va trouuer ledict Comte de Mansfeld en son armee, qui estoit encores au delà des riuieres de la Mozelle & la Seille, & entrant

avec luy en discours, le trouue resolu de passer en France, pour les raisons qu'il luy represente confidemment, & qu'il luy fait voir dedans les lettres de monsieur le Duc de Bouillon, & du Prince Palatin, contenant les aduantages d'honneur & de richesses qu'on luy fait esperer de ceste action, & qu'on luy donne pour bien assurez.

Il le dissuade
de sa resolu-
tion.

Les inconue-
niens qu'il
luy propose.

Sur ce discours dudict Comte de Mansfeld, le sieur de Montereau tasche de luy faire cognoistre que ses esperances n'ont pas grand fondement, & qu'il ne se peut si tost presenter en France, qu'il n'y trouue des forces de toutes parts, qui incommoderont grandement son armée, & peu à peu la dissiperont: Que si il y entre vn peu auant, il luy sera impossible d'en iamais resortir sans totale ruine, comme autresfois il est aduenu aux armées estrangeres venant sur semblables pretextes, que plusieurs des huguenots de France demeurz iusques à present dedans l'obeyssance, n'en sortiront pas facilement, & ceux qui sont entrez en la rebellion, sont grandement affoiblis, de sorte qu'il ne peut rien esperer des vns ny des autres: Que l'impuissance de Monsieur le Duc de Bouillon est trop recogneuë, & la fortune du Prince Palatin encore plus deseperée: Qu'il offenserait le plus grand Prince de Chrestienté, qui ne manqueroit pas de pouuoir & de raison pour s'en venger: Qu'il luy seroit plus aduantageux d'acquiescer ses bonnes graces, en se mettant, comme il auoit desia fait proposer, à son seruice, ou

L'honneur & l'vtilité luy estoit, sans comparaison, plus grande & plus asseurée: Qu'il auoit esté né & nourry en la Religion Catholique, laquelle il n'auoit point encores expressément abiurée, ny faict aucune profession contraire: Bien qu'en haine des Espagnols qui, comme il pretend, retiennent son bien, il eust porté les armes avec les protestans d'Allemagne.

Les raisons dudit sieur de Montereau représentées audit Comte de Mansfeld, le font songer & penser à luy, & comme il le presse dauantage, le font resoudre de traicter & venir aux conditions: Il demande qu'il plaise à sa Majesté, suiuant les promesses qu'on luy auoit enuoyées l'année precedente, par Guichard, le receuoir à son seruice, & prendre de ses troupes, trois mille cheuaux & six mille hommes de pied, avec lesquels il iroit seruir sadicte Majesté en tous lieux où elle luy commanderait, ensemble ou separées, & sous tel General qu'elle voudroit, se reseruant le surplus de seldictes troupes pour enuoyer en Hollande: Que pour les licentier, on luy donneroit deux cens mille escus contant, la dignité de Marechal de France, & quelque terre pres de Paris, erigée en Comté ou Marquisat, insiste sur ces demandes si extraordinaires, à cause de celles qu'il disoit luy auoir esté offertes par les Espagnols.

Ledit sieur de Montereau au contraire, luy represente que toutes ses propositions sont trop excessiues & hors de raison, luy fait

1622.

Mansfeld propose l'oreille aux discours du sieur de Montereau.

Demandes de Mansfeld.

1622.

cognoistre que cela ne se peut pas obtenir, & neantmoins pour ne point rompre vn traicté si necessaire, ne luy oste pas l'esperance d'en auoir vne partie par l'entremise de Monsieur le Duc de Neuers qui s'employeroit volontiers vers le Roy, pour luy en faire accorder quelque chose, & que ce qui luy sera promis, luy sera plus asseuré que ce qui luy est offert d'autre part.

Accorde de
ne passerat-
tendant res-
ponce du Roy

La difficulté estoit, qu'il en failloit donner aduis à Monsieur le Duc de Neuers qui estoit à Chaalons attendant les troupes, à la Royne & au Conseil qui estoient à Paris, & au Roy qui estoit encores cent cinquante lieues par delà, & cependant ledict Comte de Mansfeld est pressé par Monsieur le Duc de Lorraine de passer dehors de ses terres: Il est obligé de ce faire par la promesse qu'il auoit faite de n'y point seiourner: Pour ce faire, il demeure d'accord avecques le sieur de Montereau, qu'il s'aduancera & passera hors de Lorraine en cinq petites iournees, prenant ses logemens aux lieux qu'il luy nomme, & qu'en chacun d'iceux, il prendra vn iour de repos, qui seront en tout dix iournees, & pendant lesquelles, il viendra à la riuere de Meuze, pres de laquelle estant arriué, il ne la passera point, il se campera sur le bord de la riuere au dedans de la prairie, en attendant la responce de sa Majesté, hormis vn regiment de cauallerie qu'il mettra deça la riuere pour empescher les coureurs de l'armee, laquelle & ce moyennant que pendant ces dix iours,

nees on luy fournisse par iour vne quantité de pains de munition pour éuiter les grands desordres que ses gens, comme il confessoit estre insolens, auoient accoustumé de commettre.

De ceste résolution ainsi prise, l'aduis en est porté promptement à Monsieur le Duc de Neuers, qui avec la mesme diligence, l'enuoie à la Roynie: Prie M^{onsieur} le Marquis de Treynele de le porter luy mesme, & de bouche faire entendre ce qui s'est passé, & dont sa Majesté informée, en fait aduertir le Roy, & cependant escit à Monsieur le Duc de Neuers qu'elle approuue ce qu'il a fait, le loué de sa prudente procedure, le prie de continuer & de donner parole iusques à soixante mille escus, & en attendant faire distribuer le pain de munition, comme il auoit esté proposé, suiuant la volonté de la Roynie, Monsieur le Duc de Neuers fait fournir quelque bled par deux ou trois villes de la Prouince, met ordre que le pain soit fait, & en donne aduis au Comte de Mansfeld, qui lors auoit passé la Moselle, & s'approchoit de la Meuze, où il renuoye le sieur de Montereau pour le tenir tousiours en a mesme volonté.

Ces aduis viennent à Monsieur de Boüillon, qui ne veut point perdre son aduantage, & l'enuoye encores vers le Comte de Mansfeld, luy propose d'assiéger Mouzon, luy donne esperance de le prendre avecques les canons, & les munitions qu'il luy fournira de Sedan, fait en telle sorte qu'il s'y resoud, qu'il y

1622.

Monsieur de
Neuers loué
de sa proce-
dure.

Fait fournir
du bled à
Mansfeld.

Le Duc de
Boüillon cō-
seille à Mans-
feld d'assiéger
Mouzon.

1622.

fait marcher son armée sous la guide de Ville-neufue Cormont, & Schemitte, donne le rendez-vous de son avant garde à Montlouis, qui est à vne lieuë de Mouzon, pour l'investir le lendemain.

Il estoit sur le chemin, quand ledi& sieur de Montereau arriva vers luy, & luy parlant à la portiere de son carrosse, luy reproche qu'il fait faute de manquer à la parole qu'il a donnée au Roy, duquel de iour à autre, on espere la responce dont il aura contentement, & cependant il a satisfaction de la Royne & du Conseil de Paris, qui luy font esperer vne partie de ce qu'il a desiré.

Luy represente toutes sortes de raisons pour lesquelles le Comte de Mansfeld fait revenir son avantgarde qui estoit avancée de plus de quatre lieuës vers Mouzon, fait tourner teste à son armée, & retourne à Sorbey, & à Ciuery sur Meuze, & comme le sieur de Montereau veut prendre congé de luy pour en porter la nouvelle à Monsieur le Duc de Neuers, il le prie de s'en retourner par Sedan, dont ledi& sieur de Montereau s'estant excusé deux ou trois fois, pource qu'il alongeoit de beaucoup son chemin, & qu'il n'en auoit aucune charge de Monsieur le Duc de Neuers, qui peut-estre, ne l'auroit pas agreable: Il fut contraint neantmoins en cela de luy complaire, & s'y en alla en la compagnie du Capitaine Schemitte, & autres gens de l'armée, qui par occasion y alloient pour achepter leurs necessitez.

Le sieur de Montereau auoit bien preuë qu'il auroit mauuaise reception de Monsieur de Duc de Boüillon, qui apres l'auoir interrogé d'où il venoit & ce qu'il y auoit negocié comme il luy voulut respondre, entrant en colere, ill'interrompit, & luy dict, qu'il luy falloit parler François, qu'il estoit bien aduertie de ce qu'il auoit fait de son premier voyage, que Monsieur de Neuers faisoit vn traicté sans la permission ny pouuoir du Roy, qu'il l'empescheroit bien d'en venir à bout, qu'il auoit fait venir les Allemands pour faire la paix, & que si cela luy máquoit il feroit plutost venir le Turc, pour y contraindre le Roy, commande au sieur de Montereau de sortir promptement de sa ville.

Cependant on auoit commencé à distribuer le pain l'espace de deux ou trois iours, pendant lesquels l'armée du Comte de Marsfeld qui estoit sur la Meuze s'estoit contenté autant qu'il estoit possible à des gens accoustumez au brigandage, & cela auoit duré iusques à ce que les habitans de Verdun refuserent de recevoir le bled qu'on y enuoyoit pour y faire le pain, & qu'on auoit creu y deuoit estre fait pour estre delà commodément par la riuere porté en l'armée: Ce deffaut fut cause que le desordre commença incontinēt, Les troupes pressées par la faim sortent du Camp, & courans deçà & delà la Meuze, dans les villages du Verdunois en bruslent en grand nombre, & font la desolation qui s'y voit aujourd'huy, qui eust esté beaucoup plus

Le sieur de Montereau va à Sedan où le Duc de Boüillon le reçoit mal.

Cause du desordre.

1622.

Pour parler
entre le Duc
de Bouillon &
Mansfeld.

Alberstat se
separe d'auec
Mansfeld.

grande, si en leur faisant fournir le pain par
autre voye, Monsieur le Duc de Neuers
n'eust arresté la course de ces pernicieux bou-
te-feux, qu'il faict remettre dedans l'ordre
quiauoit esté promis, & dans lequel on les
contint dedans leurs quartiers avec de gran-
des incommoditez.

Leur patience ne plaist pas à monsieur de
Boiillon, qui fait en sorte que quelques iours
apres ill'abouche à la campagne avec le Com-
te de Mansfeld où comme on a sçeu du de-
puis, il n'obmet aucun artifice pour le reduire
à son intention, & le faire venir à son point.
Et si on en veut croire le Comte de Mans-
feld, il luy a fait voir des lettres des principaux
huguenots de France, qui luy faisoient de
grandes promesses, si son armée pouuoit estre
employée à leur donner vne paix generale,
& luy en faict voir les originaux des missiues.
Mais cela ne faict point encore changer le-
dit sieur Comte de Mansfeld, duquel l'ar-
mée est composée d'un tres-grand nombre
de personnes, endure des necessitez incroy-
ables qui la font diminuer & consommer à
veüe d'œil, perdant tous les iours des hom-
mes en quantité & sans Nombre par la lon-
gueur de la responce que leur faict attendre
monsieur le Duc de Neuers, & vn peu de pain
qu'illuy donne.

Comme ils sont en ceste extremité, le Duc
de Brunswic se separe d'auec le Comte de
Mansfeld, & emmeine vne partie de ses for-
ces, prendre vn autre party, & en mesme

temps deux mil cheuaux le mutinent, abandonnent l'armée, & avec rage entrent dedans le Rethelois où ils brulent quelques villages appartenants à monsieur le Duc de Neuers, dont le Comte de Mansfeld estonné, & craignant que ses forces ne fussent suffisantes pour resister à ceux qui s'estoient diuisez & mutinez contre luy, il a recours à monsieur le Comte de Grand-prey, qui le tenant pour assure au Roy, prend pour Ostage dedans la ville le Duc de Saxe Comte de Vveymarc, retire leur artillerie dedans le petit faux-bourg qui est fermé, & fait loger la personne du Comte de Mansfeld dedans le grand-faux-bourg qui est ouuert, ayant toutes ses troupes campées & retranchées dedans la prairie d'allentour, en attendant encor' la responce qu'on luy fait esperer, il y a si long temps, & pour laquelle on luy consomme & ruine visiblement son armée, dedans laquelle on formoit volontiers ceste nouuelle diuision, qui neantmoins ne dura gueres, pource que la nécessité les r'allia incontinent.

En mesme temps Dom. Gonçales de Cordüa, qui du Palatinat estoit venu iusques en Alsace suiuant tousiours le Comte de Mansfeld, & costoyant la frontiere du Luxembourg pour l'empescher d'y entrer, se loge dedans Yuoy, distant d'une lieuë de mouzon, ayant vne armée aux enuirs, & pource qu'il apprehende que Mansfeld, n'entre dedans les pays bas, il cherche les moyens de desmembrer vne armée: il se fait quelques visites

1622.

Mutinerie en
leur Camp.
Rethelois ra-
uagé.

Mansfeld don-
ne Ostage au
Comte de
Grand pré.

1622.

Tasche de de-
membrer l'ar-
mée de Mans-
feld.

Les promesses
qu'il luy faiët.

entr'eux des messagers enuoyez d'une part & d'autre, mesme le colonel Tournon de l'armée de Mansfeld qui vient trouuer Cordüa, qui le charge d'une patéte par laquelle il promettoit de receuoir tous ceux de ladiète armée de Mansfeld qui voudroient seruir le Roy d'Espagne, & s'il y en auoit aucuns subiects de l'Empereur, ou de la maison d'Autriche compris dedans le ban Imperial, il leur feroit donner abolition faïsans demander par ledict Colonel Tournon, la permission de le faire publier en l'armée du Comte de Mansfeld, qui ne le vultut permettre.

D'autrepart Dom Gonçales de Cordüa, enuoye le Capitaine Anthonio Cötreras vers monsieur le Duc de Neuers, lequel il trouua à Isles sur la riuere de Suppe entre Rheims & Rethel, luy faiët entendre que par le commandement de l'Infante il a l'ordre d'offrir ses armes & son assistance contre le Comte de Mansfeld, & bien que monsieur le Duc de Neuers n'eust encore aupres de luy que deux mil cinq cens hommes de pied, & quatre ou cinq cens cheuaux, il ne laissë pas de luy faire vne responce telle que l'honneur du Royaume & la dignité du Roy le requeroit en ceste occasion, le remerciant de ses offres, & des tesmoignages qu'il donnoit de la bonne volonté de l'Infante & de la sienne particuliere, laquelle il ne manqueroit de faire entendre au roy, & le renuoya aussi tost,

sans le retenir dauantage que du soir au lendemain matin.

1622.

Lors que tout cela se passe aux enuirs de la meuze, monsieur le Duc de Neuers n'auoit pas perdu de son costé le temps pour hastier les forces dont il deuoit composer son armée. Mais à mesure qu'elles estoient arriuées, il les auoit iettées dedans les places de la frontiere, pour en empescher les surprises, il auoit esté quelque temps à Chaalons, & delà venu à Rheims pour estre plus proche des rendez-vous donnez aux troupes de l'Isle de France & de Picardie, il y estoit demeuré peu de iours, & depuis auancé sur le chemin de Reims où monsieur le Duc d'Angoulesme l'estoit venu trouuer avec quelques autres Seigneurs pour prendre aduis de ce qu'ils auoient affaire pour mettre ensemble l'armée, & comment elle se deuoit employer, ayant tous promis & iuré vnion & corespondance ensemble & l'obeissance absoluë aux commandements de monsieur le Duc de Neuers qui commença lors à faire paroistre qu'il falloit traiter avec le Comte de Mansfeld, autrement qu'il n'auoit fait.

Preuoyance
grande de M.
de Neuers.

Vnion iurée
entre les Ducs
de Neuers &
d'Angoulet-
me.

Quant il estoit encore seul, & l'estonnement dedans les peuples de la frontiere, & que l'armée de mansfeld espouuentable en multitude d'hommes, & beaucoup plus en cruauté s'en approchoit avec resolution d'y entrer: monsieur le Duc de Neuers s'estoit offert au traité & rendu facile en apparence, aux demandes extraordinaires qu'on luy faisoit, mais

1612.

On veut mo-
derer les pre-
tentions de
Mansfeld.

quand par la plus longue attente des appa-
rences qu'on a données audit sieur Comte de
mansfeld, & le peu de commoditez qu'on
luy a baillées, on la reduit à l'extremité, qui
luy a faict perdre vne partie de son armée, on
commence à moderer ses pretentions, & à
mesure que ses gens se consomment, & que
les forces du Roy s'approchent on diminue
tousiours ses esperances, monsieur le Duc de
Neuers change de langage, & d'autre part le-
dit sieur Comte de mansfeld, s'apperçoit de
la faute qu'il a faicte & se resoud à la retraicte,
& d'aller prendre party en Hollande. puis que
en France, il ne peut plus rien esperer: mais
pour sortir du lieu où il est, il faut qu'il trouue
quelque ruze.

Il fait entendre à monsieur le Comte de
Grãdprey que sans plus marchander il se veut
absolument porter au seruice du Roy, & à
ceste fin s'en aller à la Cassine qui est un cha-
steau proche de Mouzon de trois lieues ap-
partenant à monsieur le Duc de Neuers, & y
mener son artillerie, comme auparauant il en
auoit esté faict quelque proposition, & sur
ceste ayant donné aduis de monsieur le Duc
de Neuers, Monsieur le Comte de Grand-
prey avec trop de facilité, se laisse persuader,
luy rend ses ostages & son artillerie & le laisse
sortir avec tout son équipage, & le Comte
de mansfeld étant dehors au lieu de prendre
le chemin de la Cassine tourne du costé de
mezicres.

La premiere nouuelle de ce deslogement est

Le Comte de
Grand-prey se
laisse aller aux
discours de
Mansfeld.

apportée par le Colonel Tournon de la part
du Comte de Mansfeld à mosieur le Duc de
Neuers, qui est à Isles, où monsieur le Duc
d'Angoulême se rencontre, il leur faict en-
tendre que la necessité, soufferte par l'armée
du Comte de mansfeld, à laquelle on n'auoit
point baillé de pain depuis cinq ou 6. iours a-
uoit reduit les gés aux fruits & à l'herbe qu'ils
auoient trouuez par les champs, que cela l'a-
uoit contraincte de changer de lieu & des-
cendre vers Mezieres, priant qu'on luy feist
promptement bailler l'argent qui luy auoit
esté promis pour le licéciemēt de ses troupes
qu'on vouloit enuoyer, & pour la premiere
monstre à celles dont on se vouloit seruir.

C'estoit le vingt troisieme iour du mois
d'Aoust, auquel temps monsieur le Duc de
Neuers auoit encore peu de troupes d'autant
que celle de monsieur de Montbafon & de
monsieur le Duc de Chaune, qui venoient
en diligence n'estoient encore arriuées, & vne
partie des autres n'estoit pas iointe: Mais il
sçauoit que dedans peu de iours il les auroit
pres de luy, & qu'il y auoit douze mil hom-
mes de pied & quinze cens cheuaux qui de-
dans peu de iours feroient monstre, il creut
qu'il seroit plus honorable pour le Roy de
tailler ses ennemis en pieces que de leur bail-
ler de l'argent. Néantmoins ne voulant au-
cunement manquer à la parole qu'il auoit
donnée au nom de la Royne, il promet au
Colonnel Tournon de luy deliurer les foi-
xâte mil escus qui estoient en chemin, mais

1622.

Delogement
de mansfeld,

Demâdel'ar-
gent qu'on
luy auoit pro-
mis.

Armée du
Roy & sa puis-
sance.

1622.

qu'il ne peut recevoir que mil chevaux & 3 mil hommes de pied pour servir le Roy, & que le surplus doit estre licencié, ne parle plus des autres demandes qui avoient esté faites: Il sçauoit bien que ceste condition si esloignée des precedentes ne seroit point acceptée par le Comte de Mansfeld, & que cetoit vne occasion de rupture, apres laquelle letenant pour ennemy, on luy pourroit courir sus, & pour auoir plustost resolution de luy, monsieur le Duc de Neuers auance ce qu'il a de troupes, sur la riuere d'Aisne aux enuirs de Chasteau-Portian, disant que c'estoit pour executer le traité, & que pour se faire honorable il ne le pouuoit faire qu'en presence de l'armée: Mais en effect il ne veut faire cognoistre aux ennemis qu'il leur faut combattre, ou par la terreur des armes de la France les forcer à vne honteuse fuite.

Mansfeld sentant l'armée du Roy prez de luy met son canon dans Sedan, brusle ses chariots & se retire.

Aussi le Colonel Tournon ayant fait entendre au Comte de mansfeld les discours de monsieur le Duc de Neuers, le lieu où il prenoit son logemēt, avec ce qu'il auoit de troupes, qui estoit à six lieues de luy, & l'estat auquel il seroit dedans peu de iours, il ne pense plus qu'à se sauuer, & apres auoir fait entrer son artillerie dedans Sedan qu'il dict auoir donnée au roy, & monsieur de Bouillon pretend qu'il luy a vendue, il brusle ses chariots qu'il auoit en grand nombre pour monter partie de ses gens de pied, & le vingt-cinquième iour dudit mois il part de nuit des enuirs de Mezieres, chemine tout le iour

tant qu'il peut, demeure campé vne nuit & le iour ſuyuant arriué à la frontiere de Haynaut, où il entre le lendemain vingt-septiesme dudit mois.

L'armée du Roy n'estoit point en corps & n'auoit point fait de monstre, on l'assemble donc en diligence & le vingt-neufiesme dudit mois on luy faiët faire la monstre qui estoit la premiere, auquel temps il n'y a plus de moyen de combattre le Comte de Mansfeld en France, dont il est fort y a deux ou trois iours : On ne le peut ſuiure dedans le pays bas où la frayeur des armes de France l'ont fait fuyr.

Les chefs de l'armée en ceste rencontre se resolurent à deux choses : La premiere d'envoyer en diligence le Sieur de Montreau vers Dom Gonçales de Cordia qui est de l'autre costé de la Meuze dedans le Luxembourg, pour en luy rendant le deuoir reciproque luy offrir l'assistance de troupes du Roy, l'autre de ſuyure le Comte de Mansfeld à la piſte, pour au cas qu'il change de deſſein, & que par vne autre voye il voulut entrer en France on le peut auoir à la rencontre, & luy faire ſentir la force de la France & la valeur de ceste Noblesſe François.

Leur affection ardëte au ſervice de leur Roy & à la defence de leur païs, a aſſez pour en ceste occurrëcë en laquelle en trente iours elles s'est aſſemblée, de forces plus que ſuffisätes pour ruiner & foudroyer ces barbares qui par leurs inhumanitez vouloient eſtonner le ſim-

Monstre de
l'armée du
Roy.

Offre faire à
Dom Gonça-
les par M. de
Neuers.

1622.

ple peuple desarmé, & qui s'est aussi tost as-
seuré par la venue des gens de guerre: La
France est obligée à ces grands Princes &
généreux Seigneurs qui ont si promptement
accouru au secours en ceste extrémité & à la
prudence de Monsieur le Duc de Nevers qui
par son procédé leur a fait auoir le temps de
s'y préparer: L'union qui s'est veüe entr'eux
sera estimée par toutes les nations du monde,
& l'honneur qu'ils ont fait à leur general, &
l'obéissance absolue à ses commandemens
seruira d'exemple à leur posterité: Ce sont
des effects de la bonne fortune du Roy, &
des benedictions que le Ciel verse avec abon-
dance continuellement sur luy, qui nous font
certainement esperer qu'apres auoir donné la
paix & le repos dedans son Royaume en met-
tant ses suiets rebelles à leur deuoir, il sera la
terreur des estrangers qui voudront estre ses
ennemis.

Discours de
ce qui s'est
passé à Breda
entre les Es-
tats & Mans-
feld.

Pour retourner donc à ce qui s'est passé au
païs apres que le Comte de Mansfeld & l'E-
uesque d'Alberstat se sont ioints aux Hollan-
dois, faut sçauoir que ces gens icy n'estans pas
accoustumez d'estre commandez ny rete-
nus en la discipline militaire telle qu'elle s'est
de tout temps obseruée aux païs bas, se trou-
uerent fort estonnez lors qu'on leur fit enten-
dre que les Etats requeroient premierement
que Mansfeld & Alberstat fissent & prestas-
sent serment d'obéissance, secondement que
pour ce qui est de leurs troupes qu'ils en souf-
fissent la separation ainsi que bon leur sèble.

toit de faire, ou au Prince d'Orange general
de leurs Camps & armée, où il y eut grande
contestation, Māsfeld outre ce qu'il trouuoit
cete poire d'obeissance de dure digestiō pour
luy, qui auoit vescu en liberté, trouuoit encore
plus facheux quel'on luy ostast le commande-
ment de ses troupes & la disposition d'icelles:
cōme aussi seldites troupes qui le cherissoiēt
pour la liberté qu'il leur auoit donné de piller
ey deuant par tout, trouuoient estre chose fa-
cheuse à eux d'obeir & estre commandées
d'autres maistres que de leur chef.

Gens de Mās-
feld inaccou-
tumez à l'o-
beissance.

Il y eust de la peine à faire refoudre le Côte
de Mansfeld, premierement il vouloit auoir
l'argent qu'on luy auoit promis lors que l'on
commença à traiter avec luy sur la frōtiere de
France, & cōme il insistoit à l'auoir, responce
luy fut faite qu'il n'auoit amené le mōde qu'il
auoit promis, luy repart que pour leur seruice,
il auoit hazardé sa vie & celle de ses soldats au
passage qu'il auoit trauersé avec beaucoup de
cōbat pour s'aquitter de sa promesse, & que
l'on deuoit auoir esgard à cela sans luy dimi-
nuer rien de l'argent qu'il demandoit, disoit il
pour s'aquitter d'une partie des monstres qu'il
deuoit à ses gens, & pour recompenser plu-
sieurs de ses Capitaines & amys qui se vou-
loient retirer.

Mansfeld de-
mande ce
qu'on luy a
promis.

En fin on contente Mansfeld par la charge
de grand Marefchal de camp de l'armée des-
dits sieurs des Estats, & attendans l'ocasiō de
l'employer on loge ses gens ez enuiron de
Breda & Bosleduc, on leur enuoye des armes,

1622.

Bras de fer fait
à Alberstat.

des habits, & des viures pour les refaire & rafraischir, on tire les malades & les blesez dans Breda qu'on fait medicamenter & panser: & principalement l'Euesque d'Alberstat, auquel on fait faire vn bras de fer gauche, ayant esté contraint de se le faire couper encore pour la gangrene qui gaignoit au dessus de la blesseure, ainsi que dit a esté cy deuant.

De bonnaireté
de l'Infante
enuers les sol-
dats de Mans-
feld qui se re-
tirent.

La Serenissime Infante ayant eu aduis du mescontentement de la pluspart destroupes que Mansfeld auoit menées à Breda pour se voir reduicts à vne discipline militaire toute autre que celle qu'ils auoient obseruée depuis trois ou quatre ans en Allemagne, en vn païs où il ny auoit que des coups à esperer, de la pauureté & de la necessité à souffrir, desirans la pluspart trouuer moyen de se retirer, & se desrober de l'armée, s'ils eussent peu trouuer liberté aux passages, sur cet aduis ladite Dame Infante, pour encourager dauantage les gens de Mansfeld à sortir & quitter le Camp pour se retirer, fit donner ordre par les villes de Mustrich, Iulliers & autres lieux des passages que l'on laissast librement passer lesdits soldats de Mansfeld, sans leur faire aucun tort ny dommage, enioignant dauantage ausdites villes, & lieux de leur passage de les pouruoir de passeports, & à chacun d'eux leur deliurer trois florins pour ayder à se reconduire en leur païs, traictement fauorable, qui a desmembré vne grande partie des gens de guerre dudit Mansfeld qui ne prenans plaisir à seruir les

Hollandois en cette guerre, & sous vne discipline si exacte, ne cherchoient que l'occasion d'eschaper & la liberté des passages pour se retirer.

Voila en quel estat a esté reduicte l'armée de Mansfeld sans auoir fait encore aucun exploit depuis son arriuée à Breda iusques à present, qu'on tient se disposer avec le reste des forces de Hollande pour s'acheminer contre le Marquis Spinola en intention de luy faire leuer le siege de deuant Berghe sur Zoon, attendans quoy voyons ce qui se passe du costé d'Allemagne.

Toutes les armées Protestantes ayans esté dissipées par les armées Imperiales, les villes & places plus rebelles reconquises sur les Calvinistes, les Princes Catholiques vnies avec les Euesques, desirans recognoistre l'assistance qu'ils auoient receuë dans les guerres dernieres, tant du roy d'Espagne que de la Serenissime Infante, n'ayans plus d'ennemis à combattre ny à craindre aupres d'eux, resolurent d'entretenir à leurs despens au seruice de sa Maiesté Catholique aux pais bas contre les Hollandois ses subiets rebelles, vne armée de trois mil cheuaux & deux mil hommes de pied, sous la conduite du Baron d'Anholt, qu'ils enuoyerent & firent passer en Flandres, soulloyez à leurs fraiz & despens: aussi en mesme temps descendirent encore pour le seruice de ladite Dame Infante, le Comte de Holstern avec deux mil cheuaux, & 3. mil hommes de pied, plus vn Duc de Saxe y arriua encore avec

Princes Catholiques & Ecclesiastiques del'vniõ en Allemagne enuoyent secours à l'Infante.

1622.

quelques troupes entre lesquelles sont deux mil Cosaques, qui tous ensemble font cinq à six mil chevaux, & six mil hommes de pied tous nouveaux venus d'Allemagne.

Siege du fort
de Phaffen.
muts par le
Duc de Neu-
bourg.

Dauantage le Duc de Neubourg par ordre du Prince de Liège, & du Conseil Imperia & d'Espagne se mit en deuoir d'assiéger la forteresse de Phaffen muts, forteresse bastie d'une Isle sur la riuere du Rhin à deux lieues au dessus de Cologne il y a deux ans ou enuiron par le Prince d'Orange & ce en intention d'incommoder le passage du Rhin à ladicte ville de Cologne comme aussi à celle d'Vvesel.

Le fort est basti dedans une prairie de ladicte Isle, garny de quatre grands bouleuards & de deux demies lunes avec quelques demeures au milieu, l'une desdites demies lunes est detachée dudit fort du costé du Haut, & en peu estre secourue au moyen d'un petit pont qui la separe.

Il y a là dedans 400. hommes de garnison sous la conduite d'un Gouverneur Hollandois, avec quantité de canons & munition capables de soutenir un long temps.

Ce fort est encore defendu au moyen d'un autre grand Bouleuard fait par lesdits Hollandois sur le riuage du Rhin vis à vis ladicte Isle qui en empêche les aduenues, & de l'autre costé par quelques batteaux garnis d'artillerie & de gens de guerre qui y font sentinelle nuit & iour.

Ledit sieur Duc de Neubourg l'assiégea le

25. Iuillet dernierauec quelques troupes Espagnoles, Allemandes & Liegeoises, tirées d'Vvese, Liege & Cologne, & s'estant acheminé deuant ce fort vis à vis duquel de part & d'autre dudit Rhin, il a fait construire 4. nouueaux, vne demielune & vne platte forme de laquelle il peut battre ledit fort en ruine. Cela faiçt il s'est retiré ayant laissé lesdits forts en la garde du Gouverneur d'Vsseldorf, qui iournellement y faiçt entrer en garde cinq cens païsans au lieu des soldats qui y estoient, qui ont esté remis en garnison ailleurs, & ainsi le Parissen-muts demeure bloqué de toutes parts.

Le Baron de Tilly demeuré seul au Palatinat avec l'armée de Baviere, entre dans le païs du Marquis de Turlach, où il donne liberté & permission à ses soldats d'y viure à discretion, de sorte que sur cette licence, brussent & ravagent tout ce qu'ils y trouuent, ny ayans aucunes forces en campagne pour leur faire resistance, estant ledit Marquis de Turlach avec le Palatin relegué avec luy dans Sedan, autres disent en Brandebourg, quoy que c'en soit les heritiers du Marquis Edouard ses petits neueux le poursuiuent viuement & veulent auoir l'heritage de leur pere qu'il leur a volé

Après la ruine dudit Marquisat de Baden dit de Turlach le Baron de Tilly s'approche de Spire avec son armée, sçmela Bourgeoisie de se remettre en l'obeïssance de l'Empereur, & de le receuoir comme Lieutenans de sa M. Imperiale, Spire obeyt, ne faisant aucune

Spire rendue à
l'Empereur
entre les
mains du sieur
de Tilly.

1622.

difficulté y recoit le Baron de Tilly, comme General del'Empereur, y fai&t son entrée, & recoit dela Bourgeoisie & des Magistrats le serment de fidelité au nom de sadite Majesté Imperiale, y laisse braue garnison, & de là s'achemine vers le Rhin.

Vvormes ten-
du au sieur de
Tilly.

Et voyant que personne ne luy resistoit s'ap-
proche de Vvormes autre ville Imperiale, la-
quelle il menace de siege en cas que l'on ne
luy ouure les portes, remonstre à la Bourgeoisie
qu'il ne demande deux autres choses que
l'obeïssance & fidelité pour l'Empereur, qu'ils
esprouueroient de luy toute sorte de bons
traictemens, les supplians ne s'y faire cōtrain-
dre, n'ayans aucune apparence de pouuoir
longuement subsister, sans secours qui ne
leur pouuoit arriuer d'aucun costé : Vvormes
sur ces considerations pense à se conseruer,
elle ne veut pas hasarder au peril d'une folle re-
sistance le peu de bié qui reste à ses Bourgeois,
que Vver & Mansfeld auoient ia rançonnez
& pincez iusques au sang, se rend à la semon-
ce dudit sieur de Tilly, qui y entre avec son
armée, s'y rafraichit quelques iours, & de là
s'en alla inuestir Heidelberg, l'une & la prin-
cipale des trois places qui restoient encore au
Prince Palatin au bas Palatinat, & aufquelles
iusques icy on n'auroit voulu attaquer.

Heidelberg
inucity.

L'Ambassadeur d'Angleterre qui estoit à
Bruxelles, insista fort à ce que du moins si on
ne vouloit accorder vne trefue, on ne tou-
chast aux villes d'Heidelberg, Mauhein &
Frankendal qui restoient, & en faueur du

Roy

Roy d'Angleterre son Maistre comme estant
lesdites places du douaire de la Princeſſe Pala-
tine ſa fille: & que d'ailleurs il n'y auoit lieu de
ce faire, puis que le Prince Palatin auoit de-
ſarmé, auoit quitté ſon pais, enuoyé ſes Am-
baſſadeurs à Bruxelles, & s'eſtoit mis en eſtat
de traiçter.

Toutes ces raiſons ne peurent auoir de lieu,
on ſe plaint au contraire que le Palatin n'a
point deſarmé, qu'il a encore toutes ſes ar-
mées ſus pied ſous la conduite du Comte de
Mansfeld & de l'Eueſque d'Alberſtat: mais
de plus le rauage que ſadite armée a faiçt aux
pais bas ſous ledit Mansfeld en allant ſe ioin-
dre aux ennemis du Roy d'Eſpagne & de la
Sereniſſime Infante aigriffent tellement les
courageſ, que le ſieur de Tilly du commande-
ment de l'Empereur & du Duc de Bauiere
ſon maistre ſe reſoud de remettre en l'obeiſ-
ſance de ſa Maieſté Imperiale le reſte deſdites
places dudit bas Palatinat ayans affaire de ſa
perſonne & de ſes armes ailleurs.

Sur cette reſolution ayans donc faiçt inue-
ſtir Heildeberg l'a ſerré quelques iours de
prez ſans la battre, ſe contentans de luy em-
peſcher la commodité des viures & du ſe-
cours, ne luy pouuans venir de nulle part,
eſtant comme elle eſt ſcituée entre Veinhen,
Vvimphen, Vviſeloth, Spire, Vvormes, &
le fort de Saim, toutes placés occupées par les
Eſpagnols & par les Bauarrois: fait ſommer
la Bourgeoiſie de ſe rendre, laquelle dit quelle
n'auoit aucun pouuoir de ce faire, & eſtoit

commandée d'un Gouverneur que leur Prince leur avoit donné.

Le Gouverneur qui estoit Anglois respond qu'il ne rendroit la place que par le commandement du Prince Palatin auquel elle appartenoit.

Sur ces reffus la place est entierement assiegée le 2. Septembre, le sieur de Tilly la fait battre l'espace de neuf ou dix iours entiers sans que les Anglois & Allemands qui estoient en garnison tant à la ville qu'au chasteau ayent eue le courage de faire aucune sortie; en fin la breche estant faite, nul secours n'ayant paru le sieur de Tilly y fit donner l'assaut le 16. dudit mois, qui fut fort courageusement soutenu par la garnison, mais finalement ayant esté contraint de succomber sous l'impetuosité des assaillans, la ville fut gagnée de vive force, cinq cés Anglois furent passez au fil de l'espee les principaux Bourgeois faits prisonniers, & la place exposée au pillage l'espace de deux Anglois tuez. iours entiers.

Le reste desdits Anglois & Allemands qui peurent eschapper cette furie, s'en fuirent au chasteau avec leur Chef, se renfermerent là dedans, resolu de s'y bien defendre & de vendre cherement leur peau aux Bauarrois: ils tindrent encore un iour entier là dedans, mais voyans approcher le canon dudit sieur de Tilly & qu'on les alloit forcer, il y eust de la diuision entr'eux, les Anglois y vouloient mourir en se defendant, & les Allemands vouloient rendre la place, si bien que là dessus venans aux mains les uns contre les autres, les

Chasteau rendu.

Allemands tuerent quantité desdits Anglois, ouurent la porte aux gens dudit sieur de Tilly qui se iettent aussi tost dedans nonobstant la courageuse resistance, du Capitaine Anglois appellé de Cherebert qui defendant brauement la porte la pique à la main receut vn coup de mousquet dont il mourut, & ainsi le chasteau fit le mesme saut que la ville, le reste des Allemands & Anglois qui furent trouuez dedans furent pris à mercy, se retirerent sans armes, ny bagage, & ainsi Heildeberg & s^{on} chasteau furent reduits en l'obeissance de l'Empereur.

Ledit sieur de Tilly aussi y fit celebrer la messe qui n'y auoit esté dictée depuis 70. tant d'années, & outre ledit pillage permis deux iours entiers aux soldats, il leur defendit de faire aucun tort aux Bourgeois, ny d'attenter à la pudence de leurs femmes, ny à l'honneur de leurs filles, se garder du feu & de toute autre licence de gens de guerre.

Au bruit de la prise de cette place capitale de tout le bas Palatinat, le Colonel Vver avec tous ses Anglois qui estoit à Frankendal, retira tout ce qu'il auoit de bon dans la forteresse de Mauhein, & luy mesme s'y renferma en persōne, pour y estre en plus grāde seureté.

Ce qu'ayant sceu le sieur de Tilly, laisse bonne garnison dans la ville & chasteau d'Heildeberg, & s'achemine avec le reste de ses trou-

pes deuant cette forteresse de Mauhein laquelle il a fait inuestir de tous costez, esperās qu'à fau-

eur de viures, de secours & munitions elle s'era contrainte se rēdre à sa discretiō sās s'arrester

La messe cele-
brée dās Heil-
delberg.

Manhein a c-
siégé par le
sieur de Tilly.

à la battre, car estant l'une des plus fortes places de tout le Rhin bastie sur son riuage, il ne la pourroit forcer sans hazarder grande quantité de ses gens.

De là il ne restera plus que Frenkendal, exercice de hui& à quinze iours au plus, que Couronner la conqueste generale de tout le bas Palatinat.

Cependant l'Archiduc Leopolde qui auoit fait retourner son armée en Alsace lors que mansfeld & Alberstat en partirent avec leurs troupes pour s'acheminer du costé de France, & qui auoit repris Hagnauouu, que mansfeld fut contraint d'abandonner, apres que ledit sieur Archiduc y eut mis garnison & eust donné ordre pour les seuretez de Sauerne & autres places de sondit païs d'Alsace, il remena son armée au Comté du Tyrol, & renuoya le Marquis de Montenegro avec ses troupes dans la Franche Comté.

L'Archiduc
Leopoldere-
tourne en gar-
nison.

Ledit sieur Archiduc Leopolde estant audit païs de Tyrol, ayant eu aduis que les garnisons auoient fait entrer vn secours de hui& mil Suisses dās le païs d'Engadine à l'ayde desquels ils auoient de rechef massacré les Allemands & autres Catholiques qui y estoient en garnison, repris la ville de Coire avec grande tuerie, & chassé encore vne autrefois l'Euesque dudit lieu, resolut d'auoir raison de ces meurtres & attentats, & fortifiant son intelligence avec le Gouverneur de Milan, qui d'ailleurs estoit piqué d'une entreprise qu'auoient faicte les Venitiens sur le fort Saincte

Rebell. & affaires estrangeres. 245

Marie resoluent ensemble chacun de son costé d'attaquer lesdits grisons, & reconquerir sur eux ce qu'ils auoient repris.

Le Gouverneur de Milan, pour ce subiect fait aduancer dans la vallée 27. enseignes de gens de pied, attendant autres plus grandes forces qui luy deuoient venir de Naples & de Sicile où se faisoient encores trois Regimens.

D'autre costé l'Archiduc Leopolde entre dans la 3. ligue au mois d'Aoust dernier avec son armée, reprend le pais de Maiensfeld que les Grisons avec les Suisses de Berne, Basle & Zurich auoient reprises, se rend maistre de l'Engadine en chassant les Grisons, & les Suisses qui y estoient, va assieger la ville de Coire, laquelle il reprit avec vn general massacre de toute la garnison huguenotte qu'il y trouua, enuoye vne partie de ses troupes du costé de Trente pour empescher les desseins des Venitiens, & luy se fortifiant dans le pais, resoud de faire bastir vne forteresse dans ladite vallée d'Engadine pour se la conseruer.

Les Suisses & les Grisons ainsi mal traitez, & menacez d'ailleurs d'vn nombre de Cosaques Polonois que ledit sieur Archiduc pre-tendoit ietter en leur pais, retournerent fortifier leurs villes & y augmenter leurs garnisons.

Cependant le Roy d'Espagne qui desire estre possesseur de ces pais Grisons, a enuoyé deux cens mil escus au Duc de Feria son Gouverneur à Milan pour le payement de ses trou-

1622.

Exploits de
Leopolde
aux Grisons.

Coire repris
par luy.

1622.

Resolution du
Roy d'Espa-
gne pour la
Valtoline.

pes avec promesse d'enuoyer autre cent mil
escustous les mois pendant que la guerre y
subsisteroit.

Dauantage a prist tous les Catholiques de
la Valtoline en sa protection, a fait oster les
armes du pais qui estoient es places dudit pais,
& y fait substituer les siennes comme preten-
dant se rendre maistre Souuerain de ces mon-
tagnes & ne les rendre iamais, si les Princes
& republiques voisines se sentans picquez
de cette possession ne se liguent ensemble
pour luy faire desmordre cette nouuelle con-
queste.

D'ailleurs nous aprenons que le ieune Côte
de la Tour ioincts avec le marquis de Iage-
rendof & quelques rebelles de Boheme, &
Moraue, se sont nouuellement iettez dans la
ville de Glats en Silesie, s'y fortifient avec in-
tention d'y tenir bon & de s'y bien defendre,
ce qu'ayant sceu le Duc Electeur de Saxe qui
a ce pais en sa protection sous les comman-
demens del'Empeteur, il a fait aussi tost in-
uestir ladite ville de Glats en intention de l'as-
sieger; en cas de resistance.

De Constantinople aussi on nous fait dire
qu'il y a vne grande diuision entre les Bachas
& les Iannissaires depuis la mort de Sultan Of-
man leur Empeteur deffunct: lesdits Bachas
commencent à seliguer dans les villes & Pro-
uinces pour se defendre contre l'effort desdits
Iannissaires, qui les veulent deposseder de
leurs charges, & en substituer d'autres en leur
lieu.

Ils auoient enuoyé deux nouueaux Bachas en Damas & en Babylone, lesquels ils n'ont voulu receuoir que premierement on ne leur eust rendu raison des motifs de la mort & massacre du deffunct Empereur Sultan Osman.

Sultan Mustapha son oncle qui regne à present en sa place est grandement affligé de toutes les diuisions, apprehendant fort que cela n'excite vn grand trouble en l'Empire, & est Prince pusillanime & peu porté à la guerre.

Lesdits marquis de Iagerendof, & les comtes de la Tour pere & fils avec quelques rebelles ennemis de l'Empereur, l'auoient fait solliciter de leur donner quelques secours pour recommencer la guerre contre l'Empereur, mais ledit Sultan mustapha a fait responce, qu'il vouloit entretenir la paix avec sa Maiesté Imperiale, & qu'il n'enuoyeroit personne contre luy. Pareille responce a esté faite aussi par Bethleen Gabor Prince de Transsiluanie, auquel on vouloit persuader de reprendre les armes & rentrer en Hongrie, mais il a dit qu'il obserueroit le traicté, & entretiendroît la paix avec sadiete Maiesté Imperiale.

Voyla ce qui s'est passé aux pais estrangers.

Reuenons maintenans en Flandre, nous y apprendrons le succez du siege de Berghe, les deffens du marquis de Spinola, les proiects du Prince d'Orange, & tout ce qui

1622.

s'y est passé iusques à la leuée dudit siege de Berghe sur Zoon, par ledit sieur Marquis.

Berghe comment prise par les Hollandois sur Dom Jean d'Autriche.

La ville de Berghe sur le Zoon fut reduicte sous la puissance des Hollandois en l'an 1577. en la forme & maniere qui s'ensuit, Dom Jean d'Autriche, feignant de vouloir entretenir les Estats d'Hollande en paix, leur disant que ce qu'il auoit faict par le passé n'estoit que pour la seureté de sa personne: & il commença à leur proposer des conditions dures & iniques, & aussi repugnantes à tous precedents contracts de pacification, que si desia il eust suppeditez. Il demandoit.

Que l'autorité luy fut maintenue en laquelle ont esté les Princes du sang ses predecesseurs, & qu'il luy soit licite de prendre telle garde des suiets du pays qu'il luy semblera conuenir pour la seureté de sa personne, & de ceux qu'il suyuent, & d'aller où il luy plaira: Qu'il n'y ait point de Gouverneurs particuliers es villes, où auparauant n'y en auoit. Que tous les Gouverneurs, Colonnels & soldats du pays ayent à se trouuer vers son Altesse, quand ils seront mandez. Que son Altesse comme general Gouverneur puisse disposer des offices & charges, selon les occurrences, pourueu que ce ne soit contre ladite paix & contre les Priuileges du pais: Que la liste que les Estats vouloient faire de tout ceux qu'ils entendent estre qualifiez, pour entrer en leur assemblée, soit enuoyée au plustost vers S. A. pour voir s'il ya aucun entre eux, qui n'y doie entrer, ou qui soit soupçonné

d'y faire mauuais offices. Qu'en cas que le Prince d'Orange & les autres Estats d'Hollande & Zelande, ne vueillent s'atisfaire à la paix & accord fait, entre S. A. au nom du Roy & les Estats generaux, ils n'ayent doreſnauant aucune correfpondance ou intelligence avec ledit Prince & Estats, s'vniffent avec S. A. pour en auoir raifon, & faire que ſa Majeſté ſoit obeye, & S. A. retienne l'autorité qui luy eſt deuë.

Le ſieur de Treſlon cependant s'eſtant déclaré du party des Alemands (qu'il deuoit introduire en la ville) propoſoit vn ſerment nouveau aux ſoldats & Capitaines du chateau d'Anuers, en faueur de D. Iean: directement contraire à celui qu'ils auoient fait aux Estats, leſquels Capitaines & ſoldats eſtoient aſſez aduertis des lettres interceptées cy deſſus, à raifon dequoy ledit Treſlon ſe rendit ſuſpect & odieux à toute la garniſon de la Citadelle, ſauf à ſa compagnie, & en eſcriuit à D. Iean: Pontus de Noyelle ſieur de Bours Capitaine d'vne compagnie en ladiète Citadelle, refuſa de faire le ſerment propoſé par Treſlon, ſe ioignit avec la plus part des Capitaines qui tenoient le meſme party: & ſe mit en armes à l'encontre de Treſlon & des ſiens: il y eut quelques harquebuſades tirées, dont aucuns furent bleſſez: & Treſlon ne ſe voyant le plus fort, ſe retira en ſon logis, où de Bours le print au colet, & ayant chaffé ceux de ſa faction, le liura avec la Citadelle, és mains des Estats, qui y enuoyerent mettre ordre par tout. Les

Alemands de Foucher & Fronsberg, entendant le bruit de la Citadelle se mirent en armes, & sur le soir se mirent en la place de Merbrugé: & de là enuiron la mi-nuict se retirerent à la Ville-neufue le plus fort quartier d'Anuers, à cause des Haures qui le retranchent: où ils penserent se fortifier, & demurerent sans rien faire iusques au lendemain midy que les nauires de Holande & Zelande commencerent à se monstrier, dont ils furent tant espouuantez, que quittans la ville, ils s'enfuirent à sçauoir Foucher à Berghe sur le Soom, & Fronsberg à Breda. D'autre costé le sieur de Champagne Gouverneur d'Anuers alla avec son Regiment au deuât de Cornille Van Eyden, le chargea & mit en route, l'épescchant de se ioindre avec ceux de Berghe.

Dom Iean incontinent escriuit au Colonel Foucher, se complaignant d'vne telle perte, loüant Dieu neantmoins qu'il estoit eschappé du danger: & qu'il allast le trouuer à Namur pour commander à tous les Alemands, à cause que le Baron de Fronsbergh estoit malade. mais les soldats du Colonel Foucher, ayans receu ceste escorne à Anuers se mutinerent contre luy, le dixiesme de Septembre, le prindrent prisonnier, puis le liurerent aux Estats avec ladiète ville de Berghe. Et incontinent apres, lesdits Estats s'asscuerent pareillement de la ville de Lyre, à deux lieues d'Anuers. Le sieur de Fromont Gouverneur de Namur laissa Dom Iean & s'en alla en Brabant se ioindre aux Estats: comme aussi

firent le Duc d'Arescot, & son fils Charles Prince de Chimey, qui estoient avec D. Iean quand il entra en la Citadelle de Namur, qui firent tenir leurs chevaux prests hors la porte, par leurs seruiteurs, & feignans d'aller se promener, monterent à cheual & s'en firent à Bruxelles: & partirent avec mesme astuce, le Marquis de Haure, frere du Duc d'Arescot, & autres Seigneurs.

Dom Iean voyant la chance tournée, & ces Seigneurs l'abandonner, voulut iustifier ses actions, & apres auoir faiât ses plainctes par lettres qu'il escriuit aux Estats, il faisoit tousiours instance sur deux poincts, à sçauoir sur la conseruation de la Religion Catholique Apostolique, Romaine, & l'obeïssance deuë au Roy, protestant qu'il ne demandoit autre chose, avec le bien & le repos du pays: Qu'il s'estoit retiré à Namur, comme desia il auoit remonstré quelques fois, pour la seureté de sa personne seulement, & pour euitier l'effect de la coniuration, qu'il maintenoit auoir esté faite contre luy: mais les Estats au contraire voyoient bien qu'il s'estoit retiré pour deux raisons, la premiere, pource qu'il craignoit qu'estant à Bruxelles ou à Malines, si l'on eust failly à l'entreprise de la Citadelle d'Anuers, côme on faillit, on l'arrestast prisonnier apres quel'on eust descouuert la menée: là où s'estât retiré à Namur, il estoit hors de ce dâger, l'autre pour auoir tousiours vne porte de derriere ouuerte, par le pays de Luxembourg, pour faire venir des forces. Il se plaignoit aussi de la

retraicte des Seigneurs susdicts, lesquels ad-
uertis de l'entreprise de la Citadelle & ville
d'Anuers, l'auoient ainsi abandonné, qu'en-
cores, disoit-il qu'il eust assez remarqué telles
& semblables indignitez, il ne desiroit ce né-
moins autre chose que se gouuerner selo l'ac-
cord de paix, afin que toutes choses fussent
bien dressées; qu'il estoit contant de laisser le
Gouuernement, & qu'il se retireroit en Lux-
embourg, iusques à ce que le Roy d'Espagne
leur eust baillé vn autre Gouverneur.

Voyl'h'istoire
des guerres de
Flandres l. 5.

Voyla les fautes que fit Dom Iean d'Au-
striche, il faillit la reprise de la Citadelle d'An-
uers, & laissa perdre ladicte ville de Berghe
sur Zoon, par la mauuaise conduicte de ses
Capitaines avec beaucoup d'autres places que
les Hollandois prirent au mesme temps sur
luy, ainsi qu'il se lit en l'Histoire des guerres
du païs.

Siege de Ber-
ghe par le
Prince de Par-
me.

Huict ans apres sçauoir l'an 1586. Le Prin-
ce de Parme voulut reconquerir cette place
tant importante, fut l'assiéger par mer & par
terre avec vne forte & puissante armée, mais
apres auoir esté quelques mois deuant, d'au-
tres affaires pressantes l'appellant ailleurs, leua
le siege de deuant Berghe & se retira.

Du depuis les Hollandois ont fortifié cette
place en la forme & maniere qu'elle se voit
auioird'huy.

Or les Hollandois considerans l'importan-
ce de cette place par laquelle ils auoient le
pied libre dans la campagne & pays de Bra-
bant, qu'icelle estant perduë, & reprise par

Rebell. & affaires estrangeres. 253

l'Espagnol, incommoderoit grandement la Zelande presque destachée d'auec la Hollande, donnant dans le bras de mer qui est entre eux, qui seroit vn moyen de diuertir le secours qui se conduisoit aisément à l'Escluse, resolurent de la forcer en telle sorte qu'elle fust rendue imprenable à leurs ennemis.

Du costé d'Anuers ils y ont fait vne puissante demie lune destachée des murailles de la place avec des retrachemens fort grands, sur laquelle ils ont logé quantité de canons & mortiers.

A main gauche de ladite demie lune ils ont fait vne longue trenchée de deux pas loing de la ville, ioignant à ladite demie lune, & s'estendans iusques à vn fort nommé Kijck-indempot, ladite trenchée garnie de quatre redoutes, & ledit fort tout enuironné de canons.

De Berghe il y a vn canal qui vient de la mer par lequel peut arriuer le secours commodement en la place quoy qu'elle soit assiégée, sans que les assiegeans le puisset empêcher, pour la conseruation duquel canal & secreté desdits secours qui arriueront par iceluy dans la place, iusques à son emboucheure en la mer, il y a onze forts bien garnis de canons avec quantité de redoutes & longues pallissades tout le long de la digue, iusques à la mer, au milieu de laquelle digue est le Bourg nommé Tertolen, bien fortifié & muni.

Du costé de Stembergen, ils y ont fait de grands dehors puissamment fortifiez avec

1622.

Fortifications
de Bergh.

Forts sur le
canal.

forces redoutes, trenchées & grands retranchemens.

Le fleuve du Zoon qui arrose cette place, rend vne partie de ce pais tout marescageux à cause de les eaux qui se debordent fort souvent.

Là dedans de tout temps les Hollandois ont entretenus vne forte garnison, & la moindre a esté de deux à trois mil soldats sans les habitans qui sont fort aguerris.

Après les treues passées, la ville de Iuliers reprise par l'Espagnol, & les guerres d'Allemagne assoupies, le Marquis de Spinola ietta son dessein sur cette place sur lequel il repassa plusieurs fois auant que d'entreprendre à l'exécuter: il s'achemina deuant icelle avec son armée au mois de Iuillet dernier, ainsi que nous auons remarqué cy deuant, & donna vn tel ordre pour le siege de cette place que chacun y accouroit d'Anuers & de Bruxelles pour le voir.

Fortifications
du Marquis
de Spinola de-
uant Berghe

Car ayant pris la ville de Steremberg en il fit aussi tost traualier aux trenchées, fit faire vn fort au dessous de Steenberg pour s'asseurer de la conduite des viures en son armée, prit son quartier du costé dudit Steenberg, sur & autour la montagne appelée aux Conins proche le bourg d'Halteren, esloigné d'environ deux traiçts de mousquet de la ville de Berghe, où il commença à faire traualier aux trenchées depuis le pied de ladite montagne iusques aux dehors de Berghe, avec vne diligence incroyable, ce fut là mesme où le-

dit sieur Marquis fit dresser deux furieuses batteries sur lesdits dehors de Berghe qu'il endommagea fort avec son canon, & du depuis encore vne autre batterie qu'il fit dresser sur la montagne de Roffelsberch vis à vis les deux autres: de sorte que del'vne desdites batteries il tiroit sur le port ou entrée du canal audit Berghe; de la seconde au flanc desdits dehors, & du 3. à costé d'iceux & iusques dessus la ville.

Il logea l'autre partie de son armée de l'autre costé de la place sur & autour la montagne appelée Raderemberg fort proche du bourg de Borchuliet, laquelle armée estoit composée de troupes Italiennes & Vvalonnes premierement commandées par le Comte de Salazar, & du depuis par Dom Gonçales de Cordua.

Deux premieres atakes qui furēt furieuses, & de ce costé la mesme qui estoit le plus proche des ennemis, on gagna la demielune destachée avec perte de part & d'autre, comme i'ay desia dit cy deuant. Quelques iours apres ceux de dedans la regagnerent de viue force sur les Italiens qui s'en estoient saisis avec perte de quelques six vingts soldats, & de rechef fut regagnée par les Italiens en despit des ennemis, qui ne les pouuans plus chasser delà dessus, à cause de la tranchée que les assiégeans auoient conduiēte iusques sur le bord du fossé ils eurent recours aux mines qu'ils firent de ce costé, & qui eurent effect tel qu'il sera dit cy apres.

Ses attaques.

Demielune
gagnée & re-
gagnée.

1622.

Impost sur le
Brabant pour
la guerre de
Berghe.

Cependant le Marquis Spinola fait venir quantité de munitions de guerre avec encore 30. canons tirez de la Citadelle d'Anvers & de Malines pour faire d'autres nouuelles batteries, preuoyant que le siege pourroit estre ennuyeux & que le Prince d'Orange feroit quelque effort pour le faire leuer, & par consequent qu'il auoit besoin d'auoir vne plus puissante armée, fait proposer aux villes du Brabant que si les Estats du païs vouloient se cottiser pour luy faire assistance encore de six cens mil florins, il libereroit le païs du ravage des ennemis, les villes de Bruxelles, Malines, Bosleduc & Louuains firent responce qu'ils y aduiseroient, & cependant par aduance donnerent comptant deux cens mil florins pour payer la premiere monstre.

Après toute ceste assistance ledit marquis continué son siege, fait aduancer ses tranchées du costé des Italiens avec telle diligence, que les assiegez, l'espace de cinq ou six iours ne firent que tirer sur eux, sans incommoder que bien peu de soldats, ny que le Marquis leur renuoyast pareilles cannonades, se tenant coy pendant qu'ils iettoient leur feu.

Arriuée de
Dom Gonçalves
deuant
Berghe.

Après l'arriuée de Mansfeld & d'Alberstat à Breda Dom Gonçalves de Cordua retourné au païs, après auoir salué l'Infante Serenissime, & fait vne reueüe du reste de son armée arriua en l'armée dudit sieur Marquis deuant Berghe, & mena neuf mil hommes, qui furent logez au quartier des Italiens & Vvalôs, où ledit

où ledit Dom Gonçales de Cordoia eust charge de commander.

L'armée des assiegeans ainsi renforcée de ce nouveau secours, qui la rendit grosse de plus de vingt deux mille hommes, arriuent encore: car j'ay dit cy deuant le Baron d'Anholt, vn Duc de Saxe, vn Comte de Hostein, le Colonel Lucão avec plus de dix mille hommes, quel'on loge entre Anuers & Breda, tant pour empescher le secours du Prince d'Orange, que pour faire passer les viures & munitions, allans d'Anuers & de Iulliers à Berghe.

Les assiegez cependant ne manquent pas de leur part à se bien defendre, ils minent & contre-minent, & font des sorties furieuses sur les assiegeans, avec perte tres-grande de part & d'autre. Ils font iouer vne mine le 28. Septembre du costé du quartier des Italiens, qui n'eust autre effect, sinon qu'elle enseuelit le fils du Duc de Beneuent, grand d'Espagne, & quelques neuf soldats: vn peu auparauant aussi fut tué du costé des assiegez vn des enfans du sieur Arnault François de nation, de la religion pretenduë, qui sur le trouble excité en France pour la religion pretenduë, s'estoit retiré avec son aîné en Hollande, avec le Comte de Candale pour seruir les Estats, contre les Espagnols.

Le lendemain les assiegez firent iouer encore vne autre mine du costé des Vualons, & à l'instant vne sortie tres-grand, où du costé du Marquis Spinola demeurèrent le sieur d'Oigny Gouverneur de Bapaume, qui auoit com-

Mine iouée
du costé des
assiegez.

Autre mine
iouée par
ceux de de-
dans.

1622.

mandement sur deux mille cinq cens hommes tous vieux soldats tirez des garnisons par ledit Marquis pour s'en seruir en ce siege, desquels en demeura quelques six vingts.

Diminution
de l'armée
Espagnole.

Ainsi de iour à autre l'armée Espagnole diminuoit deuant Berghe, tant au ieu des mines qu'aux sorties & combats, que par la maladie tres-aspre qui se mit au camp, pour estre les soldats mal payez & mal nourris.

Troupes Espagnoles iettees en Frise, où le Prince se sousleue contre eux.

Le Marquis Spinola voulut donner quelque forme de diuertissement à l'armée du Prince d'Orange, qui plus de 15. iours au parauant se dispoisoit pour venir contraindre les Espagnols de leuer le siege de Berghe : Pour ce faire donc le Marquis manda au Comte Henry de Berghe qu'il iettast quelques mille ou douze cens hommes dans la Frise, pour y sonner l'alarme, & donner subiect au Prince d'Orange de diuiser son armée, & y enuoyer vne partie de ses troupes pour la defense du pais : mais il n'eust aucune necessité de le faire, car ceux qui se ietterent ainsi dans la Frise, trouuerēt le pais tellement armé & sousleué contr'eux, qu'apres auoir deffait quelque quatre vingts soldats Espagnols à la campagne, mis les autres en fuite, six cens s'estans conseruez dans vne Eglise, furent contraincts de se rendre sans armes & sans defense, aux poursuiuans, qui les laisserent aller la vie sauue seulement.

Cependant le Prince d'Orange ne desiste point de son dessein, & estant asseuré de la bonne defense quel'on faisoit à Berghe, & du peu d'auancement ou progresz qu'y faisoit le Mar.

quis, resolut de le faire desloger de là, & luy faire leuer le siege.

L'ordre qu'il y apporta fut tel. Il leua premierement toutes les garnisons des places moins exposées au dâger de leurs ennemis, les laisse aux seuls habitans, qui en entreprendrent la defense, fait visiter les maisons des Arméniés & Gomoristes, desquelles on enleue les armes, ne leur laisse-on cousteau qui ne soit emoullé, pour estre plus assésuré d'eux: fait venir le Côte de Candale & autres Capitaines qui estoient dans Berghe, plus propres à la campagne qu'à la garde d'une ville: fait dōner des armes & des habits aux Raistres & Allemans de Mansfeld, & composant vne armée de 24. mil hommes, laquelle il embarqua sur mer pour se rendre es enuirs de Breda.

Le Marquis Spinola eut aduis du dessein des ennemis, & cognut qu'ils deuoient venir par terre en corps d'armée deuant Berghe, fit auancer les troupes d'Allemagne du barō d'Anholt, du Comte de Holstein & de Saxe, entre Anuers & Breda, & donne promptement ordre au Comte Henry, qui commandoit à 1200. hommes vers Nimégue au Duché de Cleues, de s'auancer au plustost, pour ioinde lesdites troupes d'Allemagne, & attendre l'ennemy au combat, en cas qu'il fist mine d'approcher, la verité est telle, sans faire compte de l'armée de Spinola estoit deuant Berghe; le Comte Henry de Berghe ayant ioinct les Allemans, pouuoit faire avec eux, nombre de plus de vingt & deux mille hommes, qui estoient dix mille

1622.

Le Prince d'Orange leue toutes les garnisons de Hollâde pour faire leuer le siege de Berghe.

Ordre du Marquis Spinola pour empêcher le dessein du Prince d'Orange.

1622.

cheuaux & plus de douze mille hommes de pied, nombre capable pour receuoir l'ennemy : mais plusieurs sortes d'accidents arriuerent qui tromperent le dessein de Spinola, & l'obligerent à leuer le siege de deuant Berghe.

)
Secours de six
mille soldats
iettez dans
Berghe.

)
Italiens ga-
gnez par le
Prince d'O.
range.

Le Prince d'Orange qui auoit vn autre dessein que celuy que ses ennemis s'estoient imaginé, qui estoit de se rendre deuant Berghe par mer, & plustost que Spinola n'eust pensé, ayât fait quelque mine de vouloir tenter le passage par terre, de Breda à Berghe, s'embarqua le 28. Septembre de nuit, avec toute son armée, pour prendre terre à deux lieuës de Berge, à la veuë de Spinola, & contre l'esperance de l'armée qui le vouloit attendre entre Anuers & Breda : Fait couler dans Berghe six mille soldats pour rafraischir la garnison, & pour s'en seruir au dessein qu'il auoit de perdre generalement le camp dudit Marquis, ce qui luy eust esté facile de faire, si le Marquis n'eust esté aduertuy de ce qui se deuoit executer à la ruine, tant de luy que de toute son armée.

Il reçoit donc aduis que les ennemis auoient quelques siens officiers de guerre, au quartier des Italiens, qui estoient les plus proches du peril, au moyen desquels traistres, se deuoient poser sentinelles, & ordonner des soldats pour les rondes, la nuit que l'execution se deuoit faire, en telle sorte que les sentinelles de la faction desdits traistres estans posées, avec le mot donné & communiqué aux assiegeans, huit ou dix mille hommes fussent sortis de la

place, & à la faueur des traistres & de leurs sentinelles, ayans passé iusques aux trenchées, eussent massacré tout ce qui s'y fut trouué, pendant quoy, l'armée du Prince d'Orange qui feroit alte à deux lieues de la place, se fust aduancée sur le quartier du Marquis du costé de Steemberg, qui se fust allarmé sur cette nouuelle sortie sur le quartier des Italiens, eust mis & taillé tous ses gens en pieces, se fust saisi de tout le camp, & eust ruiné entierement le Marquis: Ioinct d'ailleurs que le Comte Henry de Berghe qui auoit ordre de s'aduançer pour ioindre les Allemans, retarda trop d'un iour, toutes lesquelles choses menaçans de ruine toute l'armée & le camp du Marquis, ayma mieux par prudence, se resoudre à leuer le siege de deuant cette place, que d'attendre qu'il y fust forcé. C'est pourquoy le Dimanche 2. iour d'Octobre sur les 6. heures du soir, il fit mettre le feu en ses quartiers, & en fit faire autant, & à la mesme heure, à Dom Gonçales de Cordoia au quartier des Italiens, & entroya tout le canon & toutes les munitions de guerre dans Anuers, preuenant en cette sorte ses ennemis, & se retirant de deuant Berghe sans perte.

Al' instant il congedie la pluspart des soldats Italiens, leur payant quelque somme de plusieurs monstres qui leur estoient deuës, desirans se retirer en leur païs iusques au Printemps, ne pouuans, disoient-ils, subsister sous les armes en un païs où le froid est si rude en Hyuer.

1622.

Dessein du
Prince d'Orange.

Leuee du siege de Berghe par le Marquis Spinola.

1622.

Regret du
Comte Hen-
ry de Berghe
sur la leuée
du siege.

Bruit mau-
uais qui court
de luy.

Le Comte Henry de Berghe arriva le len-
demain 3. d'Octobre apres la leuée du siege,
dans la ville d'Anuers, où apprenant ces nou-
uelles en fut fort fâché, se donnant la faute de
ne s'estre auancé plustost: on ne laissa pas de luy
donner yne partie du sujet de la leuée du siege,
aucuns se voulans persuader qu'il auoit esté ga-
gné du Prince d'Orange, & auroit voulu par
ce retardement fauoriser son dessein: mais les
autres plus sages & iudicieux, n'ont iamais
creu cela de l'honneur de ce grand Capitaine,
qui a tant montré d'affectio au seruice du Roy
d'Espagne, & qui est tant obligé aux faueurs &
dignitez que sa Majesté Catholique luy a don-
nées pendant ces mouuemés derniers, de grâd
Maistre de la caualerie des pais Bas, General de
ses camps & armées en Vvestphalie, Grand
d'Espagne, Cheualier de la Toison d'or, & tant
d'autres tiltres de gloire, qu'il est impossible de
croire, que maintenant s'oublant de tant de
fortes d'honneurs & de recompenses, il vucille
commencer à se ranger du party des rebelles:
aussi ceste opinion fut aussi tost leuée que
conceue & persuadée, par la genereuse resolu-
tion que prit ce braue Comte de poursuivre
les ennemis.

Et comme on eut aduis apres la leuée du sie-
ge de Berghe & retraicte des Hollandois, que
l'on vouloit enuoyer Mansfeld en Allemagne
pour faire leuer le siege qui est deuât le fort de
Fassemuts sur le Rhin, entre Bone & Colo-
gne, appartenant aux Hollandois: Ce fut luy
qui genereusemēt s'offrit de s'opposer à Mās-

feld, & luy empescher le passage en Allemagne: de sorte que par ordre de l'Infante, il est maintenant repassé le Rhin, est entré en Vvestphalie, s'est saisi du Rhin & des passages des Comtez de Monts & de la Marck, & est impossible à Mansfeld ny aux Hollandois d'aller secourir les assiegez dudit fort sans combattre le Comte Henry de Berghe, qui les attend avec 1200. hommes en bonne disposition.

Pour le Marquis de Spinola, apres le siege de Berghe, il a presenté bataille au Prince d'Orange avec toute son armée, lequel n'y a voulu entendre, se contentant d'auoir liberé Berghe d'un siege qui la menaçoit de ruine, & s'est retiré en Hollande pour mettre son armée en garnison. Le Marquis est demeuré quelques iours proche de luy, à deux lieues proche leur camp és enuiron de Lire; puis ayant enuoyé le Comte Henry de Berghe en Vvestphalie, comme i'ay dict, commence maintenant à mettre ses gens en garnison pendant l'Hyuer, & attendant le retour du Prin-temps qui ramenera de nouueaux desseins & de nouuelles executions.

La leuée de ce siege a esté si mal interpretée par le peuple du pais Bas, que l'on en a tenu du depuis le Marquis en mauuais estime, plusieurs mauuais bruits ont couru de luy à Bruxelles & autres lieux, qui est cause que l'Infante fort indignée du tort que l'on faisoit à la reputation de ce grand Capitaine, fit publier vne ordonnance, par laquell fut defendu à toute sorte de personnes, de parler en bien ou en mal du

1622.

Retour du Comte Henry de Berghe en Vvestphalie, contre les desseins de Mansfeld.

Bataille présentée au Prince d'Orange par le Marquis Spinola, mais refusée.

Murmure du peuple contre le Marquis pour la leuée du siege.

1622.

Marquis Spinola. Bref il a besoin de faire quelque exploit digne de sa prudence, pour rentrer aux bonnes grâces des Flamans.

Arrivée de la
grande armée
navale d'Es-
pagne à Don-
kerque, ...

Allarmel'An-
gleterre en
passant.

Dessin de
l'Espagnol in-
cognu.

Huict ou dix iours apres la leuée du siege de Berghe, & la retraicte des armées de part & d'autre, arriua aux costes de Plemuts en Angleterre, vne grande armée navale d'Espagne composée de 13. gallions, 24. galliaces, & de plusieurs grands nauires de guerre, le tout sans nombre de 60. les autres de 72. & autres de 80. vaisseaux pleins de soldats Espagnols, plus de dix mille avec canons & munitions de guerre en grande quantité: lesquels à leur arrivée ont mis toute l'Angleterre en allarme, de sorte que tout à l'instant les ports de mer, principalement celuy de Plemuts en Cornuaille, a esté remply de canons & de soldats, ignorans les desseins de l'Espagnol: mais toutefois cette armée passa outre, & se sont tous lesdits vaisseaux venus rendre à vn lieu de mer nommé Mardic entre Greuelingue & Donkerque, qui est le lieu dont j'ay cy-deuant parlé, trouué par les Flamans, fort propre pour y faire vn port, qui seroit de grande consequence pour donner de l'incommodité au passage des vaisseaux Hollandois, & par les choses que l'on y a ja trouuées, il y a apparence qu'il y en ait ja eu autrefois vn: les vns disent que cette armée navale venoit pour bloquer Berghe du costé de la mer, pour la priuer du secours Hollandois, & boucher le canal qui porte iusques dedans la ville: mais trop tard, les autres que c'est pour le faict de l'Escluse; les autres que c'est

pour fauoriser le mariage entre l'Espagne & l'Angleterre, qui se poursuit nonobstant le murmure des Protestans Puritains: mais tout cela n'est que par opinion, c'est vn dessein nouveau & caché, qui sera descouuert avecque le temps.

Pendant que ces choses se passent ainsi en Flandres & pais Bas, meurt en Allemagne le Prince ou Duc de Bronsuic, laissant pour heritier de son Estat & Principauté, le Duc Christian de Bronsuic Euesque d'Alberstat, qui retourna aussi tost d'Hollande en Vvestphalie, pour s'emparer de l'heritage de son frere, qui luy deuoit veritablement appartenir: mais comme lors qu'il se declara ennemy de l'Empereur, & qu'il eust leué les armes contre luy pour assister le Palatin, & faire la guerre aux Electeurs Ecclesiastiques, il fut pour ce subiect mis au ban de l'Empire, & comme tel, proscrit en ses biens, estats & personne, de sorte qu'apres la mort dudit Duc de Bronsuic son frere, l'Emperur a inuesty le Duc de Lunebourg proche parent de la maison de Bronsuic, de tous les estats dudit Duc deffunct, & en a priué ledit Alberstat, quoy que le Duc de Lunebourg ait quelque fois fauorisé ses armes dans les mouuemens derniers: mais iamais ne s'est ouuertement declaré ennemy de l'Emperur, & est vne affaire qui n'est pas de petite importance, de gagner ainsi par cette inuestiture ce Prince Protestant, qui affoiblira d'autant plus le party des autres de Vvestphalie, des villes Ansiatiques & du traict Saxonique: mais il est

1622.

Mort du Duc
de Bronsuic.

Alberstat en
est heritier:
mais forclos
par le ban de
l'Empire.

Duc de Lune-
bourg inuesty
des estats du
Duc de Bron-
suic par l'Em-
pereur.

1622.

à croire que cela ne se passera sans guerre entre luy & ledit Alberstat, qui veut iouir des estats de son frere, de force ou autrement. Derechef au bas Palatinat les armes du Baron de Tilly continuent leurs progres sans resistance.

Manhein re-
duit au sieur
de Tilly au
bas Palatinat.

Après la prise de Hildelberg, il s'en alla assieger la forteresse de Manhein, laquelle se voyant en nécessité de viures, de secours & de munitions, s'est rendüe entre ses mains sans effort, après quelques iours de resistance.

Frankendal qui restoit la dernière, ja affoiblie par le siege de l'an passé, Dom Gonçales Vice-general d'Espagne audit Palatinat, ne s'est voulu perdre à la resistance, y ayant là dedans quantité de riches marchands & bourgeois, qui ne veulent courir le risque d'une ruine generale, est entrée en composition avec le sieur de Tilly, qui se contentant de peu de chose, en deviendra facilement le maître.

Paix au Pala-
tinat.

Au reste, il est à remarquer que jamais les Palatinois ne iouirent d'un plus parfait repos, sans leur Prince naturel, comme ils iouissent maintenant, il est defendu aux soldats, tant d'Espagne que Bauarrois, sur peine de la vie, de leur faire aucun tort ny dommage, ny d'exiger d'eux aucune chose, ils vont librement de ville en autre, executent leur commerce en toute liberté, viuent en leurs loix & religion, sans trouble ny empeschement, ne se scandalisent nullement de voir la Religion Catholique établie dans leurs villes, & plusieurs centaines d'armes Calvinistes se convertir iournellement à la foy, par le soing & trauail des reuerends Peres

Religion Ca-
tholique y es-
tablie.

Recollets, Iesuites & Carmes deschauffez, y enuoyez expres par le Duc de Bauiere, & par l'Archeuesque de Mayence : si bien que s'accoustumans ainsi les vns avec les autres, il sera facile de les entretenir en ceste paix, & si la guerre n'a amené autre fruit au Palatinat, du moins la guerre est cause du reſtabliſſement du vray culte de Dieu, de la Meſſe & de la Religion Catholique qui en auoit eſté bannie il y a plus 70. ans.

Le Baron de Tilly ayant ainſi mis le Palatinat en repos, & n'y reſtant aucune place qui luy peult donner jaloſie, ſe reſouuenāt de la mauuaife volenté que Maurice Lantgraue de Heſſe a teſmoignée contre l'Empereur, & les Princes Catholiques del' Empire, fauoriſant l'arriuée d'Alberſtat, & les armes des Proteſtans Caluinistes, iuſques là, qu'ayant ſuſcitē le Palatin & Mansfeld d'ētrer au païs de Louys Lantgraue ſon couſin, auroit ſouffert qu'il ait eſté vniuerſellement pillé, ſa ville capitale vollée, luy & ſon ſils emmenez priſonniers, de tous leſquels mauuais offices reuenās en la memoire du Baron de Tilly, ſuiuant les commandemens qui luy ſont donnez, a enuoyé dire audit Maurice Lantgraue de Heſſe, qu'il ne trouuaſt pas mauuais ſi il menoit ſon armée hyuerner en ſon païs.

Sur ces menaces du ſieur de Tilly, Maurice Lantgraue bien empeſché, a enuoyé de tous coſtez chez ſes amis demander ſecours, voire à ſa M. tres-Chreſtienne, luy a enuoyé ſon ſils la ſupplier de ſon aſſiſtance pour la deſenſe

1622.

Mandement
fait à Maurice
Lantgraue de
heſſe par le
ſieur de Tilly.

Demande ſe-
cours aux
Princes ſes a-
mis.

de son païs contre les armées de Bauierre, en consideration de la bonne volonté queluy ses predecesseurs ont tousiours tesmoigné enuers les Roys de France, & affaires plus vrgentes de leur Estat.

Arrest donné
en la chambre
Imperiale de
Spire, contre
le Marquis de
Turlach, en
faueur de ses
nepueux les
enfants du
Marquis E-
doüard.

Aussi ledit sieur Baron de Tilly ayant cy-deuant rauagé le païs du Marquis de Baden dict Turlach, & inuesty de ses terres apres la reduction de la ville de Spire à l'obeïssance de l'Empereur, & le serment presté par les habitans & la bourgeoisie à sa Majesté Imperiale, entre les mains dudit sieur de Tilly, fut à l'instant prononcé arrest en la chambre Imperiale dudit Spire, en presence dudit sieur de Tilly & de tous les officiers dicelle, contre iceluy Marquis de Baden, par lequel estant déclaré profcrit & mis au ban de l'Empire, fut en outre priué de tous les biés, estats & seigneuries appartenans principalement aux enfans du feu Marquis Edoüard son frere, refugiez en la ville de Bruxelles, ausquels ledit Marquis de Baden auoit rauy l'heritage de leur pere, priuant ainsi ses petits nepueux du bien qui leur appartenoit, dont il fut exclus, & iceux enfans remis & reintegrez aux estats & biens patrimoniaux de leur pere, par la teneur dudit arrest.

Aussi sur la fin de Septembre dernier, l'Archiduc Leopolde estant cy-deuant entré dans l'Engadine païs des Grisons, comme a esté remarqué cy-deuant, avec quatre regimens d'infanterie Allemande & quelques Bourguignons, se saisit de la dite droicte Engadine & du Mayensfeld, mit à mort plus de seize cens

ames Grissonnes, qui auparauant en auoient chassé les Catholiques : reprit la ville de Coire sur lesdits Grisons, y reſtablit l'Eueſque qui en auoit eſté chassé avec les Catholiques, & y mit pour Gouverneur le Capitaine Balderon, en chassa furieusement les Suisses qui s'estoient liguez pour lesdits Grisons pour la conseruation de leur païs, & les contraignit de se retirer à Zurich, Basle & Berne, en leur faisant besoin de songer dauantage à leur conseruation, qu'à preſter ſecours & aſſiſtance à leur freres Grisons, ſur les menaces que leur a fait ledict Archiduc Leopolde, de les aller aſſieger en leurs villes, & ietter 12. mille Coſaques Polonois dans leur païs, de ſorte que ſur cette apprehenſion ils ont prié le Duc Vvirtemberg de leuer en ſon païs cinq mille hommes pour mettre en garniſon dans leurs villes, ce qu'il leur a permis. Cela meſme a mis la puce à l'oreille de ceux de Straſbourg, eux qui ſe ſont monſtrez ennemis de l'Empereur, & ont fait entrer deux mille hommes de garniſon dans leur ville, à l'imitation de ceux de Basle leurs allies, contre les deſſeins de Leopolde & de Tilly.

Cependant l'Archiduc Leopolde ſe fortifie dans l'Engadine, & s'eſt faiſi de toutes les auenuës des Liges Griſes, au moyen des forts qu'il y fait conſtruire, rendant par ce moyen les paſſages inacceſſibles, & donnant en ce faiſant, de quoy penſer aux Suisses Proteſtans, qui voyans que les cantons Catholiques ont iuré ligue offenſiue & deſenſiue avec ledit Archi-

1622.

Griſons & Suisses challez des trois ligues par l'Archiduc Leopolde.

Retraicte des Suisses.

Muniſſent leurs villes cõtre les menaces de Leopolde.

Leopolde ſe fortifie aux Griſons.

1622.

due Leopolde, & avec le Gouverneur de Milan, sans offencer toutefois l'alliance de France, qui seule a esté preferée à toute autre: mais celle de Venise méprisée, sont presque sur le point de faire la même pour se pouvoir conseruer.

Gens de guerre enuoyez en la Valtoline.

Le Gouverneur de Milan qui y a fait entrer trente-sept compagnies de gens de pied pour l'assurance de toute la Valtoline, dans laquelle il est impossible maintenant de pouvoir entrer, tant à cause de vnze grands forts qu'il y a fait bastir, que pour l'incommodité des neiges dont ce pays abonde dès le milieu de l'Automne iusques au mois de May, n'y ayant que six semaines de temps en toute l'année, qui sont au plus chaud de l'Esté, pendant lesquelles on y peut entrer: mais encore par des aduenues si estroictes, & par des chemins serrez entre des montaignes tellement difficiles, que deux cens hommes de guerre pourroient y disputer & empescher l'entrée à vne armée de dix mil hommes.

Le Turc renouelle ses alliances.

Nous apprenons aussi tout d'un même temps, que le Sultan Mustapha grand Seigneur de Turquie, se voyant à la veille d'un trouble general en son Empire, le grand Bascha du Caire faisant mine de se vouloir rebeller, & en tirer plusieurs autres à son exemple, craignant de perdre le propre pour l'appellatif, a enuoyé ses Ambassadeurs de toutes parts vers les Princes & Republiques estrangeres, tant Chrestiens qu'autres, tant pour renouer les alliances, que pour renouveler les trefues, pa-

chès & traitez qu'il a avec eux.

De nouveau, il en est arriué vn vers l'Empereur à Vienne pour confirmer la paix avec sa Majesté Imperiale, & comme il est venu avec vn train magnifique; aussi a-il esté receu de la part de sadiète Majesté Imperiale fort splendidement, & magnifiquement honoré de dōs & de presens.

De là, sa Majesté Imperiale s'est acheminée en la ville de Ratibone, où la dierte generale de l'Empire est assignée; & où se doiuent rendre tous les Eslecteurs & officiers de l'Empire; pour là ensemble resoudre des moyens de reestabli l'empire en sa splendeur, & y establi la paix, terminer les differens des Princes & estats qui en dépendent, & finalement y conclure de la demission ou reestablisement du Palatin en ses estats, païs & dignitez: comme aussi d'Alberstat touchant la succession du feu Duc Bronsuic son frere, de sa proscription, & du different meu entre luy & le Duc de Lunebourg son competeur, ainsi qu'il a esté dit.

On escrit d'Espagne que sur le commencement d'Octobre, l'armée nauale du Roy Catholique s'est opposée à la flotte des Hollandois qui vouloit passer le destroit de Gilbratar avec vn gros de vaisseaux qu'ils auoient fait, & que ja il s'est rendu quelque combat, où d'abord les Hollandois repousserent les Espagnols iusques dans le destroit de Caliz: mais puis apres les Espagnols donnent la chasse aux ennemis avec grand perte & dommage.

Du depuis on a mandé d'Espagne, qu'outre

1622.

Enuoye vn
Ambassadeur
vers l'Empe-
reur.

Ouverture de
la dierte ge-
nerale de
l'empire à Ra-
tibone.

Combat na-
ual fait entre
les Espagnols
& les Hollan-
dois au de-
stroit de Gil-
bratar.

1622.

les vaisseaux cy-deuant enuoyez en Flandres, la Majesté Catholique tient encore vne flotte toute preste à partir pour ioindre la premiere, dont les Hollandois sont en grande allarme, comme chose qui les touche & importe grandement: Et est à remarquer, que comme les Anglois à l'arriuée de la premiere sur les costes de Cornuaille du costé de Pletmuts, s'estoient allarmez, & auoient muny leurs hautes de canons, munitions & gens de guerre, ne sçachant à quel dessein le Roy d'Espagne enuoyoit ceste armée nauale; du depuis le serenissime Roy de la grand' Bretagne ayant esté asseuré du rendez-vous qu'alloit prendre ceste flotte Espagnole, fit cesser l'apprehension & la jalousie que le peuple d'Angleterre en auoit pris, enuoya bien-veigner les chefs de ladicte armée, & en faueur de sa Majesté Catholique, fit porter toutes sortes de viures & de rafraichissement à ladite armée.

Aussi est-il à noter que ladite armée nauale d'Espagne, trauersant les costes de France pour gagner celles d'Angleterre, fut rencontrée par quelques vaisseaux de l'armée nauale du Roy, comandée par monsieur le Duc de Guyse, lesquels, quoy qu'inférieurs en nombre d'hommes & de munitions, ne laisserent pas de faire baisser les armes & guidons des masts desdits nauires & vaisseaux Espagnols, ce qu'ils firent librement & sans contrainte, recognoissans qu'ils estoient sur les costes de France, où tout honneur doit ceder à celuy qui appartient à sa Majesté tres-Christienne.

Flotte d'Espagne
baisse
la baniere à la
coste de France.

l'entre-

s'entre-saluant à coups de canon apres s'estre recogneus & s'estre asseurez du dessein de part & d'autre, voyla ce qui s'est passé sur les mers iusques à present de plus memorable entre les Princes & Estats Estrangers.

Nous auons parlé cy deuant de la reduction de Manhein entre les mains du Baron de Tilly, mais nō de la forme en laquelle ceste place s'est soumise à l'Empereur. Ledit Baron de Tilly, ayant receul'ordre du Duc de Bauiere, & ice-luy Duc de l'Empereur, pour reduire à son obeyssance le reste des places du bas Palatinat, pour disposer du total, soit au reestablissement du Prince Palatin, ou pour l'exclusion entiere de sa personne hors del'Empire, ainsi qu'il sera aduisé à la prochaine Diette generale qui se va tenir à Ratisbonne: apres auoir pris la ville d'Hildelberg par force, par l'opiniaistreté des soldats Anglois & Allemands qui estoient dedans, Manhein fut inuesty par les Bauarrois, & s'estans emparez de la ville, restoit le Chasteau où il ny auoit pas peu de trauail, estāt reputé pour la meilleure forteresse de tout le palatinat: & ledit sieur de Tilly se contentant de la tenir bloquee de toutes parts asseuré qu'il estoit, qu'il n'y pouuoit arriuer aucun secours, ny de viures ny de gens de guerre, eut la patience d'attendre la resolution des assiegez.

Là dedans estoit le Colonel Vver Anglois, avec 1200. Anglois en garnison, où estoiet la pluspart des richesses du Palatinat, cōme d'Hildelberg, Vvormes, Franckendal & autres lieux depuis la retraicte du Palatin: ledit Vver

1622.

considerant qu'il estoit impossible sans assistance de pouuoir conseruer ceste place, fait proposer au Baron de Tilly vne capitulation auantageuse pour luy, pour la redditiõ de Manhein, ledit sieur de Tilly luy accorde encore plus auantageuse qu'il ne desiroit, & en faueur de sa Majesté Serenissime d'Angleterre, luy faict ceste partye honorable moyennant laquelle ledit Vver luy liura la forteresse de Manhein, en ceste sorte.

Articles de la I. Sortirent dudit Manhein quatorze compagnies Allemandes de gens de guerre, avec capitulation. dix Compagnies Angloises, à la teste desquelles estoit le Colonel Vver, avec quelques pieces d'artilleries, armes, cheuaux, bagages, tambour battant & la meche allumée.

II. Mil cheuaux furent choisis dans l'armée du Barõ de Tilly pour leur faire escorte iusques à Francfort & es pays de Hanau, lieux où demanderent à se retirer lesdites troupes attendans vn autre ordre.

III. Le Barõ de Tilly leur fit emporter deux cens muids de farines à la mesure du pays, & quantité de vins pour nourrir lesdites Compagnies esdits lieux de leur retraicte pour eüiter le degast & la surcharge des payfans.

IV. Il leur fit fournir quantité de chariots & charettes pour emmener leurs malades & bagages.

V. Toutes ces choses leur furent octroyees de la sorte par le General de Bauiere, apres la protestation que fit ledit Colonel Vver de ne reprendre à l'aduenir les armes contre l'em-

percur, & estant fortý de ladite forteresse de Manhein, ledit sieur de Tilly en prit possession, & furent trouuez en iceluy 85. pieces de canó, quinze mil fondriats de farines mesure dupais, & quantité de poudres & munitions de guerre pour vn long temps. Aussi y trouua on quantité de biens des villes prochaines, que le sieur de Tilly permit aux habitans de reprendre & emporter chacun selon qu'il luy appartenoit. De sorte que iamais Capitaine ne sortit d'une place avec vne composition plus honorable & auantageuse, que celle que fit au Colonel Vver ledit sieur de Tilly.

Maintenant ledit sieur de Tilly va porter la guerre dans le pays de Maurice Lantgraue de Hesse: Frankendal estant sur le poinct de s'accommoder avec luy.

Cependant la diette generale de l'Empire s'estant assignée à Ratibone au 25. Nouembre, où l'Empereur se doit acheminer en personne, comme dit est, les Electeurs Ecclesiastiques se sont ja mis en chemin pour s'y rendre des premiers, fors & excepté l'Archeuefque Electeur de Treues, qui est mal disposé, & ny peut cōparoistre que par Ambassadeurs. Le Duc de Bauiere y a desia enuoyé son bagage, comme aussi le Duc Electeur de Saxe, qui faict difficulté de s'y acheminer comme ne voulant y estre seul de sa religion avec les autres Electeurs & Princes Catholiques; toutefois il y a esperance qu'il y assistera en personne.

Le siege de Glats en Silesie s'est continué long temps par le Marquis de Montenegro

General del'Empereur passé depuis quelques mois en Allemagne, comme aussi par Dom Balthazar de Maradas: le ieune Comte de la Tour qui estoit là dedans avec quinze cens hommes y a faict de fort frequentes & furieuses sorties sur les imperiaux, & estoit fortifié en son courage, sur l'esperance qu'il auoit des promesses du vieil Comte de la Tour son pere, qui est aupres de Bethleem Gabor qui luy mardoit qu'il seroit bien tost proche deluy, avec le frere dudit Bethleem & vingt mil hommes de secours: mais tout cela plus par rodomontade que par effect, car cela luy est impossible, la paix se conseruant entre l'Empereur & ledit Gabor, & ce pendant faute de secours, le ieune Comte de la Tour a esté contraint de rendre la place.

On mande de Vienne que le nouveau Turc a enuoyé vn Ambassadeur à l'Empereur pour renoueler & confirmer la paix, ce qui a esté fait avec grande ioye & ceremonies dans la dite ville de Vienne; il a apporté de grands presens à l'Empereur de la part du grand Seigneur son maistre, & en a receu d'autres magnifiques de sa Majesté imperiale. Ce qui a meu le Turc à rechercher la continuation de ceste paix est la crainte qu'il a du trouble ciuil qui se multiplie de iour à autre en ses Estats, & du profit que le Persan en pretend.

*Fin de l'Histoire des affaires
Estrangeres.*



TABLE

DES CHOSES PLUS
memorables contenuës en la
suite de l'Histoire des Rebel-
lions & affaires estrangeres.

M. DC. XXII.

*Rauages du Comte de Mansfeld dans
l'Alsace, ou Euesché de Strasbourg.* 1.

Fait sommer la ville de Sauerne par vn trompette,
qui ne se veut rendre à luy: l'assiege avec son armée,
y fait conduire le canon de Haguanovv, la fait bat-
tre, fait bresche. Sortie des assiegez qui tuent les
siens & emmenent prisonniers. Trefue de dix iours
à l'instance de son Altesse de Lorraine: Sauerne se-
couruë. Degast de Mansfeld en la basse Alsace, de-
pité de n'auoir peu prendre Sauerne.

*Degast du Colonel Obentrach en Bri-
gaye.* 3.

Fait mettre à mort les garnisons de Leopold es en-
uiron de Brissach & Ensisheim.

*Ban de l'Empire publié contre Mans-
feld.* 3.

Troupes descenduës & enuoyées en Alsace pour
empescher les degasts de Mansfeld.

Traité de paix entre l'Empereur & Beth-

T A B L E

leen Gabor.

5.

Bertheen retire ses troupes de Moraue.

Articles du traité conclues à Niclasbourg.

ibid.

Traité des Silesiens avec les soldats du Marquis de Iargendorf.

7.

Comme il abandonna son camp : Necessité de viures en l'armée de Saxe en Silefie. Vvagstad en Silefie, attaquée par les Saxons : gaignent les fauxbourgs, surprennent & desarment quelques troupes de Iargendorf. Vvagstad rendu au Duc de Saxe. Terfin abandonné aux Saxons par le Comte d'Ottembourg.

Exploits des Bauarrois au bas Palatinat.

9.

Vtisberg pris par les Bauarrois, avec Elfant, Venning, Inthenhus, Muckembac, & autres lieux occupez par les gens de Mansfeld, Vvimphen pris par le Baron de Tilly.

Mariage entre l'Empereur & la Duchesse de Mantoue.

9.

Fut conduite par le Duc de Mantouë dans la grande Eglise de Mantouë pour recevoir les clefs de la ville, où elle fut espousée au nom de l'Empereur, son depart d'Italie, & son arriuée à Isburg, celebritez du mariage audit lieu, leur entrée à Vienne.

Le Roy d'Angleterre indigné de l'enuahissement du haut Palatinat.

10.

Sa lettre au Roy d'Espagne.

Guerre d'Alberstat en Vestphalie.

13.

Il assiege & prend Lippa Puis Zort Prise de Paterbron. 10. Neohull. Lipsbring, Brakel, Vvarbug, Berenrich, Sifec, Drigenberg, Amenebourg, ses cruautés exercées en Paterbron. ibid.

Reduction de la Ville de Iulliers.

13.

M. DC. XXII.

Responce du Gouverneur de Iuillers au trompette
du Marquis de Spinola. Articles de la capitulation.

Reduction de Iuillers. 13.

*Arrivée du Baron d'Anholt avec les trou-
pes de Cologne contre Alberstat.* 30.

Signes prodigieux apparus en Allemagne.

17.

Fut au Soleil couchant, sur Heildelberg & Stras-
bourg, apparition de 3. Soleils. Autres prodiges sur
Heildebeg. 41.

*Articles du traité entre les Grisons & les
Milannois.* 18.

*Lettre du Comte Palatin aux Eslecteurs,
Princes & Estats protestans.* 19.

*Exploits du Gouverneur de Neubourg
au Comté de la Mark.* 31.

Desbordement du Rhin. 32.

Ruines de Reimberg par le dégel des glaces.

Digues lachees devant l'Escluse. 32.

Pertes des munitions Espagnoles dans l'inonda-
tion des eaux.

Funerailles de l'Archiduc à Bruxelles. 34.

Ses pompes funebres fort magnifiques.

*Sedition en plusieurs lieux d'Allemagne
pour le fait des monnoyes.* 37.

Edict de l'administration de Magdebourg, tou-
chant le fait des monnoyes.

*Exploits de mer des galleres de Marseille
sur la mer de Midy.* 41.

Le sieur de Mantis en avoit la conduite: est attaqué
par six nauires de Barbarie, qui furent mis à fonds
par luy: leur perte faite devant Saragosse.

T A B L E

Ordonnance des Estats de Hollande contre les Prestres & Religieux Catholiques.

49.

A eux enioinct de vuidier de leurs Prouinces : De-
fence de faire instruire leurs enfans aux escolles des
Iesuites, & autres Catholiques.

Canonisation de cinq bien-heureux, faite a

Rome.

56.

Les preparatifs pour la canonisation de saint Ili-
dore. Relation des ceremonies principales qui se
furent à Rome sur ce sujet, avec les processions
generales & feux de ioye.

*Raisons des Grisons publiees contre les Es-
pagnols & Milannois.*

70.

Leurs plaintes, leur ancienne inclination à la Fran-
ce. Ambassade de monsieur de Bassompierre en Es-
pagne pour l'affaire des Grisons. Traicté de Ma-
dril, les articles d'iceluy. L'Archiduc Leopold
veut rauoir les terres qui dependent du Comté du
Tirol & les liguees Grises. Attaque la 3. ligue qui est
diuisee en 8. droictures Alliance ancienne des Gri-
sons avec la France, confirmee & renouvellee de
temps en temps. Plaine contre le Gouverneur de
Milan. Milannois desfaicts à Chauenne. Preten-
sions des Grisons sur les garnisons Milannoises.
Comté de Chauenne enuahie par le Gouverneur
de Milan. Grisons traictent avec les Milannois.
Puis se reuoquent, disent que le Gouverneur de
Milan leur a fait renoncer à la Valtoline. Paix des
Grisons fort sterile & sauage: De quelle impor-
tance il est au Roy d'Espagne: Il preiudicie fort à
la France. Traicté de Madril, & ce qu'il porte. De-
fence des Espagnols contre les raisons des Grisons:
Implorent secours de la France. Massacre commis
par les Grisons sur les garnisons Catholiques de
Mayensfeld. Articles passez entre l'Archiduc Leo-
polde & les habitans de la Rerigoye, Capucins mas-

M. DC. XXII.

sacrez par les Grisons: Chastiment sur les Grisons
par les milannois.

Retour du Prince Palatin au bas Palatinat. 96.

Escrit de Landau à Mansfeld, qui luy va au deuant.
Reproche du Palatin fait au sieur de Rauille Ambassadeur de Bruxelles. Protestation du Marquis de Turlach faire en sa Chancelerie, son dessein fort remarquable, ses menaces contre le Duc de Wvitemberg: Preparatifs de guerre à Heilbron pour le Palatinat. Le Palatin à son arriuee au Palatinat, veut attaquer le Baron de Tilly. Mansfeld se sauue d'une ville il où mit le feu. Miracle d'un soldat muet qui parle, donne aduis aux imperiaux de retourner au combat avec les Protestans.

Resolution du Baron de Tilly & de Dom Gonçalves de Cordoia, pour attaquer l'armee du Marquis de Turlach. 103.

Armée de Turlach bien barricadée, nombre de ses troupes: Etcarmouches, bataille, victoire remportée par les Imperialistes: les prisonniers, perte du costé des Imperiaux: prisonniers de guerre pris sur les ennemis. Chariots gaignez avec leur bagage, drappeaux, mortiers, canons, viures, argent, batteau. Dom Gonçalves de Cordoia en danger en ce combat. Valeur du sieur de Tilly: Cry des Imperiaux. Estime de la perte du Marquis de Turlach. Courage & bon-heur de Dom Gonçalves. Colonel Baur pris par les ennemis, pris & recoux. Capitaines Imperiaux tuez & blesez: Fuite du Marquis de Turlach.

Histoire tragique de la mort du grand Turc Sultan Soliman. 113.

Il fait publier son voyage de la Meque: fait amas de tous ses tresors & les veut emporter. Murmure à Constantinople sur ce voyage. Lettre du grand Seigneur au Bacha du grand Caire. Communique son

T A B L E

dessein à ses fauoris. Cry des soldats parmy Constantinople, vont assieger le Serrail: Le grand Seigneur leur parle au trauers d'un treillis: Responce insolente d'un soldat. Replique du grand Seigneur. Reuoque son voyage: Les soldats demandent les restes de ses fauoris: Cherchent Sultan Mustapha son oncle pour le faire Empereur. Il ne veut prendre le breuage qu'ils luy presentent: Est proclamé Empereur Ses apprehensions grandes Declare le vœu qu'il a fait: Fait offrir de l'argent aux soldats. Se faisoient de Sultan Soliman. Parole insolente que luy iette un soldat: Est mis dans un meschant chariot, est conduit en prison, priere qu'il fait aux soldats de l'estrangler. Nouveau grand Vizir luy est enuoyé de la part de son oncle pour luy prononcer son arrest de mort. Fait sa priere Sa mort. On luy coupe vne oreille pour porter à Sultan Mustapha afin de l'affeurer de sa mort. Ses funeraillles sans conuoy.

Lettre d'un Gentil homme de monsieur de Cezzy à monsieur le Duc de Guise sur cette mesme mort du grand Turc.

133.

Armée du grand Seigneur pour aller en Asie Ligue des soldats contre le grand Seigneur. Vices de Sultan Osman, son auarice: son songe auant sa mort.

Proiets du Marquis de Turlach avec les Venitiens pour le fait de la Valtoline, contre l'Archiduc Leopold de & les Milannois.

144.

Nouveau secours enuoyé au Tirol par Leopold. Offres du Gouverneur de Milan touchant la Valtoline.

Armement nouveau du Roy d'Espagne, tant sur mer qu'en Flandres.

145.

Equippage de mer de 420. voiles au destruit de Callez, pour empescher le retour des Holandois. Vieilles garnisons tirées des places en Flandre. Nombre

M. DC. XXII.

des troupes du Marquis Spinola.

*Hagnano assiegee sur Mansfeld par
l'Archiduc Leopold.* 146.

Armée du Palatin & de Mansfeld s'approchent pour luy faire quitter le siege Leopold le leue n'estant assez fort. Fait perte de quelques munitions de guerre qu'il n'eust loisir d'emporter. Se retire à Drusenhein sur le Rhin. Nouveau secours de 8000. hommes de pied & 1200. chevaux de Boëme, sous la charge de Guillaume Verdugo. Renfort nouveau enuoyé par le Duc de Baviere au sieur de Tilly.

*Ordre donné au Comte Henry de Bergh,
d'aller au deuant des Hollandois entrans en
Vestphalie.* 148.

Enuoye le Commissaire general de la cavalerie du Roy d'Espagne au Baron d'Anholt, avec toute sa cavalerie pour se joindre à la ligue des Princes Catholiques, & empescher le secours d'Alberstat.

*Arrivée du comte Sunartsbourg d'Angle-
terre à Bruxelles.* 148.

Fut sept iours en tourmente sur mer: fut traité splendidement en Angleterre.

*Charles Vviston Ambassadeur d'Angle-
terre à Bruxelles.* 149.

Conference pour la paix du Palatinat commencée. Offres du Roy d'Angleterre. Demande qu'on restituë son gendre. Esleuteurs Catholiques poussent à la surseance d'armes.

*Continuation de la guerre en Vestphalie
contre Alberstat.* 149.

Sa fuite vers le bas Palatinat. Quitte les Eueschez de Paterbron & de Munster. Lippe, Vana, & quelques chasteaux repris sur luy par le Commissaire general de la cavalerie d'Espagne.

T A B L E

Ambassadeur d'Espagne arrivé à Bruxelles.

150.

Le Marquis Spinola ne luy alla au deuant: Eust peu de suite allant à l'audiance.

Rauages & bruslemens du Comte Henry de Nassau, & des Hollandois dans le pays de Brabant.

150.

Firent payer aux habitans les contributions deues depuis la cessation des trefues. Firent contribuer Asicot. Trouble grand à Bruxelles, Louuains & Malines pour ce degast: On murmure contre le Marquis Spinola, qui n'y donna ordre necessaire. Abbayes ruinées, & grand nombre d'Eglises bruslées. Arriuée du Comte Henry de Berghe avec ses troupes, mais trop tard.

Armement du Marquis Spinola.

154.

Avec son armée vers Mastrich. rebrousse chemin vers Bruxelles, & enuoye ses troupes du costé de Breda.

Stedumbergen prise par le Marquis Spinola, sur les Hollandois.

154.

Fut aussi tost renduë qu'attaquée.

Commencement du siege de Berghe sur Zoom, par le Marquis Spinola.

155.

Est inuestie par le Comte de Salasar: rendez-vous du Marquis au camp avec ses Capitaines. Berghe combien importante au pays de Brabant. Demie lune gaignee par les assiegeans: Sortie faite le iour de la Magdelaine, sur le quartier des Italiens, mais avec perte de 300 des assiegez: Mort du sieur du May l'un des chefs des tenans. Comte de Candale dans Berghe au service des Hollandois: Forces du Marquis Spinola deuant Berghe: Renforcee de quatre mille Anglois & Irlandois.

Exploits du Comte Henry de Berghe

M. DC. XXII.

contre les Hollandois au Duché de Cleues.

156.

Leur deffait 4. cornettes de cauallerie, & leur prend quelques chasteaux

Desloyauté grande du Palatin contre le

Lantgraue Louys Darmestat.

157.

Fait prier ledit Lantgraue de luy donner passage par son pays. S'empare de son pays & de sa ville Capitale qu'ils pillent Prennent ledit Lantgraue prisonnier avec son fils : Maurice Lantgraue de Hesse pris pour sa deliurance. Malice dudit Lantgraue Maurice contre Louys Lantgraue son cousin : Son dessein avec le Palatin, Mansfeld, Alberstat & Turlach.

Deffaicte de l'arriere garde du Palatin & de Mansfeld retournant de Darmestat, par le Baron de Tilly.

159.

Estime de la perte qu'ils firent en cette charge. Seigneurs Caluinistes prisonniers. Mansfeld se sauue dans Manhein Le Palatin courut risque d'estre pris. Perte qu'y firent les Imperiaux.

Arrivée des troupes de Boëme au bas Palatinat.

161.

Se targent en Franconie pour empescher le passage aux troupes d'Alberstat, qui y vouloit descendre.

Places reprises sur Alberstat en Vestphalie par le Colonel Henry de Berghe.

162.

Reprise de Paterbron, de Ham occupée par les Hollandois. Cruautéz d'Alberstat dans l'Archiduché de Cologne.

Alberstat & sa deffaite.

164.

S'approche de Francfort pour passer le Mein. Fajt un pont à Hoeslt Arrivée du Baron de Tilly, de Dom Gonzales de Cordoia, & des troupes de Boëme, pour l'empescher de passer. Premières escar-

T A B L E

mouches à coups de canon. Ordre de la bataille donnée Victoire des Imperiaux. Perte que fit Alberstat. quantité de noyez & prisonniers. Alberstat se sauue à la nage au Palatinat : Estime de cette bataille. Deuise d'Alberstat.

Ouverture de la conference de Bruxelles pour la trefue du bas Palatinat. 167.

Commissaires de l'Infante pour traicter avec les Ambassadeurs d'Angleterre, & Agens du Palatin: Quantitez de difficultez se presentent pour tenir cest affaire en longueur: Ce qui se proposa de part & d'autre. Comte de Suartzbourg Ambassadeur d'Angleterre veut se retirer. Deputez du Palatin & de Mansfeld à Bruxelles, causent la surseance de la conference.

Port reconnu en Flandres, entre Grauelines & Dumkerque. 169.

Resolution pour s'en seruir. Canon mis dessus: Importance d'iceluy. Vaisseaux Hollandois proche Calais, coniecture sur leur dessein. Comte d'Argel & Baron de Vaux chefs du secours de 4000. Anglois allans pour l'Infante. Poursuite du fort deuant l'Escluse.

Allarme nouvelle en Brabant par les Hollandois. 170.

Diuertis du costé d'Emmeric par le Comte Henry de Berghe. Course & modestie de Iean de Nassau aupres de Breda.

Retraicte des gens d'Alberstat apres sa deffaitte. 172.

Surprennent Rodelhein, puis reprise par le Commissaire general de la cauallerie d'Espagne.

Troupes puissantes veulent fondre au Palatinat contre les Protestans. 172.

Celles de Boëme, de Croatie & Morauie, autres du Duc de Bauiere Cosaques de Pologne. Troupes

M. DC. XXII.

du Comte Holstein. L'armée de Leopolde & de Montenegro. Veulent donner bataille aux Protestans. Armement du Duc de Saxe pour garder ses frontieres. Armement de l'Éuesque de Vvirstbourg pour les Catholiques. Nombre de l'armée du camp Imperial. Armée du Palatin campée entre Frankendal & Mansein. Deputez vers les Princes d'Alemagne de la part de l'Infante. Forces des Protestans auant leurs deffaites.

Diette Generale tenue en Hongrie entre l'Empereur & les Estats. 176.

Terminée avec contentement de part & d'autre. Serment des Hongrois renouuellé à l'Empereur. Articles accordez en ladite diette au Colonel Curso fait Palatin d'Hongrie.

Couronnement de l'Imperatrice pour Royne de Hongrie à Presburg. 177.

Elle y fit son entrée, est honorée de presens par Bethleen Gabor, les Estats du Royaume luy font presens, & luy presentent serment.

Flotte Hollandoise attaquée au destroit de Gilbatar, par les vaisseaux d'Espagne. 177.

Sauuent ce qu'ils auoient de meilleur en quelques vns de leurs vaisseaux, & mettent le feu aux autres. Pescheurs Hollandois rencontrez sur les costes d'Ecosse par trois vaisseaux d'Oostende. Port d'Oostende, & l'estime qu'on en fait. Autres pyrates Hollandois attaquez par les vaisseaux de Donquerque.

Adionction d'Alberstat avec le Palatin & Mansfeld, apres sa deffaiete. 179.

Leur chante mille iniures pour ne l'auoir secouru.

Retraicte du Palatin à Sedan. 179.

Quitte le Palatinat & son armée. Places du Palatinat laïcées en garde aux Anglois. Reconciliation entre Mansfeld & Alberstat: deliberent de quitter l'Allemagne.

T A B L E

*Dessain & arrivée du Comte de Mansfeld
du costé de France.* 180.

Dessains du Duc de Botuillon : Mansfeld & Alberstat abandonnent Hagnauou. Passent en Lorraine. Le Duc de Lorraine surpris, les entretient de viures quelques iours : quittent la Lorraine, approchent la frontiere de France. Dom Gonçalves de Cordoüa avec son armée, entre en Luxembourg pour empêcher les courtes de Mansfeld. Dom Gonçalves prend Neustat au Palatinat auant que d'en sortir.

*Ranages du sieur de Tilly & des Banarrois
dans le pays de Turlach.* 181.

Fait bloquer Heidelberg.

Arrivée de Leopulde à Hagnauou. 182.

S'informe des auteurs qui auoient liuré la place à Mansfeld. Polonois & Cosaques font passer leurs chariots au pont de Strasbourg. Aduance de Dom Louys Sylua avec ses troupes pour aller ioindre Cordoüa au Luxembourg.

*Retraicte de Mansfeld & d'Alberstat
hors les frontieres de France avec leur armée.* 183.

Passent en Flandres par la Tyrache, entrent au pais de Haynaut. Cordoua se diligente pour leur couper chemin. Combat avec Mansfeld. Perte pour les Espagnols. Autre combat où fut perte grande pour Mansfeld. Prisonniers pris sur Mansfeld. Vn Duc de Saxe Veymar prisonnier. Blesseure au bras d'Alberstat. Enseignes & cornettes gaigées sur Mansfeld. Deuises des drapeaux de Mansfeld & d'Alberstat. Infanterie de Mansfeld entierement deffaitte.

*Estargissement des Catholiques Anglois
en Angleterre.* 188.

Peuple Anglois autrefois fort pieux. Leurs etuanrez modernes. Lettre du Roy d'Angleterre à son

Chancelier pour ledit eslargissement. Lettre du Chancelier d'Angleterre au Iuges des assises & circuits du Royaume sur ce subject. defences aux Ministres Anglois de precher contre la Religion Catholique Liberté des liures Catholiques en Angleterre. Predications du pere Ange de Raconis en Angleterre.

Retraicte de Mansfeld & d'Alberstat dans Breda.

193.

Nombre des gens de guerre que Mansfeld mena aux Hollandois.

Histoire de la vie , mœurs , desbauches , guerres, exploits & cruautex d'Alberstat.

193.

Sa fuite : Comment Euesque d'Alberstat , sa desbauche. Va en Hollande avec le Palatin. Resolution prise à la Haye pour reconquerir le Palatinat. Alberstat retourna en Allemagne pour armer. Est assisté de plusieurs libertins. Rauage les terres de son frere: Les villes Anstatiques & les Ducs de Bre-me & de Lunebourg luy enuoyent des troupes. Armement des Princes Catholiques contre luy: Est chassé de Vvestphalie. Duc Eslecteur de Saxe arme pour luy empescher l'entrée de son pays. Arriuée des troupes de Boeme sous la charge du Colonel Verdugo contre luy, Prend, puis quitte par force Amenebourg, surprend Zoest, & autres places dans l'Archiduché de Cologne. Ses cruautex inouïes. Iesuistes prisonniers entre ses mains. Sa deuise insolente. Resolution à Bruxelles pour l'attaquer. Est battu & poursuuy par les Croates. Armement du Duc de Neubourg. Altez & Luschins pris sur les Hollandois par son Gouverneur. Geesche assiégué par Alberstat, perte qu'il y fait. Comte Henry de Berghe passe contre luy en Vvestphalie, assiege Ham & Lunen. Alberstat renfermé dans Liptat, par le Baron d'Anholt. Zoest & Paterbron repris par le Comte Henry de Berghe, & le Baron d'Anholt. Sig-

T A B L E

ge de Ham commis au Commissaire general de Cologne. Retour du Comte Henry de Bergh vers Vesel contre le Prince d'Orange Luxure abominable d'Alberstat: Hoech surpris par luy pres Francfort. Fait faire vn pont sur le Mein où il estoit deffaict.

Troupes de Strasbourg deffaictes par le sieur de Tilly, allans se ietter dans Haganao
209.

Leur Colonel Pape pris prisonnier. Strasbourg menacé.

Traicté particulier de ce qui s'est passé sur la frontiere de France, entre le Comte Mansfeld & monsieur de Neuers. 210.

Allemands protestans ont tousiours secouru les rebelles de France. Armée de Mansfeld & d'Alberstat de combien d'hommes. Le Palatin les remercie de leur assistance. Promesse du Duc de Bouillon faite à Mansfeld. Voyages de Sedan à Mansfeld. Monsieur de Neuers s'achemine à Châlons. Conseils differens pour remedier contre Mansfeld. Prudence de monsieur de Neuers. Resolution d'armer contre Mansfeld. Le Duc d'Angoulême s'offre d'obeyr à monsieur de Neuers. Armement des Ducs de Montbason & de Chaulne. Offre du Duc de Belle-garde. Mansfeld preuient cet armement de France. Monsieur de Neuers le fait subsister par article. Mansfeld cherche à employer son armée. Espagnols redoutent l'armée de Mansfeld. L'Infante enuoye vers luy. Offres du Palatin à Mansfeld. Refoud de passer en France. Monsieur de Neuers enuoye sçauoir son intention, choisit le sieur de Montereau pour y aller, qui le dissuade de sa resolution. Les inconueniens qu'il luy propose. Mansfeld preste l'oreille aux discours du sieur de Montereau. Demandes de Mansfeld, promet ne passer, attendant la responce du Roy. Monsieur de Neuers loué de sa prudence. Fait fournir du bled à

M. DC. XXII.

Mansfeld. Le Duc de Boüillon conseille à Mansfeld d'assiéger Mouson. Le sieur de Montereau retourne trouver Mansfeld qui faussoit sa promesse. Fait rebrousser son avantgarde. Va à Sedan où il est mal receu du Duc de Boüillon. Cause du desordre. Pour parler entre le Duc de Boüillon & Mansfeld. Alberstar se separe d'avec Mansfeld, mutinerie en leur camp Rethelois rauagé. Mansfeld donne ostage au Comte de Grand-pré. Tâche de demembrer son armée. Les promesses qu'il luy fait. Preuoyance grande de monsieur de Neuers. Vnion iurée entre les Ducs de Neuers & d'Angoulesme. On veut moderer les pretentions de Mansfeld. Le Comte de Grand-pré se laisse aller à ses dilcours. Deslogement de Mansfeld. Demande l'argent qu'on luy auoit promis. Armée du Roy & sa puissance. Mansfeld voyant l'armée du Roy pres de luy, met son canon dans Sedan, brusle les chariots & se retire. Monstre de l'armée du Roy. Offre fait à Dom Gonzales de Cordoua par monsieur de Neuers.

Discours de ce qui s'est passé à Breda entre les Estats & Mansfeld. 234.

Gens de Mansfeld inaccoustumez à l'obeyssance. Mansfeld demande aux Estats ce qu'ils luy ont promis. Bras de fer fait à Alberstar à Breda. Debonnairété de l'Infante enuers les soldats de Mansfeld qui se retirèrent.

Princes Catholiques & Ecclesiastiques de l'Vnion en Allemagne, enuoyent secours à l'Infante. 237.

Arrivée du Baron d'Anholt en Flandres avec troupes, du Comte de Holstein, & d'un Duc de Saxe, aussi avec troupes contre les Hollandois.

Siege du fort de Phaffemmys pres de Cologne, par le Duc de Neubourg. 238.

Fort occupé par les Hollandois. situé dans vae ille sur le Rhin, nombre de la garnison. Troupes & forts du Duc de Neubourg le tiennent bloqué.

T A B L E

Exploits du sieur de Tilly au bas Palatinat.

239.

Spire se rend entre ses mains, y fait son entrée.

Vvormes sommée par le sieur de Tilly. 240.

Est menacé de siege, demande la seule obeysance.

Vvormes pense à sa conseruation, y donne entrée au sieur de Tilly.

Heildeberg inuesty par l'armée de Baui-

re.

240.

L'Ambassadeur d'Angleterre insiste à Bruxelles pour la conseruation du reste des places du Palatinat. Raisons contraires. Heidelberg serré de pres. Sa situation, la bourgeoisie est sommée par le sieur de Tilly. Responce du Gouverneur de la Ville. Le sieur de Tilly la fait battre, y fait donner l'assaut, est prise de force. Anglois tuez. Chasteau s'opiniastre, mais en vain. Tuerie & massacre commis en ceste prise. La Messe celebrée dans Heildeberg.

Manheim assiéé par le sieur de Tilly. 243.

Armée de Leopold en Tyrol. 244.

Renuoye Montenegro en Franche-comté. Entre dans le pays des Grisons, reprend Coire. Entreprise des Venitiens. Massacre des garnisons Grisonnes. Mayensfeld repris par Leopold. Retraicte des Suisses. Argent enuoyé au Gouverneur de Milan par le Roy d'Espagne pour faire la guerre en la Valto-line. Resolution d'iceluy pour conseruer ceste vallée.

Comte de la Tour le ieune, joint avec Iagerndorf dans Glaly en Silesie. 246.

S'y fortifient, y sont assiegez par les troupes del'Electeur de Saxe. Ont sollicité le Turc d'armer contre l'Empereur, mais en vain.

Trouble nouveau à Constantinople. 246.

Diuision entre les Bachas & les Ianissaires. Ceux de Damas & de Babylone ont refusé les nouveaux Bachas.

Berghe

TABLE

*Berghe sur Zoomqund reduicte aux Hol-
ndois.* 248.

Faites de Dom Jean d'Austriche. Assiegée par le
Prince de Parme, en vain l'an 1586 Ses fortifica-
tions nouvelles. Canal garny de forts & redoutes.
La garnison y entretenue. Fortification du Marquis
Spinola au siege d'icelle, ses batteries, ses logemens,
ses attaqués. demie-lune gagnée sur les assiegez.
Fait un poyst sur le Brabant pour ce siege. Armée
de Dom Gonçales de Cordoua en ce siege.

*Nouveaux exploicts de guerre aux pays
des Grisons par l'Archiduc Leopold.* 308.

Se saisit de la droicte Engadine & du pays de
Mayensfeld. Il chasse les Grisons & les Suisses qu'il
y trouua armez. Reprend la ville de Coire, y resta-
blit l'Euesque, y met le Capitaine Balderon pour
Gouverneur: les menaces qu'il fait aux cantons de
Zurich, Basle & Berne. Prient le Duc de Vvirtem-
berg, de les laisser leuer quelques troupes en son
Duché.

*Strasbourg apprehende les armes de l'Em-
pereur.* 309.

Se sont monstrez ennemis de l'Empereur: ont mis
garnison en leur ville.

*Valtoline munie de gens de guerre par le
Gouverneur de Milan.* 310.

Forts faicts en icelle par les Millannois.

*Paix renouvellee entre l'Empereur & le
grand Seigneur.* *ibid.*

Son Ambassadeur arrive à Vienne, sa reception.

*Assemblée generale de l'Empire a Ratis-
bone.* 311.

Ce qui s'y doit traicter.

*Combat naval faict entre les Espagnols
& les Hollandois au deffroit de Gibraltar.* *ibi.*

M. DC. XXII.

Où les Hollandois eurent du pire.

*Forme de la réduction de Manheim. for-
resse du bas Palatinat.*

31

Colonel Vver estoit dedans avec ses Anglois, toutes les plus belles richesses des Palatinois y estoient gardées.

*Articles de la capitulation de Manheim
accordez audit Vver par le sieur de Tilly,
la réduction de la place.*

314

*Electeurs qui se trouuent à la diette de Ra-
tisbone.*

315

*Reduction du Chasteau de Glats en Silesie
à l'obéissance de l'Empereur.*

315

Le jeune Comte de la Tour fait composition avec
Dom Balthasar de Maradas Lieutenant de l'Em-
pereur.

*Fin de la Table du second volume
des affaires estrangeres.*

E622
mash
2

3

12861
Oct 26/20
Otto Lange



